



6



A C T A
CANONIZATIONIS
S A N C T O R U M

FIDELIS A SIGMARINGA, CAMILLI DE LELLIS,
PETRI REGALATI, JOSEPHI A LEONISSA,
ET CATHARINÆ DE RICCIIS.

Rev. Fr. J. F. Tudden

Schœnbeck

ACTA CANONIZATIONIS **SANCTORUM**

FIDELIS A SIGMARINGA, CAMILLI DE LELLIS,
PETRI REGALATI, JOSEPHI A LEONISSA,
ET CATHARINÆ DE RICCIIS.

V N A C U M

APOSTOLICIS LITERIS

SANCTISSIMI DOMINI NOSTRI

BENEDICTI XIV.

E T

VATICANAË BASILICAË ORNATUS


D E S C R I P T I O N E.



ROMÆ, MDCCXLIX.

EXCUDEBANT NICOLAUS, ET MARCUS PALEARINI
ACADEMIÆ LITURGICÆ CONIMBRICENSESIS TYPOGRAPHI.

S U P E R I O R U M F A C U L T A T E.





Voluntate Nostra, Ipo
Rege inconsulto Perlongi-
rificum Fidelissimi Tituli
Nos Ipsi excogitavimus.
Bend. XIV. P.M. in Alloc. habita
die 21. April. 1749.



Reges tanquam Catholica
Fidei Propagatores titulo
Fidelissimi Apostolica
Authoritate Insignitus.
Bend. XIV. P.M. in lit. Apost.
emanatis 23 Dec. 1748.



JOANNI V. LUSITANIÆ , ET ALGARBIORUM REGI FIDELISSIMO.

EMMANUEL DE AZEVEDO SOCIETATIS JESU.



UM librum de re divina a Summo
Pontifice BENEDICTO XIV. co-
piosissime sapientissimeque conscriptum tamquam
Scholæ Sacrorum Rituum primitias Majestati nun-
cuparem Tuæ , REX FIDELISSIME , id unum mihi

proposueram , ut aliquod qualemcumque demum id esset , meæ erga Potentissimum Lusitanæ REGEM servitutis , erga Munificentissimum litteratorum omnium Protectorem observantiae , erga Amantissimum Patriæ Parentem charitatis testimonium extaret . Graviter enim officio defuisse meo , si tot ac tantis a Te beneficiis ornatus perpetuo gloriosissimum nomen Tuum silentio in operibus a me editis involvisssem . Nunc longe aliam in hoc opere , quod sub Majestatis Tuæ auspiciis prodit , causam sequar , quam ut aliis , ita etiam Tibi vehementer probatum iri confido . Etenim cum illud mea cura typis editum BENEDICTO XIV. nomine Canonicorum Regularium Nationis Lusitanæ de me optime semper meritorum supplex offerrem , eumdem audivi hæc mihi mira benignitate dicentem : *Accipio munus gemino titulo meum , & quia a me profectum , & quia mihi redditum . Velim tamen , ut quemadmodum hoc mihi Tu alieno jussu tradis , ita idem ipsum Tu meo nomine ad REGEM FIDELISSIMUM mittas .* Quare etsi ego tenuitatis meæ conscius sim , quadam tamen dulcissima necessitate constringor , ut quem librum Sanctissimus Pontifex ad Te mittit , eumdem ego nomini inscribam Tuo .

Nec vero ulla me dubitatio tenet , quin hunc librum Tu ea animi voluptate excepturus sis , qua ceteri Reges munera omnium pretiosissima solent accipere . Nam Auctor rerum omnium , quæ in eo descri-

describuntur (describuntur autem perquam maximæ) Is est , qui sapientia , pietate , religione , certe risque virtutibus ita Prædecessorum suorum Romanorum Pontificum asseditus est laudem , ut eorum nemini cedat , cuius plurima semper , ac summa & in Te ipsum , & in universum genus nostrum pro merita constiterunt ; cui Tu non solum eximio in eum amore , verum etiam mutuis erga ipsum officiis nunquam non respondisti ; quem tamquam absolutissimum quoddam veteris disciplinæ exemplar consecutura sæculorum omnium æternitas intuebitur ; in quo denique colendo patriam Tibi sanctitatem constitutam esse voluisti . Liber vero ea continet acta sapientiæ eruditionisque plenissima , quæ in quinque Beatis Sanctorum numero adscribendis habita sunt ; ex quibus primum erit sapientiæ Tuæ omni doctrina tam sacra quam profana mirum in modum exultæ colligere ; quod mihi agendum sit in iis virorum sanctimoniacœ fama præstantium causis , quas in hac urbe tractandas meæ fidei concredere dignatus es .

Quanta autem tua sit religio , cum erga omnes Sanctos , quorum tibi Regnoque Tuо patronos esse voluisti , tum erga illos , qui inter Sanctos connumerati nuper sunt , vel ex eo intelligitur , quod honores eisdem publice decretos tanta tuis sumptibus magnificentia Ulyssipone celebrandos curasti , ut qui exteris ex nationibus ea in Urbe versantur (versantur autem pene innumeri) ii omnes uno eodemque ore fateantur , nihil aut ad Religionem illius trius , aut ad

pietatem accommodatius , aut ad Magnificentiam splendidius fieripotuisse ; novum id quidem mihi in communi omnium admiratione non accidit , utpote qui , Ulyssipone cum essem , eadem plane perspexerim pietatis ac munificentiae tuæ monumenta , quibus lætissimam Joannis Francisci Regis , & Vincentii de Paulo inter Sanctos cooptationem festa per octo dies celebritate , piaque Regiæ Majestatis præsentia es prosecutus .

Quocirca cum Tu res toto vitæ tuæ cursu ad Catholicæ Religionis gloriam , atque ad sanctæ Sedis dignitatem magis amplificandam præclarissimas gesseris consentaneum prorsus fuit & pene necessarium , ut quem Lusitaniæ Regem cunctis virtutibus , ac præcipue erga Deum , Cœlitesque pietate , erga Divinam legem religione , erga sacras missiones beneficentia , erga mortales universos liberalitate FENEDICTUS XIV. instructum ornatumque esse sciret , eundem ipse Apostolico Senatu probante , universaque Roma plaudente honorificentissima FIDELISSIMI REGIS appellatione ad tuos etiam Successores perpetuo transmittenda sponte sua insigniret . Si enim , quemadmodum olim Sebastiano Regi S. Pius V. honorifici alicujus tituli optionem dedit , sic parem tibi BENEDICTUS XIV. facultatem fecisset , eamdem tu , ac Rex ille secutus est , rationem tenuisses , ut oblatam tibi appellationem pro Christiana animi tui demissione constans deprecareris . Est enim viri humano fastigio

celsioris

celsioris virtutem ita diligere , ut in ea excolenda intimam ipsius honestatem , non extima ejusdem ornamenta requirat . Hoc BENEDICTUS XIV. cum cogitaret , responsionem antevertit tuam . Noverat quippe Pontifex sapientissimus , iis potissimum honores tribuendos , in quibus & meritorum dignitas emineat , & modestia ab honoribus optandis refugiat .

Merito igitur amplissimum hunc FIDELISSIMI REGIS titulum Lusitania nostra eo majori Tibi gaudio gratulatur , quo potiore ipsa jure eumdem ad te pertinere cognoscit . Ii quippe honores cæteris anteferendi sunt , qui non aulicæ adulatiōni , sed veræ virtuti , non e blanditis suffragiis sed rebus præclare gestis , non precibus , sed animo intra fortunam suam se continentī redduntur . Jam vero quānam & quanta sit FIDELISSIMI REGIS appellatio non ex aliis , quibus cæteros Reges Apostolica Sedes honestavit titulis , sed ex ipsa vocabuli , quam nemo non tenet , significatione , nobis est metiendum ; nam comparatio illa aliquibus fortasse molesta esset ; hæc ratio ab omnium offensione sejuncta est .

Ac mihi quidem divinas literas memoria repetenti unus dumtaxat occurrit Moyses ^a , quem FIDELISSIMUM in domo sua Deus ipse appellaverit . Sancto deinde Petro Apostolorum Principi ^b hunc eumdem titulum sanctus Joannes Chrysostomus imper-

titus

(a) *Num. 12. C. 7.* In omni domo mea Fidelissimus est .

(b) *S. Jo: Chrysost. serm. S. Petri apud Metaph.* Tu cum omni fiducia in manus Domini , assidue ei & ejus Sponsæ Ecclesiæ servisti ; qui ferventi spiritu Dominum dilexisti omnium Apostolorum Fidelissimus .

titus est. Porro utrumque ea appellatio mirifice decebat , propterea quod alter in veteri lege primus Populi dux^r , alter in nova primus Christi Vicarius a Deo renunciatus . Evidem crediderim BENEDICTUM XIV. similem in dissimili tamen ratione virtutum tuarum præstantiam tunc spectasse , cum egregia Tua merita universæ posteritati commendanda FIDELISSIMI REGIS appellatione remunerari decrevit . Hanc enim ipse benefici erga Te animi causam in suis literis profert quod *Maiestatem tuam præ cæteris Portugalliae atque Algarbiorum Regibus magno pii Regiique animi Tui fervore Catholicam Fidem non modo in omnibus ditionum tuarum , sed in alienis quoque regionibus ab initia Regnorum tuorum possessione promovere & augere , verum etiam tot sapientiæ , industriæ , pietatisque consiliis & immensis opum profusionibus tueri & conservare contendens maximus eminas , & prædiceris .* Est etiam in Pontificia ad Purpuratos Patres allocutione *Lusitanicos Reges omnem operam contulisse , ut Catholicam religionem in sua ditione illibatam tuerentur ; & cum deinde plures Asicæ , Africæ , Indiarum , & Americæ populos in suam potestatem redegissent , barbaras gentes sanctissimæ religionis mysteriis imbuedas curasse , accitis peritissimis Ministris , qui recentem Domini vineam diligenter excolerent . Qua in re exitu comprobatas fuisse perspici-*

mus prædictiones eas multo celeberrimas , quibus Alphonso Regi , Præclarissimi generis Tui , ac flor- rentissimi Lusitani Regni Conditori adversus innumerabiles Maurorum copias cum exigua militum manu jamjam pugnaturo , cœlestemque opem enixis precibus flagitanti Christus ipse spectandum se objiciens animos ad victoriam adjecit , Regium no-men a militibus donatum confirmavit , aureum cly-peum quinque suis sacris vulneribus interpunctum pro Regio stemmate dedit pollicitusque inter cætera est primo sese stabile sibi imperium ad sui nominis per exteris gentes propagationem in eo ejusque Ne-potibus fundaturum : deinde Regnum ipsum Lusi-tanum FIDE PURUM , ac dilectum pietate fore : deni-que ex ipsa Lusitania impigros a se Messores dele-ctum iri , qui plurimam ex longinquis regionibus messem in coelum inferant .

Talis ac tantus REX FIDEI ARMIS INSIGNITUS , & strenuus DIVI PETRI MILES dignissimus erat qui primus omnium ab Apostolica Sede FIDELISSIMI nomen reciperet . Eum quippe & Deo & Petri Suc-cessoribus Fidelissimum semper fuisse , juramentum in ipsa Regia inauguratione emissum , quæque de eo extant scriptis tradita monumenta aperte docent , res domi belli præclare gestæ luculentius confir-mant , plurima denique patrata miracula Divinitus evincunt . Hæc eadem appellatio Regibus continua successione in ejus locum suffectis jam diu debeba-tur ; quid enim in eadem appellatione latet , quod non abunde Reges nostri præstiterint ? An sedula in

coercen-

coercendis hæreticis diligentia? At nemo eorum invenietur, qui non modo ullam errorum pestem in Regno suo vagari, sed ne ad ipsam quidem aspirare passus sit. An debita Apostolicæ Sedi reverentia? At quivis eorum nullam sibi pro eadem tuenda jaçturam, nullum laborem, nullum discrimen defugiendum arbitratus est. An bellica in Mauris debellandis fortitudo? At multi eorum plurimos in Hispania hujusmodi hostes ad interencionem deleverunt; alii trajecto in Africam exercitu munitissimas urbes expugnarunt, alii barbaros Reges in servitutem abduxerunt, alii autem profuso sanguine sempiternam gloriam adepti sunt. An æstuans quidam Fidei Catholicæ per exterias regiones disseminandæ ardor? At hoc ardore inflammati Sanctius, Alphonsus IV, Emmanuel, Sebastianus, Henricus Cardinalis Rex, Petrus II, quinque Joannes. Sed quid hæc? omnes omnes, inquam, Lusitaniæ Principes nullis unquam pepercere impensis, ut superstitionis primum Europæ, deinde Africæ, Indianum, atque Americæ nationes suavissimo Christi jugo subjicerent.

Verumtamen cum amplissimam illam FIDELISSIMI Regis appellationem Majores Tui universi suo quodam modo jure sibi postulare possent, Tu fuisti unus, qui eandem primus in familiam Tuam, Tuumque Regnum inveheres; quod certe divino consilio accidisse credendum est; propterea quod tanta est in Te virtutum omnium complexio, ut non modo universam Majorum gloriam unus exæquasse, verum etiam longe superasse judiceris. *Illi debent*

tempori

tempori quod Te præcesserint; Tu Tibi quod eos
prædecessores superes: ^a unum vero eorum glo-
riam reddit incomparabilem, nempe Te genuis-
se; hanc tamen a Te accepere; factum est enim
ut eorum sanguinis hæres eos quoque Tuæ glo-
ræ hæredes efficeres. Ergo Regum optime, ut
ab illis adepta & a Te adlita per Te fiat sem-
piterna, accipe quem sacramus librum.^b Accipe
Divi Petri Miles Acta rerum in Vaticano Templo
gestarum, quibus nihil sanctius, nihil majori so-
lemnitate celebratur; accipe obedientissime Ec-
clesiæ Fili descriptionem honorum, quos Eccle-
sia militans nuper triumphanti solvit. Accipe FI-
DELISSIME REX, donum ab eodem, qui Te per-
honorifica hujusmodi appellatione insignivit, trans-
missum. Prædicent alii veteres Imperii Lusitani
fines a Te feliciter productos, nova exterarum
gentium commercia Ulyssipone instituta, pacem
in Tuo regno medias inter omnium ferme Regum
simultates conservatam, victorias in extremo Orien-
te nuper partas, majestatemque Tui Nominis to-
to terrarum orbe diffusam. Nos præclarissimum
FIDELISSIMI *in domo Dei* titulum, Moysi a Deo
olim concessum, nunc Tibi a Christi Vicario com-
municatum, crebrius in Te laudando libentiusque

b

usurpa-

(a) SS. D. N. in literis Apost. circa tit. Fidelissimi: *Maximus emineas & prediceris.* Quæ verba supra etiam retulimus.

(b) Eruditissimus Scriptor R. P. Emmanuel Monteiro Lusit. Congr. Orat. in libro cui titulus: *Ioannes Portugallæ Reges: Edito Ulyssip. an. 1742.*

usurpabinius. Illa enim Tibi communia cum pluribus Regibus sunt ; Hic Tuus unice est . Illorum partem fortuna sibi vendicat ; In hujus societatem nemo se admisceret . Ex illis aliquid fortasse temporis immi-
nuet injuria ; De hoc nulla unquam posteritas con-
ticescet . Atque ut ab eo potissimum ordiar , unde
cætera consequuntur , quid de Tua in Deum pietate
dicam ? Domus Dei Ecclesia Catholica est , quæ
certe validissimis a Te classibus in Turcas immisis ,
Sancta Sede a Te defensa atque ornata , vera Reli-
gione in extremis terrarum finibus Tuo præsidio
Tuisque opibus sustentata , maximis Tibi benefi-
ciis sese profitetur obstrictam . Eadem domus Dei
appellatio in Religiosos Ordines cadit , quorum alii
Te adnitente ad veterum legum observantiam re-
vocati sunt , alii ad severiorem sanctimoniacæ disci-
plinam sunt traducti . Pro domo Dei Templa etiam
intelligenda sunt ; quis unquam Te in iis aut in-
staurandis , aut construendis , aut omni sacrarum
rerum supellectile exornandis magnificentior ? Po-
stremò ad domum Dei Catholicae etiam Provin-
ciæ sunt referendæ , quarum nulla est tanto loco-
rum intervallo a Nobis sejuncta , ut non illic plu-
rima sint munificentia Tuæ ad sempiterni tempo-
ris prædicationem impressa vestigia . Perge igitur
strenue *Divi Petri Miles , Fidei armis insigni-*
te tanquam alter Alphonsus , Obedientissime Ec-
clesiæ Fili , tanquam alter Sebastianus , Barbara-
rum gentium Domitor tanquam alter Emmanuel ,
(Pontificiis jam verbis utar) Perge REX FIDELIS-
SIME,

SIME, certare bonum certamen Fidei, ut vitæ
 æternæ præmia ab Auctore Fidei nostræ & con-
 summatore Iesu Christo consequaris. Interim
 tamen me Solio Tuo suppliciter advolutum mirifi-
 ca illa tua in omnes humanitate suscipe, & librum
 hunc Pontificia auctoritate satis commendatum Re-
 gali patrocinio complectere. D. O. M. Majestatem
 tuam ad Lusitani Regni (quod FIDE PURUM sub FI-
 DELISSIMORUM Regum præsidio semper fuit, sem-
 per futurum speramus) felicitatem, ad Regiæ Fa-
 miliæ solatium, ad Ecclesiæ Catholicæ præsidium,
 ad Sanctæ Sedis ornamentum, ad totius Europæ
 decus, ad communem mortalium omnium utilita-
 tem quam diutissime incolumem servet.

JOANNI V
LVSITANIÆ, ET ALGARBIORVM REGI
FIDELISSIMO
IN MAXIMIS EVROPÆ MOTIBVS
PACÆ TERRA MARIQVE SERVATA
AVCTO VBIQVE COMMERCIO
FAMILIIS SVBLATO LVXV LOCVPLETATIS
PVBLICÆ FELICITATIS AVCTORI
AD RERVM IN LVSITANIA GESTARVM PRODENDAM MEMORIAM
INSTITUTA IMMENSO SVMPTV HISTORIÆ ACADEMIA
STVDIIS CETERARVM EXCITATIS
ADDITIS REDITIBVS, PRIVILEGIIS, HONORIBVS
PRÆMIO, ETIAM QVOTANNIS PROPOSITO
BONARVM ARTIVM PATRONO
INSTRVCTISSIMA CLASSE
AD CORCYRAM A TVRCARVM OBSIDIONE
LIBERANDAM MISSA
PROFLIGATIS IN ASIA RELIGIONIS HOSTIBVS
AD DEPORTANDOS IN INDIAS, ALENDOSQUE MISSIONARIOS
MAGNA PECVNIAÆ VI ASSIDUE COLLATA
CATHOLICÆ FIDEI ASSERTORI
COERCITA IMPROBORVM LICENTIA
RESTITUTA RELIGIOSORVM ORDINVM DISCIPLINA
TEMPLIS PARTIM ERECTIS, PARTIM INSTAVRATIS
ET PRETIOSA SVPELECTILI, ORNATVQVE INSTRVCTIS
PIETATIS, DIVINIQVE CVLTVS
PROPAGATORI
REGIARVM VIRTVTVM MAGNITUDINE
PRÆDECESSORVM REGVM NVLLI SECUNDO
POSTERIS OMNIBVS EXEMPLO
EX OCTO VOLVMINIBVS DE CANONIZATIONE SANCTORVM
QVATVOR PRIMIS AVTORI IPSI
OPTIMO MAXIMOQVE ECCLESIAE HIERARCHÆ NVNCVPATIS
RELIQVOS
REGI SVO BENEFICIENTISSIMO
PERENNE ADDICTI, GRATIQVE ANIMI MONVMENTVM
EMMANVEL DE AZEVEDO SOCIETATIS JESV
D. D. D

SAN-

SANCTISSIMO DOMINO NOSTRO
BENEDICTO XIV.
P. O. M.

CANONICI REGULARES SANCTI AUGUSTINI CONGREGATIONIS
SANCTÆ CRUCIS IN PRISTINAM OBSERVANTIAM RESTITUTÆ
LITURGICÆ ACADEMIAE CONIMBRICENSES.



UO inscripta nomini
prodeunt, BEATISSIME
PATER Acta quinque Sanctorum,
quæ pro sui muneris ratione & pro
ea, qua præstat præcipue in hujus-
modi

modi rebus scientia, jam antea collegerat, atque digeſſerat prætantissimus Præſul Ignatius Reali Pontificiarum Cæremoniarum Præfectus. Hæc quidem ita Tibi debebantur, ut cum ea Sanctitati nuncupamus Tuæ, illud usurpare possimus, nec immetitò, quod Ædi sanctæ Sophiæ cum eam dedicaret, Justinianus Imperator olim inscripſerat, *Tua ex tuis
Tibi offerimus Servi Tui*; editis enim libris cum tam præclarè egeris de Canonizatione Sanctorum, ut ad eam non minùs ingenio, quàm omni doctrinæ genere viam expeditissimam communieris; idem verò eos, de quibus agimus, in Sanctorum Album ita retuleris; ut ex illa veluti radice fructus hic fuerit amplissimus consequutus; nemo est, qui non videat, ex Tuo tamquam penu a nobis

bis depromi, quod Tibi tribuatur . Amplissimum id quidem Tibi est BEATISSIME PATER ; cum supremum imiteris Numen , cuius in terris Vicariam potestatem obtines ; nobis vero jucundissimum ; cum id largiris , quo Tibi iterum oblato aliquam observantiæ erga Te nostræ pro tuis innumeris in nos beneficiis partem assequi videamur . Suscipe igitur BEATISSIME PATER , quod Tuum est , Nosque ante Te provolutos ad terram , qua soles , benignitate complectere , qui novo , eoque maximo beneficio id ipsum Tibi debemus , quod muneribus Tuis Tibi repræsentandis ingratos omnino esse non pateris . Interim Deum orantes , ut totius Ecclesiæ bono Te quam diutissimè fospitet , sanctissimos pedes Tuos humillimè exosculamur .

SERIES TOTIUS OPERIS.

- P**RÆFATIO ad Acta Canonizationis quinque Beatorum Fidelis a Sigma-
ringa, Camilli de Lellis, Petri Regalati, Iosephi a Leonissa, & Catharinae
de Riccis . pag. 1.
- Decretum Canonizationis B. Fidelis a Sigmaringa . 4.
- Quid post hoc Decretum a Fidei Promotore, & a cause Postulatore factum sit. 5.
- Decretum Canonizationis B. Petri Regalati . ibid.
- Decretum Canonizationis B. Catharinae de Riccis . 6.
- Post hoc Decretum exponitur quid BENEDICTVS XIV. pro B. Nicolao Alber-
gati constituerit: quomodo Basilicam Lateranam visitaverit: quid Basilicæ
Sessorianæ præstifuerit . 6. ad 9.
- Decretum approbationis duorum miraculorum pro Canonizatione B. Camilli de
Lellis . 10.
- Decretum approbationis miraculorum pro Canonizatione B. Iosephi a Leonissa . 11.
- Subditur, quomodo idem Pontifex incep:am Basilicæ Lateranensis visitationem
prosecutus fit . 14.
- Decretum Canonizationis B. Camilli de Lellis . 15.
- Decretum Canonizationis B. Iosephi a Leonissa . 16.
- Rationes cur in Templo Vaticano Canonizationes facienda sint . 17.
- Constitutio BENEDICTI XIV. de Beatificationibus & Canonizationibus omni-
bus in Templo Vaticano peragendis . 18.
- Sequitur dispositio, pro apparatu Basilicæ Vaticanae ad prædictorum quinque Beato-
rum Canonizationem peragendam, & electio Præsulis, qui apparatu præsi-
deret. Itidem deliberatio de gratiis agendis pro Francisci I. Lotharingie
Ducis in Romanorum Imperatorem electione . 21. & 22.
- Denunciatio ad hoc peragendum . 23.
- Epistola Secretarii S. Congregationis Concilii ad Episcopos intra centesimum ab
ab urbe lapidem existentes, ut ad urbem accederent, & Canonizationi quinque
Beatorum interessent . ibid.
- Quid Summus Pontifex aliis Episcopis longius degentibus indulserit, si prædictæ
Canonizationi interessent . 24.
- Instructio, seu admonitio Cæremoniarum Præfecti ad Cardinales de narratione
Vitæ, Virtutum, ac Miraculorum quinque Beatorum canonizandorum a
Summo Pontifice in Confistorio habenda . ibid.
- Subditur, Pontificem & Cardinales in Confistorium convenisse, & quomodo Pon-
tifax Cardinali Paulutio non ita pridem crearo interdiverit, ne sententiam in
Confistoriis, aut Confiliis diceret quousque Pontifex ei os aperiret. Describitur
cæremonia claudendi, & aperiendi os novis Cardinalibus . 25.
- Sequitur Oratio à Summo Pontifice in hoc Confistorio habita super quinque Beato-
rum Canonizatione peragenda . 26.
- Inter-

(XXI.)

<i>Intermissa Oratione , Cardinali Paulutio os apertum est a Papa .</i>	32.
<i>Continetur Oratio , expositisque Actis B. Fidelis a Sigmaringa , B. Camilli de Lellis , B. Petri Regalati , B. Josephi a Leonissa , & B. Catharinae de Ricciis , Pontifex Cardinales interrogat , an ipsis placeat , ut ad illorum Canonizati- nem procedat , qui omnes responderunt , Placet .</i>	32. ad 46.
<i>Subduntur aliqua de Titulo , & Annulo , qui a Pontifice novis Cardinalibus dan- tur : de Titularum numero , & care:nonia in iis conferendis : Item de Bene- dicti XIV. benevolentia erga Praesulem Lazarum Pallavicinum , Sebastia- num Antonium Card. Tanari , aliosque Cardinales defunctos .</i>	47. ad 51.
<i>Decretum Benedicti XIV. de Episcopis Titularibus , cum ad Cardinalatum pro- moventur , expresse absolvendis a vinculo , quod cum priori Ecclesia contra- xerant .</i>	51.
<i>Significatio per Cursores facienda de Consistorio publico habendo pro Canonizatione prædictorum quinque Beatorum peragenda .</i>	52.
<i>Exponitur quomodo hoc Consistorium coepit sit . Aliqua attinguntur Benedi- cti XIV. erga Ecclesiæ Bononiensem & Anconitanam benevolentiae , & libe- ralitatis indicia , ac de numeribus eisdem Ecclesiæ collatis .</i>	53.
<i>Oratio ab Advocato Consistoriali habita pro B. Fideli a Sigmaringa .</i>	54.
<i>Oratio alterius Advocati pro B. Camillo de Lellis .</i>	65.
<i>Oratio tertii Advocati pro B. Petro Regalato .</i>	73.
<i>Post hæc Secretarius Epistolarum ad Principes , Pontificis nomine edixit , Di- num auxilium esse implorandum .</i>	80.
<i>Indulgentia a Summo Pontifice concessa iis , qui in Litaniis Majoribus divinum adjutorium pro dicta Canonizatione peragenda , ac pro aliis necessitatibus im- plorarent .</i>	82.
<i>Monitum de alio Consistorio habendo super Canonizatione &c.</i>	83.
<i>Oratio Advocati Consistorialis pro B. Josepho a Leonissa .</i>	84.
<i>Alia alterius Advocati Oratio pro B. Catharina de Ricciis .</i>	90.
<i>Iterum Secretarius Litterarum Apostolicarum ad Principes , Pontificis nomine edicit implorandum esse divinum auxilium pro Canonizatione facienda .</i>	98.
<i>Exponitur quomodo Summus Pontifex in Castrum Gandulphi secesserit , & quid ibi gesserit .</i>	99.
<i>Methodus servanda in semipublicis Consistoriis ante Canonizationis Solemnia ha- bendis .</i>	100.
<i>Compendium Vitæ , Virtutum , & Miraculorum , nec non Actorum in Causa Ca- nonizationis B. Fidelis a Sigmaringa .</i>	101.
<i>Compendium Vitæ , Virtutum & Miraculorum , & Actorum in Causa Canoniz. B. Camilli de Lellis .</i>	111.
<i>Compendium Vitæ &c. B. Petri Regalati .</i>	121.
<i>Compendium Vitæ &c. B. Josephi a Leonissa .</i>	131.
<i>Compendium Vitæ &c. B. Catharinae de Ricciis .</i>	140.
<i>Denunciatio Consistorii semipublici habendi pro Canonizatione B. Fidelis a Sig- maringa .</i>	150.
	Descri-

<i>Describitur hujus Consistorii apparatus.</i>	150.
<i>Allocutio Pontificis initio hujus Consistorii facta.</i>	151.
<i>Exponuntur suffragia a Cardinalibus, Archiepiscopis ceterisque Praesulibus Latinis, Græcis & Orientalibus in hoc Consistorio presentibus lata pro Canonizatione B. Fidelis a Sigmarina.</i>	153. ad 182.
<i>Sequitur Allocutio Pontificis, qua suffragia commendavit, ac jejunia & preces ad divinum implorandum lumen indixit.</i>	183.
<i>Pest hæc Procurator Generalis Cameræ Apostolicae Protonotarios rogavit, ut Instrumentum de Actibus Consistorialibus conficerent.</i>	183.
<i>Responsio Pro-Decani Protonotariorum.</i>	184.
<i>Instrumentum de Actibus hujus primi semipublici Consistorii a Pro-Decano rogatum.</i>	184.
<i>Indulgentiae & precum a Summo Pontifice indictarum promulgatio a Cardinali Vicario facta, & quomodo.</i>	188.
<i>Referuntur suffragia Cardinalium & Praesulum, qui præpediti a Consistorio absuere.</i>	189. ad 201.
<i>Nonnulla subduntur de Benedicti XIV. liberalitate erga Basileam Liberianam: Et de solemni Processione, quæ in festo SS. Corporis Christi apud Vaticanum fieri solet.</i>	202.
<i>Sanctio Benedicti XIV. de unica Processione apud Vaticanum peragenda in Festo Corporis Christi, etiam si hæc festum, Sede vacante celebrandum sit.</i>	207.
<i>Schedula Motus proprii ejusdem Benedicti XIV. de iis, qui eidem Processioni interesse debent, & de ordine in ea incedendi.</i>	211.
<i>Sanctio Benedicti XIV. qui nonnullas Advocatis Consistorialibus prærogativas decernit.</i>	215.
<i>Intimatio de altero semipublico Consistorio habendo pro Canonizatione B. Camilli de Lellis.</i>	236.
<i>Allocutio Pontificis, qua huic Consistorio initium datum est.</i>	237.
<i>Referuntur suffragia Cardinalium, Archiepiscoporum aliorumque Praesulum in hoc semipublico Consistorio pro Canoniz. B. Camilli de Lellis.</i>	240. ad 274.
<i>Allocutio Pontificis, qua lata suffragia laudat, iterumque preces indicit.</i>	274.
<i>Instantia Procuratoris Cameræ, ut Protonotarii super his Actis Consistorialibus Instrumenta conficerent.</i>	274.
<i>Responsio Decani Protonotariorum Participantium Collegii.</i>	275.
<i>Instrumentum a Decano Protonotariorum rogatum de secundo hoc Consistorio.</i>	275.
<i>Referuntur suffragia eorum, qui eidem secundo Consistorio non adfuerunt.</i>	279. ad 288.
<i>Intimatio pro tertio semipublico Consistorio habendo pro Canonizatione B. Petri Regalati.</i>	288.
<i>Major fuit Antislitum in hoc Consistorio numerus.</i>	289.
<i>Allocutio Pontificis initio hujus Consistorii.</i>	289.
<i>Exponuntur suffragia Cardinalium, Archiepiscoporum & Episcoporum, quæ huic tertio Consistorio interfuerunt.</i>	291. ad 327.
	<i>Instan-</i>

(XXIII.)

<i>Instantia Procuratoris Generalis Cameræ, ut Protonotarii Instrumenta super Actis predicti Consistorii conficerent.</i>	328.
<i>Responsio Sub-Decani Collegii Protonotariorum.</i>	328.
<i>Instrumentum a Sub-Decano Protonotariorum rogatum de tertio semipublico Consistorio.</i>	329.
<i>Adduntur suffragia eorum, qui etsi Romæ degentes a Consistorio tamen abfuerunt.</i>	333. ad 340.
<i>Intimatio pro quarto semipublico Consistorio habendo super Canonizatione B. Josephi a Leonissa.</i>	341.
<i>Allocutio Pontificis, qua merita B. Josephi extollit, & sententias Cardinalium aliorumque super ejus Canonizatione peragenda exquirit.</i>	341.
<i>Recensentur suffragia Cardinalium aliorumque in quarto semipublico Consistorio pro Canonizatione B. Josephi a Leonissa.</i>	345. ad 382.
<i>Altera Pontificis Allocutio in fine Consistorii, qua prædicta suffragia commendat, iterumque preces iudicat.</i>	383.
<i>Instantia Procuratoris Generalis Cameræ pro Instrumento a Protonotariis super Actis dicti Consistorii confiendo.</i>	383.
<i>Responsio Decani Collegii Protonotariorum.</i>	384.
<i>Instrumentum a Decano Protonotariorum rogatum pro quarto semipublico Consistorio.</i>	384.
<i>Subduntur suffragia eorum, qui Consistorio non adfuerunt.</i>	389. ad 397.
<i>Intimatio pro quinto & ultimo semipublico Consistorio habendo super Canonizatione facienda B. Catharinæ de Ricciis.</i>	398.
<i>Nonnullis, quorum intererat, in hoc Consistorium ingredi datum non est, & quare.</i>	399.
<i>Allocutio Pontificis, qua Adstantium sensum super Canonizatione B. Catharinæ de Ricciis exquisivit.</i>	399.
<i>Referuntur suffragia Cardinalium &c. qui sane omnes de peragenda Canonizatione consenserunt.</i>	401. ad 438.
<i>Brevis Oratio a Summo Pontifice in hujus quinti Consistorii fine habita, qua diem Canonizationis prædictorum quinque Beatorum celebrandæ designavit: Is vero fuit dies 29. Junii SS. Apostolorum Petri & Pauli solemnitatē sacer.</i>	438.
<i>Absentibus ab hoc Consistorio Protonotariis, & Promotore Fiscali, Pontifex Cærimoniarum Præfecto commisit, ut Instrumenta super hujus Consistorii Actis conficeret.</i>	439.
<i>Instrumentum a Cærimoniarum Præfecto de quinti semipublici Consistorii Actis exaratum.</i>	439.
<i>Subduntur suffragia Cardinalium &c. qui a Consistorio abfuerunt.</i>	445. ad 454.
<i>Schedula, qua Cardinales admoniti sunt, sumnum Pontificem velle ad Basilicam Lateranam accedere, ibique Sacrum facere, ut a Deo auxilium peteret pro Canonizatione mox perficienda; invitati igitur etiam Cardinales illuc sunt, præsertim acquirendæ Indulgentiæ gratia. Quid in ea Basilica hac occasione factum sit.</i>	454. Idem

(XXIV.)

- Idem paulo post factum est , cum ad cuncta esset Basilica Vaticana . 455.
 Et Basilica S. Mariæ supra Minervam ad eundem suæm , quamquam ad hanc
 itum sit post meridiem , & quare . 456.
- Mandatum Cardinali Vicario datum de publicanda Indulgentia Plenaria a Sum-
 mo Pontifice concessa omnibus qui interessent Canonizationi predicatorum quin-
 que Beatorum . Item de admonendo utroque Clero Seculari & Regulari , ut
 summo mane Processioni ante Canonizationem apud Vaticanum peragendæ in-
 teressent . Itemque de admonendis Rectoribus , Sacristis &c. Ecclesiarum ,
 ut in actu Canonizationis Campanas pulsarent . 457.
- Indulgentia prædicta a Card. Vicario publicata . 457.
- Mandatum Card. Vicarii utrique Clero , ut prædictæ Processioni interessent . 458.
- Aliud mandatum Card. Vicarii de Campanis ut supra pulsandis . 459.
- Instructio a Cæremoniarum Præfecto data Militum Ducibus aliisque , quorum
 intererat , de disponendis in opportunitis locis militibus , de tormentis bellicis
 displorendis , de tympanis pulsandis &c. in Canonizationis solemnitate . 460.
- Eminentissimus Card. Portocarrero Canonizationis Procurator electus . 461.
- Dispositio apparatus Basilicæ Vaticanae pro Canonizatione , a Pontificia Domini
 Pro-Præfecto , & ab aliis cum eo diligenter inspecta . Et loca Magnatibus &c.
 assignata . 461.
- Instructio alia Cardinalibus aliisque tradita , de modo & ordine , quo Canoniza-
 zationi interesse deberent , & de Oblationibus faciendis . 462.
- Instructio particularis Cardinalibus Sacrorum Rituum Congregationi adscriptis
 data de Oblationibus in Canonizatione faciendis . 464.
- Instructio alia Consultoribus Rituum Congregationis data , ut Processioni Ponifi-
 ciæ in Canonizatione facienda interessent . 464.
- Præmittitur notitia de Benedicti XIV. Constitutione , qua cultum SS. Apostolo-
 rum Petri & Pauli in eorum festo die & octiduo auxit ; & alterius Constitu-
 tionis de præcœlentia inter Votantes Signaturæ Justitiae & Gratiae . 464.
- Sanctio Benedicti XIV. de Ordine præcedentie a Votantibus Signaturæ Justitiae &
 Gratiae tum in sedendo , tunc in suffragiis ferendis servando . 465.
- Constitutio Benedicti XIV. qua in perpetuum præscribitur , ut recurrente SS. A-
 postolorum Petri & Pauli festo singulis octidui diebus in diversis Ecclesiis
 [quæ recensentur] aliqua eorundem Apostolorum memoria aut prærogativa
 insignitis , Missa in Pontificalibus celebretur . Et a Laicorum Confraternita-
 ribus pia Supplicatio iisdem diebus ad easdem respectivæ Ecclesiæ instituatur ,
 concessa intervenientibus aliqua indulgentia . 467.
- Publicatio hujus Constitutionis . 473.
- Confraternitates a Cardinali Vicario designatae ad dictam Supplicationem , seu
 Processionem peragendam . 473.
- Describitur modus & apparatus , quo vectigal ab utriusque Siciliæ Rege pendit
 quotannis Pontifici solitum in pervigilio SS. Petri & Pauli , occasione hujus
 Canonizationis quinque Beatorum persolutum fuit . 476. & seq.
- Describitur initium & progressus Processionis , quæ ab utroque Clero Seculari &
 Regulari ante Canonizationem peracta est . 478. & seq. De-

(XXV.)

Describitur altera Processio a Summo Pontifice Canoniz. præmissa .	482.	& seq.
Describitur initium Actus solemnis Canonizationis .		487.
Prima Instantia ab Advocato Consistoriali nomine Cardinalis Procuratoris Canonizationis facta Summo Pontifici , ut dictos quinque Beatos Sanctorum Catalogo adscriberet .		488.
Responsio Secretarii Epistolarum ad Principes .		488.
Post hanc responsonem caritatæ sunt Litanie Sanctorum .		489.
Altera instantia ab eodem , ejusdemque nomine , & ad eundem finem facta .		489.
Responsum ab eodem Secretario redditum .		490.
Post hoc responsum Hymnus Veni Creator Spiritus cantatus est , & alia Orationes recitatae .		490.
Tertia instantia ab eodem Advocato , & nomine ejusdem Procuratoris , atque ad eundem finem facta .		491.
Responsum predicti Epistolarum ad Principes Secretarii .		491.
Sententia a Summo Pontifice proclata , qua BB. Fidelem a Sigmarina Martorem , Camillum de Lellis , Petrum Regalatum , Josephum a Leonissa Confessores , & Catharinam de Ricciis Virginem inter Sanctos retulit .		492.
Hæc sententia ab eodem Advocato ejusdem Procuratoris nomine acceptata fuit , & ab eodem supplicatum fuit Pontifici , ut Litteras Apostolicas super eadem Canonizatione decerneret ; annuit Pontifex dicens : Decernimus .		493.
Idem Advocatus Protonotarios , & Notarios presentes rogavit , ut Instrumenta super Acta Canonizationis conficerent : quorum antiquior id sancturos se promisit dicens : Conficiemus .		493.
Post hæc in gratiarum actionem hymnus Te Deum laudamus cantatus est .	493.	
Inde Pontifex Orationem , in qua nomina quinque novorum Sanctorum erant , recitavit . Cardinalis Diaconus formulam Confessionis , in quam eadem nomina inserta erant , recitavit ; tum Pontifex absolutionem fecit , & omnibus benedixit , ita Actui Canonizationis extinctis cereis finis impositus est .	494.	
Canonizatio sine Missa Sacrificio , aut eo in sequentem diem translato peragi potest . Benedictus tamen Xl V. Missam celebrare voluit .	495.	& 496.
Orationes de quinque Sanctis canonizatis , quæ in Missa recitatae sunt .	496.	
Homilia , quam Pontifex inter Missæ solemnia habuit .	497.	ad 507.
Post Homiliam Cardinalis Diaconus cecinit : Confiteor , & Episcopus Cardinalis Assistent Indulgentias petiit . Pontifex Indulgentiam Plenariam omnibus ibi presentibus , visitantibus vero quotannis sepulchra quinque Canonizatorum , aliam Indulgentiam septem annorum & totidem quadagenarum concessit .		508.
Describuntur Oblationes , quæ in hac Canoniz. in Missa factæ sunt .	508.	& seq.
Absoluta Missa Pontifex consuetum Presbyterium a Cardinali Basilicæ Vaticanæ Archipresbytero accepit . Calicem aureum & Patenam , quibus eo die Deo libaverat , Basilica donavit .		511.
Instrumentum a Protonotariis confectum de memorata Canonizationis Actu .		Lit-
511. & seq.		

(XXVI.)

<i>Litteræ Decretales Canonizationis B. Fidelis a Sigmarina Martyris.</i>	516.
<i>Litteræ Decretales Canonizationis B. Camilli de Lellis.</i>	529.
<i>Litteræ Decretales Canonizationis B. Petri Regalati.</i>	544.
<i>Litteræ Decretales Canonizationis B. Iosephi a Leonissa.</i>	558.
<i>Litteræ Decretales Canonizationis B. Catharinae de Ricciis.</i>	570.
<i>Describitur ornatus Vaticani Templi.</i> 585. usque ad finem libri.	

IMAGINUM ELENCHUS

EARUMQUE DISTRIBUTIO.

1. **R**egis Fidelissimi cui opus inscribitur , effigies .
2. Numismatis Aurei quinque Sanctos referentis Ecclipsis in fronte Operis .
3. Ichnographia Aulæ Consistorii secreti pro Congregatione ordinaria S. Rit. pag. 3. lin. 32.
4. Ichnographia Aulæ Consistorii secreti in Palatio Quirinali . pag. 25. lin. 9.
5. Ichnographia Aulæ Regiæ in Palatio Quirinali pro Consistorio publico . pag. 53. lin. 5.
6. Ichnographia Aulæ Parafrenariorum loco Ducalis in Palatio Quirinali . pag. 150. lin. 17.
7. Ichnographia Theatri in Vaticana Basilica constructi . pag. 461. linea 40.
8. Solemnis Equitationis ad Vaticanum incessus . pag. 476. lin. 15.
9. Exhibitio Census in Aula Regia Vaticani . pag. 478. lin. 2.
10. Quinque Canonizandorum vexilla in solemnni Supplicatione delata . pag. 481. linea 39.

Quæ sequuntur recto ordine in fine libri collocari debent .

(XXVII.)


- I. 11. Facies Templi Vaticani exterius per noctem illuminata :
pag. 478. linea 16.
- II. 12. Pictura repræsentans quinque Beatorum imagines , me-
diam Templi faciem occupans . pag. 585. lin. 22.
- III. 13. Præcipue Supplicationis partis , & ornatus magnæ navis
descriptio . pag. 484. lin. 11.
- IV. 14. Interioris Basilicæ frontis Aram principem respicientis
ornatus . pag. 586. lin. 41.
- V. 15. Tabulæ magnæ sexdecim instar numismatum , illustriora
quinque Sanctorum miracula repræsentantes , in qua-
tuor paginas divisæ , in quarum prima . num. 1. Ecclesia
in Sanctorum suorum gloria triumphans repræsen-
tatur . num. 2. Curatio fistulæ sanie manantis intercessione
S. Josephi a Leonissa . num: 3. Fistula mirabiliter cura-
ta ope S. Petri Regalati ad ejus sepulchrum . num. 4.
Ab inveterato comitiali morbo admota S. Fidelis effi-
gie , æger liberatus .
- VI. 16. In secunda . 1. Puella gibbosa , & spirandi difficultate
pressa , ope S. Camilli liberata . 2. S. Petrus Regala-
tus pallio aquis instructo flumen trajiciens . 3. Plantæ
pueri , ope S. Josephi a Leonissa consolidatæ . 4. Sa-
natio ab Arteriæ magnæ laxitate ope S. Catharinæ de
Ricciis patrata .
- VII. 17. In tertia . 1. Puella a polypo , & gangræna liberata ope
S. Camilli . 2. Mundatio a lepra ac febri , ejusdem
S. Camilli intercessione . 3. Palpebræ pueri , sibi invi-
cem inhærentes ope S. Josephi a Leonissa aperiuntur .
4. Puella a vetusto cancro sanata auxilio S. Catharinæ
de Ricciis .
- VIII. 18. In quarta num. 1. Sanctimonialis ab articulorum dolori-
bus ad preces S. Catharinæ liberata . 2. Alter amissum
oculorum lumen ori admoto S. Petri Regalati capu-
tio , recuperat . 3. Impubes pedibus debilis ope S. Fi-
delis a Sigmarinda gradiendi facultatem impetrat .
4. Ab eodem S. Fidele ingens Majensfeldia incendium
extinguitur . pag. 587. lin. 21.
- IX. 19. { Aligeri sexdecim , totidem lemmata prædictis numis-
X. 20. } matibus respondentia per aerem deferentes . pag. 587.
XI. 21. lin. 38.
- XII. 22. }
- XIII. 23. Ornatus arcuum , cum tabulis , Lychnuchis , Aligeris &c.
pag. 588. lin. 14.
- XIV. 24. Transversæ navis ornatus . pag. 591. lin. 8.
- XV. 35. Qua-

(XXVIII.)

- XV. 25. Quatuor alia virtutum simulacra coronis Altarium SS. Simonis & Judæ, & SS. Procelli & Martiniani incumbentia pag. 591. lin. 12.
- XVI. 26.] Octo Aligeri, totidem Columnarum Epistyleis eorum-
- XVII. 27.] dem Altarium positi. pag. 591. lin. 23.
- XVIII. 28. Quinque Sanctorum Vexilla picta ex utraque parte, in prima pag. Vexillum S. Camilli de Lellis, & S. Fidelis a Sigmaringa.
- XIX. 29. In secunda, Vexillum S. Josephi a Leonissa, & S. Petri Regalati.
- XX. 30. In tertia, Vexillum S. Catharinæ de Ricciis. Horum quinque Sanctorum simulacra in inferioribus mediæ navis loculamentis posita sunt. In hac pagina continentur simulacra SS. Fidelis a Sigmaringa, & Petri Regalati.
- XXI. 31. SS. Catharinæ de Ricciis, Joseph a Leonissa, Camilli de Lellis, atque Simulacrum Continentiae.
- XXII. 32. Sequuntur alia viginti Virtutum simulacra in superioribus loculamentis inter Epistyleia, quinque paginis expressa;
- In prima, Fides, Spes, Gratia Divina, Perseverantia.
- XXIII. 33. In secunda, Pietas, Charitas, Innocentia, Puritas.
- XXIV. 34. In tertia, Castitas, Paupertas, Obedientia, Humilitas.
- XXV. 35. In quarta, Justitia, Temperantia, Fortitudo, Prudentia.
- XXVI. 36. In quinta, Religio, Pœnitentia, Abstinentia, Vigilantia.
- XXVII. 37. Lychnuchi instar turbinis cum cereis ex arcubus pendentes.
- XXVIII. 38. Theatri prospectus. pag. 592. lin. 10.
- XXIX. 39. Aligeri quatuor, primi duo paludamentum Throni, & Polymyxum quindecim cereorum sustinentes. p. 595.
lin. 16. Reliqui supra arcum Pontificii Solii genibus flexis, palmas ac ferta manibus attollentes. pag. 594.
lin. 22.
- XXX. 40. Crates inauratae cum Insignibus Pontificiis in Theatri lateribus. pag. 595. lin. 26.
- XXXI. 41.] Alia Aligerorum, & florum ornamenta in ejusdem Thea-
- XXXII. 42.] tri lateribus. pag. 595. lin. 29.



ACTA



A C T A

SOLEMNIS CANONIZATIONIS

BEATORVM SERVORVM DEI
FIDELIS A SIGMARINGA, CAMILLI DE LELLIS,
PETRI REGALATI, JOSEPHI A LEONISSA,
ET CATHARINÆ DE RICCIIS.



IVITAS Sancta Jerusalem , quæ ^a sursum est , mater nostra de triplici profligato hoste victoriam referentes excipiens , non omnibus eumdem assignat locum ; sed cum in ea ^b mansiones multæ sint , secundum varietatem ^c meritorum suum unicuique gloriæ quoque gradum attribuit : ^d Nam alia , inquit Apostolus , claritas solis , alia claritas lunæ , alia claritas stellarum ; stella enim a stella differt in claritate .

Hinc terrestris ista , quæ adhuc militat , perfecta illius æmulatrix ^e , decedentes Christi Famulos , qui cum Mundo , ac veterno serpente carnem quoque vicerunt , non paribus attollit honoribus ; sed prout animadvertisit Sanctitatis eorum famam percrebescere , miraculorumque & gratiarum

A fulgore

[a] Act Galat. cap. 4. v. 25. [b] Joan. 14. v. 2. [c] Cap. Gloriosus de Reliq. & vener. SS. in 6. [d] 1. Corinth. cap. 15. v. 41. [e] Gloss. in Clement. Ad nostram verb. Ecclesia .

fulgore coruscare, venerationem ipsorum & cultum multimoda, ac varia ratione permittit, adauget, & præcipit; quod in beatificandis canonizandisque iisdem Dei Servis maximè elucet: Plura enim in album Sanctorum allectis tribuuntur, quæ in Beatorum numerum dumtaxat adscriptis decerni non confueverunt.

Hanc verò in terris curam ad visibile Ecclesiæ Caput, Romanum scilicet Antistitem spectare, cui Christus ligandi atque solvendi potestatem fecit, constanti & non intermissa plurium sæculorum praxi comprobatur: et si auctam adultamque contendant aliqui, solum ex eo tempore, cum Alexander Papa III. edita Decretali Primatibus, Episcopis, aliisque omnibus interdixit, ne cuiquam in posterum Beati nomen & cultum tribuerent, privativum hoc jus Apostolicæ Sedi reservans sive tanquam de novo inductum, sive postliminio restitutum. Ceterum ^a hoc sublime judicium ad eum tantum pertinere, qui est beati Petri Successor, & Vicarius IESU CHRISTI, ex eo facilè evincitur; quod sicut æternarum Sedium designatio, quæ non personis parantur, harum enim non est acceptor Deus, sed meritis, quæ solum sequuntur ex hac vita decedentes, a supremi Patris arbitrio pendet, & voluntate, ut Divina nos docuit Sapientia, cum Zebedæi filiis per matrem sibi primatum postulantibus respondit ^b Sedere ad dexteram meam, vel sinistram non est meum dare vobis, sed quibus paratum est a Patre meo. Ita consentaneum fuit, ut dispensatio earum rerum, quæ ad decus præsidiumque faciunt Ecclesiæ, & ad Dei Servorum in terris glorificationem, in supremo illius Hierarcha, qui unctione Christus, successione Petrus est, solum resideret. Petrus quippe a petra illa dicitur, quæ ^c lapis est angularis, ^d faciens utraque unum: quæque illum post se præcipuum militantis Ecclesiæ fundamentum, & caput collocavit. Unde vocatis ceteris in partem solicitudinis, posthabitoque eo etiam Discipulo, quem supra reliquos Apostolos, teneriori amoris affectu prosequebatur, uni tantum Petro dictum a Domino est: ^e Tu me sequere ^f in individua unitatis consortium, id est in veri Pastoris officio & potestate imitare: adeout ^g quæ sibi erant potestate propria, eidem voluerit esse participatione communia.


Cum igitur ad utrumque, potestatem scilicet, & magisterium pertineat Beatificatio Servorum Dei, atque Beatorum Canonizatio, rectè statutum est, ut a solo militantis Ecclesiæ Capite penderet de regnantibus in cælo publicum prodere testimonium, & de honore, qui deferendus eisdem esset in terris, tutò decernere, ac definire. Sed ne plura dicam hoc loco, impediens aureo Opere jam vulgato, cui nihil aut addere, aut detrahere ulli unquam dabitur, PROSPERI CARDINALIS LAMBERTINI, quem summa Dei providentia post diuturnam sex mensium Ecclesiæ viduitatem ad Apostolicæ Navis regimen sexto abhinc anno vidimus evocari BENE-DICTI

[a] Innoc. III. in Lit. Canonizat. S. Kunegundi dis. [b] Matt. 20. v. 23. [c] Ad Ephes. 2. v. 20. [d] Ibid. v. 14. [e] Joan. 21. v. 19.

[f] S. Leo M. in Annivers. Assumpt. suæ & serm. 2. in Natali SS. Apostolorum. [g] S. Ambrosius serm. 47. & epist. 80.

Aula Consistorii Secreti in Quirī Palatio pro Congregatione ordinaria Sac. Rituum adstante Summo Pontifice

Pag. LII.



Scala Palmorū Rom.

5 10 20 30 40 50

1. Sedes Pontificia sub Vimbella a terra per gradum elevata.
2. Mensa Scriptoria pro Papa.
3. Altera oblonga pro Cardinalibus.
4. Cardinalium Sedilia.
5. Praealtum Scannum ad scribendum pro Secretario.
6. Lignea vestibula (vulgo Bussale).
7. Ianuae ab Aulâ Parafrenariorum.
8. Fenestræ versus Quirinale Atrium.
9. Aliæ versus Viridarium.
10. Infimibulum.

DICTI XIV. nomine , Pontificem merito , & dignitate maximum . Hic tamquam ^a sapiens Architectus positus ^b in opus ministerii , in ædificationem Corporis Christi , ad consummationem Sanctorum , pluribus voluminibus , Beatificationis & Canonizationis originem ac progressionem persequitur : antiqua praxi ad trutinam revocata , quæ præscripta postea est pro valida confectione Processuum , Causarum introductione , continuatione , ac felici consummatione tradit , ac explicat ; Constitutiones , Leges , & Decreta Prædecessorum suorum allegat : indulta , dispensationes , & gratias recentet : Ritus & cæremonias resert , easque illustrat mysticis rationibus , confirmat exemplis : Quod unum desiderabatur post tam egregium opus , ut præstantissimus Auctor suprema Romani Pontificis auctoritate ipse per se exequeretur , quæ tam sapienti magisterio alios edocuerat : hoc ad communè Ecclesie bonum in Petri Cathedra constitutus effecit ; quandoquidem inter Beatos relatis Alexandro Saulio Episcopo Aleriensi & Camillo de Lellis , cultuque , qui Nicolao Albergati Cardinali Episcopo Bononiensi & Benedicto a S. Philadelphio Laico Professo Ord. Min. Observant. S. Francisci , annis centum & ultra tamquam Beatis tributus fuerat , approbato ; hoc anno tandem Sanctis adscripsit Beatos quinque , videlicet Fidelem a Sigmarina , Camillum ipsum de Lellis , Petrum Regalatum , Josephum a Leonissa , & Catharinam de Ricciis .

Quanto autem apparatu , labore , ac studio id factum sit , instituti ratio postulat , ut , quantum fieri potest , diligenter enarretur , ac exponatur . Occurrit prima , juxta temporum seriem , causa B. Fidelis a Sigmarina , in qua duobus ex quatuor , quæ post indultam Beato veneracionem proposita fuerant , approbatis miraculis die 18. Januarii anni 1744. supererat dubium ; an tutò procedi posset ad solemnem ejusdem Beati Canonizationem . Quia verò causæ relator Eminentissimus D. Pompejus Card. Aldrovandi , ob demandatam sibi Romandiæ Legationem , Roma discesserat : Eminentissimus D. Alexander Card. Albanus , in ejus locum a Pontifice suffectus , in generali sacrorum Rituum Congregatione habita coram SANCTITATE SUA die 24. Martii in aula Palatii Quirinalis , ubi & Consistoria secreta hiemis tempore haberi solent , titulo causæ perfecto , compendiariam Actorum relationem , quæ fieri consueverat , Pontificis jussu missam fecit , & simplex , de quo supra diximus , dubium proposuit . Cum omnes , quot aderant , DD. Cardinales unanimiter affirmativè respondissent ; Summus Pontifex sententiam ferre distulit ; ut in re tam gravi largius sibi lumen a Deo precibus postularet . Post mensem Pontisæ peracto Missæ Sacrificio in Ara principe Templi Capuccinorum , in qua B. Fidelis Reliquiæ propositæ venerationi fuerant , se recepit in Chorum ; ubi sedens , laudato prius eodem Ordine , quem Deus tanti Martyris sanguine voluit etiam commendatum , per Secretarium deinde Congregationis Sacrorum Rituum sequens Decretum vulgari præcepit .

CONSTANTIEN. , SEU CURIEN.

Canonizationis Beati FIDELIS A SIGMARINGA Ordinis Minorum Capuccinorum , Primi ex Missionarjis S. Congregationis de Propaganda Fide ab Hæreticis in odium Fidei interempti .

CUM Sanctissimus Dominus Noster BENEDICTUS PAPA XIV. in causa Constantien. feu Curien BEATI FIDELIS A SIGMARINGA Ordinis Minorum Capuccinorum declaraverit die 18. Januarii 1744. ex quatuor propositis miraculis duorum tertii generis approbationem , Primi videlicet : Instantaneæ sanationis Fratris Candidi a Mediolano Religiæ Professi ejusdem Ordinis Capuccinorum ab inveterato fere per decennium morbo epileptico , cum instantanea perfecta & absoluta fractarum virium restitutione per Beati Effigiem capiti reverenter impositam, exclusa quacunque in morbum reincidentia ; ac Secundi : Josephi Kirner pueri quadriennis , qui onni pedum usu triennalem ob rachitidem amissò , in eodem statu permanens , duc̄tus a matre ad ecclesiam ante Imaginem Beati , relictis fulcris , domum pedes rediit, & deinde semper undequaque sanus incessit ; hodie verò postremum , quod supererat dubium nimirum : Anstante approbatione duorum præfatorum miraculorum tutò deveniri posse ad solemnum Beati Fidelis Canonizationem; Sanctitas Sua in generali sacrorum Rituum Congregatione die 24. Martii currentis anni 1744. coram se habita , ad humillimas preces Fratris Maximiliani a Wanghena Ordinis Capuccinorum Definitoris Generalis , & hujus causæ Postulatoris , referente Eminentiss. & Reverendiss. Domino Cardinali Alessandro Albano idem præfatum dubium, loco Eminentiss. & Reverendiss. Domini Cardinalis Aldrovandi absentis , examinari dignata suit præcipere ; Cumque in ea tam Dominorum Consultorum , quam Reverendissimorum Cardinalium suffragia audiverit unanimiter Affirmativè respondentium , resolutionem ea die adhuc differre censuit , ut uberioris prius auxili , luminisque cælestis copiam imploraret . Quo tandem abundè impleto , accitis coram se R. P. Ludovico de Valentibus Fidei Promotore , meque prædictæ Congregationis Secretario infra scripta die Festivitatis ac Martyrii ejusdem BEATI anniversaria , post celebratum in Ecclesia Capuccinorum ad altare ubi venerationi erat exposita insignis BEATI FIDELIS Reliquia , Divinum Sacrificium , præsens ejusdem BEATI Canonizationis quandocumque faciendæ Decretum expediri ac publicari mandavit . Hac die 24. Aprilis 1744.

C. Card de Marinis Præfectus .

Loco † Sigilli .

T. Patriarcha Hierosolymitanus Secretarius .

Ubi

Ubi Pontifex discessit , Fr. Maximilianus a Wanghenā , causæ Postulator , a R. P. D. Ludovico de Valentibus Fidei Promotore sacris vestibus induito prope altare majus ad cornu Epistolæ sedente acceptum Decretum recitandum in Templo palam curavit : Quo facto idem Præsui hymnum *Te Deum* ab altari præcinuit , eumdem subsequentibus ad finem usque Symphoniacis , & Musicis , succensis etiam eodem tempore minoribus æneis tormentis , non sine magno populi plausu , & diei illius celebritate .

Parem nocte sunt exitum causæ BB. Petri Regalati , & Catharinæ de Ricciis , quarum primam eadem prædicta methodo retulit Eminentissimus Card. De Gentilibus , alteram Eminentissimus Lercarius , in Congregatione generali , coram SS. D. N. , die 22. Septembbris ejusdem anni 1744. super Dubio , An stante miraculorum approbatione tutò procedi posset ad Canonizationem ; Etsi enim auditis Cardinalium , & Consultorum suffragiis , judicium ferre Pontifex supersedisset ; ut , quid sibi decernendum foret ; maturius deliberaret ; Tamen post dies non amplius quindecim , quæ infra subjicimus , Decreta seorsim edidit .

O X O M E N

*Canonizationis Beati PETRI REGALATI Ordinis Minorum ,
apud Hispanos Regularis Observantie S. Francisci Restauratoris.*

CUM , post absolutas de more Antepræparatoriam & Præparatoriam Congregationes , referente Reverendiss. D. Card. Antonio Xaverio De Gentilibus , proposita fuerit in Congregatione Generali , habita coram Sanctissimo , die 2. Junii currentis anni , Causa Oxomen Canonizationis B. PETRI REGALATI super Dubio , *An & de quibus Miraculis constet post induliam a Sede Apostolica eidem BEATO venerationem* ; Cumque Sanctitas Sua , præmissis præmittendis , duo ex eis in tertio genere approbaverit , uti colligitur ex Decreto edito die 14. Julii currentis anni ; Deventum tandem fuit in alia Generali Congregatione , habita pariter coram Sanctissimo , die 22. Septembbris proximè præteriti , ad postremum , quod supererat , Dubium : *An stante approbatione supradictorum duorum Miraculorum , tutò procedi possit ad solemnem ejusdem BEATI Canonizationem* ; Omnibusque Affirmativè respondentibus , Sanctitas Sua resolutionem differre voluit , ut prius , effusis ad Deum precibus , cœlestis luminis opem in tam gravi deliberatione imploraret . Quibus impletis , idem Sanctissimus Dominus Noster , post Missæ celebrationem ad altare S. Brunonis in Ecclesia S. Mariæ Angelorum ad Thermas Diocletianas , accitis coram se R. P. Ludovico de Valentibus Fidei Promotore , & me infrascripto Secretario , præsens Canonizationis B. PETRI REGALATI , quandocumque faciendæ , Decretum expediri & publicari mandavit . Hac die 6. Octobris 1744.

S. Card. Valenti .

Loco † Sigilli .

Tb. Patriarcha Hierosolym. S.R.C. Secr.

FLO-

F L O R E N T I N A

*Canonizationis Beatae CATHARINÆ DE RICCIIS Monialis
Professæ in Ven. Monasterio S. Vincentii Civitatis Prati
Ordinis Prædicatorum .*

R Elata in Congregatione Generali Sac. Rituum habita die 24. Martii currentis anni coram Sanctissimo Domino Nostro BENEDICTO PAPA XIV. per Reverendissimum D. Card. Lercarium Causa Canonizationis B.CATHARINÆ de RICCIIS super Dubio: *An, & de quibus Miraculis constet post indultam eidem Beatae Venerationem in casu , & ad effectum de quo agitur : Cum ex tribus, quæ tunc fuerunt proposita , & examinata Miracula , Sanctitas Sua duo approbaverit secuta post formalem dictæ Beatae CATHARINÆ Beatificationem , uti colligitur ex Decreto edito die 26. Maji currentis anni, & postmodum die 22. nuper elapsi mensis Septembbris , coacta iterum Generali Congregatione Sac. Rituum coram eodem Sanctissimo Domino Nostro propositum fuerit per supradictum Reverendissimum D. Card. Lercarium alterum, quod examinandum supererat, Dubium : An statim approbatione duorum Miraculorum tutò deveniri possit ad solemnem ipsius Beatae CATHARINÆ Canonizationem : Omnesque, qui in ea Congregatione suffragium tulerint , affirmativum dederint responsum : Sanctitas Sua resolutionem ea die differre voluit , ut tum suis , cum aliorum precibus in tam gravi deliberatione lumen a Patre luminum prius imploraret , quod cum abundè sequentibus diebus peregerit, novissimè infrascripta die S.Brunoni Carthusianorum Fundatori dicata, post celebratum in Ecclesia S. Mariæ Angelorum Missæ Sacrificium , accitis coram se R. P. Ludovico de Valentibus Fidei Promotore , meque infrascripto Sac. Rituum Congregatiois Secretario , ut novum decus Prædicatorum Ordini adderet , præsens Canonizationis memoratae Beatae CATHARINÆ de RICCIIS , quandoquaque faciendæ , Decretum expediri ac publicari mandavit . Hac die 6. Octobris 1744.*

S. Card. Valenti .

Loco † Sigilli .

T. Patriarcha Hierosolymitanus Secr.

Et quoniam in Decreto superiori mentio facta est de inclyto Carthusianorum Parente Sancto Brunone, ad cuius altare sacris operatus Pontifex , festo illius die recurrente , B. Catharinam Sanctis accenseri quandcumque posse declaravit ; non esset abs re meminisse etiam quid circa

circa eximum ejusdem Instituti Sectatorem Nicolaum Albergati , Civem & Episcopum Bononien. clarissimum sacri Cardinalium Collegii decus & ornamentum Sanctitas Sua constituerit , coram decem Eminentissimis Patribus , nempe Lercari , de Gentibus , Guadagni , Spinula , de Valentibus , de Montibus , Lucino , Bolognetti , Hieronymo Columna , Prospero Columna de Sciarra jussu Pontificis convocatis , atque unacum Oratore Bononiæ Comite Bentivolo in intimo ejusdem Ecclesiæ Choro congregatis; nisi nos apprime instructos redderent ipsæ Apostolicæ literæ , quas referrem hoc loco ; nisi eas jam impressas unacum Decreto , Lectionibus propriis , & peculiari Elogio ejusdem Beati Nicolai Albergati in Martyrologio Romano apponendo , haberemus Tomo Secundo *lib. xi. cap. 14. §. 58. pag. 333.* aurei revera Operis de Servorum Dei Beatificatione , & Beatorum Canonizatione , novissimè a Sanctissimo ipsius auctore BENEDICTO PAPA XIV. summopere aucti , & tertio sub prælo positi pro Conimbricensi Liturgica Academia , quæ peculiarem super hoc demandavit curam præclarissimo viro P. Emmanueli de Azevedo Societatis Jesu Alumno , cum ad promovendas non paucas Servorum Dei Causas a Lusitaniæ & Algarbiorum Rege selectus est præ omnibus & Romæ detentus ; ubi ab eodem Sanctissimo Patre Sacrorum Rituum Congregationis Consultor renunciatus , summa vigilantia , & omnium Eruditorum expectatione præfatum Opus magnificentissimè exsequitur .

Elaborabant inter hæc Postulatores BB. Camilli de Lellis , & Josephi a Leonissa , ut quantocius causas , quas susceperant , ad optatum Canonizationis finem perducerent . Ambæ ita processerant , ut coram Sanctitate Sua rite perpensis , quæ post impertitum eisdem Beatis cultum a Deo facta fuerant eorum intercessione , miraculis , Pontificium dumtaxat de iis exspectaretur oraculum . Tempus non modicum intercesserat , nec de Petri Cathedra vox incorrupta judicantis , de quibus constaret miraculis , adhuc intonuerat: Publicæ propterea privatæque preces in horum Beatorum Templis , & Cœnobiis eo dirigebantur , ut ad id obtinendum , quod petebatur , opportuna è cœlo Pontificiæ menti lux affulgeret .

BENEDICTUS verò , licet hæc ei cura altè infedisset in animo: tamen ut populum sibi commissum , omni , quo poterat , studio acceptabilem Deo magis redderet , sacram visitationem instituere per id tempus decreverat , cuius initium a domo Dei se facturum primo die Maji anni 1745. etiam edixit .

Is dies erat Apostolorum Philippi , & Jacobi triumpho consecratus . Summo igitur mane cum ad Lateranum se contulisset Pontifex , a Capitulo Basilicæ , ejusque Archipresbytero Nerio Cardinali Corsino Sancti Eu-stachii Diacono exceptus , post effusas ante augustissimum Eucharistiæ Sacramentum preces , aliasque præparatorias ad Missam perfectas in eodem Altari Sacrificium consecit; quo absoluto, in proximum Columnensium Sacellum , e qua familia Cardinalis Hieronymus utriusque Apostolici Palatii Pro-

ti Pro-Præfectorus præsens aderat , secedens Defunctorum animas consuetis orationibus absolvit . Mox utrasque custodias , & eam scilicet , quæ cœlestem Angelorum panem in Pyxide servat , & illam , qua sacrorum Oleorum vasa conduntur , intus & extra diligenter inspexit . Deinde Capita beatorum Apostolorum Petri , & Pauli , ceteraque plurimorum Sanctorum Reliquias , quæ in alto peggiate instar turris intra Templum erecto servantur , propius veneraturus , per amplam scalam de industria paratam , & ab Ara majori , quæ ex adverso est , non longè applicitam superius ascendit .

Crates ferreæ inauratae , quibus circumundique pegma concluditur , & quarum claves penes se habent , alteram Præfectorus Domus Pontificiæ pro Papa , alteram Conservatores Urbis pro Populo Romano , reseratae jam prius fuerant , velaque pariter demissa . Cuncta lustravit Pontifex ; recognovit documenta , quæ de identitate Reliquiarum testabantur , per tractans inde manibus etiam suis , quas exosculari volebat , lipsanothecas .

Ab alto descendens Altarium mensas & ornatus earum inspexit , sacram supellecstilem , singulaque omnia ad Divinum cultum , majestatemque , ac Ministrantium decorum spectantia , in Sacrarii ambitu disposita sedulò aspexit : tandem ad Cappellam Domus Corsinæ divertit .

Est hæc ultima ad dexteram e Basilica exeuntium , a san. mem: Clemente XII. Laurentio Corsino Sanctitatis sue Prædecessore in memoriam S. Andreæ Fesulani Episcopi Cognati sui erecta atque fundata . Pario lapide ornata est , cælaturis æneis multo auro illitis , anaglyptis , signisque marmoreis , & egregia Divi Andreæ imagine ex opere musivo , quæ tabulae loco sacram Aram mirifice illustrat : Præterea est in ea nobilis ex porphyrite Sarcophagus , quem vivens e Pantheon , olim Delubro , nunc Templo B. Mariæ ad Martyres , uni ex Cardinalibus S. R. E. in Diaconiam attributo , ipsius Ecclesiæ Canonicis exhibentibus asportatum ad mortalis sui Depositi custodiā constituit sibi Clemens , cuius voluntati obsequentes Gentiles sui , cum vix ab obitu præfinitus annus effluxisset , ejus caderer e Sancti Petri in Vaticano Basilica , ubi depositum fuerat , privato funere elatum , prout ipse Chirographo mandaverat , in eo deponendum curarunt .

Itaque Cappellam ingressus Papa BENEDICTUS , defuncti Pontificis animæ intercedentibus B. Andreæ meritis a Deo precatus est pacem ; Et quamvis non ignoraret præter Ministros ad Ecclesiastica obeunda munia certis redditibus attributis in ea institutos , Sacrarium quoque vestibus & vasis , tum aureis tum argenteis , omnique alio cujusvis generis apparatu , largè instructum esse , honorifica tamen potius , quam censoria animadversione , nihil voluit inobservatum præterire .

Postremò remeavit ad Quirinale egrediens per Orientalem portam . Nova hic porticus , novaque templi facies ipsummet Clementem habet Auctorem ; ut inscriptum ejus nomen , & stemma gentilitium ostendunt . Et quidem tantæ molis fabrica ita admirationi omnibus est , ut oculos etiam in se

in se animosque intuentium convertat, & Triclinium Leonis restitutum, & oblonga via ad agrum Sessorianum aperta, utrumque regnantis Pontificis nobile opus. Neque verò in his dumtaxat se continuit munificentissimus Princeps: Longè majora sunt, quæ suo quæque loco, si quidem scribendi copia fuerit, enarrabuntur. Unum tamen modò prætermittendum non est, tanto nimirum Pontifici tribuendum esse, si non amplius flexus & invius, sed facilis & rectus accessus est ad Basilicam Helenianam, quæ Sanctitatis Suæ, dum Presbyter Cardinalis esset, Titulus fuit: Si Frons hujus Templi molimine ipso, & columnarum numero nobilis assurgit: Si demum Ædes tota velut nova Hierusalem deposito senio, & quasi sponsa ornata monilibus suis conspicitur. Quæ omnia summatim indicat lapis super ostium in interiori ædis parte ita inscriptus.

BASILICAM SESSORIANAM
A CONSTANTINO MAXIMO MATREQUE HELENA
A FUNDAMENTIS ERECTAM
ATQUE A LUCIO II BONONIENSI RESTAURATAM
BENEDICTUS XIV. PONT. OPT. MAX.
JAM EAMDEM IN TITULUM HABITAM
FRONTE PORTICU ABSIDE THOLO EXTRUCTIS
VIAQUE AD LATERANUM
COMPLANATIS UNDIQUE MACERIIS AGGERIBUSQUE
EXCITATIS INGENTI LIBERALITATE
ORNAVIT RESTAURAVIT DITAVITQUE
ANNO REP. SAL. MDCCXLIII. PONT. IV.

Providam hanc Vicarii suī curam in restaurandis Christianæ Religiosis monumentis, in reficiendis ornandisque Basilicis sacerdorum injuria collabentibus, in promovenda Ecclesiasticorum disciplina, tanto animi studio suscep tam^a, qui scrutatur corda & scit quid Spiritus desiderat, Christus Jesus benigno statim favore est prosequutus. Nam cum Papa eo ipso die primo Maji ex Laterano redux in domesticum se recepisset cubiculum, advenisse tempus intellexit, quemadmodum diu precibus efflagitaverat^b, quo divitias gloriæ magni Dei mirabilia facientis in Servis suis, quos præparavit in gloriam, palam ostenderet: Quapropter accersitis R.R. PP. Congregationis Sacrorum Rituum a Secretis, ac Fidei Promotore sequentia duo Decreta super approbatione Miraculorum in Causis Canonizationis BB. Camilli de Lellis, & Josephi a Leonissa vulganda tradidit.

[a] Parali. cap. 28. v. 9. & ad Rom. cap. 1. v. 27. [b] Ad Ephes. 22. versu 18.

*Canonizationis BEATI CAMILLI DE LELLIS Fundatoris Clericorum
Regularium Ministrantium Infirmis.*

Postquam solemni Ritu inter Beatos relatus fuit Venerabilis Dei Famulus CAMILLUS DE LELLIS Fundator Clericorum Regularium Ministrantium Infirmis, instantibus de more Postulatoribus pro impetranda ejusdem Causæ Reassumptione, ut ad finem optatum, nempe Canonizationem, ipsa perducatur, signata fuit Commissio Reassumptionis Causæ, & Apostolici Processus confessi (quorum validitas diligenter etiam examinata, atque inde probata fuit) de Miraculis, quæ ob intercessionem Beati CAMILLI a Deo patrata ferebantur, postquam ille Beatorum numero adscriptus est: Cum deinde eadem Miracula in examen revocari cœpissent, & accuratissima disquisitio de ipsis facta esset, uti mos est, in duabus Congregationibus Antepræparatoria, ac Præparatoria, demum coram Sanctissimo Domino Nostro BENEDICTO XIV. die 16. Martii nuper elapsi habita fuit Congregatio Generalis Sacrorum Rituum, in qua propositum fuit Dubium, quod antea jam fuerat propositum in duabus Congregationibus Antepræparatoria, ac Præparatoria, quas superius nominavimus -- *An, & de quibus Miraculis constet post indultam eidem BEATO Venerationem in casu, & ad effectum -- Sanctitas Sua, priusquam accederet ad Congregationem, omnia Consultorum suffragia perlegere voluit, quemadmodum facere consuevit, atque illa deinde coram universo Cœtu dilucide exposuit: Post hæc auditis Cardinalium suffragiis nihil novi constituit, non solum, ut Causam accuratiūs perpenderet, sed etiam, ut Divinam opem in tam gravi, difficile negotio diuturnis precibus imploraret: His omnibus peractis duo ex propositis Miraculis adprobavit: Primum illud est, quod in Ordine secundo loco describitur, & Luciæ Teresiæ Petti contigit, quæ ab ipsa Nativitate asthmate oppressa, gravissimâ respirandi difficultate laborabat, & cum magis ætate procederet, tanta malorum accessio facta est, ut non modo ineptam prorsus efficerent ad quemcumque vel levissimum laborem, sed etiam macilento vultu, fractisque viribus Corporis penitus extenuarent: Quin etiam gibbum contraxit, & sanguinem immixtum sanie despere cœpit, itaut de ejus vita actum esse Medici unanimes adfirmarent: Sed illa post invocatum B. CAMILLUM momento temporis pristino respirandi impedimento, & maretidis sputis libera protinus evasit, Corporis curvamine soluta fuit, & se ad labores omnes suscipiendos idoneam, & expeditam sensit, cum nulla antea Crisis, seu mali mutatio eidem Mulieri contigisset: Atque ita restitutis viribus, postquam septemdecim annis graviter vexata fuit, integrâ, perfectâque gaudet valetudine.*

Secun-

Secundum Miraculum, quod in Ordine tertium locum obtinebat, à Sanctitate Sua probatum, accidit Margaritæ Castelli Puellæ annorum duodeviginti, quæ Parentem habuit pustulis infectam, & eodem morbo ita oppressa fuit, ut pustulæ in diversis partibus erumperent, & postremò ulcus per totum Corpus, & ingentes crustas sanie manantes, & supramodum graveolentes inducerent. Tandem Mense Julii anno 1743. cum Puellam febris acuta correpuisset, & nullum a medicinis levamen acciperet, omnem de ipsius sanitatem spem Medici deposuerunt: Divinum Eucharistiae Sacramentum ipsi tamquam proximè morituræ fuit administratum, & omnia, quæ ad lucretum & funebrem pompam spectant, jam parabantur; Interim ejus Mater, ac Soror ad intercessionem Beati CAMILLI piè confugerunt, & statim admirabile portentum evenit: Nam moriens Puella excitatur, & se incolumem, & sanam exclamat: Lecto profiliit, inflatum corpus detumuit, tabidæ Crustæ deciderunt, cibum sumpsit integris ac restitutis viribus; nec ulla tunc temporis Crisis, seu mali mutatio intercessit; Optimam pariter valetudinem, quam recuperavit, nunc etiam firmam retinet ac tuetur.

Hæc duo Miracula tanquam tertii generis Sanctitas Sua probavit, postquam in Lateranensi Basilica Sacrum hac die consecrit, quemadmodum R. P. Fidei Promotori, & mihi infra scripto Secretario declaravit, dum Sanctitas Sua præsens Decretum mihi tradidit. Hac die primâ Maji Sanctis Apostolis Philippo, & Jacobo dicata anno 1745.

C. Card. de Marinis Præf.

Loco † Sigilli.

T. Patriarcha Hierosolymitanus Seeret.

S P O L E T A N A

*Canonizationis BEATI JOSEPHI A LEONISSA Sacerdotis
Professi Ordinis Minorum S. Francisci Capuccinorum.*

PEractâ jam à Clemente XII. fel. record. Beatificatione Venerabilis Dei Famuli JOSEPHI DE LEONISSA Sacerdotis Professi ex Ordine Minorum Sancti Francisci Capuccinorum, & signatâ deinde Commissione Reassumptionis Causæ, confectis auctoritate Apostolicâ Processibus de Miraculis, quæ post eandem Beatificationem contigerunt, examinatâ pariter sedulò, ac probatâ validitate ipsorum Processuum, postremò in duabus Congregationibus Antepræparatoriâ, ac Præparatoriâ, quarum prima coacta fuit die 18. Junii anno 1743.; altera verò die 3. Martii anno 1744.; In his, inquam, Congregationibus propositum de more fuit:

12 ACTA CANONIZATIONIS

An, & de quibus Miraculis constet post indultam dicto BEATO venerationem in casu, & ad effectum &c. -- Idem prolatum dubium fuit in Congregatione Generali Sacrorum Rituum habitâ coram Sanctissimo Domino Nostro Papa BENEDICTO XIV. die 22. Septembris anno 1744.

Sanctitas Sua, priusquam in Congregationem veniret, omnia Consultorum suffragia perlegit, eaque fusè retulit coram universo Coetu: Post hæc auditis Cardinalium suffragiis, nihil omnino decernendum censuit, ut rem totam magis accurato studio perpenderet, & seipsum Deo commendaret, ut lumen suum in hoc gravissimo negotio impertiretur.

Itaque Sanctitas Sua, dum ejusmodi Causæ privatum studium impenderet, nonnullas difficultates deprehendit: Etenim circa primum, ac secundum Miraculum, quæ Consultores & Cardinales majori plausu exceperunt, advertit Sanctitas Sua nequaquam missos fuisse Romam articulos, seu capita rerum, ut super illis a R. P. Fidei Promotore Interrogationes conficerentur, quæ solùm propositæ fuerunt a Judicibus Remissiveis Apostolicis: Id profecto novum & inusitatum Sanctitati Suæ visum fuit, eò quod de Processu ageretur Spoleti confessio, quæ Civitas procul dubio paucis milliariis Româ distat: Quare contrarium id esse constat Sacrae Congregationis praxi, quam Sanctitas Sua in suis libris-
De Canonizatione Sanctorum lib. 2. cap. 47. num. 3. fusè explicavit.

Accedit etiam, quod in Miraculis tertii generis Instantaneitas necessariò demonstranda sit, quæ cognosci quidem nullo modo potest, nisi prius ostendatur status anterior immediatus morbi, qui deinde momento temporis mirabiliter sanatus fuit: Quamobrem Sanctitas Sua percurrens Testium dicta, nihil sanè dubitandum putabat de præcedenti immediato, ac miserrimo statu morbi, sed in apertam lucem manifestò illum non deduci, eò quod opportunæ ac necessariæ Interrogationes prætermissee fuissent; ideoque Processum ejusmodi spicæ comparandum esse, quæ licet matura ac frumenti granis repleta sit, tamen illa non effundit, nisi alicujus manu excutiatur.

Cum hæc ita essent, Sanctitas Sua desiderio, atque amore cognoscendæ veritatis solùm adducta, scribendum duxit ad Episcopum Spoletinum, qui suffectus est in locum sui Prædecessoris, qui Processui condendo interfuerat, ac vitæ cursum absolvit: Illum secretò admonuit, ut accitis improvisò Testibus jam antea examinatis, & aliis pariter, qui vocari in examen poterant ac debuerant, sed votati nequaquam fuerant, illos opportunè interrogaret de statu immediato, qui sanationi præcessit: Episcopus ad Leonissam se conferens indictâ jam sacrâ Visitatione Sanctitatis Suæ mandatis prudenter, accuratèque satisfecit: Novum Processum, quem condidit, Romam misit, consentaneum penitus illis omnibus, quæ ipsi commissa fuerant: Quem Processum Sanctitas Sua tradidit, ut in Tabulario Sac. Congregationis collocetur, & ipsius causâ difficultates omnes prorsus se exuisse adfirmavit. Addidit, Se nullam hæsitationem habuisse,

ut litteras daret ad Episcorum Spoletinum , uti dictum est , quamvis adversari videatur Decretum Alexandri VII. promulgatum anno 1658. , quod Sanctitas Sua commemorat in Libris -- *De Canonizatione Sanctorum lib. 2. cap. 53. num. 11.* -- Quo sanè Decreto præcipitur , ne in causis ejusmodi per quo cumque adjungantur robora , ac veluti subsidia iis probationibus , quæ in Processibus jam perfectis continentur : Sibi enim persuasit Decretum Alexandri VII. locum non habere , cum Pontifex ipse pro cognoscenda diligentius veritate hujusmodi subsidia perquirat : Accedit etiam , quod illud Decretum editum fuit ad coercendos Postulatores , ne Testes novos pro libito suo imbuerent , priusquam in examen vocarentur , aut cum veteres Testes iterum examen subire deberent : Porro hoc periculum obvenire nullo modo potuit ob accuratam diligentiam ac rationem , quæ totum negotium administratum fuit : Postremò , etiamsi idem Decretum impedimentum aliquid afferre posset , Sanctitas Sua , quatenus opus esset , pro hac vice tantum illud prius abrogare constituerat .

Illustratis hoc pacto ob novas & opportunas interrogations assertio-
nibus Testium , qui prius examinati fuerant ; iisdemque magis corroboratis aliorum testimoniis , qui minimè ad examen accesserant , licet acci-
ri debuissent , apertissimè patuit status morbi , qui sanationi instantaneæ
præcessit , & cognitio habita est de illius continuatione , sicuti in primo
ex propositis Miraculis contendebat : Quippe Spoletinus Episcopus te-
status est , se vidisse Puerum , de quo sermo instituitur , integræ sanitati
restitutum , & pedibus omnino liberum atque expeditum : Itaque Sanctitas Sua peracto Sacro in Basilica Lateranensi , accito R. P. Fidei Promoto-
re , meque infra scripto Secretario suâ auctoritate adprobavit tanquam
Miraculum tertii generis incolumitatem redditam Josepho Dionysio ,
quam Postulatores primo loco exposuerunt : Is Puer duorum annorum
tam magnam corporis totius debilitatem ab ipso vitæ exordio contraxerat ,
ut stare nullo modo posset ; carnem verò lentam adeo , ac flexibilem ha-
bebat , ut , veluti sudariolum , complicaretur : Eum Mater ad Ecclesiam
detulit , ubi B. JOSEPHI Corpus repositum est , & super Altare Puerum
collocavit , BEATUM invocans magnâ religione ac pietate , ut illum ab
ægritudine liberaret : Tunc Puer absque ulla mora pedes suos ita cor-
borari sensit , ut incedere sine difficultate , & currere potuerit ; quo sa-
nitatis beneficio adhuc fruitur , uti superius commemoravimus .

Insuper Sanctitas Sua quoque probavit tanquam Miraculum tertii ge-
neris sanationem Antoniæ Morelliae , quam Postulatores secundo loco ita-
tuerunt : Illa graviter laborabat fistulâ , quæ Callum etiam induxerat , &
faniem permixtam sanguine fundebat : Ex eadem fistulâ , cum hians pate-
ret , ventus tam vehemens erumperet , ut Candelam posset extinguere :
Per duos annos hoc morbo cruciata fuit , cui dolores etiam , Tussis , ac
Febris superaddebantur , donec pius Sacerdos illam oblinivit oleo , quod
ante sacrum Corpus Beati JOSEPHI ardere consuevit : Tum momento
tem-

temporis integrum sanitatem consequuta est , fistulâ penitus occlusâ , doloribus , Tussi , ac Febri omnino cessantibus , pristinæ vires , & color naturalis ipsi redierunt , quâ bonâ valetudine deinceps semper uia est : Quare , ut de Pontificia adprobatione horum Miraculorum certum documentum existat , Sanctitas Sua mihi infra scripto Secretario præsens Decretum tradidit , hac die prima Maji Sanctis Apostolis Philippo , & Jacobo dicta anno 1745.

C. Cardinalis de Marinis Præfect.

Loco † Sigilli .

T. Patriarcha Hierosolymitanus Secretarius .

Postero die rediit Summus Pontifex ad Lateranum , inceptam Visitacionem prosequuturus . Peracto Sacro in Aldobrandino Sacello , ubi Eucharistia custoditur , cum Eminentissimo Archipresbytero & Caonicis , qui Sanctitatem Suam iisdem ac pridie Cæremoniis advenientem receperant , in Vestiarii recessu confudit : Libros ad Animarum curam spectantes , tum qui de Baptizatis , vel Confirmatis , seu Matrimonio conjunctis , seu vita functis testantur , tum eum , in quo Sacrificio pro Populo diebus saltem festis applicanda , juxta Sanctitatis Suæ encyclicam Epistolam datam Patriarchis , Archiepiscopis , Episcopis , cunctisque Locorum Ordinariis per Italiam die 19. Augosti 1744. debent adnotari , sedulò ne conscripsisset & cautè asservaret Ecclesiæ Rector , studiosè quæsivit ; Quia verò inter præcipua Parochorum munia , utpote qui in Episcoporum adjutorium assumuntur , comprehenditur obligatio instituendi ad Catholicam fidem rudes , ac pueros ; qua methodo , quo loco , & tempore , quove adjutorio id ageretur , perscrutatus est , ac nonnulla zelo & vigilantiâ pastorali plena edidit decreta . Sanè quantæ id Pontifici curæ sit , palam faciunt instructiones ejus jam editæ , cum Bononensem Cathedram obtineret , eaque benignitas , & humanitas , qua Christum ducem sequutus parvulos ad se venientes non semel erudivit ignaros , confirmavit instructos , omnes ad solidiorem scientiam muneribus allexit . Hæc ipsa Patriarchalis Basilica Lateranensis contemplata est hoc die , de quo loquor , tradentem pueris fidei rudimenta BENEDICTUM , quem ante quinquennium in summo Apostolicæ dignitatis fastigio positum exultans ostenderat : Testis est etiam Congregatio , seu Societas , ut vocant , Doctrinæ Christianæ , quam permutatâ Ecclesiâ antea nimis angustâ , aucto ad Ministros saluberrimi operis alendos censu , aliisque præterea beneficiis cumulavit & gratiis . Ad hæc ut verbum Dei , cuius est custos , in proximorum corde parere , atque alere Pontifex valeat ; norunt omnes ; quo honore in Apostolicas Ædes advehî sinat , qua comitate excipiat , variisque

riisque donis muneretur, quicumque ex pueris in annua generali disputatione de fidei nostræ Institutis tamquam omnium peritissimus donatus laureâ sit.

At non minori sollicitudine Ecclesiasticæ disciplinæ teneri demonstravit Pontifex, cum die tertio præfati mensis Maji Visitationem eamdem prosequutus multas tulit saluberrimas leges, quibus ii tenerentur, qui in sortem Domini vocati ad concinendas divinas laudes Choro debent interesse, pluresque alias de bonorum Ecclesiæ procuratione, & Legatorum adimplemento: Cetera delegans cognoscenda Eminentissimo Archipresbytero, & nonnullis sibi adjunctis Convisitatoribus ejusdem Patriarchalis Canonicis. Revertar mōdō unde fueram digressus: Etenim ab enarratione Actorum, nimis dilapsus est sermo.

Expeditis itaque Miraculorum approbatione Causis BB. Camilli, & Josephi, reliquum erat dubium; an idcirco videretur posse tutò procedi ad eorum Canonizationem. Indicta de more super eo generalis Congregatio habita fuit coram Sanctissimo Domino Nostro die 3. sequentis Augusti, in qua licet singuli Suffragatores unanimi responso *Possè* censuerint; Pontifex tamen animum suum patefacere noluit, ut a Deo, ad cuius gloriam dirigitur Canonizatio, novis precibus & sacrificiis, quid sibi in tali negotio statuendum foret, exposceret; quod quanto Religionis studio, quaue assiduitate præstiterit, compertum iis est, qui BENEDICTUM viderunt, quotidie, ut consuetum ei est, ante Augustissimum Eucharistiæ Sacramentum publicæ expositum venerationi diu procumbentem; raro pietatis exemplo.

Imminebat interim dies 17. Augusti universæ Christianæ Reipublicæ felix, quo post longam sex mensium viduitatem, talem sponsum extemplo sibi datum, ita gavisa Ecclesia est, ut ejus magnitudini animi, prudenter, sapientiæque confusa, difficillimis hisce temporibus bello, fame, pestilentia, præcipue verò iterata Romani Imperii vacatione interturbatis, malorum, quæ timebantur, depulsionem sibi meritò præfigerit, & reintegratam in posterum felicitatem, pace inter dissidentes Principes composita, sibi obventuram firmissimè speret.

Hunc igitur diem præelegit Pontifex ad sequentium Decretorum promulgationem; ut precibus BB. Camilli, & Josephi Deus ex Alto ineuntem suscepit Ministerii sui annum sextum benigno prosequeretur auxilio.

ROMANA, SEU THEATINA

Canonizationis BEATI CAMILLI DE LELLIS Fundatoris Clericorum Regularium Ministrantium Infirmis.

Proposito in Sacrorum Rituum Congregatione Generali habitâ die tertia labentis mensis Augusti coram Sanctissimo Domino Nostro BENEDICTO PP. XIV. Dubio -- *An in Causa Beati CAMILLI DE LELLIS Fun-*

Fundatoris Clericorum Regularium Ministrantium Infirmis; in qua Sanctitas Sua die prima Maji currentis Anni bina approbaverat Miracula sequuta post indultam eidem BEATO Venerationem, - tuō procedi posset ad solemnum ipsius Canonizationem -- cum, omnibus affirmantibus, Sanctitas Sua resolutiōrem distulisset, ut a Deo in re tam gravi opem imploraret, accitis postmodum coram Se R. P. Ludovico de Valentibus Fidei Promotore, meque infra scripto Congregationis Sacrorum Rituum Secretario, post celebratum in Cappella domestica Sacrum, præsens Canonizationis Beati CAMILLI DE LELLIS quandocumque facienda Decretum expediri ac publicari mandavit. Elegisse autem ait pro editione & publicatione Decretri hanc ipsam diem decimam septimam mensis Augusti anni 1745. utpote anniversariam suæ Assumptionis ad Summum Pontificatum: Diem videlicet, quam ipsi honorabilem fecit Divina dignatio, quæ dum humilitatem suam in summum gradum provexit, quod neminem suorum sperneret, demonstravit; vivam spem in Deo collocans, quod, intercessione BEATI statu tempore inter Sanctos solemini ritu recensendi, Sibi pro sufferendo intolerabili onere, suis humeris reclinato, validissimo suo cœlesti auxilio præsto futurus sit; ne suscepiti operis magnitudo creberrima sit offensionis occasio, bene agnoscens, quod quamvis singuli quique Pastores speciali sollicitudine gregibus suis præsent, & pro commissis sibi ovibus rationem reddituri sint, sibi tamen cum omnibus cura communis est: Quæ verba sunt Sancti Leonis in primo, & quarto Sermonе in Anniversario assumptionis sue ad Summum Pontificatum. Hac die 17. Augusti 1745.

C. Card. de Marinis Præfectus.

Loco † Sigilli.

Th. Patriarcha Hierosolymitanus S. R. C. Secret.

S P O L E T A N A

*Canonizationis BEATI JOSEPHI A LEONISSA Sacerdotis
Professi Ordinis Minorum Sancti Francisci Capuccinorum.*

Sanctissimus Dominus Noster BENEDICTUS PP. XIV. die prima Maji currentis anni 1745. bina approbavit Miracula a Deo patrata intercessione Beati JOSEPHI A LEONISSA Sacerdotis Professi Ordinis Minorum Sancti Francisci Capuccinorum, sequuta post indultam dicto BEATO Venerationem, uti ex Decreto Sanctitatis Suæ dictis die & anno, edito planè colligitur.

Cum autem in Congregatione Generali Sacrorum Rituum habita coram Sanctitate Sua die tertia labentis mensis Augusti propositum de more suis-

fuisset Dubium -- *An tutò procedi posset ad solemnem dicti BEATI Canonizationem* -- & affirmantibus omnibus , Sanctitas Sua resolutionem distulisset , ut prius effusis ad Deum precibus cœlestis Numinis opem in tam gravi deliberatione imploraret : His adimpletis , accitis coram Se R. P. Ludovico de Valentibus Fidei Promotore & me infra scripto Secretario , post celebratum in Cappella domestica Sacrum , præsens Canonizationis beati JOSEPHI A LEONISSA quandocumque faciendæ Decretum expediri & publicari mandavit .

Addidit Sanctitas Sua , Se pro hujuscē Decreti publicatione præsentem diem , decimam videlicet septimam ejusdem mensis elegisse , suæ Assumptionis ad Summum Pontificatum anniversariam , sperans orationibus BEATI eisē præstandum , ut Deus misericordiarum ministerii sui tempora benignus aspiciat , Pastoremque ovium suarum & custodire semper dignetur & pascere : Quæ verba sunt sancti Leonis Magni Serm.4. in Anniversario assumptionis suæ ad Pontificatum . Hac die 17. Augusti 1745.

C. Card. de Marinis Præfectus.

Loco † Sigilli.

Th. Patriarcha Hierosolymitanus S. R. C. Secret.

Porro statutâ horum quinque BB. Fidelis nempe a Sigmaringa , Camilli de Lellis , Petri Regalati , Josephi a Leonissa , & Catharinæ de Ricciis Canonizatione , de loco , ubi eam peragi oporteret , dubitandum non videbatur ; nam licet fel. rec. Benedictus XIII. Joannem Nepomucenum inter Sanctos Martyres , & Clemens XII. Vincentium a Paulo , & Joannem Franciscum de Regis inter Sanctos Confessores non Pontifices , Julianam Falconeriam inter Sanctas Virgines , & Catharinam Fieschi Adorni inter non Virgines in Lateranensi Basilica nuper retulerint , tamen Vaticanicum Templum omnibus præferendum meritò putabatur *pro majore rei dignitate & gloria ; dignitate quidem propter Principum Ecclesiæ consortia ; gloria propter omnium gentium intundantem accussum* : Ut ex Maffeo Vegio , Eugenii IV. Cubiculario refert Dominicus Cappelli Apostolicarum Ceremoniarum Magister in contextu Actorum Beatificationis & Canonizationis S. Francisci Salesii a se collectorum .

Idcirco Sanctissimus Dominus Noster , ut tantæ rei dignitati Templi quoque Majestate consuleret , non alio in posterum loco , quam in Basilica Vaticana Canonizationes Sanctorum habendas decrevit : Quod & quatuor sacerdorum usu fuerat antea comprobatum , & sanc. mem. Alexander Papa VII. de formalī Servorum Dei Beatificatione ibi celebranda jam pridem stabiliverat .

En Sanctitatis Suæ Constitutio .

B E N E D I C T U S E P I S C O P U S

S E R V U S S E R V O R U M D E I

Ad perpetuam rei memoriam.

AD sepulcra Apostolorum , quorum consecrata Sanguine Roma , quæ fuerat Magistra erroris , facta est discipula veritatis ; ad sarcos beati Petri cineres , super cuius fidei firmitate extructa totius lacri ædificii Cœlo inferenda consurgit sublimitas , Romana Mater Ecclesia in suis triumphat filiis , qui calcatis Mundi blanditiis , & infernalis hostis superatis insidiis ad præmia pervenerunt æterna ; & quos inter Sanctos Dei Servos & cœlestis beatitudinis consortes congruo devotionis cultu venerandos Romani Pontificis a Christo Domino accepta , & per Petrum ad Successores suos derivata decernit auctoritas . Quæ igitur a Romanis Pontificibus Prædecessoribus nostris prudenti consilio & provida ratione instituta sunt , & longo deinde usu recepta , piè sanctèque servata , Nos , quorum humilitatem ineffabilis Dei benignitas ad Cathedram Petri evehere dignata est , decet diligenter servare & studiosè custodire ; & si quid vel temporum vel rerum varietate immutatum est , in integrum restituere , & ad pristinam rationem ac formam revocare , atque alia disponere , prout in Domino videtur expedire .

Sanè quidem omnes & singulæ Beatorum Canonizationes in Urbe nostra peragendæ in Basilica beati Petri Apostolorum Principis semper peractas fuisse , antiqua ac fide digna testantur monumenta : Cum autem fel. record. Benedictus Papa XIII. Prædecessor noster , a quo ad Cardinalatus honorem assumpti fuimus , in eadem Vaticana Basilica beatos Turribium ex Majorga , Jacobum a Marchia , Agnetem a Monte Politiano , Peregrinum Latiosum , Johannem a Cruce , Franciscum Solanum , Aloysium Gonzagam , Stanislaum Kostkam , & biennio post beatam Margaritam a Cortona Sanctorum cultu honorandos solemniter de more constituisset ; ac deinde beatum Johannem Nepomucenum in Sanctorum numerum similiter referre vellet , ei persuasum est , ut id in Basilica nostra Lateranensi solemnni ritu perageret . Nos , qui per id temporis Ecclesiæ Anconitanæ ex concessione & dispensatione Apostolica præeramus , eumdem Benedictum Prædecessorem per nostras litteras certiore facere non prætermisimus , Beatorum Canonizationes quoties in Urbe faciendæ erant , non nisi in Vaticana Basilica ab antiquo tempore celebrari consuevisse ; & ad hujusmodi officium præstandum eo magis Nos teneri credidimus , quia per plures annos , dum in minoribus eramus , unus ex insignis ejusdem Basilicæ Capituli Canonicis extimus , & per plures etiam annos munere Promotoris Fidei functi fuimus . Tum autem Româ benignè Nobis respondimus

sponsum est, quod in Basilica Lateranensi solemnis apparatus pro Canonizatione ibidem habenda jam niuum processerat; nostræque literæ seriùs, quam oportebat, ad Urbem pervenerant.

Postmodum a piæ mem. Clemente PP. XII. similiter Prædecessore nostro ab Ecclesiæ Anconitanæ ad Ecclesiæ Bononiensis regimen Apostolica ejus auctoritate translatis Nobis significatum est, prædictum Clementem Prædecessorem BB. Vincentii de Paulis, Johannis Francisci Regis, Catharinæ Fieschi Adorni, & Julianæ Falconeriæ Canonizationem propediem in Ecclesia Lateranensi solemniter celebraturum: Sed quoniam per id tempus jam primus Tomus operis nostri de Servorum Dei Beatificatione & Beatorum Canonizatione in publicum editus fuerat, in quo nullam ante præfati Benedicti Prædecessoris tempora Beatorum Canonizationem in Urbe solemniter, nisi in dicta Basilica celebratam fuisse satis superque demonstratum fuerat, ulterius animi nostri sensus aperire superfluum duximus.

Præterea, cum ante fel. rec. Alexandri PP. VII. pariter Prædecessoris nostri tempora nulla statuta esset solemnitas in Beatificatione Venerabilium Servorum & Ancillarum Dei observanda; idemque ritum & solemnitatem adhibendam in sacra functione hujusmodi, eamque debita cum pompa in Vaticana Basilica explendam decreverit, ita semper posterioribus temporibus servatum est, ut omnes Beatificationes in eadem Vaticana Basilica celebrarentur usque ad præfati Benedicti XIII. tempora, quo Romanam Ecclesiam gubernante, quamvis in Vaticana Basilica Beatificatio Ancillæ Dei beatæ Hiacynthæ Mariscottæ, & Servi Dei B. Joannis de Prado facta sit; nihilominus Beatificatio Servi Dei B. Fidelis a Sigmarininga paulo post Canonizationem B. Johannis Nepomuceni in Basilica Lateranensi celebrata fuit. Post hanc verò Beatificationem in ejusdem Benedicti Pontificatu in Basilica Vaticana solemnni ritu relati fuerunt in Beatorum numerum Servus Dei postea Beatus, & nunc sanctus Vincentius de Paulis, & Servus Dei beatus Petrus Forerius; in Pontificatu autem Clementis XII., paulo post supradictas Canonizationes in Basilica Lateranensi uno eodemque die unica solemnitate peractas, in eadem Basilica solemniter adscriptus est inter Beatos Servus Dei nunc beatus Joseph a Leonissa: Cum autem a Nobis ob ineffabilem Dei benignitatem Pontificatus honorem ac onus gentribus decretum fuisset, ut inter Beatos Servus Dei Alexander de Saulis adscriberetur, solemnis ejusdem Beatificationis functio in Basilica Vatica- na celebrata est.

Matura igitur consideratione perpendentes, quod a Romanis Pontificibus Prædecessoribus nostris omnes Venerabilium Servorum, & Ancillarum Dei Sanctificationes in Urbe nostra solemniter peragendæ laudabili instituto, optimisque ex causis ab antiquissimo tempore in Vaticana Basilica, & quod ab Alexandri PP. VII. Prædecessoris nostri, & successivis deinde temporibus Beatificationes quoque in eadem Vaticana Basilica, exceptis nonnullis supramemoratis Canonizationibus & Beatificationibus

ab iisdem Prædecessoribus nostris Benedicto, & Clemente in Basilica Lateranensi peractis, semper celebratæ fuerunt: Ne igitur commendabili & antiquæ consuetudini, & prædictæ Vaticanæ Basilicæ prærogativæ hujusmodi ex B. Johannis Nepomuceni Canonizatione, ac Venerabilis Servi Dei Fidelis a Sigmarina Beatificatione a Benedicto; nec non ex Beatorum Vincentii de Paulis, & Johannis Francisci Regis, ac Beatarum Catharinae Fieschi Adorni, & Julianæ Falconeræ respective Canonizatione, & Venerabilis Servi Dei Josephi a Leonissa Beatificatione a Clemente Prædecessoribus prædictis in Ecclesia Lateranensi celebratis præjudicium aliquod afferatur, hac nostra perpetuò valitura constitutione veterem consuetudinem ac venerandum Prædecessorum nostrorum institutum, Decretumque Alexandri Prædecessoris prædicti ac integrum ejus tenorem Apostolica auctoritate approbantes confirmantes & innovantes, ac illis quocunque Apostolicæ firmitatis robur adjicientes motu proprio, ex certa scientia, ac Apostolicæ potestatis plenitudine decernimus præcipimus & constituimus, ut in posterum & perpetuis inde futuris temporibus omnes & singulæ Venerabilium Servorum & Ancillarum Dei Beatificationes, ac BB. Canonizationes in Urbe nostra prædicta pro tempore celebrandæ, non in aliis quam in Basilica Principis Apostolorum de Urbe prædicta privativè quoad reliquas Basilicas Ecclesiæque ejusdem Urbis celebrari omnino debeant; utque Canonizationes & Beatificationes in eadem Ecclesia Lateranensi a Benedicto, & Clemente Prædecessoribus prædictis, ut præfertur, peractæ nullo unquam tempore, perinde ac si in ea celebratæ non fuissent, præjudicium aliquod antiquo instituto & Vaticanæ Basilicæ prærogativæ afferre valeant. Insuper quoniam ab eodem Alexandro Prædecessore nostro usque ab anno 1659. alterum emanavit Decretum super contributione tam in Beatificationibus quam in Canonizationibus favore Sacrarii ejusdem Basilicæ facienda, quod a Nobis in prædicto Tomo primo operis nostri de Beatorum Canonizatione relatum est, motu, Scientia, & potestate simili illud approbamus & confirmamus, & quatenus opus sit, quæ ab ipso Alexandro Prædecessore decreta sunt, rursus decernimus & constituimus; & in futurum ab omnibus inviolabiliter observari volumus & mandamus.

Præsentes quoque ex eo quod interesse ad præmissa habentes ad hoc vocati & auditio non fuerint, aut ex alia quavis juridica & legitima, etiam necessariò exprimenda causa, vel quocumque pretextu de intentio-
nis nostræ aut alio quovis defectu notari vel impugnari nullo unquam tempore posse, sed semper firmas validas & efficaces fore, & esse.

Sicque & non aliàs per quoscumque Judices etiam Causarum Palatii Apostolici Auditores, ac S. R. E. Cardinales, ac quoscumque alios Judices quacumque judicandi facultate suffultos judicari & definiri debere; sublata eis & eorum cuilibet quavis aliter judicandi & interpretandi facultate & auctoritate; irritum quoque & inane quidquid secus super his
a quo-

a quoquam quavis auctoritate scienter vel ignoranter contigerit attentari.

Non obstantibus Canonizationibus & Beatificationibus in praedicta Ecclesia Lateranensi, ut præfertur, celebratis, ac nostræ & Cancelleriæ Apostolicæ regula de jure quæsito non tollendo; nec non constitutio-nibus, & ordinationibus Apostolicis, si quæ contra litterarum nostrarum hujusmodi tenorem editæ existant, statutis, consuetudinibus, privilegiis quoque & indultis, illis alias in suo robore permansuris, hac vice dum-taxat specialiter & expressè derogamus, ac derogatum esse volumus contrariis quibuscumque.

Nulli ergo omnino hominum liceat hanc paginam nostri Decreti, statuti, constitutionis, confirmationis, derogationis, & voluntatis in-fringere, vel ei ausu temerario contraire: Si quis autem hoc attentare præsumperit, indignationem omnipotentis Dei, ac beatorum Petri & Pauli Apostolorum ejus se noverit incursum. Datum Romæ apud Sanctam Mariam Majorem nono Cal. Decembbris Anno Incarnationis Dominicæ millesimo septingentesimo quadragesimo primo Pontificatus nostri Anno Secundo.

D. Cardin. Passioneus.

Visa de Curia
N. Antonellus.

X. Sub-Datarius.

I. B. Eugenius.

Interim postulata cum Regum & Principum, tum Regularium ipsorum Ordinum assiduè ad Sanctitatem Suam deferebantur, ut quanto-cius hos quinque Beatos Sanctis dignaretur adscribere; quas preces & vota cum libenti animo Pontifex excepisset, proximo sequenti anno se relaturum Eos in Album Sanctorum benignè affirmavit, Postulatoribus tamen admonitis, ne parcerent sumptui, ut apparatus splendore & magnificentiâ, quæ peragenda erat Canonizatio, superiores reliquas antecelleret. Quod jure petere videbatur post imminutam in strenis & spor-tulis ipsarum Causarum impensam taxatione certa, ab eodem jam edita, in posterum valitura.

Ac onus quidem parandi omnia, & disponendi quæ ad tantam celebritatem requiruntur, ipsorum tantummodo Postulatorum est: Consue vere tamen Romani Pontifices, ut omnia ritè fiant atque ordine, aliquem eisdem præficere non minus autoritate, quam dignitate conspicuum, qui aliquando unus etiam e S. R. E. Cardinalium numero fuit; ut Xisto V. Pontifice factum est in Canonizatione sancti Didaci: Novissimis verò hisce temporibus hanc curam demandarunt aut Præfecto Palatii Apostoli ci aut Fidei Promotori; ut Sanctitati quoque Suæ contigit, cum Fidei Promotor Benedicto XIII. Pontifice Canonizationum, quæ tunc factæ fuerunt, res administravit: Verùm Pontifex cum perspectam haberet, non

non modò vigilantiam , verum etiam prudentiam R. P. D. Theodori Boccapaduli , quem sibi a secretis eleemosynis esse jam pridem jussérat , ipsi præ omnibus tale negotium commisit nuncio missò per Epistolam Secretariæ Status .

Eo ferme tempore admoniti R.R. PP. Causarum Postulatores fuere tam de hujusmodi electione , quâm de die 29. Junii anni proximè futuri , quem utpote SS. Petri & Pauli Apostolorum martyrio consecratum , ad Canonizationem peragendam Pontifex destinaverat . Moliri statim illi summo studio quidquid aut excogitari elegantiùs , aut artificio effici magnificentiùs poterat , & conferre consilia inter se ceperunt ; atque ut pro sua quisque parte quid curaturi essent , unanimi consensione deliberarent , primùm semel in hebdomada , deinde singulis quindecim diebus Pontificio jussu conveniebant apud Reverendissimum P. Thomam Ripoll Generalem Ordinis Prædicatorum Magistrum & in Causa beatæ Catharinæ de Ricciis Postulatorem , Virum cum multo rerum usu præstantem , tum etiam nonagenarium . Ea , quæ rata ipsis erant , Sanctitati Suæ continuò significabantur ; cum districtè præcepisset Pontifex , ne quid inconsulto Se fieret , & non probante .

Hæc cum ita compararentur , vergebatur in finem annus ; bellicus autem furor , qui Europam , atque adeo nostram etiam Italiam quadriennio amplius afflixerat , non jam , ut optabatur , conquiescere , sed magis augeri videbatur . Conclamabat^a Pontifex unà cum Populo ad Deum , ut^b fieret Pax in virtute sua , & miseratione placatus^c indignationem suam averteret a nobis . Cum in his tamen versaremur angustiis , multaque timeremus , quæ jam impendebant ;^d Pater misericordiarum & Deus totius consolationis ,^e qui nos neque jucunditates neque tribulationes sinit habere continuas ; sed ita ex^f adversis & prosperis , mortalium vitam contexit , ut mæstis rebus quædam etiam jucunda permisceat , consolatus est nos lætissimo nuncio , qui Septembri mense allatus Romam est , Franciscum nempe I. Lotharingiæ & Vargionum Ducem , atque magnum Ducem Hetruriæ , Francofurti electum Romanorum Regem & Imperatorem futurum .

Rem tantam & munus e Cœlo datum , ut Sacro Apostolico Senatui significaret Pontifex , Consistorio secreto in diem 15. Decembris indicto , ante Ecclesiarum in eo propositionem Germanicorum Comitiorum even- tum diserto narravit alloquio , acceptasque ab electo Romanorum Rege literas coram adstantibus S. R. E. Cardinalibus , a D. Cajetano Amato Litterarum Apostolicarum ad Principes Secretario consuetâ Cubiculariorum Cappâ induito recitari voluit ; ad gratias præterea Deo agendas pro tanto beneficio sequentem Feriam quintam destinavit .

Postero itaque die , cum per impressam schedulam admoniti fuissent
Emi-

[a] Josue cap.5. versu 5. [b] Psalmo 121. versu 8. [c] Psalmo 84. v.4. [d] 2. ad Corintb. cap.1. v.3. [e] S. Jo. Chrysost. Homil.8. in Matt. [f] Ibid.

Eminentissimi Patres & omnes Prælatorum ordines ; frequens , ut in maxima lætitia , etiam populus Pontificium in Quirinali Sacellum complevit . Rem Divinam in gratiarum actionem peregit Eminentissimus Passio-
neus Brevium a Secretis . Adfuit Papa sacris pretiosis vestibus indutus : Rubeis quoque Cappis supra uestes similiter rubeas , licet id fieri non con-
fueverit Adventus tempore , circumamicti interfuerere Cardinales . Urbs tota cum privatim tum publicè in magna lætitia biduò versata est .

INTIMATIO

Per Cursores facienda , Domi quoque dimissâ copiâ .

DIE decima sexta labentis Mensis Decembris , feria quinta , in Sacello Paulino Palatii Apostolici Quirinalis , hora decima septima erit Cap-
pella , in qua adstante Sanctissimo D. N. BENEDICTO PP. XIV. Missam can-
tabit in gratiarum actionem pro Electione Regis Romanorum Eminentissimus , &
Reverendissimus D. Card. Passionei .

Emirentissimi , & Reverendissimi DD. Cardinales intererunt induiti Vesti-
bus , & Cappis rubeis , quo colore per integrum enunciatam diem utentur .

De sero autem feriæ quartæ præcedentis , nempe die 15. ejusdem mensis , & sub nocte pariter hujus diei luminaria ad fenestras accendi , & ante propria Palatia dolia comburi in latitiae signum mandabunt .

Ideo intimentur omnes & singuli Eminentissimi & Reverendissimi DD.
Cardinales , Gubernator Urbis , Principes Solii , Ceterique intimari soliti .

De Mandato Sanctissimi Domini Nostri Papæ

Ignatius Reali Apost. Cærem. Præf.

Transactis subinde Natalitiis Domini feriis , Paschalibusque Sacra-
mentis consummatis intelligens Pontifex , Episcopos a suarum Dioecesum
procuratione expeditiores jam esse , ut tam grave Canonizationis nego-
tium consilio juvarent suo , ejusque Majestatem augerent præsentia , eos ,
qui intra centesimum ab Urbe lapidem erant , datis confessim litteris acciri
jussit a Secretario Congregationis Cardinalium Sacri Concilii Tridentini
Interpretum , qui eodem prorsus exemplo singulis ita scripsit .

Illñe , & Rñe Dñe Pñe Obsñe .

MAndatum , quod SANCTITAS SVA mihi dedit , ad Ampl. Tuam Ill.
hac um litterarum officio persequor , ut , cum primis Mensis Junii diebus
quinque Confistoria Semipublica habenda sint , priusquam in Sanctorum Album
solemni Ecclesiæ ritu totidem Beati a SANCTITATE SVA referantur FIDELIS
a SIG-

*a SIGMARINGA, CAMILLUS de LELLIS, PETRVS REGALATVS,
JOSEPH a LEONISSA, & CATHARINA de RICCIIS, Urbem p[re]stremis
Mensis Maii diebus accedas, nisi gravissimæ Pastoralis Officii curæ præsentiam
istuc tuam desiderent. Te interim reliquum mibi est admonere gratissimum &
acceptissimum SANCTITATI SVÆ futurum, si statuto tempore præsto fueris,
atque hanc Ecclesiæ celebritatem Ampl. Tuæ Ill., cuius manus reverenter
deoscular, dignitate honestaveris.*

Ampl. Tuæ Illustrissimæ, ac Reverendissimæ


Romæ Idibus Aprilis 1746.

Addicūnus & Obsq[ue]nus Servus
Joseph Furietti S. Concilii Secret.

Quod ad alios Antistites pertinet, qui longius aberant ab Urbe, apertè significaverat Pontifex, si Romam per id tempus venissent, eorum accessum loco statutæ a Constitutionibus Pontificiis sacerorum Liminum Visitationis se habiturum; quod Pontificis consilium ac placitum ubi cognitum iis fuit, qui Romæ Episcoporum res agunt, suum unusquisque Præsulem statim commonuit, ut oblatam Pastoralis Officii debitum persolvendi, & celebritatis, quæ raro accidit, spectandæ opportunitatem nè dimitterent: Ex quo factum est, ut nonnulli Orientales etiam Episcopi interventu suo Canonizationem honestaverint. Interim visum est Sanctissimo Patri, Consistorium secretum habere, in quo juxta Ritus rationem a majoribus acceptam, Cardinalis Sacrorum Rituum Congregacionis Præfectus, vel antiquior in ipsa Congregatione causas adlegendorum inter Coelites contracta debuisset oratione proponere, ut de auditis Pontifice mox quærente sententiam suam dicere quisque ex Cardinalibus posset; præfatum tamen onus causarum referendarum eo die Suamet Sanctitas summo labore suscepit. Ejusmodi erat instructio, singulis Eminensissimis Patribus jussu Pontificis opportunè per Cursores transmissa.

Eminentissime, & Reverendissime Domine.

IN proximo Consistorio Sanctissimus Dominus Noster BENEDICTVS PAPÆ XIV. methodica, ac compendiosa narratione referet Vitam, Virtutes, & Miracula Beatorum FIDELIS a SIGMARINGA Martyris, Ordinis Minorum Capuccinorum S. Francisci, CAMILLI de LELLIS Clericorum Regularium Ministrantium Infirmis Fundatoris, PETRI REGALATI Ordinis Minorum Observantium S. Francisci, JOSEPHI a LEONISSA pariter Ordinis Minorum Capuccinorum S. Francisci Confessorum; & tandem CATHARINÆ de RICCIIS Ordinis Prædicatorum Virginis; necnon Acta in Causa Beatificationis & Canonizationis eorumdem, quæ Sacrorum Rituum Congregatio prævio



Scala Palmorum Rom:

— 5 — 10 — 20 — 30 — 40 — 30 —

1. Sede Pontificia.
2. Consueti Cardinalium Diaconorum Assistentium scabella ad ornatum tantum.
3. Sedilia Cardinalium.
4. Sedile vacans ad claudendum Tetragnonum.
5. Similia ad arcendum Populum.
6. Aliud pro sustinen- libro Taxarum, ac tintinnabulo.
7. Lignea vestibula ad intima Cubicula Papae (vulgo Bussale).
8. Ianuae ab Aula Parafrenariorum.
9. Fenestrae versus Atrium Quirinale.
10. Alice versus Viridarium.
11. Insimilibulum.

prævio rigorefo examine admisit & approbavit. Quibus expletis idem Sanctissimus Dominus Noster Fratrum suffragia exquireret: An scilicet deveniendum sit ad solemnum eorumdem Beatorum Canonizationem: Et singuli Cardinales per verbum PLACET, vel NON PLACET, sententias aperient, prout ad Dei gloriam & Catholicæ Ecclesiæ decus eis expedire videbitur.

De Mandato Sanctissimi Domini Nostri Papæ

Ignatius Reali Apost. Cærem. Praef.

Feriâ igitur secundâ post octavam Paschatis die 18. mensis Aprilis constitere in consueta Palatii Apostolici Quirinalis Aula Summus Pontifex & Cardinales deliberaturi super gravissimo Canonizationis negotio. Omitto descriptionem tam loci, quam cæmoniarum hujus Consistorii; quod & in reliquis faciam, de quibus loquar, nisi peculiare in iis aliquid acciderit, & notatum dignum, cum satis disertè atque subtiliter de iis omnibus pertractaverit Clarissimus Vir Justinianus Chiapponus Apostolicæ Sedis Cæmoniarius in Actis Canonizationis Sanctorum Pii V. Pontificis Maximi, Andreæ Avellini, Felicis a Cantalicio, & Catharinæ de Bononia a san. mem. Clemente XI. anno sui Pontificatus & sæculi hujus duodecimo habitæ.

Post privata cum Sanctissimo Cardinalium colloquia (his enim unicè fas est tempore Consistorii accedere ad alloquendum Pontificem) dimisso Populo clausum fuit de more Consistorialis Aulæ Oltium. Tunc primùm omnium Cardinali Paulutio, qui ante paucos dies redux in Urbem, licet in Consistorio publico fuisset exceptus, & in eo Galero rubro Pontificali donatus, nulli tamen adhuc secreto interfuerat Consistorio, interdixit Sanctitas Sua, ne sententiam diceret in Consistoriis aut Consiliis, quæ ab aliis Cardinalibus haberentur, quoisque juxta consuetum Pontifex ei os aperiret. Porro hoc vinculo, quod Liber Cæmonialis Claudiere os appellat, olim adstringebantur novi Cardinales ad secundum usque vel tertium Consistorium. Cum verò Papa eis os vellet aperire, exhibant hi ab Aula, donec a Pontifice aliorum Cardinalium auditis super præfati vinculi solutione suffragiis, iisque consentientibus, in Aulam revocarentur. Tum Pontifex eos stantes gravibus verbis instruebat, qua prudentia modestia & humanitate in omnibus consiliis & judiciis se gerere deberent, in quibus sententiæ in posterum dicendæ poterit ipsi dabatur. Modò verò prætermissa suffragiorum petitione atque hortatione assolent Pontifices in eodem ut plurimum Consistorio claudere ac aperire os novis Cardinalibus. Ore igitur Cardinali ita clauso, hanc habuit orationem Sanctitas Sua; antequam ad ea veniret, quæ de singulis Canonizandorum causis erat dicturus.

VENERABILES FRATRES. Septuagesimum secundum hujus vitæ mortalis annum inivimus, illudque affirmare jure possumus annos quinquaginta contulisse, exiguo licet cum fructu, studiis Ecclesiasticis excolendis, atque iis præsertim, quæ ad Beatificationem Servorum Dei, ac Beatorum Canonizationem pertinent. Cum enim forensibus studiis operam dare statuissimus, factum est, ut Alexander Caprara tunc temporis Rotæ Romanæ Auditor, ac deinde Cardinalis, illius Tribunal Secretum, ut ajunt, Nobis communicaret. Cum verò ille pariter inter Consultores Congregationis Sacrorum Rituum fuisset adscriptus, coepimus accurate legere scripta exhibita a Postulatoribus, atque animadversiones Promotoris Fidei; & alia quoque pro his studiis adjumenta consequuti sumus ex domesticis colloquiis, quæ idem Præfus Caprara nobiscum interferebat.

Deinde a Clemente XI. felicis recordationis inter Consistoriales Advocatos recensiti, ipsius Pontificis jussu duas causas Canonizationum promoven das suscepimus, nempe Beatæ Catharinae Bononiensis, ac Beati Pii V., quæ sub eodem Clementis XI. Pontificatu ad finem solemnis Canonizationis perductæ fuerunt: Præter has Causas, aliis quoque multis tum Beatificationis, tum Canonizationis operam nostram ac patrocinium impendimus, quas hoc loco recensere supervacaneum ducimus; & quæ non pauca neque exigua sanè volumina, si colligerentur, efficent.

Post hæc Promotoris Fidei perhonorificum munus ab eodem Clemente XI. Nobis demandatum fuit , quod per viginti & amplius annos , videlicet; cum idem Clemens XI., ac deinde Innocentius XIII., ac Benedictus XIII. Sedem Apostolicam tenuerunt , pro imbecillitate nostrarum virium , quàm diligenterissimè obire curavimus . Illud pro certo adfirmare posse videmur , gravissimas laboris partes Nobis ipsis semper desumptissimè ; nec satis existimasse studium ad ea negotia dumtaxat necessarium , quæ proponebantur , expedienda , sed Acta universa Congregationis Sacrorum Rituum penitus inspexisse ; ipsius Tabularium & monumenta omnia , quæ ad rem facere possent , ita pervolvisse , ut ea quoque adnotaremus , quæ Nobis opportuna fore videbantur . Illud pariter asserere possumus , eas omnes Beatificationes & Canonizationes , quæ vel a Clemente XI. , vel a Benedicto XIII. solemniter indictæ sunt , nostris laboribus , nostrisque vigiliis ante dispositas ac peractas fuisse . Porro si id ipsum Nobis tribueremus de illis Canonizationibus , quas deinde Clemens XII. peregit , nihil a veritate alienum diceremus . Nam in Causis ejusmodi , quæ tunc temporis absolutæ sunt , non modò earum initia instituta atque expedita , sed etiam præcipuae quæstiones in examen adducitæ ac solutæ fuerunt , cum adhuc Nos ipsi munere Promotoris Fidei fungeremur .

Postea Benedicti XIII. singulari beneficentia in Cardinalium Collegium cooptati fuimus , atque inter Cardinales Congregationis Sacrorum Rituum

adnumerati. Quapropter eo, licet exiguo temporis spatio, quo tunc Romæ permansimus, Congregationibus interesse non prætermisimus, ac sententiam nostram, qualiscumque fuerit, liberè proferre. Paùlo post ad regendam Anconitanam Ecclesiam, ac deinde Bononiensem delecti fuimus, in quibus administrandis duodecim annos insumpsimus: Tum, licet Pastoralis officii sollicitudo Nos plurimūm occupatos tenuerit, tamen rationem temporis ita habuimus, & nocturnæ corporis quieti aliquas horas ita subtraximus, ut Nobis contigerit, præter plura, quæ in lucem emisimus, simul etiam colligere, disponere, ac sedulò perpendere pene innumeras annotationes, quas olim congessumus, cum Fidei Promotorem ageremus: Insuper plura superaddere; quæ ad explicanda Miracula conferre maximè possunt, cui rei gerendæ ac perficiendæ magno adjuvento Nobis fuit copia librorum tum antiquorum tum recentium, qui ad Physicam ac Medicinam pertinebant; tum præsertim consilia præstantium Doctorum, quos Bononiæ deprehendimus. Quamobrem de Beatificatione Servorum Dei, ac Beatorum Canonizatione quatuor Volumina composuimus, quæ in lucem edita fuerunt.

Postremò ad Summum Pontificatum, licet imerentes, evecti, cum facillimum sit inventis addere, plura additamenta non parvi momenti ac pretii fecimus iisdem Commentariis, quæ magis accuratè copiosèque lucem publicam secundò adspexerunt. Ad Congregaciones Sacrorum Rituum, quæ

coram

coram Nobis frequenter habitæ sunt, convenimus, in quibus non modò sententiam nostram exposuimus, sed ejus quoque rationem palam indicavimus. In qualibet proposita Causa decrevimus ea, quæ magis opportuna judicavimus; alia quoque Decreta promulgavimus ad rectum examen hujusmodi Caurarum, earumque solutionem instituendam. Tandem aliquos Dei Famulos consueto Ritu inter Beatos adnumeravimus.

Ut ergo nihil deesse Nobis in hac re videretur, illud tantùm supererat, ut Beatorum Canonizationem perageremus. Ad quam obeundam haud satis erant quæ hactenus diximus; neque enim a Nobis commemorata sunt ob aliam causam, nisi ut quoddam voluntatis nostræ studium ad ejusmodi Canonizationem suscipiendam ostenderemus, quod tamen parum aut nihil omnino conferre non ignoramus, nisi cetera merita ac requisitæ conditiones pariter intercedant. Attamen in eo tota res sita est, quod post accuratum diuturnumque examen plurium annorum, judicium quinque Caurarum Canonizationis absolutum jam fuerit a Congregatione Sacrorum Rituum. Accedit, quod ejusdem Congregationis consilio jam pronunciavimus Decretum, nempe: Posse quamlibet ex iisdem Causis ad solemnem Canonizationem deduci: Quamquam illud Decretum ejusmodi negotium minimè absolvat, neque ipsi finem imponat; eo quod Prædecessorum nostrorum vestigiis inharentes, antequam Sententiam ultimam proferamus, intelligere volumus in hoc Secreto Consilio

storio consilium vestrum , utrum Canonizationem hoc tempore statuendam judicetis ; ac deinde exposcere rursum a Vobis consilium & ab Episcopis , qui ad Consistorium semipublicum convenient , utrum nempe in supradictis Causis quæstiones omnes ita examinatas & solutas existimetis , ut Sententiam vestram Sententiæ Congregationis Sacrorum Rituum accommodare posse arbitremini . Sed ne temere & inconsultò deliberetis , servato a Prædecessoribus nostris more , Vobis exponemus , quæ diligenter accuratèque peracta sunt in his Causis Beatorum examinandis ; & deinde meritum singularum intrinsecum compendio solum attingemus .

Ut autem initium sumamus ab iis , quæ gesta sunt in examinandis his quinque Causis Beatorum , de quibus res agitur , nulla est ex ipsis , pro qua examinanda plusquam centum viginti anni non fuerint insumpti ; initium hujus temporis haud statuendo a die , quo hi Beati vitam hanc mortalem absolverunt , neque a tempore , quo Locorum Ordinarii sua auctoritate ipsorum Beatorum Acta confidere cœperunt ; sed ab eo solum tempore , quo Sedes Apostolica concessit , ut ejusmodi Causæ coram se instituerentur . Evidem non ignoratis in veteri consuetudine ac more positum fuisse , ut hæ Causæ Romanæ Rotæ Auditoribus committerentur , qui deinde post accuratum examen rem totam exponebant , suffragium consultivum ferebant , ac postremò ad Congregationem Sacrorum Rituum omnia rursum examinanda deferebantur . Duæ nostrorum Beatorum Causæ ,

quæ

quæ modò afferuntur , propositæ jam fuerunt eo tempore , cum vetus consuetudo , quam paulo ante memoravimus , obtineret ; eaque ratione pertractatæ sunt , quam superius indicavimus . Cum deinde immutata ea consuetudine , Romanæ Rotæ Auditores in Congregationem Sacrorum Rituum , tamquam ipsius membræ , recensiti fuissent ; in tribus reliquis Beatorum Causis quæstiones præcipuæ ac necessariæ ad examen ac trutinam revocatæ sunt in iis Coetibus , qui ad expendendas singulas ex allatis quæstionibus ter convocari & haberi consueverunt . Si ex his quinque Causis unam solummodo excipiatis , cuius Nos ipsi Beatificationem peregrimus , quatuor reliquæ cultum publicum jampridem obtainuerant a Nostris Predecessoribus constitutum . Quamobrem nostram operam potissimum contulimus ad expendenda Miracula , quæ post Beatificationem contigerunt , & quæ a sacris Legibus requiruntur tanquam indicium quoddam coeleste Divinæ voluntatis , ut cultus permissivus ac peculiaris cultu universali ac præceptivo commutetur . Illud testari meritò possumus nihil a Nobis prætermissum fuisse , ut accuratissimum examen fieret , quoniam non ignoramus nullum studium nullamque diligentiam esse in hac re supervacaneam . Illud quoque fatemur nullam a Nobis in his Causis agendis dispensationem aut immunitatem a consuetis Legibus esse concessam , nostrumque privatum studium pro qualibet Causa sedulò impendiisse . Præterea Deum vehementer exoravimus , ut lumen suum Nobis impertiretur , quo magis perspecta Nobis forent

rent aliqua facta, quæ suffragium ferentes in Congregationibus manifesta satis putaverant; denique priusquam animum nostrum determinaremus, nonnullis mandavimus, ut occultâ diligentia res propositas scrutarentur ac planè dignoscerent, quorum postea documenta Nobis reddita, deponi jussimus in Tabulario Congregationis Sacrorum Rituum, ubi tutò servarentur.

Post hæc (ut ordinem initio propositum teneamus) verba facienda essent a Nobis de meritis cuiuslibet Causæ. Verùm institutam Orationem parum per suspendimus, ut eam tamen ordine jam constituto deinde prosequamur, videlicet postquam aperatum erit os Cardinalis, cui clausum fuit initio Consistorii, ut suffragium quoque suum in rem propositam ferat, & postquam alia præsentia negotia absoluta fuerint. Porro hæc sermonis interruptio Vos levabit eâ molestiâ, quam pati deberetis, si perpetua oratione uteremur; & Nobis etiam paulum temporis concedet, ut liberè respiremus.

Absolutis Ecclesiarum Propositionibus, os Cardinali Paulutio aperatum est a Papa, qui conversus ad eum, tunc in loco suo stantem, dixit.
Aperimus tibi os &c.

Deinde subdidit interceptam resumens Causarum relationem.

PEractis jam negotiis, quæ absolvenda supererant, Orationem nostram, Venerabiles Fratres, prosequimur; & breviter quidem complectemur merita, quæ insunt Causis quinque Beatorum. Primum locum obtinet Causa beati Fidelis a Sigmaringa Sive ex Ordine Fratrum Minorum sancti Francisci

Capuc-

Capuccinorum. Nemo ignorat præclarè gesta a Leopoldo Austriæ Archiduce & Comite Tyrolensi, qui magno cum exercitu Rhætiam Superiorem invadens initio præteriti sæculi, gente illa pervicaci in suam ditionem redacta, Ministros Calvinianos ab illis Vallibus expulit, qui non modò pravam doctrinam in ipsis locis disseminaverant, sed miseros populos, & sua jam labe infectos adversus Romanam Ecclesiæ incendebant, & perniciosis consiliis incitabant, ut a legitimis Principibus facta conſpiratione deficerent.

Tum Joannes Fulvius Cariæ Episcopus, qui Hæreticorum furore ac violentia extorris & ejectus incredibili moerore conficiebatur, eo quod Ministri Zuingiani, & Calviniani spatio duorum annorum quadraginta duas Parochias eidem usurpaverant, Leopoldum Victorem induxit, ut ad Paulum V. Prædecessorem nostrum configueret, eumque vehementer rogaret, ut Capuccinos in Rhætiam mitteret, qui sacras Missiones fusciperent, ex quibus fructus non exiguos sanctæ Religioni futuros sperabat.

Pontifex Leopoldo morem gessit libentissimè, ac tum sacræ Missiones in Rhætia initium habuerunt, quæ deinde magis confirmatae atque amplificatae sunt, cum post obitum Pauli V. Gregorius XV. Sedem Apostolicam obtinuit: Tunc enim bene constituta Sacra Congregatione de Propaganda Fide, ipsius consilio, quæ viros idoneos a Nuntio Apostolico & ab Episcopo Cariæ satis cognoverat, Fratres

Capuccini ad eas Missiones obeundas delecti fuerunt, & illarum Præfектus beatus Fidelis a Sigma-ringa nominatus, qui magnam sibi famam ob virtutem & zelum Apostolicum jam sibi comparaverat. Cum ejusmodi munere fungeretur, vitam hic Beatus absolvit interfectus ab Hæreticis in odium Fidei Catholicæ, & hoc pacto illustrem Martyrii palmam est consequutus. Signa & Miracula accesserunt severè discussa, & concordibus suffragiis approbata. Placet ne igitur Vobis, ut ad solemnem hujus Beati Martyris Canonizationem juxta consuetum hujus Sedis Apostolicæ morem procedamus?

Hic Cardinales responderunt omnes: PLACET : deinde Sanctitas Sua:

Secundo loco ponitur Causa beati Camilli de Lellis, qui Bochianici in Aprutio, loco honesto natus est. Cujus quidem juventus non fuit vacua & immunis ab iis cupiditatibus ac vitiis, quibus implicari juvenes consueverunt. Attamen tali poenitentia ductus est, suaque labes per plures annos usque ad ultimum vitae spiritum tanta severitate expavit, ut præclaram Sanctitatis opinionem sibi demeruerit, eamque letitiam in Cœlis excitaverit, quæ gestire solent Angeli super uno peccatore poenitentiam agente, quæ longè superat eam voluptatem, quam concipiunt iidem beati Spiritus, cum in Cœlis coronari vident alios plures, qui poenitentiâ nunquam indiguerunt, eo quod vita innocentiam, ac morum sanctitatem nunquam violaverint.

Nonnulli ex Theologis ac Patribus non solum

Marty-

Martyres appellant eos , qui ab Hæreticis vel Infidelibus in odium Christianæ Fidei aut Catholicæ Religionis vitâ spoliantur , sed illos pariter tanquam Martyres agnoscunt , qui semper in Dei famulatu & proximorum salute procuranda ita occupantur , ut assiduò charitatis opera præstent non quidem ordinaria , sed difficulta & hæroica , in quibus constanter versantur , donec ad extremum vitae diem perveniant ; ideoque charitatis Martyres nuncupantur .

De hac opinione Nos verba fecimus in Libris nostris DE CANONIZATIONE , eamque minimè probavimus , eo quod Orationi Panegyricæ potius , quam Theologorum Cathedræ consentaneam judicavimus . Illos haud Martyres , sed Confessores nominandos asseruimus , cum in eorum morte nullus appareat tyrannus , qui illos in odium Fidei violenter interficiat . Quod si contrariam sententiam sequuti fuissimus , nullum sanè exemplum præstantius inveniri potuisset ad Martyres ejusmodi charitatis declarandos , quām vita , ac mores , quibus beatus Camillus de Lellis commendatur .

Siquidem Nosocomia hujus Urbis , quæ INCURABILIUM , ET SANCTI SPIRITUS appellantur comparari possunt quibusdam veluti theatris , in quibus Camillus per plures annos charitatem suam exercuit , operam suam assiduò præbens Infirmis , ut illos corporis ægritudine atque animi morbis sublevaret . Febres pestiferæ , quæ hanc ipsam Urbem ac Sedem Quirinalem invaserant , & universis , quos semel corripuerant , mortem inferebant , latissimum cam-

pum aperuerunt Camillo ejusque Sociis Regularibus ad pios Cives inflammandos hortandoque , ut cibis atque opportunis pharmacis ægrotantes recrearent , omnemque diligentiam impenderent , ut a mortis faucibus eriperent hominum multitudinem , qui ad eam calamitatem pervenerant , ut eodem letulo vir cum uxore sua ac liberis jaceret , necessario alimento & consolatione destituti omnes , quos interea febris , egestas , rerum omnium necessitas , ac fames supra modum vexabant .

Post hanc calamitatem & stragem , incredibilis illa annonæ caritas subsequuta est , ob quam Romæ ejusque districtu septuaginta millia hominum fame ac frigore enecti perierunt . Horrendum sanè spectaculum ! In compitis ipsius Urbis , in macellis & officinis fame debilitati Cives animam exhabant , alii verò jam vita defuncti videntes herbas , quas ad famem sedandam decerpserant , adhuc dentibus premebant ; Quare tum patuit maximè charitatis incendium , quo Camilli pectus exardebat : Plura omittimus ad rem explicandam , quæ in Actis ipsius Beati descripta continentur . Illud solum indicabimus , tunc temporis magnam ægrotantium multitudinem in Nofocomium sancti Sixti coactam fuisse , ex qua spatio paucorum dierum tria millia morbo confecta sunt . Pontifex beato Camillo potestatem tribuit illius Nofocomii administrandi in iis omnibus , quæ ad salutem corporum & animarum pertinerent . Itaque , ut huic muneri satisfaceret , in Ædes sancti Sixti ille se contulit cum octo Sociis , ex quibus ob incredibiles

labores & incommoda quinque vitam amiserunt ; Camillus autem immunis ab eo discrimine ac liber evasit singulari Dei beneficio , ut majora deinde pro utilitate proximi aggrederetur , inter quæ recenseri meritò debet Institutio Congregationis Clericorum Regularium Ministrantium Infirmis , quam ipse statuit ac propagavit in varias Orbis terræ partes , & quæ magis in dies amplificatur cum maximo ægrotantium & morientium fructu , qui in ultima vitæ hujus periodo constituti , illorum præsidio sanctisque monitis corroborati ad immortalem vitam proficiscuntur. Hujus Beati intercessione Deus Miracula operari dignatus est , post longum & maturum examen concordibus suffragiis approbata . Videtur ne itaque Vobis expedire , ut ad hujus quoque Beati Canonizationem solemni ritu deveniamus ?

Rursus Cardinales hoc loco responderunt : PLACET : Et Sanctitas Sua institutum sermonem prosequuta est .

Tertio loco exhibetur Causa beati Petri Regalati Minoris Observantiae sancti Francisci , natione Hispani , qui Valdoleti natus est . Annales Fratrum Minorum tradunt a Gregorio XI. Pontifice designatos fuisse aliquos Commissarios Apostolicos , seu Visitatores , qui eum Ordinem in Hispania reformarent , cuius institutum ac disciplina pristina severitate dimissa , plurimum collapsa fuerat , quemadmodum Apostolica Sedes intellexerat . Ferunt , quemdam nomine Petrum Villacretium inter Fratres Minores virum sanctitate vitæ præstantem , inde excitatum fuisse , ut

refor-

reformationem Regularis Observantiae sancti Francisci primus inchoaret. Sacra Aëdicula inter oppida Tendillæ ac Penalverii sita erat, beatissimæ Virgini Mariæ nuncupata, quæ ad Equites Melitenses jure pertinebat. Porro sanctam Mariam Saliceti ipsam vocabant ex eo, quod beatissima Virgo quibusdam Venatoribus ipsius nomen & opem implorantibus eo loco apparuerat, cum illi inter densissimas pluvias, fulminum ignibus perterriti, viâ penitus aberrassent. Itaque, cum primum super salices altare fuisset extructum, inde sanctæ Mariæ Saliceti nomen inditum est. Huic Aëdiculæ Petrus Villacretius exiguum tugurium conjunxit, ubi cum suis Sociis habitaret. Illud autem spatio temporis in magnificum ædificium commutatum fuit, in quo perfecti Regulares vitam duxerunt. In eo ipso loco vir præclarissimus Cardinalis Franciscus Ximenes christianæ perfectionis spiritum suscepit, ex quo tandem accitus fuit, ut Elisabeth Hispaniarum Reginæ Confessiones exciperet.

Petrus Villacretius pietatem beati Petri Regalati cognitam & perspectam habebat; quippe adolescentiam innocentem traduxerat, & cum Fratrum Minorum Instituto vix decennis nomen dedisset, anno ætatis decimo quarto (quod tum licebat) solemnem Professionem emiserat. Inter cetera Monasteria, quæ a Villacretio condita fuerunt, permittente Oxomensi Episcopo, illud prope Aquileram adnumeratur, in quo Petrus Villacretius, ac beatus Petrus Regalatus longè ab hominum confortio sanctissimam & asperrimam vitam aliquo temporis spatio simul duxerunt.

Quam-

Quamvis autem curarent diligentissimè , ut ejusmodi vitæ ratio in tenebris omnino delitesceret , tamen in finitimas Civitates evulgari cœpit , ex quibus aliqui visendi solum studio , alii verò ut permanerent in ea solitudine, ad Monasterium confluebant; & hoc pacto Reformatio in Hispania mirum in modum propagata est .

Qua de re Villacretius præclarum opus, initamque viam insistere majori studio constituit , ut nova conderet Monasteria , ac vetusta in meliorem formam redigeret . Itaque Domum Aquileræ Regalato commendavit , cuius virtutem longo jam temporis experimento probaverat . In eo loco Regalatus reliquis annis quibus vixit , ad supremum sanctitatis apicem pervenit . Illic Reformationem institutam suis exemplis, prudentique administratione sartam tectam retinuit , ita ut quamvis novi Ordinis Fundator aut Reformationis Institutior appellari nequeat, tamen ad illam statuendam maximum adjumentum attulisse , potentissimumque præsidium fuisse nemo inficiabitur . Illic etiam toto vitæ suæ cursu Theologales & Cardinales Virtutes modo sublimi ac singulari exercuit . Universos in admirationem sui pertraxit ob animi humilitatem , vitæ asperitatem , ac jejunia , quibus corpus suum magnopere excruciat . Quæ merita si desint , ad Beatorum Canonizationem Ecclesia nunquam adducitur . Illic etiam donis Ecstasis ac Proprietæ cumulatus a Deo fuit , ac postremò feliciter hac mortali vita decessit , eamque sanctitatis famam reliquit , ut diuturnitate temporis imminui nunquam potue-

potuerit . Miraculis claruit tum in vita , tum post obitum , eademque trutinæ subjecta approbari meruerunt . Placet ne igitur Vobis , ut ad solemnem hujus Beati Canonizationem juxta Ecclesiæ institutum procedamus ?

PLACET , iterum dixerunt hoc loco Cardinales , ad quos deinde Sanctitas Sua :

Quarto loco venit Causa beati Josephi a Leonissa , quod Oppidum in Aprutio positum est . Ipse pariter Ordini Fratrum Capuccinorum nomen dedit , & sanctum Franciscum Parentem suum planè imitatus est . Etenim si sanctus Franciscus martyrii cupiditate inflammatus navigationem in Syriam suscepit , etiam beatus Joseph ob eandem causam Constantinopolim se contulit , ubi Christifidelibus opitularetur , qui misera servitute tenebantur gravissimoque periculo , ne ob incommoda & ærumnas a Christiana Religione deficerent . A Soldano Rege Ægypti sanctus Franciscus magnis officiis & humilitate exceptus , omnem martyrio interclusum aditum cum vidisset , in Italiam remeavit , atque ita desiderii martyrium obtinuit . Beatus Joseph eodem ardore succensus interiora cubicula & penetralia Imperatoris Turcarum adire non dubitavit , ratus , eos populos universos facili negotio ad Fidem Christianam traducendos , si ipsorum Imperator eandem Religionem primus susciperet . Sed captus ac detrusus in tenebrosum carcerem eo gravissimo suppicio mulctatus fuit , ut pedem dexterum & manum pa-

riter

riter dexteram ad ferrum uncum suspensus , capite totaque corporis mole ad terram penderet , donec fame ac dolore extenuatus vitam profunderet . Generosus Athleta Christi crudelissimum tormenti genus invictâ animi constantiâ pertulit . At quoniam Joseph Dei beneficio vitam adhuc trahebat , atque inter acerbissimum cruciatum annuntiare Fidem Christianam haud omittebat , ideo Satellites consilium inierunt sub illo ignem excitandi , ut fumus obstrictis faucibus spiritum illi præcluderet , aut saltem a prædicanda Sancta Religione impediret .

Tres continuos dies in eo cruciatu fortiter permanxit , ex quo divino potius quàm humano præsidio liberatus fuit , ita ut Causa ipsius Beatificationis & Canonizationis (nisi ob gravissimas causas disciplina immutata fuisset) sub titulo Martyris , non autem Confessoris proponi posse videretur . Nemo enim , qui in his studiis paululum versatus sit , ignorat , pristina temporum confuetudine appellari confueisse Martyres etiam illos , qui post acerba tormenta , quorum vi mortem subire juxta naturæ conditionem debuerant , admirabilem in modum superstites evaserant : Attamen hoc tempore (quemadmodum unicuique cognitum perspectumque est) Martyr haud nuncupatur , nisi qui in ferendis cruciatibus aut vi tormentorum vitam amiserit .

Joseph ope divina vindicatus ab eo discrimine , quod superius exposuimus , in Italiā rediit , & reliquum vitæ spatiū in locis Patriæ suæ finitimis traduxit , ubi Ruricolas & Egenos sacris concionibus

imbuens, mirum dictu est, quām copiosos fructus collegerit. Mysteria Fidei ac Religionis illis explicabat, & vineam Domini indefesso studio ita excolebat, ut nullos labores, nulla pericula, nulla incommoda vitanda unquam judicaverit. Evangelica consilia juxta sui Ordinis praecepta atque instituta diligenter servavit; qua in re si defuisse aliquid, Causa beati Josephi in medio cursu constitisset. Etenim certum statutumque est, ut in Causis Servorum Dei, qui Regularium Ordinibus adscripti fuerunt, praeter cetera illud potissimum examinetur, an sui Ordinis prescriptas leges accurate observaverint. Postremò beatus Joseph meritis cumulatus, & corporis sui vinculis dissolutus in Cœlum evolavit, quo tempore ea signa contigerunt, quibus Deus pretiosam iustorum mortem prosequi ac declarare consuevit. Miracula quoque subsequuta sunt plenè discussa & approbata. Placet ne igitur Vobis, ut ad hujus Beati Canonizationem ritè procedamus?

Hic quoque Cardinales dixerunt, PLACET, quibus inde Sanctissimus Dominus Noster haec alia deliberanda proposuit:

Quintum ac ultimum locum tenet Causa beatæ Catharinæ de Ricciis ex Ordine Dominicano de Ecclesia adeo benemerito tum ob viros tum ob mulieres gloriâ Sanctitatis celeberrimas, quæ eundem Ordinem illustrarunt. Satis sit hoc loco recensere Catharinam Senensem, Rosam Limanam, Agnetem ex Urbe Montispolitanî, quæ solemni Canonizationis ritu in numerum Sanctarum relatæ fuerunt; Re-

liquas

liquas plures omittimus, quæ ob rationem cultus immemorabilis obtinent cultum Sedis Apostolicæ auctoritate comprobatum.

Florentiæ nata est Catharina ex nobili genere. Parentes habuit Petrum Franciscum de Ricciis, & Catharinam de Panzano. Ab ineunte adolescentia futuræ Sanctitatis indicia non obscura præbuit. Pratum Hetruriæ Civitatem adducta (quo Parentes rusticationis gratiâ se contulerant) & ingressâ Domum Monialium sancti Vincentii, eodem momento temporis constituit in eo loco vitæ suæ cursum exigere, quamvis id ingratum molestumque Parentibus esset, qui illam nuptui dare proposuerant.

Tantam Sanctitatis famam brevi assequuta est ob dona præcipue cœlestia, quibus plerumque Deus animas sibi devinctas & charissimas exornare solet, nempe ob frequentes ecstases, mentis alienationes, vaticinia, cordium arcanae scrutationes, & hujusmodi divina munera, ut Præfides Ecclesiasticos excitaverit ad investigandum diligenter, utrum angelus tenebrarum (uti non semel accidit) Angeli Lucis speciem ad eam Virginem decipiendam assumpsisset. Omissa facimus experimenta, quibus tunc usi sunt Ordinis Dominicani Theologi & illius Monasterii Provinciales, ut omni erroris nube discussâ veritatem agnoscerent, cuius certissima indicia deprehenderant; ideoque testati sunt ea Catharinæ dona non Dæmonum fraudibus, neque naturæ portentis tribuenda, sed cœlitus immissa ad ejus animam exornandam. Cardinalis Robertus Puccius Pistoriensis

Episcopus jussu Pauli III. Pontificis Florentiam se contulit cum pluribus aliis Episcopis prudentiae doctrinæque laude præstantibus, & post accuratum examen summopere probavit vitæ Sanctitatem & cœlestem donorum naturam & conditionem, quibus Catharina ab omnibus commendabatur. In eadem sententia fuerunt Cardinales Cervinus & Mediceus. qui deinde Summi Pontifices facti sunt, quorum primus Marcellus II., alter Leo XI. nuncupati fuerunt. Postremò accedit, quod in Causa sancti Philippi Neri demonstratum est, ipsum quadam mentis alienatione divinitus immissa, licet Romæ versaretur, beatam Catharinam de Ricciis alloquitum fuisse, quæ Prati in Hetruria morabatur, cuius heroicam vitæ rationem planè cognoverat, eamque plurimi faciebat.

Hæc cœlestia dona plerumque Sanctitatem indicant, sed in illis Sanctitas minimè continetur. Continua ferme rerum cœlestium meditatio, profunda humilitas, vita victusque asperrimus, in observandis Ordinis sui legibus accuratissima diligentia, summa vigilantia atque studium, ut reliquæ Sorores eandem virtutis semitam calcarent, hæc fuerunt Catharinæ dotes eximiae, hæc ornamenta singularia. In examine hujus Causæ compertum est, ipsam maximè excelluisse in assiduo illarum virtutum exercitio, quæ ad illius conditionem atque statum pertinebant. Porro id satis est, cum in ejusmodi Causis totum examen ad eas virtutes redigendum sit, quas Canonizandus exercere potuit juxta vitæ rationem, quam

fibi delegerit. A Deo saepius illa postulavit, ut iis donis coelestibus quibus tamdiu cumulata fuerat, spoliaretur; quod sane commendatur plurimum ab illis, qui pias animas ad perfectionem Christianam instituunt, nempe ut delectationi, & quandoque etiam vanitati aditus præcludatur. Itaque Catharina, quod vehementer expetierat, consequuta est; attamen opinio, quæ de ipsius Sanctitate excitata fuerat, imminui nequaquam potuit, sed usque ad mortem constanter permansit, & etiam post mortem magis percrebuit. Catharina eo mortis genere decessit, quod ejus vitæ Sanctitatem maximè decebat. Summa vitæ austernitas & ciborum ratio, quos longo temporis spatio adhibuerat hæc Virgo poenitentiæ amantissima, mortalem ipsi ægritudinem attulerunt. Ad illam fortiter obeundam Catharina sanctis operibus se præparavit: Acerbos dolores tulit patientissimè: Ecclesiæ Sacramentis summa pietate susceptis, ultima sive colloquia sive ad Deum precationes ardentiissimi amoris plenas expressit: Sorores suas maximâ benevolentia vivens prosequuta est, & ejusdem benevolentia moriens argumenta manifesta præbuit iis sermonibus, quos postremò ad ipsas Sorores convertit. Nonnulla portenta ad ejus mortem contigerunt, ita ut si omnia simul expendantur, pretiosam in conspectu Domini Catharinæ mortem fuisse nemo dubitare possit. Post obitum hujus Beatæ intercessione ea prodigia facta sunt, quæ vires naturæ excedunt, quæque idcirco communi calculo fuerunt Miraculis adscripta. Placet ne demum igitur Vobis, ut ad hujus

Beatae

Beatæ Canonizationem juxta consuetum Apostolicæ Sedis morem procedamus?

Item: Sibi PLACERE: responderunt omnes Cardinales, quos subinde alloquutus est Sanctissimus Dominus Noster hoc modo:

Praeclaram sententiam vestram intelleximus super his, quæ a Vobis postulavimus. Quamobrem vestigiis & exemplis nostrorum Prædecessorum inhærentes duo publica Consistoria indicemus, in quibus Consistorialis Aulæ Advocati palam recensebunt vitæ Sanctitatem ac Miracula singulorum ex Beatis, qui solemini ritu inter Sanctos adscribendi sunt. Antequam autem conveniatis ad semipublica Consistoria, in quibus Vos omnes cum Episcopis, qui simul acciri debent, suffragium ferre debetis pro futura cuiuslibet Beati Canonizatione, in more positum est, ut unicuique consignetur vita cuiuslibet Canonizandi, compendio digesta una cum virtutibus & Miraculis, & singulis Actis, quæ pro eorumdem Causis confecta fuerunt. Quo tempore Clemens XI. felicis recordationis Beatorum Canonizationem celebravit, Nobis tunc temporis Fidei Promotorem agentibus præcepit, ut Causas Beatorum compendio describeremus, quæ deinde Pontifex ipse accuratissimè perpendit, & incredibili studio ad examen ac trutinam revocavit omnia documenta, quæ iisdem Compendiis ad fidem faciendam jungebantur. Porro Causarum, de quibus modò res est, Nos ipsi compendia facere posse sperabamus, ardentiique studio exoptabamus; sed assiduis curis distenti

Cle-

Clementis XI. vestigiis insistere tandem deliberavimus. Itaque præter Compendia a Postulatoribus confecta & exhibita , hanc eandem provinciam ab alio suscipi jussimus , qui Promotoris Fidei sententiam consiliumque sequeretur. Eadem Compendia juxta normam & rationem a Nobis constitutam confecta Nos ipsi accurate perlegimus . Sedulò quoque examinavimus omnia documenta illarum rerum , quæ in ipsis Compendiis referebantur: Et hæc tum Vobis, tum Episcopis ad consilium accitis tempore opportuno dabuntur , ut omnes sufficienter instructi ad semipublica Consistoria accedant .

Cum Papa desiisset loqui , Cardinalis autem ultimus ex Diaconibus cum signum tintinnabulo dedisset , ingressi sunt Cæremoniарum Magistri, quorum primus accedens ad Pontificem monuit antiquiores duos Diaconos , ut hinc inde a lateribus Sanctitati Suæ adfisterent ; Alter verò Eminentissimum Paulutium a loco , ubi inter alios juxta ordinem suæ Promotionis confidebat evocatum sibi ipsi peniculamentum Cappæ usque ad terram dimissæ trahentem comitatus est, ut coram Sanctitate Sua genuflexus, ex ejus manibus Annulo & Titulo decoraretur . Id enim constitutum est , ut si quis aut Episcopali aut alia dignitate sit, quæ liberum Annuli usum ei permittat , tamen post promotionem ad Cardinalatum gestare Annulum amplius non possit,nisi de novo illum obtinuerit a Pontifice. Et ideo quando Papa dat novo Cardinali Titulum , in ejus digitum inserit Annulum sapphiro gemmatum , pro quo quingenti aurei Ducati solvuntur , quos Julius III. post mortem uniuscujusque Cardinalis ab Hæredibus numerari Cameræ Apostolicæ jussérat ; Gregorius XIII. Collegio Germanico-Hungarico de Urbe pro summa decem millium aureorum assignaverat ; ea verò a Sixto V. sublata . Tandem Gregorius XV. Congregationi de Propaganda Fide Constitutione sua eosdem attribuit a quolibet Cardinali solvendos intra mensem a die Creationis numerandum , etiamsi quis absens fuerit promotus , nec dum Romanum advenerit ; quod se facturos jurejurando promittunt Cardinales singuli , antequam Cardinalatus recipient Insignia.

Est autem Titulus, ut notum est, Ecclesia , cui Presbyter quisque Cardinalis præficitur : Diaconi enim Cardinales juxta veterem loquendi usum Diaconiam non Titulum habere dicuntur, quamvis & ipsis modo concedatur Ecclesia; cum a sua cæteroquin institutione uni Urbis Regioni tantum præf-

præcessent, quia non Rectoria, neque animarum cura, sed tantum administratio bonorum & simplex beneficium de præbendis concedebatur, ut eleemosynas pauperibus illius Regionis distribuerent; idcirco Summus Pontifex in formula, qua utitur, & de qua nos infra loquemur, dum Diaconibus Ecclesias assignat, neque *Tituli* verbum usurpat, neque Cappellas addit. *Tituli* nomenclatura, quod ad rem nostram pertinet, sumitur vel a Crucis signo (idem namque sonat *Titulus*, ac *Signum*) quod erigimus in loco, quem Deo dicare volumus, vel a Tutela; quia consulto Ecclesie dantur Cardinalibus, ut eas suo præsidio, cura, tutelaque protegant atque defendant. Accipitur insuper pro *Memoria*; Unde Ecclesiæ super Martyrum memorias fundatæ ab eorum exuviis fortitæ sunt & nomen: quamquam & a Domino soli in quo erectæ, & a Fundatore cuius pecunia vel opera ædificatae fuerant, sæpe nuncupentur.

Ante Sixti V. tempora incertus & varius fuit Titulorum numerus; quia a Romani Pontificis arbitrio pendebat quot creare vellet Cardinales, quibus deinde Tituli conferebantur: Sixtus IV., nulla habita ratione Decreti Concilii Basileensis, omnium Prædecessorum suorum primus Cardinalium numerum, ac proinde Titulorum maximè ampliavit. Nullus tamen, si Paulum IV. excipias, sexagesimum quintum excessit. Tandem laudatus Sextus Papa V. septuagesimum numerum Cardinalium præfiniit, & ita distribuit, ut sex Episcopi essent, quinquaginta Presbyteri, Diaconi quatuordecim: ac primis quidecim Episcopatus suburbicarios totidem, Titulos totidem alteris, postremis Diaconias totidem assignandas decrevit. Antiquissimus inter ceteros est Titulus sanctorum Joannis & Pauli; annumeratur enim in iis viginti & octo, quos S. Silvester Papa anno reparatae salutis tercentesimo decimo quarto auxit. Horum Sanctorum Ædem pœnè a fundamentis restituit & largè ditavit religiosa Cardinalis Fabritii Paulutii liberalitas, qui Summi Pœnitentiarii, aliisque præcipuis Romanæ Curiae muneribus functus, Episcopus Ostien. & Sacri Collegii Decanus extremum dieni Romæ obiit. Ut igitur in novo Cardinali Camillo Paulutio Avunculi sui memoria revivisceret, Sanctissimus Titulum hunc ei tradidit simul & Annulum ita dicens:

Ad honorem Dei Omnipotentis, beatæ Mariae semper Virginis, sanctorum Apostolorum Petri & Pauli, ac sanctorum Joannis & Pauli committimus tibi Ecclesiam sanctorum Joannis & Pauli cum Clero & Populo & Cappellis suis, secundum formam qua committi consuevit Cardinalibus, qui eamdem Ecclesiam in Titulum habuerunt.

In nomine Patris, & Filii, & Spiritus † Sancti. Amen.

Recepto Annulo & Titulo novus Cardinalis adhuc in genua provolutus, cum pedem & manum Pontificis osculatus fuisset, postea ereclusoris osculo exceptus est. Ita Consistorio finis impositus.

Ut autem novis Cardinalibus os claudatur, vel clausum aperiatur, alterutra ex his formulis uti solent Summi Pontifices, videlicet: *Claudimus vobis*

vebis vel tibi os , ut neque in Consistoriis , neque in Congregationibus aliisque functionibus Cardinalitiis sententiam vestram dicere possitis . Vel : Aperimus vobis vel tibi os , ut in Consistoriis , Congregationibus aliisque functionibus Cardinalitiis sententiam vestram proferre valeatis . Ut tamen id fiat , non semper Consistorium requiritur ; facultas est enim Papæ in Congregationibus aut locis ubi Cardinales congregari contingat , utramque cærementiam dispensandi . Idem de Annuli ac Tituli traditione sentiendum est . Ex plurimis exemplis , quæ in promptu haberemus , unum sufficiat , ut , quid antiquitù factum sit , agnoscat . Alexandrum enim sextum Philippo Lucemburgio Cardinali a se creato Titulum SS. Petri & Marcellini die 27. Januarii 1497. extra Consistorium & absentibus etiam Cardinalibus assignasse refert in suis Notis ad Ciacconium Oldoinus . Quinimmo inolevisse aliquando testatur Cærementiale , ut ad contentiones dirimendas simul daretur Titulus novis Cardinalibus præsentibus in Curia , & peregrè commorantibus . Quid plura ? Galerum rubrum Pontificalem una cum Annulo & Titulo nonne transmissum nuper vidimus Joanni Theodoro e Ducibus Bavariae Episcopo Leodiensi post triennium a Creatione ; Primus enim omnium & solus cum electus S. R. E. Cardinalis suisset , publicatus deinde est in Consistorio die 17. superioris Januarii ; SSinus enim D. N. hunc Româ absentem R.P.D. Optio Pallavicino Abbreviatori de Parco Majori , peculiari Nuntio ad id destinato atque ablegato , Cardinalatus Insigniis decoravit , & Ecclesiæ sancti Laurentii in Pane & Perna Titularem fecit . Quod non frequenter , sed admodum raro concedi solet .

Non erit abs re hic repetere , quæ de prædicti Præfulis Patruo Lazaro nempe Pallavicino Archiepiscopo Thebarum refert in Notis ad Platum in tractatu de Cardinalis dignitate & officio R. P. D. Tria Archiepiscopus Tyri . Omni , inquit , laude dignus Lazarus Pallavicinus Thebarum Archiepiscopus , quamvis multas Ecclesiastici Status Civitates sapienter gubernaverit , Inquisitoris munus in Civitate Melitensi sapienter sustinuerit , Florentia non sine plausu Nuntii Apostolici munericis partes expleverit , ac singulari humanitate fide & diligentia Pontificii Cubiculi Praefecturam per decem ferè annos , regnante Clemente XII. Pontifice Optimo Maximo exercuerit , adduci tamen minimè potuit ad hanc eximiam dignitatem acceptandam , & ab ea , heroica humilitate , constantissime semper se alienum ostendit , probè intelligens , se imparem esse iis oneribus , quæ cum Cardinalatu sunt conjuncta . Incassum cessere rationes , quas Sanctissimus Dominus Noster BENEDICTUS XIV. P. M. sua qua fulget sapientia etiam per alios adhibuit , ut illum ad Cardinalatus dignitatem suscipiendam flecteret , ut ipsemet Pontifex in Allocutione habita in Consistorio secreto die 9. Septembris anno 1743. quo alios plures viros insignes ad eamdem dignitatem evexit , diserte testatur . Nec Clementissimus Pontifex BENEDICTUS erga Thebarum Archiepiscopum morte ablatum , tenacissimum suæ amicitiæ vinculum dissolvit ; nam privato ære in Ecclesia Deo dicata

LAZARO PALLAVICINO
 THEBARUM ARCHIEPISCOPO
 IN SUMMA REI FRUMENTARIA
 CARITATE
 ANNONÆ PER PICENUM CURATORI
 APUD MELITENSES ET FLORENTINOS
 A. S. APOCRISARIO
 CLEMENTIS XII. P. M.
 ADMISSIONUM MAGISTRO
 VIRO INTEGRERIMO ET INNOCENTISSIMO
 BENEDICTUS XIV. PONT. MAX.
 AMICO OPTIMO
 CARDINALI AB SE DESIGNATO
 QUOS HONORES VIVENS RECUSAVIT
 MORTUO DEDIT
 VIXIT AN. LX. D. XXV.

Pontificis studium in amicorum memoria æternitati consignanda patet etiam ex eo Monumento , quod in intimo Sacrario Templi beatæ Mariæ de Victoria ad Thermas Sebastiano Cardinali Tanario ponendum curavit hac epigraphe .

SEBASTIANO ANTONIO TANARI BONONIENSI
 S. R. E. PRESBYTERO CARDINALI
 QUI PRIMO BRUXELLIS INTERNUNTIUS
 MOX APUD USIOS LUSITANOS ET LEOPOLDUM CÆSAREM
 SEDIS APOSTOLICÆ NUNTIUS
 AB INNOCENTIO XII. INTER CARDINALES ADSCITUS EST
 INDE LEGATIONI URBINATENSI EJUSQUE ECCLESIAE
 ARCHIEPISCOPALI ADMINISTRANDÆ DIU PRÆFUIT
 DEMUM OSTIENSIS AC VELTERNUS EPISCOPUS
 ET SACRI COLLEGII DECANUS
 OBIIT ROMÆ IV. NONAS MAII MDCCXXIV. ÆT. ANNO LXXIV.
 ET IN HAC ÆDE SANCTÆ MARIE DE VICTORIA SEPULTUS
 BENEDICTUS XIV. P. M.
 CIVI OPTIMO ET AMICO BENEVOLENTISSIMO
 MONUMENTUM POS.
 PONTIFICATUS SUI ANNO IV.

Hunc præterea honorem ab ipso Pontificatus sui initio deferre decreverat

creverat Eminentissimo Joanni Antonio Cardinali Devia in Templo sancti Laurentii in Lucina; & eodem honestare meditatur hoc tempore Alexandrum Cardinalem Caprara, ne tanti Viri memoria sibi amicitia conjunctissimi in Ecclesia Archiconfraternitatis Suffragii de Urbe humi tantum supra Cada ver inscripta tam angustis limitibus coerceatur.

Non omittendum insuper est aliquid de novo additum in antiqua de Titulis assignandis formula. Oritur haec additio a Decreto Sanctitatis Suæ, quod integrum mox referam. Ubi enim Papa rescivit, Prælatos, qui Patriarchalibus vel Metropoliticis aut etiam Cathedralibus Ecclesiis, in partibus Infidelium existentibus præerant, post acquisitam Cardinalitiam dignitatem illis Nuncium remittere nulla præcedente vinculi solutione, quamquam revera spirituale Conjugium inter ipsos & hujusmodi Ecclesiæ perduraret, jussit, ut posthac de præfata solutione eo ipso tempore haberetur mentio, quo Romanus Pontifex Titularem Ecclesiæ novis Cardinalibus assignaret. En prædicti Decreti verba.

BENEDICTUS PAPA XIV.

„ **C**UM spirituale Conjugium, quod inter Episcopum & Ecclesiæ, cui præficitur, contrahitur, initum intelligatur in Electione, ratum in confirmatione, & in Consecratione consumatum, sibi vindicet locum etiam in Episcopis, qui Titulares vocantur, & Ecclesiæ præficiuntur ab Infidelibus occupatæ. Qua de causa cum hi ad aliam Ecclesiæ transferantur, a vinculo prioris Ecclesiæ a Romano Pontifice absolvuntur. Cumque de hujus vinculi absolutione nulla fiat expressa mentio, quando aliqui ex dictis Titularibus Episcopis inter S. R. E. Cardinals cooptantur, quamvis de Ecclesiarum vacatione in terris Infidelium, quibus ante Cardinalatum fuerant præfecti, nulla sit dubitatio; Cardinals etenim easdem non retinent cum Cardinalatu, Summique Pontifices alios eisdem Ecclesiæ, cum volunt, præficiunt; Sanctissimus Dominus Noster BENEDICTUS XIV. ratus non decere, ut sine expressa vinculi absolutione in posterum præficiantur alii Episcopatibus sitis in terris Infidelium, quibus fuerant præfecti illi, qui in sacrum Cardinalium Collegium cooptantur, ne in more positum esse videatur, ut Cardinals prædictos retineant Episcopatus; mandat, ut in Decreto assensionis Tituli Cardinalitii haec in posterum verba adhibeantur: *Auctoritate Omnipotentis Dei &c. absolvimus te a vinculo quo tenebaris Ecclesiæ N., & committimus tibi &c.* Die xi. Martii 1744.

Sanctissimus Pater cum Titularem Ecclesiæ SS. Joannis & Pauli Cardinalem Paulutium institueret, Archiepiscopum olim Iconii, eumdem a vinculo præfatæ Metropoleos absolvit.

At satis de Titulis. Veniendum modò ad ea est, quæ Domini Consi-

storialis Aulæ Advocati semel atque iterum de quinque Beatorum vita cœpiosè differuerunt coram Summo Pontifice, qui in duplice publico Consistorio eos separatim de more excepit & audivit.

Primum ex his indicatum jam fuerat in sequentem feriam quintam, seu diem 21. Mensis Aprilis; proinde qui in eo locum habere solent, statim hanc schedulam a Cursoribus Pontificiis traditam accepere.

INTIMATIO

Per Cursores facienda etiam Domi dimissâ copiâ.

Feria quinta die vigesima prima presentis mensis Aprilis hora decima quinta in Aula Regia Palatii Apostolici Quirinalis erit Consistorium publicum pro proximis Canonizationis sollemniis Beatorum FIDELIS & SIGMARINA Martyris Ordinis Minorum S. Francisci Capuccinorum, CAMILLI de LELLIS Clericorum Regularium Ministrantium Infirmis Fundatoris, & PETRI REGALATI Ordinis Minorum Observantium S. Francisci Confessorum.

Eminentissimi & Reverendissimi DD. Cardinales in predictum Quirinale Palatium sub eamdem horam convenient, sumptisque Cappis violaceis in consueto loco ad Aulam Paramentorum accedent, unde SUMMVS PONTIFEX in prefatam Aulam Regiam deferetur.

Cum SANCTITAS SVA in Solio se composuerit, obedientiam ritè prestatibunt.

Mox Sacri Consistorii Advocati seriem Vite, Virtutes, & Miracula eorumdem trium Beatorum sequenti ordine referent.

Primam de beato FIDELI narrationem habebit D. Advocatus Virgilius Montecatinus, unaque illius pro Canonizatione ex more instabit.


Secundam de beato CAMILLO D. Advoc. Julius Cæsar Fagnanus, qui & instantiam ut supra faciet.

Tertiam terò de beato PETRO D. Advoc. Joseph Ascevolinus non absimili modo instando.

Demum D. Cajetanus Amatus Apostolicarum Litterarum ad Principes Secretarius DD. Advocatis in genua pro voluntate SANCTITATIS SVÆ nomine e sinistro Solii latere respondebit.

Ideo intimentur omnes & singuli predicti Eminentissimi & Reverendissimi DD. Cardinales; intimentur etiam Decani, seu Antiquiores Episcoporum Assistentium & non Assistentium, Protonotariorum, Auditorum Rotæ, Clericorum Cameræ Apostolice, Votantium Signaturæ Justitiae, Abbreviatorum, & Advocatorum Consistorialium, ut Collegas suos admoneant, & Cappis induiti interfint; sicut etiam Secretarius Congregationis Sacrorum Rituum, & Promotor Fidei.

Intimentur quoque Gubernator Orbis Vice-Camerarius, Principes Solii, Conser-



1. Sede Pontificia
2. Scamna Cardinalium Diaconorum Assistentium.
3. Subsellia Cardinalium.
4. Custodia Militum Helveticae.
5. Ianua ad Sacellum Paulini.
6. Altera ad Mansiones, quas Principum vocitant.

7. Ingressus Aulae ex parte Scalorum.
8. Ianua ementita ad Architeturam Concordiam.
9. Introitus ad commune Sacellum.
10. Ianua ad Cubicula Praefecti Domus Pontificiae.
11. Fenestrae versus viam publicam Quirinalis.

Scala Palmorum Rom:

5 10 20 30 40 50

Iconographia Aulae Regiae in Quirinali Palatio pro Consistorio publico.

Majoris Varvitelli Arch.

Joan Bapt Sintes sculp. Romæ

Conservatores Urbis, Oratores Civitatum subditarum, Magister Sacri Hospitii, ceterique intimari soliti.

De Mandato Sanctissimi Domini Nostri Papæ

Ignatius Reali Apost. Cærem. Präf.

Aula Regia in Quirinali illa dicitur, quæ proxima Sacello Paulino est. Dum ad eam sacris pretiosis paludamentis rubri coloris indutus, & in Sellari compositus sacro purpuratorum Patrum Senatu, Conservatoriis Urbis, & Magno Comestabili Columna præcedentibus deferebatur Pontifex, per alteram Parafrenariorum Aulam transiens inspexit ibi ad Parietem appensa nova peristromata sanè magistra Artificum acu picta in Pauperum invalidorum Hospitio prope majorem Tyberis Ripam, ubi inter cetera summæ charitatis opera ab Innocentio XII. ibidem fundata atque conjuncta, cuiusmodi sunt virorum ac mulierum laboribus non amplius aptorum perfugium; in opum puerorum ad opificia ediscenda gymnasium; periclitantium puellarum ad integratatem tuendam Gynæceum; hanc quoque texendorum istromatum artem Clementis XI. auspiciis inceptam ad hodiernum usque diem non modò non imminutam, sed mirificè auctam videmus. Fuerant hæc jussu Sanctissimi Patris contexta, ut iis convestirentur parietes, qui Chorum ambiunt Metropolitanæ Bononiensis, cuius administrationem factus Pontifex non dimisit, exemplum sequutus Clemens II. qui Bambergensem, S. Leonis IX. qui Tullensem, Victoris Nicolai, & Alexandri itidem II. qui Aictettensem, Florentinam, & Lucanam, Pauli IV. qui Neapolitanam, & Benedicti XIII. qui hac ætate nostra Beneventanam retinuerunt Ecclesias. Ex his autem Peripetasmati, quæ sex erant, Babylonico opere & ornamentorum varietate mirè conspicua, ut loco etiam cui suffigenda erant, aptè congruerent, quatuor quidem Fidei, Spei, Charitatis & Potestatis Ecclesiæ imaginibus singula singulis insignibantur in areæ medio; reliqua verò aliquot Principis Apollolorum, in cuius honorem Templum illud Deo dicatum est, illustriora vitæ factæ representabant; duo vividis coloribus expressa, alterum cum Regni Cœleitis claves, alterum cum ovium agnorumque pascendorum curam ad testificandum amorem, quo Dominum prosequebatur, accepit a Christo, quibus adjacebant destrorsum & sinistrorsum alia quatuor ovalis figuræ & subobscuri violacei coloris, quæ intuentum oculis objiciebant Claudum ad speciosam portam Templi sanatum a Petro; & pecuniam, quam Simon obtulerat ab eo repudiatam; aut cum ad custodes baptizandos aquam eliciuit è silice carceris; aut cum mirabiliter confractis ab Angelo vinculis abivit ex Herodis custodia.

Hæc post Canonizationem comportata Bononiam sunt una cum vestibus multo gravibus auro & opere phrygio nobilibus, quas in tam solemni

lemdi celebritate Sanctitas Sua, & qui ipsi adstabant ad Rem Divinam agendum Administri, encæniaverant: Ita priora beneficia, quæ statim ac Supremus Ecclesiæ Pastor creatus est plena manu effuderat in Clerum & reliquos Civium suorum Ordines, posterioribus cumulavit.

Hunc ipsum animum Anconitanæ etiam Ecclesiæ præstítit, quam aedificiis, muneribus, aliisque privilegiis ornavit, ut utraque Sedes, quam olim tenuerat, Pontificiam experiretur beneficentiam.

Jam verò in ipsa Tetragoni areâ descendens Pontifex de Sellari ad eminentem Solii Cathedram progressus, cum assedit, Cardinales manum sub auriphrygio sibi deosculantes suscepit: mox eisdem Eminentissimis Patribus & Diaconibus etiam, qui Papæ adstabant, inter alios proprii Ordinis de more in præaltis scamnis considentibus: Episcopis & Protonotariis ceterisque ex Prælatorum Collegiis hinc inde per Solii gradus dispositis: Pontifex primo Cæremoniarum Magistro mandavit, ut Advocatos acciret; quod ille flexo prius erga Sanctitatem Suam poplite exequutus est per verbum *Accedant.*

Tunc propriùs ii ad Solium progressi medium habentes Dominum Advocatum Virgilium Montecatinum Ferrariensis Civitatis, cum de genu omnès APOSTOLICUM adorassent, & in semicirculum se composuissent, ille omnium primus Orationem suam pro beato Fideli a Sigmaringa exorsus sic est.

„ **Q**uod primis illis, BEATISSIME PATER, militantis Ecclesiæ sæculis tot Christiani inventi sint nominis ac roboris, qui pro vera Dei religione decertantes, parata sibi ab tyrannis immanissimis atrociora tormenta libenter subirent, & fidem quam divinitus hausissent ac sibi citer profiterentur, sanguine etiam suo consecrarent: Magno id quidem semper excelloque animo datum est præterlabentia hæc & mutabilia in terris bona despiciendi appetentique in Cœlis immortalia. Sed, vel in primo coronatorum martyrio hominum Stephano istiusmodi invictum, robur suspiciamus, vel in consequentis ætatis martyribus, tum cum maximè sævitum in illos est glorioſos divinæ fidei assertores, qua virgis cæfos, qua rotis contortos, qua sagittis confossoſ, hic igne, illinc ferro, inde fecuri excruciatos, dilaniatos, absumptos; ipsum quidem Stephanum admiramus, sed tamquam posito sibi ob oculos recenti ac proximo Redemptoris æterni exemplo confirmatum; reliquos verò illustres, eadem victoriâ viros aliorum vestigiis continenter insistentes, illosque præsenti illorum virtute vel excitatos, vel factos alacriores, tantum sibi decus comparasse. At ubi libera ab immitibus imperiis se se latius explicavit Ecclesia, summorumque sacrorum Antistitum Tui defensorum solitudine, quam æquè in Te exprimis, Divinus Christi Sermo delatus est ad gentes remotissimas, itaut Nationes integræ olim montibus asperæ, quæ longè a veritate aberrabant, sanctissimo Crucis ve-

„ xillo

„ xillo se adjunxerint sub uno spectabili religionis moderatore Romano
 „ Pontifice ; tum verò , cum admodum rara se offerret causa martyrii ,
 „ durius fortasse illud atque impeditius videri potuit Christifidelibus in
 „ tranquillo religionis ipsius sinu altis agentibusque , quorum propterea
 „ animi desueta jam fere supplicia & funera magis quandoquidem perhor-
 „ rescerent . Verumtamen , ita quoque Deo permittente , nec in ipsa ab
 „ tyrannis respiratione atque pacatiorum temporum æquabilitate fortes
 „ omnino defuere , neque occasiones probandæ martyrio fortitudinis .
 „ Cum enim antiquus humani generis hostis in lætam cœlestis patrisfa-
 „ milias segetem lolium quodcumque potuit semper invexerit superse-
 „ veritque , dolo istiusmodi usus , ut aliquam Dominici frumenti partem
 „ inficeret ; factum exinde est , ut ipsa in florenti Ecclesia nonnulli sæpe
 „ insurrexerint nomine quidem Christiani , sed Apostolicarum traditio-
 „ num nequissimi osores , errantes , insanientes , exleges , superbè sibi sa-
 „ pere existimantes præ ceteris , qui , furiis veluti agitati , numquam
 „ quieti consisterent novarum rerum miserè cupidi pertinacesque in fal-
 „ sis opinionibus , quibus totum honorum ordinem obturbarent , vexa-
 „ rent , & si Deo placet , etiam confunderent : Sed huic tanto malo aut dis-
 „ sipando aut antevertendo vigilavit semper Romana Ecclesia , & Ponti-
 „ fices Optt. Maxx. supremam illius curam Jesu Christi vice in terris ge-
 „ rentes , Sacro præsertim ad id instituto ex Purpuratis , sibique assidenti-
 „ bus PP. cætu , cui de Propaganda Fide nomen inditum est ; ac mirum
 „ quot inde Catholicæ rei commoda sint consequuta ; quot hæresum
 „ monstra intercepta vel profligata . Hinc superiori sæculo in Rhetia ma-
 „ gis magisque furere , qui , malo dæmone authore , ab hac firmissima
 „ Apostolica petra desciverant : ciere turbas : minas adversus Catholicos
 „ interferere : eas demum horrendo scelere exequi ausi sunt in beatum
 „ nostrum Fidelem a Sigmarina vel primum a Propagandæ Fidei Colle-
 „ gio constituto ipsius martyrem , qui a præsidentibus venerando cætui in
 „ ea Germaniæ ora præfectus asserendæ Catholicæ veritati , ei , quam li-
 „ berè prædicabat , testimonium tantopere grave præbuit ac sollempne ,
 „ ut impiis hæreticis ad necem se conquirentibus alacriter pectus obtu-
 „ lerit , vitam libentius deserendo , quam Catholica sacra vel voce viola-
 „ ret . Hunc itaque fortissimum virum omni bene actæ vitæ laude non
 „ modò clarum , sed heroicis virtutum splendoribus magis conspicuum ,
 „ miraculis præfulgentem , insignem martyrio cum Tibi , vigilantissime
 „ universalis Ecclesiæ Custos , ob oculos posuero , uti est certissimis moni-
 „ mentis legitimè comprobatum ; jure meritoque inde postulem , ut eum in
 „ beata pacis regione sempiterno gaudio diffluentem Sanctum sollempni
 „ ritu renuncies Deo in cœlis acceptum , ac propterea ejusdem memo-
 „ riam ceterorum more Sanctorum piè recolendam in terris , & interces-
 „ sionem fidenter implorandam ad opportunum divinæ gratiæ , per ipsius
 „ in Christo merita , promerendum auxilium .

„ Anno,

„ Anno, postquam Divinum Verbum idemque Deus verus humanam
 „ sumpxit carnem atque animam, quingentesimo supra millesimum sep-
 „ tuagesimo septimo, Sigmaringæ, quæ parva licet Constantiensis Diœ-
 „ cesis in Svevia Civitas, vel maximum tamen tenuit dignitatis locum ve-
 „ ræ religionis constantissimo cultu, beatus noster Fidelis natus est ex pa-
 „ tricia Reyorum familia, cui splendorem cumulavit genitor Joannes
 „ conjugio junctus cum Genovesa Rosenbergia æque nobili fœmina, cum
 „ de sua prudentia ceterisque Christianis virtutibus commendatus, sellas
 „ curules haud semel in patria impleverit, & Consularia munera probè
 „ obiverit. Marcus infanti nomen fuit e sacro salutis fonte primam gra-
 „ tiam adepto, quam deinde procedentibus firmiori ratione annis adau-
 „ ñtam sibi summo Dei beneficio suoque singulari studio sic retinuit, ut
 „ natalem ipsam innocentiam, ne levi quidem declinatione ad sensuum
 „ illecebras unquam amiserit; doctus a prima usque ætate temperare spi-
 „ rituum alacritatem, inanibus ludis bellum indicere, animo in Deum
 „ ferri, atque in eo dumtaxat sua quæque bona locare, sua gaudia quære-
 „ re. Hinc humanioribus litteris addictus, incredibile est, quantam a Deo
 „ meruerit addiscendi facilitatem; vix namque audita in Iudo præcepto-
 „ ris voce, ea quæ sibi traderentur, miro statim tenebat ordine maxi-
 „ maque perspicuitate, quibus puer ipse ceteris adolescentibus facilè an-
 „ teibat. At enim cum proprijs & ille adolescentiam consalutavit, atque
 „ ad philosophica studia in celebri Friburgensi Academia se contulit; tum
 „ verò seu magis salebrosas quæstiones acri speculatione penetrando, seu
 „ eductas illarum veritates inter frequentes disputationes dilucidè ornatè-
 „ que ostendendo, tantam ingenii lucem præfetulit integerrimæ probitati
 „ excelsæque pietati conjunctam, ut quasi prodigii loco ea in ætate ha-
 „ beretur: Vigesimum quippe annum nondum impleverat, cum Philo-
 „ sophiæ stadio penitus emenso, inter ejus facultatis Doctores relatus est
 „ juvenis, quem suo quasi nomine condiscipuli ac præceptores vocarent
 „ sapientem Christianum, omnes demirarentur & amarent. Neque ideo ipse
 „ æque omnibus sese tradebat in amicitias, sed cum bonis dumtaxat ini-
 „ bat consuetudinem, iisque libenter se consociabat, cum probè teneret
 „ ac vellet ad sui utilitatem convertere illud divinæ vocis oraculum, quo
 „ edocebatur, virtutes a probis viris, vitia ab improbis contrahi.

„ Jaisque ad sacrum Jus ac civile sua studia converterat, & celeri
 „ expeditoque cursu Jurisconsultorum sacra pervadebat; cum trium ex
 „ nobilioribus Sveviæ familiis amicorum precibus comes cooptatur agen-
 „ di per Europam universam itineris, quod bene e sententia credebant
 „ cessurum, si laudatissimus ex omni virtute Marcus adforet. Nec deesse
 „ ille voluit, certior nihilominus factus quod fuerit apud eoru[m] parentes
 „ iter probatum. Instat itaque jam dies discessioneis, ejusque officia per-
 „ solvuntur; cum Marcus prius quam viæ se daret, amicos congregatos sic
 „ alloquitur: Ego verò vobis in via comes adero libens & famulus si ma-
 „ , velitis,

„ velitis , sed hæc sunt nostræ peregrinationis leges nusquam non servan-
 „ dæ : Deo primùm ut placere studeamus , ac deinde invicem nobis alter
 „ alteri : nullumque profecto ex itinere incommodum , sed voluptatem
 „ capiemus plane singularem & innoxiam , varia & multiplicita Dei mira-
 „ bilia contemplantes , quæ ad ejusdem referamus benedictionem nostrum-
 „ que corporis & animi utilitatem . Velitis itaque jubeatis , amici , hæc
 „ sanctè ac perpetuò custodiri ? Suam , uti rogabat , illi despondent fidem ,
 „ & alacriter inde in viam se committunt ; iter aggrediuntur ; percurrunt
 „ loca ; visunt Civitates ; discurrunt provincias ; pervadunt regna ; per-
 „ scrutantur locorum situs , populorum ingenia , mores , industriam , re-
 „ rum omnium admirantur varietatem . Quid pluribus ? In sextum annum
 „ peregrinatio producta est tam auspicatò incœpta , & plurimus illius
 „ constituit fructus . Etenim tres ii nobiles adolescentes in cooptato comi-
 „ te pietatem suspexere adeo ferventem , ut & ipsi ad imitandam jugi
 „ exemplo incenderentur unius Marci , qui prima quotidie luce primus
 „ assurgebat , atque in genua pro voluntas æternas meditabatur veritates :
 „ fundebatque Deo enixas preces , quibus seque comitesque commendaba-
 „ bat , ne quid ea die detrimenti res eorum caperent , sed omnes tum co-
 „ gitationes tum voces actionesque , aspirante Numine , satius germina-
 „ rent fructus honestatis , atque ad illius gloriam dirigerentur , a quo bo-
 „ na cuncta procedere intelligebat . Sed nec ulla intercedidit dies , quin
 „ convolaret ad templum , ubi summa cum religione sanctissimo omnium ,
 „ quæ antea fuerunt , Sacrificio ita adstabat , ut post immolantem Sacerdo-
 „ tem , conceptis & ipse votis piacularē hostiam offerret . Unoquoque
 „ insuper die in Deiparæ laudes effundebat sese , quam proximè ab æterno
 „ rerum omnium Conditore venerabatur , cum recitaret omnino parvum ,
 „ quod dicitur Beatissimæ Virginis Officium , totasque quindecim Angeli-
 „ carum Salutationum decades a viro sanctissimo Dominico Gusmano
 „ tanto pietatis incremento ac fidelium bono in Ecclesiam inventas , sa-
 „ crisque Rosarii nomine insignes . Nulla defluxere Sabbatha , quibus non
 „ ad absolutissimam carnis suæ submissionem uteretur & spiritus elatio-
 „ nem , solo pane & aquâ iis diebus contentus , quidquid adversus hæc
 „ suaderet contracta sæpe ex itineribus lassitudo ac reficiendarum virium
 „ necessitas . Annuum autem quadraginta dierum jejunium purificandis
 „ animis atque corporibus a Christo Domino sacratiis institutum tanto-
 „ pere observavit , ut præter haud vetiti cibi potusque parcitatem , mem-
 „ bra ferreo cilicio presserit , flagellis etiam noctu impetierit , ac sæpius
 „ cruentaverit . Levissimas quascumque animi fordes ex humanæ imbecil-
 „ litate naturæ contractas de mundano pulvere ipsis vel justis inevitabili ,
 „ poenitentia sacramento frequenter detergebat ; divinæque indidem
 „ mensæ de mystico pane communicabat semel certè in mense , sed singu-
 „ lis præterea diebus festis alicui Deiparæ Virginis memoriae dedicatis
 „ aliorumque Deo assidentium Sanctorum spirituum , quorum in tutelam

„ se fidentius recepisset . Quid autem referam effusam in pauperes mise-
 „ ricordiam ac liberalitatem, in ægrotantes publicis maximè hospitiis ex-
 „ ceptos benignitatem ac studium prope singulare , cum illos atque istos
 „ frequentibus largitionibus omnibusque officiis adjuverit atque ubique
 „ locorum solatus fuerit ? Quomodo sacras omnes Ædes recenseam a Di-
 „ vorum nomine & Reliquiis, a fidelium veneratione ac frequentia , a pii s
 „ institutis celebres, quas ille ubique pariter visitaverit ? Et oh si ipsa hæc
 „ amplissima Urbs loqueretur , qua in Urbe diutius cum comitibus ipse
 „ suis immoratus est , quæ & quanta præseferret ! Narraret beata isthæc
 „ Apostolorum limina religionis potissimum gratiâ frequentiori ejus ac-
 „ cessu contrita: Scalam a Jerosolymis huc advectam Jesu Christi incessu
 „ & sanguine sacram iteratis de genu ipsius quoque ascensionibus pressam,
 „ jugibusque ex meditatione Dominicæ passionis lacrymis respersam :
 „ Septem Ecclesias & Martyrum Cryptas pia cunctatione sèpius visas; ne-
 „ que enim magnificentia ædificiorum supremo architecturæ miraculo in
 „ sublime sese attollentium , minusque picturarum aut signorum varie-
 „ tas summorum artificum industriâ & excellentiâ commendata ; nec au-
 „ ro , argento , gemmisve nitentes aras, quæ omnia animos oculosque ob-
 „ lectare solent mortaliū ; sed sacrosanctæ Lignum Crucis, in qua Salus
 „ mundi pependit Christus Dominus ; Clavi, quibus confixus est ; Spinea
 „ corona , qua innocuum caput circumdatum ; Lancea , qua latus trans-
 „ verberatum ; Spongia amarissimo felle & aceto illita, sitientique & ex-
 „ tremos jam anhelitus ducenti præbita ; Redemptoris ipsius imago , te-
 „ lâ divino vultui sudore madido admotâ per Veronicam sanctissimam
 „ foeminam, effigiata & impressa: Veneranda denique Principum Apostolo-
 „ rum aliorumque Sanctorum Corpora , Reliquiæ , monumenta felicissi-
 „ mum advenam invitabant , incendebant , rapiebant ; dum ceteri comi-
 „ tes antiqua excelsissimæ Urbis decora quærerent , ornatiora palatia cu-
 „ riosius colluſtrarent , amoëiores villas circumirent .

„ Sed hæc prætereunda sunt omnia, & religiosissimo viro in patriam
 „ revertenti plaudendum modò est . Rediit itaque felicior quâm discesse-
 „ rat , ut qui tot commemoratis religionis actibus ampliores divinæ gra-
 „ tiæ opes sibi comparaverat . Agunt ei gratias tres illi nobiles viri , qui-
 „ bus dum tam diuturna in peregrinatione dux & comes extiterat , ma-
 „ gister etiam christianæ perfectionis evaserat . Ille verò ac si nulla ipsis
 „ beneficia reddidisset , quæ quidem maximè in eos derivavit suâ tam pru-
 „ dentiâ , quâm eximiæ virtutis exemplo , vicissim profiteri se maximè
 „ obstrictum eorum comitati , qui suos fortè illiberales mores æquo ani-
 „ mo tolerassent ; veniam deinde rogare si communes in itinere res minus
 „ commodè administrasset ; si non eorum votis penitus satisfecisset : Quæ
 „ officii extrema amici diffusis charitatis lacrymis excepere , quas inter
 „ atque inter mutuos amplexus facta est tandem fecessio . O admirabilem
 „ quoque egregii hujus viri humilitatem , cui ceu primo latissimoque
 „ funda-

, fundamento tanta virtutum moles tam decora tam excelsa superextrusa est, ut ad ultimum usque cœlum, ad ipsumque Dei Solium felix, ac perpetuò mansurum fastigium intulerit!

, Interea ad intermissa diu studia reducem revocabant sacræ civilesque leges, in quas probè assequendas tanto vehementiori contentione incubitum est, ut brevi non modò Friburgi Doctorum Insignia, sed egregium cum primis nomen in dicendis causis tuendisque aliorum iuribus sit assequutus. Verumtamen quid Jurisperitus ageret æternæ salutis anxius, vel ad injuriæ aut nequitiæ nomen præ maxima innocentia exalbescens, si quando ruptis legum repagulis everlaque justitiæ lance Forum jam universum perstreperet litibus varia interpretatione Juris ad opportunitatem distorti, sinistraque Judicum & Causidicorum seu voluntate, seu intelligentia quamdiutissime ampliatis ac prope modum infinitis certo litigatorum damno, vel extremâ quandoque jaçaturâ? Agebat quod quisque sapiens christianorum dogmatum æstimator; ideoque recti tenax & honesti justitiam dunt: xat ac veritatem animo, voce, scriptis consectabatur; cavillationes omnes omnesque inanes subtilitates veluti judiciorum pectem summopere reformidans, ut in præclaro Advocato antiquam Jureconsultorum gloriam videres resflorescentem. Orphanis, Viduis, Pupillis, Ecclesiis, Egentibus denique omnibus præsto erat tutissimo semper ac fideli patrocinio suo. At enim cum de gravissima re gravissimo aliquando judicio contendetur, instaretque celerius expediendo, utpote qui de more æquiorem partem tueretur; ecce tibi versutus adversarius defensor, cui utinam nulli unquam similes sorent, quasi officii caussa illum convenit doletque ludibundus tantam de negocio finiendo curam suscepit: Accetum, addit, de Jureconsultis esse, si lites cito absolverentur: Ecquid enim tanta istiusmodi festinatio, nisi ut proprio causæ patronus cedat commodo, lucrumque amenter projiciat, quod diu foret multumque consequitur? Temperet itaque sibi, & agere si causas velit sine sui damno, studeat potius instaurandæ ac differendæ pro viribus controversiæ, majores exinde opes relaturus, quam partâ litigator victoriâ. Dictis inhorruit Marcus; & impia nequissimi hominis investigatione usus ad animi sui salutem, cui tot in aperto commercio partæ essent insidiae; abditiōri propterea loco aliquo ac minus exposito sapienter censuit quæri oportere. Nec mora, ultimum Foro diem dicit, ac de capessendo Fratrum Capuccinorum Instituto secum deliberat. Religiosum virum ea tempestate in provincia Fratribus ipsis præsidentem supplex adit efflagitatque, ut inter suos se recipiat. At prudens ille provincialium Capuccinorum moderator periculum tanti voti facturus diem differt; donec de constanti Marci proposito admonitus deque divina voluntate, illum Ordinis sui Candidatis adnumerat. Interea temporis clericali militiae nomen dederat, ac per inferiores gra-

„ dus ad Sacerdotii dignitatem enectus , die divo Francisco Assisiensi sa-
 „ cra Friburgi in Ecclesia Capuccinorum primò ad aras immolatus ac-
 „ cessit . Absoluto divino Sacrificio , aliud eodem loci obtulit Deo gra-
 „ tissimum sui ipsius holocaustum , suscepto , scilicet , Religiosi Ordini
 „ nis habitu novoque Fidelis nomine assumpto , ea sanè modestia & hi-
 „ laritate , ut cœlestis ignis , quo spiritus interius incendebatur , per ora
 „ diffusus in admirationem traheret suæ virtutis multitudinem , quæ illuc
 „ pii hujuscæ spectaculi rumore confluxerat . Nihil patrimonii amplitu-
 „ do illi ad blandiri potuit eumque immorari ; non patens undique se-
 „ veri Instituti asperitas detinere ; nec delicatior corporis habitus gene-
 „ ris claritati apprime respondens a bene concepto consilio valuit retar-
 „ dare . Et oh laudatas aliis opes ipsas , quibus affluebat , quanto dimisit
 „ & locavit melius ! omnes enim ferme destinavit alendis probis adole-
 „ scentibus ad sacrarum litterarum studia contendentibus , quorum et-
 „ iam usui suam ingenti librorum numero copiosam bibliothecam ad-
 „ dixit .

„ Quale autem novus homo Fidelis posuerit in sacro Ordine tiroci-
 „ nium ; quæ deinde fuerit ejus agendi ratio , postquam eo in ordine sol-
 „ lemnia vota Deo nuncupavit , ut aliquis orationi modus imponatur , in
 „ universum sufficit dicere , suam probasse tironem , continuo quasi con-
 „ centu , præ cæteris humilitatem , obedientiam , pietatem , innocén-
 „ tiā , integritatem ; deinceps semper quotidie magis virtutibus profe-
 „ cisce . Ab ipsa enim prima , quam fensit , interiori voce diuinæ gratiæ
 „ se in hunc ordinem advocantis , quotidianis flagellis perpetuoque ci-
 „ licio carni instetit suæ , quam assiduo istiusmodi bello rationi plane
 „ subactam habuit , quinimmo obsequentissimam rationis ipsius sanctis-
 „ sima imperitantis assecram . Toto quasi anno rigidiori ratione serva-
 „ vit jejunia , per septem nempe quadragesimas observationes a beato
 „ Francisco Fratribus propositas , quarum præcipuam a Jesu Christo Re-
 „ demptore institutam , atque alteram in tempore Dominici Adventus
 „ interincidentem pane transigebat modicisque fructibus , nihil inde co-
 „ ëti serculi admittens . Ter per hebdomadam unica utebatur pulte ; pa-
 „ ne & aqua vicitabat per Sabbathos , ac per omnes tam Deiparæ festis ,
 „ quam plurium Sanctorum proximè antecedentes dies vigilarum more
 „ contra infernum hostem ab Ecclesia dispositas .

„ At verò quem de divinis litteris , quibus se totum tradiderat , fru-
 „ ctum uberrimum reportaverit , Rhetiam omnem appello testimoniū , sa-
 „ cram istam Congregationem Propagandæ Fidei vigilantem ipsumque
 „ Martyris sanguinem sacræ tuendæ doctrinæ intrepidè datum . Cum e-
 „ nim in hac perdifficili oratoria arte multum jam profecisset adolescens ,
 „ atque in theologica etiam facultate plurimùm modò valeret , mirum
 „ quantis nervis pro concione dicendo divinum verbum intenderet , cui
 „ latius ferendo fuerat a suis rectoribus destinatus . Summa eloquentiæ
 „ vi su-

„ vi supremoque probitatis exemplo ita edocebat populos, eliminabat vi-
 „ tia, revocabat virtutes, ut magnum sibi nomen sanctitatis atque in-
 „ provehenda catholica veritate roboris comparaverit. Hinc a Purpura-
 „ tis PP. Propagandæ Fidei propositis in Rhætiam mittitur novem sibi
 „ adjunctis sui ejusdem Instituti sodalibus, quibus præficitur, serpentes
 „ ut inibi hæresum errores convelleret puramque redderet christianam
 „ doctrinam, quam pravis opinionibus contaminatam plures ex ea gente
 „ profiterentur. Continuò igitur discedens suum prænuntiat Fratribus
 „ martyrium, cuius diu flagraverat desiderio, ideoque quotidie a Deo
 „ juxta aras petierat; deinde ingressus demandatam sibi provinciam,
 „ quam ab impiis Religionibus expurgaret, tanta profecto alacritate
 „ & sollicitudine tantopere efficaci sanctæ istius Sedis imperata facit, ut
 „ si unquam alias, quamplures & ipse aberrantium hæreticorum greges,
 „ ac præcipua quædam illorum capita in unius veræ sempiternæque Fidei
 „ sensu & communione Romanæ Ecclesiæ reddiderit. Quæ autem non
 „ tum odia subivit aliorum probatissimæ per eum veritati duro perspicia-
 „ cique animo obſistentium, qui tanta persusi luce vellent tamen in per-
 „ petua hæresis nocte versari? Exarserant enimvero ad internacionem,
 „ quod cum Fidelem nostrum divini verbi propagatorem haudquaquam
 „ lateret, nil ideo sui remisit studii in infectandis erroribus, queis po-
 „ tius radicitus extirpandis majores in dies conferebat vires ac suam o-
 „ mnem diligentiores curam operamque locabat. Atque his permoti
 „ hæretici, qui reliqui erant omnium nequissimi, intelligentesque, si tan-
 „ ta ad Romanam Ecclesiam quotidie conversio fieret Fideli auctore ac
 „ duce, falsam, quam profiterentur sectam, brevi jam concisuram & pe-
 „ nitus in iis partibus deletum iri, cum ipsi quoque tot strenui viri co-
 „ natibus fortiorumque argumentorum machinis expugnari, atque ad
 „ invisum Romani Pontificis imperium vi tandem veritatis compulsi tra-
 „ duci possent. Iccirco *disscabantur cordibus suis, & stridebant dentibus in*
 „ *eum*, quemadmodum in Actibus legimus Apostolorum primò inter ho-
 „ mines martyri Stephano contigisse apud Judæos prædicanti. Quin, ut
 „ & appositi utar verbis Augustini, tamenſi ille de supremo animarum
 „ conquisitore Jesu Christo loqueretur, ipsi tot Fidelis laboribus, vigiliis,
 „ orationibus virtutumque omnium exemplis in tutum Romanæ Eccle-
 „ siæ finum invitati hæretici *bis omnibus curationibus ejus ingrati*, & tam-
 „ quam multa febre phrenetici insanentes in medicum, qui curare eos venerat,
 „ cogitaverunt consilium perdendi eum. Coeunt itaque; de ratione conve-
 „ niunt; diemque tam immanni patrando sceleri statuunt vigesimam quar-
 „ tam Aprilis anni a millesimo sexcentesimi vicesimi secundi; simulataque
 „ per summam perfidiam instanti ad catholicas partes conversione, Fide-
 „ lem in Grucschensi vicino Oppido agentem Sevisium advocant, voce
 „ ut sua hærentes adjuvaret, atque in via veritatis constabiliret. Promtè
 „ ille accurrit, & quamquam dolum subesse vel cœlitus præsciret se-
 „ cumque

„ cumque reputaret , suggestum tamen alacriter concedit , cui primo
 „ statim intuitu grandioribusque litteris , ut perspici facilè possent , fue-
 „ rat superscriptum : non alteram ab hodierna concionem habebis . Diriguisse
 „ fortasse aliis tanti facinoris horrore , extremique sibi instantis metu pe-
 „ riculi ; at ab illo supernâ gratiâ roborato tantum absuit importunus ti-
 „ mor , ut ne expalluerit quidem . Quin e superiori loco intrepidus ar-
 „ gumentum dicendi posuerat illud Apostoli divinum effatum: *unus Deus*,
 „ *una Fides, unum Baptisma* ; iamque prima concionis emiserat verba , cum
 „ ab incœpto desistere coactus est ex oborta suclamatione , ne ultra di-
 „ cendo temere pergeret , & consequenti eidem crepitu ex igniti teli in se
 „ directi projectu , quo tamen , Deo sic disponente , ne leviter quidem ta-
 „ ctus est , cum ad acrius & glorioius certamen fortissimus catholicæ ve-
 „ ritatis Antesignanus servaretur . Ne itaque cruento sui sacrificio Tem-
 „ plum pollueretur , cum eductæ jam palam impiaæ hæreticorum sicæ in-
 „ termicarent increseretque seditionis fremitus ; satius ille duxit ad
 „ aram sese recipere , ubi sublati ad Cœlum manibus luminibusque , con-
 „ secravit ultima vitæ hujus suæ mortalis momenta , Deum deprecatus
 „ per Christi merita , ut quoniam omnipotenti ejus voluntati jamdiu se
 „ totum fidentissimè subjecisset , gratiæ suæ robur adjiceret morituro ; &
 „ sanguini , quem libenter funderet , suo virtutem daret , quæ voci defuis-
 „ set ad reliquos catholicæ religioni conciliandos hæreticos . Hæc dum
 „ ferventiùs oraret immobilis hærens beatus Fidelis ad aram , non Templi
 „ religio factiosos tenuit , ne in ipsum irruerent , neque Dei cogitatio , quem
 „ jam mente penitus excussissent , sed mansuetudo illa sustinuit catholici
 „ magistri , imperterrita constantia cohibuit , fulgentissima pietas com-
 „ pescuit ; quarum admiratio virtutum efferatis illorum animis illapsa ,
 „ primo statim appulsa , ipsa vel natura dirigente , eos ita cepit fregit-
 „ que , ut usquedum ratio novâ furoris eruptione a malo dœmone mini-
 „ strati corrupta non fuit ac perversa , prior illa tanti viri species sicario-
 „ rum dextras ad aliquod tempus exarmaverit & parata tela distulerit .
 „ Monitus propterea tum ne discederet , cum tutior ea statio videretur :
 „ O , inquit , fili ; pro æterna jam vita decertandum est , haud isthæc am-
 „ plius curanda misera & fugax , cuius ego instanti exitio propterea mini-
 „ mè terreor , eam enim , quam a Deo recepi , sanguine lotam magisque
 „ purgatam meo eidem reddere cupio ; at vereor , ne fiat sacer iste locus
 „ execrabilis facinore profanus , ne adstantes Catholici etiam opprimantur
 „ mei odio ; atque adeo uni mihi pro universorum salute in apertum pro-
 „ grediendum est . Dixit : eodemque gressu , hilaritate vultus eadem qui-
 „ bus Templum ingressus fuerat , de Templo egreditur . At verò ubi pe-
 „ dem in circumpositam fano planitem infert , haud ab ea procul ad vi-
 „ ginti hæreticorum ferociores illum aggrediuntur , armatâque dextrâ
 „ instant , ni confessim trucidari illic velit , Romanam ut religionem ex-
 „ secraretur . Renuentem non modò , sed facis instar splendentis nitidiùs
 „ , dum

„ dum prorsus extinguitur , catholici dogmatis lucem magis proferen-
 „ tem , retorto impius gladio impetit , sacramque caput ferit , cumque
 „ ictus non successisset ex animo , gravius geminato scindit usque ad os
 „ medium . Alter ensis mucrone latus transverberat atrociori etiam vul-
 „ nere , quo in genua concidit ; jamque oppido satis fuerat ad interimen-
 „ dum corpus nullo amplius humano remedio convaliturum ; sed expleri.
 „ ea duntaxat crudelitate immane odium non potuit , modò ut pro se
 „ ac persecutoribus orantem , sanctissimaque Jesu & Mariæ nomina su-
 „ premis vocibus invocantem iterum invaserint , hastis trajecerint costas ,
 „ apertumque mox caput ferreis fustibus secundum verticem conglobatis
 „ in prominentes clavos prorsus tutuderint ac pessundederint ; gladiis .
 „ quâ punctim , quâ cæsim corpus deformaverint universum ; tribus sci-
 „ licet & viginti plagis capiti inflictis , pectori viginti , quibus diutiùs
 „ scrale spectaculum est protractum , graviorque confosso viro dolor tot
 „ excitatus locis insedit . Verum ille omnia patienter perpessus est , quin
 „ & lætissimo animo imperturbatoque ore , cuius etiam ad feros ictus
 „ augeretur hilaritas , ut certo oculorum judicio pateret , quanto majori
 „ acerbitate recrudesceret sicariorum rabies , tanto ardenteri charitate
 „ illius ad astra spiritum serri . quem meritis plenum solutumque tunc a
 „ corpore , cui feliciori iterum nexu aliquando adjungetur in Cœlis ,
 „ reddidit tandem Deo , pro cuius honore gloriosus Martyr detestabili hæ-
 „ reticorum odio impetuque sublatus est .

„ At non ideo sublata est tantæ fortitudinis memoria conspicuæque
 „ fama Sanctitatis longè latèque diffusa assiduisque miraculis a remune-
 „ ratore D. O. M. illustrata : Quæ quidem miracula , quamquam innume-
 „ ra fere sunt beati Fidelis intercessione ac meritis patrata , pauca nihi-
 „ lominus breviter attigero , quæ certissimo vel sola argumento satis su-
 „ perque designent immortalem purissimi illius modò spiritus gloriam
 „ simulque gratiam , qua plurimum apud Deum valet . Relictis itaque
 „ prodigiis inventi post sex ab interemptione menses sacri corporis incor-
 „ rupti suaviusque præterea olentis , e cuius pectore ignotus usque adeo
 „ flos assurgebat ceu lilyum frondibus quasi sanguine aspersis variatum
 „ atque odorem pariter spirans novum ; ea refero , quæ potiora fuerunt
 „ apud Benedictum XIII. Pont. Max. antequam decimo septimo ab hinc
 „ anno Beatum publicè renunciaret . Igitur haud ita multo post exhumá-
 „ tum sacrum Corpus , excitato in Arce Majensfeldæ immani incendio
 „ horrendoque boatu jam jam imminente ex eversione disiectuque munitionis
 „ nitrato pulvere oppletæ , quam elata flamma circumlambebat ,
 „ fidenter invocatum B. Fidelis auxilium illico depascentem ignem pro-
 „ pulsavit ; portentumque portento additum , quippe exinde reversi sta-
 „ tionarii , qui ad non profuturi superioris periculi certitudinem longius
 „ diffugerant , vel altioribus caveis sese abdiderant , parietum trabes inve-
 „ nere ab interiori munitionis parte adhuc incensos proximèque insisten-
 „ tes ni-

„ tes nitrato eidem pulveri non ideo tamen flammam concipienti ; tanto
 „ que prodigo prius attoniti , deinde certiores facti de præsenti B.
 „ Fidelis ope , eorum aliqui ipſiſſimo pulvere uſi ſunt ad ſuffocandas pru-
 „ nas , eademque fiduciâ , qua extinguedis aquam adhibuiffent . Quid
 „ verò de Cæcilia dicam Mufingerinia virgine in Cisterciensi Ordine Deo
 „ devota , quæ ex vehementi dexteræ mamillæ inflammatione ad qua-
 „ tuordecim dies noctesque continenter diſcruciata , ſuperpoſitâ demum
 „ particulâ vefis , quâ B. Fidelis operiebatur , de repente convaluit a pa-
 „ tente jam cancre hominibus immedicabili ? Aut quid mirabilius quam ,
 „ quod infantulo accidit Francisco Papuſſinio , cui uno oculorum inflato
 „ primū , ac deinde disruptâ pupillâ , beatus Fidelis ſtatiſ ac fuit geni-
 „ tricis voto exoratus , integrum & lumen reſtituit , & ocellum , quo ma-
 „ trem ille intuens acri limpidiſſimoque obtutu inſigne eidem oſtentabat
 „ oſtentum ? Gaspar quoque Stigherius quinquennali renum dolore cur-
 „ vus & planè torpens , annon ſe erexit iterum , ac priftino vigori red-
 „ ditus eſt , admoto vix renibus enfe , quo B. Fidelis fuerat vulneratus ? At
 „ quid ego plura commemorem mirabilia , cum vel hiſce ſolis certiſſime
 „ ſibi jam tum probatis , ipſe Sanctiſſimus Pontifex Benedictus Fidelem
 „ decreverit Beati nomine invocandum , conſtitutoque in Ecclesia Marty-
 „ ribus officio colendum ?

„ Neque poſt ejusmodi cultum Beato adhibitum nova ex implorata
 „ ejus ope defuere miracula , eaque adduco , quæ anno ab iſto ſecundo fue-
 „ runt indubitanter explorata Tibi omnium hac de re Romm. Pont. qui
 „ antefterint maximo eruditissimoque , ut illa teſtantur tua verè aurea
 „ omniq[ue] doctriña referta quatuor volumina jam olim in publicam lu-
 „ cem emiſſa , ac modò Patavij recuſa ſummo christianæ & litterariæ
 „ rei publicæ bono atque plauſu : Alterum nempe quod Frater Candidus
 „ de Mediolano Sacerdos Ordinem Capuccinorum profeſſus per Beati effi-
 „ giem capiti reverenter imposita ex templo evaſerit ab inveterato fere
 „ per decennium morbo comitali & ſontico , quo ſæpius vexabatur , re-
 „ dintegratis abſolutiſſime deſtitutis ante viribus , ijsque ulterius non
 „ quaffatis : Alterum verò quod Joseph Kirnerius puer quatuor natus an-
 „ nos cum genib[us] pedibusque foret infirmioribus conſtitutus quām ut re-
 „ gendo reliquo corpori par eſſe poſſet , atque ideo minus conſiſteret , ſed
 „ acclinaret caderetque , nec niſi ſubnixus , ægrè id quidem , incederet ;
 „ ductus a matre ad Eccleſiam & ante imaginem collocatus B. Fidelis ,
 „ inibi ſtatiſ ita viguit plantis , ut lignea , quibus ante uteretur , ſuſten-
 „ tacula dimiferit , pedesque redierit domum ac ſemper exinde firmus
 „ inceſſerit .

„ Quæ igitur commoda a B. Fidiſi , quæ ornementa non profluxere
 „ in Eccleſiam catholicam , cui tantopere præluxit heroicis virtutibus
 „ dum vixit ; veræ fortitudinis exemplo dum martyr occubuit ; inſignibus
 „ prodigiis poſtquam in Cœlo fuit emeritâ gloriæ palmâ a Deo coro-
 „ , natus ;

„ natus; ut habeant undequaque omnes quæ demirentur atque imitari
 „ satagant, quæque per ejus intercessionem bona sperare, & consequi
 „ possint?

„ Hec itaque, BEATISSIME PATER, per me usque adeo delibata, hæc,
 „ inquam, sunt gloriösi martyris præconia, quæ universum orbem perva-
 „ gata, Imperatores, Reges, Populos, complures etiam ex imperfecto-
 „ ribus in illius venerationem impulere. Hinc, ut more majorum, San-
 „ ctorum eum fastis adscribas meritò postulat Sacra Propagandæ Fidei ad-
 „ vigilans Congregatio, quæ suum in B. Fideli prædicat primum Marty-
 „ rem: Idipsum rogat universa Capuccinorum Familia: Idem inclyta Mar-
 „ tyris natio, quorum omnium studiosissima vota mihi commissa sunt Ti-
 „ bi humillimè ut offeram; cum, amplificato honorificentius Beati ipsius
 „ cultu in terris, major futura sit invocandi occasio, petendique præsidii
 „ fiducia. Atque, o utinam tam benemereri catholici omnes valeamus,
 „ ut præcipuo hujus martyris patrocinio bellum deprecante, adveniat
 „ tandem lætissima pax, qua, sedato armorum tumultu hanc ipsam Euro-
 „ pam totam, quam ille peragravit, miserè usque adeo diripiente ac de-
 „ populante, conciliatisque invicem dissidentium Imperatorum, Re-
 „ gum, Rerum publicarum, ac Principum animis, exoptatum diu otium
 „ refloescat, in quo pietatis & religionis, virtutum denique omnium
 „ studia, vacuo a belli timoribus animo, quisque consecrari possit ac
 „ velit. Dixi.

Absoluta Oratione secessit inde aliquantulum Advocatus Montecatinius, ne de Beato Camillo dicturum Advocatum Julium Cæsarem Fagnanum impediret. Tum iste a Cæremoniario admonitus his verbis: *Dicat alter; ita effari cœpit.*

„ **Q**UÆ duæ res, BEATISSIME PATER, Oratoris cuiuslibet animum
 „ commovere vehementissime possunt, Causæ scilicet, de qua agi-
 „ tur, gravis conditio, & eorum, cum quibus agitur dignitas, & ampli-
 „ tudo, ex ambæ non solum nullo modo perturbant, imò vero in-
 „ credibilem ad dicendum addunt alacritatem. Sive enim justissimæ, in
 „ qua nunc versor, Causæ conditionem intuear, agendum mihi video
 „ de beato Camillo de Lellis inter Cœlites referendo, cuius quanta sint
 „ merita in grandibus illis tuis omnibus eruditionis, omnisque doctrinæ
 „ plenissimis Voluminibus Tu ipse, BEATISSIME PATER, abundantissimè
 „ declarasti: Sive illius, cum quo hæc agitur Causa, optimam volun-
 „ tatem considerandam mihi proponam, apud Te, BEATISSIME PATER,
 „ rem mihi esse intueor, qui, cum eamdem nescio quo fato intermor-
 „ tuam ab eo usque tempore, quo tanta cum laude Fidei Promotoris
 „ munere fungebaris, strenuè ab interitu vindicaveris, ejusdem dici me-
 „ ritò potes & Patronus & Pater. Et revera cum immensos eos ego re-
 „ cordor improbosque labores, quos pro stabilienda B. Camilli gloria

„ tunc sustinuisti Clementis XI. P. M. jussu , neminem præter Te tantæ
 „ parem superandæ difficultati apertissimè confitentis : Cum dies tot
 „ noctesque considero in volutandis , legendis , digerendis , notandis
 „ immensis illis processuum voluminibus evigilatas , qui id tandem fieri
 „ possit , ut , aut huic Causæ diffidam , aut ipsam animo minus alaci ag-
 „ grediar ? Quod cum facio tanta spe fretus , quæso , obtestorque , BEA-
 „ TISSIME PATER , ut si Camilli gesta pro ejus dignitate minimè comme-
 „ moravero , meæ quidem tenuitati , multo autem magis rerum ab eo
 „ gestarum magnitudini putas esse tribuendum .

„ Atque hic imprimis non inficiabor illud planè ipsum contigisse
 „ Camillo , quod Principi Planetarum Soli aliquando conspicimus eve-
 „ nire . Sicuti enim quandoque contingit , ut , dum supra Horizontem
 „ attollitur , & disiectis undique tenebris terrarum Orbem clarissima luce
 „ perfundit , brevi emenso ætheris spatio talem patiatur eclipsim , ut vel
 „ extinctus , vel extinguedus esse propemodum videatur : Ita Camillus
 „ cum Buclanici Regni Neapolitani loco honestissimo natus esset , pro-
 „ bèque Parentibus educatus optimæ indolis futuræque Sanctitatis ar-
 „ gumenta plurima præbuisset ; brevi tamen ita & Ipse deficere visus est ,
 „ ut & inanes spes suas Parentes meritò deplorarent , & ut perpetuæ in
 „ eo forent tenebræ , pertimescerent . Quid hic eum memorem a vera
 „ virtutis laude remotum , otio unicè delectantem ? Quid adolescentiam
 „ & juventutis maximam partem aleis perditissimè traducentem ? Quid
 „ profligatum quamcitissimè patrimonium universamque domesticam
 „ rem ludo consumptam ? Quid vilissimis ministeriis , & a suorum nata-
 „ lium conditione remotis victimum sibi comparare coactum ? Quemad-
 „ modum verò Sol post brevem illam veluti pugnam atque conflictum eò
 „ majori luce perfusum se se nobis ostendit , quò densioribus tenebris
 „ paulo ante fuerat involutus : Ita etiam Camillus vitiorum tenebris ex-
 „ cussis atque eliminatis , repentina quadam ac pene incredibili Sancti-
 „ tatis luce refulxit . O fortunatissimam illam diem , qua alterum veluti
 „ Saulum spirantem adhuc minarum & cædis , vitiorum scilicet suorum
 „ semitam prosequi tunc maximè cupientem inopina circumfulsit de Cœlo
 „ lux , atque humi in via prostratum , vas iræ in vas electionis Dominus
 „ immutavit ! Explicare quis satis possit , quibus tunc ille gemitibus præ-
 „ terita errata fuerit detestatus ? Quàm inconsolabilibus lacrymis a Do-
 „ mino flagitaverit , ne ignorantias juventutis suæ recordaretur ? Quibus
 „ precibus , statim ac domum reversus est , Patres Capuccinos defatigave-
 „ rit , ut se in eorum fodalitatem admitterent , in qua asperrimo illo vi-
 „ vendi genere anteactæ vitæ licentiam ulcisceretur ? O veram mutatio-
 „ nem dexteræ Excelsi , qua alleator cessit in lucrum Domini , qua miles
 „ sæculi factus est Athleta Christi fortissimus , qua mundi Assecla Pœni-
 „ tentiæ Humilitatis Charitatis victima evasit !

„ Et revera Camillum vidisses vix voti compotem factum , habitu-
 „ , que

„ que Capuccinorum indutum tanta contentione Euangelicæ perfectio-
 „ nis stadium illico percurrentem , ut iis iphi longo intervallo antecelle-
 „ ret , qui meliora carismata emulabantur : Vidisses corpus suum ciliciis
 „ flagellis inedia , omnique paenarum genere adeo castigantem , ut in
 „ servitutem redactum adversus spiritum concupiscere non auderet : Vi-
 „ disses humilitatis præcipue , quæ omnium virtutum parens est atque
 „ magistra , studio , tantam operam impendentem , ut non alio quam
 „ humilis Fratris nomine vocaretur : Vidisses denique in continuas gra-
 „ tiarum actiones erga Dominum erumpentem , quod ex tantis sæculi
 „ tempestatibus in tutissimum Religionis portum tandem aliquandò eum
 „ impellere dignatus esset .

„ Fuerit tamen arduum , fuerit Sanctum , fuerit perfectissimum ejus
 „ vitæ institutum , quod Camillus amplectendum sibi censuerat : Illud
 „ certè non erat , ad quod a Domino fuerat ordinatus . Ad altiora pro-
 „ fectò longeque utiliora vocabatur . Quemadmodum enim Saulum
 „ persequenter supra modum Ecclesiam Dei jamdudum elegerat , ut no-
 „ men suum coram Gentibus portaret , ita quoque Camillum juveniliter
 „ insannientem elegerat , ut incredibili esset suis Fidelibus adjumento .
 „ Quid igitur miramur , si ab antiquo illo ulcere , quod Camillus itine-
 „ rando contraxerat , nullâ possit medicorum operâ conyalefcere ? Si eo
 „ magis magisque recrudescente austerrissimo illi atque laboriosissimo vi-
 „ tæ generi reddatur impar ? Si , cum ferendis illius Instituti laboribus
 „ judicetur minus idoneus , ex eorum Patrum sententia semel & iterum
 „ dimittatur ? O investigabiles vias Domini ! Abreptam suam sibi dole-
 „ bat felicitatem Camillus , sibique ipsi iraicebatur , qui peccatis suis id
 „ effecisset , ut potius quam abjectus esse in domo Domini , habitare in ta-
 „ bernaculis peccatorum mereretur . Contra verò per hæc eadem media
 „ ad majorem sui nominis gloriam amplificandam , ad Ecclesiam suam
 „ novo fortissimoque præsidio muniendam , ad Fideles suos ope auxi-
 „ lio utilitate maxima adjuvandos , fortiter suaviterque a Domino du-
 „ cebatur .

„ Neque verò multum temporis intercessit , quo se Camillo volun-
 „ tas divina apertissimè manifestavit . Cum enim Romam venisset , atque
 „ in Nosocomio sancti Jacobi Incurabilium receptus fuisset oeconomici mu-
 „ nere perfuncturus , tunc planè intellexit , se procurandæ cum corpo-
 „ rum , tum multo magis in animarum saluti a Domino destinatum . In-
 „ credibile est enim dictu , quantum ex pauperum ibi ægrotantium cala-
 „ mitatibus animo commoveretur , quanta commiseratione afficeretur ,
 „ quanto eorum sublevandorum desiderio teneretur . Cum verò mini-
 „ strorum quorundam incuriam ac negligentiam animadverteret , qui
 „ multa mercede conducti , ut Infirmis famularentur , iisque curandis
 „ omnem operam collocarent , suo muneri deerant , vel eo minus accu-
 „ ratè persungebantur , satis certè explicari non potest , quam id Camil-

„ lus egrè toleraret , quantoque studio huic malo occurrere conaretur .
 „ Parum ipsi itaque videbatur , si ea omnia sedulò procuraret , quæ ani-
 „ mabus corporibusque juvandis conferre posse cognosceret , si omnes
 „ etiam delicias , omnia etiam commoda diligentissimè investigaret , quæ
 „ ægrotis a morbi molestia aliquo modo relevandis prolesse posse animad-
 „ verteret , si nullis laboribus , nullis incommodis nullis sumptibus .
 „ parceret , ut vel salus amissa recuperaretur , vel recuperata confir-
 „ maretur : Parum si dies noctesque Infirmis semper adesset , si ab iis
 „ morbis , qui stomachum maximè provocant , victor sui non abhorreret ,
 „ si ulceræ tabo sanieque manantia attractaret , tergeret , circumliga-
 „ ret , foveret : Parum si monitis salutaribus Infirmorum animos confir-
 „ maret , si patientiam iis suaderet , si eos ad Dei cultum & amorem
 „ accenderet , si in charitate maximè stabiliret : Parum si in vita discri-
 „ mine constitutos spe erigeret , fide corroboraret , Sacramentali gratia
 „ reficeret & communiret : Parum si migrantes animas precibus adju-
 „ varet , easque suis quodammodo manibus in cœlestibus sedibus collo-
 „ caret : Parum , inquam , hæc illi omnia videbantur , nisi immensa illa
 „ charitas , qua ipse æstuabat , in omnium animos diffunderetur , & ad
 „ omnes ætates per totum orbem amplificata demandaretur . Hinc vo-
 „ torum suorum metam se consecuturum sperabat , si hominum aposto-
 „ licorum Congregationem instituendam curaret , qui ex peculiari insti-
 „ tuto in id unum incumberent , ut Infirmis omnibus , iis præcipue , qui
 „ in Nosocomiis jacerent , opem omnem , omnem operam , diligentiam
 „ que præstarent . Intelligebat siquidem Vir prudentissimus hoc ab iis
 „ aptè solum præstari posse , quos non terrenâ sed coelesti mercede pro-
 „ positâ , divina illa , quæ patiens est atque benigna charitas informa-
 „ ret . Quod cum sancto Philippo Nerio a Confessionibus suis atque
 „ consiliis Camillus communicasset , quis possit exprimere , quantum in
 „ Domino senex sanctissimus exultaverit atque geitiverit ? Quo super-
 „ no concitatus ardore , divinitus inditam Camilli mentem affirmaverit
 „ & confirmaverit ? Quot illi addiderit stimulos , ut opus tam Sanctum
 „ & Ecclesiæ Dei non utile modò sed necessarium , maximis ceteroquin
 „ impeditissimum difficultatibus strenuè aggredieretur & perficeret ?

„ Agreditur quidem forti alacrique animo divina duce charitate
 „ Camillus ; sed ex adverso agreditur etiam insensissimus humani gene-
 „ ris hostis totis , quibus poterat viribus , ea ipsa evellere atque destrue-
 „ re , quæ Camillus jacere cœperat tanti operis fundamenta . Quam
 „ contra Camillum hominum potentissimorum subito non excitavit in-
 „ vidiam ? Quem contra Christi pusillum gregem non armavit furorem ?
 „ Quæ in illo novo agro Dominico zizania non seminavit ? Cum ta-
 „ men peculiaris hæc semper fuerit segetis Christi conditio , ut quò
 „ sevioribus procellarum turbinibus agitatur , eò uberior in dies cre-
 „ scat atque perfectior ; frustra improbus malorum artifex furit , fru-

„ stra sœvit , frustra bacchatur . Præsto de cœlo adest adflicto Operi suo
 „ opitulator Deus , eumque ipsius impetu obrutum pene atque prostra-
 „ tum relevat , tutatur , confirmat : Idem met Christus Dominus enixis
 „ Camilli precibus imploratus accurrit , eumque claris distinctisque
 „ vocibus ex imagine collocutus ad tanti operis perfectionem hortatur ,
 „ movet , impellit . Videt hæc Christi opera teterimus inimicus : Vi-
 „ det , irasciturque ; dentibus suis fremit & tabescit : Videt egregios
 „ plures verè apostolicos viros Camilli virtute exemploque inflamma-
 „ tos ejusdem charitatis se se cum eo victimas libentissimè destinantes :
 „ Videt Camillum triginta duos annos natum , quò Sacerdotio initiari
 „ posset , scholas publicas frequentare , & in Grammaticæ rudimentis
 „ simul cum parvulis balbutire minimè erubescerent : Videt sinapis
 „ granum in magnam arborem elevatum , pusillam scilicet Camilli Con-
 „ gregationem non modo summis omnium plausibus exceptam & ex-
 „ altatam , sed a Sixto summo Pontifice hujus nominis quinto litteris
 „ Apostolicis confirmatam : Videt eamdem paulo post a Gregorio XIV.
 „ incredibili illius utilitate permoto in perfectam religionem erectam
 „ & stabilitam : Videt per Italiam , per Siciliam , exterasque Provin-
 „ cias brevi amplificatam , summisque votis ab omnibus concupitam :
 „ Videt quot ipse quintasque clades quotidie acciperet , quæque &
 „ quanta ipsi inferretur , uno Camillo auctore , pernicies : Videt hæc
 „ omnia , eoque majori rabie cruciatur atque corroditur , quò do-
 „ lorum suorum hæc tantum initia esse cognoscit , multoque majora
 „ atque certissima sibi imposterum autumat detrimenta . Et revera non
 „ fallitur .

„ Sine lacrymis eorum temporum adhuc recordari non possumus ,
 „ quibus Civitas hæc Mundi Caput & Princeps anno quarto ab ipso
 „ Ordine constituto tot ac tantis illis calamitatibus affligebatur . Sum-
 „ ma Annonæ caritate cum laboraret , eodemque tempore pestis di-
 „ rissima Civium corpora immanissimè grassaretur : Cum neque esurienti-
 „ bus panis esset , neque ægrotantibus medicinam reperiretur : Cum la-
 „ ctens & parvulus deficerent in plateis , & languentium morientiumque
 „ gemitibus , tecta , fora , compita resonarent , quantus in ea luctus ,
 „ quanta vastitas , quantus horror ! Unoquoque aut morbi vi maximè af-
 „ flicto , aut de salute sua anxiè cogitante , aut fuga aut tectis se se tueri
 „ studente , facta videbatur quasi vidua Domina gentium , viæque Sion lu-
 „ gere . Quale tamen interea (dicam hic cum sancto Cypriano) quale in tan-
 „ ta temporis iniquitate , tantaque Urbis calamitate illud fuit spectaculum Do-
 „ mino , quam sublime , quam magnum , quam oculis Dei acceptum , quod Ca-
 „ millus ejusque Religiosi assecræ præbuerunt . Fuit ne tota Urbe locus ,
 „ fuit ne domus , Xenodochium , stabulum , crypta , quò Camillus cum
 „ suis non penetraret , jacentes inopes homines conquisitus ac releva-
 „ turus ? Fuit ne esuriens , cui panem non frangeret ; ægrotus , quem in
 „ Noso-

„ Nosocomia suis ipsis sublatum humeris non transferret ; sanus , cuius
 „ conservandæ saluti non provideret ? Quis fuit miser , cuius non curaret
 „ plagas , non abstigeret luem , non lectos purgaret ? Hic miserandum in
 „ modum infectos morbo suis ipse complexos manibus suas ipse inter ulnas
 „ aliò transferebat , novisque lectulis collocabat : Illic constitutos in mortis
 „ angustiis in Spe & Fide confirmabat . Hic migrantes ex hoc mundo ani-
 „ mas apud Deum Orationibus Sacrificiis precibusque juvabat . Illic vitâ
 „ functorum corpora suis manibus feretro imposita ad Templum suis hu-
 „ meris deferebat . Quid dicam de novis pluribus erectis in variis Urbis par-
 „ tibus Nosocomiis ? Quid de ipsa Religionis suæ domo in Xenodochium
 „ conversa ? Quid de innumeris propemodum sumptibus , quibus cum non
 „ posset sufficere Religionis suæ paupertas , gravissimo alieno ære illam
 „ gravare non dubitavit ?

„ Sed in hoc uno commemorando charitatis Camilli argumento
 „ quid diutius immoror , cum tantum semper illa patuerit , ut nec unius
 „ Urbis Romanæ ambitu contineri , nec locorum limitibus circumscribi ,
 „ nec temporum circumstantiis definiri , nec multitudine hominum
 „ coarctari potuerit ? Superatis arginibus Tibris exundat ? Latèque per
 „ Urbem effusus inter ceteras domos , quas undis obruit , Sancti Spiritus
 „ Xenodochium invadens impetu repente Infirmorum cameras occu-
 „ pat ? Nullæ possunt aquæ Camilli extinguere charitatem , nulla flu-
 „ mina obruere . In aquas scilicet ulceroso etiam crure profliens hac il-
 „ lacque tamdiu discurrit , quamdiu Infirmis eorumque grabatis ad loca
 „ superiora suis humeris exportatis , consulat eorum saluti atque securi-
 „ tati . Mediolani pestem grassari significatur ? Nihil est , quo Camillus
 „ valeat retineri , quominus Genua ubi moram trahebat , in eam ipsam
 „ Urbem , quam alii diligentissimè declinabant , summa protinus advo-
 „ let alacritate . Correptam eodem morbo Nolanam Urbem intelligit ?
 „ Neapolim subito Camillus deserit , in eam Urbem iturus suamque ani-
 „ mam pro suis Fratribus positurus . Buclanicum Patriam suam summa
 „ premi annonæ caritate nunciatur ? Adeòt Camillus illico , impetrata-
 „ que ubertate de Cœlo , insigni miraculo per plures dies esuriensi po-
 „ pulo alimenta suppeditat . Vix denique ullus in tota Italia reperiri po-
 „ terit locus , in quo Camillus non reliquerit insigne aliquod charitatis
 „ suæ vestigium .

„ Etsi veò in Infirmorum domibus ac Nosocomiis peculiari quodam
 „ modo illa emicuerit , non ita tamen ut in omne hominum genus effu-
 „ sa incredibili non fuerit omnibus adjumento . Quis enim recensere po-
 „ terit numerando vel Virgines congruis assignatis dotibus nuptui tradi-
 „ tas aut Cænobiis , vel Pupillos in suis juribus conservatos , vel Viduas
 „ vindicatas , vel Nudos opertos , vel Esurientes saturatos , vel Peregrinos
 „ hospitio receptos , vel Hæreticos ab erroribus revocatos , vel Infideles
 „ Romanæ Religioni conjunctos ?

„ Tanta itaque æstuante in Camilli pectore charitate , mirari certè
 „ poterit nemo, si ceterarum etiam virtutum agmen accesserit . Cum enim
 „ Reginam sequantur Ancillæ ; ubi charitas est , deesse illæ non possunt .
 „ Quid igitur dicam de insigni illa animi humilitate , qua Camillus de se
 „ ipso tam abjectè sentiebat , ut a nullo unquam Ordinis Fundator & Pa-
 „ ter appellari permiserit , ut domi patinas tergere , cubicula verrere ,
 „ vasa immunda purgare , soris verò hostiatim emendicare familiarissi-
 „ mum ipsi fuerit ; ut se se cunctis abjicere , aliorum pedes osculari , alio-
 „ rum virtutem admirari , se solum despicere , se solum miserrimum , se
 „ solum peccatorem maximum ac destinatum æternis ignibus titionem ex
 „ animo reputare consueverit ; ut abdicatâ generali Ordinis Præfecturâ
 „ inter ipsos quos enutriversat filios suos , in servi forma esse voluerit ? Quid
 „ d illo Evangelicæ Paupertatis admirabili spiritu , quo terrena cuncta
 „ delpexit ? Quid de singulari illa animi mansuetudine , qua labores
 „ ærumnas injurias contumeliasque æquanimitate adeò tulit , ut detra-
 „ ctores suos omni amoris atque benignitatis sensu complexus , sibi Deo-
 „ que amicissimos fecerit ? Quid de studio illo Orationis assiduo & con-
 „ templandi consuetudine non interrupta , cui tanto animi sensu , etiam
 „ cum Infirmis famularetur , vir sanctissimus incumbebat , ut & in admi-
 „ rabiles ecstases sæpiissimè raperetur , & internum divini ignis ardorem
 „ coelestis quædam in vultu flamma manifestaret ? Quid de tanta illa Re-
 „ gularis disciplinæ observantia , quam a se ipso tanta cum severitate sem-
 „ per exegit , ut quamquam tantis occupationibus tantis laboribus tan-
 „ tis curis distineretur , nihil unquam de ea remittere passus sit ? Quid de-
 „ nique de ceteris singularibus planè virtutibus , quibus adeò excelluit ,
 „ ut in Italia universa nullus esset , in cuius ore non foret maximum Ca-
 „ milli nomen ; cuius animo maxima de Camilli sanctitate non insideret
 „ opinio ; qui se Camilli orationibus non commendaret , ejusque precibus
 „ apud Deum adjuvari non cuperet non postularet ?

„ Quamquam , ut verum fatear , simul cum Camilli virtutibus , iis
 „ etiam frequentissimis insignibusque miraculis , quibus Servi sui sanctita-
 „ tem Deus testamat omnibus faciebat , tribuendum est , quod populi in
 „ tantam admirationem ac devotionem excitarentur . Noverant quippe
 „ & aquam ab ipso in optimum vinum suisse conversam , & exiguo pane
 „ tum ipsum tum multos opiparè saturatos : Noverant Angelicos ipsos
 „ Spiritus de Cœlo ad Camilli obsequia descendisse : Noverant arcana in
 „ penitioribus animi latebris delitescentia sæpiissimè penetrasse : Noverant
 „ futura & absentia omni dubietate sepositâ prævidisse : Noverant pluri-
 „ mos inveteratos morbos , nullisque remediis sanandos , brevi Camilli
 „ prece vel etiam tactu depulsos ? Quis igitur ejus sanctitatem non admi-
 „ raretur ? Quis ejus opem non imploraret ? Quis ejus patrocinio se non
 „ commendaret , quem Deus tot tantisque miraculis mirificabat ? Vidisses
 „ igitur omnis generis omnis conditionis homines ad Camillum tam-
 „ quam

„ quam ad insigne sanctitatis oraculum properantes : Vidisses Principes
 „ viros , Episcopos, Eminentissimos Cardinales Camilli cellulam frequen-
 „ tantes : Vidisses integras Urbes suis penè convulsas sedibus , ut Camil-
 „ lum inviserent , ut sua illi vota proponerent , ut ad obtinendas a Domi-
 „ no gratias ejus precibus adjuvarentur .

„ Jam itaque eò virtus Camilli devenerat, ut eam Terra non caperet,
 „ eaque solâ coronâ justitiæ, quam repromisit Deus diligentibus se, com-
 „ pensari in Cœlo jam posset. Quod cum Camillus , Domino revelante ,
 „ intellectisset , quibus lætitiae signis non exultavit ! Quoties cum regio
 „ Propheta dixit : *Latatus sum in his quæ dicta sunt mihi , in domum Domini*
 „ *ibimus !* Quoties cum Apostolo exclamavit : *Cupio dissolvi & esse cum*
 „ *Christo !* Nimis profecto esset longum ea hic omnia commemorare , quæ
 „ ad caríssimos filios suos circa lectulum lacrymantes de exercenda erga
 „ Proximum Infirmosque potissimum charitate , de diligenda Evange-
 „ lica paupertate , de abjiciendis sacerdotalibus desideriis summo ardore
 „ spiritus peroravit : Quo pietatis sensu Ecclesiæ Sacra menta suscepérunt :
 „ Quàm devotè ipsem suam Deo commendaverit animam : Quàm pla-
 „ cidè atque tranquillè in senectute bona suam cum Christo vitam ab-
 „ sconderit : Quantus subito concursus hominum factus sit , pretiosum
 „ Camilli cadaver inviseret & venerari cupientium . Ne tuas igitur , BEA-
 „ TISSIME PATER diutius aures offendam , hæc omnia tacitus prætermitt-
 „ tam . Quis verò silentio prætereat insignia illa portenta , quæ ad mani-
 „ festandam Camilli gloriam in Cœlis a Domino perpetrata Romam,imo
 „ verò Italiam universam incredibili admiratione compleverunt ? Neque
 „ hic me loqui quis putet aut de Camilli vultu , austerioribus , macie ,
 „ longaque triginta trium mensium infirmitate maximè deturpato , post
 „ mortem verò vivida quadam luce mirum in modum effulgente : Aut
 „ de ejus corpore post aliquot ab ejus obitus dies molli atque flexibili ,
 „ imo etiam odorem suavissimum redolente : Aut de immundis spiritibus
 „ a corporibus eliminatis , & Camilli virtutem magna voce prædicare
 „ coactis . Ut cumque hæc magna sint , ea hic tantum reserre libet , quæ
 „ Apostolicæ Sedis , tuoque potissimum BEATISSIME PATER confirmata
 „ judicio , fidem publicam meruerunt . Mirari igitur quis satis possit aut
 „ undennem puellam per septem menses afflictam dirissimo in naribus po-
 „ lypo ex solo fili Camilli subuculæ contactu subito convalescentem :
 „ Aut Catharinam Dondulam triginta annorum mulierem sexto gesta-
 „ tionis mense maligna febri correptam , in pleura atque pulmonibus in-
 „ flammatam , in gutture infeliciter ulceratam , a Medicis omnibus con-
 „ clamatam ex solo aquæ haustu , in quo pulvis ex Camilli cubiculo sue-
 „ rat dissolutus , incolumem repente viribusque pristinis assurgentem :
 „ Aut , Camillo inter Beatos adscripto , Luciam Theresiam Pettì ab ipsa
 „ nativitate asthmate , respirandique difficultate gravissima laborantem ,
 „ crescente postea ætate plurimorum morborum accessione gravatam ,
 „ imo

„ imo etiam oppressam , contracto insuper gibbo expuentem sanguinem
 „ una cum pure , ab omnibus Medicis derelictam , Camilli ope vix im-
 „ plorata a morbis omnibus expeditam , maximaque valetudinis firmita-
 „ te donatam : Aut Margaritam Castelli duodeviginti annorum pueram
 „ ulcere pessimo a planta pedis usque ad verticem capitum horribiliter oc-
 „ cupatam , ardentissima febri insanientem , proximae morti ab omnibus
 „ adjudicatam , invocato Camilli nomine , universa totius corporis cru-
 „ sta evanescente , auctis viribus sanitatem quam nunquam habuerat con-
 „ sequentem .

„ Quæ cum ita sint quid aliud hic supereft , nisi ut Te BEATISSIME
 „ PATER orem obtesterque , ut qui tantis semper virtutibus claruit , qui
 „ tantis miraculis coruscavit , qui militantem Ecclesiam novo fortium
 „ exercitu communivit , qui inter Beatos jure meritoque Te ipso annuen-
 „ te relatus est , eumdem servato a Tuis Prædecessoribus veteri more San-
 „ torum fastis adscribas . Habeat præsens causa ab eo Summo Pontifice
 „ jam diu optatum exitum , a quo diligentissimo quondam Fidei Promoto-
 „ tore faustum habuit fortunatumque principium . Hoc Christianæ uni-
 „ versæ Reipublicæ a Te postulant Principes: Hoc supplex Ministrantium
 „ Infirmis benemeritus Ordo : Hoc nostra , hoc publica omnium postu-
 „ lant vota . His si Tu annueris BEATISSIME PATER sperandum fore , ut
 „ qui ministrandis Infirmis tam strenuam quondam operam collocavit ,
 „ pro Christiana Republica , pro Sancta Dei Ecclesia , pro Tua ipsa Per-
 „ sona fiat apud Deum calamitosis præsertim hisce temporibus intercessor
 „ egregius .

Huic tertius succedit D. Advocatus Joseph Ascevolinus , qui annuen-
 te ut supra Cæremoniarum Moderatore , beati Petri Regalati vitam hac
 methodo enarravit .

„ **C**um res multæ sint , BEATISSIME PATER , quibus facilè rebus ostendit
 „ ditur extra unam , quam tenet docetque una hæc Sancta nostra
 „ Ecclesia omnium Ecclesiarum mater & magistra , sanæ sinceræque
 „ fidei professionem , nullam prorsus salutis spem reliquam esse homini-
 „ bus ; tum nihil audacissimos hæreticos aequè jugulat , atque sanæ illi-
 „ batæque doctrinæ , morumque Sanctissimorum in eadem Ecclesia haud
 „ unquam interrupta successio . Etenim cum illi duplice nos armorum ge-
 „ nere oppugnent , scelestâ nempe falsarum doctrinarum novitate atque
 „ ineptissimis calumniis , quibus nostrum omnium vitam moresque in
 „ Crimen vocant ; profecto illorum satis jam audaciam fregimus frange-
 „ musque procul dubio semper magis , dum Deus Omnipotens , quod
 „ adhuc fecit , nullum sinet tempus abire , quo non fratres inumeros det
 „ quotidie Nobis , qui pietate , religione , doctrinâ , tum virtutibus omni-
 „ bus , totque etiam supra omnem naturæ ordinem editis signis Ecclesiæ
 „ ipsam parentem nostram , quæ honestissima semper fuerit , reddant in

„ dies honestiorem . Quare divinitus e re nostra hunc tam diu esse morem
 „ inductum judico , ut ex tot clarissimis sanctissimisque nostris fratribus ,
 „ qui ex hac vita decesserunt , suaque ipsi tempora ingenti sua virtute ,
 „ rerumque sanctissimè gestarum gloriâ illustraverunt , aliquorum saltem
 „ habito delectu , ritè interdum legitimèque memoria consecretur : recte-
 „ que per Te sapienterque factum P. B. cum datus a Deo gregi suo uni-
 „ verso summus Pastor , & Rector , ut consilia omnia illico inire coepisti ,
 „ quæ ad tuendam amplificandamque rem publicam christianam maxi-
 „ mè essent idonea ; tum in eo cum primis curam studiumque posuisti ,
 „ quomodo consecrationis quinque Beatorum , nostrique adeo inter illos
 „ Petri Regalati Sacerdotis familiæ Minorum Observantium sancti Fran-
 „ cisci suscepimus jam negotium conficeres . Nunc quoniam insigni Dei
 „ beneficio , tuisque P. B. tot vigiliis ac laboribus eò res denique adducta
 „ est , ut abesse parum possit , quin decretos illis divinos honores ritu
 „ solemni legitimoque sis redditurus ; cœptumque est eos de more lau-
 „ dari , atque ad me ventum est , qui de Petro ipso Regalato verba faciam .
 „ Illud modò oro quæsoque Te P.B., ut si pro ejusdem Petri egregiis præ-
 „ clarisque factis , tam Divina vita & admirabili tantaque rerum ma-
 „ ximarum varietate , proque tanti hujus loci majestate & frequentia
 „ minus splendidum & illustre genus erit Orationis meæ , æquus tamen
 „ sis mihi & benignus ; illudque piè cum animo tuo putas , & id summi
 „ rerum moderatoris Dei voluntate evenisse , ut tam claro magnoque
 „ viro laudator obtingeret tam jejunus & impolitus ; quo nempe suo po-
 „ tiùs res ipsæ pondere , quam Oratoris eloquentiâ stare videantur . Ve-
 „ rùm quid ego primùm de illo dicam ? An , quod plerumque in laudan-
 „ do usuvenit , a patriæ & gentis nobilitate , familiæ opibus & for-
 „ tunis , majorumque ejus Domi , forisque præclarè gestis rebus exordiar !
 „ Haud equidem faciam ; Neque enim est opus , si illud verum est , non
 „ egere alienis laudibus , qui abundet suis . Quamvis si hisce etiam exter-
 „ nis , & contemptis in rebus , ac ^a non potius gloriari nos oporteat in in-
 „ firmitatibus nostris , nec eam quidem laudem nostro defuisse Regalato
 „ facilè possim ostendere . An non natus ipse est Vallisoleti in Urbe totius
 „ Castellæ principe ? an non ex veteri gente , familiaque nobilissimâ ?
 „ non & iis genitoribus , qui cum genere ipso , dignitate , opibus , for-
 „ tunisque quam maxime florarent ; tum pietate , ac religione , atque
 „ effusa in egenos Christique pauperes benignitate longè essent in Civita-
 „ te sua principes ! Sed hæc , atque hujusmodi pleraque alia prudens vo-
 „ lensque missa facio , ne eum ornare voluisse videar ex alienis virtutibus ,
 „ qui satis sit ipse ornatus ex suis ; atque ad eas accedam laudes , quæ to-
 „ tæ quantecumque sunt , quæ certè maximæ sunt , totæ inquam , pro-
 „ priæque Petri ipsius nostri sunt : Exponamque primum quibus olim gra-
 „ dibus ejus ætas ad summam virtutis officiique perfectionem ascenderit ;

„ quo,

[a] 2. Corinth.12. v.9.

„ quòd, principiis cognitis, reliqua faciliùs intelligantur . Decennis adhuc
 „ puer erat Petrus , cum patre jam vitâ functo , nihil prorsus admirans
 „ fluxarum ac labilium hujus mundi rerum , cogitare de cœlesti patria ,
 „ æternaque salute sua vehementius cœpit . Cumque divinitus vocari ipse
 „ sibi videretur in divi Francisci Assisinatis sodalitatem , atque in eam
 „ quām celeriter ingredi cuperet , quandiu illum perdurasse credis P. B. ,
 „ uti hanc orando obsecrandoque a matre sibi veniam impetraret ? trien-
 „ nium perpetuum : Quæ res mira sanè iis omnibus videri debet , qui pu-
 „ tare secum velint , fieri nequaquam potuisse , quin interea loci omnes
 „ cum illo blanditiæ , omnes illecebræ , artes rationesque omnes adhi-
 „ berentur , quibus credibile fuerat commoveri puerum posse , ab eoque
 „ consilio revocari : Et nihilominus frustra ad eum vincendum omnia fuis-
 „ se ; quinimo victam filii assiduitate & constantia matrem ipsam , rem
 „ tandem omnem ejusdem voluntati arbitrioque permisisse . Annum
 „ igitur agens Petrus noster decimum tertium Minorum familiæ in patrio
 „ Coenobio nomen dedit ; atque e vestigio ita ad virtutem incunbere , in
 „ eaque proficere cœpit , ut omnes omnium in se oculos converteret .
 „ Admirabile enim erat in illo assiduum orandi studium , admirabilis item
 „ obedientia , atque ad omnia , quæ sibi demandarentur , obeunda mune-
 „ ra alacritas . Præter hæc , disciplinæ severitatem & ipse amabat , cole-
 „ batque , quantum illis tunc in ædibus licebat , plurimum ; quæ quoniam
 „ sensim dilapsa , antiquum splendorem jam amiserat , restitui illam &
 „ renovari in tota familia vehementer optabat . Huic perficiendæ rei
 „ commodum accidit , ut Petrus Villacretius ejusdem Familiaæ Sacerdos ,
 „ idemque Magister Theologiæ , præstantique Vir religione , Vallisoletum
 „ veniret ; qui , cuin novum quoddam asperrumque vitæ genus inue-
 „ here inter suos statuisset , quærebatur , volente Ordinis Præfecto , quos
 „ ad eam vitæ rationem sibi Socios adjungeret ; namque initâ statim so-
 „ cietate , Regalatus noster eum alaci animo persecutus est ad illud ne-
 „ scio gurgustiolum verè dicam , an Coenobium , quod non longè ab Aqui-
 „ leria extruxerat Villacretius ; ubi incredibile dictu est , quantum brevi ,
 „ eo Doctore & duce , profecerit . Semoti hic ab omni turba , vili cibo
 „ vicitare & parcissimo ; dies , noctesque ferè perpetuas orando præ-
 „ candoque consumere ; nullisque non afflictionibus ^a corpus suum casti-
 „ gare & in servitutem redigere ; ut mirum non sit , si tantæ virtutis fa-
 „ ma longè latèque pervagata tam multos brevi tempore advocaverit ,
 „ qui rigidioris illius disciplinæ peterent societatem ; & si tam brevi tem-
 „ pore , tantaque felicitate propagatum , auctumque fuerit rigidum illud
 „ institutum , novis etiam ædibus , quas extruxere solo in loco ad ripam
 „ Durii , quem Tribulum vocant . Quid ego nunc prædicem Regalati
 „ nostri innocentiam ? quid animi mansuetudinem ? quid comitatem , mo-
 „ destiam , temperantiam , cæterasque mitis benignique ingenii dotes ?

„ Satis sit dixisse , neminem isto meliorem magisque idoneum visum Vil-
 „ lacretio , cui ipse ad Constantiense Concilium iturus , Aquileriensis ,
 „ Tribulanæque Familiae curam mandaret . Quam quidem procurationem
 „ tam sapienter & sanctè administravit Regalatus , tum illo peregrè
 „ agente , tum etiam post redditum vita functo , ut sodales absentis pri-
 „ mūm , ac subinde mortui Villacretii desiderium æquo animo ferrent ,
 „ quum alterius in altero omnes verè expressas virtutes viderent , & abun-
 „ dè sibi omnia per Regalatum suppeteret , quæ conferre Villacretius con-
 „ sueverat , tuendæque tam Familiae , quām disciplinæ opus erant . Su-
 „ blato igitur è vivis Villacretio , in id impendio tunc magis incumbere
 „ aggressus est Petrus noster , ut nè quid inde detrimenti societas caperet ,
 „ sed sarta tecta omnia essent , quæ fuerant jam constituta , quod vel ma-
 „ ximè effecit in omnibus seipsum præbendo ^a exemplum bonorum ope-
 „ rum in doctrina , in integritate , in gravitate . Nam , cum Sacerdos
 „ Dei esset , cum primis castus & innocens , haud facile est memora-
 „ tu , quantâ cum Religione sacris quotidie operaretur . Orandi autem
 „ precandique tam erat studiosus , ut nihil potius haberet , quām statis
 „ diei noctisque horis Redemptionis nostræ Mysteria singula meditari ,
 „ seque cœlestium rerum contemplatione reficere . Qua potissimum re-
 „ fiebat , ut quæ ejus alioqui egregia esset Divinarum rerum scientia , vel
 „ etiam multo major esset ex hac tanta meditandi & commentandi assi-
 „ duitate . Quod clarè patuit tum ex ea , quam rectam ac verè catho-
 „ licam perpetuò ad mortem usque retinuit de rebus Fidei credendi ac
 „ docendi regulam , tum quoque ex multis certaminibus , quæ fortitèr su-
 „ bire haud veritus est pro defensione Religionis nostræ ; tum deindè etiam
 „ ex ejus efficacitate orationis , quæ tanta erat , ut nihil non eloquendo
 „ pervinceret ac persuaderet ; et si ipse solitus accepta omnia Deo re-
 „ ferre , nihil se scire judicaret , ^b nisi Jesum Christum & hunc Crucifixum .
 „ Magna ea quidem sunt B P. , sed non ea tamen illico sunt , quæ veram
 „ perfectamque constituant christiani hominis formam , si verum illud
 „ est , quod cīl verissimum , virtutis laudem omnem in actione consiste-
 „ re . Tu modo perge B. P. benignè mihi aures præbere dum doceo non
 „ ex iis fuisse Petrum nostrum vitæ morumque magistris , qui aliter vi-
 „ vunt , aliter præcipiunt ; sed ad Jesu Christi Servatoris nostri exemplum
 „ omnia eum fecisse , quæ decebat . Paupertatis Euangelicæ unus omnium
 „ cultor fuit ac custos vigilantissimus , famemque & nuditatem , & la-
 „ bores ærumnasque omnes tam facile patiebatur , ut quibus maximè
 „ rebus pertubantur homines , iis ille magnopere lætari oblectarique
 „ videretur . Ad hæc ^c mitis erat & humilis corde ; quæ sanè virtus , quum
 „ una omnium maximè , ut mea quidem fert opinio , propria sit magni
 „ erectique ad Cœlum animi ; hinc Vir Dei omnia infra se putare , nihil
 „ unquam arrogare sibi ; quòque majore in honore haberetur & cunctis

„ esset

[a] Ad Tit. cap. 2. vers. 7. [b] 1. Corint. 2. vers. 2. [c] Matth. cap. 5. vers. 5.

„ esset carior, eò amplius sibi displicere humiliterque agere, ac se
 „ abijcere; & hinc pauperibus, aliisque miseris & calamitosis homini-
 „ bus, qui frequentissimi circumquaque ad se confluebant, egentes opis,
 „ auxilii, aut consilii, omnibus præsto esse, eosque benignè proli-
 „ xeque accipere, & quibus maximè posset atque oporteret, rebus
 „ juvare, lètosque abs se dimittere. Tum præterea insuper insigni
 „ & ipse fuit continentia, qui, quum semel Virginem Deo se se a
 „ parvulo dedidisset, Virgo permanxit in ævum: Insigni item atque
 „ incredibili socios & alumnos suos ac cunctos mortales benevolen-
 „ tiâ & charitate complexus semper fuit, ut ^a verè omnibus omnia
 „ factus videretur, atque ut uno verbo absolvam, nulla denique fuit res,
 „ in qua non rectè & sapienter, tum etiam fortiter & moderatè se gesserit
 „ in omni vita. Quarum virtutum satis sit genera ipsa attigisse, ne, si
 „ exempla omnia persequi velim, quæ ipse edidit ac sunt litteris tradita,
 „ oratio hæc mea modum excedat; atque id unum addidisse sufficiat ita
 „ eum floruisse in omni laudis & virtutis genere, ut nemo latè esset illis
 „ in Regionibus, cujus in ore non ^b magnum esset Regalati nomen; magna
 „ item & jugis sanctitatis ejus admiratio. Tandem quum instare sibi mor-
 „ tem prævideret Regalatus^c, sollicitus non quæ sua essent, sed quæ Jesu
 „ Christi, nihil habuit antiquius quam Ficonedam Oppidum adire ad Lu-
 „ pum Salazarium, quo socio atque adjutore impigro assiduoque usus fue-
 „ rat in rigidiore illa invehenda ordinandaque disciplina; ad quem ut ve-
 „ nit, Fratres ei, ipsumque adeo Institutum custodiendum propagan-
 „ dumque, ex hac vita discessurus quam diligentissimè commendavit. Cu-
 „ jus accepta fide, nihil eum prorsus neglecturum earum rerum, quibus
 „ maximè rebus nedum stare, sed augeri etiam propagarie posset nova
 „ ea Regula, lètus se Tribulum ad suos recepit, ubi rebus constitutis,
 „ Aquileriam ad alteram, quæ in ejus erat etiam procreatione, familiam
 „ discessit. Hic annis curisque confectus, cum decumbere cœpisset, in-
 „ gravescente tum morbo, die festo Paschæ Sacrâ Coenâ refectus, adstan-
 „ tes Fratres ac suam vicem deflentes, blandè consolatus est; tum illos ad
 „ pietatis studium atque ad eam, fortiter naviterque insistendam quam in-
 „ gressi erant asperiorem vitam, tum ad pacem concordiam & charitatem
 „ multis verbis exemplisque est hortatus; ac postridie ejus diei, sacro Oleo
 „ perunctus, terrenam fragilemque vitam cum cœlesti æternaque alterâ
 „ commutavit anno ætatis suæ sexagesimo sexto. Divulgatâ ejus morte con-
 „ fectim magnus concursus^d magnisque fletus factus est omnium omnis sexus
 „ ordinis atque ætatis hominum, qui turmatim undique convolantes con-
 „ ferti & stipati circa loculum, & ^e procumbentes supra corpus defuncti
 „ manus pedesque ejus osculari nunquam explebantur, dolentes maximè
 „ quod amplius faciem ejus non essent visuri. Cadaver autem ipsum primum
 „ flexible tum suavem quoque spirans odorem spectaculo fuit plures dies;
 quo

[a] 1. Cor. 2.2. [b] Pj. 7.7. 1.1. [c] 1. Cor. c.7. v.33. [d] Act. 20. v.37. [e] ibid. v.38.

„ quo ferme tempore præsentem opem ex Regalati patrocinio alii in mor-
 „ bis , & suis in rebus angustiis alii etiam multi sensere . Ut non de nihilo
 „ esset , magnâ hominum frequentiâ ac religione sepulchrum ejus subitò
 „ celebrari cœpisse , cultumque illi divinum deinceps semper fuisse adhi-
 „ bitum . Venio nunc ad prodigia^a & signa , quæ data sunt illi facere , quò
 „ ejus & vivi & mortui testatior esset sanctitas . Ex quibus tamen non
 „ exempla omnia quæ sunt mandata memorie , sed ea dumtaxat proferam ,
 „ quæ legitimo certoque judicio probata sunt hujus sanctæ Sedis Aposto-
 „ licæ . Quorum illud primum , quod cum panis & carnium reliquias a
 „ coena collectas aliquando deferret Regalatus ad pauperes , easque cela-
 „ re Fratres studeret , qui paulò morosiores venerant in suspicionem ,
 „ questique etiam erant , modum ab illo in largiendo nequaquam servari ,
 „ forte accidit , ut offenderet in Vicarium præsidem Cœnobii , cui per-
 „ cunctanti quidnam esset quod sub palliolo gestaret , cum flores esse re-
 „ spondisset , jussus ostendere , quam securus illico sacculum produxit , in
 „ eoque rosas illi albas & purpureas visendas & attrectandas , ac etiam in-
 „ super auferendas præbuit . Quod factum vehementer admirati Fratres
 „ universi , quod non illud erat anni tempus quo rosæ ullæ aut flores esse
 „ possent , destiterunt ea in re illi amplius molestiam exhibere . Mirum & il-
 „ lud etiam atque illustre , quod semel Dei beneficio tanta fuerit agilitate ,
 „ ut conficeret unius horæ spatio millia passuum quadraginta ab Aquile-
 „ riensi ad Tribulanum Cœnوبium . At illud non semel sed frequens , ac
 „ prope dicam familiare , propterea que magis admirabile , quod cum sæpe
 „ trajiciendus sibi esset amnis Durius quotiescumque ad eum accederet ,
 „ neque navicula esset in promptu quâ recipetur , nihil cunctando pal-
 „ lium ipse sibi detrahebat ex humeris , sternebatque illico super aquas ,
 „ eoque insenso ad ripam alteram transmeabat . Enimvero homines qui
 „ animum semel applicuere ad illam æternam^b felicitatem , quam repro-
 „ misit Deus diligentibus se , dum fide excitati , spe & charitate eriguntur
 „ & junguntur quotidie magis ad Deum ipsum , horum profecto animis
 „ quâ minimum oportet esse commercii cum corporibus , ut mirum non
 „ sit , si tam facile ea sæpe aggrediantur , quæ humanas vires longissimè
 „ superant omnemque ordinem naturæ ; nisi etiam & illud sit , agi eos
 „ plerumque & moveri divinitùs , ut res audeant sæpenumero tam magnas
 „ & stupendas , quò magis^c appareat magnitudo virtutis Dei in illis . Nec
 „ minora ea quidem signa & prodigia fuerunt , quæ deinceps post obitum
 „ servi sui facere perrexit Deus ad illius magis illustrandam sanctitatem :
 „ Ex quibus illud erit ordine prius , quod priùs fuit tempore ; nam factum
 „ est paulò post ejus obitum atque ita se habuit : Qum mendicus quidam
 „ qui accipere & ipse solitus fuerat mensæ reliquias ex Petri manibus , ad
 „ janitorem aliquando venisset serius quâ ut quidquam esset reliquum
 „ quod dispensatum jam non esset in eos qui tempore adsuerant , eumque

„ propte-

[a] Apoc. c. 1. v. 14. [b] Jacob. 2. v. 5. [c] Ad Ephes. 1. v. 19.

„ propterea vacuum dimitteret janitor , frustratus ille spe sua , famisque
 „ impatiens qua plurimum cruciabatur, cursim ingressus proximum Tem-
 „ plum , nixusque genibus ante Petri sepulchrum : Et o (inquit) ubi tu
 „ modo es pater optime ? nam si tu viveres non ego nunc morerer fame .
 „ Quod cum dixisset , mira sane res ? sepulchrum nemine moliente sponte
 „ sua illico se aperuit , manusque extare visa est , a qua panis porrigeret-
 „ tur mendico ; quo is accepto stupens discessit , eamque rem , uti gesta
 „ erat , tum ipse tum alii qui testes fuerant Miraculi magnis clamoribus
 „ divulgantes effecerunt , ut ejus fama totam ferè Hispaniam, ad quam per-
 „ vasit , admiratione compleret . Hoc quantum sit , quād admirabile at-
 „ que inauditum , & quot quantaque in uno miraculo sint miracula multò
 „ Tu melius PATER BEATISSIME pro divina prope tua ingenii vi & dexte-
 „ ritate , rerum omnium divinarum humanarumque prudentiā ex te po-
 „ tes intelligere quād ego dicere . Quare ne longus sim ad ea proprio
 „ narranda duo alia miracula , quae nuper per Te cognita , Tu ipse BEA-
 „ TISSIME PATER Apostolico tuo judicio probavisti . Quae hujusmodi sue-
 „ re . Sacerdos erat quidam Didacus cognomento Placentia ; qui quum
 „ aliquando ad ignem staret calefaciens se , repente correptus comitiali
 „ morbo quo plerumque laborabat , cecidit in faciem suam super ignem
 „ ipsum , ollamque eo casu subvertit ferventis aquæ ; quo factum est , ut
 „ torridus indè illico excitatus vapor ejus & vultum combureret & cor-
 „ rumperet oculos , ac fieret propterea ille cæcus non videns Solem . In
 „ eo quum vires suas omnes ars medica menses aliquot ne quicquam esset
 „ experta , Didacus tandem ad Regalati præsidium , Deo movente , confu-
 „ git ; petiitque afferri sibi illius cucullum , suisque affectis oculis admoveri :
 „ Qua in re , quum illi facile fuisset obtemperatum , statim lumen accepit ,
 „ quo multò magis quād antea vivido acutoque usus perpetuò fuit quoad
 „ vixit . Id autem contigit anno post Christum natum 1705. ; anno ve-
 „ rò 1735 . Birgitta Ortega quam percusserat Deus ulcere pessimo , quod
 „ lateri adhærescens , sanie taboque costas ejus adeo corruperat , ut illas
 „ extrahere omnino necesse fuerit ; tandem quum videret nullam sibi am-
 „ plius spem superesse ab hominibus ad convalescendum , sese vertit ad
 „ Petrum nostrum , sperans fore ut ejus patrocinio sanitas sibi a Deo re-
 „ stitueretur . Quare consenso equo Aquileriam ad Petri ipsius invisen-
 „ dum sepulchrum adivit : Ubi quum sese ultrò multis effusis precibus illius
 „ tutelæ permisisset , postridie mane dum in patriam revertens aliquan-
 „ tum progreditur , repente fentit corpore quia sanata esset a plaga ; qua-
 „ re optimè se valere inclamat , & cum dicto exilit in pedes læta & ge-
 „ stiens præ gaudio . Aderat Maritus viæ comes & ipse arte Chirurgus ,
 „ qui properè accurrens ubi primùm fascias solvit , rem ita esse deprehen-
 „ dit uti mulier prædicabat ; nam nedum fistulam , quæ jamdiu ex ulcere
 „ facta fuerat alta atque horribilis , quād bellè completam inductamque
 „ comperit ; verum & febre:n ac doloris sensum omnem quibus illa antea
 „ pluri-

„ plurimum cruciabatur , etiam atque etiam inspicio , attractando ,
 „ scrutandoque prorsus cessasse satis habuit exploratum . Ex eoque sanè
 „ tempore mulier viribus recuperatis habitu corporis firmiore deinceps
 „ fuit , atque ad omnia exequenda domestica munera cum primis idonea.
 „ Atque ea sunt quæ dicenda mihi putavi de B. Petro Regalato , quæ licet
 „ non omnia prorsus sint quæ dici poterant , nisi studendum etiam fuisset
 „ brevitati ; at sunt tamen ejusmodi , quæ facile probent , eam hominis
 „ fuisse vitæ innocentiam suique abjectionem ; eam lenitatem & benigni-
 „ tatem ; eas virtutes omnes quæ comites administræque sunt perfectionis
 „ & sanctitatis ; easque denique divitias , quibus^aad hoc honestum fecit il-
 „ lum Dominus in Ecclesia Sanctorum , ut nemo nisi qui vecors amensque
 „ atque impius sit non illi divinos honores jure delatos putaverit . Quod
 „ reliquum est igitur , oro obtestorque Te PATER BEATISSIME , ut quem
 „ in Beatos jam retulit sa: me: decessor tuus Innocentius XI , Tuque adeo
 „ gravissimo certoque tuo judicio dignum censiusti , qui consecratur ad
 „ scribaturque Sanctorum Fastis , hunc demum honorem velis ritè ei legi-
 „ timèque deferre . Orant hoc idem SANCTITATEM TUAM Serenissimi Hi-
 „ spaniæ Reges : Orat inclyta Hispana Natio universa : Rogat orat obse-
 „ cratque tota Minorum Familia , quorum quum tot præclara sint merita
 „ in rem Christianam atque in hanc Sanctam Sejem , facies Tu quidem
 „ pro insigni Tua sapientia fide religione , si maturè animum induxeris
 „ ea in re illorum , meisque adeo precibus , ac bonorum omnium votis in-
 „ dulgere . Dixi .

Advocatorum Orationibus , quibus ab omni adstantium cætu plausum magnoperè est , paucis respondit SANCTITATIS SUÆ nomine D. Cajetanus Amatus Epistolarum ad Principes a Secretis , qui ab initio Consistorii rubrâ Cubiculariorum Cappâ indutus in planicie Solii ad finistram Pontificis constiterat .

Sanctissimus Pater ac Dominus Noster ab iniecta sibi quotidiana omnium Ecclesiarum sollicitudine aditaque suprema Catholicæ Ecclesiæ procuratione nihil optavit impensis ; atque in hac aspera præsertim temporum conditione ad compara nda Christifidelibus inter tot angustias & calamitates assidue versantibus nova ad salutem præsidia , fansta ad pacem auspicia , & uberiora ad imitationem exempla nihil esse intelligit opportunius , quam ut publicus Christiani populi cultus deferratur beato Fideli a Sigmarina Ordinis Minorum S. Francisci Capuccinorum , beato Camillo de Lellis Congregationis Clericorum Regularium Ministrantium Infirmis Fundatori , ac beato Petro Regalato ejusdem Ordinis Minorum S. Francisci de Observantia ; quorum eximias & heroicas virtutes , admiranda facta ac prodigia tam disertis verbis tantaque cum dignitate exponere ; atque insimul supplicia Virorum Principum & Religiosorum Ordinum postulata edere studiustis . Fidelis siquidem non solum severiorem instituti , quod optimis moribus ac doctrinis appri-

[a] Psal. 149. v. 1.

at primè præeditus suscepérat , disciplinam integerrimè servavit ; sed ingenti charitatis zelo fervens , animam quoque suam , consummato Martyrio , pro inimicis suis posuit . Camillus verò postquam de anteacta vita amarè fleverat , hanc præ ceteris almam Urbem & cœlestium virtutum odore , & salutaribus perpetuisque ad curandas animas remediis subsidiis ac rebus mirificis cumularavit . Petrus demum in Hispania verbis exemplis ac miraculis maximè conspicuus , nedum Religiosos suos Alumnos , sed omnes etiam inflammavit , ut in viam mandatorum Domini dirigentes pedes suos æternam salutem consequerentur . Etsi autem ipsos sanè beatos Viros hisce piis cœlestibusque artibus tranquillam beatæ Hierusalem , quæ sursum est , stationem attigisse , atque in potentias Domini intrasse non est ambigendum ; tamen , ut gravissimum decernendi honoris hujusmodi judicium de splendorebus Sanctorum , atque ab ejus vultu prodeat , de cuius perenni fonte sanctitatis dona promanant , lumen ex alto implorandum esse SANCTISSIMUS PATER censem atque edicit . Itaque postquam Venerabilium Fratrum suorum S. R. E. Cardinalium , Patriarcharum præterea Archiepiscoporum & Episcoporum Romæ degentium in Consistorio semipublico suffragia exquisierit , atque cuncta pro laudabili Antecessorum suorum Romanorum Pontificum more , confirmatoque Apostolice hujus Sanctæ Sedis instituto perfecerit , oblatarum sibi precum , quibus ex vestra fide eloquentia & gravitate insignis facta est accessio , rationem habebit . Mihi verò , ut hos animi sui sensus Vobis renuntiarem injunxit .

Post hæc consueta benedictione dimissis Cardinalibus Pontifex solo duorum Assistentium Cardinalium Diaconorum comitatu ac Conservatorum & Magni Comestabilis , ac præcedente Cruce cum Familiaribus ad contiguas mansiones quas Principum vocant , quòd in his Magni Principes eorumve Oratores cum Romam veniunt ad obedientiam Apostolicæ Sedi præstandam , vel per Urbem transeuntes Neapolitani Pro-Reges , ut Clemente XII. Pontifice factum vidimus , hospitantur , pedibus digressus sacris vestibus ibi exutus est , & per Pinacothecam in interiora cubicula se recepit .

Proximæ erant supplicationes annuæ ab utroque Clero Sæculari scilicet & Regulari habendæ ; aderat enim jam dies & Majorum Litaniarum , quas sanctus Gregorius primus Papa anno Christi 590. ob pestilentiam eo tempore grassantem ampliavit vel instituit ; & Rogationem sive Litaniarum Minorum : quem morem Triduo ante Ascensionem Domini eas recitandi a Mamerto Viennensi in Galliis Episcopo primùm institutum , & in Ecclesiæ suæ consuetudine ab eo positum , Leo Papa III. sub octavi sæculi finem in Urbem horribili terræmotu concussam traduxit . Tum Pontifex , ut cum Ecclesiasticis Viris suas quoque Populus conjungeret preces ad veniam petendam , exorandamque Pacem post belli tam diuturni calamitates ; quòd peragi Canonizationis negotium vacuo tot curis animo posset , peculiares Indulgentias per id tempus addidit hoc Edicto proposito .

Fr. GIO: ANTONIO del Titolo de' SS. Silvestro e Martino a' Monti
della S. R. C. Prete Cardinal Guadagni della Santità
di Nostro Signore Vicario Generale &c.

LA Santità di Nostro Signore considerando con suo estremo dolore le gravissime sciagure frà le quali da sì lungo tempo si trova involta l'afflita Christianità, massime per la discordia fra Principi Cristiani; siccome sempre più brama in contingenze di tanto bisogno di essere incessantemente assistita dalle Orazioni de' Fedeli nella Chiesa Militante, così si studia di cercare, e di meritare l'ajuto di validi ed efficaci intercessori nella Trionfante. Quindi è, che approfittandosi la Santità Sua dell'opportunità delle Processioni e pubbliche preghiere solite a farsi in questi tempi secondo l'antichissimo costume della Chiesa, e desiderando inoltre di aumentarle e rinvigorirle con più de voto e numeroso concorso de' Fedeli, dà e concede Indulgenza di trent'anni ed altrettante quarantene a tutti li Fedeli dell'uno e dell'altro sesso, che nel giorno della Festa di S. Marco Evangelista 25. del corrente interverranno divotamente alla Processione, che per invocare secondo il solito con le Litanie Maggiori l'ajuto Divino, e l'intercessione della Beatissima Vergine e de' Santi si farà la mattina di detta Festa dalla Chiesa di S. Marco alla Basilica di S. Pietro in Vaticano, ovvero visiteranno in detto giorno l'una o l'altra delle sopradette due Chiese, ed ivi pregheranno Sua Divina Maestà, perchè si degni di assistere con l'abbondanza de' suoi lumi alla Santità Sua nella grave deliberazione, che è per fare della prossima Canonizzazione de' Santi, perchè voglia per sua infinita misericordia disporre li cuori de' Principi Cristiani ad una stabile e vera pace, dalla quale in conseguenza non solo non sia per risentire alcun danno la nostra santa Religione, ma per il contrario sia per riceverne ristoro e vantaggio; e in fine perchè si compiaccia di riguardare con occhio di clemenza tutte le altre presenti necessità della Chiesa, e di dare a Sua Beatitudine quell'Appostolico spirito che gli è necessario per ben governarla in tempi sì difficili e calamitosi.

Similmente concede Sua Santità la medesima Indulgenza a quelli, che pure interverranno divotamente a qualsivoglia delle tre Processioni dette delle Rogazioni da farsi conforme il solito nei tre giorni immediatamente antecedenti alla solennità dell'Ascensione del Signore, cioè la prima nel Lunedì 16. del prossimo mese di Maggio da S. Adriano a S. Maria Maggiore, la seconda nel Martedì seguente da S. Maria Nuova a S. Giovanni Laterano, e la terza nel Mercoledì 18. detto da S. Lorenzo in Damaso a S. Pietro in Vaticano, ovvero visiteranno in uno de' suddetti giorni la Chiesa da dove s'incammina, o quella dove termina la Processione di quel giorno, ed ivi pregheranno Sua Divina Maestà come sopra, unendo le loro particolari alle communi Orazioni secondo la pia intenzione della Santità Sua.

Vuole inoltre la Santità Sua, che le Monache, Oblate, Zitelle, ed altre Donne Secolari, che con licenza della Sede Apostolica dimorano ne' Monasterj o Conservatorj approvati, possano conseguire la medesima Indulgenza se reciteranno

le Li-

le Litanie solite ne' suddetti giorni , facendo divotamente la Processione per la loro Chiesa interiore , Oratorio , Clausura , o Casa rispettivamente , e pregheranno il Signore Iddio per li bisogni di sopra espressi .

Esortiamo però tutti i Fedeli a non trascurare l' acquisto di questo spirituale Tesoro , ed accompagnare queste sagre funzioni non solo colla dovuta modestia e di-
vozione , ma con fare in detti giorni altre opere di Cristiana pietà per maggiormente meritare di ottenere dal Signore le grazie desiderate . Data in Roma dalla no-
stra solita residenza questo di 21. Aprile 1746.

F. G. A. Card. Vicario .

Gaspero Arciprete Ori Segretario .

Tam foeda autem Cœlo fulgurante atque tonante maximisque im-
bribus decidentibus coorta tempestas est eo ipso die , qui fuit 25. Aprilis ,
quo ad Vaticanam beati Petri Basilicam suppliciter eundum erat , ut eō
progressuri Ecclesiasticorum Ordines extra divi Marci Templum , quō de
more convenerant , pedem movere non possent : Quare Supplicatione
prætermissa Litaniæ duntaxat ad principem Ecclesiæ Aram summâ Populi
adstantis & respondentis frequentiâ decantatae fuerunt . Diebus tamen re-
liquis æquè ingens fuit hominum concursus tum ad Supplications tum
ad Ecclesiæ , quas e Pontificis præscripto adiri oportebat .

Interea admoniti fuere omnes , qui in proximo publico Consistorio
interfuerant , de altero quod SANCTISSIMUS PATER habere decreverat fe-
riâ tertiarâ vigesimâ sextâ die præfati mensis Aprilis pro Causis BB. Josephi
a Leonissa & Catharinæ de Ricciis . Denuntiationis autem formula
hæc est .

I N T I M A T I O .

Per Cursores facienda etiam Domi dimissâ copiâ .

Feria tertia die 26. labentis mensis Aprilis hora decima quinta alterum ha-
bebitur publicum Consistorium in Aula Regia Palatii Apostolici Quirinalis
pro proxima futura Canonizatione beati JOSEPHI a LEONISSA Confessoris
Ordinis Minorum S. Francisci Capuccinorum , ac beata CATHARINÆ de
RICCIIS Virginis Sanctimonialis Professæ Ordinis S. Dominici juxta ritum in
superiori publico Consistorio servatum .

In eo de vivendi utriusque B E A T I ratione , deque ipsorum Virtutibus
ac Miraculis per DD. Sac. Consistorii Advocatos sermo fiet , & pro Canonizatione
instabitur .

Super Primo verba faciet D. Advoc. Philippus Maria Pirellius ; de Secun-
da autem sermocinabitur D. Advoc. Paulus Franciscus Antamorus .

D. Secretarius Apostolicarum Litterarum ad Principes eadem servata methodo instantiis eorum SANCTITATIS SVÆ nomine responsum dabit.

Ideo intiuentur omnes & singuli Eminentissimi ac Reverendissimi DD. Cardinales, ut præfata sub hora ad Quirinale Palatium accedant Consistorio mox interfuturi Cappis violaceis induti.

Moneantur insuper Decani, seu Antiquiores Episcoporum Assistentium & non Assistentium, Protonotariorum, Auditorum Rotæ, Clericorum Cameræ Apostolice, Votantium Signaturæ Justitiae, Abbreviatorum, & Advocatorum Consistorialium, quod Collegas suos certiores reddant, ut Cappis induti & ipsi intersint.

Intimentur quoque Gubernator Orbis Vice-Camerarius, Principes Solii, Conservatores Orbis, Oratores Civitatum subditarum, Magister Sacri Hospiti, Secretarius Congregationis Sacrorum Rituum, Promotor Fidei, ceterique scilicet.

De Mandato Sanctissimi Domini Nostri Papæ.

Ignatius Reali Apost. Cærem. Præf.

Edicta igitur die SS̄m̄ D. N. sumptis in Paramentorum Aula ampio pallio rubro operis phrygii & mitra, ad Aulam Regiam sublimi in sella compositus elevatus est, Cruce & Cardinalibus de more præeuntibus: Ubi Solium conscendit, & Eminentissimi Patres post consuetam observantiæ suæ significationem erga Pontificem assederunt in sedilibus ab utroque latere Solii excurrentibus per aream; Dominus Advocatus Philippus Maria Pirellius stans inter Collegas suos hanc ad Summum Pontificem de Virtutibus eximiis B. Josephi a Leonissa Orationem habuit.

„ **Q** uod unum, PATER BEATISSIME, deerat Tibi ad gloriam, ut,
 „ postquam sacrorum doctrinam scriptis clarissimis illustravisses,
 „ in summum deinde rerum humanarum fastigium elevatus, optimis legibus constituta republica, ad amplificandam magis religionem sapientissime Te converteres; quod unum deerat votis nostris, ut
 „ adversus diuturnam hanc temporum asperitatem, postquam humana omnia experti sumus, novo tandem e Cœlo quæsito præsidio
 „ nos tuereris; id præstas nobis cumulatissime, qui pro Tua incredibili providentia de augendo numero Cœlitum, dum malis undique conficitur, opportunissime decrevisti. Tertium heic ergo inter eos, qui publica religione sunt consecrandi, divi Francisci filium Tibi sifto, quem eo honore dignissimum, ac apud Deum immortalem deprecatorem pro nostris periculis acceptissimum judicemus, necesse est. Si quam etenim es admiratus in Sigmaringio afferendæ religionis constantiam, si quod in Regalato disciplinæ exactioris studium,

„ dium, in unum ea collecta audies *Iosephum Leonissanum*, de quo nunc ego
 „ dicturus sum; cuius ipsa nullo verborum ornamento exculta narratio
 „ vitæ totam perficit laudationem, sive morum sanctimoniam cum sum-
 „ ma corporis afflictione conjunctam, sive ad excitandos atque in-
 „ flammados in Dei cultum animos ardorem ac firmitatem nullo mortis
 „ periculo & cruciatum sensu perterrefactam, sive in eo cœlestium mu-
 „ nerum copiam signis prodigiisque clarissimis divinitus comprobatam
 „ suspiciamus. Rem omnem, ne Tuâ abutar in audiendo patientiâ,
 „ intra præfinitum mihi temporis spatium, quâm brevissimè potero, ab-
 „ solvam.

„ Illustrium virorum, qui dum terras incolerent, cœlestem quan-
 „ dam vitæ rationem instituerunt, vel ipsa ætatis primordia adeo divino
 „ quodam munere plerumque novimus claruisse, ut ad quam virtutis
 „ maturitatem essent postmodum perventuri, non obscuris indicis si-
 „ gnificant. Quod si unquam ab omni memoria vetustatis repetita re-
 „ rum experientia sciamus compertum fuisse, in hoc de quo loquimur
 „ viro beatissimo omnino contigisse non ambigendum. *Leonisse* etenim
 „ apud *Vestinos* loco non ignobili quum natus esset, non defuere insanti
 „ prodicia, quibus a præpropero interitu servaretur, nec significaciones
 „ aliquæ vel in lactente, quæ futuræ temperantiae specimen exhibe-
 „ rent.

„ Vix autem septenni major, quam de eo cuncti præceperant con-
 „ jecturam multò quâm exspectari posset, cumulatius ratam fecit: Nam
 „ statis quibusdam in annum diebus præterfrustulum panis ab omni victu
 „ temperans, a ludicris omnino abhorrens, exinde verò in deliciis ha-
 „ bens religionis officia diutius meditari, diu in Templis ad orandum in-
 „ cumbere, & nulla adhuc labé inquinatum corpusculum flagris cädere,
 „ haud facilè dictu est, quantum bene exactæ pueritiæ laudem laudatori
 „ cumulaverit adolescentiâ non ad ludum, non ad jocum, sed ad gravio-
 „ ra & severiora studia naturæ ipsius habitu prope divino perductus, ita
 „ ut inter ipsas lubricæ ætatis illecebras, vel ejus in pauperes benignitas,
 „ vel mansuetudo, vel pudor, vel nitor gratiæ, vel ab inanibus rerum
 „ mortalium simulacris fuga atque fastidium longè manifestiùs, qualis
 „ quantusque is in posterum futurus esset, portendere viderentur.

„ Hæ certò erant artes studiaque omnium præstantissima, quibus
 „ in dies ornatior adolescet: Ea verò est indeoles litterarum, ut ipsam
 „ interdum pietatem in quam inciderunt, egregiè juvent perficiantque;
 „ ideoque nihil profecto mirandum est, si quum præclarior ad hæc om-
 „ nia accessisset postmodum ratio conformatioque doctrinæ, is Viterbii,
 „ ubi apud patruum diligentem litteris navabat operam, ad honestissi-
 „ mas impulsus nuptias non modò puellæ elegantiam divitiasque de-
 „ spexerit; sed perpetuò servandam virginitatem confessim Deo dicans,
 „ haud secus quâm si ab latente inter fegetes angue insidias præsentiret,
 „ peri-

„ periculi horrore percitus in non levem morbum inciderit ; quamobrem
 „ extemplo in patriam confugiens , nec multo post inde abiens , in di-
 „ vi Francisci familiam , quam vocant *Capuccinorum* , tanquam in portum
 „ tutissimum se receperit .

„ In immortalitatem scilicet prospiciens rerum humanarum con-
 „ temtor animus , qui sine ulla labe mortalium cupiditatum contagio-
 „ nem evaserat , ea sanè ratione procul a populi erroribus reliquam vi-
 „ tam sibi habendam decrevit , ut integrum ac sincerum , quod a natura
 „ acceperat , ingenium penitus servaret ac retineret , totumque se Deo
 „ dederet dicaretque , quem ab ineunte pueritia unicè sibi quærendum
 „ statuerat . At , ne in tanta rerum affluentia ac varietate dicendi impe-
 „ tu divagemur , utque magis distributè viri beatissimi vitæ cursum cum
 „ laudatione conjunctissimum prosequamur ; incredibile quidem est me-
 „ moratu quæ in ipso sanctioris militiæ tirocinio satis ampla & immota
 „ jecerit fundamenta brevi ad summum perfectionis culmen per venturæ
 „ virtutis ; quantâ constantiâ propinquorum impetum eum a proposito
 „ deturbantium refutarit ; quantâ se post gesserit innocentia & modestia
 „ vitæ , in omnique ordine officioque assiduitate , obedientiâ ; quām ar-
 „ ctè quām duriter , coelesti quoque ostento monitus sese habuerit , nihil
 „ unquam laxamenti aut veniæ sibi sumens sese fregerit atque contriverit ;
 „ quem ex animo retineret intimè sui contemptum ; quantam in res divi-
 „ nas intentionem , ita profecto , ut non multum inde absuisse visum sit ,
 „ quin sociis omnibus non modò tanquam perfectæ virtutis exemplar
 „ splendidissimum proponeretur ; verum etiam plurimis eorum severio-
 „ ris disciplinæ acriùs amplexandæ summam cupiditatem ingenerarit .

„ Miremur ne igitur omni virtutum genere non minus quām litte-
 „ ris , a quibus , & præfertim sacris , nunquam abhorruit , instructum
 „ adeo magnoque animo juvenem jam tum præaltis visceribus conceptam
 „ pietatem in populos latissimè effundentem , ac levitatem , libidinem ,
 „ avaritiam , ceterasque animorum pestes , quā exemplo , quā monitis ,
 „ quā concionibus acriter insectantem , eo deinceps alienæ salutis procu-
 „ randæ ardore conflagravisse , ut exæstuantem in ossibus charitatis flam-
 „ mam non amplius sustinens , Bizantium pergere constituerit , quò non
 „ mo'ò christianos captivos contineret in officio , sed barbaros ad veræ
 „ pietatis disciplinam pertraheret , aut saltem inter obfirmatos barbarie
 „ animos pulcherrima morte veræ pietatis doctrinam per cruciatu &
 „ vulnera profiteretur .

„ Sentio heic , PATER BEATISSIME , in ipso suo cursu increscere
 „ orationem , ut viri egregii arduam in omnibus fortitudinem constan-
 „ tiamque demirer summum in discrimin conjectam , amplissimis sanè
 „ laudibus celebrandam . Neque ego verò enarrandam heic loci credo
 „ navigationem prodigiis plenam , & sedatam divinitus tempestatem , &
 „ viaticum nautis prodigio auctum , & ducem pedestris itineris e cœlo
 „ missum;

„ missum ; quæ præclara in aliis atque magnifica , in Josepho vel intacta
 „ præteriisse non indecorum , vel summis saltē labiis delibasse sit satis ;
 „ quemadmodum nec ulla eloquentiæ vi exornandum , quantum ibi ad
 „ egregium opus , in quod intenderat , adlaborarit ; quot in excolendis ,
 „ sive ab impietate excutiendis animis industriæ ac diligentia fructus
 „ percepere , quot ærumnas , quot ludibria constantissimo animo de-
 „ vorarit .

„ Ad majora evocor atque inflammor , ut virum fortissimum per-
 „ sequar omnis planè moræ jaundiu impatientem , dum ipsum imperii ty-
 „ rannum adeundum ratus , in intima regiarum ædium penetralia numi-
 „ ne divino instinctus , Christum regio in conspectu palam & publicè pro-
 „ fessurus , pedem inferre tentat : Qui dum captus vincetusque in arctam
 „ primùm custodiam , ad supplicium deinde trahitur , ac pede manuque
 „ uncis ferreis e sublimi suspensus , crudelissimo pœnæ genere lacerandus
 „ atque interimendus relinquitur , se atrocissimam pro Christo mortem ,
 „ quam concupierat , oppetere mirificè lætabatur .

„ Crederent fortasse qui in ipso cruciatus anhelitu lætum ac felicem
 „ se , quandiu torqueretur , prædicantem , & christianæ pietatis veri-
 „ tatem vocibus pene intermortuis confirmantem audiissent , beatitudinis
 „ laureâ mox donandum , ad æternum Dei immortalis domicilium cursu
 „ expeditissimo convolaturum .

„ At o veri nescias ac nimium ab æterno Dei consilio alienas atque
 „ aberrantes mortalium hominum cogitationes ! Dum is adhuc suspensus
 „ animam ageret , neque , igne sumoque subjectis , potuisset unquam a
 „ testanda impensius religione prohiberi , post triduum tanquam dormiens
 „ excitatus est Dominus : misit Dominus Angelum suum , qui pendentem ab
 „ uncis protinus liberaret , saucium curaret , viribus lassum reficeret ,
 „ atque Italiam repetendam moneret : Quo jubente Italiam reversus est .

„ Quid enim ultra ageret inter barbaros ad necem undique petitus
 „ homo , quem Deus omnipotens & immortalis insigni in omnem poste-
 „ ritatem prodigo ab ipsis mortis faucibus eripuerat ? Italiam itaque
 „ reversus est , ipso quidem Assinate parente suo sanctissimo , quem olim
 „ in Syriam navigantem fuerat imitatus , in omni peregrinatione felicior;
 „ quum & martyrii occasionem fuerit nactus , & fortia meruerit pro Chri-
 „ sto perpeti usque ad mortem , a qua sola ipsius Dei liberatoris manu
 „ servatum viderant ; atque Antistitem græcum , qui ob abjectam religio-
 „ nem summi ordinis præfecturam apud Turcas acceperat , ad meliorem
 „ mentem revocatum secum tanquam opima spolia reportaverit .

„ Præclarissima hæc quidem sunt , sed majora etiam alia virum con-
 „ stantissimum in posterum tempus manere quis dubitaverit ? Nunquid
 „ etenim eximii beneficii lōco Deus liberalissimus emerito victori lau-
 „ ream in ipso apparatu triumphi eriperet , nisi ad aliam certaminum glo-
 „ riam ita servasset , ut , ei novis spoliis auctior atque illustrior pompa
 „ splen-

„ splendidiori , quæ præteritam tarditatem impleret , triumphus postmodum adornaretur ?

„ Intellexit profecto longa rerum divinarum contemplatione vir
 „ cœlis , quām terris conjunctior , se reliquā vitæ usurā , tanquam alienā , fruiturum , eam de se sustinendam suscepisse exspectationem , quæ
 „ omnino decebat martyrem ; (nemo jure succenseat credo , si hunc juxta
 „ veterem patrum morem , statosque ritus , saltem heic inter orandum ,
 „ martyrem nominemus) Intellexit , inquam , planè , quam virtutis lucem
 „ esset populis exhibitus , dignus habitus olim qui suum pro Christo
 „ sanguinem pene omnem prosunderet , ac nihil sibi esse in posterum nisi
 „ de salute hominum cogitandum : quam de se injectam omnibus exspectationem non egregie sustinuit modò , verum etiam cumulatissimè sufficeravit .

„ Hinc vidisses interritæ constantiæ virum religiosissimum , ad suos
 „ jam regressum , nullam sibi a prorsus impervio novarum virtutum cursum
 „ accipere vacationem ; nullum divini verbi disseminandi finem inventire , præsertim ubi in plurima quidem messe operarii essent pauci , per vi-
 „ cos nimirum , per agros , per castella , & quater , & quinques , & sexies , & duodecies quandoque in die , diversis in locis populos concionibus ab vitiis revocantem , ad virtutes inflammantem , nullâ vel aeris intemperie , vel imbrium niviumque copiâ , non locorum viarumque asperitatibus , non debilitate naturæ , non adversa valetudine , inter contumelias interdum ac verbera , præpeditum .

„ Adspexisses docentem pueros , & rusticos ad pietatem instituentem , & undique inveteratas familiarum similitates componere , populum contentiones compescere , & inter armatos pro aliena salute proruere , ac quum iis laboribus fructus uberrimus responderet , non ad sanandos tantummodo animos incumbere , verum hinc abluere perdes peregrinantium , purgare vestes , capillos tondere , hinc solari , & collecto ostiatim victu , egentes alere , reficere ægrotantes , aptare lectos , tabida ulcera libando curare , hinc perpetua pene ubique locorum pauperibus subsidia constituere , templa a fundamentis exstruere , instaurare , ornare decentius , aliaque permulta eximia quidem omnia in omni vita agere , perficere , meditari , quæ neque heic recenseri notissima necesse esset , neque hoc præstituto loquendi spacio satis appositiè commendarentur .

„ Cerneret inter hæc autem veterem disciplinæ rationem eum moribus retinere , abiecta quamvis & operosa munia summâ alacritate subire , nunquam in culcitram , catenâ & loricâ ferrea perpetuò præcinctum , flagris attritum inediâ labefactari , acriorem in dies sui corporis castigationem urgere , donec tandem longa atque admirabili labriosissimi instituti patientia , tot confectus curis , tot cruciatibus fractus ac lancinatus , non minus quam ardenter divinæ charitatis impe-

„ tu

„ tu absumtus , sexto supra quinquagesimum ætatis anno , ad eum , quem
 „ tota mente complexus fuerat , Deum immortalem , e corporis vinculis
 „ tanquam e carcere sublatuſ est .

„ Unde id ego nunc mihi sumam , PATER BEATISSIME , ut viri cla-
 „ riſſimi exitum vitæ sanctissimè actæ maximè consentaneum digna pro-
 „ sequar laudatione ; ac satis pro rei dignitate commemorem , quot mu-
 „ neribus Deus munificentissimus perspectæ virtutis hominem ornaverit ,
 „ quot signis prodigiisque virtutem hominis & sanctimoniam apertissi-
 „ mè comprobaverit ?

„ Familiare ei quidem fuerat , dum inter homines ageret , arcanos
 „ animorum ſinus excutere , futurarum rerum eventus certo præſagio fi-
 „ gnificare , morbos e corporibus , infaniam a mentibus depellere , in ari-
 „ do aquæ fontem ſipientibus aperire , bovem demortuum revocare ad
 „ opus laboris , indomitum bruti genus vocis imperio compescere , pau-
 „ peribus pluries victum prodigo augere , fluvios aquis intumefcentes ſic-
 „ co pede trajicere ; ut omnino videri posset , non modò homines natu-
 „ ræ habitu vitiisque ferociores , ac bruta animantia , ſed etiam ventos ,
 „ tempeſtatesque ejus voluntatibus obtemperasse .

„ Eaque , poſtquam ab hominibus exceſſit , nullo umquam tempo-
 „ re intercidit , imò illuſtrior accrevit gloria ; adeo quidem ut non fo-
 „ lum Amantricij incolis , ubi ſupremum diem oppetiit , ſed finitimiſ quo-
 „ que populiſ funus illuſtre , viſcera ſuavifſimè olenitia , digitus Medici
 „ curantiſ cadaver a præſenti vulnere repente ſanuſ , mulier e morbo ex-
 „ templo convaleſcens , atque , ut alia hujus generiſ clariffima omni tem-
 „ pore patrata prodigia prætermittam , puer ab nativa cæcitate facultas
 „ videndi impertita , asperum vulnuſ in genu ſancio cuidam repente oc-
 „ cluſum , puer aliuſ toto corpore debiliſ mirificè roboratus , mulier ab
 „ desperatæ curationiſiſtula , ſtatiuſ ad valetudinem reducta tot virtuti-
 „ bus aliunde priuſ quæſitam Viro eximio celebritatem nominis latiffimè
 „ conſiſmarint . Quæ omnia , ab inſigniſ memoriae principe Clemente XII.
 „ deceſſore Tuō ut Beatorum nomine appellaretur , ab te verò uti inter
 „ coelites , recte , atque ordine , ſolemniter adnumeranduſ judicaretur ;
 „ PATER BEATISSIME , perſecerunt .

„ Sed neque ea inconcianno prorsuſ ſtilo hiſque anguſtiis præſinito
 „ eſſent jejuniuſ fortaffe , quām rerum magnitudo expoſceret per traſtan-
 „ da ; & jam nos tempus & locus admonet , ut longiuſ quām par erat præ-
 „ tergrefſam contrahamus Orationem . Quoniam verò huc forte perveni-
 „ mus , ut in tuam de beato Viro ſententiam incideremus , illud a me nou-
 „ prætereundum intelliſo , quod ad iſpum tuum de ea re judicium perti-
 „ nuſſe dicendum eſt .

„ Diem , ut probè poteris meminiſſe , ſumma olim felicitate inſignem ,
 „ quo quinto ante anno in hoc diuinum amplitudinis & dignitatis fasti-
 „ giuſ veneras , in eam rem elapſis retro mensibus conſultiſſimè præſti-

„ tuisti , ut de hoc Viro cœlestibus honoribus consecrando primum appeti
 „ rires nobis elegantissimè Edictum tuum , id eo certissimo precatore Tibi
 „ sperans præstandum esse , ut Deus optimus & immortalis tui Ministerii
 „ tempora benignus aspiceret ac Te suarum ovium pastorem volenti lubentique
 „ animo servaret ac tueretur . Tua planè est tuisque verbis prolata sen-
 „ tentia , quam Te dicente a nobis omnibus plausu mirifico exceptam , ite-
 „ randam equidem Te audiente suscipimus libentissimè . Imploramus ita-
 „ que nunc fidem tuam , ut ea , quæ recepisti , quàm citissimè absolvias ;
 „ quò dum tuis Vir beatissimus annuat votis , nos tandem ab impendentium
 „ malorum impetu ac malorum formidine liberemur .

„ Hoc Capuccinorum Familiæ de re christiana optimè meritæ voci-
 „ bus , hoc & universæ christianæ Reipublicæ nomine postulamus , quot
 „ quot heic adsumus ante Te in obsequium provoluti , immortalibus Tibi
 „ devincti beneficiis collegæ olim tui : Qui dum tuo munere de novis Viro
 „ sanctissimo a Te decretis honoribus publica communiue voce amplif-
 „ simè gratulabimur , illud fortasse a nostris temporibus non longè absu-
 „ turum confidimus , quod ad tuam potissimum laudem sit referendum ,
 „ ut ejus nimirum præsenti auxilio in pace nunc compositis dissidentibus
 „ Regnis , religiosissimi Principes , eo post desuper ducente signa , Bizan-
 „ tiūm , toties votis communibus quæsitum frustra , (O stultas nostras con-
 „ tentiones !) Bizantium tandem aliquando pro causa Fidei christiana in-
 „ ferant arma , quò ut Religionem inferret , Eum , dum viveret , neque
 „ cruciatus , neque vulnera , neque ipsam præsentissimæ mortis faciem
 „ novimus perhorruisse .

Non sine plausu excepta est tum hæc D. Pirelli , tum altera D. Ad-
 vocati Pauli Francisci Antamori Oratio , qui statim post eum vitam B. Ca-
 tharinæ de Ricciis tam innocenter ductam , & a Deo tot signis illustratam
 eleganter hoc ordine recitavit .

„ **S**i quum aliquam , BEATISSIME PATER , summi ponderis momenti-
 „ que rem a Viro dignitate maximo impetrare contendimus , satis
 „ esset rei ejusdem æquitas veritasque perspecta ad nostrum animum , ne
 „ prorsus timeret excitandum atque inflammandum ; non modò sanè ho-
 „ dierno die minimè formidarem , quin potius inusitatâ quadam alacrita-
 „ te proreptus gestirem , exultarem , triumpharem . Petiturus enim a Te ,
 „ quem penes omnia jure ac ratione penduntur : Petiturus , inquam , ut
 „ beata Catharina de Ricciis in Sanctorum numerum cooptetur , non vi-
 „ deo quid metuendum , si mira constat ipsius virtus , mira pietas , mira
 „ religio . At facere non possum quin commovear & totis prope artibus
 „ contremiscam , quum SANCTITATEM TUAM & summæ majestatis , &
 „ inauditæ sapientiæ splendore undeque fulgentem intueor , & tot
 „ cum doctrina tum dignitate delectissimorum virorum coronam confide-
 „ ro : eorum præsertim , quos optimè de universa Ecclesia meritos tutis-
 „ simos

„ simos ejusdem Ecclesiæ cardines esse conspicio . Ad hoc etiam accedit ,
 „ quod qui ante me admodum copiosè dixerunt , Oratores tantâ eloquen-
 „ tiâ prædicti visi sunt , ut ego omnium postremus neque arte , neque in-
 „ genio , neque exercitatione sim cum illis comparandus . Illud tamen in
 „ tanto , quo perturbor , metu me recreat & reficit , quod quantum B. P.
 „ sapientiâ vales , tantum clementiâ abundas , quâ quidem ut mihi pri-
 „ mûm hodie hunc amplissimum laudis aditum aperuisti , ita tacitâ volun-
 „ tatis significatione denotasti , imbecillitatem meam pari benignitate sub-
 „ levaturum . Minuit etiam perturbationem meam ipsius Orationis con-
 „ ditio , quæ tota in percensendis integerrimæ Virginis præclarè gestis oc-
 „ cupata , purum quoddam & candidum requirit dicendi genus , quod ejus-
 „ dem morum simplicitati pariter æqualiterque respondens ab omni ver-
 „ borum suco figurarumque pigmento prorsus abhorreat . Itaque cum
 „ non tam exornare dicendo , quam numerando enarrare debeam beatæ
 „ Catharinæ de Ricciis præclara facinora , non admodum difficilis fese
 „ ostendit Oratio , ut penitus timere desinam ; Te potissimum B. P. ingenii
 „ mei tenuitatem excitante , qui quantum justitiæ dare soles , tantum cle-
 „ mentiæ concedis .

„ Non a Patria licet florentissima , non ab opibus licet copiosissimis ,
 „ non a genere licet clarissimo faciam , ut plerique solent , initium . Una
 „ est enim virtus , vera nobilitas , veræ opes , vera gloria , unaque sancti-
 „ tas veræ laudis fons , & una porro commendanda . Hisce igitur , omni-
 „ bus ultrò silentio prætermisssis , animi tantum ornamenta adducam , quæ
 „ sola bona , sola plurimi habenda putamus . Ut itaque , unde par est ,
 „ exordiar , Florentiæ totius Hetruriæ Urbe Principe , præclarâ ditiique
 „ Ricciorum familiâ orta est B. Catharina de Ricciis , quam primùm Ale-
 „ xandram nuncupatam fuisse accepimus . Jam a pueritia facile dignosci
 „ potuit quænam ipsa olim esset futura ; quippe quæ nondum primo suæ
 „ ætatis lústro confecto eam cœpit vitæ rationem , quæ sanctitatem por-
 „ tenderet omnino singularem ; nam ludis omnibus , unde puerilis ætas
 „ delectationem petere solet , omnino neglectis , solâ oratione oblectaba-
 „ tur ; cui quidem ut diligentius vacaret , remotiori secretiorique pater-
 „ næ domus angulo latitabat . Qua in re illud præcipue mirandum puto ,
 „ quod in Dominicæ Passionis contemplatione potissimum occupata adeo
 „ commovebatur , ut dolorum particeps fieri cupiens membra compone-
 „ ret sua eo fermè modo , quo Christum in spiritu intuebatur , nunc ma-
 „ nus ad Cœlum attollens , nunc caput tenens , nunc brachia post terga
 „ retorquens , seque ita aptans , ut Illum & orantem in horto , & Spincâ
 „ Coronâ redimitum . & Columnæ alligatum , & Crucis denique affixum &
 „ animi & corporis conformatio[n]e prosequeretur . Hinc Angelus Domini
 „ familiariter ipsi se visendum præbuit , viamque docuit tutissimam ,
 „ ne a suscepta vitæ ratione abstraheretur .

„ Itaque cum Monialibus suburbani Asceterii sancti Petri e Monticu-

„ lis nuncupati commissa foret sub Amitæ disciplinâ, tantum virtute pro-
 „ fecit, quantum ætas minimè patiebatur ; quippe parcissimè atque duris-
 „ simè vitam sustentans vix somno paulisper membra concedebat , cum
 „ sensibus evocata & dies & noctes Crucifixi Reparatoris nostri poenas
 „ doloresque acerbissimos meditaretur . Hinc de eodem quem deperibat,
 „ unus erat ipsi sermo idemque frequens idemque sollicitus . Cujus qui-
 „ dem rei testimonium occurrit sanctissima Ejusdem imago , quæ ipsam
 „ sçepenumero alloquuta fertur , quæque tanti prodigii memor servatur
 „ adhuc ibidem immortalitati consecrata .

„ At Virgo, quam commendamus, arctioris disciplinæ studiosior inde
 „ discedit, Sororibusque omnibus valedicit ingenti luctu & mœrore con-
 „ fectis . Monasterium Pratense sancti Vincentii Tertiæ Ordinis Prædica-
 „ torum sibi delegit, ibique statuit sibi perpetuò commorandum . Id verò
 „ Pater , qui eam nobili viro jungendam decreverat , ægrè admodum tu-
 „ lit atque acerbè . Hinc neque precibus neque minis pepercit, donec tan-
 „ dem interposito de celeri reditu fidei sacramento inde domum abduxit
 „ omnia expertus, ut eamdem a proposito dimoveret . Cum verò ille post
 „ dies conventos fidem falleret , squalere , mœrere , afflictari visa est de-
 „ cepta Virgo ; quamobrem præ nimia animi ægritudine in febrim inci-
 „ dit , cui tamen affuit visibili specie Christus , Deiparâ Matre , Cæciliâ ,
 „ & Theclâ , præcipuis ægræ puellæ Patronis , comitantibus , salutemque
 „ pollicitus recreavit afflictam spe certâ mox eam relicta claustra repeti-
 „ turam . Convaluit itaque , & Genitore, qui digitum Dei in re cognove-
 „ rat , annuente rediit ad Pratense Monasterium , ubi annos tredecim na-
 „ ta religiosæ vitæ ingressa est tirocinium , & perfectionis iter arduum .
 „ Quanta tunc temporis , quo aurum in fornace probatur , præconiis di-
 „ gna præstiterit , satius fore existimo si præterioro , ne flores , cum sup-
 „ petant fructus uberrimi , colligere videar . Illud tamen silentio obvol-
 „ vere minimè possum , quod ipsa de se humillimè sentiens, ut Monialium
 „ numero adscriberetur, maximè verebatur . Qua de re sollicita admodum
 „ singulas flagitare, singularum pedibus se supplicem abjicere ne repudia-
 „ retur , visa est , singulisque polliceri sibi precanti non defuturum a Deo
 „ auxilium , quo fancitas a Dominico leges executioni mandaret .

„ Verùm ad ea jam festinat Oratio , quæ solemnibus votis emissis
 „ edidit documenta virtutum sanè inaudita , de quibus cogitans facere
 „ non possum , quin summam rapiar in admirationem . Quæ tamen nè
 „ huc illuc vaganti sermone afferam , bipartibor Orationem meam , &
 „ quibusdam quasi cancellis constringam . Et quoniam virtus omnis , ac
 „ Sanctitatis perfectio duobus in mandatis ferè vertitur , a quibus lex
 „ pendet universa , in amore scilicet adversus Deum , & charitate erga
 „ Proximum , adeo in utroque B. Catharinam de Ricciis excelluisse o-
 „ stendam , ut cum omnia argumenta protulero , æqua SANCTITATI TUÆ
 „ postulatio nostra profecto videatur .

„ Si per

„ Si per singula , quæ B. Catharina dedit , Divini amoris testimonia percurrere statuissem , dies porro me ante deficeret , quā oratio . Itaque faciam more pictorum , qui magnam hominum multitudinem in exigua tabella concludere coacti , quorumdam dimidiam corporis partem , aliorum summa capita , nonnullorum os vultumque ostendunt , reliqua verò occultant . Alia igitur delibabo , leviterque ostendam , alia autem de industria præteribo . Quod aliter præstare nequeam propter rerum dicendarum copiam , ex iis , quæ nuper attigi , future virtutis rudimentis , facile potest cogitatione complecti . Jacobis enim fundamentis mirificè tota moles visa est respondere , quam coepitam perfecit , consumavit . Revera tota illa dicata Deo , cui se votis alligarat , in id incubuit unum , ut eidem placeret , eo sanè pacto , quo de sacra Sponsa in Canticis prædicatur . Illius enim instar anxia , sollicita , irrequieta videbatur ; quam non quies , non remissio , non æqualium studia delectarent , cum nihil in vita extendum putaverit , nisi quod esset cum perfecta charitate conjunctum . Quamobrem id unum sibi erat negocii , ut orando & contemplando ad Deum , quem sibi Sponsum delegerat , proprius accederet . Propterea Eucharistico pane serè quotidie pascebatur , in quo quem sua anima diligebat inveniens amore languebat . Ibi enim myrrham cum aromatis , ibi savum cum melle , ibi vinum cum lacte Christi Sponsa sumebat , & ineibriabatur . Hinc dulcissima amoris deliquia , hinc inauditæ ecstasēs , hinc raptus mirifici , quibus Sponsum osculo oris sui osculabatur . Incredibile dictu est quanto ardore illa flagraret , quantis cœlestium gaudiorum deliciis illa frueretur , in qua sicut passiones Christi abundabant , ita & per Christum abundabat consolatio .

„ At ad singularia quædam neque hactenus audita veniamus , quibus ejusdem charitas mirum in modum declaratur . Jam nonum & decimum attigerat annum felicissima Virgo , quum ei subjecta sensibus facta est visio mirabilia præseferens . Nam ipsi Altare , quod in horto Cœnobii erat , Crucifixi Salvatoris effigie ornatum , invisiensi tres ibidem Cruces spectandæ fese exhibuerunt , earumque in medio ipsemet Jesus spineâ Coronâ circumdatus , undanti sanguine perfusus , latusque transfixus eadem quidem specie tristissimâ , quâ trepidus Calvariæ locus ipsum quondam aspexerat . Tum illa acerbi spectaculi dolore perculta animo que deficiens semiviva procubuit , ut quæ Virginis Matris dolorem senserat , defectum quoque pateretur . Sed si Mariæ Matri & Magdalene condoluit , cum Matre & Magdalene congaudere merita est die ipso solemnni festoque Paschatis , quo ei apparuit Jesus gloriâ coruscans eadem , quâ ex mortuis resurrexit , seque eidem ut Mariæ Matri & Magdalene videndum præbuit , & vulnera sua deosculari concessit .

„ Quid verò charitas non operatur ? Catharina seorsum ab aliis Angelico pane refici , seorsum comedere , seorsum orare jubetur , quippe „ quæ

„ quæ quidquid prætaret extra se ipsam rapiebatur , nec diu consistere
 „ poterat eodem loco formâ & aspectu , ut palam videretur cœlesti ar-
 „ dore correpta . Hoc autem tum præsertim patefactum est , cum in tri-
 „ bus illis supplicationibus , quas ad expianda hominum peccata perage-
 „ re Jesus illi præceperat , tot tantosque passa est mentis excessus , quot
 „ quantosque dicere atque enumerare non possim . Videres Eam Crucem
 „ manu gestantem huc illuc vultu exultanti vagantem , modò euntem ,
 „ modò redeuntem ad Aram , rei peractæ immemorem rursus eandem re-
 „ petentem , ac omnia tantâ spiritus alienatione præstantem , ut omnino
 „ obstupeceres . Revera omnes quæ astabant Sorores rem tantam prodi-
 „ gii similem putarunt , quarum oculis splendidissima lux offerebatur cir-
 „ cum se volvens os , aspectumque Catharinæ mirifica varietate colorum .

„ Sileant verò domestici testes , cum aliunde tutissimam iis , quæ de
 „ tanta charitate diximus , fidem parare possimus . Enim verò testis am-
 „ plissimus Bavariæ Ducis Filius , qui Patris jussu ipsam adiit , vidit , ad-
 „ miratus est tanquam divinitùs de Cœlo demissam ; cuius ex ore pendens
 „ arcana audivit , quæ non licet homini loqui , de mysteriis Epiphaniæ ,
 „ de mirabili Magorum adventu , de prima Christi manifestatione , cuius
 „ eo die recolebatur memoria . Quia in re illud præterea admirandum vi-
 „ detur , quod sermonis cum eodem diutius habiti nihil prorsus inde me-
 „ minerit , ut dubium minimè sit , quin Deus esset in ore ejus , daretque
 „ quid in illâ horâ loqueretur . Testis etiam pietate celeberrima Hetru-
 „ scorum Princeps Eleonora , quæ sæpiùs Catharinam alloquuta facilè in-
 „ tellexit se cum eâ verba facere , quæ utrum in corpore esset , an extra
 „ corpus ignorabatur . Testes denique puellæ omnes (ne innocentissimæ
 „ ætatis testimonium relinquam) Testes , inquam , rei tam novæ , qua sa-
 „ nè singularem eandem putamus . Cum illæ juvenili quodam impetu ul-
 „ tro citroque concursantes Ædiculæ sacræ , qua orabat Virgo , fortè impu-
 „ lissent Ostium , in caput ejusdem immotæ nescientes impegerunt tantâ
 „ quidem vi , ut repercussum iterum clauderetur : Cujus rei causâ perspe-
 „ ctâ neverunt simul hærentem Virginem inconsulto ictu male affectam ,
 „ nec tamen excitam . Etenim tam altè sublata erat in Deum , ut vix de-
 „ nique se levi capitis dolore laborare senserit , cum illinc in Ecclesiam
 „ fuisset delata . Quibus tamen de rebus non est cur magnopere miremur ,
 „ cum de more suo per octo & viginti horas assiduas quâlibet hebdomadâ
 „ nixa genibus orans perlaret , ac porro ita sensibus amota , ut divinâ
 „ movente vi sæpissimè sublata solo singulare sui exhiberet ac mirabile
 „ portentum .

„ Utinam verò id facere sibi semper licuisset , & assiduâ rerum divi-
 „ narum meditatione versari ! coacta est sibi temperare , ut Cœnobii quieti
 „ consuleret . Eò quippe , quò nondum clausurâ aditus prohibebatur ,
 „ ita frequens confluuebat undique populus , ut Moniales summâ molestia
 „ afficerentur . Quare dilectum sibi Sponsum rogare jussa est , nè hujus-
 „ modi

„ modi ecstases incommodum Sororum quieti importantes deinceps clar-
 „ giretur . Facta est quidem illa sui voti compos , non ita tamen , ut chā-
 „ ritate diminutā ab ipso deserta aresceret , vel jucundissimo ejusdem af-
 „ pectu careret ; quin potius in corde suo ardens vehementiūs , quo mi-
 „ nus solemini , eo arctiori dulciorique alloquio fruebatur . Quapropter
 „ quæ Senensem Catharinam in suæ mentis alienationibus referebat , ean-
 „ dem quoque expressit ceteris privilegiis muneribusque de coelo præ-
 „ stantissimis , quibus ipsam a dulcissimo Jesu largè donatam fuisse accepi-
 „ mus . Tulerat illa in corpore suo Christi stigmata ; hæc tulit nostra Vir-
 „ go : Passa fuerat illa spineam in capite Coronam ; hujus quoque caput
 „ spinæ perfoderunt ; adeout parem utramque in omnibus fecerit Jesus ,
 „ quippe utramque sibi dilectam delegerat , utramque annulo desponsa-
 „ rat . Quæ cum ita sint , satis liquidò constare arbitror , quantâ in Deum
 „ charitate flagraret B.Catharina , quam in eo & vixisse fideliter , & man-
 „ sisse constanter carnis desideriis prorsus semotam planè intelligimus .

„ Sed quoniam (Auctor Apostolus) plenitudo legis est Proximi di-
 „ lectio , ut qui eum diligit , penitus legem implerit ; iccirco num tanta
 „ Virgo , quam satis pro dignitate laudare non possumus , id quoque ,
 „ quâ par est , ratione præstiterit , breviter consideremus . Ac profecto ,
 „ quod pauperes omni ope sustentaret , victum pro illis quæreret , suum
 „ met iisdem distribueret , neminem vacuum , quum Monasterio præerat ,
 „ dimitti juberet ; vulgaria sunt pietatis documenta . Quod Patribus
 „ S. Dominici Pratensis vel omnibus , vel singulis subveniret , infirmis So-
 „ roribus præsto esset , flexis genibus cibos ipsis ministraret , non admo-
 „ dum mirum videtur . Quod etiam somni quietisque jacturâ ægræ Mo-
 „ nialium valetudini nunc lectulos sternens , nunc cibos præparans servi-
 „ ret , quod earum pedes etsi labi insectos suismet manibus ablueret , ab-
 „ lutosque oscularetur , quod ulcera putri sanie manantia quadam cum
 „ voluptate tractaret ; rarum quidem pietatis genus existimo . Illud ta-
 „ men novum atque inauditum , quod semet ipsam hostiam Deo offerre
 „ pro animarum salute non dubitaret , quod ferventissimas effunderet ipsi
 „ preces , ne peccatores cum labi criminis decidere pateretur , quod cum
 „ eo denique , ut ita dicam , pacisceretur se ultro pœnas laturam , quas
 „ ejusdem justitia pro illorum expiatione statuisset . Qua quidem eximia
 „ charitate complexa est animas omnes ubique terrarum & locorum ex-
 „ hac vita demigrantes sive Hæreticorum , sive Infidelium , nedum Ca-
 „ tholicorum ; ut anathema pro omnibus fieri libentissimè vellet , pro
 „ omnibus libentissimè quodvis subire supplicium . Adeo scilicet Pro-
 „ ximi amore concitabatur , adeo erat de ipsis salute sollicita , adeo de
 „ universi humani generis futura in cœlis beatitate cogitabat .

„ Hinc , ut ad singularia deveniam , vix dici potest quanta fecerit ,
 „ quanta tulerit , ut nonnulli hominum perditissimi ad Deum converte-
 „ rentur ; Orcique faucibus eriperentur . Ex hoc numero ille largas pro-
 „ pter

„ pter eleemosynas optimè de S. Vincentii Cœnobio meritus , quem in
 „ tenebris pervicaciter ambularem ad veram vitæ lucem revocavit , de-
 „ duxitque morientem ad gloriæ coronam . Ex hoc latronum quidam in-
 „ festissimus , qui ad ultimum supplicium petitus , spe omni æternæ salu-
 „ tis abjectâ , jam jam in manus diaboli tradebatnr , quiue tamen Catha-
 „ rinæ operâ resipiscit , pièque moritur : Catharinæ , inquam , quæ im-
 „ piam ob ejusdem desperationem tacta dolore cordis intrinsecùs sustulit
 „ se lecto , quo jacebat infirma , Patremque misericordiarum eosque ro-
 „ gavit , donec pereuntis misereretur in copia gratiarum . Ex hoc alii
 „ quamplures , quibus propter diurnas Catharinæ ad Deum obsecra-
 „ tiones facta est salus , quosque in hac brevitate temporis recensere mini-
 „ mè possem .

„ Id autem ea potissimum de causa factum est , quod ipsa tandem
 „ aliquando precibus lacrymisque obortis a Deo obtinuerit , ut a se ipsa
 „ adhuc viva omnes repeterentur poenæ , quas jure illis debebantur :
 „ Propterea cum latronem nuper commemoratum salvasset , integro qui-
 „ dem triennio intensissimo dolore capitis laboravit : Propterea cum Vi-
 „ rum dignitate Principem purganti flammâ liberasset , acerba sustulit :
 „ Propterea cum inumeros justis poenis traxisset , inumeros passa est
 „ toto corpore cruciatus , innumeris iisdemque vehementissimis afflicta
 „ doloribus , qui naturali causa minimè prodeuntes Medicorum scien-
 „ tiā curamque fecellerunt . Qua in re prætereunda non est Cathari-
 „ næ patientia , qua non solùm obmutuit , ut mortua sensibus videretur,
 „ sed mulieris revera fortis exhibens speciem , hilari vultu lætoque ani-
 „ mo cuncta sustinuit .

„ Cum igitur tanta fuerit Catharinæ in Proximum , nedum in Deum
 „ charitas , ut de heroicâ ejusdem sanctitate jam sit minimè dubitandum ,
 „ finem Orationi meæ , prout a principio pollicitus sum , faciendum in-
 „ telligis , BEATISSIME PATER . Sine tamen , quoniam pro benignitate tua
 „ tam diligenter me audis , sine , obsecro , ut paucissima de sui contemptu
 „ ante degustemus .

„ Quis igitur vel de se sensit humiliūs , vel suum corpus tractavit
 „ asperius ? Quæ se omnium infirmam , nec ceterarum confortio dignam
 „ putabat ; quæ ovis & carnibus suâ mensâ rejectis , solo pane & aqua
 „ plerumque sustentabatur ; quæ ad inediā usque severissimè jejunabat ;
 „ quæ laboribus , quæ vigiliis corpus macerabat ; quæ omni denique fla-
 „ gellorum genere sua membra vexabat , cruciabat , dilacerabat . Neque
 „ hac durissima vitæ ratione per dies aut menses perstittisse credas , sed
 „ puta per annos octo & quadraginta . Quamobrem tam rigidam suo
 „ corpore in servitutem redacto , non sensit aliam sensus legem suæ men-
 „ tis legi repugnantem , nec cum carne luctata est , quam integerimam ,
 „ & Canticorum Sponsæ candori simillimam ad mortem usque servavit .

„ Hisce de causis fuit plurimis & maximis divinitus insignita donis ,
 „ ut

„ ut arcana cordium penetraret , remota videret , futura prænosceret ,
 „ infirmos sanaret , se ipsam multiplicaret . Id patuit , quum Mariæ Me-
 „ dices regias nuptias adhuc infanti prænunciavit , innumeris mulieribus
 „ pollicita est prolem , infinitis prope animi consilia detexit , plurimis
 „ varia morborum labe affectis sanitatem restituit , pluribus maximâ lo-
 „ corum distantiâ segregatis apparuit . Quod extreum quò mirabiliùs ,
 „ eò clariùs constat , cum eandem in Prateni Cœnobio versantem & Soro-
 „ ribus , & Puellis in altero Prati Monasterio commorantibus , & laicis
 „ Personis , & Mariæ Magdalenc de Pazzis Florentiæ , & Philippo Nerio
 „ Romæ se videndam præbuisse certa fide sciamus .

„ Plura adhuc hoc loco commemoranda suppeterent ; sed mihi de
 „ clarissimæ hujus Virginis præstantia & dignitate dicenti , & plura
 „ etiam dicere paranti novus tristisque rerum asperitus sermonem abrum-
 „ pit . Video enim infaustam novi syderis lucem super Catharinæ cubicu-
 „ lum recto radio coruscantem , mortemque ipsius portendentem . Video
 „ Moniales omnes , factâ Catharinæ jamjam obeunti coronâ choroque
 „ virgineo ; Video , inquam , omnes squalore obsitas moerere , lugere ,
 „ lamentari . Audio per aera Angelorum concentum citharas præ ma-
 „ nibus habentium & clamantium : Veni Sponsa Christi . En igitur Spon-
 „ sa Christi Eucharistico pane refecta , Dominicæ Passioni meditandæ in-
 „ tenta ad imaginem Crucifixi Domini sua membra componens , expirat ,
 „ evolatque ad immarcescibilem , quò vocatur , coronam die B. Virgini
 „ Purificatæ consacrato , millesimo quingentesimo nonagesimo a Christo
 „ nato , suæ ætatis septimo & sexagesimo .

„ Hic ego quot tum admiranda contigerint , ut ejus facies diuturnâ
 „ maceratione consumpta refloruerit , ut corpore toto & splendor cla-
 „ rissimus & odor suavissimus emanare coeperit , silentio obvolvam .
 „ Quantâ miraculorum gloriâ ipsius sanctitas declarata fuerit , ut ipso-
 „ rum fama ad terrarum longinqua devenerit , piosque populos unde-
 „ quaque conciverit , minimè commemorabo . Illud unum dicam , quo
 „ omnia continentur , duos Pontifices Optimos Maximos , Benedictum
 „ scilicet XIII. , & Clementem XII. amplissimis Decretis atque Judiciis
 „ tantæ Virginis pietatem eximiam comprobasse , quorum alter de ipsius
 „ virtutibus in gradu heroico constare pronunciavit , alter , duorum præ-
 „ fertim miraculorum veritate perspecta , Beatificationis diploma jussit
 „ expediri .

„ Ad hæc autem duo præterea accedunt recentiora miracula , quo-
 „ rum utrumque Te coram æquis ponderibus examinatum plenè appro-
 „ bandum censiisti . Illud nimirum , quod Mariæ Clementinæ Staccioli
 „ factum fuisse recordaris , cui jamjam morituræ Catharinæ pileo ex pa-
 „ leis delato , & pectori imposito redditæ est integra sanitas , sublato mi-
 „ rificè cancro exulcerato , cuius acerbitate per octo annos vexata fuerat
 „ atque excrucianta . Alterum verò , quod Mariæ Magdalene Fabris in

„ Augustano S. Catharinæ Cœnobio divinitùs datum est , quæ cum vix
 „ nostræ Virginis opem implorasset , a molestissima Arthritide in infernis
 „ artibus fixa , qua per triennium detinebatur , in pristinam salutem fuit
 „ subito revocata , omni soluto , quo carebat , motu membrorum .

„ Quæ cum ita se habeant , reliquum est , BEATISSIME PATER , ut tuis
 „ pedibus provolutus orem obtesterque per vigilantiam Tuam studium-
 „ que sollicitum , quo Dei Ecclesiam tueris , soves , auges , amplificas ;
 „ Orem , inquam , obtesterque , ut spectatissimam Virginem hanc Catha-
 „ rinam de Ricciis jam inter Beatos a san. mem. Clemente XII. Antecef-
 „ sore tuo relatam , nova prodigiorum luce aucta , Tu modò , una cum
 „ tot præclarissimis Viris , quorum jam causa conseccta est , solemnni de
 „ more ritu Sanctorum fastis adscribas . Id per me unum postulant lectif-
 „ simæ Sorores omnes Monasterii S. Vincentii Pratensis ; id inclytus Prä-
 „ dicatorum Ordo cum de Ecclesiastica re , tum de hac S. Sede optimè
 „ meritus ; id Pratum & Florentia piissimæ civitates , & unâ Hetruria
 „ omnis ; id demum universus catholicus Orbis , cui per Te unum in
 „ Catharina addi potest nova lux , nova tutela , novum subsidium . Spe-
 „ randum est enim , ut hæc omnium præconiis celebranda Virgo , ubi pu-
 „ blico solemnique cultui ac venerationi proposita fuerit , unitatem tuea-
 „ tur Ecclesiæ ; optatam , jamque diu bellis erectam pacem mundo con-
 „ ciliet ; Teque & Principem munificentissimum , & Pastorem vigilans-
 „ sum diu multumque nostrum omnium felicitati & votis servet inco-
 „ lumem sospitemque . Dixi .

Orationibus absolutis , Sanctitas Sua , non per semetipsum , sed per Secretarium Litterarum Apostolicarum ad Principes hoc dedit responsum.

Quicumque non minus ingentes sacrosancti Apostolatus curas in dies propter temporum asperitatem magis magisque increbescentes non levi solatio lenire , quam opportunum in tribulationibus levamen , certum apud omnipotentem Deum in periculis praesidium & salutare ad virtutes incitamentum comparare consueverunt : Omnia SANCTISSIMUS PATER ac Dominus noster in heroicis virtutibus , rebus præclare gestis ac miraculis beati Josephi a Leonissa , ac beatæ Catharinæ de Ricciis , Vobis tanta cum vestra eloquentia , judicii , doctrinæque laude enarrantibus , latu excepit . In serie euidem Actorum beati Josephi ac beatæ Catharinæ par laudatur innocentiae candor ad mortem usque tantopere servatus ; par narratur morbus , non alia contractus causa , quam ut terrenas nuptias , ad quas adigebantur , constantes despicerent ; & cœlesti Virginum Sponsi Iesu Christo , qui pascitur inter lilia , suum virginitatis florem in horto concluso Religionis , hac quidem Monialium S. Dominici , ille vero Minorum S. Francisci Capucinorum per solemnia vota dedicantes , intactum custodirent . His autem sanguinum Sponsi imaginem in se ipsis representare cupientes præter assiduos cruciatus sibi ulti illatos , Catharina sacra Redemtionis Stigmata sinistro latere , manibus pedibusque cum sanguineis rutilantibusque notis insculpta , spinosum capitum infixum diadema , & sacrosancta Crucis signa dorso profundè impressa non sine intimis

intimis doloribus gerebat ; Josephus pede manuque dexteris unco ferres pro catholica Fide Constantinopoli e sublimi trabe suspensus , per triduum horribili suppicio , fame ac fumo Martyrium fecisset ; nisi Angeli beneficio ereptus curatusque , ad majora in Italia ac mirabilia pro Christi nomine efficienda facinora fuisset reservatus . Porro pro egenorum subsidiis , pro ruidum disciplina , pro odiorum extinctione , pro perditorum hominum reditu , pro animarum salute , pro divini demum honoris incremento idem utrique ardor , idem studium , eadem sollicitudo a que eadem ferme ab ipsis patrata miracula . Hęc sanè omnia atque alia quamplurima eti Josephum & Catharinam cum Christo ejusque Matre beatissima Virgine Maria & Angelis , quibuscum in terris etiam frequentissimè versari & colloqui meruerunt , sempiternam in cœlis vitam ducere certissimè manifestant ; non ante tam Sanctissimus Pater de publico sollennique cultu iisdem deferendo agere censet , quām invocato consilii & veritatis spiritu , sine quo nihil est validum , nihil sanctum , in hujusmodi gravissima deliberatione cœleste lumen ostendatur . Eapropter laudatissimis Romanorum Pontificum Antecessorum suorum exemplis insitens , primum quidem Os Domini consulere , deinde verò in Consistorio semipublico tum Venerabilium Fratrum suorum S.R.E. Cardinalium , tum Patriarcharum , Archiepiscoporum & Episcoporum Romæ degentium sententias exquirere existimat ; ut exoptatam tandem , postularisque olim a Regibus & Principibus , ac saepe a Religiosis Ordinibus cum iteratis precibus a Vobis modò editis maximè expetitam lætitiam ritè sancteque possit indicere . Hasce animi sui significationes Sanctissimus Pater jussit me disertissimis Orationibus vestris subjicere .

His peractis SANCTISSIMUS PATER recessit ab Aula Consistorii . Post aliquot verò dies Castrum Gandulphi tertio decimo ab Urbe lapide distans divertit ; non tam ut Pontificatus curis distentum relaxaret animum , & salubritate cœli propriæ consuleret valetudini , quām ut liberiū apud Deum de tota Canonizationis quæ jam imminebat , ratione cogitaret . Ob id redeuntibus sacræ Pentecostes feriis , triduo publicas ibi preces haberi voluit . Archipresbyterali igitur eo Templo damascenis aulæis convestito , & in Ara principe exposito inter undique colluentes faces Augustissimo Eucharistiæ Sacramento Veliternos , Tusculanos , Albanos , aliosque finitos Populos invitavit , plenariam peccatorum Indulgentiam iis omnibus largiens , qui Sacramentali confessione expiati , & cœlesti cibo refecti per aliquod temporis spatium in eo Templo piæ Pontificis voluntati Deum precibus propitiarent .

Dici vix potest quantus illico Virorum ac Mulierum concursus fuerit ad Templum eo toto triduo , quoisque sub meridiem Sanctissimus Pater solemni ritu Pontificali Eucharistiâ in Crucis formam ter circumductâ omnibus benediceret : Exciverat autem e patriis domibus tantam hominum multitudinem cum ipsa celebritas ad quam vocabantur , tum supremi Pastoris erga omnes benignitas & planè perspecta religio , cuius cum viderent impressa ubique vestigia , mirum non est , si ad omnem pietatis sensum eorum animos excitarentur .

Interea quinque Beatorum qui adscribendi Sanctis erant, compendia-
ria narratione Vitæ descriptæ jam fuerant. Excerpi hæ solent ex publicis
Tabulis, quæ penes Sacrorum Rituum Congregationis Secretarium ser-
vantur. Eas igitur separatis libellis impressas R. P. D. de Valentibus Fi-
dei Promotor jussu Pontificis, qui nondum Romam redierat, ad Eminen-
tissimos Dominos Cardinales, Patriarchas, Archiepiscopos & Episcopos,
quorum non pauci in Urbem peregre veniebant, transmittere curabat,
ut ex hujusmodi Beatorum Vitis agnoscere quisque posset quid sibi ad
majorem Dei gloriam & catholicæ Fidei incrementum circa eorumdem
Canonizationem consulendum Sanctissimo expeditius tutiisque videretur.
Hæc quæ sequitur superaddita libellis erat Instructio in unoquoque ex
quinque ordinatim habendis semipublicis Consistoriis adamassim servanda.

METHODUS SERVANDA

In semipublicis Consistoriis ante proxima indictæ Canonizationis
sollemnia, ex ritu habendis.

IN singulis hujusmodi Consistoriis de uno tantum Dei Servo ex quinque in San-
ctorum numerum cooptandis tractabitur prout infra:

In primo agetur duntaxat de beato **FIDELI** a **SIGMARINGA** Martyre
Ordinis Minorum **S. Francisci Capuccinorum**; In secundo; de beato **CAMILLO**
de **LELLIS** Clericorum Regularium Ministrantium Infirmis Fundatore; In ter-
tio; de beato **PETRO REGALATO** Ordinis Minorum Observantium **S. Fran-
cisci**; In quarto; de beato **JOSEPHO a LEONISSA** pariter Ordinis Minorum
S. Francisci Capuccinorum, Confessoribus; & in quinto; de beata **CATHARINA**
de **RICCIIS** Ordinis Prædicatorum Virgine.

Eminentissimi Domini Cardinales Cappis violaceis ex camellotto induiti
erunt.

Reverendissimi Patriarchæ, Archiepiscopi & Episcopi omnes in Urbe præ-
sentes, necnon DD. Protonotarii, duo antiquiores Rota Auditores, & Camere
Apostolicae Procurator Fiscalis eas respectivè deferent Cappas, quibus in Pontifi-
cio Sacello uti solent.

Sanctissimi Domini Nostri brevis allocutio Actioni dabit initium, eaque
Fratum suffragia exquiret.

Eminentissimi Cardinales, ac Reverendissimi Patriarchæ, Archiepiscopi &
Episcopi, suo proprio servato ordine, paucis siuum sensum aperient.

DD. Cardinales dum sententiam prodere incipient, sigillatim nudato capite
assurgent, eamque bireto tecti prosequuntur sedentes.

Superius recensit Presules, ferentibus suffragia Eminentissimis Patribus,
sedebunt capite operto: Stabunt verò cum Summus Pontifex verba faciet.

Surgent autem ipsorum singuli, statim ac primus Patriarcha sententiam di-
cturus assurget; Sicque jugiter permanebunt, donec ultimus Episcoporum loquè
desierit. Auditis cunctorum Placitis, iterum Papa sermocinabitur.

Mox

QUINQUE SANCTORUM &c. 101

Mox Procurator Fiscalis Camerae consueta forma adstantes DD. Protonotarios rogabit, ut publicum Actorum documentum confiant.

Forumdem Decanus ad Pontificis Familiares conversus illos advocabit in Testes; sicque Consistorium absolvetur.

Meminerint omnes Eminentissimi Cardinales, aliquie Reverendissimi Suffragatores, quod propriam quisque sententiam scriptam atque subscriptam tradere debet singulis vicibus eadem in Aula Consistoriali Reverendissimo Secretario Congregationis Sac. Rituum, vel ejus loco uni ex Apostolicarum Cæremoniarum Magistris.

Ideo &c.

C O M P E N D I U M

Vitæ, Virtutum, Martyrii, & Miraculorum, necnon Actorum in Causa Canonizationis BEATI FIDELIS a Sigmaringa Sacerdotis Professi Ordinis Fratrum Minorum sancti Francisci Capuccinorum, Præfecti Missionis Apostolicae in Rhætia, & Sac. Congregationis de Propaganda Fide Protomartyris.

Ex Secretaria Congregationis Sacrorum Rituum.

„ **S**igmaringæ Constantiensis Dioecesis Oppido satis nobili in Sveviæ „ Ducatu ex non obscurâ Rojorum familiâ genitus Fidelis in lucem „ prodiit anno a partu Virginis millesimo quingentesimo septuagesimo „ septimo. Sacro Baptismatis fonte cœlo renatus, & a prima ætate a piis „ catholicisque parentibus iis studiis addictus, quibus ætas puerilis ad hu- „ manitatem informari solet, singulari morum candore & honestate aper- „ tum dedit de futura sanctitate præfigurum. Adolescens ad Friburgensem „ Academiam missus, cum ibi studia scientiarum cum magno pietatis ar- „ dore conjungeret, brevi in utroque ita profecit, ut non minus virtute „ quam doctrinâ ceteris omnibus antecelleret. Cum verò præter Philo- „ sophiæ, Theologiæ, & utriusque Juris peritiam accessisset etiam exte- „ rarum linguarum singulare ornamentum, factum est, ut nobilissimi ali- „ quot inter Germanos eum felicendum putaverint tanquam magis ido- „ neum, cui Magistro, Custodi, atque Rectori Filios committerent in Ita- „ liæ Galliæque itinere peragendo. Eorum precibus cum se Fidelis fa- „ cilem præbuisset, ita se in eo munere præstítit, ut & Deo & hominibus „ probaretur. Sex enim annorum spatio, quibus iter illud confectum fuit, „ commissos sibi Adolescentes ita gubernavit, rexit, eruditivit, ut in Pa- „ triam cum fuissent reduces, non minùs insigni in Deum pietate imbu- „ tos eorum parentes confessi sint, quam multiplici rerum cognitione „ versatos.

„ Friburgi paulò post ritu solemnii utriusque Juris laureâ ceterisque „ doctri-

„ doctrinæ insignibus decoratus in Alsatiæ perrexit , ut Ensis hemii Ad-
 „ vocati munere fungeretur . Vix tamen in Fori lucem egressus Fidelis
 „ fuerat , causasque cœperat agitare , cum animadvertisens inane esse atque
 „ vanissimum quidquid honoris , quidquid dignitatis aut lucri a Forensi
 „ exercitatione se aliquando consecuturum sperare poterat , imò etiam
 „ quanti alea illa in animæ suæ perniciem foret plena periculi , nuncium
 „ illi remittere statuit , seque totum divini Numinis obsequio mancipare.
 „ Per arduum igitur virtutis iter incedere cupiens , cum aliquot ex rigi-
 „ dioribus Ordinum Institutis consideranda sibi ob oculos proposuisset ,
 „ illud potissimum feligendum putavit , quod Patribus Capuccinis est pe-
 „ culiare , quodque proposito sibi fini assequendo omnium aptissimum vi-
 „ debatur . Neque cunctatus ; Cum , ut in eam Religionem admitteretur
 „ infimis precibus postulavisset , facilem aditum apud eos Patres doctri-
 „ næ & virtutis ejus minimè ignaros invenit . Antequam verò tam diffici-
 „ le perfectionis iter ingredieretur , quasi ascensiones in corde suo disposi-
 „ turus , sacris priùs Ordinibus voluit initiari , seque Domino per Sacer-
 „ dotium consecrare . Die igitur ipsa quæ Seraphico Patriarchæ Franci-
 „ sco solemnis est primum fecit Sacrum incredibili spiritus sui fervore :
 „ Quo peracto veterem expoliatus Hominem cum actibus suis , novum-
 „ que simul cum habitu Religionis indutus , qui secundum Deum creatus
 „ est , nova ingressus fuit tirocinia evangelicæ perfectionis . Quo tempo-
 „ re cum deposito quo anteà vocabatur Marci nomine , Fidelis appellari
 „ maluisset , Magister Novitiorum quasi prophetico illustratus lumine ,
 „ quid de Fidi futurum erat , divinaret : *Et tu (inquit) esto Fidelis usque*
ad mortem , & accipies coronam vitæ .

„ In eo stadio cum se positum Fidelis cerneret , quod tot votis ar-
 „ dentibus concupiverat , mirum est , quantum ad currēdam viam exul-
 „ taverit sicut Gigas . Seraphici Patris imitator egregius tot edere statim
 „ cœpit humilitatis , obedientiæ , ac ferventissimæ devotionis exempla ,
 „ ut & Tyronibus & illis emeritæ sanctitatis hominibus præluceret .

„ Expleto itaque tot inter incrementa virtutum tempore Probatio-
 „ nis tanto pietatis sensu emisit Vota solemnia , ut inter principaliora be-
 „ neficia , quæ Deo referebat accepta , votorum Religiosorum gratiam re-
 „ censendam putaret , & de agendis pro ea Domino gratiis , quām de ipsisf-
 „ met peccatis suis illum sollicitudo major urgeret . Hinc sermo illi fami-
 „ liarissimus postmodum semper fuit de commemoranda eorum felicitate ,
 „ qui in domo Domini plantati sunt , suique cordis explicando dolore ,
 „ quod ex seculi tempestatibus in tutissimum Religionis portum se citius
 „ non recepisset .

„ Fidelem interea novis votorum stimulis ad altiora perfectionis
 „ culmina properantem singulari quodam amore atque benevolentia Su-
 „ periores Ordinis complectebantur . Admirabantur in eo siquidem præ-
 „ stantissimam Juris utriusque peritiam cum insigni animi humilitate

„ conjun-

„ conjunctam , juvenilem ætatem cum peculiari morum gravitate atque
 „ prudentia copulatam , exactam disciplinæ Regularis observantiam ab
 „ humanitate , officio , comitate minimè segregatam . Hinc raro inter
 „ Capuccinos exemplo maturius quàm fieri soleat Christifidelium Con-
 „ fessionibus excipiendis addictus est , ipsique commissum Apostolicum
 „ Concionatoris munus . Utrumque autem tanta assiduitate , diligentia ,
 „ & Religionis zelo Fidelis exercuit , ut plures miseras animas vitiorum
 „ cœno involutas a Diaboli servitute , in qua diù multumque jacuerant
 „ vinculis voluntariis adstricte , omni prius labe purgatas , in filiorum
 „ Dei libertatem feliciter asseruerit . Neque enim aut humana prudentia
 „ carnis dictamina , aut Potentum invidia , aut voces Malevolorum , aut
 „ conatus Hæreticorum efficere potuerunt , ne poscentibus Pœnitentiæ
 „ Sacramentum domi forisque ministraret , ne contra Peccatores invehe-
 „ retur , ne contra Hæreticos declamaret , ne totis quibus poterat viribus
 „ malos mores evellere conaretur . Hinc ejus operâ laboribusque plurimi
 „ hærefoes infecti ad Ecclesiæ sinum reducti : perditissimi homines ad me-
 „ liorem frugem revocati : inveteratae compositæ similitates : jussæ a Fi-
 „ delium ore exulare blasphemiae : compositæ ad omnem modestiam mu-
 „ lieres: a Christianorum cordibus atque corporibus eliminata luxus , su-
 „ perbiæ , luxuriæ vitia . Licet enim bellum implacabile peccatis omni-
 „ bus indixisset , tamen explicari non potest quanto animi ardore , assidui-
 „ tate dicendi , eloquentiæ conatu , modis omnibus hæc præsertim vitia ,
 „ quæ tunc temporis in iis Regionibus grassabantur , infectaretur .

„ Cum verò in Fidei zelum fortem quidem Superiores Ordinis ani-
 „ madverterent , non tamen asperum illum atque humanitatis expertem ,
 „ sed cum admirabili quadam prudentia conjunctum , simul publicæ Fide-
 „ lium & privatæ Ordinis utilitati consulere volentes , eum Vitchyrchien-
 „ sis Cœnobii regimini adinoverunt . Quo munere non ambitus vitio , sed
 „ obedientiæ virtute suscepto , nihil antiquius habuit quàm ut forma fie-
 „ ret gregis , singulasque Regularis disciplinæ Magistri partes impleret .
 „ Ipse igitur divinis laudibus persolvendis statis horis semper adesse : om-
 „ nia etiam humillima Religionis munia promptius obire : per multum
 „ temporis spatium in publica mensa se flagellis sæpiissimè cädere: Ægro-
 „ tis inservire in abjectissimis ministeriis , eisque omni ope præsto esse &
 „ auxilio: Afflictos recreare : Errantes corripere : Valentes corpore avo-
 „ care a desidia: Ferventes cogere ad requiem: suave Christi jugum omni-
 „ bus allevare : omnes in sanctam animorum societatem & perfectam
 „ Christi charitatem unire: omnes ad currendum Religiosarum virtutum
 „ stadium verbo exemploque animare .

„ Interea verò sollicitus , ne dum aliis præerat dignitate & impe-
 „ rio , rebellis adversus spiritum caro sibi ipsi dominaretur , ciliciis , ine-
 „ diâ , vigiliis atque omni pœnarum genere ita eam affixit , ut in ser-
 „ vitutem perpetuam planè redegerit . Cum tot apud Capuccinos solem-

„ nia

„ nia jejuniorum tempora sanctâ lege serventur , ut jejunando anni pars
 „ maxima ab iis Patribus transfigatur , multò tamen plura Fidelis addidit :
 „ A die scilicet festo beatæ Mariæ Virginis in Cœlum assumptæ usque ad
 „ eum , qui S. Michaeli Archangelo facer est , ita jejunare consuevit , ut
 „ neque in itinere constitutus de hujus jejunii rigore voluerit unquam re-
 „ mittere : singulis totius anni secundis , quartis , & sextis feriis , ab omni
 „ prorsus carne exactâ observatâ abstinentiâ , paucis tantùm leguminibus
 „ utebatur : Adventus verò & Quadragesimæ tempore , sicuti etiam in
 „ omnibus Apostolorum Sanctorumque nonnullorum vigiliis tam rigi-
 „ dum sibi jejunium indixerat , ut modicâ panis vinique quantitate con-
 „ tentus , nullis præterea cibis calidis vesceretur ; Quin etiam , ut omni-
 „ bus beatæ Mariæ Virginis sive Ordinis Sanctorum festivis diebus
 „ puriori ferventiorique spiritu se præpararet , in eorum pervigilio , præ-
 „ ter modicum panis & aquæ haustum , nihil aliud sibi penitus permit-
 „ tebat . Nec illud silentio prætereundum , quod jejuniorum tempore eam
 „ sibi præscriperat rigidissimam legem nulla unquam ratione violandam ,
 „ ut ad vesperas , nisi fortè sequenti die concionatus , à cibis omnibus
 „ abstinenter . Neque magis indulxit somno , quam cibo ; Eo enim usus est
 „ ita parco , ut , cum orationi , lectioni scribendisque concionibus ma-
 „ ximam noctis partem tribueret , tres , ad summum quatuor horas in
 „ faccio stramineo provolutus dormitando consumeret .

„ Adeo igitur mortificatus carne cum foret , illud Fidelis est conse-
 „ cutus , ut spiritu vivificatus non solùm intactum illibatumque ab omni
 „ mortifera peccati labे corpus animumque servaverit , sed promptior
 „ alacriorque in Deum elevaretur . Usque enim adeo oratione cum voca-
 „ li , tum mentali delectabatur , ut nec diu , nec noctu invictum ab ea
 „ spiritum relaxaret . Præter horas canonicas ab Ecclesiæ , & Franciscanæ
 „ Familiæ Ritu præscriptas , quas simul cum ceteris Fratribus gravi-
 „ ter decenterque psallendas in choro curabat , ea etiam officia recita-
 „ re solitus , quæ beatæ Mariæ Virginis , sanctoque Francisco sunt pecu-
 „ liaria , ab iis nullis unquam diebus abstinuit ; quin etiam post comple-
 „ tas nocturno tempore eas laudes , quæ Matutinæ dicuntur , ceteris cu-
 „ bitum repetentibus , ipse in Ecclesia coram Sanctissimo Sacramento fle-
 „ xis genibus perseverans , sanctæ orationis studia usque ad auroram pro-
 „ sequebatur . Divina verò mysteria tanto mentis ardore , tantâ sui spiri-
 „ tus suavitate meditabatur , ut contemplatione aliquando defixus atque
 „ in Deum raptus immobilis multo tempore permaneret . Porro qualem
 „ ac quantum suavitatis odorem Fidelis orationes emitterent coram Do-
 „ mino , ex eo facilè dignosci potest , quod , duo solitus cum fuisset ab
 „ eodem enixis precibus postulare , scilicet , ut vitam ab omni peccato
 „ immunem traduceret , fidemque suo sanguine confirmaret , utriusque
 „ voti compos effectus est .

„ Neque verò in hac claustralî tantum , atque domestica vivendi ra-
 „ tio-

„ tione , quam non interrupto exercitio virtutum usque ad exitum vitæ
 „ est prosecutus , ultimam perfectionis atque virtutis suæ metam sitam
 „ esse Fidelis voluit ; sed , quod magis mirandum est , eam cum admirabilis quadam Proxi morum charitate conjunxit . Nunquam igitur magis exultare in Domino videbatur , quām cūm ægrotos inopes Homines inviseret , solaretur , blandis piisque sermonibus recrearet : Detentis in carcere ea , quæ poterat , cūm animæ , tum corporis solatia conferret : Collectis ex Divitibus eleemosynis aliorum inopiam omnium ipse pauperrimus sublevaret : Viduarum & Pupillorum causas apud ipsos etiam Principes promoveret . Austriacas Copias pestilens quidam gravolensque morbus invaserat , quo correpti miserandum in modum Milites squalore confecti , viribus debilitati , omni destituti auxilio , vel in nuda humo , vel super tabulas , ut apud Milites moris est , decumbere cogebantur . In hac tanta miserorum Hominum calamitate expli care quis satis possit , quantum Fidelis charitas emicuerit ? Quos enim alii seu metu morbi , seu incredibili corporum sœtore repulsi diligenter declinabant , eos ipse singulos sæpiissimè invisere , eorum ulceræ pertractare , eorum tabem abstergere , eorum pedes lavare , eorum confessiones in terram pronus excipere , eorum sanitatem collectis undique delicioribus cibis , conquisitis undique opportunitoribus medicaminibus procurare , eorum necessitatibus subvenire omni , qua poterat , ope tamdiu non destitit , quamdiu calamitas illa Vitchyrchii per severavit .

„ Verùm nullum unquam majus , præclariusque Fidelis dedit suæ in Proximos ardentissimæ charitatis argumentum , quām invicto illo , quo usus est , zelo in evellendis radicitùs ab eorum animis perversis quibusdam moribus , & orthodoxâ inter eos Religione tuendâ . Cum enim frequentissimis concionibus suis induratam scelestorum quorumdam Hominum Mulierumque pervicaciam infringere minimè potuisset , nihil veritus eorum minas , vitæ periculum nihil faciens , omni conatu adhibito , ab iis , quibus gubernanda commissa fuerat Civitas , decretum obtinuit , quo cavebatur , ut vel resipiscerent , vel Senatus consulto deleti a Civium numero in posterum exularent . Quin etiam cum plures Hæreticorum libri per Germaniam Italiamque postea evulgandi ad Vitchyrchienses Mercatores transmitten tur , publicèque prostarent , non modò effectum est Fidelis operâ , ut hoc illis eodem Senatus consulto fortiter inhiberetur , sed ubicumque in privatis etiam ædibus liberos hujusmodi reperiret , eos ipsem et suis manibus tollere secumque abducere non dubitabat .

„ Voluntariis hisce frequentibusque veluti pugnis atque conflitibus exercebat sese Athleta Christi fortissimus , præparabatque ad magnum illud periculosumque certamen , quod erat paulò post pro amplificanda Religione catholica subiturus . Non multos ante annos Rhæ-

„ ti , qui illam incolunt Alpium partem , qua Germania ab Italia dividitur , ex nimia cum Pagis Helveticis vicinitate , hærefoes peste contraria , infeliciter tabescabant . Quin etiam , cum jam prope esset , ut in vicinas catholicas Valles penetraret , maximè verendum erat , ne ob assiduam cum illis Populis consuetudinem & mercimoniorum commoditatem sensim omnem Cisalpinam Galliam labefactaret . Huic tam gravi morbo tantoque vitando periculo , cum magno præsentique remedio opus esset , re diligenter a Summis Pontificibus Paulo V. , & Gregorio XV. considerata , statutum est , doctos aliquot religiososque Viros in Rhætiam esse mittendos , qui Religionis zelo inflammati & evellerent , & dissiparent , & plantarent , & ædificarent . Quoniam autem diurno experimento compertum fuerat , Capuccinos , sicuti Apostolicam vivendi formam adeo egregiè & fideliter imitantur , ita omnium aptissimos esse Apostolicis hisce muneribus obeundis , ii potissimum inter ceteros delecti sunt , quibus id muneris committeretur . Cum verò inter Capuccinos ipsos morum integritatè , scientiarum splendor , vitae sanctimoniam , prudentiæ luce , linguarum peritiā , Religionis zelo unus Fidelis omnibus emineret , dubitandum diu non fuit , cui inter alios , tamquam Duci , hujuscemodi Provinciam Superiores Ordinis demandarent .

„ Eam autem quām forti alacrique animo Fidelis suscepereit , quām egregiè præconceptæ de sua virtute opinioni responderit , norunt ii omnes , qui imperterritā quādam corporis animique constantiā & diuturnos maximosque exantlantem labores viderunt , & certissima capitatis pericula subeuntem : Novit Ecclesia , quæ tot errantes miseros filios in viam salutis Fidelis operâ revocatos in finū suo lætissima excepit : Non runt Hæretici ipsi , qui , cum Spiritui sancto per Fidelem loquenti resistere minimè possent , egregium de ejus doctrina , sanctitate , zelo testimonium summā ipsius laude ferre coacti sunt . Et revera , ne pretiosissimo Christi Sanguine redemptas animas lucifaceret , suumque ministrium impleret , non hyemales montium asperrimorum altissimæ nives , non intentatæ ab Hæreticis minæ , non famæ , non nuditas , non sitis , non frigus , non persecutio , non gladius detergere potuerunt . Imbre madidus , sudore perfusus , viribus destitutus montana quælibet ardua concendebat , loca omnia nivibus & glacie quantumvis obsita penetrabat , & in ipsis Hæreticorum Templis catholicæ Fidei dogmata prædicare non verebatur .

„ Inter hæc verò , ut propositum sibi finem faciliùs assequeretur , & universam Provinciam brevissimo tempore ab omni hærefoes labe purgaret , in eo præcipuam operam duxerat collocandam ; ut Principes , & nobilissimi Regionis illius Homines ad saniorem mentem , ejuratis erroribus , primò revocarentur ; ut ii , qui apud Hæreticos Prædicantes vocantur , supremo Edicto Principis ab universa Rhætia exulare juberentur , ren-

„ rentur; ut omnes bis in hebdomada adesse catholicis dogmatibus expli-
 „ candis audiendisque concionibus cogerentur. Quæ omnia cum ipsi
 „ feliciter contigissent, stratum sibi gaudebat sanctissimus Vir amplissi-
 „ mam viam ad victoriam certissimè consequendam. Neque spe suâ fru-
 „ stratus est; licet enim eam inde victoriam non omnino fuerit consecu-
 „ tus, quam animo reputabat, triumphum tamen inde in semetipso re-
 „ tulit singularem. Inde scilicet factum est, ut scelestissimi quidam inter
 „ Hæreticos pertinacissimi, cum de rebus suis diffiderent, si diutius Fi-
 „ delis viveret, furore in sanctissimum Virum amentes de ipso mactando
 „ nefarium consilium inirent, atque executioni mandarent.

„ Vitchyrchio, quò se ad paucos dies contulerat, redux in Rhætiam
 „ Fidelis, peragratiss aliquot Oppidis, pluribusque concionibus habitis,
 „ in Pago quodam (Luceyn Incole dicunt) tunc sortè constituerat con-
 „ cionaturus. Interea ex vicino Seviensi Pago delecti sunt, qui Fidelem
 „ pietatis simulatione adeentes rogarent, ut Dominicâ primâ ad eorum
 „ Ecclesiam sese conferret concionem ad Populum instituturus. Quin
 „ etiam, quò facilius scelestissimi Homines voti compotes fierent, mul-
 „ tis pollicentur, se dicto audientes futuros, nihilque prætermissuros,
 „ quod ipse faciendum præstandumque proponeret. Intellexit quidem
 „ Vir prudentissimus, se fraudibus & insidiis circumveniri, quod po-
 „ stea ipso rei exitu probatum est. Sive verò, quam tamdiu concupive-
 „ rat, Martyrii palmam sibi tandem oblatam respuere minimè vellet, sive
 „ Apostolico, quo fungebatur, muneri aliqua ex parte deesse videri nol-
 „ let, illorum simulationi morem gerendum putavit.

„ Postero itaque die, cum in primis Rem Deo sacram fecisset, pro-
 „ fectus ad Ecclesiam in Sevis concionem ad frequentissimum Populum
 „ habiturus suggestum ascendit. Ibi verò patefactis subito insidiis, tem-
 „ pus illud præsens esse cognovit, quod prophetico illustratus lumine
 „ venturum saepe prædixerat, quo scilicet sibi erat, illata ab Hæreticis
 „ crudeli nece, obeundum. Vix enim in Rostris fuit, cum hæc verba
 „ certissimum imminentis mortis indicium ibi inscripta perlegit: *Hodie
 „ prædicabis, & non amplius.* Qua tamen re ceteri animum despondissent,
 „ & periculi magnitudine territi mente concidissent, tantum absfuit, ut
 „ Fidelis commoveretur, quin etiam cœlesti inflammatus charitate ere-
 „ ctus & confirmatus est. Divinâ igitur virtute fretus, majoremque
 „ præter consuetudinem alacritatem ostendens, impavidus concionem
 „ sacram aggreditur: Cum subito armata hominum Hæreticorum manus
 „ impetu repentina in Ecclesiam irrumpit, altissimos insanosque cla-
 „ mores tollit, ingentique concitato tumultu adstantem Populum incre-
 „ dibili terrore & confusione perturbat: Quin etiam audacior quidam
 „ & furibundus, ignito globulo contra Fidelem exploso, eumdem in ipso
 „ suggerito trahicere conatus est. Cum verò globulus, eo inoffenso, con-
 „ tra Sicarii mentem fuisset aliò delatus, Fidelis periculo, quod decli-

„ nare non poterat , animadverso , invictum sedatumque animum gerens
 „ inter Populi strepitum clamoresque descendit , & ante majorem aram
 „ flexo utroque genu procumbens , certissimè moriturus se , Catholicos ,
 „ suosque ipsosmet hostes hæreticos Domino commendavit . Veritus ve-
 „ rò , ne in tantâ rerum perturbatione atque tumultu multi , qui ex Ca-
 „ tholicis aderant , sui causâ mali aliquid paterentur , per patentem ex
 „ Ecclesiæ latere portam egressus est . Vix autem secesserat aliquantulum
 „ e Templi foribus , cum furore amentes , crudelitatem rabiemque toto
 „ ore spirantes nefarii quidam Fidelem circumveniunt , ensibus ferratis-
 „ que fustibus immanissimè cædunt , & repetitis frequenter ictibus tamdiu
 „ contundunt , quamdiu vulneribus supra viginti saucius suo sanguine fœ-
 „ dissimè inaculatus , oculis ad Cœlum , quoad poterat , paulò sublatis ,
 „ animam , plaudentibus & mirantibus Superis , exhalavit octavo Kalen-
 „ das Maji anno salutis nostræ millesimo sexcentesimo vigesimo secundo.

„ Porro quanta fuerit in obeundâ morte Fidelis animi magnitudo ,
 „ ipsi Hæretici satis norunt atque testati sunt . Cum enim quidam ex illa
 „ Sicariorum cohorte gloriabundus in omnium cœtu narraret , Fidelem
 „ præsentissimæ mortis aspectu nec territum , nec perturbatum , imò hi-
 „ lari lætoque vultu in suo corpore vulnera quælibet excepisse , Hæreti-
 „ cus præco tantâ commotus animi fortitudine , ejuratâ illico hæresi ,
 „ Catholicus effectus est .

„ Sacrum Martyris corpus prope eumdem locum , ubi fuerat inte-
 „ remptus , primò sepultum , ad Ecclesiam deinde Curiensem ab Austria-
 „ co exercitu triumphali pompâ delatum est die quintâ Novemboris ejus-
 „ dem anni , Clero universo Populoque euntibus obviam , illudque eâ
 „ insigni veneratione prosequentibus , quæ tanto Christi Martyri debe-
 „ batur .

„ Hæretici verò diuturnam ex tanto facinore voluptatem capere mi-
 „ nimè potuerunt ; Cum enim a Leopoldo tunc temporis Austriae Archi-
 „ duce per summum nefas defecissent , collectisque copiis adversus Au-
 „ striacos arma cœpissent , dum signa cum ipsis conferunt , sese illis , tam-
 „ quam Austriaci exercitus Caput , spectandum Fidelis præbuit divino
 „ lumine circumfusum , ense manu vibrantem aspectuque eos terribili-
 „ minitantem : Quem cum inter ceteros ipsem Hæreticorum Dux suis-
 „ set intuitus , territus & semianimis fugam statim capeſſere coactus est .
 „ Cujus rei fama multorumque insignium miraculorum , quæ ad mani-
 „ festandam sui Martyris gloriam a Deo patrata fuerant , longè latèque
 „ vagata , summo postmodum suit Principibus Populisque incitamento ,
 „ ut tanti Martyris patrocinio se multis precibus commendarent . Quo-
 „ niam verò eos inter Operarios , qui excolendam vineam Domini jussu
 „ Sacrae Congregationis de Propaganda Fide suscepserant , primus Fidelis
 „ fuerat , qui eam proprio sanguine irrigaverat & fœcundaverat ; Hinc ,
 „ ut etiam de seipsa tam benemerito Protomartyri suo maiores , quas in
 „ terris

„ terris poterat , grati animi vices eadem Congregatio rependeret , ejusdem operâ subitò factum est , ut de eo inter gloriose Christi Martyres res recensendo ageretur . Quod ut citius obtineretur , dato ad Urbam VIII. Pontificem Maximum supplici libello , Sacra eadem Congregatio impetravit , ut omissis iis Processibus , qui auctoritate ordinaria fieri consueverunt , Apostolici tantum conficerentur .

„ Ii verò probè ritèque confecti cum fuissent , & ad Urbem delati , cumque ad rigidissimum examen de more revocata fuissent cum martyrium & causa martyrii , tum signa atque miracula , quæ ipsum fuerant consequuta , demum in generali Rituum Congregatione coram Benedicto XIII. Pontifice Optimo Maximo habitâ die vigesimâ quartâ Mensis Februarii anni millesimi septingentesimi vigesimi noni decretum est : *Constat* , quòd in odium catholice Fidei interemptus verè Fidelis fuerit ; quatuorque ex pluribus adprobata miracula . Primum est , quòd exorto in arce Majenfeldensi maximo incendio , post invocatam Fidelis opem statim extinctum est . Secundum , quòd cum Soror Cæcilia Münzingerin Sanctimonialis Ordinis Cisterciensis mamillam dexteram horribili quadam modo inflamatam haberet , doloresque acerbissimos patet , invocato Fidelis auxilio , statim tumor omnis , omnis dolor evanuit . Tertium , quòd , cum insanitus Franciscus Papuſſin vix in lucem editus dexterum oculum primò fluentem , mox densâ suffusione obnubilatum habuisset , foramen quoque in medio ocelli conspectum de humore crystallino profluente suspicionem maximam ingessisset , Medicus verò , tamquam re desperatâ , opem ferre recusavisset , Matre ad Fidelis opem confugiente atque voente , se diem vigesimam quartam Aprilis , qua martyrium passus fuerat , inter solennes habituram , soluto voto , Puer ita sanatus est , ut nullum in oculo remanserit præteritæ infirmitatis indicium . Quartum denique , quòd , cum Gaspar Stigher ex Pago Gisingensi quinque annorum spatio laterum tergorumque tam acerbo dolore fuisse afflictus , ut cuique labori , imò etiam motui impotens esset , postquam se Fidelis patrocinio commendavit , eoque gladio contactus fuit , quo dicebatur fuisse percussus , illico pristinæ sanitati primisque viribus restitutus est .

„ Quapropter , cum Sacra eadem Congregatio Servum Dei inter Beatos solenni Ritu recenseri posse dixisset , idem Benedictus XIII. , dato diplomate , die decimâ secundâ Mensis Martii anni millesimi septingentesimi vigesimi noni de Fideli Beatorum fastis adscribendo Decretum emisit , indulxitque , ut in universo Ordine Minorum S. Francisci Capuccinorum , in Urbe Curiensi , Sigmarinæ , Friburgi , atque Vitchyrchii in ejus honorem Officium ac Missa de communi unius Martyris quotannis anniversariâ illius mortis die recitaretur . Percrebrente verò postmodum illius sanctitatis famâ , Pontifícia sanctione permisæ sunt propriæ de beato Fideli martyre Lectiones a Sacra R-

„ tum

„ tuum Congregatione , auditio Fidei Promotore , adprobatae , ejusque
 „ nomen una cum illis , quæ in Romano Martyrologio leguntur , annu-
 „ meratum .

„ Causâ iterum reassumptâ , novi paulò post efformati fuerunt Apo-
 „ stolicâ auctoritate Processus , ut , quæ post cultum indultum diceban-
 „ tur patrata , miracula probarentur . Itaque post perpensam diligenter
 „ admissamque eorum validitatem , ad examinandam eorumdem miracu-
 „ lorum veritatem atque substantiam deventum est : Cumque in pluribus
 „ Congregationibus fuissent bene discussa , & in ultima generali duo ex
 „ quatuor plenis Patrum suffragiis adprobata , tandem aliquando die de-
 „ cimâ octavâ Mensis Januarii anni millesimi septingentesimi quadragesimi
 „ quarti Sanctissimus Dominus Noster BENEDICTUS XIV. Pontifex
 „ Optimus Maximus peculiari Decreto suo Apostolicæ confirmationis iis
 „ robur adjunxit . Primum ex iis suit Fr. Carolus a Mediolano ex Ordine
 „ Capuccinorum Professus a morbo epileptico , quo per decennium labo-
 „ raverat , momento sanitati pristinæ adeo restitutus , ut infirmus fuisse
 „ nullatenus videretur . Alterum in Josepho Kirner Puero quadrienni pa-
 „ tratum est : Hic enim ob rachitidem triennalem omnem pedum usum
 „ amiserat ; sed a Mâtre ad Ecclesiam Capuccinorum cum fuisset ductus ,
 „ beatoque Fideli ante ejus imaginem servidis precibus commendatus ,
 „ consolidatae subito sunt bases ejus , relictisque , quibus corpus regebat ,
 „ fulcris , ita rectè ambulavit , ut suis ipse pedibus Domum redierit , sa-
 „ nusque semper incesserit .

„ Postremò , cum die vigesimâ quartâ Mensis Martii ejusdem anni in
 „ generali Congregatione coram Sanctitate Sua solennem beati Fidelis
 „ Canonizationem tutò perfici posse Patres unanimes affirmassent , eadem
 „ Sanctitas Sua preces priùs ipsa fundere statuit , & ut a Christifidelibus
 „ funderentur indixit . Die demum vigesimâ quartâ Mensis Aprilis , qua
 „ Martyrii beati Fidelis anniversaria memoria recolitur , cum in Ecclesia
 „ Capuccinorum fecisset Sacrum ad illud Altare , quo ejusdem beati Mar-
 „ tyris Reliquiæ erant expositæ publicæ Fidelium venerationi , Decretum
 „ expediri mandavit , ut Sanctorum Albo idem Fidelis adscribi posset . Pro
 „ cuius Decreti executione post Regum , Principum , Sacræque Congre-
 „ gationis de Propaganda Fide supplicationes usque a causæ initio sanctæ
 „ Sedi porrectas , humillimas etiam preces suas reverenter exponit tota
 „ Capuccinorum Familia .



C O M P E N D I U M

Vitæ , Virtutum , & Miraculorum , necnon Actorum in Causa
Canonizationis BEATI CAMILLI de Lellis Fundatoris
Clericorum Regularium Ministrantium Infirmis .

Ex Secretaria Congregationis Sacrorum Rituum .

„ **B** Uclanici , quod Oppidum satis honestum est Theatinæ Diœcesis in
„ Regno Neapolitano , natalem diem sortitus est Camillus de Lellis
„ octavo Kalendas Junii anno salutis millesimo quingentesimo quinqua-
„ gesimo . Qualis autem futurus esset , divinis pluribus præsagiis , ante-
„ quam nasceretur , ostensum est : Inter quæ illud est celeberrimum , quòd ,
„ dum eum Mater haberet adhuc in utero , visa est sibi Puerum peperisse
„ gestantem Crucem in pectore , quem præeuntem , veluti Ducem , se-
„ quebatur ingens puerorum turba cādem Cruce condecorata . Et revera
„ tanto præsagio certa spes visa est effulgere . Sacro siquidem fonte rena-
„ tus , & a Parentibus piè ingenuèque educatus , tale de se Puer speci-
„ men præbuit indolis facilitate & morum integritate , ut verè præven-
„ tus a Domino in benedictionibus dulcedinis judicaretur . O tamen dif-
„ ficilem in adolescentia Hominis viam ! Nondum pubertatis annos Ca-
„ millus attigerat , cum sensim in vitia deflectens , ita perditè cœpit aleis
„ indulgere , ut dies noctesque in iis impenderet . In qua pessima se-
„ quenda vitæ ratione cum se postea eo tempore confirmasset , quo Pa-
„ trem secutus nomen militiae dedit , multò tamen adhuc vehementius ,
„ Patre paulò post morte sublato , summo suo jure ad otium & aleas
„ abusus est . Quo tempore illud maximæ suit omnibus admirationi , quod
„ ab execrando blasphemiae vitio semper abhorruit . Divino tamen judicio
„ atque permisso sortem adeo infensam & iniquam in aleis expertus fuit ,
„ ut , profligato quamcitissimè patrimonio , universâque domesticâ re-
„ consumptâ , debuerit Romæ in Nosocomium sancti Jacobi Incurabi-
„ lium secedere non tam , ut ab ulcere , quod in tibia itinerando contra-
„ xerat , convalesceret , quām ut Infirmis famulando in abjectissimis mi-
„ nisteriis suorumque natalium conditione alienissimis sibi victum quo-
„ modolibet procuraret . Cum verò naturâ , voluntate , consuetudine ad
„ aleas raptus se ab iis cohibere non posset , & Superiorum monitis nihil
„ proficeret , ne simili peste ceteros labefactaret , a Nosocomio dimis-
„ sus est .

„ Româ in Dalmatiam profectus cum esset , & Castra Veneta con-
„ tra Selynum Turcarum Tyrannum secutus , a præsentissimis , quæ in
„ variis conflicationibus obiit , mortis periculis divinitùs liberatus , an-
„ no tandem millesimo quingentesimo septuagesimo quarto in Regiis tri-
„ remibus

„ remibus Neapolim appulit . Illic reliquâ suâ re omni in aleas projectâ ,
 „ ne ipso quidem excepto , quo operiebatur , indisio , seminudus & re-
 „ rum omnium egentissimus Manfredoniam secessit . In ea Urbe ex Pa-
 „ trum Capuccinorum charitate in eorum Cœnobio receptus , cum ad
 „ vilissima quæque Conventus ministeria adhiberetur , brevi laboriosæ
 „ ejus vitæ pertæsus , pristinam libertatem & anteactæ vitæ licentiam
 „ animo meditabatur . Clementissimus tamen Dominus , a quo Camillus
 „ ad tantam Proximorum utilitatem suique ipsius gloriæ præordinatus
 „ fuerat , ut diutius erraret in invio , non passus est .

„ Ex Castro sancti Joannis , quò Superioris jussu se Camillus contu-
 „ lerat , jumento insidens quadam die Manfredoniam revertebatur : Cum
 „ ejus animum nunquam magis quàm eo tempore a meliori fruge re-
 „ motum inopinata & vehemens circumfulsit de Cœlo lux , anteactæ
 „ vitæ ignorantias objecit ipsi ante oculos contemplandas , permovit ,
 „ perterrefecit , eaque specie concussum ac deturbatum humi prostra-
 „ vit : Tum in salutarem ipsum compulit doloris amaritudinem ; qua ex
 „ Saulo in Paulum , ex vase iræ in vas misericordiæ illico pertransiret ,
 „ Vera mutatio dexteræ Excelsi ! cum deinceps ne leviter quidem amplius
 „ deliquisse perhibeatur . Ut ergo stetit ex eo lapsu , Manfredoniam re-
 „ versus ad Superioris pedes provolutus , de induendo ejus Religionis ha-
 „ bitu qua precibus qua lacrymis impetravit .

„ Vix itaque compos voti factus , orationis , pœnitentiæ , præcipue
 „ verò evangelicæ humilitatis studio ita brevi profecit , ut proprio quasi
 „ nomine Frater Humilis appellaretur . Interim verò pristino illo ulcere
 „ in tibia recrudecente , cum in eo curando omnis Medicorum opera eva-
 „ deret irrita , proindeque austero illi ac planè laboriosissimo vitæ Insti-
 „ tuto impar judicaretur , ex eorum Patrum sententia dimissus semel &
 „ iterum fuit . Rem æquo quidem animo tulit Camillus , ut erat Deo
 „ conformis ; sed Capuccinos novis adhuc precibus etiam atque etiam
 „ rogare tamdiu non destitit , quamdiu ex Dei voluntate non esse intelli-
 „ gens , ut in illo viveret Ordine , Romam iterum cogitavit .

„ Huc ut venit , cum is , qui hominum corda regit Deus , res ita di-
 „ sposuisset , ut eidem Nosocomio , a quo paucos ante annos ignominiosè
 „ exulaverat , nunc honorificè OEconomus præficeretur , dici vix potest ,
 „ quàm sedulum diligentemque sese in tali munere præstiterit admini-
 „ strum . Non solùm siquidem ea omnia Infirmis remedia procurabat ,
 „ quibus tum corpus ad salutem juvaret , tum spiritum ad Deum erige-
 „ ret , sed eas omnes delicias diligentissimè conquirebat , quibus a morbi
 „ molestia relevarentur . Hinc ipsem iis semper adesse : Eos , qui maxi-
 „ mè stomachum provocarent , morbos minimè fastidire : Ulcera tabo ma-
 „ nantia attrectare , tergere , circumligare , sovere : Omnes adhortari ad
 „ patientiam : Omnibus quàm vehementem poterat Dei amorem insi-
 „ nuare & ingerere : Eos potissimum , qui in vitæ discrimine versarentur ,
 „ sacra-

,, sacramentalis gratiæ refectione stabilire in gratia & charitate: si pen-
 ,,, derent animis, revocare in spem: si benè rebus suis confiderent, con-
 ,,, firmare: vindicare a rugitu circumeuntis Leonis, liberare a perditione,
 ,,, ac planè rapere ad gloriam.

,, Hæc autem ipse dum ageret sponte solisque impulsus stimulis
 ,,, charitatis, vehementissimè non poterat non dolere, quod ii, qui multa
 ,,, mercede conducebantur, ut in Infirmorum cura omnem impenderent
 ,,, operam, negligentiùs & minùs accuratè, quam par erat, suo munere
 ,,, fungerentur. Hinc mercedem si ipse proposuisset æternam, tum demum
 ,,, intelligebat, fore ut id ipsum, quod a lucro temporali præstari non po-
 ,,, terat, sola illa, quæ omnia suffert, omnia patitur, patiens est atque
 ,,, benigna, charitas facile assequeretur. Re communicata cum S. Phi-
 ,,, lippo Nerio, quo & Confessario & Consiliario in rebus omnibus uteba-
 ,,, tur, paucisque aliquot ejusdem Nosocomii Ministris, facile omnes ad
 ,,, Camilli accessere sententiam, consenseruntque ineundam aliquam ex
 ,,, Laicis hominibus societatem, qui solo ducti spiritu charitatis in id
 ,,, unum incumberent, ut Infirmis jacentibus in Nosocomiis opem omnem,
 ,,, omnem operam diligentiamque præstarent. Cum igitur ii ipsi, qui
 ,,, consilio adhibiti fuerant, Nosocomii Ministri primi post Camillum in
 ,,, eam Sodalitatem (Confraternitatem ipsi vocabant) dedissent nomen,
 ,,, erecto in quodam ejusdem Nosocomii cubiculo devoto Altari, apposi-
 ,,, tâque Christi Domini de Cruce pendentis imagine, illuc cum iis con-
 ,,, venire Camillus cœpit, & prima veluti designare amplissimi Ordinis
 ,,, fundamenta. Crebris porro ibidem pietatis orationis & pœnitentiae
 ,,, exercitationibus spiritum reficientes, castigantesque corpus, dici vix
 ,,, potest, quantâ deinde alacritate gestientes, quantâ charitate æstuans
 ,,, Evangelici jam planè homines illinc Infirmis ministraturi egredie-
 ,,, rentur.

,, Verùm qui stat exadverso operum Christi inimicus Belial, quas
 ,,, non movit in novam hanc Christi segetem tempestates, quas turbas non
 ,,, excitavit, quæ neglexit superseminare zizania? Despondisset profectò
 ,,, Camillus animum, ejusque promovendi Instituti omni spe decidisset,
 ,,, nisi, quo auctore sanctum facinus capessere non dubitaverat, eum-
 ,,, dem non habuisset in supremis angustiis vindicem ac planè statorem
 ,,, Deum.

Ante Crucifixi imaginem fese Camillus quadam die provolverat,
 ,,, eumque enixis precibus orabat obsecrabatque, ut præsto esset afflito
 ,,, operi suo, opem necessariam afferret, & ab hostium impetu jam fer-
 ,,, mè obrutum relevaret, tutaretur, confirmaret. Hæc autem cum inter
 ,,, lacrymas supplex Camillus effunderet, claris distinctisque vocibus ex
 ,,, eadem imagine sibi loquentem audire Christum Dominum meruit, se-
 ,,, que non adhortantem modò, sed etiam penè increpantem his verbis:
 ,,, *Eja pusillanimis, quid times? incepsum opus prosequere.* Ex quibus Christi

„ Domini vocibus quantam Camillus acceperit alacritatem, luculenter satis ostendit summa illa, qua deinceps in rebus difficillimis usus est, animi fortitudo atque constantia .

„ Ac primò quidem ex gravissimo S. Philippi Nerii consilio initiari Sacerdotio cùm déterminasset , nec ignoraret magnum in regno Cœlorum vocari nullum posse, nisi qui similis parvulis efficeretur, hinc minime puduit hominem triginta duo annos natum in Collegio Romano scholas adire & frequentare , ut non solum, prout ibi moris est , in literis proficeret, sed quod summopere optabat, majora in dies ad pietatem incitamenta referret . Summa igitur auctus Sacerdotii dignitate , cum jam certum constituisset in quadam Urbis parte Congregationis suæ domicilium , & quamplures alii egregia virtute Ecclesiastici viri ad Camillum accessissent voluntariæ ejusdem charitatis victimæ, binas a Sixto Pontifice Maximo hujus nominis Quinto obtinuit Apostolicas Litteras: Primas quidem , quibus eam esse voluit & declaravit piorum hominum Congregationem , cui qui nomen darent , voluntariam paupertatem , castitatem & obedientiam sponte nullaque votorum sponsione proficerentur , addictique pauperum quorumcumque ægrotorum famulatui iis sublevandis tempore etiam pestis occuparentur : Alteras verò quibus peramanter indulxit, ut Cruce pectus insignirent . Cum verò frequentior in dies ad Crucis vexillum multitudine confluueret , & in ampliorem domum ad sanctam Mariam Magdalenam in Regione Columnæ Congregatio migrasset , Gregorius XIV. incredibili illius in christianum populum utilitate permotus anno Domini millesimo quingentesimo nonagesimo primo eam in perfectam Religionem erexit . Quo factum est , ut maximum subito sumpserit incrementum , & brevi per Italiam universam, per Siciliam exterisque Provincias amplificata fuerit & stabilita.

„ Quàm verò opportunè eo tempore hujusmodi novum Ordinem per Camillum Deus excitavisset , non multò post Italia universa & ipsa potissimum Roma planè intellexit atque experta est . Cum enim anno quarto ab ipso Ordine constituto ea Urbs summâ annonæ caritate labravisset ; dirissima inde consecuta fuisset pestis , quâ aliquot hominum millia consumpta sunt , explicare quis satis possit quantâ in Proximos exarserint charitate hujusmodi Religiosi homines Camilli virtute exemplo inflammati , quot suscepient pro omnium salute labores , quot præsentissima adiverint mortis pericula , quot ab ipsis mortis faucibus eripuerint , quot eorum ope infidias Dœmonum frustrati sint , quot terrenum exilium cum cœlesti patria commutarint ? Fœda profectò tunc erat Urbis facies ; ubique vastitas , ubique horror, ubique luctus ; plena languentibus Nosocomia , plenæ semitæ , plenæ domus ; tecta , compita , fora morientium gemitibus resonabant . Quin etiam eò calamitatis deuentum erat , ut quibus pestem evadere datum fuerat , fame occumbere cogerentur , multique reperti sint , qui bestiarum more ex crudis „ nullo-

„ nulloque habito delectu herbis viverent & vescerentur . In tam luctuo-
 „ sa verò Urbis calamitate Camillus Religiosique ejus asseclæ quām pul-
 „ chrum atque jucundum de semetip̄sis Deo & Angelis præbuere spe-
 „ ctaculum ! Quo enim tempore incredibilis quidam terror atque formi-
 „ do cunctorum pervaserat animos , cum de sua quilibet salute anxius co-
 „ gitaret , cum alii fugâ , alii testis sese tueri studerent , Camillus agmen
 „ ducens suorum Religiosorum pro salute publica se devovit . Ipse con-
 „ quirere in stabulis cryptisque jacentes inopes homines : Ipse iis si esuri-
 „ rent panem frangere , si ægrotarent suis sublatos humeris in Xenodo-
 „ chia transferre : Ipse nova erigere Nosocomia , necessariisque instruere
 „ rebus omnibus tum in ipsa Religionis suæ domo , tum in ea quæ est ad
 „ sanctum Sixtum Regione , tum in Rhedarum via : Ipse non solùm omni-
 „ bus Nosocomiis adesse , sed privatas etiam quaslibet domos invisere ,
 „ portisque occlusis per fenestras , scalis adhibitis , penetrare : Ipse singu-
 „ lorum plagas curare , luem abstergere , lectos purgare : Ipse eos qui mi-
 „ ferandum in modum morbo inficerentur , suis ipse complexos manibus ,
 „ suas ipse inter ulnas aliò transferre , novisque lectulis collocare : Ipse
 „ denique ubique voce , ubique opera , ubique animo , ubique omnibus
 „ præsto esse consilio : Jacentes recreare , valentes alere , constitutos in
 „ mortis angustiis in spe & fide confirmare , migrantisque ex hac vita
 „ animas apud Deum orationibus , sacrificiis precibusque juvare ; omnium
 „ bono consulere , sibi soli deesse , se solùm negligere , omni posthabita
 „ sui corporis suæque valetudinis ratione .

„ Singularia profectò sunt hæc in Camillo argumenta ardentissimæ
 „ charitatis : Non sunt tamen unica . Cum anno millesimo quingentesimo
 „ nonagesimo octavo eo usque intumuisset Tiberis , ut primas in Xenodo-
 „ chio sancti Spiritus cameras , ubi jacebant Infirmi , jam occupasset , ac in
 „ altiora contendere minaretur , in hac recenti atque inopina Infirmorum
 „ calamitate quid non aggressus est pro eorum salute Camillus ? Impavi-
 „ dus in aquas ulceroso etiam crure profluiens per tres integros dies in
 „ hac una fuit molestissima plenaque immensi laboris opera , ut Infirmos
 „ eorumque grabatos suis humeris exportatos in tutiora atque salubriora
 „ loca transferret , mirantibus cunctis , quod aquæ multæ non potuissent
 „ Camilli extinguere charitatem .

„ Neque verò unius Urbis ambitu immensa tantæ charitatis ampli-
 „ tudo finiri potuit ac circumscribi ; sed Italiam universam complexa
 „ incredibili suit omnibus adjumento . Buclanicum Oppidum Patriam
 „ suam cum vehementer annonæ caritate affligi intellexisset , adfuit Ca-
 „ millus illico , opemque de Cœlo tulit & ubertatem , insigni miraculo
 „ Domino comprobante quām sibi Camilli charitas foret accepta . Fa-
 „ ctum enim est , ut exiguis fabarum agellus non solùm integro esurien-
 „ tique Populo alendo esset satis per multos dies , sed ex eo insuper ,
 „ quanta nunquam sperari poterat , earumdem copia colligeretur . Ge-

„ nuæ aliæ cum foret , audissetque pestem Mediolani grassantem , quam
 „ Urbem alii diligentissimè declinabant , in eam ipse summâ advolavit
 „ alacritate , ibique ea omnia , quæ Romæ expleverat , charitatis officia
 „ abundantissimè præsttit . Neapoli verò cum ageret , atque Nolanæ
 „ Urbi dirissimus morbus cœpisset ingruere , Camillus illico accurrit
 „ ejusdem summae charitatis vi atque impetu actus ac planè compulsus ,
 „ ut animam suam pro Fratribus suis poneret & devoveret .

„ His tamen ceteroquin amplissimis non contenta confiniis Camilli
 „ charitas , extra etiam Infirmos & Nosocomia effusa est . Egenis igitur
 „ opitulari Virginibus , derelictos tutari Pupillos , Vidiwas vindicare ,
 „ Nudos operire , Esurientes saturare , hospitio Peregrinos accipere , o-
 „ mnibus omnia fieri , ut omnes lucrifaceret Christo in spiritu patientiæ
 „ & charitatis , fuerunt jucundissimæ Camilli deliciae . Quorum charita-
 „ tis munerum obeundorum usque adeo amantissimus fuit , ut , cum innu-
 „ meris propemodum sumptibus sufficere minimè posset Religionis suæ
 „ paupertas , gravissimo ære alieno in Domino confusus illam saepè gra-
 „ vare non dubitaverit . Imò etiam illatas sibi a plurimis eorum causâ in-
 „ jurias cunctueliasque non modò æquanimiter tulit , sed detractores
 „ suos humilitate , charitate , patientiâ ita lenivit , ut ex infensis sibi
 „ Deoque amicissimos fecerit . Èâ enim semper fuit mente , eoque consi-
 „ lio omnia facinora capessebat , ut & prodeisset hominibus , & gloriæ
 „ Dei totis viribus procuraret . Hoc vel inde maximè intelligi potest ,
 „ quòd , si qui hæresi infecti in Nosocomiis aut alibi occurserent homi-
 „ nes , eos ipse quoad poterat , libentissimè primò juvabat , tum postea-
 „ quam in suam eos traxerat amicitiam atque familiaritatem , ita sensim
 „ alliciebat ad Catholicae Matris Ecclesiæ sinum , ut ii occultâ quadam
 „ divinæ lucis vi ab errore ad veritatem se se avocari & rapi quodam-
 „ modo faterentur .

„ Ceterum cum Camillus tam præclarè de omnibus mereretur , se-
 „ metipsum negligentius , injuriosiusque tractabat . Hinc , cum omnium
 „ morbis , omnium egestatibus majori , quo poterat , præsto esset auxilio ,
 „ sevissimam interim illam , quam ipse in crure ab adolescentia acceperat ,
 „ plagam , molestissimamque herniam non solum ad mortem usque negle-
 „ xit , imò verò singularem ex iis videbatur capere voluptatem : Hinc
 „ nullis unquam vestibus uti voluit , nisi maximè attritis , nullâ supelle-
 „ ctili , nisi quæ paupertatem Evangelicam redoleret : Hinc inediæ , &
 „ vigiliarum usque adeo patiens fuit , ut & perrarò ad vesperam se se refi-
 „ ceret , & simplicissimos eos cibos , qui afferebantur ad prandium , ma-
 „ xima ex parte cum Pauperibus communicaret , nec plures , quām qua-
 „ tuor horas ad quietem somnumque capiendum permitteret corpori :
 „ Hinc Regularis disciplinæ severissimus sui ipsius exactior nihil unquam
 „ de suarum Constitutionum observantia remittere voluit , tametsi famu-
 „ lando Infirmis occupatissimus .

„ In

„ In tanta tamen virtutum omnium luce id certè mirandum quām
 „ maximè , quòd de se rebusque suis tam abjectè sentiret , ut nec Ordin-
 „ nis Fundator a quoquam vocari vellet , & semetipsum non alio honorifi-
 „ ficentiori nomine & appellaret & crederet , quām peccatorem inter
 „ pejores pessimum , hominem indignum , qui inter homines viveret , ac
 „ planè destinatum æternis ignibus titionem .

„ Neque verò abjectissimam hanc , quam de se proferebat , opinio-
 „ nem ore tenus solum , sed etiam ipsâ re testabatur . Cum enim genera-
 „ lem adhuc Religionis suæ Præfecturam haberet , domi patinas tergere ,
 „ cubicula verrere , vasa immunda purgare , foris verò osliatim emendi-
 „ care , hæc demum ministeria decere in primis dignitatem suam existi-
 „ mabat ; Non enim per contentionem , neque per inanem gloriam , sed
 „ per humilitatem Superiorum se esse oportere cum Apostolo arbitraba-
 „ tur . Quin etiam posteaquam Religionem jam constituerat & stabili-
 „ verat , posteaquam laudatissimis per Summos Pontifices Constitutioni-
 „ bus exornaverat , posteaquam viginti septem annorum spatio contra
 „ omnem tenebricosi hostis impetum summo labore , studio , constantia re-
 „ xerat , auxerat , amplificaverat , tum demum Præfecturâ generali se ab-
 „ dicare , & inter ipsos , quos enutriverat & exaltaverat , Filios suos in
 „ forma servi esse voluit , petiit , & impetravit . Quo quidem tempore
 „ illud maximâ admiratione dignissimum visum est omnibus , quòd , cum
 „ Ordinis Fundator fuisset & Pater , talem se tamen Superioribus præsti-
 „ tit , ut verum obedientiæ & humilitatis exemplar Religiosis omnibus
 „ præluceret .

„ Summam porro , qua afficiebatur in Proximos , charitatem , sin-
 „ gularem , qua de se modestissimè sentiebat , humilitatem , immensus ille ,
 „ quo serebatur in Deum , vehementissimus amor penitus cumulavit . In-
 „ finitas sibi animas exoptabat , quas in diligendo Deo unicè impenderet .
 „ Quo factum est , ut , sive cum suis sive cum exteris sermonem haberet ,
 „ nil nisi quod Deum saperet , divinamque beneficentiam commendaret ,
 „ alloqueretur , rebusque omnibus , quæ ipsius oculis obversabantur , ad
 „ divinas laudes celebrandas , & ad cœlestem pulchritudinem contem-
 „ plandam excitaretur . Cum verò vel verba de Deo faceret , vel ejus im-
 „ mensitatem meditaretur , tanto cor ejus æstuabat ardore , ut , cum in-
 „ tra suos fines contineri non posset , foras etiam in vultum erumperet ,
 „ seque divino quodam splendore longè latèque radiante manifestaret .
 „ Quin etiam in aera quandoque elevatus atque suspensus mirabiles ecsta-
 „ ses patiebatur , in quibus & arcana cœlestia penetrabat , & eximiis a
 „ Deo gratiis illustrabatur . Divinæ siquidem bonitati consentaneum erat ,
 „ ut , qui pro gloria Dei & Proximorum utilitate in vinea Domini adeo
 „ laboraverat , amplissima hic etiam in terris præmia , fructusque percipi-
 „ peret . Quocirca prophetiæ , curationum , discretionis spirituum gra-
 „ tias cumulatissimè illi impertitus est Deus , quibus humilem voluit ipsius
 „ spi-

„ spiritum exaltare. Occultissima igitur quæ putabantur , tamquam ante
 „ oculos posita intueri , arcana in penitioribus animi latēbris delitescentia
 „ penetrare , morbos brevi prece , vel etiam solo tactu depellere , fami-
 „ liarissimum Camillo fuit . Imò etiam in summa rerum necessitate at-
 „ que egestate cum maximā fide jaq̄asset cogitatum suum in Domino , ab
 „ eodem meruit mirabiliter enutrirī . Cujusce rei ut unum exemplum
 „ adducam , multis aliis omissis : Ad Capuccinos in quodam loco , nocte
 „ ingruente , cum iter faciens divertisset , ii verò summā tum vini , tum
 „ panis penuriā laborarent , Camillo orante , factum narratur , ut & aqua
 „ in optimum vinum converteretur , & exiguo pane tum ipse , tum multi
 „ opiparè saturarentur .

„ Neque verò res solum inanimis Camilli voluntati obsecundarunt ,
 „ sed ipsi etiam Angelici Spiritus ad ipsius obsequia sēpissime descende-
 „ runt . Genuā quondam Florentiam proficiscens in altissima quadam pa-
 „ lude cum jam penē demergeretur , ab Angelo in forma juvenis appa-
 „ rente ab interitu unā cum Sociis ereptus traditur . Deturbatus aliās ex
 „ equo cum esset , & in maximo versaretur vitæ periculo , ne ad lapidem
 „ offenderet pedem suum , ab ipsis Angelorum manibus perhibetur ela-
 „ tus . Genuæ cum itidem esset , & ad Nepotem suum Buclanici tunc
 „ temporis commorantem dedisset epistolam , eadem die , qua scripta
 „ fuerat , ea redditā est : quod etiam Angelorum ministerio evenisse faci-
 „ lē putari potest . His gravissima accedit sancti Philippi Nerii auctori-
 „ tas & testimonium ; Ipse enim se oculis suis Angelos vidisse testatus
 „ est ipsorum etiam Camilli Religiosorum lateri adstantes , eaque omnia
 „ eorum auribus suggerentes , quæ dicebantur ab ipsis , dum Infirmis as-
 „ sisterent , & præfertim morientibus spiritualem opem afferrent .

„ Interea tamen tempus illud advenerat , quo cœlestes iidem Spiriti-
 „ tus , qui hic in terris Camillo infervire gestiverant , eumdem secum
 „ transferre in cœlestem Patriam festinabant . Quod cum cœlitùs sibi nun-
 „ ciatum esset , satis explicari non potest , quanto sp̄ritus sui fervore per
 „ actus certissimæ fidei , sincerissimæ spei , servidissimæ charitatis , assi-
 „ duâque rerum cœlestium contemplatione in occursum Domini se præ-
 „ paraverit . Per triginta tres igitur menses lentâ molestâque febri pa-
 „ tientissimè toleratâ , cum adesse jam intelligeret optatissimam illam
 „ diem , qua dissolveretur , & esset cum Christo , convocatis Religiosis
 „ suis , veniam ab iis humillimè priùs postulavit de cursu suo , ut aiebat ,
 „ pessimè consummato ; deinde verò plurima salutis monita circa Dei
 „ Proximique , præcipue verò Infirmorum charitatem , æstu divini cu-
 „ jusdam servoris plenissima communicavit . Postea verò Ecclesiæ sacra-
 „ mentis summo pietatis & religionis sensu suscep̄tis , brevi tolerato
 „ mortis agone , abscondit cum Christo vitam suam in Deo anno salutis
 „ millesimo sexcentesimo decimo quarto , die decima quartâ Julii , ætatis
 „ suæ sexagesimo quinto .

„ Au-

„ Audito ipsius obitu , cum maxima subitò omnis ordinis multitudo
 „ confluxisset ad Templum Sanctæ Mariæ Magdalæ pretiosum ejus ca-
 „ daver veneratura , clementissimus Deus multis miraculis , & insignibus
 „ beneficiis Sanctum suum voluit illico mirificare ; Inter quæ silentio
 „ præteriri non debet , quòd ad simplicem Camilli contactum , quotquot
 „ ab immundis spiritibus vexati ad ejusdem accessere cadaver , fuerunt
 „ illico liberati , iisdem spiritibus insignem Camilli virtutem & gloriam
 „ voce maximâ prædicare coactis .

„ Cum postmodum cœlesti lumine circumfusum se plurimis spectan-
 „ dum præbuisset , ejusque gloriam multis testari miraculis Deus minimè
 „ destitisset , agi cœptum est paulò post ejus obitum de eo inter Cœlites
 „ recensendo . Porro multis confessis ordinariâ & Apostolicâ facultate
 „ Processibus , eorumque validitate approbatâ , iisque de more benè di-
 „ scussis , post longum diuturnumque silentium , tandem a Benedicto XIII.
 „ P. O. M. die vigesimâ quartâ Julii anno millesimo septingentesimo vi-
 „ gesimo octavo , constare de Camilli virtute in gradu heroico declara-
 „ tum est .


„ Tum verò , cum miracula , quæ post obitum perpetraverat , in
 „ quæstionem producta fuissent , iis omnibus ritè validèque confessis , be-
 „ nèque perpensis , quæ ex Summorum Pontificum Decretis sancta sunt
 „ in solitis Congregationibus , die demum vigesima sextâ Septembbris anni
 „ millesimi septingentesimi quadragesimi primi BENEDICTUS XIV. P.
 „ O. M. duo ex novem propositis approbavit . Quorum primum est de
 „ undenni Puella , quæ cum Viterbii per septem menses afflictæ fuisset di-
 „ rissimo in naribus polypo , ex solo fili Camilli subculæ contactu con-
 „ valuit . Alterum verò de Catharinâ Dondula triginta annorum muliere ,
 „ quæ cum Romæ sexto gestationis mense malignâ febri correpta , inflam-
 „ mata item in pleura atque pulmonibus , imò etiam in gutture infeliciter
 „ ulcerata , ideoque fuisset ab omnibus Medicis conclamata , ex solo aquæ
 „ haustu , in quo pulvis ex cubiculo beati Camilli fuerat dissolutus , re-
 „ pente incolumis , viribusque pristinis assurrexit . Virtutibus itaque mi-
 „ raculisque luculenter probatis , cum tutò ad Camilli Beatificationem
 „ procedi posse Sacra generalis Congregatio Rituum judicasset , idem
 „ Summus Pontifex Decretum Beatificationis edidit die secundâ Februarii
 „ anni millesimi septingentesimi quadragesimi secundi , die verò septimâ
 „ Breve expediri mandavit .

„ Camillo itaque paulò post solenni ritu inter Beatos adscripto , cum
 „ a Deo ad Servi sui majorem gloriam nova quotidie miracula fierent , no-
 „ vique super his Processus Apostolicâ auctoritate constructi fuissent , post
 „ approbatam eorumdem validitatem de iis in pluribus Congregationi-
 „ bus actum est . Delatâ postmodum causâ coram Sanctissimo Domino
 „ Nostro die decimâ sextâ Martii anni millesimi septingentesimi quadra-
 „ gesimi quinti , ex tribus propositis duo censuit approbanda die primâ
 „ Maji

„ Maji ejusdem anni . Primum est instantanea salus Luciae Theresiae Pettii
 „ ex oppido Caprarolæ . Hæc cum asthmate laborasset ab ipsa nativitate,
 „ adeoque gravissimam respirandi difficultatem haberet , crescente postea
 „ ætate , tali ac tantâ variorum morborum accessione gravata fuit ac
 „ penè oppressa , ut fractis viribus omnibus miserandum in modum exte-
 „ nuata levissimis etiam laboribus esset impar : contracto insuper gibbo ,
 „ cum sanguinem unà cum pure coepisset expuere , Medicorum judicio
 „ de ejus salute desperatum est : cum verò illa invocato beati Camilli no-
 „ mine ejus opem implorasset , repente a morbis omnibus expedita , in
 „ tali ac tantâ constituta est valetudinis firmitate , tamquam si nullo un-
 „ quam morbo laboravisset .

„ Alterum verò miraculum contigit Margaritæ Castelli duodeviginati annorum Puellæ . Hæc siquidem hereditariam a Genitrice infecta quamdam traxerat ægritudinem , qua erumpentibus in diversis corporis partibus pustulis fanie taboque manantibus , toto deinde corpore per sanguinem labefactato , hæc ita coaluerant in unum ulcus , ut corpus a plaga minimè distingueretur : accedente postmodum acuta febri , cum nullus pharmachis locus esset , & Medicorum judicio brevi moritura crederetur , ejus funeri necessaria jam parabantur : Interim tamen beati Camilli ope a Matre , & a Sororibus imploratâ , illico tumor omnis a corpore inflato , tabentes crustæ a membris omnibus , febris a sanguine evanuerunt : quin etiam de lecto statim prossiliens , auctis integris viribus , eam valetudinem , quam nunquam habuerat , consecuta est .

„ Approbatis hisce miraculis , habitaque denuo coram Sanctitate Sua generali Congregatione die tertia Augusti ejusdem anni , cum unanimi consensu tutò ad Canonizationem procedi posse Patres existimas- sent , eadem Sanctitas Sua die ipsâ anniversariâ exaltationis suæ ad Petri Cathedram , quæ est decima septima ejusdem mensis , Decretum pro beato Camillo canonizando , & inter Sanctos referendo publicum fecit . Pro cuius Sanctissimi Decreti executione & complemento , præter Reges & catholicos Principes , enixè & humillimè supplicat universa Infirmis Ministrantium Familia .



C O M P E N D I U M

Vitæ , Virtutum , & Miraculorum , necnon Actorum in Causa
Canonizationis BEATI PETRI Regalati , Sacerdotis Professi
Ordinis Minorum , Regularis Observantiae inter
Hispanos Restitutoris .

*Ex Relatione Rotali , Decretis Sac. Rituum Congregationis ,
& Summorum Pontificum INNOCENTII XI.
& BENEDICTI XIV.*

„ IN Urbe antiqua , ac celeberrima Vallisoleti in Regno Castellæ natuſ
„ est Petrus Regalatus anno ſalutis noſtræ millesimo tercentesimo no-
„ nagesimo ex Parentibus optimis , nec minùs generis nobilitate conſpi-
„ cuiſ, quām christianā virtute clarissimis . De iis ſiquidem memoriæ pro-
„ ditum eſt , quōd inter ceteras , quibus excellebant , præclaras christia-
„ noque homine dignas animi dotes , adeo eos effusa in pauperes liberali-
„ tas commendaret , ut rem domesticam non procurare ad uſus ſuos , ſed
„ administrare ad ſublevandos inopes viderentur . Qui igitur hujuscemodi
„ beneficentiæ hofiis maximè promeretur Deus , antequam adeo miferi-
„ cordes animæ centuplum in Cœlis acciperent , talem iis impertitus eſt
„ Filium , in quo uno hīc etiam in terris duplia reportarent de manu
„ ſua , quique plenissimum ipsorum gaudium eſſet atque corona . Ablu-
„ tus enim sacramentali fonte Baptifimi nondum Petrus emerſerat ab in-
„ fantia , cum pietate erga Deum , observantiā erga Parentes , morum in-
„ nocentiā atque candore quām bonam fuiffet a Domino fortitus animam ,
„ non obſcurē ſignificavit . Tam præclaræ indolis facilitati egregia Ma-
„ tris institutio cum accessiſſet (ea enim , Patre paulò poſt morte ſublato ,
„ Filium fuſceperat chriſtianis virtutibus informandum) brevi factum eſt ,
„ ut Cœlites omnes , præcipuè verò Deiparam Virginem cultu singulari-
„ profequeretur , & eo , qui eſt initium ſapientiæ , sancto timore Domi-
„ ni ſupra ſuam ætatem mirabiliter emineret : Quin etiam Evangelicæ
„ jam tum perfectionis iter arripiens , non modò corpusculum continere
„ in ſpirituſ servitute , crebrā oratione Deum interpellare , juvenculo-
„ rum declinare conſortia diligentissimè fatagebat ; verūm etiam ſi quid
„ puerile , quodque ætatem ſuam ſaperet , vel patraſſet in opere , vel de-
„ liquiſſet in ſermone , adeo ſtatiſ contriſtabatur ad poenitentiam , ut ſui
„ ipſius rigidissimus vindex eas ſibi poenias indiceret , quæ magnis criminib-
„ bus expiandis ſatis eſſe potuiffent .

„ Decennis cum foret , ea nempe ætate , qua Parentum blanditiis ,
„ mundique illecebris allici primū Pueri ſolent , & irretiri , tantum ab-
„ fuit , ut Petrus ab his caperetur , quin iis aditum interclusit . Domesti-

„ cas igitur cœpit apertiū fastidire res omnes , avitos aspernari Regalatæ
 „ gentis honores , universas , quæ ex mundo sunt , despicere vanitates .
 „ Hinc mundo , opibus , nobilitati , ipsi etiam sibi charissimæ Genitrici
 „ vale dicere statuit , ut Crucem simul cum Christo Domino ad ardua
 „ Evangelicæ perfectionis culmina bajularet . Matrem itaque cum etiam
 „ atque etiam efflagitasset , ut se in Fratrum Minorum Cœnobium sece-
 „ dere pateretur soli Deo famulaturum ; illa verò molestissimè ferens ,
 „ quòd is , quem maximè diligebat , Filius tam immaturè a se divellere-
 „ tur , moras innecteret , atque protraheret , usque adeo per triennium
 „ eam precibus defatigare non destitit , donec tertio decimo ætatis sue
 „ anno voti compos effectus , mundo nuntium remittere permisus est .
 „ Itaque in Patrio Cœnobio Franciscanæ Familiæ dedit illico nomen , at-
 „ que uno post anno unanimi Religiosorum suffragio solennibus emissis
 „ votis (quod ante Tridentinum impuberi licuit) semetipsum Domino
 „ mancipavit . Tum verò religiosis virtutibus excolendis adeo incubuit ,
 „ ut cum brevi perfectissimum evasisset eorum exemplar , omnium in se
 „ oculos animosque converteret , ac planè in magnam raperet admiratio-
 „ nem . Evangelicum enim stadium tanta percurrebat animi contentione ,
 „ ut iis etiam longo intervallo antecelleret , qui meliora charismata æ-
 „ mulabantur , si quæ mundum aliquo modo sapere viderentur , ea non
 „ abjecere solum , sed perhorrescere : quæ verò ipsius animum ad Deum
 „ erigerent , ea studio maximo investigare & consecrari : si quandoque
 „ ejus virtus laudibus efferretur , conqueri & stomachari : si verò inju-
 „ rioliū tractaretur , ex ipso sui contemptu summam capere voluptatem :
 „ corpus flagellis , inediâ , vigiliis , ciliciis , atque omni pœnarum ge-
 „ nere excruciare : spiritum verò oratione continua reficere & recreare .

„ Quoniam verò non ignorabat , magnum in Regno cœlorum vo-
 „ cari neminem posse , nisi qui & faceret , & doceret , hinc , quam in se
 „ efformaverat divinam sanctitatis imaginem , eam in aliorum animos
 „ altè imprimere contendebat . Quamobrem , cum sanctissimam sui Or-
 „ dinis disciplinam ex humanæ naturæ infirmitate collapsam magna ex
 „ parte absoleuisse animadverteret , nihil unquam antiquius habuit , quām
 „ ut omne studium , omnem animum , cogitationem omnem in id potissi-
 „ mūm conferret , quo eam ad integratatem & splendorem pristinum re-
 „ vocaret . Quam quidem mentem Regalato divinitùs inditam fuisse ex
 „ eo maximè patuit , quòd , dum ipse tanti momenti facinus animo ver-
 „ faret , accidit per opportunè , ut Villacretius vir ex eodem Ordine cum
 „ vitæ sanctitate , tum rerum divinarum cognitione clarissimus Vallisole-
 „ tum veniret . Cum non minori , quām Regalatus , teneretur is etiam
 „ studio renovandi antiquum illud asperriumque vivendi genus , quod
 „ suis indixerat Patriarcha Franciscus , facultate a Præfecto Ordinis im-
 „ petratâ , tunc fortè illuc idcirco venerat , Socios , quos sibi ad Institu-
 „ tum adjungeret , quæsiturus . Re itaque cum Regalato communicatâ
 „ fatis

„ satis explicari non potest , quantâ concordes animæ alacritate gestivæ
 „ rint , quām sanctum in Deo fœdus iniverint , quām forti animo tot dif-
 „ ficultatibus impeditissimum opus aggressi sint .

„ Probè autem cum intelligerent , non urbanam frequentiam , sed
 „ solitudinem a Domino fuisse delectam , ut ad cor hominum loqueretur ,
 „ ad domicilium quoddam non procul ab Oppido Aquileriæ , permisso
 „ Oxomensis Episcopi a Villacretio constructum ambo unanimes secesser-
 „ re . Porro in eo loco quām sanctam , quām austera vitæ rationem ag-
 „ gressi sint , ex eo conjici facilè potest , quòd universa supellex , de qua
 „ secum asportanda unicè cogitarunt , Breviarium suit atque flagellum :
 „ Illud quidem , quo horas canonicas inter diutissimas meditationes & la-
 „ crymas persolventes , voce & spiritu cum Domino communicarent :
 „ Hoc verò , quo corpus singulis noctibus castigatum , quominus concu-
 „ pisceret adversus spiritum , in officio continerent .

„ Interea verò tantæ virtutis famâ per loca Urbesque finitimas per-
 „ crebrescente , exemplo tam præclaro alii plures illecti tum ex Minorum
 „ Familia , tum Presbyteri Seculares , ut in eorum contubernium admit-
 „ terentur , infimis precibus postulaverant & impetraverant . Cum ita-
 „ que Aquilerienses ædes crescenti in singulos dies novorum Religiosof-
 „ rum numero impares redderentur , novæ apud Abrocum , quod alii
 „ Tribulum vocant , in deserta quadam planicie ad ripam Durii constru-
 „ etæ sunt . Hinc pro restaurati Ordinis feliciori progressu hoc unum vi-
 „ debatur jam desiderari , ut , quas pro Aquileriensis , ac Tribulana Fami-
 „ lia sanciverant novas austerrissimæ vitæ leges , eæ supremâ Romanæ Ec-
 „ clesiæ auctoritate confirmarentur . Occasionem igitur nacti Constan-
 „ tiensis Concilii , quod per id temporis celebrabatur , in eam mentem
 „ unanimes consensere , ut Villacretius Constantiam proficeret , rem
 „ in eo Concilio apud Pontificem eligendum pertractaturus : Regalatus
 „ verò interim Aquileriensibus , ac Tribulanis Fratribus præsideret . Quo
 „ quidem munere tam sapienter , tam prudenter , tam sanctè perfunctus
 „ est , ut cum in eo Villacretii imaginem non adumbratam leviter , sed
 „ verissimis expressam coloribus intuerentur , absentis desiderium Fratres
 „ æquo animo ferrent .

„ Villacretius Constantiæ re benè gestâ , & a Martino Summo Pon-
 „ tifice hujus nominis Quinto summâ sui cum laude iis omnibus impetra-
 „ tis , quæ communibus cum Regalato votis vehementissimè optaverat ,
 „ in Hispaniam sese recipere festinavit . Verùm sanctissimus Senex non
 „ multò post , quām fuerat Aquileriam reversus , gravissimo corruptus
 „ morbo , quasi ex inopinato supremum diem obivit . Nihil acerbius Re-
 „ ligiosis , atque amantissimis Filiis contingere profectò poterat , quām
 „ tanti Patris , atque Magistri interitus . In tanta tamen animi ægritudine
 „ atque dolore id eos unicè relevabat , quòd , qui Villacretium consilio
 „ atque operâ maximè semper juverat , ipsis superesset Regalatus , a quo

„ accepta ex illius obitu jactura abundè compensaretur. Quamobrem
 „ unanimi utriusque Familiæ suffragio illico factum est, ut in Villacretii
 „ locum Regalatus sufficeretur, & præstantissimam ceteroquin Villacre-
 „ tii virtutem diligentiamque non exæquaret modò, sed longo etiam in-
 „ tervallo superaret: Quod enim Villacretius per Pontificem Maximum
 „ probari curaverat, ut scilicet ex restaurato Ordine novi Fratres per
 „ summam paupertatem, per vigilias, per orationes, per inediam, per
 „ patientiam certam facerent vocationem, & salutem suam operarentur,
 „ id omne & accuratissimè ipse perfecit, &, ut perficeretur, exemplo
 „ suo absolutissimo operâque diligentissimâ Regalatus est consecutus.
 „ Ut enim a privata domèsticaque vivendi ratione ducamus initium, no-
 „ vem illa jejuniorum tempora, quibus Patriarcha Franciscus maximam
 „ anni partem explebat, non solum ipse etiam una cum ceteris observa-
 „ vit ex integro, sed summam hanc ipsam abstinentiam singulari quâdam
 „ austoritate perfecit; cum scilicet raro admodum aut vinum biberet,
 „ aut carnem gustaret, atque ut plurimùm pane & aquâ unicè vescere-
 „ tur, tum, si obsonii loco cruda olera adjiceret, sibi convivari opiparè
 „ videbatur. His etiam addendum est, quòd, nisi festis diebus, quibus
 „ duntaxat ob Dominicam celebritatem modico pane uti consuevit, re-
 „ liquis diebus omnibus nihil omnino sub vesperam manducabat, & inte-
 „ gros etiam dies orans vigilansque persæpe transigebat, absque eo quòd
 „ ullo prorsus cibo reficeretur. Somno verò ita raro brevique utebatur,
 „ ut vel insomnes orando sæpe traduceret integras noctes, vel si desatiga-
 „ to & deficiente corpore paululum decumbere cogeretur, id non ali-
 „ ter faceret quâm humi prostratus, ut non tam conquiescere, quâm
 „ ipsammet quietem suo corpori molestam facere videretur.

„ Huic tantæ vigiliarum & jejuniorum austoritati parem spiritus
 „ paupertatem Regalatus adjunxit: Eam siquidem usque adeo in deliciis
 „ habuit, ut quantum ditissimis in seculo quibuscumque Sodales sui pau-
 „ pertate eminebant, tantum ipsis etiam Sodalibus suis longè antecelle-
 „ ret Regalatus. Cum enim & attritissimâ præ ceteris tunicâ uteretur,
 „ & pallio quâm maximè lacero, tum in eo planè admirandum dedit sum-
 „ mæ paupertatis exemplum, quòd, ut majora ab ea sentiret incommoda,
 „ nullum unquam calceorum genus adhibere voluerit usque ad ingra-
 „ scentem ætatem, ipsisque etiam repudiatis, ut vocant, sandaliis, pedi-
 „ bus semper nudis incedere.

„ Hinc mundanis opibus quibuscumque expeditus cum foret, iisque
 „ rebus omnibus liber, quæ aggravant animam, dici vix potest quantâ
 „ assiduitate, quantâ animi promptitudine, quanto fervore mentis in
 „ Deum Regalatus assurgeret. Cœlestium enim contemplationi cum per-
 „ petuò inhæreret, tum statis potissimum diei noctisque temporibus ita
 „ defixo, ita sublimi animo singula nostræ salutis mysteria commentaba-
 „ tur, ut si patientis Christi commisereretur, erumpens ubertim in lacry-
 „ mas

„ mas cum ipso compateretur , ac veluti commoreretur ; si verò mox
 „ Christi ipsius resurgentis gloriam recogitaret , cœlesti quâdam perfusus
 „ dulcedine gestiret & exultaret ; si eam intueretur , quam præparavit
 „ Deus diligentibus se , immarcescibilem coronam gloriæ , in atria Do-
 „ mus Dei rapi atque elevari quodammodo videretur ; si verò mox æter-
 „ nos illos hominum reproborum cruciatus considerandos sibi propone-
 „ ret , totis artibus contremiseret . Id certè ipsi familiarissimum fuit
 „ atque perpetuum , ut , cum infinitam erga genus humanum charitatem
 „ Dei mente recoleret , abstraheretur illico a sensibus , atque divinâ quâ-
 „ dam suavissimâ vi in ecstasim raperetur ; cum verò perverfam erga Deum
 „ ipsum nequissimorum hominum voluntatem recordaretur , indoleret
 „ gravissimè , seque in uberrimos diutissimosque fletus effunderet .

„ Ceterùm , cum tanto æstuaret divini amoris ardore , illud interim
 „ vehementer optabat , curabatque diligentissimè , ut eamdem cœlestem
 „ flammatum Religiosis suis omnibus communicaret . Hinc suaviter adeo
 „ cum suis Alumnis de Deo divinisque rebus continuò colloquebatur , ut
 „ & ignavi , si qui essent , in perfectionis stadio redderentur alacriores , si
 „ qui verò jam currerent , non quasi in incertum , sed ita currere , ut
 „ comprehenderent , animarentur . Quod si casu aliquo contigisset , ut
 „ ex Fratribus quisquam aut ex incuria deficeret , aut ex humanæ con-
 „ ditionis debilitate delinqueret , præsto aderat Regalatus forma gregis
 „ factus , non ut ille in spiritu iræ atque superbiæ confunderetur , sed ut
 „ in spiritu patientiæ & lenitatis tamquam filium charissimum admonereret ,
 „ & tamquam fratrem in Domino lucraretur . Utrumque enim præstabat
 „ Vir prudentissimus , & ut suam , qui peccasset , culpam agnosceret , &
 „ ut agnitam exprobratamque maximè perhorresceret , humanitatem
 „ cum æquitate ita conjungens , ut nihil facilitas de auctoritate , nihil
 „ austeras de humanitate detrahernet .

„ Hactenus de Regalati virtutibus in domestico vivendi modo . Bre-
 „ viter commemoranda ea nunc sunt , quæ pro vitiis exterminandis , pro
 „ virtute in exterias etiam gentes amplificandâ a Regalato gesta fuisse tra-
 „ duntur . Quidquid igitur reliquum a domesticis curis ipsi temporis erat ,
 „ id omne ab eo in Proximorum salutem impendebatur . Cum plurimi ad
 „ ipsum quotidie confluenter tamquam ad insigne sanctitatis oraculum ,
 „ non tam hospitio solebat eos excipere , quam ad virtutem Deique cul-
 „ tum totis conatibus inflammare . Si quos verò haberet obvios elephan-
 „ tias laborantes , eos ad hospitium secum unà deductos tergere a fordidi-
 „ bus , fovere linteis , esculentis reficere , & quorum alii conspectum ferre
 „ non poterant , ipsorum ulcerâ manibus attrectare ; imò etiam quando-
 „ que deosculari , & saniem lambere minimè dignabatur : Quæ quidem
 „ pietatis officia in eos potissimum conferre solebat , qui vel in Nosoco-
 „ miis graviori aliquo morbo afflignantur , vel in carceribus , vel in Tur-
 „ carum vinculis , inediâ & squalore conficerentur . Cum enim singulari
 „ apud

„ apud divites esset gratiâ , nihil curabat magis , quâm ut , opportunâ ex
 „ eorum eleemosynis collatâ stipe , inopes ab angustiis sublevarentur , in-
 „ firmi relevarentur a morbis , captivi numeratâ Barbaris pecuniâ in li-
 „ bertatem assererentur ; ac proinde omnes a culpa arcerentur , & ad ho-
 „ nestam vivendi rationem quâ hortationibus , quâ obsecrationibus , quâ
 „ opportunis auxiliis impellerentur . Eò siquidem spectabant omnia Re-
 „ galati consilia , ut , quæ perierant a Christo , oves ad Christi gregem
 „ reducerentur , & quæ in pascuis salutis erant , de manu Christi nullâ
 „ inimici hominis vi raperentur .

„ Dum verò eos omnes , quibuscum versabatur , ut manerent in Deo,
 „ qui charitas est , ardentissimè hortaretur : illud interea , in quo alterum
 „ legis mandatum situm est , minimè negligendum putabat , ut scilicet
 „ ipsa Fraternitatis charitas apprimè diligenteretur . Hinc tantam hac in re
 „ curam semper adhibuit & diligentiam , ut si quos infesto in Proximum
 „ animo esse cognosceret , eos statim adiret , alloqueretur , & tamdiu ver-
 „ bis instaret omni ancipiti gladio penetrabilioribus , quoadusque sublatis
 „ inimicitiis , compositis simultatibus , spiritualia æmulantes , diligentes
 „ alterutrum , charitatem sincero animo sectarentur .

„ Neque verò iis tantùm , qui adhuc in hoc seculo peregrinabantur
 „ a patria , cujuscumque conditionis hominibus suam dabat opem atque
 „ operam Regalatus , sed singulari etiam pietate ad eas juvandas animas
 „ commovebatur , quæ a corporis vinculis expeditæ beatam spem in Pur-
 „ gatoriis ignibus expectabant : Non enim assiduas solùm , ut eis suffraga-
 „ retur , ad Deum preces sundere solitus fuit , sed & ubertim flere , & je-
 „ junare assiduè , & flagellis ad sanguinem usque se duriter cædere , & o-
 „ mni suppliciorum genere se se immaniter excruciare , donec æternam
 „ ipsis pacem promereretur .

„ Inter hæc verò , quoniam jam senio confectus erat & laboribus
 „ fractus , neque procul abesse sentiebat adventum Domini , in id ultimò
 „ cogitationem suam contulit , ut , quam ipse stabiliverat vitæ austeriissi-
 „ mæ sanctissimæque disciplinam , eam fideli prudentique Ministro vindi-
 „ candam , conservandamque committeret . Cum itaque Lupo Salazario ,
 „ qui id temporis in Oppido Ficonedæ acerrimum Instituti Custodem age-
 „ bat , deferre id muneric decrevisset , ex Tribulano Cœnobio per centum
 „ & quadraginta passuum millia ipsum convenit , suoque cum eo commu-
 „ nicato consilio , ad rem sanctè in Domino fortiterque gerendam gravi-
 „ oratione adhortatus , in suam sententiam facilè traxit .

„ Ab eo colloquio Tribulum rediit Regalatus , rebusque illic probè
 „ compositis , Aquileriam profectus est . Ibi cum ineunte Quadragesimâ
 „ coepisset vitio stomachi conflictari , per totum ejusdem intervallum de-
 „ cubuit . Solenni Paschatis die cum cœlesti pane se resecisset , multa
 „ subinde ad Fratres suos circa lectulum lacrymantem de vita Christi imi-
 „ tanda , de diligenda paupertate , de abjiciendis secularibus desideriis ar-
 „ den-

„ dentissimè peroravit. Postérò verò die cum difficilem jam omnino , at-
 „ que impeditissimum anhelitum traheret , sanctumque Oleum ad extre-
 „ mam illi impertiendam unctionem fuisse allatum , eos ut paululum cef-
 „ sarent precatus est , admonens , Palentinum Episcopum mox adfutu-
 „ rum , de cuius manu ultimum hoc sacramentum fusciperet : Tum a Præ-
 „ fecto Cœnobii cum impetrasset , ut vilissimam inter omnes lacernam sibi
 „ permitteret , oculis in Cœlum sublati , animoque in instantem gloriæ
 „ coronam defixo , suam in Dei manus commendans animam , iisdem vo-
 „ cibus , quibus moriens in Cruce Jesus Dominus Patrem oraverat , inter
 „ Fratrum suorum preces & lacrymas placidissimâ Justorum morte suam
 „ in Deo vitam abscondit anno salutis nostræ millesimo quadrigentesimo
 „ quinquagesimo sexto , tertio Kalendas Aprilis , ætatis suæ supra sextum
 „ sexagesimo .

„ Vulgatâ ipsius morte , cum ingens illico hominum concursus fie-
 „ ret ad Cœnobium , id primò omnibus spectaculum fuit , quod Regalati
 „ corpus post aliquot dies non modò molliusculum foret atque flexibile ,
 „ sed odorem etiam suavissimum redoleret . Mox verò , cum peractis rite
 „ exequiis in communi Fratrum sepulcro humatum esset , ex implorato
 „ Regalati nomine præsentissimam ejus opem plures experti sunt . Et re-
 „ vera Deus Optimus Maximus , qui in Sanctis suis mirabilis semper fuit ,
 „ non modò cum adhuc viveret Regalatus , ad testandam ejus sanctitatem
 „ in terris , omnipotentiae suæ divitiis eum abundantissimè cumulaverat ,
 „ sed postquam obierat , ad ejus gloriam manifestandam in Cœlis , miracu-
 „ lis etiam eum mirificare dignatus est . Quæ cum singula recensi non
 „ possint , ea tamen quatuor prætermittenda non sunt , quæ jam pridem
 „ rite probata tanti ponderis fuerunt , ut , cum de Regalato inter Sanctos
 „ referendo postmodum ageretur in Sacra Rituum Congregatione , heroi-
 „ cæ ejus virtutes satis per ea confirmatae declararentur . Cum enim juxta
 „ legum præscripta oculatis testibus ob temporis antiquitatem amplius
 „ probari eæ non possent , Sacra Rituum Congregatio peculiari Decreto
 „ suo , edito die decimâ sextâ Novembris anni millesimi sexcentesimi tri-
 „ gesimi amplissimè declaravit , per hæc quatuor miracula testimonium
 „ quodlibet satis abundè suppleri .

„ Primum in eo situm est , quod , cum procuratis quondam Aquile-
 „ rianæ Familiæ negotiis , Tribulanum domicilium pro suo munere Re-
 „ galatus constituisset invisere , seque horâ septimâ una cum Socio con-
 „ tulisset in viam , divinitus factum est , ut horâ octavâ in Tribulano Con-
 „ ventu reperiretur , quadraginta passuum millibus nudis pedibus unius
 „ horæ spatio confectis . Quo certè agilitatis miraculo summam fidelis
 „ atque prudentis ministri sui diligentiam , qui ipsum constituerat super
 „ familias suas , Dominus luculentissimo veluti testimonio comprobavit .

„ At illud fortassè mirandum magis , quod singularem Regalati erga
 „ pauperes charitatem a morosis quibusdam hominibus reprehensam , no-

„ vo inu-

„ vo inusitatoque portenti genere vendicare Deus voluit, & honestare.
 „ Erant inter Regalati Fratres, a quibus ipse, quod nullum in elargiendis
 „ eleemosynis teneret modum, temerè incusaretur. Contigit igitur ali-
 „ quando, ut, dum collecta ex communi mensa panis & carnis frusta de-
 „ ferret ad pauperes, ipsi obvius Vicarius occurseret, & ab eo quid habe-
 „ ret in facciperio importunus percunctaretur: Divino tunc Regalatus
 „ afflatus spiritu omnipotentis Dei, qui ea, quæ non sunt, tamquam ea,
 „ quæ sunt, pariter vocat: Flores se habere, respondit. Quoniam verò
 „ ea erat anni tempestas, qua nulli certè flores, nisi divinitùs vernare po-
 „ terant, ideoque ad hanc Petri vocem videretur hærere Vicarius, saccu-
 „ lum continuò Petrus explicuit; neque jam, quas verè detulerat, panis
 „ carnisque reliquias, sed recentissimas in eo candidas purpureasque rosas
 „ ostendit. Cujus rei fama cum longè latèque finitima loca omnia perva-
 „ sisset usque Vallisoletum, incredibile dictu est, quantam erga Regala-
 „ tum excitaverit universarum gentium existimationem.

„ Sed his etiam longè majora sunt, quæ in extento Servi sui brachio
 „ a Deo facta fuisse signa dicuntur. Quod enim de Apostolo Petro tra-
 „ dunt Evangelia, ut super maris undas ad Dominum ambularet, id usi-
 „ tatum planè fuit Regalato & familiare, ut Durii aquas sicco pede tra-
 „ jiceret; Quoties enim accideret, ut flumen illud superaturo navicula
 „ in promptu non esset, posito Regalatus pallio, eoque super undas ex-
 „ tenso, supra illud infistens trans fluvium gradiebatur. Ex quibus, aliis
 „ que miraculis, quæ Dei virtute Regalatus operabatur, tanta de eo con-
 „ secuta jam fuerat populorum opinio, ut in ipsum tamquam in absolutis-
 „ sum Apostolici Instituti hominem intuerentur.

„ Rei autem novitate ac magnitudine omnium excellentissimum il-
 „ lud fuisse videtur, quod post ejus obitum patratum est. Mendicus qui-
 „ dam Coenobii Janitorem adierat, reliquias mensæ, uti assolet, acceptu-
 „ rus: Cum verò ex omnes in egentium turbam jam fuissent a Janitore an-
 „ tea distributæ, miser ille vacuus atque hians dimissus est. Is verò cum
 „ & vehementer esuriret, & aliás a Regalato eleemosynam quotidie cer-
 „ tam soleret accipere, Templum gemebundus ingressus, & ad Regalati
 „ sepulcrum in genua provolutus: *Si tu viveres (inquit) Regalate, non ego*
 „ *sanè duriter adeo viverem, nec mihi, quo pascerer, nunc deesset.* Vix hæc
 „ Mendicus: Continuò sepulcrum, mortaliū nullo moliente, apertum
 „ est; manum Regalatus exeruit, & pane Supplici dato, confessim retrah-
 „ xit. Porro tanti miraculi magnitudine mirum in modum perculsi tum
 „ Mendicus, tum reliqui, qui aderant, spectatores primò quidem obstu-
 „ pescere, tum in altissimas lætitiae voces erumpere, postremò per uni-
 „ versam Hispaniam rem evulgare, eamque incredibili admiratione com-
 „ plere.

„ Sepulcrum igitur Regalati jam inde ab ejus obitu magnâ populo-
 „ rum frequentiâ cœptum est celebrari, ejusque Reliquiæ magno semper
 „ in ho-

„ in honore habitæ sunt. Hinc trigesimo sexto post ejus obitum anno Eli-
 „ sabetha Castellæ Regina Aquileriam profecta loculamentum corpori
 „ sanè elegans ex alabastrite marmore excitandum curavit, ubi quatuor
 „ ea miracula, quorum ante meminimus, anaglyptico opere affabre vi-
 „ suntur expressa. Quò factum est, ut ejus cultus per insequentes ætates
 „ mirum in modum fuerit amplificatus. Hoc autem rite approbato, In-
 „ nocentius XI. Pontifex Optimus Maximus Officium & Missam in ipsius
 „ honorem quotannis celebrari permisit, anno millesimo sexcentesimo
 „ octogesimo quarto Kalendis Martii: Cum in eam rem orando instan-
 „ doque Carolus eo nomine secundus Hispaniarum Rex Catholicus, Re-
 „ gina Uxor, ejusque Mater, Ludovicus Portocarrerus Cardinalis am-
 „ plissimus, pluresque insignes Episcopi vehementer incubuissent. Trien-
 „ nio post, cum in Templo Aquileriensi Sacellum cultu magnifico fuisset
 „ excultum, & Regalato dicatum, in illud ejus ossa solenni pompâ delata
 „ sunt, eodem Pontifice permittente.

„ Anno post sexagesimo, cum de Regalato in Sanctorum catalogum
 „ referendo ageretur, BENEDICTUS XIV. Pontifex Optimus Maximus,
 „ idemque cum rérum omnium, tum earum præcipue scientiâ, quæ in
 „ Divorum consecratione legitimâ positæ sunt, facile princeps, nova
 „ quædam miracula, quæ post indultam venerationem, Petri ope invo-
 „ catâ, acta fuisse ferebantur, in examen vocavit. Ea autem in solitis
 „ pluribus Congregationibus probè riteque discussa cum fuissent, die
 „ tandem decimâ quartâ Julii anni millesimi septingentesimi quadragesi-
 „ mi quarti Apostolicâ ejusdem Summi Pontificis declaratione duo, quæ
 „ sequuntur, probata sunt & publicata.

„ Anno millesimo septingentesimo quinto Didacus quidam Sacerdos
 „ cognomento Plasentia, cum morbo comitali affectus esset, epileptico
 „ paroxismo quodam die repente correptus, in domesticum focum prunis
 „ ardentibus maximè tunc fortè refertum in præceps ruit, plenamque ol-
 „ lam ferventis aquæ cum subvertisset, cum cetera membra, tum oculi
 „ præcipue ex eo casu ita labefactati sunt atque caligaverunt, ut cæcus
 „ omnino fieret. Frustra adhibitis per aliquot menses medicaminibus,
 „ ejus salus conclamata jam per Medicos fuerat, animumque Didacus ipse
 „ desponderat; Implorato tamen Regalati auxilio, ejusque cucullo ocu-
 „ lis admoto, ita luci restitutus est eo contactu, ut quoad vixit, multò
 „ quam antea vividiores habuerit oculos, acieque meliores.

„ Anno verò millesimo septingentesimo trigesimo septimo Birgittæ
 „ Ortegæ in sinistra, ut appellant, lumborum regione vitiatis carnibus
 „ ex interclusa sanie, quæ priùs ex quodam tumore manabat uberrima,
 „ ulcus ita horrendum erupit, ut & aliquæ colæ pure corruptæ omnino
 „ fuerint extrahendæ, & ulceræ hiante renes nudi apparerent. Medica-
 „ tione admodum longâ, & operosâ non solùm nihil est actum, sed ul-
 „ cus in fistulam conversum est ita periculosam, ut peritiores manum ipsi

„ admovere ausi non sint ; febri etiam cum mulier arderet , & summâ doloris acerbitate afficeretur , rebus accisis ac prope perditis , ad Regalatum confugere , Deo interius incitante , constituit . In equo igitur , ut potuit , leucarum sex hispaniensium itinere ad Aquileriam contendit Petri Reliquias veneratura , ejusque opem imploratura . Quod cum fessisset majori , quo poterat , fervore spiritus , seque postea dedisset in viam in patriam reversura , vix aliquantulum progressa fuerat , cum equo desiliens gestiensque præ gaudio , valere se optimè inclamavit , nullisque aut renum , aut lumborum doloribus ultra cruciari . Et vera a Marito itineris comite , arte Chirurgo , etiam atque etiam recognitâ fitulâ deprehensum est , eam cicatrice modicè obductâ penitus coaluisse , & morbum morbique reliquias omnes momento temporis absteras esse : quin etiam auctis eodem tempore pristinis viribus , habitu corporis firmiore deinceps fuit , suisque muneribus , ut antea fecerat , exequendis cum primis idonea .

„ Hæc ea sunt , quæ pluribus aliis omissis in antiquissima hac causa , tamquam omnium certissima , referenda esse putatum est . Illud unicum remanet observatu dignissimum , quod a Sanctissimo Domino Nostro factum est in hujus causæ favorem , quo , cum summum eidem decus auctum fuerit & ornamentum , tum quanti ea sit meriti luculentissimè declaratur . Sanctissimus siquidem Dominus Noster pro summa sua illa , ac penè incredibili cognitione ; quam in hujus præcipue generis causis assiduo tot annorum studio , improboque labore sibi acquisiverat , æquisimè non minùs , quām sanctissimè stabiliverat die vigesimâ secundâ Aprilis anni millesimi septingentesimi quadragesimi primi , ut Servis Dei , quorum virtutes heroicæ oculatis essent testibus destitutæ , honores divini nequaquam decernerentur , nisi quatuor post mortem patrata miracula Apostolicæ Sedis judicio comprobarentur . Hoc igitur ipsò vitio Regalati causa cum laboraret , solennis ejusdem Canonizatio haberi minimè poterat , nisi quatuor prius suissent rite asserta miracula . Animadvertis verò idem Summus Pontifex in heroicis Regalati virtutibus confirmandis oculatorum testium auctoritatem quatuor miraculorum testimonio fuisse suppletam , hinc ejusdem causam in earum numero , de quibus in suo Decreto loquutus fuerat , minimè comprehendi amplissimè declaravit die secundâ Augusti ejusdem anni .

„ Cum itaque duobus præfatis miraculis Apostolicæ confirmationis fuisset robur adjunctum , & in generali Rituum Congregatione habita coram Sanctitate Sua die vigesimâ secundâ Septembbris anni millesimi septingentesimi quadragesimi quarti ab omnibus Patribus unanimi sensu affirmatum , tutò posse beatum Petrum Regalatum in Sanctorum numero recenser : post effusas ad Deum plurimas preces , & imploratam in re tam gravis momenti coelestis luminis opem , die tandem sextâ Octobris ejusdem anni beatum eumdem Petrum Regalatum Sanctorum „ fastis

„ fastis adscribi posse publicè declaravit. Hoc autem ut fiat, Catholicæ
 „ Hispaniarum Familiaæ Reges, & universus Minorum sancti Francisci
 „ Ordo preces ab initio causæ huic Sanctæ Sedi porrectas & confirmant,
 „ & augent.

C O M P E N D I U M

Vitæ , Virtutum , & Miraculorum , necnon Actorum in Causa
 Canonizationis BEATI JOSEPHI a Leonissa Sacerdotis
 Professi Ordinis Minorum sancti Francisci
 Capuccinorum .

Ex Monumentis Sacra Rituum Congregationis .

„ **J**oseph in Baptismate nuncupatus Euphranius , Leonissæ Aprutii Op-
 „ pido non ignobili natus anno Domini millesimo quingentesimo quin-
 „ quagesimo sexto , pridie nonas Januarii , Joanne de Desideriis & Fran-
 „ ciscâ de Paulinis ingenuis honestisque parentibus , quâm sublimiter
 „ electus suisset in sortem Domini , singulari eidem collato ab ipsis incu-
 „ nabulis beneficio , divinitùs manifestatum fuit . Cum enim parùm ab-
 „ suisset , quin adhuc lactens a matre dormiente incautè suffocaretur in
 „ lecto , eâ gravi alapæ ictu invisibili manu percussâ , & a somno exper-
 „ rectâ , imminentis mortis periculo ereptus est . Puer verò , ubi primùm
 „ per ætatem licuit , honestè a parentibus institutus , & vultu totiusque
 „ corporis conformatio[n]e cœlestem planè indolem spirans , cœpit eximia
 „ futuræ sanctitatis indicia præseferre . Ab iis siquidem oblectamentis ,
 „ quibus ætas puerilis duci maximè solet , vehementissimè abhorrens , de-
 „ nulla alia re magis delectabatur , quâm de invisib[us] frequenter Eccle-
 „ siis , & singulari quâdam animi voluptate jam tum sedulam orationis stu-
 „ dio operam impendebat . Vix annos septem natus , cum miro quodam
 „ amore silentii , incredibili erga inopes misericordiâ , & perpetuâ qua-
 „ dam , sibique semper constanti morum suavitate & gravitate commen-
 „ daretur , tum in pueru planè mirandum , quòd in pervigiliis beatissimæ
 „ Dei Genitricis , & sextis quibusque feriis tam rigidum sibi jejunium in-
 „ dixit , ut solo pane & aquâ vitam libentissimè toleraret . Grandior
 „ postea natu factus , castigatior etiam in dies evasit atque perfectior .
 „ Cum enim in Societatem Sanctissimi Salvatoris dedisset nomen , non so-
 „ lùm corpus flagellis cœpit acriter cædere , divinis feso frèquentiùs Sa-
 „ cramentis munire , aliisque christiano homine dignis operibus impen-
 „ siùs incumbere , sed etiam (quod in ea ætate admiratione dignissimum
 „ est) æquales suos , quâ poterat , ad pietatis studium hortari , & pro
 „ viribus suadere , ut coercendis pravis animi cupiditatibus primo tem-
 „ pore assuescerent , & a choreis præsertim , ceterisque ejus generis ob-

„ lectamentis , quibus in summum periculum adducitur spiritus , tem-
„ perarent .

„ Parentibus e vita sublatis , Viterbium profectus , ut apud Patruum ,
„ qui in ea Civitate magna cum laude publico docendi munere fungeba-
„ tur , liberalibus disciplinis animum coleret , litterarum studium cum
„ religione , pietate , innocentia arcte adeo copulavit , ut ab eo uberri-
„ mum retulerit fructum , his vero admirationem in omnibus excitaret .
„ Castimoniæ & pudicitiae eò usque amans fuit , ut , cum idem Patruus
„ honestissimarum nuptiarum cum opulenta , ac nobili genere nata virgi-
„ ne ipsi molestissimus esset auctor , non modò eas constantissime repudia-
„ rit , perpetuam Deo votam virginitate , sed eo urgente atque sollicitan-
„ te , tantum fuerit animo commotus ac perturbatus , ut iniquo morbo
„ correptus , eo in dies ingravescente , reverti in Patriam coactus sit .
„ Ibi omni timore vacuus , omni etiam morbo brevi convaluit . Cum ve-
„ rò de novo vitæ genere secum ipse statim deliberasset , qua maximam po-
„ terat celeritate sacræ Capuccinorum Familiae nomen dare constituit .
„ A quo Religionis proposito cum multis Domesticorum blanditiis , pre-
„ cibus , minisque saepe tentatus deduci minimè posset , lætus tandem
„ & victor in eorum Patrum Sodalitatem adscitus est .

„ Tirocinio absoluto , solennibus emissis votis , egregiâque navatâ
„ operâ tum Philosophicis , tum Theologicis disciplinis , concionandi
„ provinciam ab Ordinis Superioribus ultro sibi commissam obedientiæ
„ virtute , ac penè invitus accepit ; Quam quidem , cum singulari Reli-
„ gionis reparandæ augendæque pietatis zelo succensus esset , fortiter
„ maximâque populorum utilitate sustinuit . Cum verò interea contigis-
„ set , ut quidam ex eadem Capuccinorum Familia non ita pridem vitâ
„ functus se se ipso videndum dedisset , ut vivens , Deo annuente , promi-
„ serat , & ab eo de summa divini judicii severitate multa intellexisset ,
„ tanto metu atque terrore percussus est , ut quasi ad virtutem lento tunc
„ pede progrederetur , de ineundo asperiori ac perfectiori vitæ genere
„ deliberaret . Animo igitur reputans , se certissimam privatam salutem
„ suam operaturum , si pro publica Christianorum , & Infidelium ani-
„ mam suam devoveret & poneret , Constantinopolim cogitavit , ubi &
„ opem ferret nostris hominibus in molestissimam captivitatem abductis ,
„ & alienos a vera pietate populos Romanæ Religioni conjungeret , aut
„ certè pro lege Christi crudelissimam mortem oppeteret . Facultate
„ post diutinas preces a Superioribus impetrata , cum maritimo itineri se
„ commisisset , non unum habuit divinæ erga se voluntatis atque bene-
„ volentiæ evidentissimum argumentum . Exortâ siquidem repente horri-
„ bili tempestate , cum navis in immensum crescentibus fluctibus operire-
„ tur , Nautis omnibus animum despondentibus , non modò solus Joseph
„ tamquam vir magnæ fidei non dubitavit , sed omnium admiratione pre-
„ cibus suis obtinuit , ut subito fieret in mari tranquillitas magna . Cum
„ via-

„ viaticum paulò post fuisset exhaustum , pauculas quasdam , quæ Josepho
 „ fortè supererant , panis reliquias ad ejus preces adeo Deus amplificavit
 „ & auxit , ut omnibus ad vescendum illæ suppeterent . Egressus autem e
 „ navi , cum reliquum itineris pedibus confidere constituisset , quàque ver
 „ sum sibi foret eundum penitus ignoraret , Fratris Filium jam pridem e
 „ vivis in Oppido Leonissæ sublatum sibi habuit occurrentem , qui , Pa
 „ truo ejusque Sodalibus ad quoddam beatæ Virginis Templum Urbi Con
 „ stantinopolitanæ conterminum ductis , ex omnium conspectu improvi
 „ sus evanuit .

„ Divinis hisce latus auguriis Urbem Joseph ingressus , nullis incom
 „ modis , nullis laboribus , nullis difficultatibus frangi potuit aut retar
 „ dari , quo minùs christianos homines in miserrima illa captivitate ja
 „ centes omni , qua poterat , ope levaret , erigeret , solaretur . Quin etiam
 „ cum ea spe teneretur , si ad ejurandam Maumetanam superstitionem su
 „ premus ipse Turcarum Tyrannus adduci potuisset , fore ut facile Popu
 „ lis universus voluntati exemploque Principis se conformaret , vehe
 „ mentiori quodam Religionis studio inflammatus eum adire constituit ,
 „ eique se ducem esse & auctorem ad amplectendam Christi doctrinam .
 „ At verò , dum magno animo , fidentique expleturus consilium suum in
 „ intima Principis cubicula pedem tentat inferre , regii Satellites con
 „ cursu facto hominem comprehendunt , & pugnis , calcibus , verberibus ,
 „ omnique contumeliarum genere cruciatum in arctam custodiam detru
 „ dunt . Gaudebat Athleta Christi fortissimus , quòd dignus habitus esset ,
 „ qui contumelias atque tormenta pro Jesu nomine pateretur , nihilque
 „ illi gratius poterat evenire , quām si inter suppicia quælibet acerbissi
 „ ma Christianam fidem suo sanguine confirmaret . Votis ejus arrisit Deus :
 „ Latâ enim in eum mortis sententiâ sævissimo quodam supplicio peri
 „ mendus Satellitibus traditur , a quibus pede manuque dexteris unco
 „ ferreo e sublimi suspensus est ea lege , ut tamdiu ex ea trabe penderet ,
 „ quamdiu dolore & fame confectus crudelissimo mortis genere animam
 „ exhalaret . Spe tamen sua frustrati sunt ; Quamvis enim neque ipse mar
 „ tyrio , neque martyrum ipsi defuerit , sola tamen ea mors desuit , quam
 „ unam , ut dissolveretur , essetque cum Christo , ardentissimè cupiebat .
 „ Postquam scilicet triduo hujusmodi crudele supplicium invicto animo
 „ toleraverat , fidemque catholicam elatâ voce testatus fuerat , Satelliti
 „ bus igne fumoque supposito , frustra obnitentibus , ut voce interclusâ
 „ halituque prohibito vel interiret , vel concionari desineret ; factum est ,
 „ ut Angeli in forma pueri beneficio vinculis solitus ex unco deponere
 „ tur . Curatis subinde ab eodem de repente vulneribus , viribusque cibo
 „ aliquantulum reparatis , in Italiam jussus est remeare , aliud martyrii
 „ genus pro bono christianæ Reipublicæ subiturus . Cui cum vir sanctissi
 „ mus paruisset , iterque repeteret , Græcum Antistitem , qui turpiter a
 „ Religione defiverat , atque in impietatis præmium gerendam prima
 „ riam

„ riam acceperat Præfecturam , ab errore suis concionibus revocatum se-
„ cum victor abduxit .

„ Itaque in Italiam reversus , satis explicari non potest , quām assi-
„ duum fortemque legis divinæ præconem sese præberet , & quantus in
„ eo esset , ut malè affectos Fideles reduceret ad sanitatem , probos verò
„ acriùs ad virtutem & pietatis studium accenderet . Cum verò prospice-
„ ret abundè semper in Urbibus sacros suppeteret Concionatores , qui ani-
„ marum saluti religionique consulerent ; contra autem in Pagis , Villis ,
„ locisque campestribus , ubi messis est multa , paucos esse Operarios , qui
„ ambulantibus in umbra mortis Evangelicæ veritatis lumen afferrent ;
„ hos ipse sibi erudiendos , informandos , evangelizandos studiosè propo-
„ suit . Totius igitur anni curriculo , quadragesimali præsertim tempore
„ per Vicos & Castella circumiens Vir verè Apostolicus tanta æstuabat
„ erga Proximos charitate , ut & dies integros a solis ortu usque ad oc-
„ casum itineribus , concionibusque consumeret , & sexies , septies , un-
„ decies etiam aliquando , atque duodecies diversis locis , diversis populis ,
„ diversis argumentis eodem semper fervore spiritus , eādem semper men-
„ tis alacritate quotidie concionaretur . Mirandum planè , quod vir tot
„ austерitatibus penè consumptus , facco indutus , cilicio , loricâque fer-
„ reā præcinctus , solo quandoque panis frustulo ab Agricolis pauperri-
„ mis emendicato sub vesperam paſtus , imbre sæpiſſime madidus , vehe-
„ mentissimo æſtu solis exustus , ardenti etiam febri aliquando cruciatus ,
„ ut Christo lucrifaceret animas , tot itineribus non laſſaretur , tot labo-
„ ribus non frangeretur , nullâ aeris intemperie perterreretur , nullâ
„ corporis ægritudine retardaretur .

„ Neque tamen his solū confiniis , licet amplissimis charitatis ejus spa-
„ tia contineri potuerunt ; sed ea usque adeo extendi voluit , ut cum tot flu-
„ mina emitteret aquæ vivæ ad irriganda Fidelium corda e suggesto , non
„ ideo tamen sibi acquiescendum putaret . Si quos enim præterea a veritatis
„ tramite errantes intellexisset , eos ipse in privatis etiam eorum domibus ,
„ in publicis etiam semitis convenire non dubitabat , eosque exhortando ,
„ obsecrando , increpando in omni patientia & doctrina , transferre de
„ tenebris & umbra mortis in Regnum filiorum Dei totis viribus cona-
„ batur . Quin etiam intelligens , quemlibet adolescentem juxta viam
„ suam , etiam cum senuerit , ab ea non recessurum , puerisque rite insti-
„ tutis perennem fieri pietatem , ad eos etiam instruendos informandos
„ que charitatis suæ viscera dilatavit . In Ecclesiis igitur , in plateis , in
„ vicis , in domibus , in ipsis montium cavernis quos invenire & congre-
„ gare poterat , rusticos pueros & Pastores primis fidei elementis instrue-
„ re , necessaria Religionis mysteria edocere , salutaribus monitis confir-
„ mare , sancto timore Domini imbuere , patientiâ incredibili summâque
„ sui spiritus suavitate , quoties licuit , minimè prætermisit .

„ Porro , cum tantis laboribus pro Fidelium utilitate susceptis con-
„ gruum

„ gruum foret , ut fructus amplissimus responderet , mirum esse non debet , quòd Josepho in vinea Domini strenuè adeo laborante , plantante , rigante , Deus maximum dederit incrementum . Certum enim est , quòd homines flagitosissimi ad sanam frugem revocati fructus poenitentiæ dignissimos ediderunt ; quòd mulieres libidinis cœno sepultæ a peccandi consuetudine feliciter emerserunt ; quòd & privatae Personæ , & Familiae quamplures , & integri penè populi cum odiis acerbissimis inter se multo tempore dimicassent , iis extinctis in gratiam fide optimâ redi- verunt ; quòd blasphemias ad Infernum detrusis omnium ora Dei laudibus resonarunt ; quòd Templæ in pluribus locis aut reparata , aut sacrâ supellestili decenter ornata , aut etiam a fundamentis extructa sunt ; quòd aleæ vitium eliminatum ; quòd repressa chorearum licentia ; quòd baccanaliorum consuetudines extirpatæ .

„ Interea , cum tot tantasque quotidianas clades acciperet infensissimus humani generis hostis , & tanta ipsi inferretur , uno Josepho aucto- re , pernicies , incredibile dictu est , quantâ in eum indignatione exca- desceret , quantas ipsi moliretur insidias , quantas contra illum excita- ret tempestates . Quoniam verò collectam diu rabiem ipse per se in Jo- sephum effundere prohibebatur , effecit , ut hoc ipsum per improbos quosdam homines ministros suos , quorum vitia moresque corruptos Apostolicâ libertate reprehendebat , abundantissimè consequeretur : Itaque cum innumeris fuisset ab iis laceritus injuriis , maximisque con- tumeliis affectus , eò tandem furoris insaniæque deventum est , ut in pu- blico omnium conspectu , medioque Oppidi foro barba ipsi per sum- maninjuriam avelleretur , verberibus & colaphis immaniter cädere- tur , & parùm absuerit , quin a scelestissimo quodam , arrepto utrâque manu caputio , eoque collo arctè perstricto , elisiisque faucibus præfoca- retur . Quæ tamen omnia tam æquabili invictoque animo vir verè Chri- stianus toleravit , ut charitatis , patientiae , humilitatis exemplar evase- rit admirandum . Gaudio siquidem in tribulatione pro Christo super- abundans cum malediceretur benedicebat , cum persecutionem patere- tur , sustinebat , cum blasphemaretur , obsecrabat ; & Christi Jesu mor- tificationem in corpore suo circumferens , ejusque consilium peragens percutienti maxillam , alteram protinus offerebat .

„ Neque verò constanti adeo voluntate æternam tantùm animarum salutem Josephus operabatur , sed dici vix potest quantam suscepit etiam corporum curam , quantoque amore inopes omnes complectere- tur . Hinc non solùm eos cibos , qui sibi contingebant , majori ex parte cum pauperibus communicabat , & omnes communis mensæ reliquias diligentissimè colligebat egenis impertiendas , sed non exiguam insuper horti aream de Superiorum licentiâ suis ipse manibus colens , quidquid inde aut fructuum accipiebat aut olerum , id omne amantissimè pau- peribus elargiebatur . Guardianus porro cum fuit , etsi nunquam dono

„ diver-

„ diverteret , quin secum deferret aliquid , quo obvios in via pauperes solaretur , quandoque tamen cum nihil sibi præterea reliquum foret , eò usque voluit esse misericors , ut suis ipse vestibus trementes ex frigore pauperes operiret . Si verò quandoque Apostolico muneri incumbens in aliquo extra Conventum hospitio degeret , (quod sæpissimè contingebat) tum in illud pauperes turmatim compellere , ibi eos a capitis vestiumque fôrdibus purgare , pedes eorum tergere , plagas curare & osculari gaudebat ; tum lauatoribus , quibus poterat , esculentis reficere , somnoque opportuno in præparatis lectulis recreare . Quin etiam in ipsas se insinuans secretissimorum carcerum obscuritates , confessos ibi squalore ac fame homines , omni quocumque modo poterat , relevare fatagebat ; si quem verò eorum vel innocentem deprehenderet , vel morti destinatum intelligeret , illius causam apud Judices agere ; hunc verò omni , quo posset , officii genere apud Deum juvare & consolari studebat . Cum autem vehementissimè optaret , ut , qua ipse æstuabat , singularis charitas in omnium animos diffunderetur , & ad futuras etiam ætas transmitteretur , a ditioribus quibuscumque , quâ precibus , quâ monitis , quâ minis , quâ pollicitationibus impetravit , ut suam in sublevandis pauperibus operam collocarent . Quo factum est , ut ex eleemosynis collatâ pecuniâ , plura in diversis Oppidis vel instauraverit , vel excitaverit pauperum & peregrinantium Hospitia , & certos perpetuos que Pietatis , ut vocant , Montes solertissimè stabiliverit , quorum fructus in egenorum beneficium erogarentur .

„ Hæc autem pietatis officia Deo suis acceptissima pluribus insignibusque miraculis Deus ipse testatus est : Inter quæ illud non est prætermittendum , quod Oriculi summâ omnium admiratione patratum est . Ibi enim cum esset Joseph , habuissetque sermonem de eo Christi miraculo , quo quinque panibus & duobus piscibus quinque hominum millia saturaverat , quoniam summâ id temporis annonæ caritate ii Populi laborabant , suâ in Deum fide Josephus obtinuit , ut ex perexigua farina , quam acceperat ex eleemosyna , tanta panis copia conficeretur , quanta sufficeret integro illi populo , finitimiisque , quæ ad concionem confluxerant , gentibus abundantissimè saturandis . Borbonii item , cum in summa pariter rei frumentariæ angustia de eodem Christi miraculo verba fecisset , & perexiguam farinæ eleemosynam accepisset , nedum copia supersuit , quanta esset satis , ut postero die toti populo distribueretur .

„ Hactenus de eo spiritu Domini ferventissimo , quo vir Apostolicus ferebatur in eos omnes , quos sibi conjunxerat christiana charitas . De iis modò virtutibus pauca subdenda sunt , quibus in excolenda domestica vitæ ratione mirificè effulgit : Inter quas cum principem sibi vindicet locum humilitas , hinc non immeritò , cum magnum ab initio construe-

„ re cu-

„ re cuperet ædificium sanctitatis , de jaciendo priùs cogitavit alto fundamento humilitatis . Quamobrem & internam animi demissionem vigilantissimè coluit , & contemptus hominum ardentissimè concupivit ; „ oblatos in Religione honores & gradus , quoad potuit , constantissimè recusavit , eosque obedientiæ virtute suscepitos citius , quo potuit , di- „ mittendos curavit : Et quemadmodum domum verrere , terram effode- „ re , lances in coquina detergere , exportare vasa in contumeliam , vilio- „ ra quæque præstare , tamquam qui omnium abjectissimum se putabat , „ jucundissimum illi fuit : ita , cum maximum se ex animo crederet pec- „ catorem , ceterorum precibus se commendare consuevit ,

„ Porro ex hac tanta humilitatis radice suam traxit originem cæca illa obedientia , qua adeo Josephus excelluit , ut , cum Christum Dominum fide non ficitâ in suis Superioribus intueretur & coleret , cum iis non aliter quam flexis genibus nudoque capite colloqueretur , ne que eorum imperium sibi duceret expectandum , sed voluntatis indicia perscrutanda .

„ Tantam verò crucis mortificationem in corpore suo portavit , ut cum pane durissimo mucidoque , & putrescentibus aquis se durissimè , ut plurimum , sustentaret , ad lautitiem aliquando unum aut alterum vini cyathum adhiberet cineribus priùs benè corruptum , & semiustis quibusdam putridis aspersisque fuligine leguminibus , vel crudis quandoque oleribus uteretur . Ciliciis etiam diversi generis cum castigaret corpus , ferreâ quadam catenâ dies noctesque ita constringebatur , ut , cum tumescientibus membris caro labefactata putrefascere inciperet , forci pateficeretur obtruncanda . Tum in abditissima domus sylvæque loca secedens , remotis arbitris , inusitatis flagellorum generibus corpus suum ita diverberabat , ut sui ipsius crudelissimus carnifex laniusque ab ipsis Fratribus & vocaretur & esset . Quo factum est , ut legem in membris suis repugnantem legi mentis suæ sentire minimè videretur , & quò carnem mortificatâ depressior , eò spiritu vivificato sublimior in rerum cœlestium contemplationem assurget : Huic enim sic erat deditus vir religiosissimus , ut vix possit intelligi , quonam pacto & orationis assiduitati , & unâ Proximorum saluti tantopere posset incumbere . Siquidem , ut orandi satietatem expleret , saepe insomnes traducebat integras noctes , & meditationibus jugiter vacans ex visilibus quibuscumque , in quæ oculus incidebat , ad invisibilia Dei vel invitus rapiebatur . Hinc ante sanctissimam Christi Domini de Cruce pendentis imaginem plures horas consistere visus est , aliquando brachiis extensis atque sublatis , aliquando verò in sublime raptus e terra , radiosque ex vultu emittere lucidissimos . Acerbissimam verò ejusdem Passionem tam attentâ mente animoque sollicito contemplabatur , ut dolor , quo intùs afficiebatur , per varias totius corporis distortiones verè summus esse cognosceretur .

„ Tot tantarumque virtutum odoratus Dominus suavitatem odoris,

„ ut Servi sui sanctitatem omnibus manifestaret, insignium charismatum do-
 „ na illi largiri dignatus est, multorumque miraculorum gloriâ condecora-
 „ rare. In spiritibus itaque discernendis, in secretis cordium abditissimis
 „ penetrandis, in rerum eventibus longè in posterum prospiciendis, in
 „ gravissimis morbis simplici tactu, prece, imperio expellendis, in bestia-
 „ rum feritate edomanda, in elementis ad arbitrium suum moderandis
 „ atque flectendis illum mirabilem sic Deus fecit, ut cum numerando non
 „ possint singula recenseri, necesse sit ex iis summatim aliqua delibare.
 „ Truentum igitur expanso super aquas pallio unâ cum Socio transfigit:
 „ Marojam fluvium sicco pede calcavit: In Templo trituranibus commi-
 „ natus, cum, extincto bove, poena illico subsecuta esset, illum paulò post
 „ Agricolæ pauperrimi lacrymis precibusque commotus ad pristinæ vitæ
 „ munera revocavit: Ex arido monte ad Socii sui sicut sedandam cum aquæ
 „ venam aperuisset, eâque subitò exsiccata, locus paulò post a quibusdam
 „ indagaretur, ubi miraculum contigisset, aquæ iterum eruperunt, qui-
 „ bus epotis nullum amplius visum est aquæ vestigium.

„ Interea tempus illud advenerat a Josepho multò ante præscitum
 „ ac prænunciatum, quo repositâ coronâ justitiæ, quam repromisit Deus
 „ diligentibus se, in triumphanti eum patria Dominus coronaret, quem
 „ bonum certamen certantem tantis charismatum donis jam coronaverat
 „ hic in terris. Plurimis igitur acerbissimisque cum cœpisset afflictari do-
 „ loribus, & intelligeret horam novissimam appropinquare, satis expli-
 „ cari non potest, quâm totus in id incumberet, ut animo præparato ve-
 „ nienti Domino lætus occurreret. Quamdiu per vires licuit, licet infir-
 „ mus, immaculatam Deo hostiam offerre non prætermisit: Quod post-
 „ modum cum peragere acerbioris morbi vi prohiberetur, illud saltem
 „ solatii capere nitebatur, ut ante horas matutinas e lectulo suo consur-
 „ gens ad Ecclesiam descenderet, ibique de Superioris manu sanctissimâ
 „ Eucharistiâ reficeretur. Ubi verò morbo invalescente e Cella egredi mi-
 „ nimè potuit, illud obtinuit, ut expiatâ per Exomologesim conscientiâ,
 „ immaculato Christi corpore, tamquam salutari vitæ immortalis pigno-
 „ re, diebus singulis in sui domicilii vestibulo flexis genibus cibaretur. In
 „ meditanda interea Passionis Dominicæ historia, in precibus recitandis,
 „ in persolvendo divino Officio reliquas diei partes devotissimè transige-
 „ bat: Donec instante novissimo mortis agone, Ecclesiæ Sacramentis sum-
 „ mo pietatis ac Religionis fervore suscepit, Christi Domini amantissi-
 „ mè osculatus effigiem, dum corpus oculosque tamquam in Cœlum pro-
 „ peraturus attollit, placidâ serenâque fronte cursum felicissimè consum-
 „ mavit in Amatricis Oppido, die quartâ Februarii anno millesimo sex-
 „ centesimo decimo secundo, ætatis suæ quinquagesimo septimo.

„ Mirum quantâ speciei venustate florere subitò cœperit beati cada-
 „ veris facies, quæ antea, cum esset vivens, morborum diurnitate vi-
 „ tæque austeritate squalebat! Mirum quantâ odoris suavitate ipsa etiam
 „ intima

„ intima dissecti corporis viscera redolerent ! Mirum quām vivida , quām
 „ flexibilia , quām mollia membra conservarentur ! Quin etiam ipsa cor-
 „ poris intestina excrementitiis saceribus divinitūs , ut creditum fuit , de-
 „ purgata fragrantissimo inventa sunt humore lacteo redundare . Quæ
 „ dum miratur Chirurgus , Deumque in Sancto suo mirabilem prædicat ,
 „ Josephi sanctitatem sibi ipsi beneficam expertus est ; cum enim inter se-
 „ candum novacula sibi digitum gravi vulnera sauciasset , opportunissi-
 „ mam in Josephi sanguine medelam invenit , qua illico sanaretur .

„ Evulgatā autem felici Josephi morte , ad visendum venerandum
 „ que sanctum illius Corpus tanta multitudo sanctitatis ejus famā ac re-
 „ ligione succensa in Oppidum Amatricis confluxit , ut finitimæ Regio-
 „ nes omnes suis propemodum convulsæ sedibus viderentur ; quibus Jose-
 „ phus Apostolicā illā charitate adhuc incensus , qua semper exarserat hic
 „ in terris , innumera obtinuit ab omnipotenti Domino beneficia . Quot
 „ enim diuturnis affectos morbis in pristinam valetudinem incolumita-
 „ temque restituit ! Quot ab obsessis corporibus spiritus immundos ejecit !
 „ Quot intimum cordis dolorem ingessit , quo peccatorum veniam a Do-
 „ mino consequerentur !

„ Quamobrem cum , famā sanctitatis , gloriā miraculorum , & po-
 „ pulorum devotione ubique percrebrescentibus , votis omnium haberetur
 „ dignissimus , de quo ageretur inter Cœlites referendo , plures formati
 „ sunt de ejus virtutibus miraculisque post mortem , ordinariā primū ,
 „ deinde Apostolicā auctoritate Processus : Quibus rite discussis , iisque
 „ adamussim servatis , quæ in re tanti momenti Summorum Pontificum
 „ Decretis præscripta sunt , Clemens XII. P. O. M. die decimā quintā Ju-
 „ lii anni millesimi septingentesimi trigesimi quarti sacrae generalis Ri-
 „ tuum Congregationis judicium de heroicis Josephi virtutibus Decreto
 „ Apostolico confirmavit ; die verò octavā Junii anni millesimi septin-
 „ gentesimi trigesimi septimi duo miracula comprobavit : Puer siquidem ,
 „ qui ab ipsa nativitate palpebras ita simul habebat unitas , ut ad viden-
 „ dum perpetuò impos judicaretur , Josephi ope illico luce donatus est :
 „ Laurentius verò Novellus cum fuisset in genu gravissimè vulneratus , in-
 „ vocato Josephi nomine , momento temporis ab omni vulnera sanatus
 „ fuit . Hinc , cum Sacrae Congregationis judicio inter Beatos recenserri
 „ posse declaratum fuisset , idem Clemens XII. Summus Pontifex Jose-
 „ phum Beati nomine insigniri , ejus Reliquias publicè venerari , & in ali-
 „ quibus locis de eo Officium recitari , Missamque Confessoris non Ponti-
 „ ficis juxta Breviarii Romani rubricas celebrari permisit .

„ Novis postea Processibus efformatis , ut , quæ post indulti cultus
 „ concessionem nova miracula supervenerant , more solito probarentur ,
 „ eorumque validitate discussâ , duo in generali Congregatione coram
 „ Sanctissimo Domino Nostro BENEDICTO XIV. P. O. M. habitâ plenis
 „ calculis Patres approbavere : Josephus scilicet Dionysius annorum duo-

„ rum puer tantam corporis debilitatem ab ipso vitæ exordio contraxe-
 „ rat , ut stare nullo modo posset ; carnis verò fibras adeo lentas habebat
 „ atque flexibiles , ut ad modum lintei complicarentur : Cum eum Mater
 „ delatum ad Templum super illud Altare collocavisset , sub quo jacebat
 „ Josephi corpus , Puerumque illius patrocinio maximâ fide commenda-
 „ visset , tantâ roboris firmitate consolidatae sunt illico bases Pueri , & tam
 „ perfectâ virium integritate corpus ejus donatum est , ut ex seipso subitò
 „ incedere , deambulare , & currere sine ulla difficultate potuerit .

„ Antonia item Morellia quâdam fistulâ tam graviter laborabat , ut
 „ non solum sanies ex ea permixta sanguine flueret , sed ea hiante tam ve-
 „ hemens erumperet ventus , ut candelæ sufficeret extinguedæ : Acceden-
 „ tibus postmodum tussi , febri acerbissimisque doloribus , de ejus sanitate
 „ fuerat conclamatum . Vix autem oleo , quod ante sacram beati Josephi
 „ corpus ardere consueverat , oblinita ea fuit , cum eodem momento tem-
 „ poris fistulâ evanescente , febri , tussi doloribusque cessantibus , intégrè
 „ fuit pristinis viribus restituta . Quæ duo miracula Sanctissimus Dominus
 „ Noster Apostolicâ auctoritate firmavit die primâ Maji anni millesimi
 „ septingentesimi quadragesimi quinti .

„ Cum autem die tertiatâ Augusti ejusdem anni idem Summus Ponti-
 „ fax in generali Congregatione ab universis Patribus intellectisset , locum
 „ esse , ut tutò coelestes in terris beato Josepho decernerentur honores ,
 „ post adjutorium coelestis luminis , suis aliorumque Christifidelium pre-
 „ cibus imploratum , die decimâ septimâ ejusdem mensis Sacrae Congre-
 „ gationis Secretario , & Fidei Promotori jussit , ut Canonizationis beati
 „ Josephi Decretum emitteretur . Pro cujus Decreti executione precibus
 „ in vestibulo causæ olim a Regibus , & Principibus christianis quamplu-
 „ rimis devotè porrectis , suas modò humillimas supplicationes addit omnis
 „ Fratrum S. Francisci Capuccinorum Familia .

C O M P E N D I U M

Vitæ , Virtutum , & Miraculorum , necnon Actorum in Causa
 Canonizationis BEATÆ CATHARINÆ de Ricciis Florentinæ ,
 Monialis Professæ Ordinis Prædicatorum .

Ex Monumentis Sacrae Rituum Congregationis .

„ **C** Atharina de Ricciis Florentiæ in Hetruriâ nata octavo Kalendas
 „ Maji anno salutis millesimo quingentesimo vigesimo secundo , Pa-
 „ rentibus pietate & nobilitate conspicuis , ab ipsâ infantiâ complura
 „ dedit non exiguae sanctitatis exempla . Puerilia siquidem oblectamenta
 „ mundique illecebras respuens , silentio , solitudine & oratione adeo de-
 „ lectabatur , ut Angeli sui Custodis aspectu & consuetudine frui , ejus col-
 „ „ loquiis

„ loquiis frequentissimè recreari , eumdemque habere meruerit Præcepto-
 „ rem in Rosarii , ut vocant, precibus recitandis . Ex qua precandi metho-
 „ do , in contemplandis Dominicæ vitæ mysteriis jugi meditatione defixa
 „ cum esset , incredibilem illum traxit divini amoris ardorem , quo postea
 „ tam vehementer toto vitæ suæ tempore æstuavit . Monalibus suburbani
 „ Asceterii Divi Petri e Monticulis nuncupati instituenda cum suisset tra-
 „ dita , ita supra suam ætatem cœlestium rerum contemplationi se dedit ,
 „ ut non in terris sed in cœlis vivere videretur ; præcipuè verò tanto
 „ mentis ardore , tantâ lacrymarum vi Christi Domini de Cruce pendentis
 „ imaginem singulosque ejusdem cruciatus assiduè contemplabatur , ut &
 „ de eis assiduè colloqueretur , & eos variis sui corporis actibus effingere
 „ conaretur , & præ doloris magnitudine conficeretur . Quo factum est ,
 „ ut Christum Dominum audire meruerit sibi voce clarâ atque sensibili
 „ ex eadem imagine colloquentem . Decennem ex eo Monasterio cum Pa-
 „ ter eam vellet abducere , facultate impetratâ , ut antequam ad domum
 „ paternam reverteretur , commorari per decem dies sibi liceret in Mona-
 „ stero Pratensi S. Vincentii Ordinis Prædicatorum . nec precibus , nec
 „ minis adduci potuit , ut inde egrederetur , nisi interposito sacramento
 „ fidem suam Genitor obligavisset de celeri reditu permittendo . Cum verò
 „ promissis ille non staret , & dilationem reditus variis prætextibus causa-
 „ retur , tanta ejus animum ægritudo corripuit , ut ex febri decumbere
 „ coacta fuerit . Hoc argumento voluntate Dei manifestatâ , omniq[ue] co-
 „ gitatione depositâ de ea in matrimonium tradenda , ut ad Pratense Mo-
 „ nasterium rediret , tandem aliquando permisit Pater . Ibi igitur trede-
 „ cim annos nata Religiose vitæ tirocinium ingressa arduum perfectionis
 „ iter , quod a teneris annis jam arripuerat , tantâ animi alacritate prose-
 „ cuta est , ut jam tum virtutum exemplo senioribus omnibus præluceret .
 „ Præcipuè verò , cum rerum cœlestium contemplationi multò , quam
 „ antea vehementius instaret , in Deum frequentissimè rapta tam admirata
 „ biles ecstases patiebatur , ut omnino destituta sensibus judicaretur . Illud
 „ autem in ea multò admirabilius , quod hoc ipso tempore , quo tam sin-
 „ gularibus gratiis illustrabatur a Domino , tam demissè humiliterque de-
 „ se ipsa sentiebat , ut metueret , ne tamquam minus idonea & omnium
 „ imperfectissima a Monasterio dimitteretur .

„ Expleto Probationis tempore , quam tamdiu concupiverat , voto-
 „ rum solennem professionem emisit , in qua , cum antea Alexandra num-
 „ cuparetur , Catharinæ sibi nomen assumpsit . Rata verò in suscep-
 „ ctioris vitæ instituto sibi acrius incumbendum religiosarum virtutum
 „ studio , satis explicari non potest , quantâ animi contentione gloriosas
 „ illas , quibus Ordo Prædicatorum abundat & illustratur , gloriosas Vir-
 „ gines æmulari , & secum ipsâ certare niteretur , ut in dies melior evade-
 „ ret atque perfectior . Solicita , ne ignis ille divini amoris , quo erat ac-
 „ censa , terrenis curis & cupiditatibus implicatus & suffocatus tepesce-
 „ , ret,

„ ret vel etiam extingueretur , id unum semper præ oculis habuit , ut
 „ nihil loqueretur nisi de Deo , nihil ageret nisi ad gloriam Dei , nihil
 „ nisi Dei clementiam , justitiam , sapientiam , pulchritudinem , omnipo-
 „ tentiam meditaretur . Quo factum est , ut , cum nec ipsa se avellere pos-
 „ set a Deo , nec aliò a rebus exterioribus avocari , quidquid sibi ob oculos
 „ obversaretur , quidquid acciperet auribus , quidquid attingeret sensibus ,
 „ omnia illam in Deum quasi violenter raperent , majoremque semper es-
 „ cam suppeditarent , qua suus ille ignis immensum evaderet in incendium .
 „ Hinc voces illæ continuaæ , continua illa suspiria , quibus interni ignis
 „ exhalare conabatur ardorem : Hinc tot illi defectus corporis & tam
 „ longa deliquia , quibus jugiter charitate vulneratâ languebat : Hinc cre-
 „ bræ illæ protestationes , quibus se quidem indignam esse asserebat , quæ
 „ igne divino accenderetur , fieri tamen minimè posse , ut sine eo vitam
 „ traduceret : Hinc uberes illæ gestientis animi voluptates & cœlestium
 „ gaudiorum deliciæ , quas , cum diutius inter angusta pectoris sui confi-
 „ nia continere non posset , in vultu identidem erumpabant divino splen-
 „ dore longè latèque radiantem : Hinc ecstases illæ admirabiles , quibus
 „ per dies integros sensibus destituta , & in aera quandoque sublata unicè
 „ cum Deo conversabatur , & miro quodam splendore micabat : Hinc lux
 „ illa cœlestis speciesque coruscantis cuiusdam flammæ , quam ex ore ocu-
 „ lisque emittebat , cum vel Dominicæ Passionis mysteria recoleret , vel
 „ sacræ Eucharistiæ pabulo reficeretur : Hinc denique fervidissimæ illæ
 „ adhortationes omni gladio ancipiti penetrabiliores , quibus sæpiissimè in
 „ ipso mentis excessu de Sponso suo divino tam alta , tam præclara , tam
 „ magnifica prædicabat , ut amoris diviniflammam in ipsis etiam lapideis
 „ cordibus excitavisset .

„ Neque verò cœlestis Sponsus , qui gratiam suam Servis suis dat af-
 „ fluenter , minora passus est hic in terris exhiberi Sponsæ suæ argumenta
 „ maximæ charitatis : Sacra siquidem Redemptionis Stigmata Catharinæ
 „ sinistro lateri , manibus pedibusque sanguineis quibusdam rutilisque
 „ notis insculpta : Spinosum Diadema , quo caput Catharinæ transfixit :
 „ Crucis vestigia Catharinæ tergo profundè impressa : Suimet ipsius exte-
 „ rior species a Catharinæ vultu vivâ quâdam similitudine aliquando , eo
 „ permittente , expressa atque repræsentata : Acerbissima Passionis suæ
 „ tormenta per duodecim annos singulis hebdomadis ab hora decima octa-
 „ va feriæ quintæ usque ad vigesimam secundam feriæ sextæ tum corpori
 „ extrinsecus , tum cordi intrinsecus communicata , non minus Catharinæ
 „ erga divinum Sponsum charitatem , quâm Sponsi divini erga suam Spon-
 „ sam amorem singularem abundè testantur .

„ Hæc autem , tametsi amplissima sint & planè singularia , non sunt
 „ tamen præclariora illa argumenta , quibus mutua Catharinæ Sponsi-
 „ que cœlestis charitas e vincatur . Majora siquidem & multò splendidio-
 „ ra remauent recensenda charismata , quæ , ut tantæ charitati vicem re-

„ pen-

„ penderet cœlestis Sponsus in Catharinam , voluit uberrima derivari .
 „ Memoriæ siquidem proditum est , quòd , cum aliquando orationi fer-
 „ ventiūs esset intenta , se ipsam sæpe Deipara conspiciendam contem-
 „ plandamque illi præbuerit , nec dulcissimos modò cum ea sermones ha-
 „ buerit , sed eum ipsum Puerum Jesum , in quem desiderant Angeli pro-
 „ spicere , in ejus sinu amantissimè collocaverit , ut eum tenerrimè am-
 „ plecteretur atque oscularetur , & cum illo familiarissimè colloquere-
 „ tur atque deliciaretur : Quodque sàdemmet Deiparâ Virgine pronubâ
 „ ab ipso Redemptore , datâ dexterâ , pretiosissimo cœlestique annulo fue-
 „ rit despontata . Nec silentio prætereundum est , quòd , cum quadam die
 „ ante Christi Domini de Cruce pendentis imaginem prostrata jaceret ,
 „ fervidasque de more suo funderet preces , brachia clavis confixa revel-
 „ lens idem Dominus in dulcissimos amplexus Catharinæ proruerit , quam
 „ cum dulcissimo Sponsæ nomine compellasset , ejus preces sibi acceptis-
 „ simas esse affirmavit .

„ Ex his autem tam sublimibus charisnatibus , quibus Sponsam suam
 „ tam abundè Christus Dominus insignire voluit & cumulare , sejungi mi-
 „ nimè debet propheticum illud lumen , quo illustrata & futura , & ab-
 „ sentia sæpe vidit ; & quod summum est , cordium secreta aliquando fun-
 „ ditùs penetravit . Quod adeo familiare illi fuit , ut , cum sèpissimè ar-
 „ cana cordium perlegisset , quidque Sorores animo cogitassent , quid
 „ mente volvissent , omni dubietate sepositâ , maximâ earumdem admirâ-
 „ tione patefecisset , unaquæque sibi metueret , ne si aliquid minùs rectum
 „ vel perpetrasset , vel concepisset , a Catharina , cui nihil erat occultum ,
 „ objurgaretur . Ex quo illud consequebatur , ut suaviter salubriterque
 „ tum apud Deum tum apud homines in officio continerentur .

„ Mirum autem videri non debet , quòd tantam in semetipsa constru-
 „ xerit fabricam celstitudinis , cum tantum priùs de fundamento cogitavis-
 „ set humilitatis ; neque quòd Deus talia ac tanta in ea congesta esse vo-
 „ luerit dona cœlestia , cum non potuerit non respicere humilitatem An-
 „ cillæ suæ . Hæc enim virtus , quæ ceterarum omnium est parens atque
 „ magistra , quàm profundas fixisset in ejus corde radices , ex eo satis co-
 „ gnosci potest , quòd divinis charismatibus tam liberaliter locupletata ,
 „ summis Populorum , Magnatum , Principum laudibus exaltata , adhuc
 „ tamen tam demissam humilemque de semetipsa opinionem habebat , ut
 „ se maximam peccatricem , communi luce indignam , inutile terræ pon-
 „ dus , vas fœtidum & immundissimum non prædicaret modò , sed ex
 „ animo reputaret . Hinc aliarum Sororum precibus enixissimè se com-
 „ mendare , iis diligentissimè famulari , eorum pedes amplecti atque de-
 „ osculari consuevit : Hinc summam capiebat animo voluptatem , si abje-
 „ ctioribus ministeriis addiceretur , si uteretur vilioribus indumentis : Hinc
 „ quidquid in sui gloriam & laudem vel apud domesticos , vel apud ex-
 „ teros cedere posse videbat , alto perpetuòque silentio premendum cautè

„ cura-

„ curabat ; quidquid verò ingerere contemptum sui, publicum omnibus
 „ esse volebat & manifestum . Quod quidem , ut cetera prætermittam ,
 „ ex hoc uno clarè liquet exemplo . Catharinæ virtutes , res gestas , & sin-
 „ gulares , quas a Domino acceperat , cœlestes gratias volumine compre-
 „ hensas diligenter Moniales collegerant , ut posteris vel imitandæ , vel
 „ admirandæ proponerentur : Vix autem tale quid ad ejus cognitionem
 „ devenit , incredibile dictu est , quanto dolore molestiâque affecta fuerit
 „ Catharina . Tamdiu orare , obsecrare , instare humillima Virgo non de-
 „ stitit , ut liber ille conculcaretur , laceraretur , combureretur , quoad us-
 „ que tandem aliquando in suas manus casu cum devenisset , vehementi hu-
 „ militatis instinctu agitata flammis subitò tradidit comburendum . Ne-
 „ que tamen humilitatis ejus postremus hic extitit terminus , sed eò usque
 „ progressa est , ut a cœlesti suo Sponso multis precibus lacrymisque summi
 „ beneficij loco petierit & impetraverit , ut universis privaretur externis
 „ sanctitatis indiciis & argumentis .

„ Ex hujusmodi tam profundæ humilitatis radice , veluti legitimus
 „ fructus , exactæ obedientiæ virtus originem traxit , quæ , teste sancto
 „ Gregorio , ceteras virtutes menti inserit , insertasque custodit . Cum di-
 „ dicisset ex sancto Bernardo , quòd : *Fidelis obediens nescit moras, fugit cra-*
„ flimus , ignorat tarditatem , præripit præcipientem , parat oculos visum , aures
„ auditui , linguam voci , manus operi , itineri pedes , totum se colligit , ut impe-
„ rantis colligit voluntatem ; nihil antiquius habuit Catharina , quam ut
„ haec omnia prompto alacrique animo adamassim exequeretur . Neque
„ solum id præstítit vel in rebus facilibus , vel quæ juxta Monasterii mo-
„ rem & institutum a Monialibus omnibus fieri consueverant , sed nihil
„ unquam de prompta ad exequendum voluntate remisit , etiamsi difficilli-
„ mis sæpe numero probaretur experimentis ; & ardua quæque , & ejus
„ vires prope excedentia juberentur . Revera ab ejus conscientiæ Mode-
„ ratore fuit quondam illi imperatum , ut sincerè fideliterque cuidam
„ ex probatoribus illius Monasterii Sororibus aperiret quidquid sibi a
„ cœlesti suo Sponso creditum fuerat ; vel in posterum crederetur . Hu-
„ militati suæ profundissimè inflictum vulnus vehementer admodum sensit
„ Catharina ; tantum tamen absuit , ut mandatum non faceret , vel in eo
„ faciendo moras innecteret ; quinimo id subitò fidelissimè præstítit , sua
„ nequidquam reluctantे humilitate .

„ Cum verò obedientiam , ceterasque virtutes cum singulari quadam
 „ prudentia conjunctas in Catharina Superioris Ordinis intuerentur , rati-
 „ eam , quæ aliis subesse , atque parere tam bene didicerat , non minori
 „ cum laude rerumque spiritualium emolumento Monasterii regimici
 „ præfuturam ; annuentibus , approbantibus , plaudentibus Sororibus
 „ omnibus , unâ duntaxat Catharinâ id ægrè ferente , illam huic muneri
 „ admoverunt ; in quo tam prudenter , justè , moderatèque se gessit , ut
 „ Superiorum eorumdem jussu ad quadraginta duos annos , raro atque uni-
 „ co for-

„ co fortasse inter Moniales exemplo, summa cum animi sui molestia illud
„ protraheretur.

„ Constituta autem a Domino super familiam suam, nihil magis
„ cordi habuit, quām ut omnes vota redderent in conspectu Domini,
„ quām ut mutuam inter se charitatem haberent, quæ est vinculum per-
„ fectionis, quām ut ascensiones in corde suo disponerent, irentque de-
„ virtute in virtutem, quām ut Martham, & Magdalenam agentes ora-
„ tionem cum operatione conjungerent, quām ut denique quidquid ver-
„ bo docebat, suo ipsamet firmaret exemplo. Comis, facilis, blanda,
„ mitis omnes intimis charitatis visceribus, & maternâ quādam solicitu-
„ dine complectebatur; sedulò incumbens, ne quam tristitia affligeret,
„ ne quam cogitatio secularis urgeret, ne aliqua nimia quiete torpesce-
„ ret, ne nimio labore aliqua premeretur: Cumque esset omnium Mater,
„ nullibi magis auctoritatem suam adhibuit, quām ut sibi abjectissima
„ quæque Monasterii munera reservaret. Sordes igitur verrere, com-
„ muni mensæ inservire, lances in coquina detergere familiarissimum ipſi
„ fuit.

„ Præcipuè verò singulari erga Infirmas charitate resplenduit. Iis
„ siquidem famulari usque adeo in deliciis habuit, ut non modò lectulos
„ sternere, cibos propriis manibus præparare, flexis ipsis genibus mini-
„ strare, earum pedes abluere solita fuerit, sed neque ab earum ulceribus
„ sanie manantibus, sordidoque quolibet ministerio sui victrix abhorreue-
„ rit: Si quæ verò in vitæ discrimine versarentur, nullum erat pietatis
„ officium, quod ab ea non impenderetur. Cibi somnique prorsus obli-
„ ta, nec diu, nec noctu veluti a commissa custodia discedebat: Sacra-
„ mentali gratiâ refici jugiter satagebat, & a Dæmonis vexationibus li-
„ berare ferventiùs nitebatur: Cumque jam eo viderentur adductæ, ut
„ cum morte conflictarentur, talibus apud Deum precibus migrantes ani-
„ mas adjuvabat, ut in ecstasim rapta non priùs sensibus restitueretur,
„ quām illæ objissent, & ad æternæ salutis portum feliciter appulissent.
„ Neque tamen idcirco solis his finibus circumscribi Catharinæ charitas
„ passa est, sed conquiescere minimè poterat, donec a Purgatorii poenis
„ ad cœlestem Beatorum Patriam eas ipsa suis quodammodo manibus
„ transtulisset. Vix enim concipi potest quot fusis ad Deum precibus la-
„ crymisque, quot proprii corporis afflictionibus pro iisdem divinæ ju-
„ stitiæ satisfacere niteretur: Illud etiam a Domino enixis precibus pete-
„ re solita, & impetrare omnium judicio, ut eas poenas a se ipsa adhuc
„ viva repeteret, quæ iisdem pro perpetratis culpis levibus debeban-
„ tur.

„ Quæ quidem planè heroicâ, & singulari charitate non eas tantùm
„ animas complectebatur, quæ in Pratensi Monasterio, sed universas
„ etiam, quæ in toto Orbe ex hac vita in Domino commigrabant: Quin
„ etiam viscera charitatis suæ dilatans erga Peccatores, Hæreticos, & In-

„ fideles eorum perditionem tam amarè deflebat , ut se ad quælibet pro
 „ illorum salute tormenta libentissimè Domino offerret , & voluntarios
 „ proprii corporis animique cruciatus pro eorumdem conversione dica-
 „ ret . Quo factum est , ut , Domino Servæ suæ precibus annuente , per
 „ multum temporis gravissimis afflcta fuerit morbis acerbissimisque do-
 „ loribus . quos præter naturam suis Medicorum judicio declaratum
 „ fuit . His hominum suspicione , perversa judicia , calumniæ , contu-
 „ meliæ addendæ sunt . Quæ tamen non solum forti & æquo animo cun-
 „ cta sustinuit , sed mirifico dilectionis affectu persecutores suos omni be-
 „ nignitatis testimonio complexa , charitatis , patientiæ , humilitatis
 „ hostia Deo viventi in odorem suavitatis evasit .

„ „ Omnibus his , quibus vel Catharinæ votis satisfacere Deus voluit ,
 „ vel ejus virtutem tamquam aurum in fornace tribulationis diu multum-
 „ que probare , accesserunt voluntariæ corporis afflictiones . Cilicio ,
 „ flagellis , frigore , inediâ , vigiliis , atque omni pœnarum genere per
 „ quadraginta & octo annos semetipsam Virgo innocentissima cruciare
 „ non destitit . Quo tempore non solum ab ovis & carnibus , Deo juben-
 „ te , semper abstinuit , sed tantâ cum severitate jejunare consuevit , ut
 „ plerosque dies solo pane & aquâ transigeret . Hinc est , quod tam glo-
 „ riosum reportavit de seipsa triumphum , ut vel omnino extincto , vel
 „ oppresso libidinis sensu , nullum in suo corpore passa fuerit motum pu-
 „ dori virgineo reluctantem , & integratatis candorem ad mortem usque
 „ intactum illibatumque servaverit .

„ Hic tamen iterum revocat me Catharinæ charitas erga Proxi-
 „ mum , singularis illa præcipuè erga pauperes misericordia , de qua
 „ usque adhuc nullam video a me factam fuisse mentionem . Hæc porro
 „ tanta fuit in Catharina , ut , cum ære proprio eorum egestatibus sub-
 „ venire non posset , & intra Monasterii septa conclusa , quæritandis
 „ eleemosynis ad eos sublevandos minus idonea videretur , inops tamen
 „ Virgo ab omnibus segregata ingeniosâ charitate perfecit , quod multi
 „ simul liberi divites facere minimè potuissent . Ut enim prætermittam
 „ innumeras eleemosynas , quas non solum Pratensis , sed totius He-
 „ truriæ pauperibus in dies singulos erogabat , constat , plures inopes vir-
 „ gines , congruis dotibus assignatis , nuptui aut Cœnobio tradidisse , ne
 „ earum pudicitia periculum pateretur .

„ „ Tantarum verò virtutum fama cum intra Pratensis Monasterii
 „ septa contineri non posset , per Hetruriam , Italiam , Galliam , Ger-
 „ maniam longè latèque vagata percrebuit . Ad eam igitur undequaque
 „ Populi confluebant , vel ut a languoribus sanarentur , vel ut ab immun-
 „ dis spiritibus liberarentur , vel ut ad gratias spirituales obtinendas ejus
 „ precibus adjuvarentur : Neque unquam votis inanibus discedebant .
 „ Paulus etiam hujus nominis Tertius Pontifex Maximus summam famæ
 „ adjunxit auctoritatem : Cum enim Roberto Cardinali Puccio Episco-

„ po Pistoriensi commisisset , ut tam evulgatam Catharinæ sanctitatem
 „ ad rigidum examen revocaret : Ille verò in hanc rem tanti negotii viros
 „ secum adhibuisset doctrinâ , dignitate , pietate præstantes , factum est ,
 „ ut ea & maximè probaretur , & omnes in summam raperet admiratio-
 „ nem . Incomparabiles quoque viri S. R. E. Cardinales amplissimi Cervi-
 „ nius , Mediceus , Aldobrandinius , qui omnes deinde ad Petri Cathe-
 „ dram assumpti sunt : Nicolinius , Caffarelli , Justinianus , Alexan-
 „ drinus sancti Pii Quinti Nepos , aliique Præfules benè multi : Hetru-
 „ riæ , Bavariæ , & Mantuæ Principes illam religionis & venerationis
 „ causâ adiverunt , tamquam ad omnis sanctitatis magistrum absolutæque
 „ perfectionis exemplar . Sanctus quoque Philippus Nerius , & sancta
 „ Maria Magdalena de Pazziis , cum tam admirabilem sanctitatem non
 „ tam celebritate famæ , quâm Deo auctore intellexissent , amicitiam &
 „ litterarum commercium cùm ea inire voluerunt . Quinimo S. Philippus
 „ cum Romæ moraretur , illius tamen aspectum habuisse præsentem , &
 „ cum ea pios dulcesque inseruisse sermones tum ipse testatus est , tum lu-
 „ culenter satis in ejus Bulla Canonizationis declaratum legimus in hæc
 „ verba : *Cum in Urbe maneret , tunc in humanis agentem Catharinam Ric-*
 „ *ciam &c. Monialem Prati in Hetruria commorantem longo temporis spatio est*
 „ *allocutus . Quod profectò aliter contingere minimè potuit , nisi cum am-*
 „ *bo in ecstasim rapti (quod illis familiare admodum fuit) ambo etiam*
 „ *coram Domino in spiritu commorarentur . Id ipsum autem , cum BE-*
 „ *NEDICTUM Decimumquartum Pontificem Optimum Maximum pro*
 „ *omnigena sua eruditione cum in rebus omnibus , tum præcipue in histo-*
 „ *riis Servorum Dei , latere minimè posset , in causa fuit , cur diem ipsam*
 „ *sancto Philippo Neri dicatam elegerit , qua a se beatæ Catharinæ mi-*
 „ *racula approbarentur .*

„ Catharinam interea agentem jam sexagesimum septimum annum
 „ mortiferus idemque acerbissimus invasit morbus ex nimia , ut prodi-
 „ tum est , vitæ austeritate contractus . Quapropter , ut in occursum
 „ divini Sponsi plenâ lampade Virgo prudentissima se præpararet , nihil
 „ curavit magis , quâm ut sanctissima Ecclesiæ sacramenta devotissimè su-
 „ meret . Adstabant interea Catharinæ lectulo Monasterii Sorores tantæ
 „ Matris jacturam lacrymis inconsolabilibus deplorantes , quas Catharina
 „ ad Religiosæ vitæ observantiam , ut Christum lucrifacerent , majori
 „ quo poterat , animi fervore exhortans , frustra consolari in Domino
 „ nitebatur : Cum repente auditis per aera dulcissimis Angelorum con-
 „ centibus proximæ mortis Catharinæ prænunciis , animi quodam stupore
 „ correpta a fletu aliquantulum conquiescere coætæ sunt . Catharina ve-
 „ rò nunquam magis . quâm eo tempore , intenta contemplandis Domi-
 „ nicæ Passionis doloribus , manibus pedibusque in Christi Crucifixi simi-
 „ litudinem positis , ad Sponsi sui cœlestis amplexus inter plaudentes An-
 „ gelorum choros feliciter evolavit die secundâ Februarii anno millesimo

„ quingentesimo octogesimo nono . Quo temporis momento non solum
 „ facies ejus diuturnorum morborum macie & pallore foedata insolitâ
 „ quâdam venustate refluuit, sed mirus quidam ab universo corpore splen-
 „ dor emitti , mirus quidam odor efflari cœpit , qui , eo etiam in sepul-
 „ cro jam posito , maximâ omnium admiratione perseveravit . Quanto
 „ autem in cœlesti Patria excepta fuerit gaudio quantoque beatæ illius
 „ Curiæ triumpho , satis sit , multis aliis omissis , sanctæ Mariæ Magdale-
 „ næ de Pazziis testimonium , quæ se tantæ solennitati , Deo adeo illi fa-
 „ vente , interfuisse Confessario suo narravit .

„ Ut verò mortis illius rumor ad Pratensem Urbem vicinasque He-
 „ truriæ Civitates , & Oppida allatus fuit, incredibilis subitò ad visendum
 „ illius Cadaver concursus hominum factus est , cupientibus certatim sin-
 „ gulis aliquam ex indumentis ejus habere particulam , qua ad impetran-
 „ das a Domino gratias uterentur . Percrebrente postmodum magis ma-
 „ gisque sanctitatis illius famâ , eamque multis insignibus beneficiis mi-
 „ raculisque Domino comprobante , digna omnium votis habita est , de
 „ qua inter Cœlites referenda ageretur .

„ Instructis igitur anno millesimo sexcentesimo decimo quarto , &
 „ millesimo sexcentesimo vigesimo tertio , ordinariâ atque Apostolicâ au-
 „ citoritate Processibus , tribus Sacrae Romanæ Rotæ Auditoribus , ut erat
 „ in more tunc positum , discutienda causa committitur , qui de ea lato ju-
 „ dicio & documentorum auctoritatem probarunt , & Catharinæ virtutes
 „ gradum heroicum attigisse affirmarunt , & miracula supra communem
 „ naturæ usum patrata fuisse dixerunt .

„ Evulgatis tamen interea ab Urbano Octavo Pontifice Maximo no-
 „ vis legibus super hujusmodi causas , novi subinde de non Cultu , ut ajunt,
 „ condendi suere Processus . Quibus rite constructis anno millesimo sex-
 „ centesimo septuagesimo quinto , de omnimoda Decretorum observantia
 „ constare Episcopi Pistoriensis , & Sanctæ Sedis judicio declaratum est an-
 „ no millesimo sexcentesimo septuagesimo octavo .

„ Siluit postmodum Caula usque ad annum millesimum septingente-
 „ simum decimum quintum , quo Sacrae Rituum Congregationis Decreto ,
 „ annuente Clemente XI. Pontifice Optimo Maximo , instauratum fuit
 „ virtutum examen , quæ Sacrae Rotæ Auditorum judicio jampridem fue-
 „ rant approbatæ : Cumque nonnullæ fuissent exortæ novæ difficultates ,
 „ iis probè ritèque discussis , Benedictus XIII. Pontifex Optimus Maxi-
 „ mus Ordinis Prædicatorum Apostolico lato Decreto die septima Martii
 „ anno millesimo septingentesimo vigesimo septimo , de virtutibus Ca-
 „ tharinæ de Ricciis in gradu heroico ad effectum , de quo agebatur , con-
 „ stare pronunciavit .

„ Quibus peractis , ad novum etiam examen revocata cum fuissent
 „ Catharinæ miracula , in generali Sacra Rituum Congregatione coram
 „ Clemente XII. P. O. M. habitâ die vigesimâ secundâ Aprilis anni mille-
 „ simi

„ simi septingentesimi trigesimi quarti, duo plenis calculis approbata sunt:
 „ Scilicet sanitas momento temporis impertita Sorori Catharinæ de Bon-
 „ siis Moniali Professæ in Monasterio Pratensi S. Vincentii Ordinis Prædi-
 „ catorum, ab Aneurismate: Et Sororis Elisabeth Cherubinæ Catani Mo-
 „ nialis Conversæ in Monasterio Pratensi S. Claræ subita item salus ab I-
 „ schiade. Datoque de eorum approbatione Decreto die trigesimâ Aprilis
 „ anni millesimi septingentesimi trigesimi secundi, idem Clemens XII.
 „ Beatificationis diploma expediri mandavit die primâ Oct. ejusdem anni.

„ Expeditis postea litteris, quas Remissoriales & Compulsoriales vo-
 „ cant, pro consuetis conficiendis Apostolicâ auctoritate Processibus su-
 „ per novis miraculis, quæ post Catharinæ Beatificationem patrata fue-
 „ rant, eisque ad Urbem delatis, eorumque validitate recognitâ, præmis-
 „ sis consuetis Congregationibus Antepræparatoriis & Præparatoriis,
 „ ad BENEDICTUM XIV. P. O. M., quem diu sospitem Deus faciat ad
 „ majorem Ecclesiæ suæ utilitatem & incrementum, novum miraculo-
 „ rum examen delatum est: Et in Congregatione generali coram ipso ha-
 „ bitâ, duo rursus plenè approbavit.

„ Primum est absoluta & perfecta sanitas Mariæ Clementinæ Stac-
 „ cioli puellæ Florentinæ ab exulcerato atque immedicabili Cancro in
 „ dextera mamilla, quod septem primò valvulis seu cavitatibus, mox
 „ duabus per octo annos ita sævierat, ut ex eo Infirma non multò post cer-
 „ tissimè moritura judicaretur.

„ Alterum verò fuit repentina salus Sororis Mariæ Magdalenaæ Fabris
 „ Monialis Professæ in Monasterio S. Catharinæ Civitatis Augustanæ Or-
 „ dinis Prædicatorum ab Arthritide pertinaciter fixâ in artibus inferiori-
 „ bus, ex qua eorum motus impediebatur, quæque Medicorum judicio
 „ erat prorsus insanabilis.

„ Quæ cum peracta suissent, habitâ iterum coram eodem Summo
 „ Pontifice generali Congregatione, discussum est, an tutò procedi pos-
 „ set ad solennem beatæ Catharinæ Canonizationem; & Patribus omni-
 „ bus voto unanimi consentientibus, post aliquot dies, quibus in re tam
 „ gravi a Patre luminum divinum censuit postulandum auxilium, die de-
 „ dum sextâ Octobris anni millesimi septingentesimi quadragesimi quar-
 „ ti Decretum de peragenda Canonizatione publicè pronunciavit. Quod
 „ ut executioni mandetur, novumque sibi decus accedat per solemnum
 „ hujus Virginis Canonizationem, humillimas offert preces universa Præ-
 „ dicatorum Familia.

VII. Idus Junii e Gandulphi Castro ad Arcem Romani Imperii re-
 „ dum Princeps Apollolici Senatus, per sequentem schedulam ob majorem
 „ commoditatem typis impressam, ut & in reliquis factum est inferius ap-
 „ ponendis, a Curforibus delatam commoneri præcepit Cardinales & Præ-
 „ sulæ, quotquot Romæ tunc aderant, de primo semipublico Consistorio
 „ post biduum habendo.

INTITULATIO

Per Cursores facienda etiam Domi dimissâ copiâ.

Feria 4. die 8. Junii. In Aula, quæ loco Ducalis est in Quirinali Palatio, habebitur Consistorium semipublicum sub hora decimatertia. In eo servata Methodo juxta schedulam jam distributam Sanctissimus Dominus Noster BENEDICTVS Papa XIV. tam Eminentissimorum DD. Cardinalium, quam Reverendissimorum Patriarcharum, Archiepiscoporum & Episcoporum suffragia excipiet pro futura Canonizatione beati FIDELIS a SIGMARINGA Martyris Ordinis Minorum S. Francisci Capuccinorum.

Intimentur idcirco omnes, & singuli Eminentissimi, & Reverendissimi DD. Cardinales, necnon Reverendissimi DD. Patriarchæ, Archiepiscopi & Episcopi in Urbe præsentes, ac Domini Protonotarii Apostolici, duo antiquiores Rotæ Auditores, Sacrorum Rituum Congregationis Secretarius, Promotor Fidei, & Procurator Fiscalis Cameræ Apostolicæ.

De Mandato Sanctissimi Domini Nostri Papæ


Ignatius Reali Apost. Cærem. Præf.

In Ædibus Quirinalibus pro Aula Ducali accipitur ea, quæ ascendentibus per scalam Regiam in Palatum prima occurrit, & in qua Parafrenarii commorantur. Ad caput igitur Aulæ istius posuerant Pontificis Cosmetæ (vulgaris Flœrios appellat) Papalem Cathedram, supra quam ampla pendebat Umbella, sericâ culcitrâ coloris rubri auro contextâ obductam; parietem autem posticum, cui ipsa sedes hærebat, damasceno serico rubro circumvestierant; scenna præterea Consistorialia, in quibus Cardinales assiderent, disposuerant hinc & inde in rectam lineam porrecta, & in quadrum desinentia, aperto tamen aditu e regione Sedis Pontificiæ relicto: Pro Præsulibus verò Assistentibus ad Solii dexteram; pro non Assistentibus, ad sinistram post Cardinalium sedilia eodem ordine distribuerant quam plura alia scenna ex nudo alboque ligno sine postergali, in quibus & Protonotarii & Auditores etiam Rotæ assidere debebant; ut in hac Ichnographia appareat.

His dispositis statutâ die & horâ convenere in præfatam Aulam Purpurati Patres & Præsules omnes, quorum nonnulli ex Orientali Regione hue appulsi jussu Papæ præter cibaria ab ipsius Promo quotidie suppeditata, Rhedam quoque, qua vectarentur, a Pontificii Equilis Præfecto Marchione Pyrrho Vasè Pietramelara illustri ac probo Viro Bononiensi accipiebant.

Ad eos exiit Pontifex, duorum Diaconorum Cardinalium, qui in Aulam

1. Sedes
 Pontifi-
 cia.
 2. Scam-
 na Car-
 dinalium
 Ducio-
 norum
 Assisten-
 tum ad
 ornatū
 tantum
 3. Sedilia
 Cardi-
 naliū
 4. Scam-
 na pro
 Patriar-
 chis Ar-
 chiepi-
 scopis et
 Episco-
 pis As-
 sistenti-
 bus.
 5. Similia
 pro Pa-
 triarchis
 Archie-
 piscopis
 et Epis-
 copis
 non As-
 sistenti-
 bus.
 6. Alia pro
 Protone-
 taris.
 7. Alia pro
 Auditore-
 ribus
 Rotar.
 8. Locus
 Secreta-
 riū Cong
 Sacri-
 tuum.
 9. Suppli-
 cum Li-
 bellorū
 a Secre-
 tis, et Cu-
 biculo
 Praefecti
 locis ex
 Speciali
 sua San-
 ctitatis
 gratia.



*Schemographia Aule Parafreniariorum loco Ducalis in Quirinali-
Palatio ad Confistoria semipublica pro Canonizatione*

10. Apo-
 stolicarum
 Cæremo-
 niarum
 Prafe-
 ctus.
 11. Cœteri
 Cœtano-
 marum
 Magi-
 stri.
 12. Promoto-
 tor Fi-
 dei.
 13. Procu-
 rator
 Fiscalis.
 14. Secreta-
 riū Sa-
 cri Col-
 legiū.
 15. Cleri-
 cus Na-
 tionalis.
 16. Iauite
 ad inte-
 riora
 Cubicu-
 la.
 17. Introit-
 us in
 Aulam
 ex par-
 te Sca-
 larum.
 18. Fenes-
 træ ver-
 sus abri-
 um Qui-
 rinalis.
 19. Alice
 versus
 Virida-
 rium.
 20. Insu-
 minbu-
 lum.

Aulam Paramentorum opportunè ob id fuerant acciti , ministerio jam induitus Amictu , Albâ , Cingulo , Stolâ violaceâ , Pluviali simplici coloris rubri cum Formalio ex unionibus , ac Mitrâ ex textili auro redimitus . Pedes incedebat præcedente Cruce ab Auditore Rotæ delatâ cum Cappa : Vestimentorum ejus anteriores fimbrias duo Protonotarii ; posteriores verò Cubicularii duo Assistentes elevabant . Cum Se aptasset in Solio , jussi sunt de Aula egredi , quibus locus non erat in eo Conventu ; iisque qui foris clauso ostio remanerent , vetitus in posterum ingressus . Speciali tamen summi Pontificis gratia constiterunt prope ejus sedem in sinistro latere R. P. D. Joseph Livizzani Protonotarius supra numerum , utpote SANCTITATIS SUÆ a supplicibus Libellis , & R. P. D. Vincentius Malvezzi , eidem Protonotariorum participantium Collegio adjunctus , Apostolico Cubiculo Præfectus , ambo nobilitate generis , prudentia , comitate apprimè commendati .

Sessionis initium fecit Pontificia hæc Allocutio .

VENERABILES FRATRES . Maximam Nobis hic amplissimus confessus jucunditatem affert , in quo Pontificum Prædecessorum nostrorum vetus consuetudo renovatur . Siquidem , cum de gravissimis negotiis agendum ac deliberandum erat , in consilium vocabant Primores ex Clero Romano , Episcopos Suburbicarios & ceteros Antistites , qui casu aliquo Romæ versabantur . Materiem pariter , quam Vobis examinandam ac dijudicandam proponimus , sacræ vetustati omnino consentaneam judicamus . Et enim Causa Martyris Fidelis a Sigmaringa Vobis exhibetur ; & cognitum satis est perspectumque universis , quām diligenter accuratèque Prædecessores nostri Clemens , Fabianus , & Antherus colligi jusserint eorum Acta , qui pro Fidei Catholicae defensione vitam profundebant . Actorum collectioni judicium succedebat , quod *vindicationis* appellabatur , quodque institui solebat ab Ecclesia ad fraudes & ambi-

ambiguitates evitandas , de quo judicio verba facit Optatus Milevitanus Scriptor quarti seculi , cum illustre facinus Cæciliani Archidiaconi commemorat , qui superbam foeminam Lucillam vehementer objurgavit , eo quod ossa *hominis mortui* , *et si Martyris* , *sed ne cdum vindicati* , osculari consueverat , priusquam Divinam Eucharistiam perciperet . Quod si aliquid paulò alienum ab antiquitate reperitur in examine , quod habetur hodierna die , illud profecto est , quod in Actis & narrationibus rerum gestarum a Fideli a Sigmaringa , quæ Vobis exhibitæ fuerunt , & quas antea Nos ipsi perspeximus ac diligentissime expendimus , in his , inquam , Actis non solum agitur de Martyrio , ejusque Causa , sed etiam recensentur signa ac Miracula , quæ beato Fideli intercedente Deus patravit . Etenim vestram eruditionem minimè latet gravissima disputatio , quam seculo nono Ecclesiæ magnâ cum laude sustinuit S. Eulogius Martyr ac Toleti Archiepiscopus in suo præclaro Libro , qui inserbitur : MEMORIALE SANCTORUM : pro Cultu Cordubensiū Martyrum , magnopere contendens illis exhibendum esse Martyrum Cultum , etiamsi nulla Miracula ob eorum intercessionem obtigissent . Attamen id minimè nos avocat ab instituto Nobis gratissimo venerabilis antiquitatis , cum in nostris Commentariis DE CANONIZATIONE SANCTORUM , qualiacunque fuerint , planè ostenderimus , propositis cuiuslibet seculi monumentis & exemplis , nunquam Sedi Apostolicæ in more positum fuisse , ut Cultum publicum Martyris ulli concederet ,

aut

aut permissivum & pro aliquibus tantum locis , vel præceptivum & pro universa Ecclesia , nisi postquam Martyrium ejusque Causam perpendisset ac probasset , juxta vetus adagium , nempe MARTYREM NON FACIT POENA , SED CAUSA , & postquam Miracula etiam in examen adduxisset ac probasset . Siquidem tutiorem in hac re sententiam amplectendam censuit , nec ullam diligentiam omnino prætermittendam , ut de gravissimo hoc negotio judicium ferret , cum præsertim nulla necessitas ejusmodi judicium postularet . Evidet Vobis ante oculos propita sunt omnia , videlicet , vita , mors ejusque causa , signa ac Miracula beati Fidelis a Sigmaringa . Interea vestras sententias exquirimus , utrum ad ipsius Canonizationem deveniendum putetis .

Post quam DD. Cardinales singuli , & post eos juxta proprii Ordinis gradum & dignitatem Patriarchæ , Archiepiscopi , & Episcopi de beati Fidelis causa suffragium tulerunt , prout infra .

FRANCISCUS Tit. S. Marie Transtiberim Presb. Card. Burghefius.

AN non Ego tot gravibus ac sapientibus Collegis meis assentiar , qui in hac rogatione tua BEATISSIME PATER ante me sententiam dixerunt , qui omnes ad unum disertis verbis consilium tuum de B. Fideli a Sigmaringa in Divos referendo tantopere & jure quidem ipsi laudaverunt ? Assentior Ego sanè ; & quem gloriâ & honore coronavit Dominus , ejusdem per Te PATER BEATISSIME solemni legitimoque ritu coronandam consecrandamque memoriam censeo .

*ANTONIUS XAVERIUS Tit. S. Stephani in Monte Cœlio
Presbyter Cardinalis Gentili.*

Martyrium Sanctos aut invenit , aut facit ; quandoque expiat anteactæ vitæ culpas & detrimenta ; quandoque conceditur in præmium meritorum . In beato Fideli a Sigmaringa virtutum omnium præstantiam coronavit palma Martyrii . Excelluit quidem ab adolescentia morum can-

dore vitæque innocentia, & abnegatis secularibus desideriis humilium Ordinem Capuccinorum amplexus est, laboribus & vigiliis corpus suum in servitutem redigens, ne terreno rebellis carnis pondere animus ad Deum anhelans retardaretur. Itaque sobriè, justè, ac piè sanctèque vitâ peractâ, Regularis disciplinæ diligentissimus Custos ac catholicæ Religionis acerrimus propugnator, quam diu desideraverat, meruit gratiam Martyrii accipiens coronam de consummatione virtutis. Æquum itaque est, ut beatus Fidelis, qui, & tot virtutum splendore & triumphi nobilitate ceteris præstat, primusque fuit, qui institutæ a sancta Sede Congregationis de Propaganda Fide mandata impigrè ac fortiter exequens catholicæ dogmata contra infensissimos Novatores proprio sanguine confirmavit; primus etiam decreta hic in terris summæ virtuti præmia a SANCTITATE VESTRA consequatur.

*Fr. JOANNES ANTONIUS Tit. SS. Silvestri, & Martini
ad Montes Presbyter Cardinalis Guadagni.*

Exigunt præclaræ virtutes B. Fidelis a Sigmaringa miraculis a Deo comprobatae ac Sacrorum Rituum Congregationis examine discussæ, ut S. V. Divinæ vocis Interpres illi decernere dignetur Sanctorum honores in terris, qui jam similis factus est in gloria Sanctorum in Cœlis. Justa prorsus retributio; beati enim Fidelis in pauperrimo strictioris Observantiae S. Francisci Instituto integerrimâ morum innocentia præfulgens, primus inter sacros Operarios ad excolendam vineam Domini a sacra Congregatione Fidei Propagandæ adscitus ad Rhætiæ Regiones Zuinglii, & Calvini erroribus infectas orthodoxam Religionem indefesso labore propagavit: Ministerii sui cursum feliciter consummavit; atque Fidem catholicam usque ad ultimum vitæ agonem profuso sanguine sartam tectamque servavit. Imponatur itaque Aris, qui profligatis hæresum monstris Aras Deo restituit; qui venerandum heroicæ constantiæ ac fortitudinis Apostolicis Operariis reliquit exemplum, ut novum adesse in Cœlis Patronum agnoscat Ecclesia, quo amotâ præsentium temporum acerbitate optatæ pacis serenitas illuceat, ac avita Religionis dogmata in dissipatis remotisque Regionibus reflorescant.

TROJANUS Tit. S. Cæciliae Presb. Card. de Aquaviva.

Novum planè, BEATISSIME PATER, ac permagnum pietatis spectaculum beatus Fidelis a Sigmaringa nobis exhibuit, qui dum ab impiis interficiebatur, tanta vultus hilaritate tamque humili patientia, ac erga intercessores ipsos summa charitate splendescere visus fuit, ut unus iprorum cum hæc in ejusdem immanni cæde accidisse narraret, hoc facinore detestato ejurataque hæresi, statim fuerit orthodoxam fidem amplexus.

Qua-

Quapropter cum Deus Optimus Maximus Sanctitatem Servi sui tot tantisque probatis miraculis testatam voluerit, jure merito illum inter Sanctos a S. V. cooptandum esse arbitramur.

DOMINICUS Tit. SS. XII. Apostolorum Presb. Card. Riviera.

Arbitror, SANCTISSIME PATER, beatum Fidelem a Sigmaringa, qui per omnes heroicas Confessorum virtutes traductam vitam pro catholica veritate amplificanda & tuenda, invictus nostrorum temporum Martyr, amisit, in Sanctæ Romanæ Ecclesiæ præsidium & decus inter Sanctos esse referendum.

JOANNES BAPTISTA Tit. S. Mariæ Angelerum Presbyter Cardinalis Spinula.

AQuum est, BEATISSIME PATER, ut eos corona honoris lætificet in terris, quos jam Dominus fertis gloriæ ornavit in Cœlis. B. Fidelem de Sigmaringa postquam in domestica suæ Religiosæ Familia palestra omnium virtutum genere exercitum, sortem suæ Fidei Athletam sibi formaverat Deus, accerrimum etiam reddidit per vitæ contemptum & profusionem proprii sanguinis catholicæ Religionis Assertorem. Imperterritum se exhibuit verè Fidelis Dei servus non tantum heterodoxorum hominum insidiis, sed & armis & neci sibi illatae; exemplum Nobis relinquens ad omnia perferenda pro Fide & Dei gloria. Jure igitur & merito cum Martyris coronam consequutus fuerit, reliquum est, ut eorumdem Martyrum Fastis adscriptus, honorem illum, quem in Cœlis obtinet, & quem per signa & miracula Deus comprobavit, habeat etiam & in terris ad Fidei propugnaculum, & ad Religionis orthodoxæ incrementum & decus.

RAYNERIUS Tit. S. Sabinae Presbyter Cardinalis de Ilcio.

Nulla major profectò veræ Sanctitatis probatio afferri potest, quam quæ reddit hominen conformem imagini Filii Dei. Hanc ipse probationem de Sanctitate beati Fidelis a Sigmaringa in medium profero, ut meum de eodem referendo, in sanctorum Martyrum Album sententiam explicem. Et quidem adeo perfectè & fideliter imaginem ille Christi Domini in se expressit, ut vita Jesu in eo manifestata videretur, sive spectares humilitatem, sive paupertatem, sive obedientiam, sive virtutes omnes, quibus in gradu heroico ditatus fuit.

Nec ab eo, quod sibi proposuerat exemplo, in vita sequendum, voluit in morte differre: Vestigiis quippe Reparatoris nostri inhærens, qui mundum redemit in sanguine suo, ipse pariter pro salute animarum, &

Hæreticorum conversione strenuè laborans , Martyrii palmam assequutus est , Deo confirmante sequentibus signis .

Meritò igitur honores , quibus veri Martyres in Ecclesia honorari consuevere , decernendi sunt ei , qui tum in morte , tum in toto vitæ suæ cursu factus est similis illi , qui caput est Martyrum .

DOMINICVS Tit. S. Bernardi Presbyter Cardinalis Passioneus .

Pretiosus sanguis beati Fidelis a Sigmarina clamat ad Te , BEATISSIME PATER , ut Vindex sis , non illatæ sibi crudelissimæ necis , sed Vindex gloriæ , quam fortiter constanterque pro nomine Jesu , truculentam sui corporis cædem sustinendo , promeruit . Quanta enim adhuc vigeat suorum meritorum memoria & fama , sibi undequaque consentiens , cuncta Testis est Rhætia Catholica : Testes quotquot eodem spiritu repleti in procuranda animarum salute ibi desudant : Testis denique & Ego , qui decem & amplius annos , licet immeritus , Apostolica Legatione functus , non semel perlustravi & suspexi ea Rhætorum , scopulis impendentia , loca , quæ fortissimus Christi Miles præceptis excoluit , monitis instruxit , virtutibus fovit , odore Sanctitatis implevit , ac demum sanguine decoravit . Exaudi ergo , BEATISSIME PATER , hujus sanguinis vocem per tot horrida vulnera ad Te clamantem , & solemni Ritu sanctorum Martyrum Cœtui , novum hunc Athletam , adscribi decerne , quatenus hoc exemplo Helveti , & Rhæti Fideles magis roborentur in fide , a fide extorres ad sinum Ecclesiæ matris revertantur , & Nos discamus , nunquam digniū mori posse Sacerdotem Christi , quām cum indignè occiditur pro fidei causa & defensione .

SYLVIVS Tit. S. Priscæ Presbyter Cardinalis Valenti .

Quamvis viri Sanctitate conspicui BEATISSIME PATER postquam immortalem adepti sint reprobationem cultu hominum non indigant , copiosa enim eorum merces est apud Deum , solemnes tamen iis ab Ecclesia decernuntur honores , ut fidei splendorem , qui foris sunt , venerentur , & præclara illorum gesta fidelibus exemplum præbeant atque incitamentum .

Quæ cum ita sint , B. Fidelis a Sigmarina Ordinis Minorum S. Francisci Capuccinorum sacro ritu exornandus jure merito mihi videtur , qui peculiari quodam divinæ providentiae consilio nuperis temporibus datus , ut præter ceteras eximias virtutes quammaxime heterodoxorum salutis , & religionis propagandæ studium ad athleticam usque sanguinis effusio nem universo Christifidelium Orbi , novi ad instar syderis elucesceret : Quam obrem nihil sanè obstat BEATISSIME PATER , quin Martyrum choro cooptatus censematur , cuius Sanctitatem narrent populi , & laudem universam annunciet Ecclesia .

FR. JOA-

FR. JOACHIMUS Tit. SS. Quatuor Coronatorum
Presbyter Cardinalis Portocarrero.

FOrtem ac invictum Martyrem habet Ecclesia, BEATISSIME PATER, Beatum Fidelem a Sigmaringa e sanctissimi Patriarchæ Francisci Castris prodeuntem. A seculi enim curis in gratiam ille adlectus, & Ministerium Apostolatus, loricam Justitiae indutus, Fideique scutum assumentis, exiit ad opus suum, & virtute robusta præliatus est prælia Domini, dissipando, evellendo, ac ædificando: Utque tanti muneric partes dignè undecumque adimplerentur, jugiter in suo corpore Crucis circumferens mortificationem, non vincula, non tribulationes veritus, nullum vitavit periculum, nullum horruit supplicium, sed ad confusio- nem & injurias, dici posset cum Chrysostomo, ob prædicandi studium, magis quām ad oblectamenta bonorum properabat, donec vitam illultri ac pretioso certamine consummavit. Æquum igitur est, ut illi sanctorum Martyrum a SANCTITATE VESTRA decernantur in terris honores, qui occisus pro Christo, & prodigiorum luce coruscans, jam gloriæ accipere coronam promeruit in cœlis.

CAMILLUS Tit. SS. Iohannis, & Pauli Presbyter
Cardinalis Paulutius.

Inter ceteras, quibus beatus Fidelis a Sigmaringa heroicè floruit, vir- tutes, admirabilis profectò fuit solicitude illa, qua nullo vel labo- rum incommodo, vel propriæ vitæ discrimine deterritus perditissimos homines ad meliorem frugem revocare, & qua orthodoxam Religionem conservare atque propagare adeo constanter studuit, ut ipsim Hæretici, de illius Sanctitate & zelo testimonium summâ ejus laude deserere coacti fuerint. Plura quidem beatus Fidelis in vinea Christi excolenda peregerat; at parum fecisse fortassis præcogitans, nisi proprio etiam sanguine irrigaret, tam impavidè, tantaque animi magnitudine martyrii palmam ab infensissimis Heterodoxis reportavit, ut illimet, qui crudelem ipsi mortem intulerunt, asserere palam debuerunt, quod non solum nulla animi perturbatione, verùm hilari lætoque vultu sui necem subtierit. Si itaque beatus Fidelis majus atque præstantius argumentum sui pro Religione heroici zeli præbere nequit, quām pro ea animam suam dare, justum propterea censeo, BEATISSIME PATER, quod idem Sanctorum Albo per SANCTITATEM VESTRAM describatur.

*CAROLVS ALBERTVS Tit. S. Mariae de Pace Presbyter
Cardinalis Guidobonus Cavalchini.*

BEATISSIME PATER. Gloriosissimum Christi Athletam virtute præcinctum ex alto, Virum verè magnum secundum nomen suum lætantes suspicimus ac veneramur in præstantissimo Sacerdote B. Fideli a Sigmaringa. Fuit is frumenti granum, quod catholicæ fidei tuendæ causa cädens in terram mortuum est, & multum fructum attulit: Quis autem non confidat uberiorem adhuc esse allaturum, si tu jubeas, BEATISSIME PATER, ad vehementius incitandos evangelici verbi præcones, Pugilem istum in conspectu filiarum Hierusalem a Deo jam coronatum summis, qui supersunt, honoribus etiam in terris cumulari?

FRIDERICVS Tit. S. Pancratii Presbyter Cardinalis Lantes.

BEATUM Fidelem a Sigmaringa Capuccinorum familiæ decus & ornementum, cuius nec nomen quidem vacuum laudis fuit, censeo BEATISSIME PATER sanctorum Martyrum Fastis jure esse notandum. Hominis Sanctitatem novit Ecclesia, quæ tot errantes in viam salutis ipsius operâ revocatos in sinu suo lætissima exceptit; norunt Hæretici ipsi, qui egregium de ejus doctrina cum summa Religione ac zelo conjuncta testimonium ferre non dubitarunt; novit Rhætia prope omnis, quam inter hæmiales brumas, inter altissimas nives & frigora (igne tamen charitatis æstuans), pedibus peragravit, ut oves ad Dominicum Gregem reduceret. Non illum Hæreticorum minæ, non persecutio, non gladius ab officio Evangelici Præconis potuit deterrere. Quid igitur prohibet, quominus eum, qui tot nominibus Sanctus fuit, qui pro catholica Fide sanguinem suum fudit, Sanctum & Martyrem veneremur?

FRANCISCUS Tit. S. Mariae de Populo Presbyter Cardinalis Riccius.

BEATISSIME PATER. Inter plurimas & peregrinas virtutes, quibus B. Fidelis a Sigmaringa tam in seculo, quam in Claustris Capuccinorum eluxit, præcipuum locum obtinuerunt zelus, constantia & studium in propaganda catholica Fide per Rhætianum, quarum intuitu, non solùm colluctandum illi fuit ferè toto vitæ curriculo cum errorum & falsitatum Sectariis, sed mortem ipsam inhumana crudelitate sibi intentatam, invicto fidentique animo amplexam, in gloriosissimum Martyrii triumphum commutavit.

Quæ omnia miraculorum accessione plenissimè comprobata, justissimè postulant, ut adeo emeritus orthodoxæ Religionis Athleta a SANCTITATE VESTRA novi & amplissimi cultus complementum assequatur.

D. FOR-

*D. FORTUNATUS Tit. S. Matthæi in Merulana Presbyter
Cardinalis Tamburinus.*

Fidelis a Sigmaringa virtutum merita adeo clara & aperta sunt, ut ea commemorare, ac persequi minimè oporteat. Unum id retulisse sufficiat, Fidelem, ut divinorum mandatorum viam inoffenso pede percurreret, arctiore S. Francisci regulæ servandæ voto inter Capuccinos se obstrinxisse; ad quam cum mores suos omnemque vitæ rationem ita formandam & componendam curaverit, ut ne parumper quidem ab ea unquam deflexerit, Sanctitatis apicem eum attigisse compertum est & exploratum. Hinc magna exempla humilitatis & obedientiæ, magna abstinentiæ & charitatis argumenta in Proximos aliarumque Virtutum, quæ christianum Heroem verè declarant, in hoc sanctissimo Viro jure, ac merito miramur, atque suspicimus. Hisce Virtutibus, præsertim verò catholicæ Religionis propagandæ studio ad Martyrii certamen fortis Athleta se comparaverat. Atque hinc factum est, ut dum nihil eorum reliquum facit, quæ ad hæresim profligandam conducerent, & ad Hæreticorum conversionem efficiendam pertinerent, crudelissimam necem ab impiis Hæreticis sibi illatam invictâ animi constantiâ pertulerit, & gloriosam Martyrii palmam promeritus sit. Non est igitur cur tardes BEATISSIME PATER eum in Sanctorum numerum referre, qui sanctam Christi Ecclesiam effuso sanguine decoravit; ut ipsum vicissim Ecclesia veneretur, ac summo omnium donorum largitori Deo gratias agat, qui in hoc Servo suo softiter pugnavit, & vicit.

D. JOACHIM Tit. S. Crucis in Ierusalem Presbyter Cardinalis Besutius.

Diversas esse Justorum vias ad Cœlum SANCTITATI VESTRÆ, totique huic celeberrimo consensi notum est: Alias virtutum exercitio longiores, compendiosiores alteras, ut in Martyrio. Utrasque B. Fidelis a Sigmaringa sanctissimo cursu, pede inoffenso, heroico animo, cum consummaverit; idque Cœlum ritè probatis Miraculis testatum fuerit, idcirco, iis qui Fideles fuerunt usque ad mortem, jure meritoque annumerandum existimo.

CAROLVS S. Mariæ in Via lata Diaconus Cardinalis Marinus.

Ex plurimis illis in sortem Domini vocatis Alumnis, qui a sacra Congregatione Propagandæ Fidei, vel ad infidelium Regiones Evangelii prædicandi causa mittuntur, vel revocandis ad catholicam Religionem Hæreticis destinantur, vel hic Romæ singulari Pontificiæ liberalitatis exemplo, in optimis quibuscumque disciplinis instituuntur:

Primus omnium beatus Fidelis a Sigmaringa purpureum illud triumphantis

phantis Fidei vexillum erigit, sub quo, dum in Rhæticis Fideles aliquos ad constanter in Fide perseverandum, exemplo & monitishortaretur, Hæreticosque nonnullos ad eorum hæresim ejurandam inducere, jugi oratione & prædicatione satageret; Impiorum hominum gladiis, per summum scelus occubuit, suique sanguinis aspersione, nedum memoratam de Propaganda Congregationem, de hac adeo insigni illius triumphi gloria benemeritam, in futuram etiam cœlestium retributionum sociam consecravit; sed illi quoque interim gloriosissimo matris Martyrum titulo appellari posse promeruit.

Unde si modò SANCTITAS VESTRA beatum hunc Virum, tot non minus virtutibus, quam triumphali hac palma insignitum Sanctorum Albo, dignari velit, inscribere: Et Missionariis illustre, quod imitantur, exemplar maxima hac retributione exhibebit, & Collegium hoc Urbanum gloriam primi Martyris illustrabit.

ALEXANDER S. Mariæ ad Martyres Diaconus Card. Albanus.

Fortissimus Christi Athleta beatus Fidelis a Sigmaringa in Reformato Seraphicæ Familiæ Ordine (Capuccinorum dicunt) Institutum austerioris vitæ professus non modò virtutum splendore enituit, sed præclarissimum, & quo majus haberi non potest, perfectissimæ in Deum & homines charitatis, firmissimæ fidei & invictæ spei edidit testimonium, dum pro catholica Religione amplificanda Hæreticorum gladiis in Rhætia confosus mira animi magnitudine de morte ipsa gloriosus triumphavit. Cœlestem itaque Virum merito infallibili SANCTITATIS VESTRÆ Oraculo Sanctorum cultu decorari decet in terris, ut ubi vetus Christi miles bonum certamen certavit, consummato cursu post acceptam in triumphante Ecclesia coronam justitiæ, etiam in militante coronam gloriæ assequatur.

NERIUS S. Eustachii Diaconus Cardinalis Corfinius.

Quum & varietate linguarum & rerum scientia, qua præditus erat B. Fidelis a Sigmaringa, usus semper fuerit ad ingenuorum adolescentium mores per tot itinera informandos; ac deinde miros in virtutibus heroicis prosector fecerit, & catholicam Religionem adversus Hæreticos asseruerit, ac tandem pro ea sanguinem & vitam alacri atque invicto animo fuderit, auctor profectò sum, BEATISSIME PATER, ut quoniam hæc omnia ritè & evidenter probata sunt, ipse B. Fidelis in sanctorum Album cooptetur.

AGAPITVS S. Agathæ Gethorum Diaconus Cardinalis Mosca.

Cognitus est in verbis suis Fidelis & invocavit Dominum omnipotentem in oblatione Agni inviolati^a; ut Rem Deo sacram in Sevis apud Rhætiam peragendo , se se pro catholica Fide Hæreticorum furore jam jam immolandum , Deo secum intus loquente præsentiens , acceptabilem sui corporis hostiam immortali seculorum regi adoleret . Tantâ igitur ope fretus Fidelis , non modò pro catholicâ Ecclesiâ fortiter obeundo mortem , sed ipsâ pene morte devictâ , Catholicorum militum ducem , superno fulgentem lumine spectandum se præbens , hæreticorum copiis injecto metu fugatis , testimonium præbuit in conspectu Domini , & Christi & ostendit se velle delere impietatem^b . Tantum propterea pro Fide studium , quod vel ipsa post funera , hic fortis Athleta Christi præstulit ; signoruimque splendor , quo in dies coruscat , Sanctorum coetui eundem adscribendum a Te fore , BEATISSIME PATER , præstolantur .

MARIUS SS. Cosmae , & Damiani Diaconus Card. Bologninus.

DE præclaris beati Fidelis a Sigmaringa pro catholica Fide gestis BEATISSIME PATER hodierna luce dicturi^c multa dicemus , & deficiemus in verbis^d : appellabo Martyrem , prædicavi satis . Ubi ergo Fidelis in Rhætinis arvis Evangelicum serendo semen , catholicam Fidem plantaverat , proprio etiam sanguine , mortem pro Christo fortiter obeundo , rigore illam voluit , ut Divino imbre foecundata deinde succresceret , & incrementum acciperet . Succrevit sanè in Rhætinis agris , & Fidelis irrigata sanguine incrementum catholica Fides accepit : hinc hæretico mortis ejus præcone redeunte ad Ecclesiam ; inde hæreticorum copiis a Fideli superna luce consperso , cum Duce suo fugatis^e . Annon coronabitur qui sic certaverit ? Quem ergo Deus gloriâ coronavit in cœlis , huic B. P.^f honorem tribue Sanctificationis in terris .

PROSPER S. Georgii in Velabro Diaconus Card. Columna de Sciarra.

Postquam revocata sunt ad severissimum examen Martyrium & causa Martyrii , tum signa & miracula , quæ testatissimâ Dei Opt. Max. ope ad invocationem B. Fidelis , ante & post indultam Beatificationem patrata sunt ; nihil modò reliquum est , quam ut Beato eidem solemnis de more sanctificatio infallibili SANCTITATIS VESTRÆ judicio decernatur ; ut qui usque modò in beatorum Albo adscriptus est , inter Sanctos accenseantur .

X tur.

^a Ecclesiast. cap. 46. vers. 13. ^b Ibidem vers. 22. & 23. ^c Ecclesiast. cap. 43. v. 29.

^d Ambrosius lib. 1. de Virginibus . ^e Bernardus serm. 1. in Festo omnium Sanctorum.

^f Lib. 2. Machab. cap. 15. vers. 2.

tur. Hoc a Te petimus & expectamus, ut habeat inclitus Ordo Capucinorum, de quo glorietur; habeat Ecclesia universa, quem in Fidei confessione imitetur; & impleatur tandem Divinum Redemptoris vaticinium, quo promissa est glorificatio illis omnibus, qui in terris per mortem suum nomen confiteri non erubuerunt.

ALEXANDER S. Mariæ in Aquiro Diac. Card. Tanarius.

BEATISSIME PATER. Excellentis fortitudinis Virum, qui primò se ipsum, deinde mundum, postremò Fidei hostes mirabiliter vicit, in beato Fideli a Sigmaringa jure ac merito venerandum censeo. Atque arbitror æquissimum utilissimumque fore, eum publico Canonizationis Decreto cunctis Fidelibus ad imitandum proponere, ut catholica Religio nostra, pro qua tot tantosque labores subiit, animoque impavido sanguinem & vitam glorioso Martyrio dedit, latius diffundatur, luculentius illustretur, fructusque ferat ubiores.

HIERONYMUS S. Adriani Diaconus Cardinalis de Bardis.

BEATISSIME PATER. Divitiarum & honorum contemptu, abstinentiâ, vigiliis, orandi & contemplandi studio, proximorum salutis curâ, mirificè tum in seculo tum in sacra Capuccinorum Familia vitam degens beatus Fidelis excelluit. Ob eas virtutes in retribuendo Deus manus^a extendit suam, & in capite ejus de lapide^b pretioso coronam posuit. Nam cum contra hæreticam pravitatem fortissimus Christi miles pugnaret, insurrexerunt iniqui^c adversus eum, & morte illum crudelissima pluribus confossum vulneribus affecerunt. Stare illum ante Tronum^d, & in conspectu Agni tum signis & prodigiis magnis in populo factis, tum sanctæ istius Apostolicæ Sedis judicio constat.

Illud propterea a S. V. humiliter quæso, ut beatum Virum de catholica Religione tam præclarè meritum, & Congregationis de Propaganda Fide Protomartyrem invictissimum, solemni Canonizationis ritu in Ecclesia Plebis^e exaltebit; sic enim Evangelicis ministris incitamento esse poterit, ut animosiùs eos^f qui veritati resistunt, corripiant; & pro Christi nomine, quandocumque opus fuerit, etiam in carcerem & in mortem ire parati sint.

DOMI-

^a Ps. 54. ^b Ps. 20. ^c Ps. 85. ^d Apoc. 7. ^e Ps. 106. ^f 2. Tim.

DOMINICVS SS. Viti, & Modestii Diac. Cardinalis Urfinus.

BEATISSIME PATER. Fidelis a Sigmaringa Ordinis Capuccinorum non tam virtutum pondere, quam prodigiorum gloriâ mirabilis, Crucis mortificationem jugiter in suo corpore portavit, semper agens, semper orans, nec proximos propter Deum, nec Deum propter proximos relinques: Primus autem ad excolendam vineam Domini per sacram Congregationem de Propaganda Fide selectus, uberrimis illam fructibus adeo illustravit, & fœcundavit, ut Hæretici ipsi præclarum de ejus doctrinâ, sanctitate & zelo testimonium ferre non dubitarint: Quos demum verbo & exemplis informaverat, proprio sanguine in Religione & Fide confirmavit, Martyrium passus: Hunc ergo, qui verè fidelis fuit usque ad mortem, & accepit coronam vitæ, Sanctorumque Fastis reor adscriendum.

MUNDILLVS Urfinus Patriarcha Constantinopolitanus Assistens.

BEATISSIME PATER. Beatus Fidelis a Sigmaringa non solum mortis sa- cræ compendio, sed & omni vita sanctissimè traducta æternam beatitudinem possidet. Nam antequam Religionem ingredetur præclarissimis virtutibus Deo & hominibus se maximè probavit, & Capuccinorum Ordine mancipatus ad Instituti sui, ceteroquin severissimi perfectionem summa laude pervenit; & procurandæ animarum saluti tum sua sponte, tum Superiorum imperio addictus Apostolici munera partibus plenissimè satisfecit. Quo quidem in munere ea demum charitate flagravit, qua nulla major est, ut nimirum animam suam poneret pro amicis suis. Quam obrem æquissimum censeo, ut hic Fidelis Servus & prudens, cui dedit Dominus in tempore æqualem tot præstantissimis meritis cœlestis gloriæ mensuram, cunctis Fidelibus, præsertim verò iis, qui ad Fidem Propagandam incumbunt, colendus & imitandus a S. V. per solemnem ejus Canonizationem proponatur.

ANTONIUS MARIA Pallavicinus Patriarcha Antiochenus Assistens.

OMNI virtutum genere conspicuus beatus Fidelis ad oves Dominici gregis, quæ in hæresi perierant, suscitandas, potens in opere & sermone totus intendit, ac pro iis, illatâ sibi nece a nefariis catholicæ Fidei hostibus, animam ponere non dubitavit. Mira quoque patravit signa, ut meritò sanctorum Martyrum Fastis adscribi possit.

THOMAS Cervini Patriarcha Hierosolymitanus Assistens.

Quod appositiæ ajebat Apostolus: misericordiam consequutus a Domino, ut sim Fidelis; usurpari meritò potest de beato Fideli a Sigmaringa; etenim ipse quoque misericordiam a Domino est consequutus, ut in sua professione exactissimè implenda, fidelis esset; in rigidiori sui Instituti observantia promovenda, in catholica doctrina impavidè prædicanda, ac tandem in Fidei dogmatibus proprio sanguine confirmandis.

Igitur qui tantis re & nomine titulis fidelis fuit, qualemque tot miraculis Coelum ipsum agnovit; dignus est profectò censendus, quod Servis fidelibus solemniter adnumeretur.

لَا إِلَهَ إِلَّا اللَّهُ وَلَا شَرِيكَ لَهُ

عَنْ كُلِّ دُوَّلَةٍ لَا يَمْلِكُ أَيْدِيَ فَيَقُولُ إِلَّا إِنَّ
هُوَ مَدْلُوكٌ مَدْلُوكٌ . مَلَكُ الْمُسْتَكْبَرِ / هُوَ فَيَقُولُ هُوَ مَفْعُورٌ مَفْعُورٌ . فَلَمْ يَلْمِزْ
عَنْ حَاجَاتِ الدُّوَلَةِ / لَا إِلَهَ إِلَّا اللَّهُ وَلَا شَرِيكَ لَهُ / لَا إِنَّهُ لَيْسَ بِمَسْئَفٍ فَ
مَدْلُوكٌ الْعَبْدُ وَلَا يَمْلِكُ حَلَقَيْنِ مَلَكَيْنِ . مَلَكُ الْمُدْلُوكِ
لَا إِلَهَ إِلَّا إِنَّهُ مَدْلُوكٌ / مَدْلُوكٌ لَا يَمْلِكُ حَلَقَيْنِ مَلَكَيْنِ
عَنْ الْمُلْكِيَّةِ مَدْلُوكٌ لَا يَمْلِكُ . مَلَكُ الْمُدْلُوكِ يَقُولُ لَا إِنَّهُ
مَدْلُوكٌ لَا يَمْلِكُ .

لَا إِلَهَ إِلَّا اللَّهُ وَلَا شَرِيكَ لَهُ
مَدْلُوكٌ مَدْلُوكٌ

Eiusdem versio latina.

GABRIEL Eva Syrus Maronita Archiepiscopus Cyperi Assistens.

Christi vestigia secutus beatus Fidelis a Sigmaringa pro ejusdem nominis amore sanguinem suum fudit; quare æquissimum est PATER BEATISSIME, ut talem ac tantum catholicæ Fidei propagatorem heroicis virtutibus ornatum ac miraculorum dono a Deo insignitum in Sanctorum Albo jubeas describi, quod ut dignetur, SANCTITATEM VESTRAM enixè deprecor.

ALE-

ALEXANDER Borgia Archiepiscopus Firmanus Assistens.

BEATISSIME PATER. Præreptam recentioribus seculis Italiæ ac finitimi Regionibus martyrii palmam, superiori seculo B. Fidelis a Sigmaringa restituere in Rhætia visus est, ubi Missionibus Fratrum suorum, quos Capuccinos dicunt, ex potestate sibi facta ab instituta tunc Propagandæ Fidei Sacra Cardinalium Congregatione præerat, impias expertus hæreticorum manus furentium in medicum, qui ab hæresis infania liberare illos, & in catholicæ Ecclesiæ gremium revocare summo studio conabatur. Virum hunc præclara morum honestate in seculo, eximia integritate in Foro, summâ abstinentiâ in Claustris, ardentissimo propagandæ Fidei nostræ zelo inter Hæreticos versatum, verè fidelem usque ad mortem, accendentibus e Cœlo, ut accepimus, novis signis juremerito existimo a Te, BEATISSIME PATER, sanctorum Martyrum Canoni inferendum fore, postquam ille a Benedicto XIII. Prædecessore tuo, cuius memoria in benedictione est ac semper erit, Beatorum nomen & cultum accepit. Erit ipse in exemplar iis omnibus, qui prædicandi Evangelii causa a Sacra Congregatione ad Infideles mittuntur, quod sanè præclarissimum opus, si cetera deessent, vel hoc uno quam sibi gratum acceptuique sit, Auctor Fidei nostræ Deus satis superque monstravit. Sit præterea beatus Fidelis sacrarum Missionum apud Deum Protector; sit in hac acerbitate temporum Catholicæ rei, quæ non uno in loco pericitatur vel opprimitur, novum ac juge præsidium; & hæreticorum redditum ad Ecclesiæ sinum, quem in terris omni studio, labore ac effuso etiam sanguine quæsivit, modò precibus suis a Deo obtineat in Cœlis.

JOSEPHUS MARIA Ferroni Archiepiscopus Damascenus Assistens.

AD Cathedram SANCTITATIS VESTRÆ sistit B. Fidelis a Sigmaringa, verè fidelis usque ad mortem^a, qui, ut Orthodoxos in fide roboret, & aberrantes ad Christi ovile reduceret, perduellum enses non metuit, sanguinem liberaliter fudit, animam pro fratribus posuit^b. Laudetur itaque Vir fidelis^c, & qui coronam vitæ^d, reddente Domino, in Cœlis obtinet, gloriam pariter, SANCTITATE VESTRA decernente, in terris assequatur.

MICHAEL de Palma Archiepiscopus Teatinus Assistens.

MULTIFORMITER Servos Dei insigniri honore martyrii egregiè admonuit S. Augustinus. Alios etenim facit Vita, alios consecrat Mors: Qui secuti sunt Redemptorem usque ad Sanguinis effusionem, hos Mors atrox

^a Apoc. cap. 2. ^b Jo: 15. 13. ^c Proverb. 27. ^d Apoc. loc. cit.

atrox Martyres fecit: Qui verò eundem sequuntur arctiori virtutum ac perfectionis proposito, eos cooptat Martyres Evangelicæ rigor disciplinæ. *Tota quippe Vita (sancti Doctoris alloquor verbis) Christiani Hominis, si secundum Evangelium vivat, Mors est atque Martyrium.*

Utriusque generis insigne Martyrium sustulit B. Fidelis a Sigmaringa; Vita Martyr, quia Evangelicæ perfectionis rigidus cultor: Morte Martyr, quia in testimonio veritatis persistens, glorioſiſſimo fine, e manu Domini accepit coronam victoriae. Martyrio vitæ exſcitavit ad meritum; Martyrio Mortis provocavit ad Palmam. Miracula crebra patrata dum viveret, & quæ ſequuta ſunt funus, conflictum duplē geminamque heroicam victoriā mirè teſtantur; adeo ut de B. Fideli a Sigmaringa exſcribere liceat, quod de S. Victore Bernardus aſſeruit: ^a *Ascendit cum immensa ſuppellectili meritorum clarus triumphis, miraculis gloriſſus.*

Cumque ita ſit PATER BEATISSIME optimo fretus jure, ſacer Ordo Capuccinorum ante Solium majestatis tuæ ſupplex exorat: Quatenus ex Cathedra veritatis prænunciare digneris, quod B. Fidelis a Sigmaringa per invictam martyrii paſſionem penetravit ^b in Sancta, ſimilis factus in gloria Sanctorum; dignus proinde, ut ſolemnissimo ritu in sanctorum Martyrum Diphycis, Te præcipiente, ſcribatur.

STANISLAUS Poliaſtri Archiepiscopus Roffanus Aſſistens.

BEATI Fidelis a Sigmaringa, qui ex illuſtri Rojorum Familia in lucem editus, rejectoque Marci, quo in ſacro Baptismatis Fonte renatus nomine, decorabatur, illud Fidelis fideliter aſſumpsit. Qui Vitchyrchio in Rhætia martyrio coronatus, & a Benedicto XIII. inter Beatos relatus; quique hodie beato lumine undique circumfulſus, dum eidem Sanctitati Veſtræ antiquiſſimas, & ab ipſo pene cauſæ ſuæ exordio humillimas preces sanctæ Sedi porrectas renovare non definit tota Capuccinorum Familia; miris, ſed veris modis exultat Fidelis & fulget: Si morum integritatem, ſi intactum Corpus illibatumque ab omni labe gravis peccati: Si animi candorem & dederia, quibus ab incunte ætate ſe totum divini Numinis obſequio mancipandi æſtuabat incendio, mente ſpectemus. Ab ipſa pene infantia perarduum virtutis iter aggressus tanto animi ardore, tanta ſpiritus alacritate veterem hominem expoliatus, novo Seraphicæ Religionis indumento, novis votorum ſtimulis altiora perfectionis culmina ſuit properator egregius: Si ingenii ſuavitatem cum divinarum rerum peritia & ſcientiarum ſplendore: Si exterarum ornamenta linguarum cum ingenti humilitate coniuncta: Si Religionis zelum cum imperterrita quadam Corporis animique fortitudine, in diuturnis maximisque difficultatibus: Si Apostolicum munus & implacabile bellum contra haereticam pravitatem vitiorumque omnium extirpationem cum aſſidua, & inexplacabili

^a *S. Bernard. Scim. 2. de S. Victore.* ^b *Idem uti ſupr.c.*

plicabili carnis afflictione, rigidoque, quod sibi indixerat jejunio, cogitare velimus: Hæc Beatorum erunt præclarissima Stemmatæ & charismata meliora. Si charitatis flamas, si Ecclesiarum sollicitudines & propagandæ Fidei cupiditates, si martyrii constantiam æstimare studuerimus: Quis unquam erit, qui voluntarios frequentesque labores, in quibus veluti pugnis atque conflictibus exercebat sese Athleta Christi fortissimus, præ oculis habens Sanctitatis fastigium jam attigisse non dixerit? Si orationis studium, contemplationes & raptus, quibus aliquando defixus, atque in Deum elevatus immobilis multo tempore permanebat: Si miracula, quibus ante & post mortem clarus rutilat atque coruscat, inspiciemus: Nemo est, qui jure merito Sanctorum Fastis referendum esse non sentiat. Quæ cum ita sint! Quodque reliquum est? Hoc unum pro mea sententia & voto humiliter rogo! Ut pro exequutione Decreti a SANCTITATE VESTRA in ipsa Capuccinorum Ecclesia, & in eo præsertim Altare, in quo beati Fidelis Reliquiæ Fidelium venerationi publicè erant expositæ, Sacrum faciente prolati; ut Sanctorum Albo idem Fidelis adscribi possit. Eadem SANCTITAS VESTRA sancti Spiritus radiante fulgore, adscribat quæso Fidelem, & faveat.

FERDINANDUS MARIA de Rubeis Archiepiscopus Tarsi Assistens.

Habent BEATISSIME PATER, in beato Fideli Regularis Observantiae Alumni, quem imitentur. Habent veritatis vindices ac Fidei orthodoxæ propagatores clarissimum Christi athletam ac Martyrem. Habet itaque, cum perinde sit Sanctum ac Martyrem dicere; habet, inquam, Ecclesia, quem Sanctorum tabulis meritò addat, & cui condignos in terris decernat Martyri honores.

JOANNES ANDREAS Tria Archiepiscopus Tyri Assistens.

Arduum negocium aggredimur, & omnium aliorum in Republica christiana fortè maximum, ubi agitur de Canonizatione Sanctorum: Ea tamen in B. Fideli a Sigmaringa concurrunt suæ Sanctitatis testimonia, ut ipsum tutò in Album sanctorum Martyrum referri posse censeam.

Missa facio quæ de virtutum exercitio dici possunt, utpote qui in omnibus, & quidem in gradu heroico semper emicuit, cum in seculo, tum in Statu Regulari, quem in Seraphico Ordine Minorum S. Francisci Capuccinorum mutato sibi nomine Marci, eoque Fidelis assumpto, profensus fuit.

Prætermitto pariter de orationis studio verba facere, in quo ita erat intentus, ut aliquando e terra sublatus, & in Deum raptus, immobilis permanebat.

Corpus suum inedia, ciliciis, vigiliis aliisque diversis cruciatibus macerabat.

Hac

Hac in re unum pro omnibus mihi sufficere videtur , quod nempe Martyr occubuit , & misericors Dominus ejus Sanctitatem miraculis conprobavit .

Martyres enim sunt veræ fidei margaritæ omni honore digni ; & Ecclesiæ constans mos fuit & est , eorum intercessiones invocare .

Ceterum me submitto sapientissimo judicio , & supremo oraculo SANCTITATIS TUÆ .

MICHAEL MARIA Vincentini Archiepiscopus Theodosiæ Affiliens .

Heros a Sigmaringa Fidelis , adeò omnium excelluit splendore virtutum , ut meritò SANCTITAS VESTRA , solemnis Canonizationis ei honores decreverit . At cum per scelestorum Hæreticorum sævitiam , effuso sanguine , & tantâ miraculorum omnis generis copiâ illustrarit Ecclesiam Dei , Sanctorum illum Cultum promereret , & gloriosis Martyrum Fastis adscribi posse , inficiari nemo unquam poterit ,

SIMON Gritti Archiepiscopus Tyanen . Affiliens .

BEATISSIME PATER : Beatus Fidelis a Sigmaringa Seraphici Patris Alumnus revera inclytus , adeo enixè cœlesti suffultus adjutorio suæ vitæ primordia sub jugo Religionis Altissimo sacrasse compertus est , ut ampliores in dies subinde in corde suo in hac certè lacrymarum valle mul tifariè disponendo ascensiones , eas per universos progrediendo virtutum gradus , quarum exactissimâ de more trutinâ discussa est series , ac mirificâ sanè decreta est consensione , in finem usque divino planè perduxerit æstu , ac martyrio demum , indubiam profectò intentissimamque Dei testante charitatem , consummarit , propriique obfirmarit cruoris effusione : Qui propterea fidelem se usque ad mortem nedum nomine , verùm etiam heroicis facinoribus , omnem procul dubio naturæ ordinem excedentibus , communi calculo præbet pronunciandum , atque SANCTITATI VESTRÆ ex Petri Cathedra oracula promenti , haudquam errori obnoxia , inconcussum in Sanctorum numerum referendi suppeditat argumentum , ex poscitque Decretum ; quod lætanter , ut vel inde trahat præsidium in hac turbulentissima christiana Reipublicæ , ac tristissima quidem facie circumquaque squalore gemituque perfusa , Catholica (pro cuius puritate doctrinæ , hæretica obnitente rabie , imperterritus Christi Athleta pugnavit fidelissimè , fidentissimeque occubuit) efflagitat Ecclesia ; ut diuturna , tanti Martyris intercessione , amaritudine mitigata , suavitate levaminum quandoque hujusmodi proposito sibi Patrono contingat recreari .

NICOLAUS Carafa Archiepiscopus Philippensis Assistens.

Beatus Fidelis zelum Sacræ Congregationis Propagandæ Fidei primus in Rhætiam invexit, ac proprio sanguine illustravit. Tanto ergo invicto Viro, qui martyrium non modò pro confessione Fidei, sed pro Apostolico, quo fungebatur munere subiit, publicos facros honores in Ecclesia Dei decernendos censeo; Si S A N C T I T A T I T U X opportunum videbitur.

D. FERDINANDVS Romualdus Guiccioli Archiepiscopus Ravennæ Assistens.

Dignum & æquissimum est, BEATISSIME PATER, Apostolicum Virum ac Martyrem Domini, beatum Fidelem a Sigmaringa, Coelitum Fastis adnumerari. Apostolum enim illum testantur tum omnia, quæ Mundi sunt, derelicta, ut Christum sequeretur, atque ejus Crucem tolleret; tum reparati Christianorum mores, divinus cultus restitutus, Fides propugnata, ac tot Peccatorum ad poenitentiam, tot Hæreticorum ad veritatem conversio, difficillimis temporibus, zelo, charitate, constantia pene incredibili. Martyrem verò Domini glriosum apertissimè cum prædicant pro Fidei confessione ac defensione effusus sanguis, mors asperrima, quam heroicâ animi magnitudine, hilari constantique vultu, impiorum manibus sibi illatam est passus. Duo hæc altissimæ Sanctitatis argumenta, Apostolatus scilicet ac martyrium ad evidentiā usque evixerunt illustria, quæ Deus per hujus beati Viri intercessionem dare dignatus est signa ac miracula: Quapropter illum Sanctorum honoribus prosequi & cupit & petit Ecclesia universa, pacem sibi, Fidei incrementum, Regibus & Principibus suis concordiam & tranquillitatem ex novi hujus Sancti meritis ac protectione, se de Dei bonitate confidens, impetraturam.

FELIX Solatius Archiepiscopus Thebarum Assistens.

Candor vitæ beati Fidelis a Sigmaringa, profunda ejusdem humilitas, exacta sui Instituti observantia, effervens charitas erga Deum & Proximum, & glriosus demum Sanguis pro prædicatione Evangelii & profligandis hæresibus effusus, ut ex Actis, illum Nobis, & Sanctum virtutibus omnibus in statu heroico ornatum, & Martyrem multis miraculis ante & post obitum patratis clarum ostendunt. Hunc igitur Athletam Christi, BEATISSIME PATER, qui in agone, ad instar Capitis sui, flagella non timuit, quem inter sanctos Martyres regnare dicimus in Coelis, etiam intra corumdem Ordinem colendum in terris Apostolico tuo infallibili judicio definire digneris.

Y

ANTO-

ANTONIUS Fonseca Episcopus Afinus Assistens.

Verè, BEATISSIME PATER, Fidem, quam etiam nomine præfert, beatus Fidelis a Sigmaringa illustravit moribus, prædicatione, martyrio. Fide namque assecutus sperandarum rerum præstantiam terrena quæque abjecit, amplexus rigidioris vitæ Institutum, jejuniis & corporis afflictationibus summopere deditus, omniumque virtutum splendore coruscans. Fidem evangelizavit pauperibus, propugnavit adversus hæreses, & Apostolico muneri sedulò incumbens mirificè amplificavit: Fidei demum testimonio probatus, quam vitæ integritate decoraverat, & Evangelii promulgatione statuerat, confirmavit effuso sanguine. Adeptum itaque reprobationem & coronam iustitiae, quam subeunti bonum Fidei certamen paraverat Deus ante Mundi constitutionem, catholica Ecclesia debet inter gloriosos Fidei Athletas venerari; ut Fidei propagationi, cui totum se dedit, præmisso exemplo, præsenti gloria & futura intercessione magis magisque præfulgeat.

FR. PAULVS Alpheran de Bussan Episcopus Melitenis Assistens.

BEATISSIME PATER. Beatus Fidelis a Sigmaringa Ordinis Capuccinorum eos inter Operarios, qui ad excolendam vineam Domini a Sacra Congregatione de Propaganda Fide mittuntur, primus ille fuit qui eam, ut verus Christi Athleta, proprio sanguine irrigavit & fæcundavit; & ideo Protomartyr est nuncupandus. Martyrio & causa martyrii, tum signis atque miraculis a supremo SANCTITATIS VESTRÆ oraculo adprobatis, in cœlestium Civium numero colendus glorioſissimus Christi miles mihi videtur, ut qui posuit animam suam pro dilatanda Fide exemplo sit Operariis in vinea Domini.

ALEXANDER de Abbatibus Episcopus Viterbiensis, & Tuscanensis Assistens.

Pretiosa mors, quam B. Fidelis a Sigmaringa pro Religione orthodoxa sibi alaci animo expetivit, prophetico Spiritu prænunciavit, hilari vultu exceptit, eidem Martyrii lauream promeruit. Quamquam & asperrimum anteaetæ vitæ cursum juge dixerim martyrium. Prius namque charitatis, quam furoris victima diutinum sui sacrificium pro Dei honore ac Proximorum salute vivens obtulit, moriens consummavit. Ecce autem, BEATISSIME PATER, vox Sanguinis pro vera Christi Ecclesia effusi clamat de terra, quam feliciter irrigavit; clamat de Cœlo, ubi Fidelis iste usque ad mortem accepit coronam vitæ; clamant & miracula luculentissimi testes Sanctitatis, ut in Sanctorum Album referatur Protomartyr Congregationis de Propaganda Fide.

NICO-

NICOLAUS FRANCISCUS de Bonhōme Episcopus Carpasiensis Assistens.

Plenè clarificavit beatus Fidelis a Sigmaringa nomen, & omen sibi ingressu familie Patrum Capuccinorum a Magistro Novitiorum inditum, nempe Fidelis est fidelis usque ad mortem: Fidelis utique fuit nomine, fidelis quoque fuit in opere & sermone, fidelis in minimo, fidelis in maximo, atque fidelitatem suam usque ad iteratas sanguinis effusiones, imò & usque ad mortem in Christo Jesu patienter toleratam & subsecutam, comprobavit: Quapropter Dominus Deus fidelis in omnibus verbis suis iustusque judex reddidit ipsi in Cœlis promissam fidelibus usque ad mortem coronam gloriae & justitiae, ac insuper prodigiis quamplurimis adimplementum verborum suorum manifestavit in terris, ut honores sancto Martyri debiti fideliter beato Fidi exhibeantur: Quare illum inter sanctorum Martyrum Fastos adscribendum censem, & adscribi humilimè SANCTITATI VESTRAE supplicat.

LUDOVICUS ANTONIUS Valdina olim Cremona Episcopus Hermopolitanus Assistens.

Coronet SANCTITAS VESTRA corona Sanctitatis & gloriae, & inter sanctos Martyres solemini ritu adscribat beatum Fidelem a Sigmaringa. Fuit enim fidelis Servus & prudens, qui a Domino meruit accipere coronam vitae. Jesu Christi perpetuus imitator ab ipsa pueritia semper profecit sapientiam, ætate & gratiam apud Deum & Homines. Grandior natu, quam Christus Dominus professus est vitam, ipse manifestavit in carne sua mortali in Patrum Capuccinorum Familia, in qua mortificationem Jesu semper circumferens, mortem tandem pro Christo obiit furentium Hæreticorum vulneribus saucijs, similem illi, quam tulit Stephanus lapidantium Judæorum saxis oppressus; & sicut Stephanus Ecclesiae est Protomartyr, ita beatus Fidelis est Protomartyr Sacrae Congregationis de Propaganda Fide.

FABRICIUS Borgia Episcopus Ferentinus Assistens.

BEATISSIME PATER. Praeclara sanè laus cuiuslibet Christiani hominis est, ita se immaculatum custodire ab hoc seculo, ut possit ante Tribunal Christi exhibere innocentiae stolam, quam per Baptismum accepit, aut poenitentiae operibus lavit. De hoc quippe homine scriptum est: *Beatus Vir, qui inventus est sine macula;* sed hujusmodi innocentiae stolam, cuius nulla satis digna est aestimatio, fuso præterea pro Christi fide sanguine purpurare, hoc enim vero decus est per insigne maximèque admirabile. Utrumque hujus laudis ornamentum B. Fideli a Sigmaringa

ex iis quæ accepimus peculiari Dei beneficio collatum est , primum in Claustris Alumnorum Divi Francisci , quos Capuccinos dicimus , secundum in Acie cum armatus gladio spiritus , verbo scilicet Dei , contra Hæreticos in Rhætia pugnaret , a quibus ex Religionis nostræ odio pluribus vulneribus acceptis interiit . Quocirca duplici titulo gaudet , cur in Album sanctorum Heroum merito referatur .

D. PAULUS THOMAS Marana Episcopus Asculanus in Picenis Assistens .

B Eatus Fidelis a Sigmarina Vir humilitate magnus , charitate major , Apostolico zelo animarum & fidei orthodoxæ propagandæ ardore maximus fuit sanè re , & nomine fidelis usque ad mortem proprio Sanguine per martyrium condecorata m : Quapropter cum jam sine dubio illi coronam de lapide pretioso in Apocalypsi pollicitam imposuerit Deus in Cœlis , æquum est , ut SANCTITAS VESTRA tali laurea redimitum publicæ fidelium venerationi proponat in terris .

F. SILVESTER Merani Episcopus Porphyrien. Assistens .

B. Fidelis a Sigmarina supra modum refulxit in Dei Ecclesia ob exactam severioris Instituti observantiam , ob egregium animarum zelum , ob martyrium pro Fide orthodoxa constanter ac feliciter expletum . Huic ergo multipli catholice Religionis Heroi , de Missione Romana optimè ac præclarè merito , cum & ipsa Dei Omnipotentia eximiam illius virtutem miraculorum testimonio confirmaverit , justum est , ut condigni Religiosi honores , in tota Ecclesia semper mansuri , decernantur a S. V. , cuius Factis dictisque debetur immortalitas .

ANTONIUS Cantoni Episcopus Faventinus Assitens .

M Aturo Congregationis Sacrorum Rituum judicio testatum habemus B. Fidelem a Sigmarina duo solitum fuisse a Deo enixis precibus postulare , scilicet ut vitam ab omni peccato immunem traduceret , Fidemque orthodoxam suo sanguine confirmaret , & utriusque voti compotem effectum esse . Tantam Viri laudem ritè probata implevere miracula . Gratulari licet ergo BEATISSIME PATER , omnia in hac causa abundè suppetere , quæcumque desiderari poterant , ut SANCTITAS VESTRA solemini Decreto suo inter Sanctos referat præstantissimum Congregationis Propagandæ Fidei Protomartyrem .

PAULUS Bonavisa Episcopus Spoletanus Assistens.

PAcem sequimini cum omnibus & sanctimoniam , sine qua nemo videbit Deum : Hac Epigraphe Sanctitate in conclusit Apostolus ad Hebræos 12. : Per pacem cum omnibus denotavit perfectissimam charitatem erga proximos : Per sanctimoniam , sine qua nemo videbit Deum , duo indicavit : Primo munditiam cordis ab omnibus terrenis affectibus , quæ necessaria est , ut mens ita vacua conjungi valeat Deo suo ultimo fini : Secundo immobilem applicationem & adhesionem mentis Deo , quod est proprium speciale sanctimoniae , juxta quod de se dixit Apostolus ad Romanos : *Nequae mors , neque vita nos separabit a charitate Christi .* Sanctus igitur est p̄fissimus Sacerdos Fidelis a Sigmarina , cum pacem prosecutus sit cum omnibus , dum etiam illos , qui ei adversabantur charitate , mansuetudine & patientia emollire , & flectere sibique & fidei catholicæ conciliare studuit , pro iis etiam orando , dum mortem ab iis inflictam se una fronte patientissimè & constantissimè subxit .

Sanctimoniae pariter virtute excelluit , quia puritatem cordis maximè excoluit , immunis ab omni labore gravis peccati & ab omni forde , quæ coinquinat hominem , qua puritate ornatus mentem suam immobiliter applicuit Deo , & per illam meruit Deum videre , dum per martyrii agnem purissimus ejus spiritus evolavit ad cœlum servante Christo fidem datam in Evangelio Matthæi cap. 5. ad 8. illis verbis : *Beati mundo corde , quoniam ipsi Deum videbunt .*

Regnat itaque in Cœlis inter agmina sanctorum Martyrum adscriptus , visioneque divinæ essentiae perenni fruitione consolatus exultat :

Sed quia proprium divinæ bonitatis est , gloriosos reddere in terris eos fideles servos , quos singulari corona justitiae coronavit in Cœlis : Ideo voluit invocato nomine Fidelis plura beneficia & dona in populos diffundere , quibus Sanctitas sui Fidelis Servi omnibus innotesceret : Dum igitur sic loquitur Deus , oportet sequi vocem ejus , & describere in Albo sanctorum Martyrum beatissimum Fidelem , quem jam in libro vitæ scriptum , & singulari laureola redimitum tot prodigiis dignatus est Christus ostendere ; si tamen Sanctitati Vestræ visum fuerit , ad quam pertinet supremo & finali Decreto sacris Fastis fideles Dei Servos adnumerare .

CÆSAR Bonajuti Episcopus Pharenſis Assistens .

BEATISSIME PATER . Elegit B. Fidelis a Sigmarina , abiectus esse in domo Dei ; propterea , Oraculum suum , qui se humiliat exaltabitur , Altissimus in Servo suo Fideli opere comprobavit , dum egregius fuit Seraphici Patris imitator , obedientiæ & ferventissimæ devotionis exemplar , catholicæ Fidei defensor & hæresis usque ad extremum vitæ termini

terminum acerrimus oppugnator. Imò non solum in abiectissimis ministeriis assidue ægrotis inserviendo, afflictos recreando, errantes corripiendo, dies suos cum virtute traduxit, sed etiam contempsit vitam mundi & ardentissime imperterritâ corporis animique constantia, jejunio, oratione, puritate & exemplo Deo servivit, ac omnes vitæ suæ virtutes martyrio coronavit.

Restat nunc BEATISSIME PATER, ut ille miraculis clarus Sanctorum Fastis adscribatur, & solemni ritu militanti Ecclesiæ publicè proponatur ad summarum virtutum incitamentum.

MARIUS Maffei Episcopus Fulginas Assistens.

F Auctam fortunatamque auspicari licet, BEATISSIME PATER, ineundam Canonizationis celebritatem. Primus inter eos, qui ad hujus gloriæ bravium, Te promovente perveniet, occurrit Fidelis a Sigmarin ga, qui eam præsetulit charitatem, qua majorem nemo habet, ut animam suam ponat quis pro amicis suis. Ipse sanguinem suum fudit, ut quas invennerat Dominici gregis oves in Rhætia, eas in catholicâ veritate firmaret; errantes verò ad ovile Christi reduceret. Parum videbatur Fideli hortari Catholicos verbo, nisi constantis animi in subeundâ pro Christo morte firmaret exemplo. Parum quoque ei videbatur hortari verbo & exemplo firmare; nisi in Martyrum numero primus inveniretur, qui Apostolicam in Rhætia missionem sanguine suo illustraret. Parum denique ei visum est tantæ charitatis exemplum dedisse in terris, nisi catholicæ Fidei patrocinium apud Superos se gerere, Hæretorum militum districto ense fugando Duce, ostendisset e Cœlis. Fidelis igitur^a, *in terris visus est, ut esset exemplo; in Cœlum levatus est, ut sit patrocinio. Hic informavit ad vitam; illuc invitat ad gloriam.* Qui ergo Mundi Principe triumphato, supra mundum victor ascendit, hunc digneris, BEATISSIME PATER, ad augendum militantis Ecclesiæ decus inter Martyres recensere.

GUIDO Ursellus Episcopus Cæsena Assistens.

E X hactenus in causa B. Fidelis a Sigmarin ga Sacræ Congregationis de Propaganda Fide Protomartyris tanta cura, diligentia, maturitate deductis atque discussis satis appetet, quam piè ac sapienter faciat SANCTITAS VESTRA, cum eum in Sanctorum Album referendum censuerit; sive enim ejus in tota anteacta vita pietas atque innocentia spectetur, sive in Apostolico Missionarii & Concionatoris munere obeundo fervor atque strenuitas, seu denique in acerbissima morte pro Christi fide apud Hæreticos Rhætios oppetenda fortitudo atque constantia, Salvatoris nostri in Apocalypsi c. 2. gravissimum illud multoque difficillimum præceptum

^a *San. Bernar. Sermone 2. de S. Victore.*

ptum omni ex parte implesse cognoscitur: *Esto fidelis usque ad mortem.* Accedit quod Deus multis iisdemque gravissimis patratis miraculis satis teſtatus est, quām ſibi de beatissimi Viri vita ac morte placuerit. Qua de re, PATER SANCTISSIME, cum fortissimo Martyri Sanctorum nomen & cultum Apostolica voce decernat Sanctitas Vestra, videtur divinæ vocis magnam ipsius gloriam, qua in Cœlis fruitur, enarranti consentire.

LEO LUCAS Vita Episcopus Oppidensis Assistens.

BEATISSIME PATER. Nendum sanctorum Martyrum Fastis adscribi posse crederem beatum Fidelem a Sigmaringa, sed ut id quam citissime fiat, expedit ad majorem Dei gloriam, Ecclesiæ decorem & aliorum exemplum; sustinuit enim patienter fortissimus hic Athleta Christi mala pro bonis & odium pro dilectione, quam exercuit erga proximos, pro quibus animam suam posuit, eo potissimum tempore, quo in evelendis radicibus ab eorum animis perversis moribus, & orthodoxa inter eos Religionem tuenda pariter & amplificanda nitebatur.

ÆGIDIUS ANTONIUS Isabelli Episcopus Alliphanus Assistens.

Non amplius BEATISSIME PATER, Fidelis homo perquendus est proverbiorum verbis: *Virum autem fidelem quis inveniet?* Jam enim nomine & reipsa extat Sigmaringæ Constantiensis Diocesis Oppido non vulgari, & similis non inventus est illi; quemadmodum ergo Fidelis hic Servus quæ tradidit ei Dominus talenta quinque, non piger, nec otiosus in terram abscondit, sed accurate & abundè multiplicavit, & auxit, jam alia quinque superlucratus jejuniis, vigiliis, austeritatibus, orationibus, studiis atque indefessa adolescentium juvenum instructione & assidua præsertim in infideles populos prædicatione: Ita postquam pro afferenda catholica Fide, eaque firmius stabilienda, sanguinem proprium constanter effundens intravit in gaudium Domini sui, verè dignus censi debet, qui in Sanctorum tabulam referatur, ut aliis ad fideliter operandum in via Domini Sabaoth illustre præbeat exemplum.


JOANNES ANTONIUS Bachetoni Episcopus Anagniæ Assistens.

CLamat ad Te de terra BEATISSIME PATER, Servi Dei Fidelis a Sigmaringa ob confessionem hujus unicæ & inconcussæ Pontificiæ Sedis, ex qua jure fulges & doces, effusus Sanguis; cuius voces eti probatum jam fecerint sermonem, nil minus ad eum complendum, præclara etiam supervenere miracula, suumque & ipsa ritè rectèque scrutatum addixere suffragium. Æquum igitur & congruum est, ut ex hac ipsa, pro qua fortiter occubuit, Petri Sede fœnus illi BEATISSIME PA-

TER,

TER , vicemque rependas , ac tanto ex præclaro Capuccinorum Ordine Milii emeritam martyrii coronam palmasque decernas : Ejusque sanguinem suscites , & ex Albo Sanctorum præbeas rutilantem iis , qui Apostolico addicti muneri evangelizare mittuntur , ut Jesum Christum & hunc crucifixum in simplicitate & puritate doctrinæ , alacriter fidenter que annuncient .

SCIUM ILUMURI AT .



Æ hæmet , lævdimet , eȝe atð Kyæ caa pæsuanæ præ feenæ tæ Chrifætit robbi i tæn ȝoti Fiȝeli caa Sigma ringa na dæftognanæ me aft , se ay Kyȝn caa i ver tet , i miræȝe i besæs ndæ stæpiit tæn ȝoti , eȝe sto lisænæ meta ggiȝȝ lævdimet tæ Apostollyet . Ktæ tæ vertet desc vet ȝotæn te dæfton me scegnet Kyȝ caa bæn gner sod præ tæ falurit , e præ tæ luturit atiy vet tæ lumurit gnerii . Taſc po duhet , vece faa scnuhet emæny itiyh me sceitænat . Asctù e martenæ me mbndémia tæ paa diiturat , e asctù ȝȝom paa fare frik .


Josefi Schirò Arçbiscupu i Durrsit , eȝe Vicar Apostolycu i Hymarrs ndæ Arbænit .

Ejusdem Versio latina .

JOSEPH Scirò Archiepiscopus Dyrrhachinus , & olim Vicarius Apostolicus Cimarræ in Epiro .

BEATISSIME PATER . Gesta , virtutes ac martyrium Servi Dei Fidelis a Sigmaringa satis , superque demonstrant hunc fuisse verè bonum & fidelem Ministrum in domo Domini , & insuper omnibus Apostolicis virtutibus exornatum . Hoc idem dignatus est Deus ipse testari per signa & prodigia ab eo hucusque patrata precibus & meritis ejusdem beati Viri . Reliquum est , ut ejus nomen Sanctorum numero adscribatur . Ita humillimè censeo , & indubitanter affirmo .

ով և մեսադերատանծ Արքագոյն Հայո, և Երևելի
Գլխ ՄԷյ Եկղցւ:



անզի որովհետեւ զանազան Առաքեսութիւնքն ,
և պէսպէս Մքանչելագործութիւնքն Երանեցե-
լոյն Փետէլի Լիմարինկայ քահանային 'ի Կար-
դե ՄԷյն Ֆրանչիսկոսի Պաքութիւնաց եղելոց
թարգ իմրէ Երկբայութե հաստատեցեալք Եղեն,
'ի ձեռն շմարտապատում, տպագրութե, որ աստ
'ի Հոօմ: Յազագս որոյ , ամիւ Կերպիւ վայե-
լէ և պատկանի՝ զի Մըբութի ձեր սկսանիցի 'ի Մըբացուցանել 'զնա
'ի պայծառութի ՄԷյ Եկղցւ, և 'ի յօգուտ հանատացելոց : Եւ Շ
մանաշանդ աշջան իսկ համարելի է 'ի յայսպիսում ժամանակի տո-
սելզայն 'յորոմսաստկացեալէ 'ի յարեւելեան կողմունս հալած-մուն-
քըն Ռեզզափառաց 'ի ձեռն հերետիկոսաց , և հերձուածողաց :
Քանզի ունիմ յոյս 'ի բարձրեալն ԱԾ , և 'ի բարեխօսութի Երա-
նեցելոյս այսորին . Ոի ոնպ նոյն հնքն նահատակեցան մարտիրո-
սութե լին ուղղափառ հունատոյն 'ի ձեռաց հերետիկոսաց . նոյն
ովքս աղօթիւք նորին դտկարեսցին հալած-մունքն 'ի Ռեզզափա-
ռաց . և և ո 'ի յազգեն Հայոց : Այլև հերետիկոսք , և հերձուա-
ծողք դարձեն 'ի ծոց , և 'ի յստիս ՄԷյ Եկղցւ , առ 'ի լինիլ
մի Հօտ , և մի Հովիւ .

Այսօգիս ԱլեքսանդրԵն . Ազք Եպոնկան
Իշխանիոյ Կապադովկեան , Հայոց :

Ejusdem Versio Latina .

SERGIUS Alexandri Armenus Archiepiscopus Cesareæ Cappadociae .

Quum virtutes martyrium & miracula beati Fidelis a Sigmaringa
Ordinis Fratrum Minorum Capuccinorum Sacerdotis jam sint
apud sanctam Sedem comprobata , sicut ex Compendio typis edito , &
mihi per fidum Interpretem armenicè redditio colligitur ; hæsitandum
minimè puto , quinimo æquum justumque censeo , ut a SANCTITATE V-
ESTRA in Sanctorum Albo describatur ; his præsertim temporibus , quibus
catholicæ Fidei Cultores , ac mei præcipue gentiles Armeni , a Schisma-
ticis , & Hæreticis in Oriente sævissimè exagitantur . Futurum enim con-
fido , ut eo inter Sanctos relato atque invocato , qui ab Hæreticis pro
Z fide

fide ortho^{do}xa mortem sustinuit , & persecutio heterodoxorum cesseret , & ipsi etiam heterodoxi ad sinum Matris suæ Romanæ Ecclesie revertantur , atque ita fiat , ut unum sit Christianorum omnium ovile , & unus Pastor .

STEPHANUS Evodius Assemanus Archiepiscopus Apameæ .

S Eminanti ^a iustitiam merces fidelis . Hanc SANCTISSIME PATER , sibi comparavit beatus Fidelis a Sigmaringa , incliti Capuccinorum Instituti Alumnus , qui ^b bibit aquam de Cisterna sua , & fluenta putei sui ; fontesque suos foras derivavit , & in plateis aquas suas divisit . Obversantur , proh dolor ! ob oculos teterima illa & perpetua oblivioni mandanda tempora , quibus Ecclesiam Dei ^c exterminabat Aper de Silva , eamque depascebatur singularis ferus . Verùm exsurgit Dominus , videt & visitat vineam suam ; fitque manus ejus super virum dexteræ suæ , beatum Fidelem , qui ^d succinctus lumbos suos in veritate , & indutus loricae iustitiae , calceatus pedes in præparatione Evangelii pacis , sumto Fidei scuto , galea salutis & gladio , quod est Verbum Dei , Rhætiam circumlustrans in perenne Religionis monumentum vertit ^e ; dumque zelat zelum Legis ^f , stolam suam dealbans in sanguine Agni , receptus est in Cœlum . Cœlitibus itaque , fremente eo , qui ex adverso stat , plaudente verò , qua latè patet , catholica Religione , quæ semper & ubique una & eadem sibi easdem , quas primævi Christiani , ex Athletis suis congratulatur victorias : Cœlitibus inquam , a SANCTITATE VESTRA censio esse adscriendum , qui heroicarum virtutum gloriæ & miraculorum claritate conspicuus Sacrae Congregationis de Propaganda Fide Protomartyris lauream præripuit .

THOMAS ALEXIUS de Rubeis Episcopus Aprutinus .

S Ententiam in hac re gravissima doctissimorum Patrum ita laudo BEATISSIME PATER , ut non videar mihi posse meliorem adjungere . Stupiditatis esset , hoc non cognoscere ; ambitionis & philautiæ alia superdicere .

Beatus Fidelis a Sigmaringa sexti decimi seculi Martyr egregius , zelum , constantiam , charitatem antiquorum & forsitan Apostolorum , et si non exæqua verit , saltem non minori ferme gloria dignus est appellari .

Non cymbam , non retia , non paupertatem pro divino cultu reliquit , sed in soris gloriæ , in domo divitiis , honoribus in aulis missum dedit , ut paupertatem amplesteretur .

Pauperrimus Capuccinus , licet humilitate demissus , cilicio , flagellis , vigiliis , inedia confectus : Gravis attamen & coinitate & exemplo cete-

^a Prov. 11. 18. ^b Prov. 5. ^c Ps. 79. ^d Eph. 6. ^e 1. Mach. 2. ^f Apoc. 7.

ceteros ad meliora perduxit; in scribendis concionibus noctes integras consumavit, ut Magister ad colendos homines in Religione, in moribus institutus meritò videretur.

Mirum dictu de ejus charitate, quod inter pestilentis auræ pericula vitam suâ sponte dederit exitio.

Hæretorum libri ne prostarent venales in Fidelium perniciem, maximo labore curavit.

Videbatur evidem ignem suæ charitatis omnia, quæ sequerentur mala devorare voluisse; dum etenim e suggesto concionabatur, calculo ignito percussus, illæsus evasit. Deinde cum præ foribus staret, & hæreticam conficeret suis Concionibus pravitatem, ensibus & fustibus appetitus, martyrium glriosus obivit.

Idcirco jure quoque optimo inter Martyres accenserit, SANCTISSIMUM PATREM, & Magistrum obtestamur.

BERNARDINUS Vari Episcopus Civitatis Castellanæ & Hortæ.

BEATISSIME PATER. Beatus Fidelis a Sigmaringa etsi fuerit omnimodâ pietate insignis, ac regulari strictissimâ observantiâ præcipuus; hæc tamen aliasque virtutes ad culmen heroicæ perfectionis evexit ardentissimo catholicæ Fidei propagandæ studio; dum Hæreticos prædicacionibus suis adortus, cum plurium conversione auxisset Ecclesiam, aliorum in se odium excivit: Quo tamen minimè territus, pro eadem Fide eo ipso tempore, quo eamdem impavido ardore conabatur extendere, ab ipsis Hæreticis innumeris vulneribus confossus glriosissimè Martyr occubuit. Tantus igitur fidei testis, qui nostris ferme temporibus Ecclesiam exornavit, meretur omnino, ut postquam per miracula martyrii sui testimonium accepit a Cœlo, solemne testimonium per Canonizatiōnem ab Ecclesia recipiat.

Преъсфинци́те Патрнте.

АЕ брѣмѣ че нѹй май мѹлтъ лндовлѣ дѣ фапtele чѣлѣ вѹне, шн миуѹнелѣ, кѣ каре атоть пѹгернікъль дмнен зеъ саъ мнастнбнть ѡ лнподобн пре юбнтуль сѹ рѹбъ, пре Ферн-інтуль фнделе Пресутуль Ермонахъ дннь чата Уннствнцилѡрь Патрн Капуцинї, пре кѹмъсѣ бѣдѣ дннь сѹма вїецин лѹй: Г҃ндескъ, кѣ Пресфинциа та поцї фзрѣ дѣ инчие ѿ лндовлѣ спр: Канонизацїа лѹй ѡ пѹрчеде шн лнтрѣ Сфинци аль нѹмбрї, шн Креънилѡрь спре оѹрмѣре альпѹнє.

Іоанъ Ін: Клеїнъ Епнскѹпъль Дела Фзгзрашъ.

Ejusdem Versio latina .

JOANNES INNOCENTIUS Episcopus Fagarasienis.

Cum non sit amplius dubium de eximiis virtutibus , martyrio & miraculis , quibus Omnipotens Deus dignatus est condecorare dilectum Servum suum beatum Fidelem , Sacerdotem Professum Ordinis Reverendorum Patrum Fratrum Minorum sancti Francisci Capuccinorum , quemadmodum ex ejusdem vita Compendio videtur ; censeo SANCTITATEM VESTRAM tutè posse ad ejus Canonizationem procedere , eumque Sanctorum numero adscribere , & Christi Fidelibus imitandum proponere .

JACOBUS PHILIPPUS Confoli Episcopus Amerinus .

BEATISSIME PATER . Ex Joannis sententia satis atque abundè edocemur charitatem sufficere , ut Regnum Dei consequi & possidere mereamur : Quæ autem major charitas , testante Domino , cum animam suam ponit quis pro amicis suis ? Hoc verbo docuit & exemplo beatus Fidelis a Sigmarina Capuccinorum Ordinis ; is enim , cum ex tot tantisque Apostolicis præconibus , quos in Mundum universum ad Evangelii veritatem disseminandam Universalis Congregatio , a sancta Sede negotiis de Propaganda Fide præposita , in dies mittere consuevit , primus omnium charitate ductus Evangelicam prædicationem suo sanguine confirmaverit , nemo est , qui dubitet ejus martyrii merito . Martyrum gloriam ritu solemni adjiciendam , atque decernendam esse : Tanti ponderis hoc esse eadem SANCTITAS VESTRA firmavit in suo absolutissimo Opere de Beatificatione & Canonizatione Sanctorum lib. 1. cap. 2. & 3. per tot. , ut solemnis Canonizationis honores beato Fidi debiti , non modò tamquam Martyri , sed tamquam Protomartyri videantur ; sed quid dicendum , cum tot populos , tot Provincias , innumeris exantlatis laboribus ac periculis , ab hærefose labore purgaverit , omnes in gradu heroico virtutes & miraculorum fama toto catholico Orbe celeberrima , ejusdem martyrio accedant ? Talia hæc profecto sunt , ut jure merito cum Beatum illum dixerint omnes generationes , Beatumque Sancta hæc Apostolica Sedes ex Decreto S. Mem. Benedicti XIII. appellandum indulserit , Sanctum mox venerandum SANCTITAS VESTRA ex Cathedra item decerne re dignetur .

Gens sancta id exoptat , populusque fidelis ea spe ductus hoc idem expectat , ut dum illius merita exaltantur in Terris , contra hæreses , quas vivens profligavit , patrocinium assequatur in Cœlis .

JOSEPH Coppola Episcopus Aquilanus.

REpromissam certantibus vitæ coronam in Cœlis^a, de qua Jacobus Apóstolus loquitur, in beato Fideli a Sigmaringa meritò completam videmus^b. Religiosam namque sollicitudinem ad augendam, provocandamque fidei observationem juris præmio affici debere, etiam Ethnici Cæsares rescripsere. Supereft ergo, ut quem certè Sanctorum consortio perfui credere licet, infallibili Tuo judicio, ad Omnipotentis Dei gloriam firmius innotescat. Et consilium quod toties in hac re præbuisti, & quomodo, quibusve auxiliis dandum sit disertè docuisti, benigno suscipere animo non dedigneris.

HIERONYMVS Lorenzi Episcopus Acernensis.

CUm vitæ ratio, tum mortis genus, BEATISSIME PATER facile ostendunt, quanta extiterit in beato Fideli a Sigmaringa virtutum eximiarum complexio. Ita enim vixit, ut in summa vitæ austерitate morumque innocentia Deum unicè spectaret & Proximorum salutem: ita sanguinem profudit, ut pro tuenda catholica fide animam poneret. Verè quod olim de Samuele dictum est, suscitavit sibi Deus novissimo hoc etiam tempore Sacerdotem fidelem: Cum igitur tam strenuè cucurrerit, ut comprehendenterit; tam legitimè certaverit, ut coronam mereatur: quod ipsum edita post ejus mortem miracula testantur; æquum censeo BEATISSIME PATER in sanctorum Martyrum numerum eundem adscribi.

JOANNES FRANCISCUS Cavallini Episcopus Alatrinus.

BEATUM Fidelem a Sigmaringa tot virtutum ac miraculorum laude conspicuum, atque ad martyrii usque palmam verè fidelem Sanctorum Fastis a SANCTITATE VESTRA jure meritoque adscribendum puto, lubentique animo ceterorum Patrum suffragiis meum quoque votum adjicio.

NICOLAUS Cioffi Episcopus Soranus.

LONGÈ dignissimum inter præclara Sacrosancti Apostolatus tui opera illud esse censeo, ut sanctorum Martyrum Fastis per supremum SANCTITATIS TUÆ Oraculum adscribatur beatus Fidelis a Sigmaringa. Hic enim non solum tot eximiis tam in seculo, quam in severiori suo Capucinorum Instituto virtutibus, ac doctrinis mirum in modum præfusus, verum etiam incredibiles pro æterna Christifidelium ac præsertim Hæreticorum

^a Jacob epist. 1. ^b Diocl. & Maxim. in l. 1. Cod. Pro quibus causis servit pro præm. lib.

reticorum salute procuranda , catholica Religione promovenda , divino-que cultu adaugendo labores suscepit sustinuitque ; ac tandem animam suam pro inimicis suis consummato martyrio ponere non dubitavit . Unde immarcescibilem in Cœlis coronam adeptum esse miracula ipsa ab Omnipotenti Deo patrata pro manifestanda Servi sui immortali gloria ostendunt .

JOANNES ANTONIUS Castelli Episcopus Catharenfis.

TAm suit insignis beati Fidelis a Sigmaringa virtus tantaque animi magnitudo , ut eam ne longa quidem oratione celebrare quisquam si cupiat possit , neque si possit , quoniam conspicua omnibus est , opus esse videatur . Testata namque res est , eum cum in seculo esset , inter æquales & doctrinæ & pietatis integritatisque morum laude unum omnium maximè floruisse ; ac post , ubi Ordini Minorum Capuccinorum nomen dedit , adeo pium , castum , pauperem , dicto Superiorum obedientem , prudentem , perfectum denique virum fuisse , ut ceteris , qui se tum in instituendis Christifidelibus , inque ministerio apostolico exercebant , mirum in modum sanctitatis nomine antecelleret . Charitatis autem ardore ita eum fuisse inflammatum constat , ut & curarit operâ , labore , difficillimis itineribus , jejuniiis , vigiliis , precibus Christo proximorum animas in cœno vitiorum , aut in errore versatas lucrifacere ; quod est ope divinæ gratiæ consequutus ; & expleto martyrio pro veritate orthodoxæ Religionis vitam sanguinemque profuderit . Quare censeo virum heroica virtute ac miraculorum dono illustrem dignum esse , qui a SANCTITATE VESTRA in sanctorum Martyrum numerum referatur .

NICOLAUS MARIA Calcagnini Episcopus Civitatis Ducalis.

SAtis quidem beati Fidelis a Sigmaringa merita prædicata censeo , ut Sanctus dici , haberi colique jure possit , si solam charitatem , quæ perfectionis vinculum est , sic eum coluisse dicam , ut pro Dei amore ac fidei testimonio sanguinem suum sundere non detrectaverit , ipsum Deum pro suis offenditoribus exorando . Verum , licet præcipua hæc sit fortissimi hujus Christi Domini Athletæ virtus , non tamen unica est ; ceteras enim exercuit etiam in gradu heroico , nedum inter sacra Fratrum Minorum , quos Capuccinos vocant , Claustra , sed illis præsertim temporibus , quibus apud Rhætos moratus , in reducendis ad catholicam Religionem hæreticis operam suam summo studio collocavit : Evidem , qui Seryatoris nostri vestigia sequutus tantopere adlaboravit , ut cum eodem regnaret in Cœlis , æquum est , ut in terris respondentem meritis suis Sanctorum gloriam a SANCTITATE VESTRA consequatur .

Statim ac novissimus Episcoporum Orationi suæ finem imposuit ; hæc subdidit Papa , suffragia commendans , jejunia & preces , quas edixerat , palam faciens .

VENERABILES FRATRES. Summam voluptatem percepimus ex vestris suffragiis , quæ tulistis de proposita Canonizatione beati Fidelis a Sigmaringa . Priusquam tamen ultimo deliberemus , ad Deum supplices configere volumus , & simul hortari Fideles omnes , ut eadem vota concipient , videlicet ut cœleste lumen in hoc gravissimo negotio Nobis elargiatur , judicium laturis de Canonizatione beati Fidelis a Sigmaringa , atque aliorum quatuor Beatorum , quorum Causæ in quatuor sequentibus Consistoriis Semipublicis in examen adducentur . Porro Cardinalis noster in Urbe Vicarius de more promulgabit jejunia , Ecclesiæ visitandas , preces & alia pietatis opera præscripta & suscipienda ab illis , qui consequi volunt plenariam Indulgentiam , quam Nos impertiti sumus universis , qui preces effundent eo modo , quem statuimus , ut Deus scilicet Opt. Max. suæ lucis claritate mentem nostram illuminet .

Ubi Summus Pontifex sicut , Procurator Generalis Cameræ Apostolicæ Joannes Philippus Toppi his verbis Protonotarios adstantes rogavit , ut unum , vel plura de Consistorialibus Actis Instrumentum , vel Instrumenta conficerent .

Ego Johannes Philippus Toppi Sanctissimi Domini Nostri & Cameræ Apostolicæ Procurator Generalis rogo Vos omnes Protonotarios & Notarios Apostolicos hic præsentes , ut de sententiis , consilio & unanimi consensu Reverendissimorum DD. S. R. E. Cardinalium , necnon Patriarcharum , Archiepiscoporum , & Episco-

& Episcoporum, deque Summi Pontificis Oratione ac deliberatione præhabitis super solenni Canonizatione beati Fidelis a Sigmaringa, unum vel plura publicum, seu publica conficiatis instrumentum, vel instrumenta ad perpetuam rei memoriam.

Tunc R. P. D. Antonius Maria Erba Pro-Decanus Protonotariorum Apostolicorum de numero participantium sui Collegii nomine respondit, *Conficiemus*; deinde Cubicularios & ceteros, qui circa Solium Pontificis stabant, Testes appellans dixit: *Vobis Testibus*; Domumque reversus integrum Actionem, prout infra, in suis tabulis adnotavit. Confessus ita solutus est.

*Instrumentum a Pro-Decano Protonotariorum rogatum
pro primo Semipublico Consistorio.*

IN NOMINE DOMINI AMEN.

Cunctis omnibus præsens hoc Instrumentum lecturis pariter & auditur evidenter pateat ubique notumque sit: Quod Sanctissimus Dominus Noster BENEDICTUS Divina providentia Papa XIV. ut inoffenso pede, prout rei gravitas & dignitas postulabant, devenire posset ad solemnem Canonizationem beatorum Fidelis a Sigmaringa Martyris Ordinis Minorum S. Francisci Capuccinorum, Camilli de Lellis Confessoris Clericorum Regularium Ministrantium Infirmis Fundatoris, Petri Regalati Confessoris Minorum Observantium S. Francisci, Josephi a Leonissa Confessoris Ordinis Minorum S. Francisci Capuccinorum, & Catharinæ de Ricciis Sanctimonialis Professæ Ordinis S. Dominici Anno Dominicæ Incarnationis millesimo septingentesimo quadragesimo sexto, Indictione nona, Pontificatus ejusdem Sanctissimi Domini Nostri Papæ anno sexto, die verò octava Junii Feriâ quartâ pro explenda causa excipiendisque suffragiis super Canonizatione beati Fidelis a Sigmaringa primum habuit Consistorium semipublicum in Aula, quæ loco Ducalis est, in Quirinali Palatio.

Sanctitas Sua superrecensita die ex Aula Paramentorum Pluviali rubro induta, ac simplici Mitrâ redimita, preeunte Papali Cruce cum solito comitatu, ad eamdem Aulam, quæ pro Ducali habetur, se contulit: Ibique in Sede composita, Consistoriali Actioni brevi dissertaque Allocutione initium dedit, & a Venerabili tam Eminentissimorum DD. S. R. E. Cardinalium, quam Reverendissimorum Patriarcharum, Archiepiscoporum, & Episcoporum Pontificio Solio Assistentium, & non Assistentium Confessu super re tanti momenti, consilium & sententias exquisivit.

Facta propterea suffragandi copia Eminentissimus Burghesius Presb.
Tit.

Tit. S. Mariæ Transtyberim utpote inter Cardinales, qui intererant, omnibus antiquior, primus Sanctissimo Domino sententiam suam aperuit, eumdemque enixè rogavit, ut beatum Fidelem a Sigmaringa sanctorum Martyrum numero adscribere dignaretur.

Non absimili sanè voto ceteri omnes, qui aderant Eminentissimi Patres, apud Sanctitatem Suam institerunt pro solemni ejusdem beati Fidelis Canonizatione: videlicet.

Antonius Xaverius Tit. S. Stephani in Monte Cœlio S. R. E. Presbyter Cardinalis Gentili.

Fr. Joannes Antonius Tit. SS. Silvestri & Martini in Montibus S. R. E. Presbyter Cardinalis Guadagni.

Trojanus Tit. S. Cæciliae S. R. E. Presbyter Cardinalis de Aquaviva.

Dominicus Tit. SS. XII. Apostolorum S. R. E. Presbyter Cardinalis Riviera.

Joannes Baptista Tit. S. Mariæ Angelorum S. R. E. Presbyter Cardinalis Spinula.

Raynerius Tit. S. Sabinæ S. R. E. Presbyter Cardinalis de Ilcio.

Dominicus Tit. S. Bernardi S. R. E. Presbyter Cardinalis Passionei.

Silvius Tit. S. Priscæ S. R. E. Presbyter Cardinalis de Valentibus.

Fr. Joachimus Tit. SS. Quatuor Coronatorum S. R. E. Presbyter Cardinalis Portocarrero.

Camillus Tit. SS. Joannis & Pauli S. R. E. Presbyter Cardinalis Paulutius.

Carolus Albertus Guidobonus Tit. S. Mariæ de Pace S. R. E. Presbyter Cardinalis Cavalchinus.

Fridericus Tit. S. Pancratii S. R. E. Presbyter Cardinalis Lantes.

Franciscus Tit. S. Mariæ de Populo S. R. E. Presbyter Cardinalis Riccius.

D. Fortunatus Tit. S. Matthæi in Merulana S. R. E. Presbyter Cardinalis Tamburinus.

D. Joachimus Tit. S. Crucis in Hierusalem S. R. E. Presbyter Cardinalis Besutius.

Carolus S. Mariæ in Via lata Diaconus S. R. E. Cardinalis Marini.

Alexander S. Mariæ ad Martyres Diaconus S. R. E. Cardinalis Albanus.

Nerius S. Eustachii Diaconus S. R. E. Cardinalis Corsinus.

Agapitus S. Agathæ in Suburra Diaconus S. R. E. Cardinalis Mosca.

Marius SS. Cosmæ & Damiani Diaconus S. R. E. Cardinalis Bologninus.

Prosper S. Georgii in Velabro Diaconus S. R. E. Cardinalis Columna de Sciarra.

Alexander S. Mariæ in Aquiro Diaconus S. R. E. Cardinalis Tanarius.

Hieronymus S. Adriani Diaconus S. R. E. Cardinalis Bardi.

Dominicus SS. Viti & Modesti Diaconus S. R. E. Cardinalis Ursinus.

Absolutis Purpuratorum Patrum suffragiis, Reverendissimi DD. Patriarche, Archiepiscopi, & Episcopi Pontificio Solio Assistentes, & non Assistentes (stantes dum loquebantur, & initio a primis in Ordine desumpto) suas quoque sententias in medio protulerunt. Nempe.

Mundillus Ursinus Patriarcha Constantinopolitanus.

Antonius Maria Pallavicinus Patriarcha Antiochenus.

Thomas Cervini Patriarcha Hierosolymitanus.

Gabriel Eva Archiepiscopus Cypri Syrus, Patriâ priùs, deindè latinâ linguâ suffragium einisit.

Alexander Borgia Archiepiscopus Firmanus.

Joseph Maria Ferronus Archiepiscopus Damascenus.

Michael Palma Archiepiscopus Teatinus.

Stanislaus Poliastrî Archiepiscopus Rossanensis.

Ferdinandus Maria de Rubeis Archiepiscopus Tarsensis.

Joannes Andreas Tria Archiepiscopus Tyri.

Michael Maria Vincentini Archiepiscopus Theodosiae.

Simon Gritti Archiepiscopus Tyanen.

Nicolaus Carafa Archiepiscopus Philippensis.

D. Ferdinandus Romualdus Guiccioli Archiepiscopus Ravennatensis.

Felix Solatius Archiepiscopus Thebarum.

Antonius Fonseca Episcopus Aësinus.

Fr. Paulus Alpheran de Bussan Episcopus Meliten.

Alexander de Abbatibus Episcopus Viterbien. & Tuscanen.

Nicolaus Franciscus de Bonhome Episcopus Carpasiens.

Ludovicus Antonius Valdina olim Cremona Episcopus Hermopolitanus.

Fabricius Borgia Episcopus Ferentinus.

D. Paulus Thomas Marana Episcopus Asculanus in Picenis.

Fr. Silvester Merani Episcopus Porphyriensis.

Antonius Cantoni Episcopus Faventinus.

Paulus Bonavisa Episcopus Spoletinus.

Cæsar Bonajuti Episcopus Pharenensis.

Marius Maffei Episcopus Fulginatensis.

Guido Ursellus Episcopus Cesenæ.

Leo Lucas Vita Episcopus Oppidensis.

Ægidius Antonius Isabelli Episcopus Alliphan.

Joannes Antonius Bachetoni Episcopus Anagninus.

Joseph

Joseph Schirò Archiepiscopus Dyrrhachinus , Patrio prius , deinde latino idiomate suffragium emisit .

S ergius Alessandri Armenus Archiepiscopus Cæsareæ Cappadociæ , Patriâ prius , latinâ deinde linguâ suffragium emisit .

Stephanus Assemanus Archiepiscopus Apameæ .

Thomas Alexius de Rubeis Episcopus Aprutinus .

Bernardinus Vari Episcopus Civitatis Castellanae & Hortæ .

Joannes Innocentius Episcopus Fagarasiensis , Patrio priùs , deinde in latino idiomate suffragium emisit .

Jacobus Philippus Consoli Episcopus Amerinus .

Joseph Coppola Episcopus Aquilanus .

Hieronymus Lorenzi Episcopus Acernen .

Joannes Franciscus Cavallini Episcopus Alatrinus .

Nicolaus Cioffi Episcopus Soranus .

Joannes Antonius Castelli Episcopus Catharen sis .

Nicolaus Maria Calcagnini Episcopus Civitatis Ducalis .

Suffragiis itaque non minus Eminentissimorum Cardinalium , quām Patriarcharum Archiepiscoporum & Episcoporum , qui ut supra ade- rant , in eundem penitus sensum pro solemini videlicet , & sollicita beati Fidelis Canonizatione unanimiter convenientibus , & ad finem tandem perductis , Sanctissimus Pater Actionem brevi altera Allocutione complevit ; & tunc stantibus adhuc Prælatis , & sedentibus Cardinalibus Procu- rator Generalis R. C. A. rogavit Nos Protonotarios Actioni præsentes , ut de sententiis , consilio & unanimi consensu Eminentissimorum DD. S. R. E. Cardinalium nec non Patriarcharum , Archiepiscoporum , & Episcoporum , deque Summi Pontificis oratione , ac deliberatione præ- habitis super solemini Canonizatione beati Fidelis a Sigmaringa Martyris , unum vel plura , publicum seu publica conficeremus Instrumentum , vel Instrumenta , ad perpetuam rei memoriam .

Ad hujusmodi supradicti Procuratoris Generalis Reverendæ Came- ræ instantiam Ego Antonius Maria Protonotarius Erba inter Protonota- rios eidem Consistorio præsentes antiquior tam proprio , quām meorum Collegarum & Collegii nomine respondi : *Conficiemus* : & subinde ad Pontificios Familiares , qui adstabant , conversus , eos in Testes vocatos , adhibui his verbis : *Vobis Testibus* .

Acta sunt hæc in Quirinali Palatio die , mense & anno , quibus supra : Adstantibus DD. Paulo Zani Bononiensi , & Josepho Maria Puoti Neapolitano ab intimo Sanctitatis Suæ cubiculo Testibus ad hoc speciali- ter adhibitis atque rogatis &c.

In quorum fidem Nos Protonotarii Apostolici de numero Partici- pantium requisiti & rogati præfens hoc Instrumentum subscripsimus , & publicavimus , solitique Collegii nostri Sigilli impressione muniri , & in nostro Archivio , ut futuris temporibus horum omnium semper extet

documentum , Secretario nostro perdiligenter asservari & subscribi mandavimus . Actum ubi supra , præsentibus quibus supra Testibus ad præmisæ vocatis habitis atque rogatis .

Antonius Maria Protonotarius Erba Sub-Decanus .

Loco + Signi .

Franciscus Dominicus Clementi ejusdem Collegii Secret.

Quoniam verò verba fecerat Pontifex de jejunio servando , de Ecclesiis adeundis , aliisque pietatis operibus suscipiendis pro adeptione Indulgentiæ , quam Cardinalis Urbis Vicarius Sanctitatis suæ jussa promulgaverat ; ut Cardinales Pastoresque animarum omnes injuncta ob id onera perlegere possent & facilius cognoscere , unicuique ab Aula descendenti Cæremoniârum Magistri exemplar Notificationis obtulerunt papyro impressum , cui , cum dabatur Cardinalibus , alia insuper schedula , per quam color vestium in diebus jejuniorum adhibendus significabatur , addita erat : Quæ ut co nmodiū asservarentur , ferica vitta coloris violacei circumligatae jam fuerant .

Fr. GIO: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

LA Santità di Nostro Signore Papa BENEDETTO XIV. concede Indulgenza Plenaria e remissione di tutti li peccati a tutti i Fedeli Cristiani dell' uno e l' altro sesso , i quali digiuneranno Mercoledì Venerdì e Sabbato 15. , 17. , e 18. del corrente mese di Giugno , e Confessati , e Communicati , visitaranno almeno una volta una delle due Basiliche , di S. Giovanni Laterano , e di S. Pietro in Vaticano , o la Chiesa di S. Maria sopra Minerva in luogo di S. Maria Maggiore (impedita) mentre ne' seguenti descritti giorni vi farà esposto il Santissimo SAGRAMENTO , e divotamente pregheranno la Divina Maestà , che ispiri Sua Beatitudine , e le assista nella grave deliberazione della Canonizzazione de' Beati FEDELE da SIGMARINGA Martire dell' Ordine de' Capuccini , CAMILLO de LELLIS Fondatore de' Cherici Regolari Ministri dell' Inferni , PIETRO REGALATO dell' Ordine de' Minori Osservanti , GIUSEPPE da LEONESSA parimente del suddetto Ordine de' Capuccini , e di CATERINA RICCI dell' Ordine Domenicano .

Et a Regolari dell' uno e l' altro sesso , anche chiusi in perpetua Claustra & a tutti gli altri , tanto Laici , quanto Ecclesiastici , Secolari e Regolari , parimente dell' uno e l' altro sesso , esistenti in Carcere , o da qualche infermità corporale oppressi , che non potranno adempire le cose di sopra espresse , possa il Confessore commutarle in altre opere di pietà , & imporgli quelle cose , che i Penitenti potranno fare .

IL SANTISSIMO SARA' ESPOSTO.

Nella Basilica di S. Giovanni Laterano Domenica 19. del corrente mese di Giugno fino a mezzo giorno del Martedì 21. detto.

Nella Basilica di S. Pietro dalla mattina del Martedì 21. detto, sino al mezzo giorno del Giovedì 23. detto.

Nella Chiesa di S. Maria sopra Minerva dalla mattina del detto Giovedì 23. sino al mezzo giorno del Sabbato 25. detto,

Dato in Roma dalla nostra solita Residenza li 8. Giugno 1746.

Fr. G. A. Card. Vicario.

Gasparo Arciprete Ori Segretario,

EMINENTISSIMO E REVERENDISSIMO SIGNORE.

Nei tre prescritti giorni di digiuno, cioè: Mercoledì 15., Venerdì 17., e Sabbato 18. del corrente mese di Giugno, a riserva del primo giorno Mercoledì, che per esser entro l' Ottava del Corpus Domini farà eccettuato, e vestirà degl' abiti Cardinalizj di color rosso, negl' altri due giorni poi parimenti determinati per il digiuno si osserverà la prescritta generale regola del colore intorno agl' abiti Cardinalizj, ed usarà tanto in Casa, che fuori quello di color Pavonazzo.

Qui præpediti ex S. R. E. Cardinalibus, vel Præsulibus Ecclesiarum a Consistorio abfuere, licet in Urbe commorarentur, Summi Pontificis jussu sententiam propriam scriptam Sacræ Rituum Congregationis Secretario, ut in ejus Tabulario perpetuò una cum aliis extaret, quisque transmisit; singulæ hīc itidem adjiciuntur ad gestorum comple-
mentum.

*THOMAS Episcopus Ostien. & Veliternen. Sacri Collegii Decanus
Vice-Cancellarius Cardinalis Rufus.*

Illustris & gloria militia fuit beati Fidelis a Sigmaringa vita super terram. Docente enim Domino, manus ejus ad prælium prætervexit inculpatè florentis ævi annos, devictoque Mundo dedit venerabili Capuccinorum Ordini nomen; in quo ad regulæ nutum sese exactissimè componendo, humilitatis viam terendo, laboriosiora subeundo, ceterasque virtutes exercendo, facem omnibus præferebat. Jamque magis Seraphico igne invalescens, erubescet sub cruentato capite expertem doloris & sanguinis vitam agere, sitiebatque proinde ad mortem pro Christo cruentari. Nec mora: Vix accedente Summi Pontificis mandato, Fidelis,

lis, indutus virtute ex alto, Rhætorum fines promptè ingreditur: Hæreses ibi & vitia verbo exemplo, industria primus adoritur; per aspera quæque per abrupta, per nivosa montium juga pedes incedens omnia oculis, animoque lustrat, ut omnes Sanctæ Romanæ Ecclesiæ lucifaciat: Tandem in catholicæ Doctrinæ odium plurimis vulneribus transfoßsus, totidem veluti palmis onustus, victor occumbit. Qui igitur vita, morte & miraculis accuratissimè expensis, prodigium factus est multis, fiet omnibus adiutor fortis; si invictum Christi Athletam Fidelem a Sigmaringa cunctis fidelibus pia imitatione colendum, precibusq[ue] exorandum SANCTITAS VESTRA solemini ritu proponere dignabitur.

*ANNIBAL Episcopus Portuensis Cardinalis Albanus
Sancti Clementis nuncupatus.*

Beatus Fidelis a Sigmaringa SANCTISSIME PATER, Vir fuit oppidò doctus, nec tantum exoticarum linguarum peritiâ, verùm etiam utriusque juris scientiâ, itemque Philosophicis ac Theologicis studiis eruditus. Christiana tamen virtute evasit illustrior. Religiosumque Minorum Capuccinorum Institutum professus omnibus numeris & partibus eximiam Sanctitatem præsetulit. Humilitate, abstinentia, corporis afflictione, sui ipsius contemptu, atque operosa in Deum ac Proximum charitate potissimè præstitit. Ad aliorum procurandam salutem Apostolicæ Missionis addictus ministerio verbo & exemplo multos ad orthodoxam Religionem & veritatis viam, longè verò plures ad bonam frugem adduxit. Dilatandæ catholicæ Fidei studio flagravit quām maxime, ejusque incrementa non unā viâ provehens, in Rhætia, invicta ac digna Apostolico pectore fortitudine Martyr occubuit. Multis subinde miraculis Servi sui gloriam Deus ostendit, quæ una cum heroicis ipsius virtutibus, quoniam Beatitudini Tuæ probè explorata atque e ritu comperta sunt, dignus profectò B. Fidelis censetur, qui Sanctorum Catalogum augeat. Hoc BEATISSIME PATER, complures catholici Orbis Populi cum suis Episcopis, hoc viri Principes, hoc sacra Congregatio de Fide Propaganda enixè postulant; hoc item ego demissè hagito.

*VINCENTIUS Episcopus Prænestinus Cardinalis Petra
Major Penitentiarius.*

Magnum profectò ac singulare decus Instituti Minorum Capuccinorum fuit beatus Fidelis a Sigmaringa. Etenim literarum studiis ac pietati in seculo diligenter incubuit, in eum deinde Ordinem cooptatus, nihil potius habuit, quām ut humilitatem, obedientiam, paupertatem, morum castitatem, Religionem erga Deum Deiparam Virginem Sanctosque studiosissimè coleret. In eo adhuc juvēne tanta fuit & ad-

& admirabilis doctrina , virtus , prudentia quoque ac zelus , ut Sacerdotio vix initatus , confessiones Fidelium audire , & conciones habere coactus fuerit . Incredibile dictu est , quot ille peccatores ad poenitentiam , quot haereticos ad veram Religionem colendam induxerit . Dubitandum diu non fuit , quin inter ceteros Religiosos a vigili cura Sacræ Congregationis de Propaganda Fide in Rhætiam mittendos ad animarum culturam & conversionem , Fideli præcipue in eo munere obeundo partes darentur . Non imbris , non fame , non siti , non frigore , non aliis denique doloribus & laboribus deterreri ab incoepio potuit , sed fretus Dei auxilio magnum incolarum numerum Ecclesiæ orthodoxæ restituit , qua de re sævissimorum hominum scelere interfactus , martyrii palmam est consequutus . Quare cum primus omnium sanguine suo fœcundaverit agrum Sacræ eidem Congregationi de Propaganda Fide commissum , ac primus corona martyrii fuerit redimitus ; nedum dignum reputo , qui Sanctorum Fastis adscribatur , sed ego munus sustinens Præfecti ejusdem Sac. Confessus , suppliciter etiam exoro , ut patronus præcipuus B. Fideli a Sigmaringa Apostolicis Missionibus apud Deum dignetur adesse .

PETRUS ALOYSIUS Episcopus Albanensis Cardinalis Carafa .

Explorata res est , quod ^a *Sanguis Martyrum semen est Christianorum :* interest propterea quam maximè , tum catholicæ Ecclesiæ tum vero Congregationi , quæ Propagandæ Fidei præsidet , cui me glorior adscriptum , ut beatus Fidelis a Sigmaringa vindicatis Martyribus adnumeretur . Ipse siquidem , cum esset omnibus religiose vitae virtutibus insignis , primus fuit ex iis , qui ab ipsa Sacra Congregatione ad fidei damna reparanda , & ad haereses extirpandas missus totus incubuit , Haereticis convertendis , haeresibus profligandis , pravis dogmatibus convellendis , & deviis ad fidei unitatem reducendis : Idque Deo adspirante consecutus est , plurium annorum labore Concionibus flagrantissimis , imperterrita animi robore ac tandem proprii sanguinis effusione . Ut itaque sanguis ab ipso effusus possit esse uberrimum Catholicorum semen in iis præsertim Regionibus , in quibus etiamnum haereses vigent , maximè opportunum existimo , si hujus sanctæ Sedis Oraculo , consummati Martyris gloria beato Fideli vindicetur .

JOSEPHVS Episcopus Tusculanus Cardinalis Accorambonus .

Altissimum perfectionis culmen , ad quod beatus Fidelis jugiter proparavit , & propagandæ catholicæ Religionis zelus , quem magnis sublatis periculis cum præclara animi fortitudine ad martyrium usque servavit , sacrarum paginarum eloquium : *est fidelis usque ad mortem , &*

accipi-

^a Tertullianus in fine Apologetici .

accipies coronam vitæ; exactissimè in eo impletum esse demonstrant. Ut igitur tantis laboribus debitus fructus respondeat, justissimum censeo, si præclarissimo Sancti titulo & cultu a SANCTITATE VESTRA decoretur.

VINCENTIUS Episcopus Sabinensis Cardinalis Bichius.

TRUMPHUM & martyrium sancti Petri Martyris in seculo decimo tertio patratum, verè renovavit in seculo decinoseptimo beatus Fidelis a Sigmaringa Sacerdos Professus Ordinis Fratrum Minorum sancti Francisci Capuccinorum nuncupati, & Congregationis de Propaganda Fide Missionarius, qui fervens amator Fidei cultor præcipuus & Propugnator ardenter, ut ea quæ de catholica Fide Hæreticis verbo prædicabat, firmare et exemplo, ac de pugna tam strenua specialem Palmam reportaret, non timuit mortem sibi in odium catholicæ Fidei paratam præcognitam atque illatam per cruciatus & vulnera lætanter subire; sic Martyr Christi & Protomartyr Congregationis de Propaganda Fide gloriösè constitutus. Ad hujus Beati memoriam erubescant fallaces Hæretici, & impudentes frontes decadant jam confusæ, cum ille, cuius veracem instructionem & salutaria monita renuebant, cuique mortis intulere supplicium, in Cœlo jam regnet inter agmina Beatorum. Convenit itaque, ut quem Dominus in Cœlo magnificat, Mundus colat.

*NICOLAUS Maria Tit. S. Petri ad Vincula Presbyter
Cardinalis Lercarius.*

CATHOLICA universalis Ecclesia postulat, ut beatus Fidelis a Sigmaringa, qui non modò opere & sermone, sed sanguine suo in odium orthodoxæ fidei interemptus de ejus veritate constantissimum præbuit testimonium, Sanctorum Fastis adscribatur: Ipse verè fidelis fuit usque ad mortem, & sicuti in Cœlis accepit coronam vitæ, ita sacris Altarium honoribus martyrii palmâ decoratus, ac miraculis clarus universalem catholicæ Ecclesiæ venerationem promeretur.

RAPHAEL Cosimus Tit. S. Marcelli Presbyter Cardinalis de Hieronymis.

BEATISSIME PATER. Redolet Germania fragrantia & virtute signorum, quæ per merita illius beati Viri Fidelis a Sigmaringa quandam Sacerdotis Professi Ordinis Capuccinorum omnipotens Dominus operatur, & universa lætatur fidelium christiana Religio pro eo, quod ille qui est mirabilis & gloriösus in Sanctis, Sanctum suum post mortem clarificavit, cuius vita laudabilis multâ suis gloriâ meritorum, & tandem martyrio consummata est glorioso. Quamvis autem de sanctitate ipsius dubitare non possit, qui ejus vitam & laudabilem conversationem attendit,

dit, gloriosemque considerat passionem; voluit tamen Salvator noster ejus sanctitatis insignia magnificis irradiare miraculis, ut qui pro Christo insuperabilis virtutis constantiam necessitates & pericula pertulit, sui laboris & certaminis in æterna beatitudine cognoscatur ab omnibus perceperisse triumphum. Eum itaque si SANCTITAS VESTRA pro Apostolatus sui munere sanctorum Martyrum Fastis adscribere dignabitur, id Ecclesiæ decori futurum arbitror ac incremento.

ANTONIUS Tit. S. Silvestri in Capite Presbyter Cardinalis Rufus.

ADimpleo ea, quæ desunt passionum Christi, inquit Apostolus: BEATISSIME PATER adimplevit sanè in omnibus viis suis Jesu Christi Coadiutor B. Fidelis a Sigmaringa; in seculo vivens per illibatam innocentiam custodiam; in sortem Domini vocatus per exactam suæ religionis disciplinæ observantiam, ut vel provectionibus exemplo præluceret: Apostolicum munus apud Rhætos exercens eximiis charitatis officiis & ardentissimo zelo dilatandæ custodiendæque fidei. Quemadmodum enim super fundamentum, quod Christus est, superedificavit, non lignum, non fœnum, non stipulam, sed argentum aurum lapidesque pretiosos heroicarum virtutum, quas proprio sanguine consecravit & illustravit: Ita æquum est, ut summis Ecclesiæ honoribus decoretur is, qui coronâ aureâ a Christo Domino in Cœlis jam donatus est.

*CAROLUS Tit. S. Mariae de Ara-Cœli Presbyter
Cardinalis Calcagninus.*

BEATUS Fidelis a Sigmaringa egregius fuit Christi miles, cuius præclara gesta ab omnibus Christifidelibus imitanda sunt. Adolescens mirâ innocentiam ac pietate ornatus omnibus Christianæ virtutis ac vitæ austerioris exemplis admirabilis fuit. Religionem Minorum Capuccinorum amplexus tantum inde virtutis incrementum fecit, ut arctioris disciplinæ imaginem referens, ceteris Religiosæ perfectionis cupidis miraculum esset & exemplar: Nihil ei fuit arduum, quia patiens, nihil aspernum, quia humilis; in oratione assiduus, in opere sollicitus, durus ad labores, fortis ad pericula, illecebris invictus, charitate flagrans, afflictis & moerentibus solamen; denique omnia factus, ut omnes Christo lucraret: Verum ejus virtus intuenda contra hæreticos catholica Religione maximè enituit, tantoque dilatandæ fidei ardore incensus fuit, ut pro ea asperrima quæque magnâ animi alacritate toleraret, ac mortem subire optaret ardenter. Voti tandem compos effectus animam suam pro Christo invictâ constantiam ponens totum effudit sanguinem, ac nomen Sacrae Congregationis de Propaganda Fide Protomartyris jure meritò est adeptus: Quæ omnia D. O. M. pluribus confirmavit miraculis ab ipso pa-

tratis tam in vita , quām post mortem , & post publicatum Beatificationis Decretū : Ne igitur tantus Christi Miles diutius sub modio delitescat , tot probitatis insignia , tot corruscantia miracula petunt & exposcunt , ut adnumeretur in Sanctorum numerum , sic decernente SANCTITATE VESTRA in commune Christiani Orbis bonum ac in sancte Matris Ecclesie lætitiam .

*PHILIPPUS MARIA Tit. S. Agnetis extra mœnia Presbyter
Cardinalis de Montibus.*

BEATUM Fidelem a Sigmaringa divinæ beneficentiae charismatibus emi-
cuisse facile mihi persuadeo satis constare . Ille enim suscepto sacro
æquè ac pauperrimo Instituto ad Evangelicæ perfectionis bravium anhe-
lans , cum a Sacra Congregatione de Propaganda Fide adscitus esset inter
primos Operarios suos , Apostolici ministerii partibus obeundis in Rhætia
totus intentus plures heterodoxos erutos de potestate tenebrarum trans-
tulit in Regnum filiorum Dei ; atque ob sanctissima ad sartam tectamque
catholicam Religionem servandam statuta , infractâ animi constantiâ pu-
blicis concionibus propugnata ab hæreticis confossus , consummato glo-
rioso pro Christi fide certamine , charitatis viætima consecrari promeruit .
Hunc itaque invictissimum Christi Athletam in Album SS. Martyrum me-
rito jureque optimo credimus recensendum præcipue , ut sacris Missio-
nariis per totum Orbem ab eadem Sacra Congregatione de Propaganda Fi-
de adlectis præsidium sit & eximia charitatis exemplar .

*HIERONYMUS S. Angeli in Foro Piscium Diaconus
Cardinalis Columna.*

SIGNA Apostolatus beati Fidelis a Sigmaringa facta fuisse BEATISSIME PA-
TER , in omni patientia , in prodigiis & in virtutibus nemo dubitaverit ,
qui paulo attentius expenderit sanctissima ejus Gesta , quibus & Dei glo-
riam & Ecclesiæ fidem mirificè illustravit , spectaculum factus Christo An-
geli & hominibus . Omnia sanè detrimentum fecit propter Christum , illi in-
hærens per charitatem , quæ patiens est , quæ benigna est , quæ omnia suffert
& sustinet . Ac profectò omnia sustinuit , cum non modo mortificationem Jesu
in suo corpore circumferret , in vigiliis ac jejuniis multis ; sed & peccantibus
ad purioris vitæ tramitem revocandis , & Hæreticis ad Fidem catholicam
traducendis continuò insudaret Apostolicus Concionator in laboribus plu-
rimis , per arma justitiae a dextris & a sinistris , nihil unquam veritus impro-
borum fraudes , minas , contumelias , neque animam suam faciens pretiosiorem
quām se , ad heroicarum virtutum normam sua omnia composuit . Sed
quoniam B. Hieronymo teste , illud est verum testimoniū , quod inimi-
ci ore profertur , nihil suit quod æquè laudaverit Apołolicum Virum ,
quām

quām Hæreticorum furor , qui erroribus suis nimium metuebant , nisi B. Fidelem e vivis nece illata eripientes , tanto hoste hæresim liberarent . Hoc testimonium ut deessent cetera , satis esse debet , ut sanctorum Martyrum Catalogo accenseatur , *cujus fortis fuit ut mors dilectio* , imò supra ipsam mortem , quam victoriâ longè nobilissimâ debellavit .

JOANNES FRANCISCUS Stoppanus Archiepiscopus Corinthi Assistens.

DE sanctitate Servi Dei Fidelis a Sigmaringa , tam virtutibus in gradu heroico clarè perspecta , quām signis luculenter comprobata satis abundè constat ; proindeque ipsi sacro Canonizationis Ritu summos in Ecclesia honores decernendos dignum justumque videtur , attamen , si ab hac Apostolica Sede ita dijudicetur , peculiari providentiæ Dei semper mirabilis in Sanctis suis tribuendum erit , quod de partibus Germaniæ nuperis hisce temporibus , sicuti Joannes Nepomucenus sacramentali silentio , ita confessione veræ fidei Fidelem a Sigmaringa gemini Christi Athletæ in Sanctorum Albo sint relati cum ad augendam firmandamque catholicam fidem , tum ad evincendam ac refellendam hæreticorum proterviam atque ad totius militantis Ecclesiæ decus & præsidium .

JOSEPHUS MARIA Rufus Archiepiscopus Capuanus Assistens.

Nihil in beato Fideli a Sigmaringa reperitur , quod non sit admiratio- ne dignum , non sit commendatione dignius . Hic in Seraphici Patriarchæ Francisci Familiam incunctanter admissus a Novitiorum Magistro , quasi prophetico afflato lumine audire meruit : *Et tu esto fidelis usque ad mortem , & accipies coronam vitæ* ; unde veterem expoliatus hominem , novumque cum habitu Religionis indutus exultavit , ut gigas ad currendam Evangelicæ perfectionis viam ; statimque tot humilitatis obedientiæ ac ferventissimæ charitatis omniumque virtutum exempla præstítit , ut omnibus emeritæ sanctitatis sociis præluceret . Orationi adeo assiduus , ut nec diu noctuque invictum ab ea spiritum relaxaret ; precationum ve- rò suarum vota minimè suus Pater cœlestis frustratus est ; nam cum hæc duo semper peteret , scilicet vitam ab omni peccato immunem , fidemque suo sanguine confirmare , utriusque voti compos effectus est , quoniam non angustia , non famæ , non nuditas , non periculum , non persecutio , non gladius , non altitudo neque profundum , neque creatura potuerunt ipsum separare a charitate Dei , atque Athleta Christi fortissimus pro amplificanda catholica Religione martyrii palmam meruit obtinere : Quapropter cum SANCTITATIS VESTRÆ ineluctabili Decreto Servum Dei beatum Fidelem Albo Sanctorum rite adscribi posse pronuntiatum sit : Hoc ipsum fieri exopto , expedireque censeo , si SANCTITATIS SUÆ nutus accedat . Et ita &c.

FR. ANTONINUS Camarda Episcopus Reatinus Assistens.

Exultat BEATISSIME PATER & meritò quidam exultat, induitque vestimenta gloriæ suæ Sacra Propagandæ Fidei Congregatio super inclyto suo strenuissimoque Protomartyre B. Fideli a Sigmaringa, quem utpote Servum fidelem etiam in modico, constituit Dominus super multa, similemque ob sanctitatis excellentiam fecit in gloria Sanctorum, & præcipue in gloria D. Protomartyris Stephani, cum & ipse ad fidelem ejus imitationem plenus gratia & fortitudine fecerit prodigia & signa magna in populo, & charitatem pro armis habuerit, & per ipsam charitatem victoriam ubique feliciter obtinuerit. Per charitatem Dei sacerdibus fidei hostibus non cessit. Per charitatem Proximi pro occisoribus intercessit. Unde stolâ immortalitatis indutus meretur, ut a SANCTITATE VESTRA solemni ritu connumeretur inter Agmina Sanctorum dealbatorum, qui laverunt stolas suas, & candidas fecerunt in sanguine Agni.

NICOLAUS Simoni Episcopus Marcianensis Assistens.

VItam plenam laboris omniq[ue] virtutum genere ornatissimam catholicæ Religioni amplificandæ, & alienæ saluti procurandæ impendit tandem strenuus Christi Martyr Fidelis a Sigmaringa. Quare re Religionis esse puto, ut Apostolica auctoritate maximis clarissimisque virtutibus repletum, miraculorum gratiâ illustrem ac beata messe meritorum divitem publicis precibus invocemus.

NICOLAUS Spinelli Episcopus Aversanus Assistens.

COEnobiticæ disciplinæ servandæ ac constabiliendæ studium, & admirabilis rerum divinarum commentatio, id effecere, ut beatus Fidelis a Sigmaringa Tironibus exemplo, Perfectis incitamento esset, ceterisque omnibus admiranda morum integritate, patientia, mansuetudine ac præsertim animi demissione ad veras christianasque virtutes comparandas præluceret; sæpiissimè improborum hominum divina humanaque miscentium conatibus compressis, ac furentis hærefoes viribus profligatis. Quibus omnibus rite probatis ac singulatim ad trutinam revo- catis censerem, dummodo supremum SANCTITATIS TUÆ judicium accedit, in Sanctorum numerum posse cooptari.

*MARCUS ANTONIUS Amalphitanus Episcopus Ortonen.
& Camplen. Assistens.*

BEATISSIME PATER. Beatus Fidelis a Sigmaringa re & nomine fidelis Dei Servus & prudens fuit; nam sparsis adhuc in hoc spinoso seculo virtutum omnium seminibus, admirabiles deinde in Sacra Capuccinorum Religione protulit fructus charitatis erga Deum & Proximum, patientiae humilitatis, obedientiae, mortificationis, poenitentiae, paupertatis, ac heroicæ sanctitatis Apostolicum Concionatoris munus sibi commissum tanto Religionis zelo exercuit, ut plures etiam perditissimos homines a peccatis ad poenitentiam a vitiis ad virtutem revocarit. Fidem in Baptismo suscepit idem Fidelis servavit integrum, illiusque propagator & sortis propugnator fuit. Per multos hæreticos ad sinum Sanctæ Romanæ Ecclesiæ reduxit. Hæresim graffantem jamque alicubi erumpentem summo studio curavit reprimere. In catholica fide promovenda adeo erat impavidus, ejusdemque fidei ardore tanto erat incensus, ut pro ea mortem subire optaret, jamque Hæretici iracundiâ furentes necem, quam ex insidiis paraverant, & paulo ante concionando sibi prædixerat, illi intulerunt. Per quæ omnia & alia innumera virtutum incrementa a Deo miraculis comprobata, sicuti jam prius sanctæ mem. Benedictus XIII. de Fideli Beatorum Fastis ascribendo Decretum emisit, ita ad apicem Canonizationis inter inclytos Martyres, si SANCTITATI VESTRÆ placuerit, venit idem recensendus.

NICOLAVS Mancinforti Episcopus Anconitanus Assistens.

Beatus Fidelis a Sigmaringa in triplici vitae genere se admirabilem reddit. In seculo enim doctrinam cum morum integritate conjunxit, in Clauistro pietate erga Deum, charitate erga Proximum summopere enuit, in orthodoxæ demum Religionis discrimine *pro lege Dei sui certavit usque ad mortem*; unde eximus Christi Athleta plurimis clarus miraculis dignus videtur, qui in Sanctorum numerum referatur,

D. PLACIDVS Pezzancheri Episcopus Tiburtinus Assistens.

Beatus Fidelis a Sigmaringa piissimè exactis in seculo septem lustris, Institutum Minorum Capuccinorum amplexus, ivit de virtute in virtutem, liliisque virginitatis, quam summo studio coluit, rosas intexens martyrii, quod consumaturus cursum suum & ministerium verbi a Sacra Congregatione de Propaganda Fide ipsi injunctum, primus omnium pugilum ejusdem Sacrae Congregationis invicto alacrique animo subiit dupli redimitus laureolâ. Cœli gaudiis fruitur; ut plura, quibus illustratur

tur, miracula probant, evincunt. Reliquum ergo est, ut SANCTITAS VESTRA, pro suprema qua pollet ligandi atque solvendi potestate, illum SS. Martyrum Fastis adscribat.

NICOLAUS XAVERIUS Santamaria Episcopus Cyrenensis Assistens.

Inter Operarios qui excolendam atque expurgandam a noxiis hæresum vepribus vineam Domini in Rhætia, jussu Sacrae Congregationis de Propaganda Fide suscepserant, B. Fidelis a Sigmarina Sacerdos Capuccinus primus eam proprio sanguine fœcundavit; enixi ejus precibus exauditis a Deo, quibus assiduè postulaverat, ut vitam ab omni peccato immunem traduceret, fidemque catholicam suo sanguine confirmaret. Mortem autem quam in odium ejusdem fidei vicinam præsenserat, non inermis & nudus, sed protectione corporis & sanguinis Christi munitus subiit; & ad nostri Salvatoris exemplum non repugnando, immo pro hostibus orando, tanquam unus de dominicarum ovium grege laniari se ab hæreticis, velut ab irruentibus lupis passus est. Si Martyrem, ut S. Augustinus docuit, non facit poena, sed causa, B. Fidelis, qui cum causa pœnam conjunxit, quare Martyris nomine & honore privabitur. Pium igitur & justum videtur B. Fidelem, cuius veri martyri consummatio, & gloria in Cœlis adepta quasi digito manifestatur, contestante eam Deo signis & portentis, inter Martyres vindicatos Apostolico Oraculo adscribere, ut magis magisque confundatur hæreticorum perversitas, & divina Catholicorum fides augeatur.

BERNARDVS ANTONIUS Pizzella Episcopus Constantiae Assistens.

Quae duo præ ceteris sibi proponit Alma Mater Ecclesia, ut quis de christiana Religione optimè meritus in Sanctorum numerum rite cooptetur, virtutum scilicet heroica exercitatio & miraculorum probata veritas, duo hæc sunt satis explorata de beato Fideli a Sigmarina Ordinis S. Francisci Capuccinorum Alumno; etenim vitæ integratatem, regularis disciplinæ observantiam aliasque virtutes, potissimum verò singularem in Deum & Proximum charitatem ac fidei zelum coluit mirabiliter, ex quo martyri palmam meruit obtinere. Virtutibus insuper miracula composuit. Supereft igitur ut nobilis Christi Athleta sanctorum Martyrum triumpho donetur in terris, qui gloriosus exultat in Cœlis.

HYACINTHVS de Silvestris Episcopus Nepesinus & Sutrinus Assistens.

BEATISSIME PATER. Beatum Fidelem a Sigmarina cum infensissimis christianæ Reipublicæ hostibus adeo acriter decertantem olim spectavit Rhætia, ut certaminis sui præmium ab ipso jamdiu expetitum, mor-

mortem atrocissimam sit consecutus. Gratulabatur profectò sibi S. M. Ecclesia , dum Heroem hunc vetustissimorum Martyrum asseclam atque imitatorem intueretur: At nimium doleret , si ejus martyrio rite jam comprobato debita martyrii merces non responderet . Sentiat igitur Orbis universus lucis hujus contemptoribus animis , Martyribusque fortissimis etiam nunc Ecclesiam catholicam illustrari ; debitusque honor ei re-pendatur , qui tantam laudem vitaque & sanguine bene emi posse arbitratus est .

*FRANCISCUS ANTONIUS Spadea Episcopus Aquinas
& Fregellanus Assists.*

BEATISSIME PATER . Tanta in B. Fideli a Sigmaringa Ordinis Capuccinorum Alumno exuberant veræ sanctitatis argumenta , ut etiamsi deficeret causa martyrii , ad illum in Sanctorum Album deferendum abundè sufficerent . Inter seculi curas mirum quām innocenter justè & piè vitam traduxerit . Regulare Institutum amplexus , statim apparuit perfectionis metam attigisse jampridem , nemoque illo in omnium virtutum genere sui abjectione , corporis afflictatione , obedientia fuit & paupertate præstantior . Ad Apostolici Missionarii munus vocatus , directusque in Rhætiæ Provinciam plurimùm hæresi infectam , quisnam explicare valeat Viri Dei studium dilatandi catholicam fidem , hæreticos ad Ecclesiæ sinum revocandi ? Quispam attingere queat quo zelo , quo fervore , quo spiritu & fortitudine immensos exantlavit labores , tot incommoda & pericula vitæ subierit , ut zizania quæ inimicus superseminaverat homo , convelleret , & vera Christi dogmata complantaret ? re & nomine verè fidelis , fidelis servus & prudens ; fidelis usque ad mortem , qua bonum certamen certavit , cursumque fideliter consummavit , ideo palmam & coronam tamdiu concupitam meruit obtainere martyrii . Reliquum est BEATISSIME PATER , ut sicut a Deo miraculis rite probatis testatam accepimus Servi sui gloriam perennem in Cœlis , sic dignum & justum est , ut SANCTITAS VESTRA Canonizationis ejus triumphum illi decernat in terris , ut hæresis ipsa , quem impiè prostravit , victorem agnoscat , & quantum gloriæ Fideli illata nece contulerit , & confundatur . Ut Rhætiæ populi ejus intuentes exitum & gloriam imitentur & fidem : Ut inclytus Capuccinorum Ordo tanto excelsi sui filii congaudeat honore : Ut sacri ejusdem apostolici ministerii Consortes ex eo zeli ac fortitudinis exempla desumant ; ac tandem ut sacra Propagandæ Fidei purpuratorum Patrum Congregatio hoc suo Protomartyre glorietur .

HIPPOLYTUS e Rubeis Sancti Secundi Episcopus Senogalliensis Assistens.

DEi Servi re & nomine Fidelis a Sigmaringa mores planè Angelici , & Apostolici labores : Vis præsertim atque animi ardor in vitiis , luxus superbiæ & luxuriæ infectandis : Zelus inexplebilis animarum adversus helueticam hæresim , imperterrita denique fortitudo atque constantia admirabilis , Chirographo necis sibi paratæ e suggestu conspecto , crebra quoque inter vulnera sibi a nefariis satellitibus in odium orthodoxæ fidei usque ad interitum illata ; tot ac tantæ virtutes , quibus insignis gloria miraculorum accedit , maximè suadent ejusmodi Viro , jam Beatorum Fastis adscripto , Sacræ Congregationis de Propaganda Fide strenuo Protomartyri novam sanctitatis coronam per irrefragabile Pontificium Oraculum esse decernendam .

POMPEIUS Compagnoni Episcopus Auximanus & Cingulanus.

QUOD ait Joannes Chrysostomus adesse clementissimum Deum , qui desiderantibus suis martyrium præbeat ; id ego BEATISSIME PATER in beato Fideli feliciter contigisse video , hoc ipsum scilicet enixis precibus dum viveret , postulare solito , ut catholicam fidem suo sanguine confirmaret . Quum igitur & ipse tanti muneric dignitati per bona opera se se idoneum præstiterit , & Deus Opt. Max. vel in ipsa quodammodo Ecclesiæ pace eum sibi Martyrem designaverit ; æquum esse censeo secundum ea quæ proponuntur , ut solenni ritu ab Ecclesia quoque vindicetur .

LODOVICUS Savageri Episcopus Tempensis.

BEATUM Fidelem a Sigmaringa gloria & honore coronatum , in cœlesti Patria versari , certiores Nos faciunt BEATISSIME PATER , quas vel ab ipsa adolescentia excoluit virtutes , jejunia , flagella studiumque illud , quo suscepit Capuccinorum Instituto corpus in spiritus servitutem rededit , quos pro fide tuenda & amplianda suscepit labores , invicta in perferendis cruciatibus patientia , cui Paulo teste paratæ sunt repromissiones , & summa illa charitas , qua mirabili quadam animi alacritate pro orthodoxa fide martyrium subiit , atque tot miracula confirmant , quibus eum Deus glorificavit . Itaque non dubito , quin eo cultu ac publica illa veneratione sit dignus , qua Ecclesia reliquos prosequitur Sanctos . Nunc verò ut infallibili auctoritate tua decernatur , expedire omnino videtur : Rogat enim supplex Capuccinorum Familia , petunt fideles , postulant Eminentissimi de Propaganda Fide Cardinales , instant Principes , eget Ecclesia infelici hac nostra ætate novo hocce orthodoxæ fidei vindice ac defensore .

ANTONIUS Franci Episcopus Crasseti.

Beatus Fidelis a Sigmaringa sacræ Franciscanæ Familiæ Alumnus, in ipso Religionis limine raro humilitatis & obedientiæ exemplo, futuræ sanctitati præluisit. Hinc cœlestis vivendi ratio Tirocinii laudes & merita excepit & longius excessit: Nam charitate servens, precibus assiduus, asperitatibus invictus, Seraphici candoris æmulator, virtutum omnium cultor eximius Deo propior, quam homini visus est. Catholicae demum fidei tutandæ augendæque ardentissimum desiderium cruentus testis & Martyr gloriosus exhibuit. Quapropter cum SANCTITATIS VESTRÆ ineluctabili Decreto Servum Dei beatum Fidelem Albo Sanctorum rite adscribi posse firmatum sit: Hoc ipsum fieri oportere censeo, si SANCTITATIS SUÆ nutus accedat. Et ita &c.

JOSEPH Rossi Episcopus Venafranus.

Legitimè qui certavit BEATISSIME PATER, fidelis usque ad mortem coronam justitiæ a Domino in Cœlis jam accepit, dignus propterea est, cui & condigni decernantur honores in terris. Fidelis a Sigmaringa Seraphici Capuccinorum Ordinis est Servus ille bonus & fidelis, qui missus in vineam Domini a Sacra Congregatione de Propaganda Fide, illam proprio sanguine foecundavit: Inter prædicandum namque aggressus, tandem ensibus ferratisque sustibus fuit cæsus, ut felix & pretiosa in conspectu Domini victima fuerit immolatus. Defecerunt porro impiorum iniquitates in verbis, quæ suggesto inscriperant: *Hodie prædicabis & non amplius: Vox enim tanti Martyris clamavit ad Dominum, & exaudita fuit, dum Austriacis signa conferentibus cum Rebellibus Hæreticis copiis præsto fuit, & divino lumine circumfusus terruit, & in fugam Rebellium Ducem vertit: Gaudeat igitur sancta Mater Ecclesia Sanctum venerari, quem Deus fidei quasi propugnaculum constituit.*

INNOCENTIUS Gorgoni Episcopus Pinnensis & Hadriensis.

Beatus Fidelis a Sigmaringa a primis annis christianas virtutes excolere incepit; Capuccinorum deinde suscepto Instituto, severiori vitæ genere & superno quodam ac eximio salvandarum animarum desiderio excelluit, eaque charitate, qua major sub Cœlo dari non potest, succensus pro orthodoxa fervanda & propaganda Fide, plurimis exantlatis laboribus, ac vario tormentorum genere ab heterodoxis vexatus Martyr occubuit, euinque cum in vita, tum post mortem multis Deus miraculis condecoravit; quam ob rem Sanctorum Fastis, si SANCTITATI TUÆ videatur, adscribendum esse censeo.

Morem antiquitus traditum , ut hac de causa publico fidelium cultui proponatur in Patriarchalibus Basilicis Eucharisticum Sacramentum , intermitte Pontifex passus non est ; sed Ecclesiam S. Mariæ supra Miner- vam substituit in locum Basilicæ S. Mariæ ad Præsepe operariis cæmen- tisque quamplurimis impeditæ : Cum enim Sanctissimus Pater decorem domus Dei diligens , meridionali latere ad communes Canonicorum ædes excitato , Porticu & Fronte a fundamentis erecta , & quatuor Sanctorum Prædecessorum suorum Sixti & Gregorii III. , Paschalis I. ac Pii V. de Liberiano Templo optimè meritorum , duorum item Archipresbyte- rorum Cardinalium sancti Caroli Borromæi , & beati Nicolai Albergati signis ornata , ampliato complanatoque Foro , Basilicam hanc tribus ab hinc annis exterius nobilitasset ; eamdem modò interius tam mirificè far- cit ac renovat , ut quidquid ceteri contulerunt ad ejus elegantiam & amplitudinem , id unus complexus BENEDICTUS sit , longèque superaverit.

Potiora tanti Principis beneficia hoc duplici inscripto marmore te- stati hactenus Canonici sunt .

BENEDICTUS XIV. PONT. MAX.

LIBERIANI TEMPLI FRONTEM AC PORTICUM
IN HANC AMPLITUDINEM EXCITAVIT
ANNO MDCCXLIII. PONT. SUI III.

BENEDICTO XIV. PONT. MAX.

QUOD LIBERALITATE OPTIMI PRINCIPIS
LIBERIANÆ BASILICÆ FRONTEM
A FUNDAMENTIS EREXERIT
IMPOSITIS SIGNIS ORNAVERIT
LABENTEM PORTICUM RESTITUERIT
COMMUNES CANONICORUM ÆDES
A SOLO EXCITAVERIT
EXTERIORES GRADUS
AD AVERSAM ABSIDIS PARTEM REPARAVERIT
TECTUM VETUSTATE CORRUPTUM REFECERIT
CAPITULUM ET CANONICI MUNIFICENTISSIMO PRINCIPI
P. P.

Eadem die 8. Junii pomeridianis horis celebratæ sunt ex more primæ Vesperæ solemnitatis Corporis Christi in Sacello Paulino Palatii Apostoli- ci Quirinalis . Adstitit Papa in Solio paramentis albis pretiosis induitus , qui post manus osculum a Cardinalibus acceptum , illas præcinuit : Thure imposito adolevit Aram ; orationem recitavit , & Pontificalem Benedictionem impertivit in fine . Eminentissimi Patres cappis pur- pureis usi sunt ; Præfules verò cum Assistentes , tum non Assistentes , quo-

quorum numerus solito frequentior fuit, ceterique locum habentes in Cappella consuetis proprii Ordinis insigniis amicti interfuerere.

Apud Vaticanum interea viarum, per quas mane postridie procedendum ritu supplici erat, eam quisque partem, quæ æquabiliter sibi obtigerat, Cardinales Romæ commorantes ornandam curaverunt aulæis picturis & fertis virentibus. Ut tamen inspicerent, parata ne essent omnia, aut quidpiam, quod minus deceret, in Stromatum figuris esset, easdem vias equitando circumivere R. P. D. Marcus Antonius Columna Protonotarius de numero Participantium Patrui loco, dum tali se munere is abdicaverit, designatus Apostolici Palatii Præfectus: Marchio Joannes Patritius, Marchionis Alexandri Capponi Florerii Majoris cum jure successionis Coadiutor, & D. Franciscus Diversini unus ex Ceremoniarum Pontificiarum Moderatoribus; omnes quotidiano habitu amicti, & manu Militum Helvetiorum stipati. Eos pari linea incidentes prosequabantur consuetâ soldanâ laneâ violacei coloris induti Cubicularii ad fores, quas *Buffulam* vocant: Cubicularii extra Cameram, & Scutiferi Papæ bini incidentes inter equitandum. Præibant verò Helvetiæ Cohortis Dux, ac quatuor Inservientes armorum, quos *Mazzieri* appellamus, cum argenteis clavis & ipsi equis insidentes.

Post vesperas Sanctissimus D. N. paucis duntaxat ex suis familiariibus eum comitantibus e Quirinali perrexit ad Palatium in Vaticano, ut ibi ea nocte quiesceret. Postero die per interiorem scalam Apostolico Sacrario contiguam mane descendens, venit in Sixti IV. Sacellum, ubi genuflexus super faldistorium, consuetam antiphonam: *Ne reminiscaris cum Psalmis, v. v. & Orationibus*, ut se pararet ad Missam, quam deinde sine cantu celebravit, privatim perlegit. Completo Sacrificio, Sacramentum a se consecutum & intra pretiosam custodiam clausum supra Thalamum compositus, & a Parafrenariis sago rubro indutis in altum elatus, detulit per statu Processionis loca usque ad Aram maximam Basiliæ Vaticanæ, ex qua post iteratam Sacramenti thurificationem & post recitatam diei Festi collectam eodem Sanctissimo Sacramento ter Crucem signans Populo benedixit; sacrificisque vestibus depositis ad superiora cubicularia remeavit.

Compendiaria narratione hæc pauca de summo Ecclesiæ Capite leviter attigimus: Cetera, quæ ejus diei solemnitatem respiciunt, nemo est, qui ignoret, cum facile unicuique sit, singulis annis id ipsum oculis intueri. Supervacuum propterea visum est, aut tot Cleri utriusque turmas referre sub Crucis vexillo gradientes summa gravitate ac modestia, aut multitudinem pene infinitam hominum, qui Vacabilia officia obtinent (Ea verò Tituli quidam sunt, qui cum quibusdam redditibus, unde hi profluunt, ita coemuntur a Camera Apostolica, ut utrique cessent Emptoris morte, nec hæredem sequantur) aut Cancelleriæ Datariæ que variis muneribus addictorum, qui quaterni cum quadrilibribus singuli

facibus procedebant juxta ordinem & præcedentiam a san. mem. Gregorio XIII. iandudum præfinitam.

Omittenda pariter est sedula Cardinalis Proto-Diaconi cura apud Apostolici Palatii Portam cum baculo in signum jurisdictionis una cum Gubernatore Urbis Vice-Camerario, & ejusdem Palatii Præfecto ad supplicationem instruendam assidentis: Nec recensendi hoc loco Scutiferi, Procuratores Ordinum, Cubicularii tam extra Cameram, quam Honoriai & Intimi cum intortitiis procedentes; duobus autem his novissimis coetibus præeuntes Cappellani cum Mitris; quamquam, ut aliqua de his rebus mentio fieret, petere videretur nupera Sanctitatis Suæ Constitutio, quæ Consistorialis Aulæ Advocatis præter alia ejus Collegii privilegia vel confirmata, vel aucta, dignorem præterea in Cappella & in Processionibus supra ipsosmet Intimos Cappellanos Pontificis locum assignat; ita ut non amplius humi in conspectu Pontificii Throni, sed in scarnulo post Cubicularios Intimos, & Honorarios modò assideant, eosque inter eundum immediate præcedant. Reliquum esset potius de nobiliori supplicationis hujus parte, in qua Antistites amplius octoginta totque augustissimi Sacerdotii Senatores eminebant, aliquid dicere: Erat id quidem documentum christianæ magnificentiæ & pietatis sanè præclarum, & quod nusquam alibi spectari possit quam Romæ. Sed ab aliis omnibus, quæ movere eos poterant, aversi, quot aderant in summum duntaxat Pontificem BENEDICTUM intenderant oculos, qui Sacerdos Populi sui a Deo constitutus, in tempore precantes manus protendebat ad Sacerdotem in aeternum Christum Dominum, quem sub specie panis velatum genuflexus in Thalamo portabat, eo oris ac totius corporis habitu, ut ambigi meritò ab omnibus posset, majestatem né magis optimi Principis, an religionem mirarentur.

Hastas Umbellæ, quæ supra Sacramentum & Papam obtendebatur, mutatis ex condicto vicibus detulerunt primò Referendarii, secundò & quartò Equites S. Petri, tertio Magistri viarum, quintò Senenses, postremò ante ingressum Basilicæ, quoniam Senator Urbis aberat, ad quem pertinuissest primam hastam deferre, Conservatores Urbis, una cum Oratore Bononiæ, & Capitolinæ Curiæ Judicibus: Cui quidem Oratori prius indulserat Pontifex, ut Senatoriæ, qua patro more utitur, vesti antea prorsus nigræ fascias posset aureas superaddere; hac tamen cautione, ut eam adhiberet in solemnioribus duntaxat functionibus, & præcisè tunc, quando aureas quoque togas induunt prædicti Romanii Populi Conservatores, ut eo die factum est.

Ad quatuor Baldacchini angulos incedebant a latere totidem Clerici Ceroferarii Cappellæ Pontificiæ singuli singulas Laternas argenteas hastis præfixas gestantes; cum enim quæ deferri solent lumina, et si copiosa, in aperto sint, eaque non raro, vento aut pluvia superveniente extinguantur; ne quid tale contingret, quod debitam tanto Sacramento venerationem

tionem aliqua ex parte minueret; visum fuit Benedicto Papæ XIII. perenni memoria dignissimo statuere in Concilio Romano^a, ut in posterum tam in hac, quam in alia, quæ haberi opus fuerit, Sanctissimi Corporis Christi Processione quatuor saltem hastis præfixæ Laternæ cum candelis intus semper accensis hinc inde portarentur prope Sacerdotem, qui Sacramentum defert: Quam institutionem Pontificia Cappella, ut ceteris esset exemplo, statim amplexa est, & ad hanc diem servat diligenter.

Hac lege lata prædictus Pontifex institut Prædecessorum suorum vestigiis, qui tantopere in Festi hujus diei recolenda memoria semper excellerunt; ut nihil, quod ad augendum Eucharistici Sacramenti externum cultum conduceret, nihil, quod ad Christiani populi pietatem erga illud promovendam valere posset, unquam neglexerit: Urbanus enim Papa Sextus edixit, ut in locis etiam, ubi interditum sacris esset, licet ret die Fœsto Corporis Christi, (quam celebritatem Urbanus IV. iam pridem instituerat) rem divinam facere apertis januis. Cum autem per ea tempora nondum tam latè invaluisse consuetudo, quæ ubique recepta modò est, palam deferendæ per vias Eucharistiæ; sed in Ecclesiis duntaxat adoranda proponeretur tempore divinorum Officiorum; Martinus V. centum dies singulis annis de injunctis poenitentiis benignè iis relaxavit; qui die Fœsto Corporis Christi, cum vivificum hoc Sacramentum deferretur publicè, Processionem comitarentur. Ac Nicolaus quidem V. omnium primus inter Pontifices Romæ pedibus gradiens publicè per vias Sacramentum detulit in ipsius Fœsto; ut de eo testatur in suis Diariis Stephanus Insessura anno 1447. die 8. Junii.

„ Lo dì del Corpo di Cristo Papa Niccolò V. fece la Processione in „ San Pietro, e portò lui con le sue mani lo Corpo di Cristo da S. Pietro „ fino a Porta Castello, e andarono tutti li Cardinali, Arcivescovi, e „ Vescovi e tutte le Chiese di Roma, e andone a vedere tutto lo Popolo; „ perchè da quì innanzi mai fu veduta simile cerimonia, che alli dì nostri.

Novum autem Leone X. Apostolicum Clavum tenente, Sacer hic procedendi ritus incrementum accepit; quamplures enim ex eo tempore Pontifices, licet intermissa serie, cum nonnulli pedibus voluerint incedere, Ministrorum humeris subvecti, atque in sublimi sella ad dignitatem supremi Magisterii sui ostendendam compositi, custodiā cum Sacra Hostia, propriis complectentes manibus cœperunt deferri. Quod non sine superno Dei afflato, instinctuque factum credendum est; ut triumphali isto apparatu inter attusas adorantium turbas per vicos & plateas verum Christi Corpus circumferretur, eo tempore, quo impius Lutherus Vicariam Christi Personam in terra Romana Pontifice sustineri, realeme que item Christi Domini in Eucharistiæ Sacramento præsentiam impudenter negabat.

Morem autem ad hæc usque tempora traductum, qui sanè aptior est

^a Tit. xv. de celebrat. miss. cap. 7.

est & laudabilior, ut Papa non sedens bajuletur, sed provolutus in genua innixusque scabello, cui Tabernaculum quoque cum Hostia est impositum, quis prior instituerit, incertum est. Si Mutulo testi fides danda esset; Alexandro VII. oporteret id tribui, qui duplex numisma cudit argenteum aureumque, in quibus Sacramentum exhibetur ab ipso Pontifice tali modo delatum cum lemmate: *Precidamus, & adoremus in spiritu & veritate.* Verum si diligenter expendantur encomia, quibus Paulum IV. laudat Oldoinus in suis Notis ad Ciacconium, huic Pontifici mos hic adscribendus videbitur; ait enim memoratus Scriptor,, Quo die Sa,, cra Eucharistica celebrantur, ac publica supplicatione defertur a Ro,, mano Pontifice velatum Numen, ut Vaticanam etiam Regionem Ur,, bemque Leoninam, quæ pompa circumfertur, oppansum latè velum,, inumbraret; ne instructum agmen laderet solis ardor, auctor ipsemet,, fuit, primusque qui ob defectas senio vires, tum ad augendam Myste,, rii majestatem, gestari cum ea Fruge sellâ voluit: Quod & consequen,, tes plerique postmodum Pontifices fecere. Ad divini cultus elegantiam,, lampades etiam excogitavit, quæ cera, non oleo concinnarentur,, easque ardere in Pontificio Sacello voluit,, Munus illas parandi perti,, net modò ad Clericos ejusdem Sacelli, qui vicissim singulis mensibus die noctuque ipsas ante Sacramentum ibi custoditum incendere tenentur & accensas servare.

Sanctissimus etiam Dominus Noster BENEDICTUS XIV. cura & studio pari inter quotidianas, quibus distinetur, omnium Ecclesiarum sollicitudines præclarè providit, ne supplicationis hujus a Prædecessoribus Pontificibus tam aucta celebritas ullo umquam casu aut tempore minueretur. Cum enim intellexisset, Apostolica Sede vacante Clerum utrumque ad supplicationem habendam in duas partes dividi, si dies Festus Corporis Christi in id tempus incidet, quarum una Lateranensem Basilicam peteret; altera Vaticanam; ita imminuto Cleri numero, supplicationis quoque utriusque majestatem imminent, Constitutione edita statuit, ut sicuti Sede plenâ unica celebratur eo recurrente die Processio apud Vaticanum, ita eadem Sede Apostolica vacante, ubi solemnitas prædicta contingat, unica pariter supplicatio ibidem habeatur: En Pontifica Sanctio.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

PAstoralis sollicitudinis officium, quantum Nobis ex alto conceditur, omni ex parte implere satagentes, non solum ea, quæ sub oculis nostris geruntur, opportunis legibus aptè ordinare atque dirigere studemus; verùm etiam providentia nostræ intuitum ad ea intendere non omittimus, quæ post expletum a Nobis hujuscce mortalis viæ cursum, ubi Omnipotenti Deo qui numeravit dies nostros, ita placuerit, aut fieri necessariò debere, aut evenire posse prospicimus.

Sanè ex quo in hac Romana Urbe a prima fere ætate diversis in gradibus commorati sumus, meminimus, non semel, sed iterum ac tertio jam contigisse, ut vacante per obitum Romani Pontificis Apostolica Sede solemnitas Corporis Christi recurreret, in qua, ex pia Urbani Papæ IV. Prædecessoris Nostrí institutione ac lege, & fructuosâ universæ catholicæ Ecclesiæ consuetudine, post exacta Paschatis & Pentecostes solemnia, vivificum Eucharistiæ Sacramentum, continuatâ per dierum octavam celebritate & publicis supplicationibus a Christifidelibus percolitur. Cumque hujusmodi supplicationibus sive Processionibus, vidente Romano Pontifice, initium det prior illa & solemnior supplicatio, quæ incipiens ab ipso Pontificiarum Ædium Vaticani Sacello, præeuntibus & subsequentibus omnibus tam secularis, quam Regularis Cleri, Romanæque Curiæ & Pontificiæ Aulæ Officialium Ordinibus, per congruum viarum ambitum, ad Basilicam Principis Apostolorum procedit, ibique terminatur; vacante ut prædiximus, Apostolica Sede, Nobisque post mortem recol. mem. Prædecessorum nostrorum Benedicti Papæ XIII., & Clementis Papæ XII. intra Apostolicorum Comitiorum septa commorantibus, quæstionem hanc non sine sententiarum atque studiorum varietate audivimus agitari; an scilicet in eodem Vaticano, an verò in Lateranensi Patriarchio solemnis illa & generalis, de qua supra dicebamus, supplicatio peragenda esset. Et quidem præmissis in casibus, nostris primùm oculis aspeximus, deinde etiam aliorum relatione audivimus, præfatæ solemnitatis celebritatem dupli supplicatione inchoatam suisse, quarum altera in Basilica S. Joannis in Laterano, altera verò simul eodem tempore in Basilica S. Petri in Vaticano habita fuit; divisionem autem factam suisse eorum, qui primæ hujusmodi generali supplicationi interesse tenebantur; nonnullis videlicet ad unam, aliis verò ad alteram ex prædictis Basilicis accendentibus, prout vel ratione, vel imperio, vel etiam propria voluntate atque arbitrio adducti fuerunt.

Quod

Quod quum Nostrâ & aliorum etiam complurium sententiâ , nec Ecclesiasticis regulis ac ritibus , nec piæ Prædecessorum nostrorum menti consentaneum esse judicaverimus ; neque verò absque notabili Divini cultus imminutione & populi scandalo re ipsa fieri contigerit : Nos , cù pientes tantæ solemnitatis initia , communibus omnium ordinum studiis , eoque maximo cultus splendore , quo potissimum fidelium mentes ad debitum erga divinæ bonitatis mysteria venerationis affectum excitantur , omni tempore concelebrari , Motu proprio & ex certa scientia , post maturam deliberationem hac de re habitam , hanc in posterum præcepti nostri formam volumus esse perpetuam , quâ de Apostolicæ potestatis plenitudine statuimus atque mandamus , ut sicuti Sede plena de mane Feriæ V. post Festum Sanctissimæ Trinitatis unica supplicatio , sive Processio generalis SS. Corporis Christi in Urbe peragi consuevit , ita eâdem Apostolica Sede vacante , ubi solemnitatem prædictam , anno vertente , celebrandam esse contingat , unica pariter in Urbe generalis Processio habeatur cum interventu omnium & singulorum , qui de cetero hujusmodi supplicationi generali adesse tenentur ; quorum nomina & incedendi ordo , aliis Nostris Apostolicis Literis hac ipsa die manu nostra subscriptis distinctius expressa reperiuntur .

Dum autem pro hujusmodi generali supplicatione Sede vacante , ut præfertur habenda congruum opportunumque locum diligere , & constituerre mente animoque versabamus ; illud Nos maximè permovit , quod animadvertisimus , in ceteris per christianum Orbem Civitatibus , tempore Episcopalis Sedis vacantis , nihil mutari solere circa locum , aut Ecclesiam , in quo , seu qua Episcopo vivente , quotannis præcipua hujusmodi Processio Corporis Christi celebrari solet . Itaque quemadmodum in Urbe , Sede plena Processio generalis hujusmodi in Vaticano celebratur , quantumvis Pontifex in ejusdem Vaticani Ædibus actu non commoretur , sed in Quirinali Palatio degat , vel etiam eumdem extra Urbem moram trahere contingat ; ita nihil obstare censemus , quominus etiam defuncto Pontifice , Processio generalis die Festo Corporis Christi in Vaticano pariter celebretur ; quin potius id satis congruum & opportunum fore judicamus , habita ratione tum Vaticani Conclavis , in quo Collegium S. R. E. Cardinalium , ad maximum in terris opus peragendum , tunc temporis permanet , tum frequentiæ populi , qui hac de causa per eos dies ad Vaticanum confluit .

Inchoanda igitur erit prædicta supplicatio generalis a Basilica Vaticana ea hora , quæ a Congregatione Cardinalium in Ordine Priorum indicitur . Et quidem Missæ Sacrificium per eum , a quo Sanctissimum Eucharistiae Sacramentum , ut infra deferendum erit , ad Altare Cathedræ S. Petri celebrabitur . At quoniam plures causæ obstant , quominus tempore Sedis vacantis amplior ille ambitus , atque splendidior viarum apparatus servetur , qui vivente Pontifice , sive is præsens sit , sive absens , obser-

observari consuevit; statuimus prædictam supplicationem per brevius illud iter procedere, eodemque apparatu perfici, quo jam aliâs vacante Apostolica Sede, in eodem Vaticano factam fuisse constat: In ejus quoque regressu volumus, omnes & singulos, qui in Processione interfuerint, cum intortitiis accensis intra eamdem Basilicam de more dispositos, usque ad extreum manere: ac demum Sanctissimo Sacramento super Altare majus, Confessionis videlicet Principis Apostolorum, per manus Diaconi Episcopo adstantis collocato, & consuetis precibus devotè decantatis, ab ipso Episcopo celebrante tria benedictione cum eodem Sacramento super Populum data, augustam sanctamque celebritatem absolvi.

Et quia prædicta supplicatio, quæ sic ut præmisimus, Nostræ hujus ordinationis vigore celebranda erit, nequaquam habenda est pro peculiari Processione Basilicæ Vaticanæ; quæ quidem Basilica propriam supplicationem peragit in die Octava Corporis Christi; sed locum teneare debet generalis illius supplicationis, quam Sede plena Romanus Pontifex celebrare solet, & in qua Sanctissimum Eucharistiæ Sacramentum ab ipso Pontifice, vel eo impedito, ab antiquiore ex S. R. E. Cardinalibus desertur, hinc est, quod Sede Apostolica ut præfertur vacante volumus, ut a Collegio prædictæ S. R. E. Cardinalium, hoc est a Congregatione trium Cardinalium in quolibet Ordine Priorum, & a Cardinali ejusdem S. R. E. Camerario, triduo ante solemnitatem Corporis Christi, aliquis eligatur & deputetur, qui præfatum Augustissimum Sacramentum deferrat; unus nimirum ex Patriarchis, sive Archiepiscopis, aut Episcopis in Romana Curia præsentibus; cui ministrare debebunt Sacri illi Ministri, qui in Cappellis Cardinalitiis Officio Diaconi & Subdiaconi sunt perpetuò addicti.

Acolythi pariter Cappellæ Pontificiæ, necnon ejusdem Cappellæ Clerici, aliique inferiores Ministri in propriis Officiis rite ministrabunt, sub directione eorum ex Pontificiis Cæremoniarum Magistris supranumerum, qui juxta Constitutionem a san. mem. Decessore Nostro Clemente Papa XII. de rebus Sede vacante peragendis editam, cum aliis ingredi Conclave non permittuntur.

Item Cantores ejusdem Cappellæ Pontificiæ Hymnos & Laudes de more concinentes, & Missæ celebrationi intererunt, & totam supplicationem in suo gradu & ordine prosequentur.

Umbellam verò seu Baldacchinum iidem fere suis respectivè vicibus deferent, qui vivente Pontifice ejusmodi decorantur prærogativâ. Ejusdemque Umbellæ latera, tam Officiales virgæ rubeæ cum intortitiis, quâm Servientes armorum, sive Mazzerii Papæ nuncupati, cum Maziis argenteis, & Milites Helvetici cum suis Decurionibus atque Tribunis, militari ritu armati claudent & respectivè custodient.

Nullam verò peculiarem Crucem volumus elevari, sub qua tota supplicatio incedat; sed propriam Crucem a singulis tam Secularis, quâm Re-

gularis Cleri , Capitulis , Ordinibus sive Corporibus , ex quibus Processio componitur , de more erectam deferri . Cursores etiam Cardinalis pro tempore Urbis Vicarii , quemadmodum Sede plena mos est , totum Processionis ordinem dirigere mandamus .

Sacrae autem Veste s , necnon Ostensorium , Thuribulum , Candela bra argentea , Funalia , Umbella , seu Baldacchini & reliqua supellex ad sacram functionem necessaria , ab Apostolico Sacrario , seu respectivè a Pontificia Floreria subministrari debebit . Cerei quoque quotquot necef- farii erunt , sumptibus Cameræ Apostolicæ provideri ; ac demum Por- ticuum Vaticanum & reliqui ambitus apparatum , Apostolicarum Ædium Aulæis , ut vivente Pontifice moris est , & in reliquo ejusdem Cameræ Apostolicæ sumptibus , adornari præcipimus .

Denique Pontificios Milites Urbanos per totum Processionis iter di- spositos de more adesse , eamdemque subsequi & custodire jubemus .

Quapropter omnibus ad quos spectat , & ad quos in casu pro tem- pore spectabit , committimus & mandamus , ut quæcumque ad divini Cultus & Religionis incrementum ac decus hac nostra Constitutione struimus & ordinavimus , singuli pro virili parte respectivè impleant , & ab aliis impleri curent . Specialiter autem Venerabilibus Fratribus Nostris S. R. E. Cardinalibus , iisque potissimum , qui pro tempore in quo- libet Ordine Priors existent , una cum ejusdem S. R. E. Cardinali Came- rario injungimus , ut opportuna mandata atque præcepta pro præmissorum omnium executione expediant . Itemque ejusdem S. R. E. Cardina- libus pro tempore Camerario Vice-Cancellario , & Majori Pœnitentia- rio , ut omnes sibi respectivè subditos Ministros & Officiales , eorumque Collegia sive Ordines , qui hujusmodi Processioni generali de more adesse debent , sub consuetis præceptis & pœnis adesse compellant : Ac demum Cardinali , qui pro tempore in Urbe ejusque districtu , Romani Pontifi- cis Vicarius existet , ut omnes Cleri Secularis & Regularis Ordines , qui vivente Pontifice eidem pariter supplicationi interesse solent Collegia , Capitula , etiam Basilicarum Patriarchalium , & Collegiatarum etiam insi- gnium , aliosque omnes etiam necessariò exprimendos , sub consuetis pa- riter præceptis ac pœnis auctoritate sibi a Nobis in perpetuum harum tenore delegata jubeat interesse .

Has enim Nostras literas & in eis contenta quæcumque perpetuò fir- ma , & efficacia existere volumus , suosque plenarios & integros effectus sortiri & obtinere , atque ab omnibus , ad quos spectat & pro tempore quandocumque spectabit plenissimè observati ; sublata omnibus & quibus- cumque etiam S. R. E. Cardinalibus prædictis , eorumque Collegio & Or- dinum respectivè Prioribus , & S. R. E. Camerario , aliter decernendi & statuendi facultate ; & non obstantibus , si quæ in contrarium facientes adesse dicantur , Apostolicis Constitutionibus & Ordinationibus quibus- cumque ; necnon quarumcumque Ecclesiarum , Basilicarum , etiam Pa- triarchalium ,

triarchalium , & Collegiarum insignium , & quorumvis Ordinum , Congregationum , Institutorum , Collegiorum , Communitatum ipsiusque Cleri Urbis , & Personarum singularium etiam juramento , confirmatione Apostolica & quavis alia firmitate roboratis privilegiis , Statutis , Constitutionibus , usibus , & consuetudinibus etiam immemorabilibus , etiamsi de iis eorumque respectivè tenoribus expressa & individua mentio habenda foret ; quibus omnibus & singulis , aliàs in suo labore permanensuris , hac vice duntaxat ad præmissorum effectum plenissimè & amplissimè motu pari derogamus , & derogatum esse volumus , ceterisque contrariis quibuscumque .

Nulli ergo Hominum liceat paginam hanc nostrarum Constitutionis , Ordinationis , voluntatis , & derogationis infringere , vel ei ausu temerario contraire . Si quis autem hoc attentare præsumperit , indignationem Omnipotentis Dei & beatorum Petri & Pauli Apostolorum ejus se noverit incursum .

Datum Romæ apud sanctam Mariam Majorem Anno Incarnationis Dominicæ millesimo septingentesimo quadragesimo quarto , quartodecimo Kalendas Martii Pontificatus Nostri Anno Quinto .

D. Card. Passioneus .

J. Datarius .

V I S A

de Curia I. C. Boschi .

I. Eugenius .

Registrata in Secretaria Brevium .

Schedula Motus proprii , de qua fit mentio in Constitutione .

B E N E D I C T U S P A P A X I V.

Motu Proprio &c.

Omnibus & singulis Officialibus Romanæ Curiæ , qui aliàs juxta antiquum ejusdem Curiæ morem & ritum in generali Pontificia Processione Sanctissimi Corporis Christi cum albis intortitiis , Apostolicâ Sede plena , interesse solent ac debent , quoties Processionis celebritatem hujusmodi tempore prædictæ Sedis vacantis occurrere contigerit , quemadmodum illius tunc peragendæ formam Apostolicis nostris literis hac ipsa die sub Plumbo datis in perpetuum præscripsimus , ita præsentis nostri Motus proprii &c. Schedula districtè præcipiendo manda-

mus, ut ipsi pro eorum debito & condigna erga tantum Sacramentum veneratione celerique & tranquilla actus hujusmodi expeditione, sub poena privationis a perceptione emolumentorum ratione suorum respectivè Officiorum per duos continuos menses ex tunc proximè futuros eis obvenientium, aliisque arbitrio tunc existentium Sanctæ Romanæ Ecclesiæ Cardinalium, quibus dictarum literarum nostrarum executionem injunximus, in contrafuentes infligendis in eadem Procesione ordine infra assignando, absque ulla contradictione aut replicatione, vel interpellatione incedere debeant. Nos etenim eisdem Officialibus atque omnibus & singulis eorum Ordinibus, ac Collegiis quibuslibet super quæstionibus & controversiis quoad procedendi Ordinem, silentium imponimus, donec aliter a Nobis aut Successoribus nostris Romanis Pontificibus, vel competentibus Judicibus definitum fuerit in Judicio petitorio, quod eis earumdem tenore præsentium reservamus.

Officiales autem Cameræ, Cancellariæ & Pœnitentiariæ Apostolicarum, quibus consuetum in eadem Processione locum præservamus, volumus eodem incedere Ordine, quo descripti reperiuntur in Rotulo a Nostis sub initio, & quolibet Pontificatus Nostri anno subscribi solito, seu in aliis Rotulis a Romanis Pontificibus Successoribus nostris pro tempore subscribendis: Quorum Rotulorum seriem & ordinem, ne vacante Apostolica Sede prædicta de eorum vigore & subsistentia hæsitari contingat, ad præmissorum effectum tantum ex nunc, prout ex tunc, & e contra confirmamus & approbamus: Ac quandcumque casus obvenerit, hujusmodi Ordinem seu seriem Rotuli ultimo loco a Romano Pontifice tunc proximè defuncto subscripti, illiusque integrum tenorem ante ipsum Processionis prædictæ initium per unum ex Pontificiis Cursoribus de more legi, & recitari præcipimus. Quo verò ad alias personas, de quibus in dictis literis meminimus, earum nomina, Officia, & incedendi Ordinem, ut infra præscribimus, videlicet.

Præcedentibus Alumnis Hospitii Apostolici & Orphanotrophii, tum Ordinibus Regularium, Parochis Ecclesiarum Urbis cum Stolis, Clero, atque Capitulis Ecclesiarum etiam Collegatarum Insignium, & Basilicarum etiam Patriarchalium ordine suo.

Officiales Cancellariæ Apostolicæ, necnon Cameræ, Pœnitentiariæ, aliquie in consueto Rotulo descripti, juxta Ordinem ibi adnotatum.

Cantores Papæ.

Gubernator Conclavis) Simul.
Gubernator Uibis)

Ambo cum Rocchetto & Mantelletta nigra, & cum intortitiis, quæ ab aliquo ex ipsorum Familiaribus Nobilibus deferri poterunt.

Duo Acolythi cum Funalibus argenteis.

Duo alii Acolythi cum Candelabris.

Acolythus cum Navicula.

Aco-

Acolythi duo cum duobus thuribulis .

Duodecim ex Officialibus virgæ rubeæ cum intortitiis a lateribus .

Servientes Armorum a lateribus .

Item a lateribus Milites Helvetici cum suis Tribunis .

Antistes deserens Sanctissimum Sacramentum cum Diacono & Subdiacono sub Baldacchino .

Duo alii Acolythi cum Funalibus argenteis .

Minister de Mitra .

Auditor Cameræ)
Thesaurarius Generalis) Simul .

Patriarchæ .

Archiepiscopi .

Episcopi .

juxta eorum gradum & respectivam antianitatem nulla ratione habita
Assistentiæ Solio Papæ .

Protonotarii Apostolici Participantes tam de numero , quām supra-
numerum , aliquie in eorum scanno locum habentes .

Abbes habentes locum in Cappella .

Generales Ordinum habentes locum ut supra .

Auditores Rotæ , cum Magistro Sacri Palatii .

Clerici Cameræ ejusdemque Præses .

Referendarii Votantes Signaturæ Justitiæ , cum ejusdem Auditore .

Abbreviatores de Parco majori .

Advocati Consistoriales cum Procuratore Fisci , & Commissario
Cameræ .

Procuratores Ordinum .

Referendarii Baldacchinum deferent ab Altari Cathedræ S. Petri usque ad Portam Basilicæ .

Officiales Collegii sancti Petri a Porta Basilicæ usque ad Catenam
Palatii .

Magistri Viarum aliquie ejusdem Officii Ministri a Catena ad finem
Peristylii .

Officiales Collegii sancti Pauli ab una ad alteram extremitatem
Peristylii .

Natio Florentinorum per aliud Brachium Peristylii usque ad Por-
tam Ferream .

Natio Senensium a Porta Ferrea usque ad Altare Confessionis san-
cti Petri .

Servientes Armorum & Cursores Cardinalis Vicarii cum suis Ma-
ziis totam Procesionem custodiant , & hortentur ad procedendum , &
non permittant sub finem aliquos exire cum intortitiis , nec ea extingue-
re , nisi data per Antistitem Benedictione super Populum cum SS. Sa-
cramento .

Mili-

Militum Urbanorum turmæ Processionem sequantur atque custodiant, & fiant solitæ mortariorum explosiones in consuetis locis.

Quocirca Gubernatori Conclavis, & Gubernatori Urbis ejusdemque Urbis Vicesgerenti tunc & pro tempore existentibus per easdem præsentes committimus & mandamus, ut in consuetis respectivè locis adstantes, necnon illis Cæremoniarum Apostolicarum Magistris Supranumerum, qui etiam tunc & pro tempore extra Conclave existent, ut pro eorum Officii debito præsentis Mandati nostri schedulam & in eis contenta quæcumque singuli pro virili parte exequi & observari faciant: Notariis quoque Cameræ Apostolicæ, ut prædictis Conclavis & Urbis Gubernatori, ac Vicesgerenti assistant, describentes nomina singulorum contumacium & inobedientium, quos præmissis & gravioribus etiam pro excessuum qualitate pœnis puniri & mulctari volumus. Præsentes quoque, & desuper si videbitur expedientes literas semper validas & efficaces fore & esse, suosque plenarios & integros effectus fortiri, & obtinere & ab omnibus, ad quos quomodolibet spectat & spectabit in futurum, inviolabiliter observari; sicque & non aliàs per quoscumque Judices &c. etiam prædictæ S. R. E. Cardinales, sublata &c. judicari &c. debere, irritumque &c. attentari. Non obstan. quatenus opus sit, nostra & Cancellariæ prædictæ regula de jure quæsito non tollendo, & privilegiis ac indultis & literis Apostolicis Collegiis prædictis eorumque singularibus personis, etiam in limine eorumdem Collegiorum erectionis concessis, ceterisque Constitutionibus & Ordinationibus Apostolicis, ac prædictorum Collegiorum etiam juramento &c. roboratis statutis &c. ceterisque contrariis quibuscumque; cum clausulis opportunis.

Fiat motu proprio P.

ET quod dictæ Regulæ, necnon privilegiorum & Indul-
torum prædictorum quomodolibet concessorum teno-
res etiam veriores ac Datae habeantur pro expressis, seu in
toto vel parte exprimi possint in literis etiam per viam de
Curia, si videbitur expedien. Et de perpetuis mandato, com-
missione, derogatione, vel voluntate aliisque præmissis,
ut supra in dictis literis latissimè extenden. Volumus au-
tem, quod sola præsentis nostri Motus proprii Schedulæ Si-
gnatura sufficiat, & illius quoque exempla, seu transumpta
etiam impressa manu alicujus Notarii publici subscripta,
& personæ in Ecclesiastica dignitate constitutæ Sigillo inu-
nita, ubique fidem faciant in judicio, & extra illud, Regu-
la quacumque contraria non obstante.

Datum Romæ apud sanctam Mariam Majorem quartodecimo Kalen-
das Martii Anno Quinto. Alte-

Fiat P.

Altera quæ hic apponitur, ea est, quæ nonnullas Advocatis Consistorialibus prærogativas decernit.

B E N E D I C T U S E P I S C O P U S

S E R V U S S E R V O R U M D E I

Ad perpetuam rei memoriam.

Intr conspicuos Ordines, quibus Romana Curia toto terrarum Orbe celeberrima constat atque conflatur, & quorum aliqui pro gerendo universæ Ecclesiæ Catholicæ regimine per inscrutabilem divini consilii altitudinem humilitati nostræ concredito, alii pro temporali nostro, seu verius beatorum Apostolorum Patrimonio administrando, consilium atque operam suam Nobis assiduè præstant; alii verò Ecclesiarum, sive Universitatum, aut privatorum controversiis, quæ ad nostram hanc Urbem & Curiam undique deferuntur, cognoscendis atque dijudicandis; alii denique in concertantium juribus & causis sustinendis, defensandis, agendis, scientiam suam atque labores impendunt; provida Prædecessorum nostrorum cura a remotissimis usque temporibus extare voluit illustre Advocatorum Consistorialium Collegium, ex præclaris compositum virtute ac doctrina Viris, quibus propter scientiæ præstantiam ac rerum usum atque prudentiam, ex omni Advocatorum cœtu delectis, singulare jus ac privilegium attribuerunt perorandi coram Romano Pontifice, in supremo Iustitiae Solio, adstantibus Venerabilibus Fratribus suis S. R. E. Cardinalibus solemniter considente; in sacro nimirum Consistorio, in quo plerque olim gravioris momenti causæ, ad Apostolicæ Sedis judicium ex omni parte delatae, discutiebantur; & plures adhuc vel examinantur, vel si illæ extra Consistorium agitatæ ac discussæ jam fuerint, in ipso tamen Consistorio definiuntur ac terminantur. Quod quidem Advocatorum prædictorum Collegium, singularesque personæ vertentibus annis eidem adscriptæ, industriam atque operam suam præfatis Prædecessoribus nostris ita probarunt, ut & gravissimorum munerum, quæ ad retinendam sanctorum judiciorum religionem, ad Apostolicæ Sedis jura tuenda & conservanda, ad calamitosorum salutem & defensionem, ac promovendam Juris & bonarum artium scientiam pertinerent, proprium sibi, atque ut vocant, privatum exercitium adjudicari; necnon amplissimis gratiis, privilegiis atque favoribus, plurium Summorum Pontificum beneficiâ cumulari, & cohonestari meruerint.

Quum autem hujusmodi privilegia, eximiis ipsorum meritis elargita, alia quidem aliis temporibus indulta reperiantur; nonnulla verò, licet longissimi temporis usurâ, optimo jure eisdem acquisita esse dignoscantur, attamen propter remotissimam fortasse concessionum vetustatem,

tem , incertis videantur principiis & originibus innixa , aliorum denique usum & quasi possessionem contrariis nonnunquam actibus interturbari & labefactari contigerit ; optandum profectò videbatur , ut unicā aliquando eorundem collectione peractā , eademque inviolabili Apostolicæ auctoritatis robore munitā , & ipsius Collegii splendori ac dignitati , & jurium ex Pontificia liberalitate eidem competentium firmitati ac securitati consuleretur . Nos itaque , qui concessum nobis olim a felic. recordat . Prædecessore nostro Clemente Papa XI. in eodem Collegio locum multos annos tenuimus , eundemque primum nobis in Romana Curia honoris gradum fuisse , & validum ad studia laboresque nostros in Apostolicæ Se-dis obsequia collocandos incitamentum , aptissimamque ad superiora munera & præmia adipiscenda occasionem extitisse , non sine jucunditate & grati animi sensu nobiscum recolimus , & palam profitemur : Cum jam eidem Collegio peculiaria quædam indulta & privilegia per alias nostras literas in forma Brevis sub annulo Piscatoris expeditas benignè concesserimus ; ut illustre ac perenne extaret nostræ erga prædictum Collegium estimationis & benevolentiae argumentum , eadem indulta & privilegia tum a nobis , ut præfertur tributa , quæm alia , quorum concessiones diversis Prædecessorum nostrorum literis consignatae reperiuntur , vel quæ ex inveterata consuetudine ipsi Collegio competere dignoscuntur , in unum veluti corpus redigere , eaque omnia Apostolica nostra auctoritate firmata & roborata , atque etiam , sicuti opus fuit , declarata & ampliata , præsentibus nostris literis perpetuò valituri comprehendere consti-tuimus . Igitur dilectos filios modernos Aulæ nostræ Consistorialis Advocatos , eorumque Collegium prædictum amplioris gratiæ favore prosequi volentes , & a quibusvis excommunicationis , suspensionis & interdicti , aliisque Ecclesiasticis sententiis & pœnis a jure , vel ab homine quavis occasione vel causa latis , si quibus quomodolibet innodati existunt , ad effectum præsentium tantum consequendum , eorum singulares personas harum serie absolventes & absolutas fore censentes , Motu proprio , non ad Collegii , & Advocatorum prædicatorum , vel aliorum pro ipsis nobis super hoc oblatæ petitionis instantiam , sed de nostra mera liberalitate , & ex certa scientia , deque Apostolicæ potestatis plenitudine , omnia infra-scripta privilegia , indulta , jura , facultates , honores , munera , præminentias & prærogativas ipsi Collegio earundem tenore præsentium in perpetuum asserimus , approbamus , confirmamus & innovamus , ea-que novo Apostolicæ nostræ auctoritatis robore communimus , simulque , ut infra decernimus , statuimus , declaramus atque sancimus .

Atque in primis duodenarium ipsorum Advocatorum numerum a Prædecessore nostro Sixto Papa IV. in suis hac de re posteriore loco expeditis literis præfinitum , iis modo & forma , quibus ad hæc usque tempora servatum fuit , firmum perpetuò & stabilem esse volumus ; ita sci-licet , ut septem ex iis , qui juxta admissionis ordinem in Collegio anti-quiores

quiores erunt, Seniorum atque Participantium nomine & juribus fruan-
tūr; reliqui verò quinque, Juniores & Supranumerum nuncupari & ha-
beri pergent. Si qui verò ex Pontificia dispensatione, justis suadentibus
causis, alicui ex duodecim Advocatis Coadjutores cum futura successione
deputati fuerint, hi quidem, prout nunc in more habetur, omnia exer-
cere valeant, quæ reliqui de numero possunt; sed durante Coadjutoris
munere, & quoisque successioni locus factus non fuerit, tam voce, quam
emolumenit in Collegio careant.

Porro in hujusmodi duodenario Advocatorum Consistorialium nume-
ro Civitas nostra Bononiensis, immemorabilis possessionis jure obtinuit
& gaudet, ut uni semper ex ipsis Civibus locus sit, propter eximiam
fortasse celebritatem ipsius Bononien. Civitatis & Universitatis, in qua bo-
nas artes atque scientias omnes, ac genuinam potissimum solidamque ju-
ris prudentiam, seculo duodecimo ex diuturna obscuritate, in qua præ-
cedentium temporum barbarie miserè jacuerat, in lucem tandem feliciter
revocatam, proprias veluti fixisse sedes, indeque cum ad reliquas scho-
las, tum ad Tribunalia dimanasse, omnium consensu prohibetur. Alius
verò locus hujusmodi a fel. record. Pio Papa IV. per Apostolicas literas
datas anno Incarnationis Dominicæ millesimo quingentesimo sexagesimo,
octavo Idus Julii, perpetuò assignatus reperitur uni ex Collegio Docto-
rum Civitatis Mediolanen., quem Romanus Pontifex pro tempore duxer-
it eligendum ex tribus, ab ipso Mediolanensium Doctorum Collegio,
eidem Roniano Pontifici præsentatis, seu nominatis. Item rec. mem.
Clemens Papa VIII. & Paulus Papa V. alium locum in prædicto Collegio
uni Civi Ferrarensi saltem ex privilegio effecto, seu creato itidem per-
petuò assignarunt, ac pro tempore concedi voluerunt; quam sanè con-
cessionem cumulavit piæ mem. Urbanus Papa VIII. per suas etiam in for-
ma Brevis expeditas literas datas die decima septima Decembbris anni mil-
lesimi sexcentesimi vigesimi quinti, dum Civitati nostræ tunc suæ Ferra-
rengi per easdem literas indulxit, ut hujusmodi locus nonnisi Civibus Fer-
rariensibus verè originariis, quorum nominatio ad Magistratum Ferrariæ
spectaret, pro tempore concedi & assignari deberet. Aliumque pariter
locum in prædicto Collegio ex Apostolica concessione fel. record. Inno-
centii Papæ XII. Cives Neapolitani obtinere dignoscuntur, quibus præ-
dictus Innocentius per suas literas in simili forma Brevis sub datum die de-
cimaquarta Novembbris anni millesimi sexcentesimi nonagesimi septimi de-
super expeditas indulxit, ut occurrente pro tempore prædicti loci, sic eis
ut præsertur, concessi vacatione, ab Electis illius Civitatis tres Cives
Neapolitani Juris utriusque Doctores Romano Pontifici pro tempore exi-
stenti nominarentur, ex quibus idem Romanus Pontifex unum ad hujus-
modi Advocati Consistorialis munus præligeret & assumeret, prout in
singulis eorundem Pii, Urbani, & Innocentii Romanorum Pontificum
Prædecessorum nostrorum memoratis literis latius & uberiorius continetur.

Quæ quidem omnia prædictis Civitatibus, Collegiis, seu Universitatibus, vel a Prædecessoribus nostris, ut præsertur, expressè concessa, vel antiquæ consuetudinis jure acquisita, Indulta & Privilegia, ut scilicet ex eisdem unus pro tempore juxta præscriptas respectivè formas electus, in prædictum Advocatorum Consistorialium Collegium cooptetur, atque ad exercenda munera eidem Collegio & Advocatis competentia servatis servandis admittatur, approbamus & confirmamus, & quantum opus sit, innovamus, & tanquam ex integro præsentium tenore concedimus & indulgemus.

Volentes ut reliqui, ad explendum duodenarium prædictum Advocatorum Consistorialium numerum, ex omni Advocatorum Romanæ Curiæ cœtu elegantur, qui vel Almæ Urbis nostræ, vel alterius Civitatis Apostolicæ Sedis Ditioni in temporalibus subjectæ, Cives existant, ac necessariis probitatis, doctrinæ, experientiæ, natalium, aliisque requisitis dotibus & qualitatibus prædicti sint: Ita tamen, ut quandocumque locus aliquis vacaverit in prædicto Collegio, qui Civibus alicujus ex prædictis Civitatibus addictus non sit, vel cui antea per deputationem Coadjutoris provisum non fuerit, ipsi Advocati Consistoriales collegialiter congregati, pro ipsorum fide, & notitia eorum, qui in Romana Curia laudabilem in Advocati munere operam navant, tres viros ex iis, qui vel Romanæ, ut præpertur, vel alterius Civitatis Ecclesiasticæ Ditionis, Cives existant, quosque in illustre ipsorum Collegium adscribi dignos censuerint, Romano Pontifici pro tempore existenti exhibeant, qui pro suo arbitrio unum ex illis in Aulæ suæ Consistorialis Advocatum eligit ac deputabit; atque ita in posterum servari mandamus, non obstante fel. record. Prædecessoris nostri Clementis Papæ XII. Decreto edito in Consistorio secreto diei vigesimæ secundæ Januarii anno millesimo septingentesimo trigesimo primo, in quo aliam pro hujusmodi Advocatorum delectu formam præscripsit; cuius Decreti tenorem pro præsentibus inserto, ac de verbo ad verbum expresso habentes, eidem in hac parte, motu, scientia & potestatis plenitudine paribus expressè derogamus, illudque, ac si nunquam emanasset, cassamus, irritamus & annullamus, ac pro castato, irrito & annullato in posterum haberi volumus & jubemus.

Collatum vero semel Advocati Consistorialis Officium, excepto casu spontaneæ dimissionis, aut juridicæ privationis, nullatenus vacare intelligatur, nisi per promotionem ad Auditoratum Causarum Sacri Palatii, aut Episcopatum cum residentiæ onere eidem adnexo, aut ad Cardinalatus dignitatem.

Electis autem juxta formam a Nobis supra præscriptam Advocatis Consistorialibus, quamvis minimè liceat propria hujusmodi Officii munera exercere, nisi post expletas omnes functiones, quæ in eorum admissionibus de more peragendæ sunt, quæque fortasse, sicut etiam pro electis causarum Sacri Palatii Auditoribus, novam atque meliorem normam,

nam, Deo favente, a Nobis accipient: Antianitatis tamen jura eisdem acquiri statuimus ab eo die, quo nostram, seu nostrorum pro tempore Successorum de eorundem electione schedulam, Motus proprii nuncupatam, in Collegio præsentaverint. Coadjutores verò eandem antianitatem desument ab eo die, quo post prædictas omnes functiones expletas, antianitatem prædictam sibi ab ipsorum Collegio assignari petierint & obtinuerint per decretum ejusdem Collegii, Apostolicis deinde literis in forma Brevis expeditis, si Nobis & Successoribus nostris placuerit, approbandum & confirmandum. Quæ omnia in eum finem expressè disposita sunt, ut liquidò appareat quibusnam in occurrentibus optionis casibus debeatur locus inter septem Seniores seu Participantes, & cui pariter totius Collegii Decanatus pro tempore sit deferendus.

Quod quidem Decanatus officium, Nos inhærendo decretis alias ab ipso Collegio conditis, neque a Junioribus aut Coadjutoribus ullo modo, neque a Senioribus absentibus obtineri volumus; sed nec ab iis, qui vel Episcopali charactere insigniti, vel alias inter Curiæ nostræ Prælatos adscripti reperiantur; sed ad eum deferri debere statuimus, qui inter Seniores in Romana Curia præsentes, & non Prælatos, antiquior esse dignoscatur. Eveniente autem casu, quo omnes Advocati Seniores in Romana Curia præsentes, vel Episcopatu vel Prælatura decorati reperiantur, is qui antiquior inter eos erit, Pro-Decani titulo, muneribusque fruetur; donec in septenarium Participantium numerum subingrediatur aliquis non Prælatus, ad quem Decanatus hujusmodi Officium jure deferatur.

Ex privilegiis verò seu prærogativis, quibus hujusmodi Advocatorum Consistorialium nobilis Ordo, ex concessione Prædecessorum nostrorum & veteri consuetudine fruitur, nostrâque demum voluntate in posterum gaudere debet, alia pertinent ad ipsius Ordinis decora & ornamenta; alia verò ad exercitium non unius generis munera, quæ eidem Collegio privativè sunt demandata. Cum enim prædicti Aulæ nostræ Consistorialis Advocati veri sint & indubitate nostri, & Romani pro tempore Pontificis Familiares & continui Commensales, neque porro ad instar aliorum familiarium hujusmodi, sed pariformiter & æquè principaliter cum aliis Familiaribus & Commensalibus prædictis habeantur, & haberi debeant; unde etiam panem honoris ex quotidiana nostra & Romani pro tempore Pontificis liberalitate percipiunt; atque in ejusdem Romani Pontificis iter agentis comitatu, quemadmodum in associandis S. R. E. Cardinalibus Legatis de Pontificio Latere missis, nec non occasione obviam eundi Imperatoribus, Regibus, & Principibus Viris ad Curiam venientibus, una cum reliquis Pontificiæ Aulæ Prælati & Familiaribus incedunt; non solum reliquis omnibus Romanæ vel alterius Curiæ causarum Advocatis, Patronis, Procuratoribus atque Causidicis, omnibusque tam Romanæ, quam alterius cujuscumque Universitatis Licentiatis, Doctoribus, Antecessoribus,

cessoribus, atque Magistris, etiam antiquioribus, honoris & dignitatis prærogativâ præcellunt, sed reliquis etiam tum Clericis tum Laicis, quantumvis ex nobili genere procreatibus, & quocumque officio seu dignitate præstantibus, aliorumque Principum Familiaribus antecedunt; & tam in Cappellis, quam in Consistoriis, & Pontificalibus aliisque supplicationibus seu Processionibus, equitatibus ceterisque publicis functionibus locum habere debent, immediate post Cubicularios nostros utriusque Aulæ tam secretæ, quam honoris nuncupatae, nimirum supra ipsos Intimi Sacelli nostri Cappellanos secretos aliosque inferioris Ordinis, prout jam de expresso mandato nostro, omni sublata dubitandi occasione, in usu positum est; & nihilominus Nos idem perpetuis futuris temporibus observari, præsentium tenore mandamus atque statuimus. Easdemque Cappellas & Functiones omnes prædicto Advocatorum Consistorialium Collegio, quemadmodum aliis Collegiis in eisdem locum habentibus, per Cursores intimari; atque in eis Candelas, Palmas, & Ceras benedictas, *Agnus Dei* appellatas, in pari quantitate & qualitate cum reliquis Familiaribus nostris, ipsis distribui; necnon eosdem ad audiendas prædicationes verbi Dei, quæ statim temporibus in Palatio nostro habentur, unacum Prælatis Romanæ Curiæ aliisque Familiaribus nostris, quemadmodum consueverunt, admitti volumus & jubemus.

Sessionis verò locum, quem in Cappellis, quæ in Basilica nostra Vaticana celebrantur, hactenus obtinuerunt, nimirum in inferiori Pontificii Solii gradu, infra Almæ Urbis nostræ Conservatores, idem in posterum in prædictis aliisque Cappellis, quæ pro loci amplitudine eodem ritu disponi poterunt, eisdem assignari decernimus. Ubi verò Cappellæ in Pontificiis nostrarum Ædium Sacellis habeantur, seu in aliis Ecclesiis & locis eodem ordine disponantur, quo in prædictis Ædium nostrarum Sacellis ordinari consueverunt; firmam eisdem & ratam esse volumus concessionem sedilis seu scamni ad ipsorum usum, ante scamnum seu sedile pro nostris ad honorem Cubiculariis apponi solitum, de nostro expresso mandato semel positi & assignati, ac deinde per alias nostras in forma Brevis literas die quinta Martii anni millesimi septingentesimi quadragesimi secundi expeditas in perpetuum attributi, itaut ab ejusdem scamni seu sedilis usu & possessione a nemine quavis auctoritate ullo unquam tempore valeant amoveri. Ubi verò pro deferenda Umbella seu Baldachino in supplicationibus Pontificiis, necessarius fortè numerus non adsit dilectorum Filiorum utriusque Signaturæ nostræ Referendariorum, quibus hujusmodi honorem privativè concessum esse dignoscitur, hujusmodi numerum, præsente Pontifice ab ipsius Cubiculariis secretis, vel his etiam deficientibus, ab aliis ejusdem Cubiculariis, honoris nuncupatis; eodem verò Pontifice absente, ab Advocatis Consistorialibus suppleri debere decernimus.

In Conciliis autem tam Generalibus, quam Provincialibus, aliisque,

que, in quibus eosdem Aulæ nostræ Consistorialis Advocatos, seu tamquam præsentis fortè Pontificis Familiares Romanam Curiam sequentes, seu tamquam de Legati Apostolicæ Sedis comitatu, vel etiam tamquam Decretorum, aut Juris Civilis Doctores, quemadmodum in more positum esse dignoscitur, locum & sessionem habere contingat; easdem omnino præminentias ac prærogativas tamen respectu Officialium Romanæ Curiae, quām aliorum quorumlibet, eisdem competere volumus, quas in Palatio nostro, atque in Romana Curia & Urbe obtinere solent.

Habitus porro formam eisdem usitatam Advocati prædicti in posterum etiam perpetuò retineant, tam in Pontificalibus aliisque solemnioribus functionibus, Cappellis, Consistoriis, Processionibus, Equitationibus, quām in ipsorum actibus Collegialibus; laneam scilicet talarem Cappam, coloris violacei, rubris undequaque futuris fulcitam, & Holoserico rubro subsutam, cum Capputio ab anteriori parte rotundo, a tergo verò prolixiori, Holoserico pariter rubro intrinsecus, eodem verò etiam extrinsecus æstivo tempore; hiemali autem armellinis pelli bus respectivè subsuto, eoque vel aperto, vel clauso pro functionum diversitate gestando. Habeant etiam Pluvialis usum in die Coronationis Romani Pontificis, & in altera die, qua novus Pontifex Constantinianæ Lateranensis Basilicæ possessionem solemniter capit; ut scilicet, dum ad decantandum laudes faustaque omnia novo Pontifici de Cœlo adprecanda, præcidente supradicta quidem Coronationis die S. R. E. Cardinali Diaconorum Priore, in die verò Possessionis altero ejusdem S. R. E. Cardinali Priore Presbyterorum, una cum Subdiaconis Apostolicis procedunt, Pluvialibus transversis induantur; itaut pars aperta Pluvialis remaneat supra humerum dextrum, circa collum autem supra Pluviale Capputium de more deferant: Extra verò prædictas functiones, usualem gestationem Vestis Talaris nigri coloris, cum simili Mantellono rotundo, ab Alexandro Papa VII. Prædecessore nostro per speciale Decretum sub die vigesima septima Novembbris anni millesimi sexcentesimi quinquagesimi quinti eidem Advocatorum Consistorialium Collegio privativè concessam, approbamus & confirmamus; ita scilicet, ut nemini liceat similibus Vestibus & Insigniis uti, ipsisque electis Auditoribus Causarum sacri Palatii Cappellanis nostris vetitum sit hujusmodi habitum assumere, nisi de licentia Collegii prædicti Advocatorum Consistorialium, juxta antiquam observantiam, ab eodem Collegio per supplicem libellum expressè petenda & respectivè concedenda; quemadmodum Nos omnibus & singulis, & specialiter Auditoribus electis præfatis, non obstante quacumque consuetudine in contrarium forsan inducta, per hæc Apostolica scripta vetamus atque interdicimus.

Utque præterea ex Alma Urbe nostra aliò proficiscentibus prædictis Aulæ nostræ Consistorialis Advocatis debitus honor ab omnibus habeatur; quod jam vivæ vocis oraculo eisdem concessimus, ut scilicet habitu viatorio

torio ad formam habitus per Prælatos & Familiares nostros extra Urbem gestari soliti , servato tamen nigro colore , Advocati prædicti uti possint & valeant , præsentium quoque tenore expressè concedimus & indulgemus .

Præcipua verò & propria eorum Collegii munera ea sunt , quæ circa Consistorium , & actus atque negotia in eo gerenda atque tractanda , versantur : Quæ quidem ita ipsorum Advocatorum Consistorialium propria sunt , ut ad ipsas functiones pro hujusmodi Advocati munere in Consistorio peragendas nequidem admittantur ex eodem Collegio illi , qui inter Romanæ Curiæ Prælatos adscripti reperiuntur , nisi Prælatitio habitu deposito , habitum Advocati Consistorialis in eum finem induere consentiant . Cum igitur aliqua majoris momenti causa in Consistorio secreto veteri more judicialiter agenda erit , non alii , quæm Advocati Consistoriales prædicti ad deducenda Partium jura sunt admittendi . Et quoniam inter maiores causas , quæ a Romano Pontifice cum Venerabilium Fratrum suorum consilio definiuntur , Beatificationes Servorum Dei , ac Beatorum Canonizationes meritò recensentur , congruum propterea vi sum est , ut prærogativa scribendi in Jure in hujusmodi causis Collegio Advocatorum Consistorialium reservaretur ; quamvis habita ratione plurim Officiorum , quæ illis incumbunt , opportunè quoque statutum sit , a Congregatione Sanctæ Romanæ Ecclesiæ Cardinalium Sacris Ritibus præposita , duodecim alias e celebrioribus Romanæ Curiæ Causarum Advocatis ad hunc effectum approbari & deputari , ad hoc ut Causarum hujusmodi Postulatores earum Patrocinium alicui ex illis , pro ipsorum libitu , servatis servandis valeant demandare .

Ad ipsos tamen Aulæ Consistorialis Advocatos privativè spectat publicas in Consistorio instantias proponere pro Servorum Dei Beatificatione , aut Beatorum Canonizatione , hoc est in Consistoriis publicis , quæ in traditione Pilei Cardinalitii novis Cardinalibus creatis , seu in receptione Legati Sedis Apostolicæ ad Urbem redeuntis , aut alicujus Principum Oratoris ad præstandam Obedientiam Sedi Apostolicæ missi celebrantur , Orationes habere super meritis ac virtutibus prædictorum Servorum Dei & Beatorum , instando apud Summum Pontificem , ut eorum Beatificationis aut Canonizationis Causæ committantur , seu ulterius promoveantur , aut respectivè expediantur ; quemadmodum abrogato veteri more minus decenter inducto , declamandi scilicet de rebus profanis , & plerumque de atrocioribus criminibus confictis & imaginariis , per Urbani Papæ VIII. Prædecessoris nostri Decretum sub die vigesima septima Januarii anni millesimi sexcentesimi trigesimi primi editum , subsequutâ deinde circa methodum in hujusmodi Orationibus servandam peculiari institutione firmatum fuit . Pro quibus Orationibus peragendis , quæ in duo aut ad summum in tria Consistoria singulæ dividi consueverunt , quæque non solum a Senioribus & Participantibus , sed etiam a Junioribus & Coadjutoribus per turnum , servato antianitatis ordine , & a Coadjutoribus

præ-

prædictis tam ex propria , quām ex Coadjuti persona haberi solent , decem scuta auri in auro Advocato peroranti pro qualibet vice , ex maleficiorum proventibus , expedito Mandato a Notario Charitatis , eoque à Gubernatore Almæ Urbis nostræ subscripto persolvi debent .

In iis pariter publicis Consistoriis , quæ pro alicujus Beati Canonizatione coguntur , ad Advocatum pertinet Consistorialis Aulæ , vitam , virtutes , atque miracula Servi Dei fusè integrè enarrare , atque instantias Ecclesiarum , Principum , & Populorum pro ejusdem Servi Dei Canonizatione Summo Pontifici representare . Idemque paratus esse debet prædicta omnia , si opus sit , in sequenti Consistorio semipublico strictem referre . Deinde in die solemni Canonizationis in Vaticana Basilica peragendæ , iterum pro definitivæ sententiæ prolatione coram Summo Pontifice publicè instare . Pro quorum omnium implemto is , qui ea gesserit , ex emolumentis , quæ occasione Canonizationis Advocatorum prædictorum Collegio debentur , triginta scuta monetæ percipiet ; a Postulatore autem causæ , eidem dono dabitur Imago depicta Servi Dei inter Sanctos relati .

Quotiescumque demum Summo Pontifici in Consistorio sedenti supplicandum fuerit , sive ii , quorum res agitur in Curia præsentes sint , sive absentes , dummodo non sint Imperatoriæ , Regiæ , aut Cardinalitiæ dignitatis , & in ipso Consistorio personaliter constituti ; id nonnisi alicujus Advocati Consistorialis voce & opera peragendum erit . Ipsique S. R. E. Cardinales , ubi suæ dignitati renunciare , eamque in manibus Summi Pontificis dimittere voluerint , per Advocatum pariter Consistoriale a Collegio de ipsorum assensu deputandum , præsentibus eorundem Procuratoribus legitimum mandatum habentibus , instantiam suam in Consistorio proponi facere debent : Qua de causa centum Ducati auri de Camera ad Collegii creditum antea depositi , eidem Collegio præstandi sunt , iisque inter Participantes æquis portionibus dividendi .

Similiter Patriarchæ , Archiepiscopi , & nonnulli ex Episcopis , qui vel ex Ecclesiarum suarum juribus , vel ex personali concessione honore Pallii decorantur , illud in Consistorio secreto per interpositam Advocati Consistorialis personam postulabunt . Ideoque si Patriarcha , Archiepiscopus , sive Episcopus , ut supra Pallio donandus , in Romana Curia præsens existat , in Consistorio prædicto coram Pontifice se sistet , medius inter Advocatum pro eo perorantem a dextris , & Magistrum Cæremoniарum a sinistris ; si verò Prælatus extra Curiam moretur , illius Procurator dextrum , Magister verò Cæremoniарum sinistrum , Advocatus autem Consistorialis medium locum tenebit ; atque hic pro supradicti Pallii concessione demissas Pontifici preces exhibebit . Et nisi agatur de Ecclesia in partibus Infidelium existente , vel cui ad instantiam , & juxta Decretum Congregationis S. R. E. Cardinalium negotiis de Propaganda Fide præpositæ de Pastore provisum fuerit , Advocatus prædictus decem

Duca-

Ducatos auri de Camera , qui præcedenter depositi esse debent , pro hujusmodi petitione percipiet . Ad has verò petitiones in Consistorio proponendas soli admittentur septem Advocati Seniores seu Participantes , per turnum , exclusis Junioribus & Coadjutoribus , nisi ex persona aliquius ex Senioribus prædictis ad postulandum accesserint .

Alterum verò Officiorum genus , quod eidem Advocatorum Consistorialium Collegio privativè incumbit , ad hujusce Almæ Urbis nostræ Archigymnasii & studii generalis regimen spectat : Cujus Gymnasii Rectoratus cum olim uni ex Prælatis Romanæ Curiae ad ejus vitam concedi & assignari soleret , a Sixto Papa V. Prædecessore nostro per ejus literas anno Incarnationis Dominicæ millesimo quingentesimo octuagesimo septimo , decimo Kalendas Septembbris sub Plumbo datas , pluribus ex causis animum ipsius inoventibus , nec non in compensationem certæ pecuniarum summæ a prædicto Advocatorum Consistorialium Collegio in eum finem persolutæ , eidem Advocatorum Consistorialium Collegio cum omnibus & singulis illius Officii juribus , redditibus & emolumentis , nec non cum quibusvis honoribus , oneribus , jurisdictionibus , facultatibus , & privilegiis supradicto Rectori Prælato alias competentibus , perpetuò unitum , annexum & incorporatum fuit .

Quam proinde unionem & perpetuam annexionem & incorporationem Officii Rectoratus hujusmodi , una cum facultatibus ipsum Gymnasiū ejusque Ecclesiam , Scholas & Bibliothecam regendi , asservandi , & gubernandi , unumque ex proprio Collegio in singulos annos studiorum Rectorem , atque alterum Bibliothecarium , tum etiam Bibliothecæ prædictæ Custodes aliosque Gymnasii prædicti Officialis & Ministros , respectivè eligendi & deputandi ; salvo eorum jure , quibus vel oneroſo , vel alio legitimo titulo nonnullorum Officialium hujusmodi deputatio competere dignoscatur ; necnon ejusdem Bibliothecæ libros permutandi , statuta quoque , ordinationes & provisiones pro Gymnasii prædicti meliori regimine & utilitate condendi , faciendi & publicandi , atque illa seu illas , toties quoties eisdem seu eorum majori parti expedire videbitur , mutandi & innovandi , sicuti per Prædecessores nostros Sextum V. , Clementem VIII. & Alexandrum VII. Romanos Pontifices eisdem alias concessæ fuerunt , approbamus & confirmamus , & quatenus opus sit , de novo concedimus & indulgemus .

In eligendis autem per concursum , quoties ita Nobis & Successoribus nostris placuerit , tam Juris Canonici , & Cæsarei in Archigymnasio prædicto Antecessoribus , quam aliorum Theologiae , Linguæ sanctæ , aliarumque Linguarum & eloquentiæ , necnon rationalis & experimentalis Philosophiæ Medicinæ , & ceterarum artium & facultatum , quæ in Archigymnasio hujusmodi publicè traduntur , & explicantur , Professoribus atque Lectoribus ; volumus , ut concurrentium examini coram Ven. Fratre nostro Annibale Episcopo Portuensi S. R. E. Cardinali Camerario , & ejus-

& ejusdem Archigymnasii atque Universitatis studii generalis Cancellario, S. Clementis nuncupato, ejusque in Officio Camerariatus hujusmodi Successoribus habendo, Advocati predicti collegialiter semper assistant; & pro eorum, qui examinati fuerint, electione una cum Camerario predicto, qui tamen duplicitis suffragii jure gaudere debeat, iidem Advocati Consistoriales suffragium ferant. Et quidem examen eorum, qui ad obtinendas Cathedras in Decretis, seu in jure civili scientiam & peritiam suam profitentur, ab ipsis Advocatis Consistorialibus peragendum erit. Ad aliarum verò scientiarum, sive facultatum, aut Linguarum Lectores Candidatos experiendos atque probandos, ab Archigymnasii Rectore pro tempore deputato, cum predicti S. R. E. Cardinalis Camerarii participatione & assensu, alii assumentur Assessores in scientiis, facultatibus, & linguis hujusmodi præstantes, juxta quorum consilium atque sententiam tam Camerarius, quam Advocati predicti in suffragiis ferendis super Concurrentium peritiæ judicia sua dirigere valeant. Ac denique totius examinis, sive concursus, & suffragiorum latorum relatio, Nobis seu Romano pro tempore Pontifici fiet; ut vacanti Cathedræ, sive lecturæ, de persona habili & idonea, auctoritate Apostolica provideatur.

Firmamque præterea & ratam perpetuò esse volumus privativam facultatem Candidatos in utroque seu alterutro Jure Canonico & Cæsareo experiendi, probandi, eosdemque Doctores in utroque seu alterutro Jure predictis in Romana Curia & Urbe creandi, eisque Doctoratus hujusmodi insignia conferendi, supradicto Advocatorum Consistorialium Collegio tum antiquæ consuetudinis & possessionis jure competentem, tum etiam expressis Prædecessorum nostrorum Indultis & privilegiis multoties concessam & attributam, præsertim verò a sel. record. Sixto Papa IV., Julio Papa III., Sixto Papa V., & Clemente Papa VIII., prout in eorum literis decima octava Septembbris anni millesimi quadringentesimi octuagesimi tertii, sexta Februarii anni millesimi quingentesimi quinquagesimi secundi, tertia Septembbris anni millesimi quingentesimi octuagesimi septimi, & duodecima Septembbris anni millesimi sexcentesimi primi, respectivè datis pleniùs disponitur & continetur. Asserta verò privilegia, indulta, licentias & facultates, quorum prætextu aliæ personæ, seu Collegia cujuscumque status, gradus, conditionis & præminentiæ, id sibi licere contendunt, licet alias a predictis aliisque Prædecessoribus nostris declarata, moderata, seu respectivè revocata, annullata, & viribus vacuata fuerint: Nos etiam, quacumque auctoritate & potestate, & quibuscumque ex causis, etiam ex titulo oneroso, & sub quibusvis verborum formulis, expressionibus, clausulis & Decretis, etiam per Nos & Prædecessores nostros Sedemque Apostolicam, eadem predictis concessa forent, & quamquamvis longæ & immemorabilis consuetudinis usu ab eisdem sive personis, sive Collegiis possessa & obtenta fuerint,

præsentium pariter tenore , quatenus opus sit , revocamus , annullamus & viribus perpetuò vacuamus .

Et nihilominus attentes , quod inter dilectos Filios Collegium nostrorum & Sedis Apostolicæ Notariorum , Protonotariorum nuncupatorum , de numero Participantium , ex una , prædictumque Collegium nostræ Consistorialis Aulæ Advocatorum , ex alia parte , lis , & causa super facultate promovendi ad gradum Doctoratus in utroque vel altero Jurium , tam in Urbe ejusque districtu , quam extra illam & illum , in Causarum Palatii nostri Apostolici Auditorio , coram certo illius Auditorie introducta , adhuc pendet indecisa : Nos , qui jura , rationes , & exceptiones utriusque partis , tam voce nostris auribus insinuata , quam scripto deducta , per Nos ipsos accuratè examinavimus , & matura consideratione perpendimus : Volentes ab utroque Collegio tam Notariorum , quam Advocatorum hujusmodi , quorum singulares personæ familiares nostri existunt , omnes & quascumque super hac re lites , & controversias penitus e medio tollere , eorumque respectivè jura , facultates & privilegia certis congruisque limitibus præfinire ; Motu , scientia , & potestatis plenitudine paribus , prædictam ac quamcumque aliam , si qua sit , litem & causam , in prædicto Auditorio , vel alio quovis Tribunalis coram quocumque Judice , & in quacumque instantia , inter utrumque Collegium hujusmodi super præmissis pendentem (illius respectivè statum , merita & alia quæcumque etiam de necessitate juris vel facti omnino exprimenda , necnon utriusque Collegii prædicti concessiones , indulta , privilegia , & literas Apostolicas , eorumque totales & integros tenores satis Nobis cognitos & perspectos , præsentibus pro plenè & sufficier expressis , ac de verbo ad verbum insertis habentes) , harum serie ad Nos avocamus , penitusque & omnino supprimimus , & extinguimus , perpetuumque desuper silentium imponimus , atque os occludimus . Eisdem verò Notariis de numero prædicto nullatenus licuisse , aut licere statuimus & declaramus , obtentu & vigore literarum fel . record . Sixti Papæ V. Prædecessoris nostri incipien . *Laudabilis* super eorum privilegiis editorum , sub datum videlicet nonis Februarii Pontificatus sui Anno Primo , vel quarumvis aliarum literarum Apostolicarum sub quacumque forma eidem Collegio concessarum , examinationem cujusquam , Doctoratus gradum in altero vel utroque jure suscipere cupientis , ad Partes , & extra Urbem committere , nec sub aliena fide , & relationibus examinationis hujusmodi , absentem quemquam cum clausula , ac si esset præsens , prout saepius hactenus factum suisse intelligimus , ad hujusmodi Doctoratus gradum in eadem Urbe promovere ; sed tantummodo Notarios nostros prædictos , eorumque Collegium quatuor personas singulis annis , easque in Urbe prædicta verè , & realiter præsentes , prævio rigoroso examine personaliter , & collegialiter per ipsosmet Notarios faciendo , & non

& non aliter, nec alio modo, ad norinam Indulti Apostolici a rec. mem. Urbano Papa VIII. etiam Prædecessore nostro eidem Collegio concessi, per suas literas datus sub Annulo Piscatoris die quinta Septembbris Anni millesimi sexcentesimi vigesimi noni, ad Doctoratus gradum hujusmodi promovere, liberè & licetè posse præsenti nostræ declarationis oraculo definimus: Decernentes sic, & non aliter intelligendas, & interpretandas fuisse, atque in posterum intelligi, & interpretari debere eorundem Sixti, & Urbani Prædecessorum literas prædictas, quas pro majori cautela, & quatenus opus sit, eatenus limitamus, revocamus & abolemus, quatenus præsentibus nostris literis in aliquo adversentur, easdem in omnibus & per omnia ad viam & terminos earundem præsentium reducentes; ne in re, quæ tanti momenti est pro recto ac felici Sanctæ Ecclesiæ & Reipublicæ gubernio, vel periculum immineat, quod sub aliena fide & relationibus, ad gradus hujusmodi promoteantur indocti, & qui si diligentem examinationem per ipsosmet Notarios personaliter & collegialiter adhibitam subjissent, minus idonei forsan reperti suissent: Vel id, quod absurdum reputamus, sequatur, ut scilicet prædicto Notariorum nostrorum Collegio, cui de verè & realiter præsentibus in eadem Urbe, nonnisi quatuor singulis annis diligenti præmisso examine, juxta memoratum Urbani Prædecessoris Indultum, ad gradum prædictum promovere concessum fuit; id ipsum in numero indefinito permisum censeatur, quoad eos, qui ab eadem Urbe absentes, & in remotissimis fortasse regionibus constituti permaneant.

Ad consulendum tamen indemnitatí eorum, qui hactenus a dilectis Filiis Sedis Apostolicæ Notariis prædictis extra Urbem, & in absentia contra præsentis nostræ declarationis tenorem, Doctoratus gradum in utroque vel alterutro jure suscepérint; omnes & singulas hujusmodi promotiones ad hunc diem peractas auctoritate nostra perpetuò revalidamus; & quascumque promotionum hujusmodi nullitates, ex potestatis dunataxat defectu provenientes, earundem præsentium tenore sanamus: Easdemque promotiones & gradus hactenus ita collatos, & respectivè susceptos, ad omnes effectus, ad quos de cetero valere censem̄bantur, eisdem sic, ut præfertur promotis in posterum etiam suffragari debere statuimus.

Quia verò illustre & perantiquum eorundem Notariorum de numero Participantium Collegium hujusmodi, ob grata devotionis & familiaritatis obsequia, quæ Nobis & Apostolicæ Sedi incessanter impedit, aliaque illius & Notariorum prædictorum merita, speciali benevolentia protequimur, volentes aliquam propensæ nostræ erga illud voluntatis significationem exhibere, eisdem Notariis de numero prædicto, eorumque Collegio plenam liberamque licentiam, facultatem & potestatem per easdem præsentes tribuimus & impertimur, ut ipsi de cetero in perpetuum singulis annis, non quatuor dunataxat personas, easque familia-

res & pauperes , prout in dictis Urbani Prædecessoris literis præscriptum reperitur , sed vigore præsentium , sex quidem personas , etiam si non familiares , nec pauperes (dummodo tamen in Urbe præfentes existant , aliaque necessaria requisita illis suffragentur) ad prædictum gradum Doctoratus in altero , vel utroque jure promovere possint & valeant : Ita quod sic per eos pro tempore promoti , & laureati omnibus & singulis favoribus , honoribus , gratiis & privilegiis , quibus similes Doctores in publico Archigymnasio Sapientiae Urbis laureati de jure , usu , privilegio , consuetudine , aut alias quomolibet utuntur , fruuntur & gaudent , pariformiter & æquè principaliter uti , frui , potiri , & gaude-re possint & debeant , ac ad omnes & quoscumque effectus , etiam Ecclesias Cathedrales assequendi , ab omnibus ubique censeri , haberri , & reputari , ac si in prædicto Archigymnasio verè promoti & laureati fuissent : Ampliantes & extendentes quoad hæc utrasque Sixti & Urbani Prædecessorum literas prædictas , de cetero in suo robore permanfuræ .

Volumus autem , quod iidem Notarii eorumque Collegium prædictum in promotione & creatione dictorum sex , alterius , vel utriusque Juris Doctorum , omnia & singula ad præscriptum dictarum Urbani Prædecessoris & nostrarum præsentium servanda & adimplenda , omnino servare & adimplere teneantur : Et quod numerus dictorum sex , & non ultra , quavis de causa uno anno non completus , non possit , nec valeat subsequentibus annis compleri , vel reintegrari : Quodque nota rogitus promotionum , cum nominibus & cognominibus ac Patria promotorum , intra mensem ex tunc proximum , a die cuiuslibet promotionis computandum , ad Archivium Urbanum , ad instar aliorum rogituum , per Secretarium Collegii hujusmodi , vel per ipsos promotos & laureatos , deferri omnino debeat : Et tunc solum videlicet , postquam nota prædicta ad Archivium Urbanum delata fuerit , & non antea , talis promotus pro Doctore se gerere , & pro legitimè laureato & promoto ad quoscumque Juris effectus haberri possit ; alias promotus ipse pro Doctore publicè , vel privatim se gerens , poenam falsi ipso facto & jure incurrat .

Omnès verò alias promotiones & creationes Doctorum in utroque , seu altero Jurium , atque Insignium Doctoralium traditiones ab aliis , quam Advocatis Consistorialibus prædictis , etiam per Comites Palatinos , aut per ipsos Notarios de numero Participantium , eorumque Collegium , præter vel contra præscriptam formam , & ultra præfinitum numerum , in Romana Curia & Urbe prædicta in posterum factas vel faciendas cum omnibus inde secutis & sequendis quibuscumque , irritas & inanes nulliusque roboris vel momenti esse & fore , ac pro nullis & infectis haberri & censeri , nemini que ad quoscumque effectus ullo unquam tempore suffragari debere , ipsosque ab aliis quam Advocatis prædictis , etiam per eosdem Notarios de numero prædicto , ultra sex præfatos , ad gradum Doctoratus hujusmodi nulliter & attentatè promotos vel assump-
tos ,

ptos, pro non Doctoribus haberi, eadem Apostolica auctoritate statuimus, atque decernimus.

Præterea supradictos nostræ Consistorialis Aulæ Advocatos, eorumque Collegium amplioribus favoribus & gratiis prosequi, & tam prædicti Archigymnasii Almæ Urbis nostræ splendori & dignitati, quām feliciori atque utiliori Romanae Curiæ statui & regimini pleniū consulere & providere volentes, simulque dignum rationique consonum reputantes, ut quicumque ad Dignitates, Prælaturas, Magistratus aliaque munia & Officia dictæ Curiæ, quæ in eadem Curia, & in Romana Urbe consistunt, & in ea exercentur, & quæ Doctoratus gradum in utroque vel altero Jurium annexum habent, aut quomodolibet requirunt, pro tempore assumi, & promoveri desiderant, eorum doctrinæ & idoneitatis in prædicto Archigymnasio publicum præbeant experimentum; Apostolica auctoritate prædicta, motuque, scientia, & potestatis plenitudine paribus, statuimus atque sancimus, ut ii quidem, qui ante diem publicationis præsentium ad hujusmodi Doctoratus gradum in quacumque publica & approbata tam Status ecclesiastici, quām extera Universitate studii generalis, legitimè promoti extiterint, ad Prælaturas, Magistratus, Judicaturas, Lecturas & Dignitates etiam Ecclesiasticas dictæ Urbis, necnon ad facultatem scribendi tam in jure, quām in facto, & patrocinandi uti Procuratores in causis coram prædicto Rotæ Romanæ Auditorio, dummodo cetera necessaria requisita illis aliàs respectivè suffragentur, admitti, illasque & illos seu illa recipere, retinere, & exercere liberè & licitè possint & valeant, nec ob id eundem Doctoratus gradum in dicto Archigymnasio iteratò suscipere cogantur. Contra verò ii, qui ante diem publicationis earundem præsentium literarum nondum doctoralem gradum, ut præfertur, suscepisse comperti fuerint, ad aliquam ex dignitatibus, vel aliquod ex beneficiis Ecclesiasticis in Basilicis, aut Collegiatis, vel aliis Ecclesiis ejusdem Urbis consistentibus, pro quibus assequendis, obtinendis, vel retinendis ex Sacrorum Canonum, aut Generalium Conciliorum, vel Constitutionum Apostolicarum, seu aliarum Sanctionum dispositione, vel etiam ex lege fundationis, gradus & qualitas Doctoralis requiratur, ac etiam ad Prælaturas, Magistratus, Judicaturas, etiam alieno nomine exercendas, & Lecturas publicas Urbis & Curiæ prædictarum, nec non ad facultatem patrocinandi tanquam Procuratores in causis coram eodem Rotæ Auditorio, aut respondendi de jure, seu scribendi pro Advocati munere coram quocumque Judice, seu Tribunali; ac demum ad quodcumque munus vel Officium Urbis & Curiæ prædictarum in ipsa Urbe exercendum, quod de jure pariter, vel Statuto, aut ex aliqua Apostolica Constitutione & Ordinatione, vel etiam ex longa & inveterata consuetudine gradum & qualitatem Doctoralem hujusmodi exigat, vel requirat, non possint, nec valeant recipi, vel admitti, illasque ac illos & illa respectivè obtinere vel exercere; etiamsi

Præ-

Prælaturæ & Judicaturæ prædictæ ejusdem Rotæ, Cameræ, & Cancel-
lariæ Apostolicæ, Signaturæ nostræ, Populi Romani, vel cuiusvis Colle-
gii etiam privilegiati & privilegiatissimi, ac specialem & specialissimam
ac specificam & individuam mentionem & expressionem requirentis ex-
stant; nisi ante admissionem & receptionem hujusmodi, vel quoad præ-
dicta beneficia & dignitates Ecclesiasticas, infra tempus a jure vel Con-
stitutionibus & Canonicis Sanctionibus prædictis, aut in fundatione re-
spectivè præfixum, Doctoratus gradum in ipso publico Urbis nostræ Ar-
chigymnasio susceperint: Decernentes & eadem auctoritate statuentes,
quod gradus Doctoratus hujusmodi post earundem præsentium publicatio-
nem in alia quavis studii generalis Universitate tam extera, quam Status
nostræ Ecclesiastici, quantumvis publica, approbata, celebri & famosa,
ac specialissima mentione digna, datus & receptus, ipsis graduatis ad
quemcumque alium, non autem unquam ad effectum assequendi supradi-
ctas Dignitates, Prælaturas, Judicaturas, Lecturas, Munera & Officia
prædicta in Curia & Urbe nostra, suffragari de reliquo valeat; immo pro
effectu præmissorum Doctoratus gradus alibi datus & receptus, habeat-
ur & haberi debeat, ac si nullo modo datus ac receptus fuisset.

Ab hac tamen generali lege illos duntaxat exceptos esse volumus,
quos in vim Apostolici privilegii seu Indulti alicui Nationi, Civitati,
Universitati, seu Collegio ab hac S. Sede concessi, vel ad munus Advocati
Consistorialis, ut supra, vel ad Auditoratum Causarum Palatii nostri
Apostolici nominari, & Nobis seu Romano Pontifici pro tempore existen-
ti, præsentari, seu aliâs juxta Indultorum hujusmodi tenorem eligi &
deputari contingat: Ut scilicet, si illi qui ad prædicta Officia nominati
seu electi fuerint, in aliqua conspicua Universitate illius Nationis, aut
Civitatis, vel in ea respectivè Universitate aut Collegio, quibus indulta
hujusmodi, seu privilegia concessa fuerunt, ad Doctoralem gradum in
utroque jure promoti fuisse dignoscantur, hujusmodi gradus ab iis, ut
præfertur susceptus, juncto illius seu illorum testimonio, qui eos præsen-
taverint, necnon Pontificis judicio, qui eosdem ad prædicta Officia ele-
gerit & deputaverit, satis eisdem suffragari censeatur, ad effectum asse-
quendi hujusmodi Officia, eaque servatis servandis exercendi, absque eo
quod ad iteratam prædicti gradus susceptionem in dicto Sapientiæ Archi-
gymnasio compelli possint.

Ut igitur ordinatio & statutum nostrum hujusmodi perpetuis futuris
temporibus inviolabiliter observetur Ven. Fratribus nostris Thomæ Epi-
scopo Ostien. & Veltin. S. R. E. Cardinali Vice-Cancellario Russo, &
Anibali Episcopo Portuen. ejusdem S. R. E. Cardinali Camerario S. Cle-
mentis; necnon dilecto Filio nostro Nereo S. Eustachii prædictæ S. R. E.
Diacono Cardinali Corsino nuncupatis, Signaturæ nostræ Justitiæ Præfe-
cto, eorumque in dictis Officiis Successoribus; & dilectis præterea Filiis,
Collegiis Notariorum Apostolicorum, Protonotariorum nuncupatorum
de nu-

de numero Participantium , & Cappellanorum nostrorum , Causarum S. Palatii Auditorum , necnon Clericorum Cameræ nostræ Apostolicæ , & Signaturæ Justitiae Referendariorum Votantium , atque Abbreviatoryrum de Parco Majori , ipsorumque Aulæ nostræ Consistorialis Advocatorum , & Procuratorum Causarum Sacri Palatii , eorumque respectivè Decanis ; Capitulis quoque , seu Collegiis Basilicarum , Collegatarum , & aliarum Ecclesiarum dictæ Urbis , aliisque Superioribus & Personis præsentibus & futuris , ad quos nunc quomodolibet spectat , & pro tempore spectabit , per hæc eadem scripta committimus & injungimus , quatenus ordinationi & statuto prædictis humiliter intendentes , præmissa observari & adimpleri current , nec quemquam in posterum ad Dignitates , Prælaturas , Magistratus , Judicaturas , Lecturas , Munera , Officia , & Beneficia prædicta , qui Doctoratus gradum in prædicto Archigymnasio non suscepit , extra casus a Nobis , ut supra exceptos , admittant seu recipiant , neque contra ordinationis & statuti nostri hujusmodi seriem , dispositionem & tenorem a quoquam quavis auctoritate scienter vel ignoreranter attentari ullo unquam tempore permittant .

Quæcumque demum Romanæ Curiæ munera prædicto Advocatorum Consistorialium Collegio tam expressis Prædecessorum nostrorum concessionibus , quam longæ consuetudinis usu privativè , ut præfertur , attributa esse dignoscuntur , ea omnia & singula ita supradicto Collegio addicta & acquisita esse declaramus , ut perpetuis futuris temporibus neque munus Promotoris Fidei ; de quo Decretum adest Urbani Papæ VIII. sub datum die decima tertia Januarii anni millesimi sexcentesimi trigesimi primi , in favorem ipsius Collegii hactenus inviolabiliter observatum ; & quo Nos ipsi , dum in minoribus constituti , in eodem Collegio locum obtinere nus , plures annos persuncti fuimus ; neque Officium Advocati Pauorum , aut aliud Advocati Fisci & Cameræ nostræ Apostolicæ ; quæ olim Seniori de Collegio prædicto pro tempore incumbebant , deinde verò arbitrio Summi Pontificis , in aliquem tamen de ipso Collegio semper conferri consueverunt ; nec illud pariter Advocati Fabricæ Basilicæ Apostolorum Principis , aut illud Advocati Senatus & Populi Almæ Urbis nostræ , vñ denique munus Commissarii Conclavis Sede vacante , alteri cuiquam personæ , præterquam alicui ex dicto Collegio Advocatorum Aulæ nostræ Consistorialis , quacumque in contrarium consuetudine , si quæ fortè circa aliquod ex præmissis muneribus allegari posset , minimè obstante , concedi debeat aut assignari .

Volumus tamen prædicta Officia Promotoris Fidei & Advocati Fisci , quæ duo olim ab una eademque persona conjunctim obtineri & exerceri consueverant , sed a recol. mem. Prædecessore nostro Clemente Papa XI. justis & rationabilibus de causis ab invicem disjuncta & separata fuerunt , per ejus literas perpetuò valituras die septima Aprilis anni millesimi septingentesimi septimi in forma Brevis expeditas , sic etiam in posterum se-
paratim

paratim conferri , & a duobus respectivè Advocatis Consistorialibus exerceri ; quidquid deinceps in praxi servatum fuerit , & obtineat de præsenti in persona dilecti Filii Magistri Ludovici de Valentibus moderni Fidei Promotoris , & Fisci Advocati , per specialēm gratiam eidem a sel. record. Prædecessore nostro Clemente Papa XII. concessam , & ultra ipsius personam nullatenus extendendam . Proindeque assignationem portionis panis & vini , necnon scutorum tercentorum monetæ Romanæ , quæ deinde laudatus Clemens Papa XI. per alias suas in simili forma literas datas die trigesima Aprilis anni millesimi septingentesimi decimi quarti , ex salariis & emolumentis Advocati Fisci detracta , una cum hujusmodi portione panis & vini prædicto Fisci Advocato ex Palatio Apostolico antea dari solita , Promotori Fidei pro tempore existenti de cetero persolvi mandavit , auctoritate prædicta & harum serie approbamus , confirmamus & innovamus , atque in posterum , quum casus evenerit demandatæ separationis reipsa iterum exequendæ , perpetuò servari mandamus .

Præterea districtè præcipimus , ut quicumque ex prædictis Advocatis ad munus Advocati Fisci & Cameræ Apostolicæ , itemque ad aliud Advocati Pauperum deputati fuerint , omnino abstineant a suscipiendo Patrocinio aliarum Causarum , quæ ad Officium sibi respectivè commissum minimè pertineant ; quacumque pariter in contrarium consuetudine minimè obstante .

Ut autem tot tantisque publicis gravissimisque muneribus assiduam operam impendere Advocati prædicti commodè valeant , & spirituali simul eorundem consolationi per Apostolicæ benignitatis favorem consultum sit , quod jam per alias nostras in forma Brevis literas sub die vigesima octava Februarii anni millesimi septingentesimi quadragesimi secundi expeditas , eisdem elargiti fuimus , id etiam præsentium tenore , & auctoritate prædicta confirmamus & innovamus , ut scilicet eisdem Advocatis Consistorialibus eorumque Coadjutoribus nunc & pro tempore quandocumque existentibus , in privato Domus cujuslibet eorum habitationis , etiam in hac Alma Urbe nostra , Oratorio ad hoc decenter muro extructo & ornato , seu extruendo & ornando , ab omnibus domesticis usibus libero , per dilectum Filium nostrum in eadem Urbe ejusque Districtu Vicarium in spiritualibus Generalem , quoad Oratoria in dicta Urbe , & quoad alia extra eandem Urbem per Ordinarium loci respectivè priùs visitando & approbando , unam Missam pro unoquoque die , dummodo in Domo hujusmodi celebrandi licentia , quæ adhuc duret , alteri concessa non fuerit , per se ipsos , si Sacerdotes fuerint , celebrare , seu per quemcumque Sacerdotem approbatum Secularem , vel de Superiorum suorum licentia Regularem , sine tamen quorumcumque jurium Parochialium præjudicio , ac Paschatis Resurrectionis , Pentecostes , & Nativitatis Domini Nostri Jesu Christi , alijque solemnioribus anni festis diebus exceptis , in sua ac quatenus conjugati existant , in eorum respectivè

etivè Uxorū , necnon in eorundem Filiorū , Consanguineorum , & Affinium secum insimul in eadem Domo habitantium , ac cuiuslibet eorum Familiæ præsentia , celebrari facere liberè & licitè possint , ita tamen ut Uxores , & nati , ac Consanguinei & Affines supradicti prædictam unicam Missam ipsis quidem Advocatis præsentibus audire tantummodo , nunquam verò celebrari facere valeant , quodque Familiares eorum servitiis non necessarii ibidem Missæ interessentes , ab obligatione audiendi Missam in Ecclesia diebus Festis de præcepto liberi minimè censeantur . Utque hujusmodi gratia ii duntaxat ex Advocatis Consistorialibus fruantur , qui super illa Apostolicas in forma Brevis literas ad uniuscujusque favorem expediendas petierint , atque obtinuerint & non aliàs .

Præterea omnia & singula supra expressa , atque alia Collegio Advocatorum hujusmodi concessa Privilegia & Indulta , necnon ejusdem Collegii laudabiles stylos , usus & consuetudines , ordinationes quoque Constitutiones , atque Statuta pro ipsis Collegii felici regimine & gubernio facta & condita , licita tamen & honesta , ac sacris Canonibus & Concilii Tridentini Decretis , Constitutionibus Apostolicis & præsentium tenori ac dispositioni minimè contraria , Apostolica auctoritate earundem tenore præsentium perpetuò confirmamus & approbamus , illisque plenariæ & inviolabilis Apostolicæ firmitatis robur adjicimus , ac omnes & singulos tam juris , quām facti , necnon solemnitatum quarumcumque quomodolibet omissarum , aliosque defectus , si qui forsan intervenerint in eisdem , supplemus , illaque omnia auctoritate & tenore prædictis innovamus , & de novo concedimus , ac ab omnibus & singulis personis , ad quas pro tempore spectat & spectabit in futurum , inviolabiliter perpetuò servari volumus & mandamus . Utque supradicta eorum Statuta , Constitutiones , ordinationes , stylos , usus , & consuetudines pro rerum tempore & personarum qualitate , ac quoties eis expedire videbitur , abrogare , cassare , mutare , alterare , & alia illorum loco facere , condere , edere , & servare liberè & licitè valeant , quæ postquam facta , condita & edita fuerint , dummodo , ut præmittitur , licita & honesta , sacrificique Canonibus & Decretis dicti Concilii , Constitutionibus Apostolicis , ac præsentium tenori contraria non existant , eo ipso dicta auctoritate confirmata sint , ac ab omnibus & singulis , quos ea concernunt , in futurū sub poenis in eis contentis observari debeant : Insuper ut ipsorum Collegii Secretarium , aliosque Officiales & Ministros pro suo arbitrio eligere & deputare , amovere , dimittere , & mutare valeant , quoties id eis expedire videbitur ; eisdem auctoritate & tenore præsentium , etiam perpetuò concedimus & indulgemus , plenamque , liberali & omnimodam facultatem & auctoritatem impertimur , quacumque in contrarium consuetudine minimè obstante .

Decernentes easdem præsentes literas , & in eis contenta quæcumque , etiam ex eo , quod quilibet in præmissis , seu eorum aliquo jus , vel

interesse habentes , seu habere quomodolibet prætendentes , cuiusvis status , gradus , ordinis , præminentia , vel dignitatis existant , sive alias specifica & individua mentione & expressione digni , illis non consenserint , nec ad ea vocati & audit , neque Causæ , propter quas eadem præfentes emanaverint , adductæ , verificatae , vel sufficienter , aut ullo modo justificatae fuerint , aut ex alia qualibet , etiam quantumvis juridica & privilegiata causa , colore , prætextu & capite etiam in corpore juris clauso , nullo unquam tempore de subreptionis , vel obreptionis , aut nullitatis vitio , seu intentionis nostræ , aut interesse habentium consensus aliove quolibet , etiam quantumvis magno , ac formali & substantiali defectu , notari , impugnari , infringi . retractari , in controversiam vocari , aut ad terminos juris reduci , seu adversus illas aperitionis oris , restitutionis in integrum , aliudve quodcumque juris , facti , vel gratiæ medium intentari , vel impetrari , aut etiam motu pari , & de Apostolicæ potestatis plenitudine simili concessò vel emanato quempiam in iudicio , vel extra illud uti , seu se juvare ullo modo posse : Sed ipsas præfentes semper firmas , validas & efficaces existere & fore , ac dicto Collegio & Advocatis pro tempore existentibus in omnibus & per omnia , etiam perpetuò suffragari , ipsumque Collegium ad verificationem seu justificationem præmissorum , vel partis eorum minimè teneri , aut ullo modo quacumque auctoritate compelli debere ; sed easdem , & in eis contenta quæcumque ab omnibus , ad quos spectat , & pro tempore quandocumque spectabit , inviolabiliter & inconcussè servari .

Sicque & non aliter in præmissis censi , atque ita per quoscumque Judices Ordinarios & Delegatos , etiam Causarum Palatii Apostolici Auditores , ac S. R. E. Cardinales , etiam de Latere Legatos , & Apostolicæ Sedis prædictæ Nuntios , aliosve quoslibet quacumque præminentia ac potestate fungentes & functuros , sublata eis , & eorum cuilibet aliter judicandi & interpretandi facultate , judicari , & definiri debere , ac irritum & inane , si secus super his a quoquam quavis auctoritate scienter vel ignoranter contigerit attentari .

Quocirca eisdem Ven. Fratribus nostris Thomæ Episcopo Ostiensi & Veliterno S. R. E. Cardinali Vice-Cancellario Ruso , & Annibali Episcopo Portuen. ejusdem S. R. E. Cardinali Camerario S. Clementis respectivè nuncupatis ; necnon dilecto Filio Magistro Flavio Chisio Causarum Curiæ Cameræ nostræ Apostolicæ Auditori Generali , eorumque pro tempore in Officiis hujusmodi Successoribus , per hæc Apostolica scripta mandamus , quatenus ipsi , vel duo , aut unus eorum , per se , vel alios , seu alium , auctoritate nostra prædictis Aulæ nostræ Consistorialis Advocatis , eorumque Collegio in præmissis omnibus & singulis , efficacis defensionis præsidio assistant , faciantque eos , & eorum singulos , quoties pro ipso- rum parte super hoc fuerint requisiti ; omnibus & singulis præfatis pacifice frui & gaudere , non permittentes eos , & eorum aliquem , per quos- cumque

cumque desuper quomodolibet indebitè molestari , inquietari , aut impedi-
diri . Contradictores quoslibet & rebelles cujuscumque status , gradus ,
ordinis , dignitatis , vel præminentiae fuerint , per Censuras Ecclesiasti-
cas , & pecuniarias poenas , aliaque opportuna juris & facti remedia ,
appellatione postposita compescendo .

Non obstantibus nostra & Cancellariæ Apostolicae regula de jure
quæsito non tollendo , necnon præmissis omnibus , aliisque Apostolicis ,
ac in Universalibus , Provincialibus , & Synodalibus Conciliis editis ge-
neralibus vel specialibus Constitutionibus & Ordinationibus ; necnon qui-
busvis Almæ Urbis nostræ Collegiorum quorumcumque , Tribunalium ,
Universitatum , necnon prædicti Advocatorum Consistorialium Collegii ,
& Gymnasii , etiam juramento , confirmatione Apostolica , vel quavis
firmitate alia roboratis statutis & consuetudinibus etiam immemorabili-
bus ; privilegiis quoque , exemptionibus , & Indultis etiam in corpore ju-
ris clausis , aut literis Apostolicis quibusvis personis & eisdem Urbi , nec
non dilectis Filiis Populo Romano , aliisque Civitatibus & locis , Col-
legiis quoque , Tribunalibus , Universitatibus , aliisque quibuslibet spe-
cifica & individua mentione dignis , etiam sub quibuscumque verborum
tenoribus & formis , ac cum quibusvis etiam clausulis & Decretis , etiam
irritantibus in genere , vel in specie , etiam motu simili , & de Apostoli-
cæ potestatis plenitudine , seu Consistorialiter , ac alias quomodolibet in
contrarium præmissorum concessis , ac pluries confirmatis , approbatis ,
& innovatis . Quibus omnibus & singulis , etiamsi pro illorum sufficienti
derogatione de illis , eorumque totis tenoribus specialis , specifica &
individua mentio , seu quavis alia expressio ad id servanda foret , illorum
tenores , formas , causas , & occasions præsentibus pro plenè , & suffi-
cienter expressis , & exactissimè servatis & specificatis respectivè haben-
tes , illis alias in suo robore permanuris , hac vice duntaxat , ad præmis-
sorum effectum plenissimè & amplissimè motu pari derogamus , & dero-
gatum esse volumus , ceterisque contrariis quibuscumque .

Volumus insuper , & eadem auctoritate prædicta mandamus , ipsas
præsentes , seu earum transumpta in locis solitis Almæ Urbis nostræ per
aliquem ex Cursoribus nostris , ut moris est , publicari , & affigi , sive
publicatas & affixas omnes & singulos , quos concernunt , seu concer-
nent in futurum , perinde afficere & arctare , ac si unicuique illorum per-
sonaliter intimatæ & notificatae suissent .

Utque earundem præsentium transumptis , seu exemplis etiam im-
pressis , manu alicujus Notarii publici subscriptis , ac sigillo Personæ in
Ecclesiastica Dignitate constitutæ munitis , eadem prorsus fides tam in ju-
dicio , quam extra illud ubique locorum habeatur , que ipsis præsenti-
bus haberetur , si forent exhibitæ vel ostensæ .

Nulli ergo omnino Hominum liceat paginam hanc nostrarum confir-
mationis , approbationis , innovationis , voluntatis , mandati , statuti ,

decreti, declarationis, ampliationis, & extensionis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, & beatorum Petri & Pauli Apostolorum ejus se noverit incursum.

Datum Romæ apud sanctam Mariam Majorem Anno Incarnationis Dominicæ millesimo septingentesimo quadragesimo quarto, quarto Kalendas Septembbris Pontificatus Nostri Anno Quinto.

D. Card. Passioneus.

J. Datarius.

V I S A
de Curia I. C. Boschi.

L. Eugenius.

Registrata in Secretaria Brevium.

E Vaticano redeundum modò est ad Quirinalem alterum Conventum in posterum diem a Cursoribus Pontificiis indictum: Tenor Admonitionis erat.

I N T I M A T I O

Per Curores facienda etiam Domi dimissâ copiâ.

Die 10. Junii Feria 6. hora decima tertia in enunciata Palatii Quirinalis Aula alterum erit Confistorium semipublicum pro futuris Canonizationis solemnibus beati Camilli de Lellis Confessoris Clericorum Regularium Ministrium Infirmis Fundatoris.

In suffragiis ferendis eadem servabitur Methodus, quæ pro non absimili Confistorio fuit jam alias prescripta.

Ideo intimentur omnes & singuli Eminentissimi & Reverendissimi DD. Cardinales, necnon Reverendissimi DD. Patriarchæ, Archiepiscopi, & Episcopi in Urbe præsentes, ac Domini Protonotarii Apostolici, duo Antiquiores Rotæ Auditores, Sacrorum Rituum Congregationis Secretarius, Promotor Fidei & Procurator Fiscalis Camerae Apostolicæ.

De Mandato Sanctissimi Domini Nostri Papæ.

Ignatius Reali Apost. Cærem. Præf.

Iisdem cæmoniis, quas nudius tertius significavimus, iisdem ferme Personis adstantibus, quæ adfuerant in superiori, hoc quoque Confistorium peractum est. Pontifex præfari ita cœpit.

V E N E-

VENERABILES FRATRES. Post causam beati Fidelis a Sigmaringa, quam Vobis in præcedenti Consistorio proposuimus, alteram beati Camilli de Lellis in hoc præsenti Consistorio Vobis exhibemus; & quemadmodum in causa beati Fidelis sacram antiquitatem, & hujus sanctæ Sedis disciplinam ante oculos habuimus, ita profectò mentem eandem idemque Institutum in proponenda causa beati Camilli hodierna die retinemus. Equidem inter Martyres ipse non recensetur, sed inter Confessores, eo quod præclarissimis sanè virtutibus, ac meritis exornatus ex hac mortali vita in Cœlum migraverit, naturali tamen mortis genere; neque in odium christianæ Religionis imperfectus vitam amiserit. Quamvis autem Confessorum cultus post Martyrum cultum inductus fuerit, tamen illum pariter antiquum esse, minimè est dubitandum; cum ex seculo quarto hujus rei monumenta certissima suppetant, etiamsi illorum sententiam sequamur, qui sacram antiquitatem magis accurate diligenterque perscrutantur. Hanc opinionem Nos amplexi sumus in Commentariis nostris DE CANONIZATIONE SANCTORUM, omittentes eam disputationem, quæ viros eruditos in duas partes dividit, utrum cultus sancti Hilarii Pictaviensis, an sancti Martini Turonensis Confessorum antiquior in Ecclesia dicendus videatur.

Hæc quoad sacram antiquitatem: Verum quoad hujus sanctæ Sedis disciplinam, nemo ignorat,

Mona-

Monachos primos fuisse , qui consilia Evangelica sibi penitus imitanda proposuerint , deinde Mendicantium Ordines hanc viam ingressos esse , ac postremò eos cœtus , qui Clerici Regulares appellantur . Illud etiam cognitum est omnibus perspectumque , Sedem hanc Apostolicam semper proclivem fuisse , ut inter Sanctos referret Ordinum Regularium Fundatores , si illi virtutibus heroicis gloriaque miraculorum post obitum , uti necessariò requiritur , maximè excelluerint ; non una tamen semper eademque ratione , cum antiquiores ritu antiquiori , tacito videlicet Summorum Pontificum assensu , ceteri recentiori ritu , expresso videlicet assensu , immo prolata a Summis Pontificibus definitiva sententia , fuerint Sanctorum Fastis adscripti , juxta duplarem canonizandi modum , de quo in recensitis nostris Commentariis luculenter egimus , epochas temporum statuendo , quod an feliciter fuerimus asecuti , aliorum esto judicium .

Porro juxta primum Canonizationis morem , cultum publicum in Ecclesia universali obtinuerunt Paulus , Antonius , Basilius cœtuum Monachorum Fundatores in Oriente , Augustinus , Benedictus , Columbanus eorumdem cœtuum Monachorum Fundatores in Occidente ; juxtaque secundum Canonizationis morem , ceteri Ordinum Regularium Institutores Canonizationis honorem sunt asecuti , ut ex Tabulis Ecclesiasticis & monumentis , quæ in Vaticanis Tabulariis asservantur , & a Nobis saepe perlecta sunt , planè desumitur .

Alexander etenim III. solemni ritu Sanctorum numero adscripsit Bernardum Fundatorem , ac Parentem totius Familiæ Monachorum Clarævallen-sium ; Clemens III. Stephanum Fundatorem Ordinis Grandimontensis in Aquitania ; Cœlestinus III. Joannem Gualbertum Institutorem Congregationis Vallisombrosæ , ac Giraldum Parentem Monacho-rum Sylvæ majoris in Gallia Aquitanica ; Grego-rius IX. Franciscum Assisiatem , & Dominicum , quorum primus Fratres Minores , alter verò Fratrum Prædicatorum Ordinem instituerunt ; Clemens V. inter Sanctos adnumeravit Cœlestinum V. Congre-gationis Cœlestinæ Fundatorem ; Leo X. Franci-scum de Paula Parentem Fratrum Minimorum ; Gregorius XV. Philippum Nerium , ac Ignatium de Loyola , quorum primus Presbyteros Oratorii nun-cupatos , alter Societatem Jesu constituerunt . Po-stremò Clemens X. Catalogo Sanctorum addidit Nomen Cajetani Ordinis Regularis Theatinorum Fundatoris ; Alexander VIII. nomen Joannis de Deo , qui Fratres servientes pauperibus infirmis in suis Nosocomiis instituit ; Clemens XII. nomen Vin-centii de Paulis Fundatoris Sacerdotum , qui sacris Missionibus addicuntur .

Cum hæc ita sint , hodie proponitur Vobis bea-tus Camillus de Lellis Clericorum Ministrantium Infirmis Parens atque Institutor . Vobis exhibita fuit ante oculos series ipsius vitæ , corporis cruciatus , continuum virtutum summè præstantium exercitium , & cœtus Regularis non solum Institutio , sed etiam

propagatio in varias Orbis terræ partes cum maxima Fidelium spirituali ac temporali utilitate , postremò descripta perpendistis miracula , quæ Deus ob illius intercessionem ac nomen patravit . Quamobrem sententias vestras expectamus , utrum solemnis beatii Camilli Canonizatio decernenda videatur , ejusque nomen inter Sanctos coetuum Regularium Fundatores publico consuetoque ritu sit adscribendum .

Cardinales , Patriarchæ , Archiepiscopi & Episcopi hoc ordine Canonizationi B. Camilli suffragantes ejus sic merita extulere .

PETRVS Aloysius Episcopus Albanensis Cardinalis Carafa.

BEATUS Camillus de Lellis Christi Domini , tum præcepta , tum consilia secutus ad tam heroicam sublimitatem pervenit , ut dum Se suosque Asseclas ad ministrandum Infirmis in extremo laborantibus devovit , non humanam solum , sed planè Angelicam excellentiam , videatur attigisse ; ait enim Apostolus de Angelis loquens ^a : *Omnes sunt Administratorii spiritus propter eos missi , qui hæreditatem capiunt salutis ; non videtur quippe opus hominum , sed Angelorum , ministrum agere alienæ salutis , Infirmosque in extremis periculis constitutos , juvare ad eam hæreditatem capessendam , a qua deturbari facilè possent ab eo Adversario , qui semper ^b circuit quærens quem devoret , & cui jubemur resistere fortes in fide .* Angelicarum igitur virtutum præstantiam , Cœlo per miracula plaudente , adeptus beatus Camillus ex ministerio Infirmis præstito , jure quodammodo suo exposcit , ut Angelorum Civis & socius Ecclesiæ judicio declaretur .

*FRANCISCUS Tit. S. Mariæ Translyberim Presbyter
Cardinalis Burghefius.*

QUAM tanti intersit , quanti Tu BEATISSIME PATER pro incredibili sapientia tua probè nosti , catholicæ Religionis viros eos , qui vitæ sanctitate , & optimis Institutis de re christiana præclarè sunt meriti , in Divos referre ; non equidem video , quid esse causæ amplius possit , quamobrem non eum honorem , PATER BEATISSIME , nunc tandem attribuas nostro Camillo de Lellis . Quàm benè hic meritus sit de Ecclesia tum rebus aliis , tum longè maximè præcipuâ illâ , qua ipse fuit , suosque discipulos

^a Epist. ad Hebr. cap. 1. v. 14. ^b I. Petri cap. 5. v. 8. & 9.

pulos esse jussit benignitate atque assiduitate in ægrotos homines , norunt sanè omnes; ut mirum non sit , meam adhuc sententiam cum judicio sententiisque aliorum congruere , qui universi Camillum ipsum hoc honore dignissimum censem .

*ANTONIUS XAVERIUS Tit. S. Stephani in Monte Cœlio
Presbyter Cardinalis Gentili .*

Effudit divitias suas charitas Dei in beatum Camillum Ordinis Ministrantium Infirmis Institutorem ; ideo divino igne succensus factus est spectaculum mundo , Angelis & hominibus ; Mundo quidem cuius illecebras post poenitentiam reliquit , sprevit , despexit ; Angelis quorum vigilem curam , & assiduum ministerium in animarum salute procuranda anxia animi sollicitudine est imitatus ; Hominibus demum , quos docuit , & docet adhuc per Alumnos suos inter extremas corporis angustias , superatis infernalis hostis insidiis , pretiosam in Domino mortem obire . Beato itaque Dei Servo tot virtutibus illustri , & adeo de christiana Republica benemerito , communis omnium plausu SANCTITAS VESTRA publicos solemnesque honores decernet .

*Fr. JOANNES ANTONIUS Tit. SS. Silvestri & Martini ad Montes
Presbyter Cardinalis Guadagni .*

QUamquam supernis Servorum Dei charismatibus exornetur Ecclesia , & ædificetur ex lapide pretioso omnis circuitus muri ejus, beati tamen Camilli de Lellis Clericorum Ministrantium Infirmis Fundatoris eo splendidius sanctitate decoratur , quo ceteris præluxit ut norma virtutum . Deo siquidem afflante de laxiori perditionis via ad arctam salutis semitam revocatus , tam ardenter esurivit & fitivit justitiam , ut per reliquum vitæ cursum , de proximorum salute sollicitus in adjuvandis potissimum ægrotis in extremis vitæ periodis constitutis , Apostolici viri rationem retinuerit , ac per ardenter in Deum & Proximum charitatem Evangelicæ legis plenitudinem impleverit . Reliquum igitur est , ut beatum Camillum de Lellis virtutum meritis cumulatum , ac miraculis a Deo post indultam eidem Beatificationem illustratum SANCTITAS VESTRA Vicariam Christi in terris gerens potestatem Sanctorum Fastis adscribat ; habentque ejus Alumni Infirmis ministraturi in hoc pietatis officio splendidius virtutum exemplar , ac Fideles in extremo agone certantes efficacius in Cœlo præsidium .

TROJANUS Tit. S. Cæciliæ Presbyter Cardinalis de Acquaviva.

Cum Te jubente BEATISSIME PATER ad trutinam vocata maturoque judicio perpensa fuerint miracula, quæ Auctor bonorum omnium Deus, verè mirabilis in servis suis, ad sanctitatem beati Camilli de Lellis illustrandam patravit; duoque jam plenis suffragiis sint probata: Instantaneæ scilicet sanationes Luciae Theresiæ Petti, & Margaritæ Castelli, quæ incurabili prorsus morbo laborantes in ultimo vitæ discrimine versabantur: Quid aliud remanet, nisi illum juxta sapientissimum SANCTITATIS VESTRÆ Decretum in numero Sanctorum describere? Quod ut fiat enixè precamur; & ita fieri absque ulla hæsitatione sentimus.

DOMINICUS Tit. SS. XII. Apostolorum Presbyter Cardinalis Riviera.

Admirabilis planè fuit BEATISSIME PATER, vita beati Camilli de Lellis, qui pluries humana infirmitate in sinistram deflectens, pluries manifesto Dei dígito fuit revocatus in dexteram, donec per virtutum omnium gradus, præcipue verò ardentissimæ erga Deum atque homines charitatis, ascensiones in corde suo disponens, Ordinis adeo de christiana Republica benemerentis fuerit Institutior & Auctor.

Porro a Deo, qui magnificus est in sanctitate, eo impetrante, tot signa in dies ac prodigia eduntur, ut meo quidem judicio minimè sit dubitandum, quin Ei SANCTITAS VESTRA supremos in terris honores Apostolica Auctoritate decernat.

JOANNES BAPTISTA Tit. S. Mariae Angelorum Presbyter Cardinalis Spinula.

BEATISSIME PATER. Mirabilis Deus in iis, quos eligit sibi ad gloriam sui nominis amplificandam, Proximique tum animæ, tum corporis curandam salutem, excelsæ dexteræ suæ mutatione fecit virtutem in B. Camillo de Lellis. Is licet prius Adolescens errasset in invio ad tantam nihilominus heroicarum virtutum amplitudinem præordinatus fuit, ut nova Ecclesiam prole fœcundaverit, a qua erga Proximum a nemine antea ex tot sacerorum Ordinum Institutoribus excogitatum extremæ charitatis officium opusque exercetur. Sicuti itaque in hujusmodi insigni virtute Deus ipse legis suæ basim totumque fundamentum constituit: nil mirum, quod illa omnium aliarum heroicarum virtutum genera B. Camillo contulerit, quibus vivens emicuit, ut tamquam lumen in Candelabro positum ceteris luceret. Præstantissimum propterea omnibus dedit exemplum, præsertim verò cum vix Ordine instituto, grassante peste se ipsum Deo, suosque Alumnos pro publica salute devoveret. Äquum porro est,

ut a

ut a SANCTITATE VESTRA inter Cœlites adnumeretur , quorum conso rtio jam gaudet .

RAYNERIUS Tit. S. Sabinæ Presbyter Cardinalis de Ilcio .

Quod in corporum curatione ad cœleste prodigium refertur , cum hæc in instanti contingat , potiori jure de animarum instantanea sanatione asserendum videtur . Hujusmodi Divinæ misericordiæ prodigium expertus est beatus Camillus de Lellis , qui inopinata & extraordi naria de Cœlo luce perfusus de repente in novum hominem mutatus de Belial ad Christum transitum fecit . Ut autem anteactæ vitæ crimina pleniū expiarer , asperrium Capuccinorum Institutum amplexus est , sed cum ob valetudinis imbecillitatem in eo permanere non posset , molestissi mo & pleno laboris Infirorum servitio se addixit , in quo maxima charitatis , humilitatis & patientiæ præstigit argumenta , quæ magis ac magis patescēta fuere in dirissimis illorum temporum calamitatibus , quibus Roma afflictabatur .

Eandem in obeundis perfectissimæ charitatis muneribus sanctissimè objit , tot ejusdem charitatis hæredes relinquendo , quot instituta ab eo Religio de christiana Republica optimè emerita Sacerdotes & Alumnos enumerat .

Cum autem Beati hujus sanctitatem Deus ipse , qui est mirabilis in Sanctis suis , innumeris post mortem signis comprobaverit , ut planè testatur frequentissimus ad ejus Aras concursus , sapientissimo Sacrae Generalis Rituum Congregationis judicio , quæ tutò ad ejus Canonizati onem procedi posse judicavit , libenti animo adhæreo .

DOMINICVS Tit. S. Bernardi Presbyter Cardinalis Passioneus .

Gloriosa filia Regis Ecclesia , scilicet sponsa Christi , exhibetur nobis in Psalmo Prophetico *Circumdata varietate* , eximiis nempe maximisque virtutibus undequique ornata atque præcincta . Ne quid verò deesset ad tantæ pulchritudinis dignitatem & speciem , inventus est Camillus de Lellis , qui divino ductus consilio , post tot exhibita ab aliis per omnem ætatem Ecclesiæ & Proximo christianæ charitatis officia , cum animadvertisset Messem multam & Operarios paucos , aptissimum , quem superesse viderat , modum adhibuit , quo in ultimo agone Certantibus fa ciles aditus ad æternitatem pateret , instituta ad hoc tam arduum & tam salutare opus Societate , quæ dante Domino incrementum longè latèque fuit propagata . Cum igitur præcipui sacrarum Familiarum Insti tutores a Prædecessoribus tuis in Sanctorum Albo relati sint , æquum est , BEATISSIME PATER , ut auctoritate & doctrina , qua ceteris antecellis , Vi

ro adeo insigni & de æterna animarum salute tam benè promerito , idem deferatur honor , ac eodem amplissimo & immortali præmio donetur .

*Fr. JOACHIMUS Tit. SS. Quatuor Coronatorum
Presbyter Cardinalis Portocarrero .*

INTER sanctos Viros , qui nova militantem Ecclesiam prole amplificaverunt , meritò locum BEATISSIME PATER petitur beato Camillo de Lellis esse adscribendum . Habet enim ille testimonium in bonis & magnis operibus , ejusque miserationes ascenderunt ante conspectum Domini . Ab errore namque viæ suæ in libertatem vocatus Filiorum Dei , magnas virtutes operatus est , & prodigium factus est multis . Ignorantiam verò anteactæ vitæ , ac maculas tanta dilectione operuit & emendavit , ut alterum vas electionis fieri promeruerit . Cumque vera charitas nunquam excidat , Ordinem Religiosorum hominum instituit , in quo perenne illius in Deum immensæ & Proximum charitatis eluceret testimonium . Supereft igitur , ut heroicam tanti Viri sanctitatem per signa & prodigia a Cœlo comprobatam , ampliori excolendam cultu universæ SANCTITAS VESTRA enunciet Ecclesiæ .

CAMILLUS Tit. SS. Joannis & Pauli Presbyter Cardinalis Paulutius .

AD solemnem beati Camilli de Lellis Canonizationem esse procedendum BEATISSIME PATER , humillimè censeo . Hanc enim exposcit heroicitas illa , qua cum primum ipse cœlesti quadam luce fuit circumfusus , Paulo simillimus veterem statim exuens , novumque indutus hominem , christianarum virtutum exercitio continuò jugiterque vacavit : Ad hanc impellunt miracula ab Altissimo ipsius intercessione patrata .

Eximia verò , quæ singillatim recenseri possent de ejusdem virtutibus , & de æstuanti præsertim in Deum & Proximum charitate arguimenta clarè satis eluent in fundatione novæ Religionis , qua spirituali Morientium incolumentati consulere studuit ; quæque faciliorem profectò semitam sternit , ut ille qui vitæ sanctitatem Populorum utilitati conjunxit , Sanctorum Fastis adscribatur .

CAROLUS ALBERTUS Tit. S. Mariae de Pace Presbyter Cardinalis Guidobonus Cavalchini .

BEATISSIME PATER . Miserator & omnipotens Deus , qui patienter agens non vult aliquos perire , sed omnes ad poenitentiam reverti , magnificavit profectò misericordiam suam in B. Camillo de Lellis . Facta scilicet in eo mutatione dexteræ Excelsi nihil illi sœvum , nihil immane vi sum est , quod pro Dei gloria sustineret , pro salute hominum operaretur

tur. Præstat igitur BEATISSIME PATER, eximum hunc Virum solenniori, qua licet, pompa Sanctum & Electum Dei in Ecclesia declarare, ut ii præsertim, quos Camillus in arduo Infirmorum ministerio sollicitudinis suæ hæredes voluit, impensius quotidie fervidam ejus charitatem æmulari non desinant^a: *Armantur enim filiorum animi, dum Patrum recensentur triumphi.*

FRIDERICUS Tit. S. Pancratii Presbyter Cardinalis Lantes.

INfirmi accincti sunt robore, siquidem B. Camillus, qui dum viveret^b firmus imbecillitates infirmorum sustinuit, quiue etiam hodie per suos Alumnos, ipso videlicet e Cœlis auspice, haud cessat levamento eis esse ac solatio, inter Sanctos solemniori ritu est referendus. Id censeo jure optimo factum, si facis BEATISSIME PATER, ac more institutoque majorum: *Quandoquidem id non flagitat modò testata miraculis beati Viri sanctitas, judicio etiam eoque gravissimo Philippi Nerii, quem honoris causa nomino, comprobata; sed in primis postulant insignia ipsius, quæ nobis reliquit monumenta virtutum.*

FRANCISCUS Tit. S. Marie de Populo Presbyter Cardinalis Riccius.

BEATISSIME PATER. Quo tempore B. Camillus de Lellis militaribus stipendiis vacabat, coelesti lumine mirabiliter illustratus, anteactæ vitæ libertatem & secularia desideria illico abhorrens, non propriæ tantum sed Proximorum salutis, & præcipue ægrotorum in extremo vitæ discrimine laborantium summopere sollicitus, nihil intentatum resiquit, quod eorum spirituali auxilio opportunum esse crediderit. Opus verò tam pium & laudabile noluit angustissimo suæ vitæ curriculo circumscribi, sed posteritatis bono consulens, novam Familiam instituit ad ejusdem operis firmitatem & complementum, quam sanè noltris oculis conspicimus totis viribus æmulantem virtutes omnes emeritissimi Fundatoris, cuius amplissima merita miraculorum testimonio pluries comprobata, jure optimo postulant, ut ejus præclarissimum nomen SANCTITATIS VESTRÆ Oraculo Sanctorum Albo adscribatur.

ANTONIUS Tit. S. Silvestri in Capite Presbyter Cardinalis Rufus.

AQUITATI consentaneum est BEATISSIME PATER, ut qui pro gloria Dei & Proximorum utilitate in agro militantis Ecclesiæ laboravit, uberrimosque fructus collegit, mercedem recipiat. Sanè si Apostolus pro bono certamine exortato & cursu consummato coronam iustitiae sibi a justo Judice præparatam expectabat exoptabatque: Cum B. Camillus de

^a *S. Eucher. Lugdunen. in homil. de SS. Petr. & Paul.* ^b *Paul. ad Rom. cap. 15.*

lus de Lellis pariter bonum certainen certaverit, cursumque feliciter consummaverit, a Te PATRE BEATISSIMO justo Judice Christi in terris Vicario, Canonizationis coronam expectat.

Quanta enim verò & qualia Beatus iste cumulaverit merita, ut hujuscemodi consequeretur coronam, ex iis quæ hujusce sanctæ Sedis iudicio comprobata extant, luculentissimè constat; de profunda videlicet humilitate, de invicta fortitudine, de ardenti in Deum & Proximum charitate. Novit olim Roma, novit Janua, Mediolanum, Buclanicum item & Neapolis neverunt, quanta flagrantis charitatis dederit argumenta, ut Proximum a peste cum animæ, tum corporis vindicatum cerneret.

Quare sicut non abs re existimaverim beatum hunc Virum id martyrii genus, quod propriè Confessorum est, plenè consummasse, de quo præclarè loquitur sanctus Bernardus: *Horrore quidem mitius, sed diuturnitate molestius*; ita spes omnium effulget, ut SANCTITAS TUA eo, quo polles, superno lumine ad sacras Aras admoveas, ad Fidelium incitamentum & ad S. R. E. præsidium.

D. FORTUNATUS Tit. S. Matthæi in Merulana
Presbyter Cardinalis Tamburinus.

AB eo, quem malè instituerat, vitæ cursu divina ope revocatus Camillus de Lellis, induit novum hominem, qui secundum Deum creatus est in justitia & sanctitate veritatis (*ad Ephes. 4.*) Cujus quidem justitiæ veræque sanctitatis Camilli luculentissima argumenta fuerunt virtutes, quibus excelluit, sed præ ceteris ardens amor in Proximos. Quo amore ad æternam eorum salutem procurandam, dum in supremo vitæ discrimine versantur, adeo exarsit, ut Ordinem Religiosorum hominum instituerit p̄fissimo huic operi præsertim addictum. Quo factō maximum sanè Fidelium animis ad salutem impetrandam adjumentum attulit, totamque sibi Camillus devinxit Ecclesiam; quæ proinde jure abs Te petit BEATISSIME PATER, ut honores sanctis Viris debitos in eum conferendos existimes, ejusque memoriam piè semper & sanctè recolendam decernas.

D. JOACHIMUS Tit. S. Crucis in Ierusalem
Presbyter Cardinalis Besutius.

BEATUM Camillum de Lellis, qui se cœtumque suum publicæ saluti devovit: illaque heroicâ charitate, qua majorem nemo habuit, ut animam suam poneret pro Fratribus suis donatum: cuius sanctitatem gravissima sancti Philippi Nerii auctoritas comprobavit: virtutes in gradu heroico & miracula, post mortem quoque, legitimè constant: inter Santos meo quoque suffragio jure annumerandum decerno, quodque suo Decre-

Decreto SANCTITAS VESTRA hoc ipsum Ecclesiæ toti pronuntiet , demissè humiliterque exoro .

CAROLUS S. Mariae in Via lata Diaconus Cardinalis Marinus.

Cum (Deo ipso testante) majorem nemo habeat charitatem , quām qui suam animam pro amicis suis ponere non recuset : Quantò excellentior illa erit , qua beatus Camillus de Lellis , non se ipsum tantum pro omnibus Nosocomiorum Infirmis , quocumque etiam tabido & diffusivo morbo laborantibus , assiduo ejus vitæ discrimine in hostiam Deo placentem exhibuit .

Sed meritissimum etiam Religiosorum Ordinem , ad hoc idem præcisè munus instituit , ut ad quoscumque privatarum quoque domuum ægrotantes , in mortis agone positos , adjuvandos , & in hoc omnium maximo æterni mali discrimine in salutis viam dirigendos , die noctuque per pluvias , frigora & æstus , (quocumque posthabito vitæ periculo) statim occurrerent , & per hoc perpetuum de se Proximo sacrificium renovarent .

Cum verò hunc eximium charitatis apicem , non modò insigni prodigio , Christi Domini effigies , sermone a se promanante illustraverit : Verùm etiam inaudito prorsus exemplo tot crebris , aliis insignibusque miraculis , intra solum modicum quatuor annorum spatium , a die privati cultus ab eo obtenti patratis ; binisque ex illis rite approbatis : Manifestius idem Dominus se modò velle explicaverit , ut quemadmodum hic Beatus totius Orbis saluti prospexit ; ita ipse pariter in omnibus Orbis plagis solemnioris ritus glorificatione claresceret .

Hanc adeo perspicuam SANCTITAS VESTRA vocem Domini non audiret , si nunc hujusmodi meritissimam illius triumphi ampliationem diutius differre vellet .

ALEXANDER S. Mariae ad Martyres Diaconus Cardinalis Albanus.

Divino sanè consilio factum puto , quod SANCTITAS VESTRA ad militantis Ecclesiæ præsidium & triumphantis ornamentum , B. Camillum Sanctorum Fattis meditetur adscribere . Direxit eum siquidem Dominus in vias rectas , ipsoque Jesu hortante , & S. Philippi Nerii usus consilio , aggressum iter alacriter prosequens , ut omnes Christo lucrifaceret , egenis opem , viduis auxilium , tutelam pupillis , peregrinis hospitium , ægrotis , quorum præcipua ei fuit cura , assiduum præstitit ministerium . Quin & Ordinis , cuius ipse Auctor fuit , Religiosos assecelas Infirmorum Ministros esse voluit , qui promptum corporibus levamen & cœlestem animis afferrent medelam . Quare unum hoc supereft , ut nempe piis fideliū votis indulgens SANCTITAS VESTRA , solemnes publici cultus honores illi decernat .

EN

NERIUS S. Eustachii Diaconus Cardinalis Corsinus.

Tanta fuit charitas, quæ miris modis diffusa est in corde B. Camilli de Lellis, primum erga Deum, deinde erga Proximos, & præcipue Infirmos, etiam pestilenti morbo laborantes, ut ne ea unquam excideret, Religionem instituerit, quæ perpetuò iis usque ad extremum vitæ præsto foret; ex illa autem charitatis radice, quum omnium etiam virtutum propagines emanaverint, jure ac merito BEATISSIME PATER, ipsum in Sanctorum cœtum cooptandum putarem.

AGAPITUS S. Agathæ Gothorum Diaconus Cardinalis Mosca.

Vidit Granatense Xenodochium Joannem de Deo impavidum inter flammas incidentem, ut ægrotantes e flammis eriperet; & inde sensit christianus Orbis segniorem in eum fuisse ignem, qui foris usserat, quam qui intus accenderat. Vidit quoque Xenodochium sancti Spiritus Urbis Camillum de Lellis per tres dies impavidum in aquas, ulceroso etiam crure proslidentem, ut Infirmos eorumque grabatos a succrescentibus tiberinis undis ad tutiora loca, humeros supponendo transvehiceret; & inde christianus Orbis intellexit, aquas multas non potuisse extinguere charitatem ipsius. Charitas igitur qua in Deum atque in Proximum & corporis & animæ in procuranda omni studio salute flagravit Camillus, reliquarum præterea virtutum fastigium, ad quod vitam agens consendit; Signorum denuque splendor, quo ad hanc usque æstatem coruscat, postulant BEATISSIME PATER, ut eundem in Sanctorum Albo recenseas.

*CAROLUS MARIA S. Mariae in Porticu Diaconus
Cardinalis Sacripantes.*

In beato Camillo de Lellis admirabilis certè fuit, BEATISSIME PATER dextera Excelsi, quæ post tenebras ejus tantum lumen suæ gratiæ in eo coruscare dignata est, ut vir electus a Deo inextinguibili æstuans charitatis ardore totum Orbem & hanc Urbem præ ceteris accenderit, ac mirabiliter illustraverit, omnibus omnia factus & animis corporibusque sanandis fidelis Servus ab ipso Domino constitutus. Igitur quia multa bona operatus est, dignus mihi sanè videtur, ut consequatur etiam in terris coronam gloriæ, quam ipsi reddidit justus Judex in Cœlis.

MARIUS SS. Cosmæ & Damiani Diaconus Cardinalis Bolognettus.

Diu latuit sacrificiorum ignis, & fatiscentibus annis jam in aquam crastinam abierat. Verùm ubi ^a tempus affuit, quo Sol refulsit, qui prius erat in nubilo, accensus est ignis magnus, ita ut omnes mirarentur. Diu quoque latuit Camillus de Lellis. Verùm ubi tempus affuit, quo in bonum Ecclesiæ omen supremam Petri Cathedram BEATISSIME PATER conscendiisti, Camillus, qui prius videbatur in nubilo, protinus heroicarum virtutum memoria atque probatione refloruit, signorumque claritate refulsit. Tibi ergo uni BEATISSIME PATER, qui pro Sanctorum Causis agendis, tot translegisti vigilias, tot impendisti labores, Camilli Causam Divino penè consilio reservatam fuisse intelligimus, ut nimirum eam ^b ad perfectionem Sanctificationis Suæ ex postulantibus omnium votis perducere dignareris.

PROSPER S. Georgii Diaconus Cardinalis Columna de Sciarra.

Miracula, quæ ad invocationem B. Camilli patrata temporibus nostris penè vidimus, atque audivimus, habent, teste Augustino Tract. 24. in Joannem, lingnam suam & quamdam Dei eloquentiam præferunt; ideoque certam reddunt SANCTITATEM VESTRAM, Deum velle, ut in Ecclesia militanti colatur B. Camillus, de cuius solemnni sanctificatione agitur in præsentiarum, quæ si modo infallibili SANCTITATIS VESTRÆ judicio decernatur, gloriabuntur Fideles imitari illum, quem veluti Heroem in virtutibus, & præcipue in charitate in Proximum admirati sunt, quemque solemnni voto obstrictum Infirmis, & præsertim pestifero morbo afflictis inserviendi, labores plurimos pro Proximorum salute suscepisse, præsentissima mortis pericula adivisse, palam omnibus factum est illo genere probationum, cui fidem detrahere piaculum reputatur.

ALEXANDER S. Mariae in Aquiro Diaconus Cardinalis Tanarius.

BEATISSIME PATER. Beatus Camillus de Lellis, ut in rectam mandatorum Dei semitam, a qua deflexerat constantissimè ambularet, luce de Cœlo facta, in admirabilem perfectumque misericordiarum virum mutatus est. Quantâ verò deinceps singularis vitæ sanctimoniam claruerit, & quam luculenta immensa charitatis in Proximos & ardentissimi amoris in Deum dederit testimonia: Tum ea, quæ hac in Urbe, alibique locorum pestilentia præsertim grassante, hominesque absumente ipse perfecit: Tum ea, quæ a Sociis novâ etiam pro æterna ægrotantium salute, Religiosorum hominum Congregatione institutâ perficienda curavit, manifestissimè ostendunt. Quamobrem cum omnia diligenter peracta sint,

I i

quæ

^a Lib. 2. Machab. 1. ^b Numer. cap. 6. vers. 21.

quæ ad illius Canonizationem ab hac sancta Sede postulantur ; nihil aliud superesse video , quām ut Eum veracissimo tandem SANCTITATIS TUÆ Oraculo Sanctorum Fastis adscriptum veneremur .

HIERONYMVS S. Adriani Diaconus Cardinalis de Bardis.

IN primo quidem ætatis cursu B. Camillus de Lellis de via mandatorum deflexerat ; sed satis in tempore^a misericordiam suam Deus super illum effudit , ^b ut anteactæ vitæ annos in amaritudine animæ recogitaret ; jam inde autem tantos in heroicis virtutibus progressus fecit , ut ^c veteri hominæ secundum pristinam conversationem deposito , novum planè in justitia & sanctitate veritatis indueret .

Ex qua quidem ^d dexteræ Excelsi mutatione , cum multos cepit Ecclesia fructus , hunc in primis , quod eo authore Ordo Clericorum Ministrantium Infirmis extiterit . Ad eam ille rem sanctissimi Philippi Nerii Confessarii sui consiliis usus plurimùm , immo & Christi Domini ipsius^e , facie ad faciem loquentis voce excitatus , subsidiarias quasi copias Religiosorum suffecit , qui ad assequendam coronam gloriæ Fidelibus ceteris in extremo vitæ certamine periclitantibus præsto essent . Quæ quidem præclara facinora cum & Apostolicæ istius sanctæ Sedis judicio & clarissimis de Cœlo signis comprobata jam fuerint , ut beatum hunc Virum non solum de militante Ecclesia , sed etiam de triumphante optimè meritum inter sanctos illos Cives Jerusalem cœlestis adscribat , a SANCTITATE VESTRA precibus omnibus oro atque obsecro .

DOMINICUS SS. Viti & Modesti Diaconus Cardinalis Ursinus.

BEATISSIME PATER . Præclaro cœlestis gratiæ lumine Camillus velut alter Saulus in itinere percussus , ex vase iræ in vas electionis commutatus est , & ad virtutes omnes heroicè excitatus , ardentissimo præsertim flagravit amore in Deum & Proximum suum , ad cuius perennem perpetuamque utilitatem divino planè consilio Clericos Regulares Infirmis ministrantes instituit : Quām charus Hominibus , Angelis ipsis admirabilis , & dilectus Deo fuerit Camillus , innumera ferme prodigia ab ipso patrata plenissimè obtestantur : Quare meritò inter Cœlites numerandus est ad gloriam triumphantis Ecclesiæ militantisque præsidium .

MUNDILLVS Ursinus Patriarcha Constantinopolitanus Assistens.

BEATISSIME PATER . Innumeræ easque omnes heroicas beati Camilli virtutes , quibus Regnum Dei possidere meruit , libenter præteribo . Illud tantum dicam ; neminem fortasse reperiri posse , qui cum venerit Filius

^a Eccles. 18. ^b Isa. 38. ^c Ephes. 4. ^d Psal. 76. ^e Exod. 33.

Filius hominis in sede maiestatis suæ , verba illa potiori jure auditur us sit : *Venite Benedicti Patris mei, possidete paratum vobis Regnum a constitutione Mundi ; esurivi enim & dedistis mihi manducare ; siti vi & dedistis mihi bibere ; hospes eram & collegistis me ; nudus & cooperiuitis me ; Infirmus & visitastis me :* Ejus enim vita in hoc potissimum versata est , ut Fratribus Domini hæc universa præstaret , atque adeo Domino ipsi præstítisse sit meritò existimandus . Quare maximè congruum est , ut supremi Judicis sententia , qua beatus Camillus inter Electos extrema die advocabitur , SANCTITAS VESTRA quæ Judicis ejusdem vices meritissimè gerit , sententia sua præire ; atque ut ita dicam , præludere jam nunc constituat .

ANTONIUS MARIA Pallavicini Patriarcha Antiochenus Assistens .

Beatus Camillus de Lellis in Nosocomiis sancti Spiritus , & sancti Jacobi Incurabilium insignia præbuit ardentissimæ in Deum & Proximum charitatis exempla : Et ne unquam usque ad consumationem seculi deficerent , Congregationem instituit , quæ assiduò ministrans Infirmis illum quodammodo redivivum , imino in p̄fissimis Filiis multiplicem redideret . Additis insuper reliquis ejusdem virtutibus a Deo Opt. Max. plurimis signis comprobatis , censerem tutissimè posse SANCTITATEM VESTRAM beatum Camillum sanctorum Confessorum non Pontificum Albo adscribere .

THOMAS Cervini Patriarcha Hierosolymitanus Assistens .

Quoniam Jacobi sententia hæc est : *Qui converti fecerit fratrem suum , salvabit Animam ejus ; ad eximum heroicæ dilectionis splendorem pervenisse dicendus est beatus Camillus de Lellis , qui tanta exarsit in Proximum charitate , ut se suosque Infirmorum ministerio perpetuò dicaret , ad æternam eorumdem salutem , ubi major urget necessitas , spiritualibus subsidiis procurandam .*

Hæc autem & alia excelsa beati Camilli merita insignibus miraculis comprobata eumdem Sanctorum gloriâ dignissimum probant .

الله عاصي الاعداد

لابحث عن معرفة الاعداد التي تخدمها في معرفة اعداد
عدها / ولهم الجميع دلائلها في اعداد الاعداد . دلائل
في اعداد فراغات من اعدادها في اعدادها . فدلائلها في اعداد
هي دلائل في اعدادها في اعدادها في اعدادها في اعدادها
الاعداد . دلائلها في اعدادها في اعدادها في اعدادها في اعدادها
هي دلائلها في اعدادها في اعدادها في اعدادها في اعدادها
ادلة اعدادها في اعدادها في اعدادها في اعدادها في اعدادها
الاعداد . الجميع يخدمون اعدادها في اعدادها في اعدادها في اعدادها

دليلاً .

Ejusdem Versio latina .

GABRIEL Eva Syrus Maronita Archiepiscopus Cypri Affitens ,

Quoniam ad stabiliendam Ecclesiae catholicæ auctoritatem maximè
conducit eorum , qui in ejusdem gremio vixerunt sanctimonia , mo-
dò certis documentis eadem constiterit . Certus existimo SANCTITATIS
VESTRAE rationibus etiam atque etiam consentaneum esse , beatum Camil-
lum de Lellis in Sanctorum Album referre , cuius spectata virtus cum vi-
veret , & miraculorum gloria postquam in Cœlum abxit , si SANCTI-
TATIS VESTRAE auctoritate declaratæ fuerint , iniqua de nostra Ecclesia lo-
quentium ora certè obstruantur , & optimæ hujus Matris Filii in Domino
lætentur , quorum communicata mecum vota dum hic expono , SANCTI-
TATEM VESTRAM ut iis annuat , humillimis precibus exoro .

ALEXANDER Borgia Archiepiscopus Firmanus Affitens .

BEATISSIME PATER . Camillum de Lellis , quem Aprutium terris ge-
nuit , Ecclesia mea Firmana peperit Cœlo . Ipse enim iterum de
militia cogitans , & Venetias tendens amissò Patre in Oppido Diœcesis
meæ

meæ ad S. Elpidium ad mare , mox cum esset Firmi exemplo Alumnorum divi Francisci , quos Capuccinos dicunt , commotus primitias spiritus sensit , votoque pollicitus est eo in Ordine se Deo famulaturum . Dilata ex adolescentiæ erroribus res , bis deinde tentata cœptumque Institutum , at ex tibiae vulnere dimittere coactus , novo Clericorum Infirmis ministrantium Ordine Ecclesiam auxit . Nec ægris tantum corporibus , sed & animis consuluit , cum peculiare sibi suisque esse voluit , periclitantibus Christifidelibus in extremo agone subvenire . Urbs hæc præcipuum olim Camilli stadium , in quo ipse ad justitiæ coronam cucurrit , quæque flagrantem adhuc in Discipulis ejus charitatem erga agentes animam quotidie experitur , meritò geslit Camillum colere Sanctorum Fastis adscriptum ; idem postulat Ecclesia mea Firmana , ut illi quem in stadium misit , Coronato plaudat . Utrique censeo annuendum , præsertim cum omnipotens Deus postquam Tu , SANCTISSIME PATER , Virum hunc dixisti ritè Beatum , novis ad invocationem ejus patratis miraculis ratum id acceptumque habuisse demonstret .

JOSEPH MARIA Ferronus Archiepiscopus Damascenus Assistens.

A pud Deum notæ sunt & apud homines eximiæ B. Camilli virtutes : Præ cæteris verò longè effulget divina charitas , qua per se suosque Alumnos Infirmis in supremo vitæ agone versantibus , morte ipsa contempta prospexit . Cœlestes itaque honores eidem meritò constituendos existimo : *Si quis enim mihi ministraverit , Dominus ait , honorificabit eum Pater meus^a* .

MICHAEL de Palma Archiepiscopus Teatinus Assistens.

Maluit Deus^b PATER BEATISSIME , de malis bonos facere , quam nullos esse malos permittere ; Sicut enim inde humanæ fragilitatis manifestatur conditio , ita misericordiæ divinæ largitas innotescit . Imperscrutabilis æterno judicio Dei , id actum esse dubitat nemo , in B. Camillo de Lellis , inclyti Ordinis Ministrantium Infirmis Fundator & Pater . Primæ ætatis semitas incauto pede cucurrit , & inter juveniles laxitates diu hæsit , intemperans Aleator : At aleis ludentem devicit tandem sagaciùs ludens in Orbe gratia divina ; & Virum manū per vitia rapientem , ad vesperas de thesauro virtutum effecit spolia dividentem . Hinc mira fuere , quæ dixit , geslit sive in Ecclesia , sive in Proximis suis . Ecclesiam quippe nova sobole auxit , ornavit . Proximos verò infatigabili charitatis officio refecit , roboravit , adjuvit . Profunda humilitate sui contemptor . Asperrimâ pœnitentiâ sui insecutor : Altissima contemplatione supernarum mentium extitit æmulator : Dignus cui Angeli sancto Philippo Neri spectante assisterent ,

^a Jo. 12. 26. ^b S. August.

rent, famularenturque; ejusque felicissimam animam corpore tandem exutam, in sempiternam efferent gloriæ claritatem.

Pretiosam mortem Sancti sui mirabilem etiam reddidit Deus signis atque prodigiis, queis permota SANCTITAS VESTRA eò tandem devenit, ut pronunciaret: *Tutò procedi posse ad solemnem B. Viri Canonizationem.*

Superest nunc PATER SANCTISSIME, ut id ipsum, quod fieri posse non est dubitatum, firmissimo Oraculo compleas & exequaris, beatumque Camillum de Lellis inter sanctos Confessores præcipias esse venerandum. Hoc a Te expectat catholicus Orbis; id fidens implorat Ministerium Infirmis benemeritus Ordo. Id ipsum denique enixiùs efflagitat, qui coram Beatitudine Tua humiliè eloquitur, Archiepiscopus Theatinus, in cuius dioecesis Oppidum Buccanici clauditur, quod Sanctissimo Heroi natale præstigit solum. Ibique veluti e conspectu comprehendere licuit, religiosum cultum Populorum crebrescentem in dies famam sanctitatis & frequentium gloriam miraculorum. Adeo ut tanquam de re propria sollicitior evaserit animi ardor, ad expetitam solemnis Canonizationis gratiam a SANCTITATE TUA feliciter reportandam.

STANISLAUS Poliastri Archiepiscopus Roffanen. Assistens.

DUm suprema illa & admirabili, qua super omnes auctoritate & eloquentiâ eminet SANCTITAS VESTRA, divinæ vocis interpres: Et ex sublimiori, quo præsidet Apostolico Solio, beati Camilli de Lellis verba faciebat; dumque tanti Viri heroicas virtutes innumeris a Deo illustratas miraculis, debitibus laudibus prosequendas debitisque celebrandas honoribus; mira, qua pollet ingenii sublimitate, dicendi fœcunditate, & raritate prudentiæ nobis ingerebat sectanda vestigia, nosque docebat, tunc demum pro merito congruis ille afficietur honoribus, cum publico Apostolicæ Sedis judicio divinaque auctoritate Sanctorum Lauream feliciter consequetur: In ipsum Beatum, in ipsam Camilli præclarissimis virtutum omnium gestis ornatam, innumerisque cœlitus roboratam miraculis eximiam sanctitatem, mentis & oculorum aciem conjeci; cumque jam cogitare cœpisset, quæ & quanta in uno admirentur charismatum dona, quæ & quanto sensu suo unusquisque sortitus erit gaudere triumpho, statim compertum habui, quād digna res esset, quād felix nostra conditio, si in Sanctorum agmine adscriptum haberemus Camillum! Et quidem profectò. Nam si fortiter ea, quæ in Camillo errante, in Camillum pœnitentem, sicuti de Saulo in Paulum inscrutabilis egerat divina Providentia, Errantibus ut in viam possint redire justitiæ & veritatis, Camillus spem tribuit & lumen ostendit^a: Si ægrotis, ut ad portum sanitatis possint pervenire; Virtus Domini erit in illo ad sanandos eos. Si in mortis articulo constitutis omnimodam eis æternæ salutis fiduciam,

^a *Luc. cap. 5.*

ciam, Coadiutoremque fidelem comparare velimus; Camillus egregiæ Religionis Ministrantium Infirmis Institutior sollicitus præsto erit & verbo & auxilio, ut ipso mortis agone in fide inveniantur stabiles, & in opere efficaces. His igitur SANCTITATI VESTRÆ reverenter expositis, cum superna benignitate cautum sit atque dispositum, ut qui in terris positus ut esset exemplo, in Cœlum levatus ut esset Patrocinio; vota excipiat & oret, quamcituīs pro nostro omniumque præsidio, inter Sanctos relatum liceat, ut veneremur obsequio.

FERDINANDVS MARIA de Rubeis Archiepiscopus Tarsi Assistens.

Supremus ille omnium arbiter, qui toties ^a sublinuit in multa patientia vasa iræ, apta in interitum, ut ostenderet divitias gloriæ suæ in vasa misericordiæ, quæ præparavit in gloriam; sicut ex Saulo Paulum fecit, ita ex perduto Aleatore Camillum sanctum fecit exemplum bonorum operum. Adeo malè transacti temporis usuram sarcivit, ut quæ reliquit virtutum specimina, jure postulent, sacris dypticis ipsius nomen adscribi. Ita qui prodigium factus est multis, fiet in Cœlis omnibus adiutor fortis.

JOANNES ANDREAS Tria Archiepiscopus Tyri Assistens.

Camillus de Lellis ex Saule in Paulum conversus illico charitatis theatum aperuit, & copiosam Christifidelium multitudinem post se trahens, virtutum omnium director evasit. Communicato consilio cum S. Philippo Nerio ejus Confessario Religiosam professionis suæ familiam in Populorum salutem instituit, ac per Provincias propagatam reliquit. Misericors autem Dominus, qui mirabilis est in Operariis suis, multiplicibus donis Camillum illustravit. Inter alia in aere elevatus arcana cœlestia penetrabat, morbos solo tactu curabat, aquam in vinum convertit, exiguo pane multos opiperè saturavit, Angelorumque consortium testante eodem S. Philippo Nerio meruit.

Hinc veteri Instituto servato, SANCTITAS VESTRA Camillum miraculis vivum, & post mortem clarum in Beatorum Catalogum retulit: Cum autem omnia alia fuerint expleta, quæ ad ejus Canonizationem sunt necessaria, tutò ad illam perveniri posse humillimè censeo: Sicque Religiosorum Ministrantium Infirmis Familia hoc perfectionis exemplum, & ducem, ac christiana Rèpublica contra præsentis temporis nequicias apud Deum invictissimum intercessorem habebit.

MICHAEL MARIA Vincentini Archiepiscopus Theodosiae Assistens.

Quis de B. Camilli de Lellis Canonizationis merito ambigerit, cum pensata conversione, inspectis virtutibus, perpenso de adjuvandis Infirmis opere, de Eo inter Confessores adscribendo excogitatum sit a SANCTITATE VESTRA? Confirmant æquissimam sententiam crebra miracula, Cœlumque ipsum ob prodigiorum frequentiam inter cœlestes Cives connumerandum Camillum conclamat.

SIMON Gritti Archiepiscopus Tyrensis Assistens.

BEATISSIME PATER. Omnipotens Dei nostri, ac a fine usque ad finem fortiter pertingens, suaviter mirabiliterque disponens dextera suæ immensæ virtutis, ubique in dies vel in minimo sinapis grano colluentes prodit effectus, quorum ubertas quem lateat in beato Camillo de Lellis? Qui a primævo aliquandiu digressus innocentia tramite, ut Deo excitante cognovit, in veritatis viam ab eo, qui a longè cognoscit, revocatus in maximum exarsit subinde charitatis incendium, quo nedium præteritas purgavit, ac in favillas penitus redegit maculas suo inustas juventutis flori; verùm etiam eo usque ad consummationem est progreñus, ut vitam quoque suam aliorum spirituali potissimum, necnon temporali posthabuerit tuitioni, ac prorsus vilissima quæque, atque periculis plena eum in finem huc, illuc vel in remotissima accurrendo, amplexus ministeria vi-sus sit profudisse, sui præterea Instituti habere voluerit Alumnos, in quibus adhuc vigere deprehendit? Eximus sanè in Proximos portentus Camilli ardor; in quo quām maximè sibi complacuerit, tot miraculorum in vita & post obitum ostensione comprobavit Altissimus: propterea que tutissimum inde SANCTITATI VESTRÆ Camillum Sanctorum Fastis adscribendi promanat judicium, ut det illi de fructu manuum suarum, quem laudant & glorificant in Sion opera ejus.

JOSEPH MARIA Rufus Archiepiscopus Capuanus Assistens.

QUæ ad veræ sanctitatis vestigia premenda, quæque ad Virum sanctum in Ecclesia Dei perficiendum maximopere optanda sunt; beatus Camillus de Lellis ex Buccianici Oppido Theatinæ dioecesis in Regno Neapolitano Fundator Clericorum Regularium Ministrantium Infirmis vitae suæ cursu feliciter præstítit. Tantus enim radiante Dei gratia virtutum poenitentiæ, orationis charitatis in Deum Proximumque suum, & præcipue humilitatis cumulus in eo præfusus, ut tanquam lignum, quod plantatum est in vinea Domini secus decursus aquarum Proximis suis, uberem

rem admirationis , utilitatis , imitationis ac profectus de virtute in virtutem suo tempore fructum dare non desiterit .

Nec Servo Dei defuere hic etiam in terris cumulatissimæ prophetiæ , curationum , discretionis spirituum gratiæ , ac post ad beatam Patriam transitum probata miracula ; quibus Cœlestis Pater humilem ejus spiritum exaltare voluit : Quapropter cum per SANCTITATIS VESTRÆ publicum , ineluctabile Oraculum sub die decima septima Augusti 1745. visum fuerit , beatum Camillum fore canonizandum , ac inter Sanctos referendum , nunc benignè etiam supplicationibus Infirmis Ministrantium Familiæ pro hujus sanctissimi Decreti exequutione fore respondendum , tutò confidimus , ut novus Christi Servus præsentibus calamitatibus præsidio sit toti Orbi catholico . Et ita &c.

NICOLAVS Carafa Archiepiscopus Philippensis Assists.

IN nostra sancta Religione non ab initio , neque a medio , sed ex fine , maximum nostræ salutis negotium unicè pendet . Huic singulariter beatus Camillus consuluit in extremo vitæ agone per seipsum , etiam peste laborantibus ; utque firma remaneret in toto catholico Orbe tam salubris institutionis regula , heredes instituit Alumnos suos , a quibus non parvum beneficium christiana Respublica experta est . Ideo Sanctorum numero adscribendum censeo ; si SANCTITATIS TUÆ consensus accesserit .

D. FERDINANDVS ROMUALDVVS Guiccioli Archiepiscopus Ravennæ Assists.

BEATISSIME PATER . Si in Dei & Proximi dilectione ex Christi Jesu testimonio , tota lex pendet , & Prophetæ , & si qui hæc fecerit & docuerit , magnus vocabitur in Regno Cœlorum ; hinc meridianâ luce clariùs apparet , maximam fuisse beati Camilli de Lellis tum perfectiōnem sanctitatis , dum viveret , tum coronam gloriæ post consummationem . Charitatis enim ejus in Deum , quæ narrantur argumenta non stupore tantum , sed suavi quodam ardore animos persundunt , erigunt , inflammant : Quæ verò de charitate in Proximos , fidem omnem humanumque conceptum pene dixerim , superant atque excellunt . Hæc autem cum præcipuis Italiæ urbibus experta & admirata est Roma ipsa , Mundi ac Religionis Caput , atque animo versat adhuc teterrimis pestis ac famis temporibus innumeros cives servatos , quos temporalibus subsidiis morti ereptos , quos spiritualibus pabulis cœlo donatos : Nosocomia etiam digito signat , domos , vias ipsas , sollicitam Camilli adhuc repetentes charitatem .

Verùm ista non fecit solummodo admirabilis Heros , docuit etiam in odorem unguentorum charitatis suæ innumerabiles verbo & exemplo

K k tra-

trahens asseclas , atque Ecclesiam nova prole fœcundans , quæ tanti Patris pietatem, amorem, dilectionem in Proximos & in Deum præfert in præsens quoque , ejusque viscera amantissimè dilatat . Quare canonizationem tanti Viri a SANCTITATE VESTRA , BEATISSIME PATER , publicis expeditam votis , toti christianæ Reipublicæ felicem faustumque fore arbitror & confido .

FELIX Solatius Archiepiscopus Thebarum Assistens .

Incomprehensibilis Dei misericordia , quæ non permittit desperandum de aliquo , in beato Camillo de Lellis admiratur : Errantem enim illum ad se reduxit , cadentem erexit , stantem sustentavit , & perseverantem in arduo christianæ poenitentiæ & perfectionis studio ad gloriam introduxit . Reversus ad semitas salutis , ferventiori spiritu incensus ut ostenderet , quod ubi abundavit iniquitas , superabundavit & gratia , præclaro animarum corporumque profectu ad inserviendum Infirmis , etiam dum atrox pestilentia in Urbe grassaretur , incredibili charitate sese exercuit , relicto aliis præsertim sui Instituti Alumni , ad præeuntem impigrè sectandum exemplo . Tantum igitur Virum BEATISSIME PATER , virtutum omnium laude ornatissimum & miraculis clarum , ut ex Actis ad majorem Dei misericordis gloriam , & ut nemo etiam vitiorum suorum enormitate desperet , tutò in Fastis Sanctorum collocandum censerem .

ANTONIUS Fonseca Episcopus Æsinus Assistens .

Divinæ gratiæ largitor BEATISSIME PATER , Camillum de Lellis vocavit , justificavit , glorificavit . Vocavit , ut esset vas electionis , percutsum infirmitate humique prostratum : Justificavit ut ecclesiasticæ militiæ adscriptus adscenderet ad Altare , & in tempore iracundiæ fieret reconciliatio : Glorificavit laudibus Pauperum misericordiam illius enarrantes , Infirmorum deprædicantium ejus sollicitudinem , & religiosorum Virorum servantium ipsius Institutiones . Continuò Roma , Genua , Mediolanum , Nolana aliæque Urbes , quæ in præsentissimis pestilentia , famisque periculis expertæ sunt maximam illius charitatem , Camilli celebrant merita , invocant nomen , auxilium implorant . Eja tandem exaudiantur Pauperum desideria : Sanctorum consequatur honores , ac tanti Viri laudes universa enuntiet Ecclesia .

NICOLAUS MICHAEL Abbatii Episcopus Scyllacii .

Exclusa omni patriotica affectione , ut verbis Cassiodori Scyllacii Civis utar , dignum censeo Catalogo Sanctorum adscribi beatum Camillum de Lellis , de cuius virtutibus in gradu heroico , & signanter de charitate

ritate erga Proximum ac de miraculis satis constat. Ut sicut , dum in terris ageret , magno fuit Christifidelibus morti proximis præsidio , sic in Cœlis cum Christo regnans iisdem opituletur patrocinio .

NICOLAUS XAVERIUS Santamaria Episcopus Cyrenensis Assistens.

MAndatum ^a Dei novum , *ut qui diligit Deum , diligat & fratrem suum ,* cumulatissimè implevit beatus Camillus . Ipse enim Mundi vincula blandientis dirumpens , non tantum semetipsum abnegavit , & carnem inedia , nuditate , vigiliis macerando , obtulit Deo in holocaustum ; verum diffusa quoque in corde suo charitate , viam mandatorum Domini , qua verbo & exemplo , qua saluberrimis præceptis & institutis percurere docuit , admirabilem instituens Religionem Ministrantium Infirmis , quæ & Ecclesiam spiritualium aromatum odore perfunderet , & animarum saluti advigilando ægrotis in extremo præfertim agone luctantibus operam omnem diligentiamque præstaret . Cum itaque ad justitiæ coronam & palmam in Cœlis ipse pervenerit , Deo in diebus nostris loquente , & Servi sui heroicas virtutes eximiamque Sanctitatem confirmante sequentibus signis , sanctorum Confessorum cultu & honoribus colendum in terris , ex publico Sedis Apostolicæ judicio æquissimum videtur , ut christiano populo prodesse pergit meritis , precibus adsit , & in tempore tribulationis , in mortis angustiis fiat reconciliatio .

BERNARDUS ANTONIUS Pizzella Episcopus Constantiae Assistens.

Quibus virtutibus mirificè præfulserit , & miraculis claruerit beatus Camillus de Lellis Clericorum Regularium Infirmis Ministrantium Fundator , neminem latet , dum in sortem Domini , veluti Paulus ex Saülo vocatus charitatem , quam Paulus supra ceteras virtutes opere & sermone extulit , præcipuum sui Instituti fundamentum ponere , & mirabili exemplo exercere studuit : Factus enim omnibus omnia , & adiutor in opportunitatibus , in tribulatione , non semel Pastoris ad instar , morbis & ærumnis consectos sovit , adjuvit , sanitati restituit . Quod virtutum & laborum in Cœlo mercedem receperit , non ambigitur ; ut in Sanctorum Album sicuti par est , Camillus accenseatur , Tuum est perficere BEATISSIME PATER , cui Christus Dominus supremam contulit authoritatem .

Fr. PAULUS Alpheran de Buffan Episcopus Melitensis Assistens.

BEATISSIME PATER. Ardentissima Dei & Proximi charitas diffusa in corde beati Camilli de Lellis Ordinem Ministrantium Infirmis excitavit, erexit, solidavit. Quid nempe sanctius quam Infirmis præsertim morientibus opem spiritualem afferre momento, unde pendet æternitas? Mirificavit enim Dominus Servum suum multis signis & miraculis; ea propter censeo tam præclarum Fundatorem in Sanctorum Album a SANCTITATE VESTRA esse referendum.

*ALEXANDER de Abbatibus Episcopus Viterbiensis
& Tuscanensis Assistens.*

CHristi Domini exemplo alienos serebat languores B. Camillus de Lellis factus Infirmus pro Infirmis, ut Infirmos lucrifaceret, illudque assequi studens, ut sua ipsius suorumque Regularium virtus in aliorum vel pestiferis infirmitatibus perficeretur. Nemini non compertum est, quam indefessa sollicitudine sese ille devoverit Ægrotantium ministerio, eorum cum primis, quorum æterna salus periclitabatur. Ipsi nunc in tuta Cœli statione collocati frequenti corona circumstant suæ felicitatis auctorem, Deumque enixè rogam, ut supremus Ecclesiæ Hierarcha debitos tanto Sospitatori honores decernat. Accedunt Superiorum votis exaudienda vota mortalium adhuc in terris peregrinantium, ut prævio insuper miraculorum suffragio Camillus de Lellis, quem paucis ab hinc annis SANCTITAS VESTRA inter Beatos recensuit, ampliore jam cultu Sanctorum Fastis adscribat.

NICOLAUS FRANCISCUS de Bonhomo Episcopus Carpasiensis Assistens.

DE repente, ac prodigiosè conversus B. Camillus de Lellis Fundator Ordinis Ministrantium Infirmis exultavit ut gigas ad currendam viam, & brevi temporis spatio complevit tempora multa, secutusque specialem Christi doctrinam: discite a me quia mitis sum & humilis corde, heroicè mitis fuit benefaciendo inimicis suis, & adeo humilis ut frater humilis ab aliis vocaretur, atque super hoc duplici solidissimo fundamento omnes virtutes, ac præcipue ardentissimam charitatem magnificè superædificavit, cum qua mirificè, & in gradu perfecto exercuit opera misericordiæ, & maximè erga Infirmos, exponendo etiam multoties animam suam, ut eis spiritualiter & corporaliter succurreret, ita ut ipsum retributionem opera misericordiæ exercentibus pollicitam a Christo; venite Benedicti Patris mei possidete paratum vobis regnum a constitutione mundi, adeptum esse non veniat dubitandum, præsertim, quod

quod Dominus Deus multis signis & miraculis illud testari ad conversionem in Peccatoribus & refrigescientem charitatem in cordibus fidelium excitandam dignatus est ; hinc cum super ejus Canonizatione acta processum sint rite peracta , ad ejus executionem tutò posse procedi existimo , & ita a SANCTITATE VESTRA exoro .

LUDOVICUS ANTONIUS Valdina olim Cremona Episcopus
Hermopolitanus Assistens .

SANCTITAS VESTRA , cui a Christo Domino quodammodo datum est scribere dito Spiritus Sancti , sequetur , arbitror , ejusdem infallibilem ductum , si solemni Canonizatione Fastis Sanctorum adjungat beatum Camillum de Lellis . Hunc antequam nasceretur , præmonstravit Dominus Matri parituræ Cruce insignitum in pectore , & ducem innumeræ turbæ eadem Cruce decoratæ . Ut præsigum non falleret eventus , quem mundi caligo inimicum reddiderat Crucis Christi , lux improvisa de Cœlo ad terram afflxit , & de Saulo erexit in Paulum , ut de vase iræ & contumeliae vas electionis efficeretur , ex quo per universam Ecclesiam odor diffunderetur agri pleni , religiosæ scilicet Familiæ , in qua virtutum omnium flores redundant ad uberem Populorum utilitatem . Collocet ergo SANCTITAS VESTRA hoc vas in Altari Sanctuarii , ut Fideles omnes currant in odorem unguentorum illius .

FABRICIUS Borgia Episcopus Ferentinus Assistens .

BEATISSIME PATER . Laudatam in sacris literis Tobiæ pietatem , qui popularibus suis in servitutem adductis , nec alimenta vivis , nec sepulturæ honorem defunctis deficere passus est , in B. Camillo de Lellis accepimus reffloruisse , & sanè præstantius quod morituris quoque ipse consuluit eo temporis momento , a quo pendet æternitas . Virum hunc a SANCTITATE TUA superioribus annis Beatum rite appellatum , cum novis ad invocationem ejus patratis miraculis Deus illustret , censeo modò sanctis Confessoribus adscribendum , ut sicut ejus Alumni pugnantibus in extremo Agone monita salutis ministrant in terris , ita ille ampliori cultu invocatus , sit e Cœlo fortis adiutor .

NICOLAUS Spinelli Episcopus Aversanus Assistens .

Quoniam in beato Camillo de Lellis præ ceteris id eluxit Fidei Propagandæ animarumque saluti , quod apprime optabat , consulendi studium , ut illum neque asperitas viarum , neque longitudo itineris , neque debacchantis pestilentia vis , neque intumescentium aquarum Tiberis impetus , & extrema quæque minitantium retardaverint ; imò magis magisque

gisque ad suscepsum opus perficiendum inflammaverint , Domino coope-
rante , & ipsius res præclarissimè gestas signis confirmante ; idcirco in id
consilii descendo , ut Sanctorum numero adscribatur , ac publicæ Chri-
stifidelium venerationi proponatur .

*HIPPOLYTUS e Rubeis Sancti Secundi Episcopus
Senogallienis Assistens .*

IMpletum habetur in beato Camillo de Lellis evangelicum effatum : Gaudium erit coram Angelis Dei super uno peccatore pœnitentiam agente : Dissipaverat enim ille ad instar prodigi adolescentis omnem substantiam suam indulgendo aleis ceterisque vitiis ; at ubi surgens redivit ad Patrem , stolam primam recepit , & cum Angelis Cœli visus est adhuc in terris conversari . Angeli conversari cum illo ; quia etiam ab ipso Angelorum Domino confirmari se audivit ad prosequendum eximiæ humilitatis & charitatis opus ministrandi Infirmis jacentibus in Nosocomiis . Modò iterum gaudium Cœlo erit & Mundo , quatenus SANCTITAS VESTRA illi statuat superos honores , quem Angelorum Dominus amplexus est pœnitentem , quem Clericorum Regularium Ministrantium Infirmis dedit Parentem , quem postremò miris in vita & post obitum signis coruscantem suorum Angelorum confortio associavit in gloria .

*D. PAULUS THOMAS Marana Episcopus Asculanus
in Piceno Assistens .*

BEATISSIME PATER . Quod a Divo Ambrosio de S. Apostolorum Principe Petro scriptum est ; fidelior factus est Petrus , postquam fidem se perdidisse deflevit , atque ideo majorem gratiam reperit , quām amisit : De B. Camillo de Lellis prædicari posse arbitror , qui ex juvenilium errorum umbra mediante divinæ gratiæ adjutorio , quæ de tenebris facit lumen splendescere , perspicuam de se pœnitentiæ lucem non sub modio , sed super candelabrum hac in Urbe posuit : Memor insuper doctrinæ Christi Domini , ad quem toto corde & viribus se convertit , Dei scilicet amorem a charitate erga Proximum nunquam esse sejunctum , spirituali corporalique Infirmorum saluti totum se cum aliis sibi charitatis & obedientiæ vinculo conjunctis perpetuò devovit . Quapropter si ipse dum in terris esset , indutus est viscera misericordiæ , benignitatem , humilitatem , patientiam ardentemque charitatem , quæ omnia electionis & sanctitatis signa juxta Apostoli sententiam præfeserunt , congruum puto , ut universo christiano Orbi infallibili BEATITUDINIS VESTRÆ Oraculo in posterum clariùs eluceat tam insigne pœnitentiæ & charitatis exemplar .

Fr. SILVESTER Merani Episcopus Porphyrien. Assistens.

AD Ecclesiæ catholicæ decus, ad Ecclesiasticorum exemplum, ad Fidelium ædificationem & utilitatem, & ne Deo tot signorum ac prodigiorum vocibus loquenti videamur aures non præbere, congruum & æquum est, ut quantocius per SANCTITATEM VESTRAM in Sanctorum Canonem referatur B. Camillus de Lellis ægrotantium Pater optimus, morti proximorum singulare solatum, Christi denique in miserorum & languentium omnium cura imitator præcipuus.

NICOLAUS Manciforti Episcopus Anconitanus Assistens.

QUAM inscrutabilia sunt judicia Dei? quid non est ab ejus gratia expectandum! Beatus Camillus de Lellis in adolescentia sua a bono opere quocumque deflectens, de repente ad viam salutis reducitur, & virtutibus omnibus adeo præstat, ut ceteris fiat exemplum & Magister. Charitas autem, quæ virtutum maxima est, ita in eo præfulsit, ut in hac ipsa Urbe peste grassante, pro periclitantibus Civibus *animam suam pone-re non dubitaverit*: Quamobrem æquum omnino arbitror, ut SANCTITAS VESTRA Beatum ipsum eximiis miraculis undique circumfultum, benemerentis Ordinis Fundatorem, Fidelium votis inhærendo Sanctorum Fa-stis adjiciat.

ANTONIUS Cantoni Episcopus Faventinus Assistens.

AMULATUS est charismata meliora B. Camillus de Lellis, omnes christianas virtutes mirè sectatus, eamque potissimum, quæ ceteris major est, charitatem. Porro tanti Viri sanctitas, quam nobis suadet Religiosi Ordinis ab eo instituti præstantia, quamque probata miracula rite testantur, alterius quoque Sancti testimonio commendatur, nimirum sancti Philippi Nerii, qui ipsius lateri adstantes vidit angelicos Spiritus, ut quorum ministerio in terris est usus, eorum ope ad cœlestem Patriam deductum esse non dubitemus. Meritò igitur SANCTITATIS VESTRÆ definitiva sententia in memoriam vertatur hominum, qui ad gaudium transit Angelorum.

PAULVS Bonavisa Episcopus Spoletinus Assistens.

PIJJSSIMUS Sacerdos Camillus de Lellis per plurima & heroica bona opera sua certam vocationem & electionem suam facere studuit: Nam jugiter in membris suis mortificationem Crucis Christi portavit, inediis vigiliis alisque austерitatibus corpus suum in servitatem Christi redigendo:

do: Non dubitavit etiam ponere animam suam pro fratribus & amicis suis inserviendo Infirmis peste laborantibus monitisque salutis instruendo: Charitate erga Deum ita effebuit, ut per admirabiles ascensiones obtinuerit elevari ad intimam unionem divinam pluribusque donis prophetae discretionis spirituum aliisque charismatibus cumulari: Quam fuerit inde pretiosa mors ejus oculis divinae majestatis plurima prodigia rite probata luculentissime testantur, quorum luce directus crederem coelestem hanc lucernam locandam esse in altissimo Ecclesiae candelabro, ut luceat omnibus, qui in domo Dei sunt, si SANCTITATI VESTRAE ita placuerit.

CÆSAR BONAFUTI Episcopus Pharenſis Assiftens.

Virtutes istæ BEATISSIME PATER, jucundissimæ semper fuere Camilli de Lellis delitiæ: Jacentes recreare, laborantes in extremis ope & fide confirmare, omnium bono consulere, sibi tantum defuit, se solum neglexit. In spiritu patientiae & charitatis, Virginibus, Pupillis, Infirmis præcipue, Peregrinis & Esurientibus præsto semper fuit. Iste verè contra omnes Adversarios scutum timoris Dei tandiu infatigabiliter tenuit, donec ad victoriam, quam ardentissimè optabat, feliciter pervenit. Utilius est enim BEATISSIME PATER hominum magis memorie laudem dare, quam vitæ; Ideo B. Camillus de Lellis in Sanctorum Choris adscribi meretur, ut nomen ejus vivat in generationem & generationem, charitatem suam sectentur Populi, & laudes ejus nunciet Ecclesia.

MARIUS Maffei Episcopus Fulginas Assiftens.

Non est major misericordia^a BEATISSIME PATER, quam que exercetur circa Infirmos. Ibi enim pascitur esuriens, potatur sitiens, uestis nudo paratur, lectus fatigato subvenitur extraneo, visitatur ligatus vinculis infirmitatis.... & sic in hoc opere misericordia, omnia opera adimplentur. Hæc porro omnia charitatis opera mirum in modum Camillus de Lellis perficit dum viveret; hæc usque modò Filiorum suorum perficit ministerio. Camillus igitur de Lellis ita disposuit sermones suos in judicio, ut quia esurienti cibum, sitienti potum, nudo uestem, peregrino xeniodochium, Infirmo nosocomium, cunctis denique opem paraverit, æternâ justorum memoriâ recolatur. Hinc quia misericors Deus dives est in miserationibus suis, Camilli in Proximi charitatem admirantis probatisque signis sibi demonstravit acceptam. Tuum propterea est BEATISSIME PATER, Camillum de Lellis Sanctorum Fastis adscribere, ut quem opitulatorem sensit christianus Orbis in terris, intercessorem experiatur in Cœlis.

^a Venerabilis Humbertus de Romanis V. Magister Generalis Ordinis Prædicatorum, expostione in regulam S. Augustini par. 4.

GUIDO Ursellus Episcopus Cæsenæ Assistens.

CAmillus de Lellis cum religiosum cœtum Infirmis ministrantium instituit, adeo bene de christiana pietate, atque hominum salute meritus est, ut quæ in anteacta vita peccavit, tanto eximiæ charitatis invento satis superque deleverit: Accedit, quod ceteris summæ hujus charitatis Sociis atque Administris virtutibus, supra quam dici possit, ornatus & excultus omnem sanctitatis verticem attigisse videatur. Qua de re si talem ac tantum Virum miraculis etiam clarissimum Sanctorum Fastis adscribat SANCTITAS VESTRA, habebit christiana Respublca universa & quod tanti Pontificis sapientiam magis magisque demiretur, & quod beatissimum Virum quasi divinum aliquod virtutum omnium exemplar sibi ad imitandum proponat,

LEO LUCAS Vita Episcopus Oppidensis Assistens.

BEATISSIME PATER. Prætermis virtutibus & miraculis, quibus sat superque ad solemnem beati Camilli de Lellis Canonizationem deveniri posset, id unum præ ceteris sufficere censeo, quod Camillus dum sensim in vitia declinaverat, & ex castro Sancti Joannis Manfredoniam revertebatur, velut alter Saulus jumento insidens, insolita luce de Cœlo peritus, in terram prostermitur, atque anteactæ vitæ errores animo reputans, statim dolore percitus in Virum alterum transmutatur, & exinde totum se Deo, ac in animarum lucra convertit; quapropter præ nimia, qua flagrabat charitate erga Proximum, Congregationem Clericorum Regularium instituit, quarto addito voto Infirmis omnibus etiam peste infectis ministrandi, & extremo agone degentibus, piis precibus & cohortationibus opem ferendi.

ÆGIDIUS ANTONIUS Isabelli Episcopus Alliphanus Assistens.

BEATISSIME PATER. *Quam bonus Israel Deus*, qui vocando nos in admirabile lumen suum, charitatis propriæ viscera ostendit; præclarum hujusc rei extat exemplum in B. Camillo, qui a viis peccatorum supremâ abductus providentiâ, tantis charismatum donis fuit poltea illustratus, ut amore præsertim erga Deum & Proximum æstuans, veræ charitatis holocaustum evaserit: Cum enim ex toto corde suo, & ex tota anima sua Deum diligens, atque Proximum supra seipsum, legem ille cumulatissimè impleverit; quemadmodum retributionem jam habuit in Cœlis, ita par est, ut nunc per SANCTITATEM VESTRAM in Sanctorum Albo referatur, ut ita Deus, qui vera charitas est, in eo, ac per eum magis glorificetur.

JOANNES ANTONIUS Babetoni Episcopus Anagniæ Assistens.

E Micat SANCTISSIME PATER, beati Camilli de Lellis foecunda ac prolifica charitas ex Institutione eorum Regularium Clericorum, qui in novissima hora exeentes & undequaque cursitantes, quotquot inveniunt malos & bonos de sero colligunt; & de plateis aliisque latioribus viis, ad arctam & angustam reductos, ad cœnam magni Patrisfamilias intrare compellunt. Erga Deum & Proximum tam mira charitas, aliarum etiam virtutum stipata satellitio cumulatissimè incessit: quibus illustrandis roborandisque non pauca accessere miracula, alia ex instantaneo beati Viri Iconis contactu, alia ex ejusdem Cellæ operosi pulveris haustu, ut egomet, tanquam ex missis Judicibus unus, cognovi, miratus sum, retuli. Hæc eadem & plura, BEATISSIME PATER vidisti, & lætatus es. Ad totam itaque militantem descendat Ecclesiam visibilis capitum sui lætitia hæc tanta, & cujus prolem extremis adesse cupimus, in Sanctorum Fastis nunc gratulemur venerari Parentem.

*FRANCISCUS ANTONIUS Spadea Episcopus Aquinas
& Fregellarum Assistens.*

BEATISSIME PATER. Sicut gaudium magnum fuit in Cœlo coram Angelis Dei super B. Camillo de Lellis pœnitentiam agente, sic ejus vita maxima est in terra Peccatoribus causa lætandi, cum cernant quid cum eo egerit Dei omnipotentis miseratio, discantque quid etiam cum ipsis actura sit, si ut Camillus respondeant. In eo alter apparet Saulus humili prostratus, & Paulus erectus, & evase ignominiae in honoris vas immutatus. A plagis animæ, cum se a Christo Domino Samaritano Evangelico curiatum agnovit, quasi sibi dictum suisset: vade, & tu fac similiter: hoc unum sibi imitandum proposuit, ut proximorum infirmantium animarum & corporum saluti consuleret, accidente sancti Philippi Nerii consilio, qui sibi a Confessionibus erat. Mira porro sunt, quæ iste Vir Dei divina charitate succensus, in Urbis non tantum Xenodochiis, sed etiam spurcissima peste grassante per vicos, & plateas per domos & compita, etiam in aliis Italiae Urbibus egit, ut ægros a prima non minus, quam a secunda morte præriperet; immo ne tam magnum pietatis opus cum sua vita deficeret, Alumnos collegit, & Crucigerorum Institutum fundavit, quo per futura etiam secula, præcipue luctantibus cum morte succurreret. Auctus præterea fuit B. Camillus curatorium dono, aliisque tam vivens, quam post obitum adeo resulxit, ut ipsa Roma Urbs fortitudinis nostræ, quæ charitatis ejusdem ac admirabilium operum meruit esse theatrum, summoperè exoptat, & cum ea univerſus catholicus Orbis VESTRAM SANCTITATEM exorat, ut dignetur

B. Vi-

B. Virum summo decorare Canonizationis honore; cuius in dies intercessione gaudet effectibus, & sui præclarri Instituti spiritualibus consovetur auxiliis.

SCIUMÆ ILUMURI AT.



Se tæ ggiꝝato caſſc Ky'duhenæ præ tæ ſcietænuæ næ tæ lumænæ Camil de Lellis yan bænæ gner tasct fort Miræ me hijr tæ tænæ Ȣoti, e me tæ Maȝenæ urtæſij tænde. Gnæ punæ vetæmæ duhet, faa ſcnuhet æmbni ithih me tæ tiera ſcietæna. Kæjò ndeer i tucon me ggiggæ, pſe pat ſciuum lævdime, e ſciuum tæ dasciunæ præi tænæ Ȣoti, o prei ſciocunæ, e fchignanæ. Kæyò edasciunæ duron fod, e ggiꝝ monæ præ tæ maȝenæ ſciokærij, ayò kiā ſcær ben ta ſämurturit. Ȣotsn caa ſciuum dæſtuaræ tæ maȝenæ ſcietnii etiyiæ me ſciuum ſcegne. Andai i lumu-ri At tæ lutemi, e tæ ſalemi ggiꝝ faa iemi, eȝe unæ præ pies tæ Arbænit tæ ſcruafc eȝé kætæ ndæ tæ ticræ ſcietana.

Josefi Schirò Arçbiscopu i Durſit, e Vicar Apostolicu i Hymarrſe ndæ Arbænit.

Eiusdem Versio latina.

*JOSEPH Schirò Archiepiscopus Dyrrhachinus olim Vicarius Apostolicus
Cimarræ in Epiro.*

BEATISSIME PATER: Cum quæ ad solemnem Canonizationem B. Ca-
milli de Lellis pertinent, fint ea omnia haſtenus peracta rite ac
rectè, Deo auspice, ac excelsa sapientia Tua: Unum supereſt, ut ejus
gloriosum nomen aureis notis, ſi ſas erit, tandem aliquando ſcribatur
in ſacris dypticis, ubi ceterorum Sanctorum nomina recenſentur.

Hocce honoris ſignum in terris videntur expetere, & quidem jure
meritò: Primo, omnes eiusdem B. Viri eximiæ virtutes, præcipue ve-
rò immensa illa charitas, quâ erga Deum & Proximum, & flagrabat
quoad vixit, & adhuc operatur, tota plaudente Ecclesia, per ampliſſi-
mum Ordinem ab ipſo iſtitutum, ut Infirmis omnem opem, omnemque
operam alacriter impendat; deinde iſignia miracula, quibus Deus
Optimus Maximus dignatus eſt comprobare excelsam Servi ſui Sanctita-
tem. Hanc gratiam BEATISSIME PATER jamdiu ingenti desiderio optat
& Urbs & tota christiana Republica; hanc ipſam exoptat auguſtus
iſte Senatus; & pro iſta ego quoque, licet omnium indigniſſimus, ve-

nerabundus sistens coram Tuo Apostolico Throno , humillimas fundo preces , etiam nomine totius Epiri , sive Albaniæ ex qua originem duco , uti jam benignissimè exceperisti loquentem proprio Idiomate .

C

ԹՎ ԱՐՔԱՂՆԱԳՈՒՆ ԱՅԽԱԳԵՐԱՄԻԱՌ ՀԱՅՐ
ԴԵՐԵՐԱՆԵցեալ ։



Վ ԱՐՔԱՂՆԱԳՈՒՆ ԱՅԽԱԳԵՐԱՄԻԱՌ ՀԱՅՐ ԳԵՐ
ԵՐԱՆԵԼԻ : ՕԻ ԱԿԱ ԵՐԱՆԵԼԻՆ ՔԱՄԻԼՈՒ հըռ
չակեցեալ եղւ բազմազան ԱՌԱՔԻՆՈՒԹԵ , և
լուսափայլեցաւ մէծամէծ Աքանչելեօք : Բայց
առանելասին եղականացաւ ՌՂՈՐՄՈՒԹԵ , և
գթութե առ ըսկերս քանզի՞ Հիմագրելով՝ ըզ
Լյարդն սպասաւորութե հիշանդաց , յատկա
ցոյց այսու՝ զի նշանն ոքյ խաչին՝ ի կուրծս իւրաքանչիւրոց եղ
բարց կրիցի : Ռւստի համարիմ թէ՝ սոյն իսքն ԱՅԽԱԳԵՐԻՆ
ԱՅՑ՝ իւրով ԱՅՑայնով կարգադրութեն , պահեալ իցէ զորբա
ցուցանելն սորա՝ վս այսպիսոյ ժամանակի , յորում աշխարհն
կայ՝ ի մէջ մէծի ալեկոծութե՝ ի ձեռն հոգևոր , և մարմաւոր պա
տերազմաց , թէ՝ իյարեմուտս , և թէ՝ իյարեւելս : ՌԴՊ զի՝ բարեխօ
սութե այսորիկ սրբացուցանելի երանլոյս , համայնք ախտա
ժետեցեալք՝ ի հոգւոր և՝ ի մարմաւոր պատերազմաց՝ և ախտից ,
կատարելապն բժշկեսցին : ԵՇ բարձրացեալ պայծառացի նշանն
ոքյ խաչին՝ ողէ՝ իյարեմուտս , սոյնպս՝ իյարեւելս :

Սարդիս ԱՅԼԵՔՍԱՆԴՐԵՆ , ԱՅՐ Եպսկապս
Լիւսարիոյ Լապտեղնեան , Հայոց :

Ejusdem Versio latina .

SERGIUS ALEXANDRI Armenus Archiepiscopus Cesarea Cappadociae.

Multa quidem sunt , quibus beatus Camillus excelluit virtutum ac
miraculorum insignia , quæ in ejus vita Compendio recensentur :
Sed illud præ ceteris magis aptum & opportunum videtur , quod in
præsenti calamitoso rerum Orientalium , & Occidentalium statu com
memoretur ; quod nimirum & Infirmis ille ministrare in delicis habue
rit , & Ordinem amplissimum a se institutum tam pio ministrandi Infir
mis officio distinguendum voluerit , & Crucis in pectore gerendæ formâ
exornandum . Jure igitur postulamus , ut ipsum SANCTITAS VESTRA in
ter

ter Sanctos euumerari decernat: Hoc præsertim tempore, quo totus terrarum orbis teterimo veluti bellorum ac tumultuum morbo languet, & Crucis vexillum in Oriente, ubi augustissime olim fulgebat, sævissima Infidelium potestate cogitur tamquam sub modio lucerna delitescere. Fore enim confidimus, ut isto in terris auctus Sanctorum honore, cuius inter Sanctos fors est in Cœlis, morbos auferat, bella avertat, & sanctissimæ Crucis signum, sicut in Occidente, sic & in Oriente triumphare faciat.

STEPHANUS Evodius Affemanus Archiepiscopus Apameæ.

Nescit tarda^a molimina Spiritus Sancti gratia, BEATISSIME PATER, quare autem^b illum trahat, & non illum trahat, judicare noluit, ne erraret beatus Camillus; at semel accipiens intelligensque se nondum trahi, oravit ut traheretur, & subito^c circumfulxit eum lux de Cœlo. Is verò haud moram anceps innecit, suprema Domini verba recolens^d: *In hoc cognoscet omnes, quia Discipuli mei estis, si dilectionem habueritis: Et illa^e: Majorem hac dilectionem nemo habet. ut animam suam ponat quis pro amicis suis; quum^f charitas nunquam excidat; sed amplissimum Clericorum Regularium Infirmis Ministrantium Ordinem, ceu arborem^g illam magnam, in cuius ramis requiescerent volucres Cœli, saturus ægros omnes colligit, collectorum vulnera alligat^h, infundens oleum & vinum, sovet & recreatⁱ, curans gentem suam, & liberans eam a perditione: Circa illum autem^k corona Fratrum, quasi plantatio Cedri in Monte Libano, & quasi rami palmæ ad consummationem Sanctorum^l, in ædificationem Corporis Christi. Divinæ itaque vocis Interpres SANCTITAS VESTRA celeberrimum Patriarcham publico dedat Fidelium cultui, qui se salutis publicæ victimam devovit; æquum enim est, ut cuius heroicæ gesta, nec non frequentia miracula Ecclesiam illustrarunt, Is ab eadem Ecclesia, supernis repensum custodibus suis, honorem sibi ultro delatum glorietur.*

BERNARDINUS Vari Episcopus Civitatis Castellanae & Hortæ.

BEATISSIME PATER. Quantus & qualis fuerit beatus Camillus de Lellis, licet conjicere ex illis verbis, quibus Christus Dominus in extremo judicio Electos est allocuturus^m: *Infirmus eram, & visitasti me: Quod si divinus Judex Infirmos utcumque visitantibus æternum gloriae præmium est redditurus, quantam cœlestis gloriae magnitudinem necesse est retribuerit beato Camillo, qui infinitos propemodum Infirmos visitavit,*

^a S. Ambr. l. 2. de Sp. Sancto. ^b S. August. Tract. 2. 6. in Jo: ^c Act. 9 ^d Job. 13. 35. ^e Job. 15. 13. ^f 1. Cor. 13. ^g Luc. 13. ^h Luc. 10. ⁱ Eccl. 50. ^k Ibid. ^l Epb. 4. ^m Matth. 1. 25. v. 36.

vit, & ut a Suis visitarentur constituit, qui eosdem orationibus juvit, subsidiis spiritualibus munivit, & ut æternam salutem consequerentur curavit? Quocirca si tam eximia illius merita peculiarem omnino mercedem a Christo Domino reportarunt, ut miracula ipsa, etiam in mea Diœcesi patrata testantur, necesse est ut ab Ecclesia quoque peculiarem honorem solemnij judicio reportent.

Префернчи́те Пѣрните.



Нтѣз чѣлѣ Іннічнатѣ, шн' фѣрѣ нѣмѣрь фаптѣ бѹнѣ, кѣ карѣ саѣ лїпподобнѣ Фернчнчуль Камнль Де Ленѣ чѧ май тарѣ мн' сѣ паре аѳн' кѣ карѣ дннъ Сфатуль чель бѹнѣ аль Сфѣнтѹлн Фицлипъ Нерін' адѹнаре дѣ ѿаменн темѣтори дѣ Днѣззз аѣ рѣндѹнть, карїн' кѣ лѣгѣтѹрѣ л. гѣндѹс сѣ тѹтѹфорь болнабнасорь, лїкѣ шн' чѹмашнлаорь сѣ слѹжаскѣ. Ачастѣ адѹнаре ла чннъ дѣ сѣбѣршнть Гргоріе аль д. і. о рѣднѣ катъ. Аль еї Титорь лїнъ фаптѣ, шн' миинн бестнѣтъ ка лїнъ врѣмнлє иконастре Бенедиктъ аль д. і. лїнтрѣ Сфинцин сѣль нѣмере дннъ сфатуль чель Днѣззескъ аѳн' гѣндескъ. Папа чель марѣ дѣ акѣрѹи скриорн' пннтрѣ Фернчнрѣ Фернчнцинасорь, шн' Канонизацїа Сфинцилаорь не мн'рѣмъ. Сфинциа та Всн' Фаче кѹмъ ан' лїнбѣцать.

Іоанъ Ін: Клєнъ Епнскѹпчль Деяла Фѣгѣрашъ.

Eiusdem Versio latina.

JOANNES INNOCENTIUS Episcopus Fagarasensis.

Intra admirandas tamque innumeratas virtutes, quibus beatus Camillus de Lellis excelluit, illa maxima mihi fuisse videtur, qua ex gravissimo S. Philippi Nerii consilio Congregationem religiosorum Hominum instituit, qui solemani voto ad inserviendum Infirmis omnibus etiam peste infectis sese obstringerent. Hanc Congregationem olim in perfectam Religionem Gregorius XIV. erexit. Eiusdem Fundatorem virtutibus & miraculis insignem, ut nostris diebus BENEDICTUS XIV. inter Sanctos referret, divino consilio dispositum existimo: Summus inquam ille Pontifex, cuius doctissima de Servorum Dei Beatificatione & Beatorum Canonizatione scripta admiramus. SANCTITAS VESTRA faciet quod ipsa docuit.

POMPEIUS Compagnoni Episcopus Auximanus & Cingulanus,

Quum charitas, teste Apostolo Paulo, sit vinculum perfectionis, nihil ego non perfectum video in B. Camillo, cuius sanctissima opera uni planè innituntur vinculo charitatis. Quid enim in ægros præser-tim languentes ac morti proximos & vivens ipse præstiterit, & per Ordinem a se fundatum perenni beneficio adhuc præstet, partim est nobis luculenter expositum, partim verò experientiâ ipsisque oculis usur-pamus. Accedentibus itaque & Miraculis rite probatis, censeo, secundum ea quæ proponuntur, B. Camillum supremis Coelitum honoribus cu-mulandum.

JACOBVS PHILIPPVS Confoli Episcopus Amerinus.

ID potissimum in beato Camillo de Lellis cuius Sanctificationis causa agenda est, BEATISSIME PATER evenisse conspicimus, quod in psal-mo 50. Regius Propheta teletatur: *Cor contritum & humiliatum, Deum scilicet non despicere.* Ipse enim adhuc juvenis juvenili ardore ductus eousque a recta via declinaverat, quo interitus ei parabatur æternus, nisi manus Domini facta esset super eum. Hinc culparum suarum mœrore tactus, flevit amarè, & Deus quoque peccatum ejus transtulit, avertitque faciem suam a peccatis illius, & ejus omnes iniquitates delevit; Oh vera muta-tio dexteræ Excelsi! ut qui Saulum errantem secutus fuerat, Paulum inde pœnitentem sequeretur. Huic propterea tam mirandæ divinæ misera-tionis, qua culparum suarum pœnitentia, ut carnem suam in servitutem redigeret, quo zelo, quave charitate, ut omnes lucrifaceret Christo, beatus Camillus responderit, hoc unum recensere sufficiat, quod in se ipso sic sœvit acerrimè, ut in admirabile pœnitentiæ transiret exem-plum; sic omnes adjuvit, ut nullos labores, pericula nulla refugerit, eumque instituerit Ordinem, cuius Alumni Infirmis peste quoque infec-tis inservire solemni voto obligantur, eam indubitanter recepturi mer-cedem, quam patiens atque benigna repromittit charitas.

Hunc igitur Fundatorem PATER SANCTISSIME, hisce ceterisque in gradu heroico virtutibus clarum, ne Sanctum dubites, tot signa, tot miracula præcesserunt, quod dederit Altissimus vocem suam; ut Sanctum dicas, universa Infirmis Ministrantium Familia humilitér depreca-tur; gens tota exoptat, catholicus orbis expectat. Exaudire proinde SANCTITAS VESTRA dignetur tam cumulata vota, & sic gaudium, quod Angelis jam pridem super eo factum est in Cœlo, nobis equidem erit mox hic in terra commune.

JOSEPH Coppola Episcopus Aquilanuſ.

MOnens Ecclesiasticus^a: Non te pigeat visitare Infirmum, ex his enim in dilectione firmaberis, ecce quod in plena dilectione, Dei scilicet in charitate & Proximi, beatum Camillum de Lellis excitavit fortiter, constanter firmavit. Quem quidem ardentem dilectionis ignem, aquæ multæ neutiquam extinguerent potuerunt. Convenit igitur, ut Roma, sicut D. Philippo Nerio (utpote de se benemerentissimo) gratiorrem in dies se exhibet, sic quoque B. Camillum, qui in ordine charitatis post eum abiit, & obsequentissimè consilia secutus est, debitibus nunc sanctitati lætetur honoribus decorari.

JOSEPH Roffi Episcopus Venafranus.

Batus Camillus de Lellis Fundator Clericorum Regularium Ministrantium Infirmis, BEATISSIME PATER, est Servus ille fidelis & prudens, quem constituit Dominus super familiam suam, ut det illis cibum in tempore; ipse enim Domino præcipiente & dicente: *inceptum opus prosequere*; sanctum & Christo Domino placitum Institutum summa animi fortitudine ad optatum finem perduxit, ut animabus pretioso Christi sanguine redemptis, & per adoptionem cooptatis inter filios Dei cibum daret in tempore, quo collectatio est adversus Rectores tenebrarum in extremo mortis agone; cibum fortitudinis & salutis æternæ, quo ad cœlestem patriam perducantur. Servus itaque Dei Camillus, qui in charitate perfecta mansit, in Deo est, & inter Cœlites recensendus, ut Christiani, qui tantum beneficium in ejus Instituto receperunt, Patronum & Adjutorem in mortis agone dignis honoribus prosequantur in terris.

HIERONYMVS Lorenzi Episcopus Acernenſis.

BEATISSIME PATER. Præter ceteras B. Camilli virtutes summus ejus erga Deum amor vel ex ea proditur tam insigni erga Proximos charitate, qua motus ita ille se totum animis ægrorum curandis devovit, ut ad tanti operis perennitatem Clericorum etiam Ordinem instituerit. Hæc duo charitatis præcepta, a quibus universa lex pendet, tam sancte a B. Viro servata, duo illi sunt ex Augustino denarii, quos non ad unius saucii medelam, sed ad plurimorum salutem Evangelicus iste Samaritanus, quoad vixit, ubique protulit. Hujus igitur Viri misericordiæ, cuius in semine permanent bona, ut laudes nunciet Ecclesia, quas tot ad hanc diem miracula celebraverunt, censeo sanctis Confessoribus eudem merito esse adnumerandum.

JOAN-

a Eccl. c. 7.

JOANNES FRANCISCUS Cavallini Episcopus Alatrinus.

Beatus Camillus de Lellis Clericorum Regularium Ministrantium Infirmis Fundator, eximia in Deum charitate, maximo in Proximum amore adeo effebuit, ut totus Deo pro hominibus, totus hominibus pro Deo se præbuerit: Cujus rei virtutum ac miraculorum numero propemodum singulari, in hac præsertim Urbe Roma monumenta omnibus nota reliquit: Quapropter dignissimum reor, ut Sanctorum Fastis adscribatur, quemadmodum etiam atque etiam a SANCTITATE VESTRA supplex exposco.

NICOLAUS Cioffi Episcopus Soranus.

MUtatio equidem fuit BEATISSIME PATER, dexteræ Excelsi, qui Camillum de Lellis de diurna pravaque vivendi ratione eductum deduxit per vias rectas, ac tam uberi cœlestium charismatum copiâ replevit, ut minimè sit ambigendum, quin illi, post arduum tot christianarum virtutum curriculum, quod a principio alacris ingressus fuerat, ad mortem usque sanctissimè obitum majoribus semper passibus confectum, sempiternæ etiam gloriæ bravium donaverit. Quod & idem ipse bonorum omnium largitor, qui Servum suum glorificavit per frequentia itidem miracula ad beati Camilli deprecantis invocationem patrata contemnari dignatus est. Itaque existimo SANCTITATEM TUAM tutò procedere posse ad ipsius Canonizationem.

JOHANNES ANTONIUS Castelli Episcopus Catharenis.

Beatus Camillus de Lellis omnium virtutum laude, & præcipue maximâ, qua erga Proximos charitate flagrabat, mirum in modum excelluit; novo autem, quem instituit Ordine christianæ Reipublicæ utilis & salutaris fuit. Mitto prodigia, quæ per eum a Deo Optimo Maximo patrata sunt, ærumnas, calamitates, iniferias, quas pro nomine Jesu æquo animo pertulit, atque innumerabilia animi ornamenta, quæ illi singularia esse videntur: Quare humillimè censeo, dignum ipsum esse, qui solemni ritu a SANCTITATE VESTRA Sanctorum Fastis adscribatur.

NICOLAUS MARIA Calcagnini Episcopus Civitatis Ducalis.

Ex mundi illecebris terrestrique militia vocatus ad Clericalem, atque hujusc seculi contemptum beatus Camillus, cum fuit inopinato ac vehementi omnipotentis Dei lumine circumfusus, & veluti alter Saulus in Apostolum Gentium conversus, anteactum vitæ suæ genus

ferventiori charitatis studio compensavit. Quæ enim pro infirmorum præsertim salute tum spirituali, tum corporali gesta ab ipso sunt, ardentissimam præferunt charitatem, qua inflammatus se præsentissimis objecit mortis periculis, ut Christifidelibus præsto esset, etiam pestifera labi infectis, quibus inserviendis peculiari solemnii voto se, suosque Alumnos voluit esse obstrictos. Cum autem B. Camillus animam pro amicis suis ponere non dubitaverit, majorem certè charitatem habere non potuit, juxta Divinum Oraculum. Quapropter fidelem hunc Dei Servum ac novi Ordinis auctorem multis decoratum in terris charismatum donis ac prodigiis, inter Sanctos per infallibile SANCTITATIS VESTRÆ Oraculum recensendum censeo, ut hoc duce hominibus ad imitandum proposito, charitas nostris hisce temporibus elanguescens adaugeatur, istiusque exemplo Christifidelium corda ad misericordiæ opera erga Proximum alacrius exercenda inflammentur.

Subdit Papa post novissimi Episcopi sententiam.

VENERABILES FRATRES. Suffragia Vestræ de Canonizatione beati Camilli de Lellis magnam Nobis lætitiam attulerunt: Quam ob causam nihil aliud respondemus, nisi peragendas esse preces, quas jam indiximus, ut Deus elargiatur Nobis opem suam, ac cœleste lumen ad ea rite perficienda, quæ pro futura Beatorum Canonizatione requiruntur.

Procurator Generalis Cameræ ubi Summus Pontifex dicendi finem fecit, iisdem verbis, quæ in primo Consistorio retulimus, nomine Beati duntaxat immutato Protonotarios rogavit, ut publica super his Actis Instrumenta conficerent: videlicet.

Ego Johannes Philippus Toppi Sanctissimi Domini Nostri, & Cameræ Apostolice Procurator Generalis rogo Vos omnes Protonotarios, & Notarios Apostolicos hic præsentes, ut de sententiis, consilio & unanimi consensu Reverendissimorum DD. S. R. E. Cardinalium, necnon Patriarcharum, Archiepiscoporum, & Episcoporum, deque Summi Pontificis oratione & deliberatione præhabitis super solenni Canonizatione beati Camilli de Lellis unum, vel plura, publicum, seu publica conficiatis instrumentum, vel instrumenta ad perpetuam rei memoriam.

Quibus

Quibus auditis R. P. D. Franciscus Maria Riccardi Protonotario-
rum Participantium Collegii Decanus , ante Sanctitatem Suam genibus
flexis Collegarum nomine dixit : *Conficiemus* : Statimque surgens adstan-
tes Solio propiores adhibuit Testes consuetis verbis : *Vobis Testibus* : ita
iste quoque Consistorialis Conventus , qui magnæ voluptati Sanctissimo
Patri fuit , solutus est .

Instrumenti a Protonotariis in Causa B. Camilli confecti exemplar
hic accipito transcriptum .

*Instrumentum a Decano Protonotariorum rogatum
pro secundo semipublico Consistorio.*

I N N O M I N E D O M I N I A M E N .

Anno reparatæ salutis Millesimo Septingentesimo Quadragesimo sex-
to Indictione nona , Pontificatus autem Sanctissimi Domini Nostrí
BENEDICTI Divina Providentia PAPÆ XIV. Anno Sexto , die x. Junii Fe-
ria sexta. Idem Sanctissimus Dominus pro habendis excipiendisque suffra-
giis Eminentissimorum S.R.E. Cardinalium , necnon Reverendissimorum
Patriarcharum , Archiepiscoporum & Episcoporum , in Causa peragendæ
Canonizationis beati Camilli de Lellis Ordinis Clericorum Regularium
Ministrantium Infirmis Fundatoris , semipublicum (juxta suorum Præ-
decessorum morem) Consistorium habuit in Aula , quæ loco Ducalis est
in Quirinali Palatio .

Sanctissimus Pater sacris Vestibus indutus , ac simplici Mitra redi-
mitus ex Aula , quæ Paramentorum dicitur , inter duos antiquiores Dia-
conos Cardinales Carolum nempe Marini , & Alexandrum Albani Papali
Cruce solitoque præeunte comitatu prodiit in eandem Ducalem Au-
lam , ibique congregatis Patribus priùs Papali benedictione de more
elargita , Sedem deinde concendit & Consistorialis Actionis facturus
initium , paucis disertisque verbis , ab amplissimo Purpuratorum Se-
natū , & sacro Patriarcharum , Archiepiscoporum , & Episcoporum
Confessu , quæ de prælaudato Camillo de Lellis Sanctorum Fastis adscri-
bendo , ut tutiū ipse tanto operi supremam manum admovere posset ,
eorum consilia & sententiae forent , exquisivit .

Tunc Eminentissimus Carafa Episcopus Albanensis inter præsentes
Eminentissimos Cardinales antiquior , Sanctitatis Suæ votis obtemperans ,
primus judicium suum protulit , & Sanctissimum Dominum , ut quām
citiū eidem beato Camillo , sicuti & eximia ejus merita & Fidelium
pietas expostulabant , Sanctorum cultus & honores decernerentur ,
humiliter exoravit .

In eodem penitus sensu steterunt suis posthac delatis non minus sententiis quam precibus ceteri, qui intererant Eminentissimi Cardinales, nempe.

- Franciscus Tituli S. Mariæ Transtiberim S. R. E. Presbyter Cardinalis Burghesius.
- Antonius Xaverius Tit. S. Stephani in Monte Cœlio S. R. E. Presbyter Cardinalis de Gentilibus.
- Fr. Joannes Antonius Tit. SS. Silvestri & Martini in Montibus S.R.E. Presbyter Cardinalis Guadagni.
- Trojanus Tit. S. Cæciliæ S. R. E. Presbyter Cardinalis de Aquaviva.
- Dominicus Tit. SS. XII. Apostolorum S. R. E. Presbyter Cardinalis Riviera.
- Joannes Baptista Tit. S. Mariæ Angelorum S. R. E. Presbyter Cardinalis Spinola.
- Raynerius Tit. S. Sabinæ S. R. E. Presbyter Cardinalis de Ilcio.
- Dominicus Tit. S. Bernardi S. R. E. Presbyter Cardinalis Passionei.
- Fr. Joachimus Tit. SS. Quatuor Coronatorum S. R. E. Presbyter Cardinalis Portocarrero.
- Camillus Tit. SS. Joannis & Pauli S. R. E. Presbyter Cardinalis Paulutius.
- Carolus Albertus Guidobonus Tit. S. Mariæ de Pace S. R. E. Presbyter Cardinalis Cavalchinus.
- Fridericus Tit. S. Pancratii S. R. E. Presbyter Cardinalis Lantes.
- Franciscus Tit. S. Mariæ de Populo S. R. E. Presbyter Cardinalis Riccius.
- Antonius Tit. S. Silvestri in Capite S. R. E. Presbyter Cardinalis Rufus.
- D. Fortunatus Tit. S. Matthæi in Merulana S. R. E. Presbyter Cardinalis Tamburinus.
- D. Joachimus Tit. S. Crucis in Hierusalem S. R. E. Presbyter Cardinalis Besutius.
- Carolus S. Mariæ in Via Lata Diaconus S. R. E. Cardinalis Marini.
- Alexander S. Mariæ ad Martyres Diaconus S. R. E. Cardinalis Albanus.
- Nereus S. Eustachii Diaconus S. R. E. Cardinalis Corsinus.
- Agapitus S. Agathæ in Suburra Diaconus S. R. E. Cardinalis Mosca.
- Carolus Maria S. Mariæ in Porticu Diaconus S. R. E. Cardinalis Sacripantes.
- Marius SS. Cosmæ & Damiani Diaconus S. R. E. Cardinalis Bolognettus.
- Prosper S. Georgii in Velabro Diaconus S. R. E. Cardinalis Columna de Sciarra.
- Alexander S. Mariæ in Aquiro Diaconus S. R. E. Cardinalis Tanarius.
- Hie-

Hieronymus S. Adriani Diaconus S. R. E. Cardinalis Bardi.

Dominicus SS. Viti & Modesti Diaconus S. R. E. Cardinalis Ursinus.

Eminentissimorum Cardinalium suffragiis expletis, Sanctissimus Pater Reverendissimorum Patriarcharum, Archiepiscoporum & Episcoporum, tam Assistentium Pontificio Solio, quam non Assistentium sententias excepit, quorum omnes (initio a Patriarchis desumpto) unanimi voto, dimissisque precibus Sanctitatem Suam, ut beatum Camillum de Lellis inter Sanctos connumerare dignaretur, enixè rogaverunt. Videlicet.

Mundillus Uisinus Patriarcha Constantinopolitanus.

Antonius Maria Pallavicinus Patriarcha Antiochenus.

Thomas Cervini Patriarcha Hierosolymitanus.

Gabriel Eva Archiepiscopus Cypri Syrus, patria prius, deinde latinâ lingua suffragium emisit.

Alexander Borgia Archiepiscopus Firmanus.

Joseph Maria Ferronus Archiepiscopus Damascenus.

Michael Palma Archiepiscopus Theatinus.

Stanislaus Poliastri Archiepiscopus Rossanensis.

Ferdinandus Maria de Rubeis Archiepiscopus Tarsensis.

Joannes Andreas Tria Archiepiscopus Tyri.

Michael Maria Vincentini Archiepiscopus Theodosiæ.

Simon Gritti Archiepiscopus Tyanen.

Josephus Rufus Archiepiscopus Capuanus.

Nicolaus Carafa Archiepiscopus Philippensis.

D. Ferdinandus Romualdus Guiccioli Archiepiscopus Ravennaten.

Felix Solatius Archiepiscopus Thebarum.

Antonius Fonseca Episcopus Æsinus.

Nicolaus Michael Abbati Episcopus Scyllacii.

Nicolaus Xaverius Santamaria Episcopus Cyrenen.

Bernardus Antonius Pizzella Episcopus Constantien.

Fr. Paulus Alpheran de Bussan Episcopus Meliten.

Alexander de Abbatibus Episcopus Viterbien. & Tuscanen.

Nicolaus Franciscus de Bonhome Episcopus Carpasiens.

Ludovicus Antonius Valdina, olim Cremona Episcopus Hermopolitanus.

Fabricius Borgia Episcopus Ferentinus.

Nicolaus Spinelli Episcopus Aversanus.

Hippolytus e Rubeis Episcopus Senogallien.

D. Paulus Thomas Marana Episcopus Asculanus.

Fr. Silvester Merani Episcopus Porphyriensis.

Nicolaus Mancinforti Episcopus Anconitanus.

Antonius Cantoni Episcopus Faventinus.

Paulus Bonavisa Episcopus Spoletinus .
 Cæsar Bonajuti Episcopus Pharen.
 Marius Maffei Episcopus Fulginas .
 Guido Ursellus Episcopus Cæsenæ .
 Leo Lucas Vita Episcopus Oppiden.
 Ægidius Antonius Isabelli Episcopus Alliphanus .
 Joannes Antonius Bachetoni Episcopus Anagninus .
 Franciscus Antonius Spadea Episcopus Aquinas & Fregellarum .
 Joseph Schirò Archiepiscopus Dyrrhachinus , patrio priùs , deinde latino idiomate suffragium emisit .
 Sergius Alexandri Armenus Archiepiscopus Cæsareæ Cappadociæ ,
 patrio priùs , deinde latino idiomate suffragium emisit .
 Stephanus Assemanus Archiepiscopus Apameæ .
 Bernardinus Vari Episcopus Civitatis Castellanæ .
 Joannes Innocentius Episcopus Fagarasiensis , patrio prius , deinde
 latino idiomate suffragium emisit .
 Pompejus Compagnoni Episcopus Auximanus & Cingulan.
 Jacobus Philippus Consoli Episcopus Amerinus .
 Josephus Coppola Episcopus Aquilanus .
 Joseph de Rubeis Episcopus Venafranus .
 Hieronymus Lorenzi Episcopus Acernen.
 Joannes Franciscus Cavallini Episcopus Alatrinus .
 Nicolaus Cioffi Episcopus Soranus .
 Joannes Antonius Castelli Episcopus Catharenis .
 Nicolaus Maria Calcagnini Episcopus Civitatis Ducalis .

Verùm cum Summus Pontifex omnium convocatorum Patrum suffragia eò concorditer collimare percepisset quò & vota sua ferebantur , ad solemnem beati Camilli de Lellis Canonizationem quàm primum , & in die ab ipsa opportunè indicenda paucis , & luculenter se deventurum eisdem significavit , & Actioni finem imposuit .

Sed antequam e sede consurgeret , & suffragatorum Patrum Conventum dimitteret ; Procurator Generalis Reverendæ Cameræ Apostolicæ Nos Protonotarios Consistorio interessentes rogavit , ut ad perpetuam rei memoriam de omnibus in eodem Consistorio tam a Sanctissimo Patre , quàm ab Eminentissimis Cardinalibus , nec non a Reverendissimis Patriarchis , Archiepiscopis & Episcopis præhabitibus in Causa Canonizationis beati Camilli de Lellis , unum vel plura , publicum seu publica , Instrumentum vel Instrumenta conficeremus .

Cui propterea Ego Franciscus Maria Protonotarius Riccardi Protonotariorum Collegii Decanus ejusdem Collegii nomine respondi : *Conficiemus* : Et Sanctissimi Domini Nostri Familiares , & præsertim DD. Paulum Zani Bononiensem , & Josephum Mariam Puoti Neapolitanum , ab intimo Sanctitatis Suæ Cubiculo ad hoc specialiter vocatos , habitos atque rogatos , in Testes adhibui his verbis : *Vobis Testibus*. Acta

Acta sunt hæc in Quirinali Palatio , die , mense , & anno , quibus supra .

In quorum omnium fidem Nos Protonotarii Apostolici de numero Participantium requisiti & rogati præsens hoc Instrumentum confecimus , subscrisimus & publicavimus , solitoque Collegii Nostri Sigillo muniri , & in nostro Archivio ad futuram Posterorum memoriam Secretario nostro perdiligenter custodiri & subscribi mandavimus . Actum ubi supra , præsentibus quibus supra Testibus ad præmissa vocatis , habitis atque rogatis .

Ita est Franciscus Maria Protonotarius Riccardi Decanus .

Loco † Signi .

Franciscus Dominicus Clementi ejusdem Collegii Secret.

Sequuntur suffragia eorum , qui aliquo impedimento detenti , sacro huic non adfuere Confessui .

THOMAS Episcopus Ostiensis & Veleriensis Sacri Collegii Decanus , Vice-Cancellarius Cardinalis Rufus .

Ubi primùm beatus Camillus de Lellis , dextera Domini faciente virtutem , e fluminibus Babylonis emersit , novus homo omnis iustitiae Fonti constanter adhaesit , prioris ævi lapsus diuturnis cruciamentis lacrymisque vindicavit , & omnium in eo illuxerunt documenta virtutum . Ab ipsis eximia in Deum charitate gliscens altera in animarum salutem flamma , in Xenodochiis robustior evasit . Intra horum tamen septa contineri spiritus ardor non valens , dilatavit Camilli gressus ; qui proinde in procurando spirituali potissimum Proximorum bono jam tarda molima nesciens , duabus quasi assumptis alis , excelsa nimirum fide & alta humilitate , in aliorum etiam ubicunque decumbentium , pauperum in primis ministeria involavit : Nullibi , aut ullo deterritus labore , aut foediore spectaculo , aut quantumvis pestilentि morbo , cessavit aliquandiu ; sed præsto miseris semper erat , advigilabatque , tamquam ei , qui dignatur Infirmus in Infirmis esse : Hos propterea Dominos , & Christos suos vocabat , imo ab his ipsis , velut ab offenso a se Numine , peccatorum suorum veniam postulabat . Ne verò tantæ virtuti sui similes victimæ defuturæ aliquando essent , Religiosissimam Familiam instituit , obstrinxitque novo charitatis voto . Hunc profectò misericordiæ Virum , qui fideliter Altissimo reddidit omnia vota sua , viresque omnes , & vitam perenni heroicarum virtutum exercitatione exhausit , assertum Cœlo esse , Cœlum etiam ipsum admirandis editis supra naturam signis demonstravit .

monstravit. Gloriæ igitur Omnipotentis Dei, & universi Fidelium Cœtus utilitati censeo apprimè conducere, cœlestes Camillo in terris honores a SANCTITATE VESTRA, jam per Beatificationem indultos, ab eadem per solemnem ipsius Canonizationem definitivè decerni.

*ANNIBAL Episcopus Portuensis Cardinalis Albanus
S. Clementis nuncupatus.*

IN beato Camillo de Lellis Teatinæ Dioecesis & Neapolitani Regni ornamento BEATISSIME PATER, illæ omnes dotes animi atque præclara ornamenta eluxerunt, quæ Deus Optimus Maximus peculiaris suæ providentiæ ac supernæ largitatis beneficio iis impertiri solet, quos ad magna evocat. His Camillus proliudens, naviter aversatus vitia, quibus adolescens fœdatus fuerat, viribus totis in christianam perfectionem incubuit. Jam tum a conversionis exordio rudimentum consummatæ virtutis præbuit, quæ adeo in dies est aucta, ut Sanctus ipse aliorum etiam salutem cum magno multorum bono avidissimè ac studiosissimè procuraverit. Ab se instituta utilissima Ecclesiæ toti Religiosorum Clericorum Familia, quæ ægrotantibus & morientibus spiritualia auxilia opemque opportunè præstat, flagrantissimam ipsius charitatem magis magisque commendat. Tot alia eximia opera & egregia facta, quibus dum viveret, Camillus Dei gloriam provexit, longè latèque illustriorem ipsum efficiunt. Quoniam verò pluribus etiam apertis & comprobatis Apostolicæ Sedis judicio miraculis heroicam tanti Viri sanctitatem Deus palam facere dignatus est, æquum justumque censeo, ejus nomine gloriosos Sanctorum Fastos augeri: ut Orthodoxa Ecclesia ampliore cumulata decore, novum apud Deum Patronum habeat, & ritu sacro pro meritis colat.

*VINCENTIUS Episcopus Prænestinus Cardinalis Petra
Major Pœnitentiarius.*

SI heroicarum virtutum ornamenta vehemensque in primis erga Deum & Proximum amor ac studium præclara sunt sanctitatis eximiæ argumenta, uti sunt revera, non est cur quisquam dubitet, quin beatus Camillus de Lellis meritò Sanctorum Albo sit adscribendus. Nam posteaquam ope dexteræ *Excelsi* e liberiori vitæ Instituto in bonam se frugem recepit, assiduæ orationi, humilitati, singulari patientiæ, Infirmorum saluti procurandæ omnibusque pietatis operibus se consecravit. Sed cum zelo salutis animarum flagraret, videretque ab aliis Patriarchis religiosorum Ordinum vitæ integræ, sanctèque ducendæ satis esse prospectum, novum Institutum, consilio sancti Philippi Nerii, quo præceptore uti solebat, in Ecclesiam introduxit, cuius Alumnis hoc onus incumberet,

ut

ut Infirmis ministrarent, extremodo vitæ discrimine laborantibus præsto essent, curarentque hortatu, consilio continuaque opera, ut ne pereant, sed habeant vitam æternam. Quare Virum optimum sanctimoniae miraculorumque gloria fulgentem judico decorari iis honoribus oportere, quibus a nobis qui sunt ab Ecclesia declarati, Sancti coluntur.

JOSEPH Episcopus Tusculanus Cardinalis Accorambonus.

EXIMIA beati Camilli humilitas, qua cum bene de omnibus mereretur, de se duntaxat abiectè sentiebat: Singularisque in Proximos charitas, quam omnibus omnia factus, ut omnes Christo lucifaceret, cum ferventissimo amore Dei copulavit, amplissimum sanè præbent ejusdem sanctitatis testimonium.

Cum igitur D. O. M. ejusdem, qua in Cœlis fruitur, gloriam multis testari miraculis non destiterit, in divini cultus incrementum, Ecclesiæ decus atque Ordinis Ministrantium Infirmis a B. Camillo instituti profectum versurum fore censeo, si Sanctorum Fastis adscribatur.

VINCENTIUS Episcopus Sabinensis Cardinalis Bichius.

BEATUS Camillus de Lellis Clericorum Regularium Ministrantium Infirmis Fundator eximio Proximi amore flagrans, nec satis de suo tantum opere factus in assistendis & serviendis pauperibus infirmis, & moribundis, pestifera etiam lue infectis, cum solus pluribus congruum officium præbere non valeret, cogitavit de nova erigenda Congregatio-ne Virorum ad hæc pia opera explenda, Divinoque fretus auxilio, nec non sanctissimi Crucifixi voce imperatus: *Incepit opus prosequere!* Novam Clericorum Regularium Ministrantium Infirmis Religionem fundavit, cuius Instituti præcipua promissio & obligatio est: *Perpetuò servire Pauperibus Infirmis, quos etiam pestis incesserit;* qua in nova, & Deo inspirante a se instituta Religione vitam admirabili sanctitate traduxit, & sanctissimo conclusit exitu, pluribus miraculis post mortem ad ejus intercessionem patratis illustratam. Quantum huic eximii amoris erga Proximum Inventori & Propagatori debeant Pauperes, Infirmi & Moribundi oculata testis est Urbs ipsa Roma, quæ primitias, media beatumque finem tanti Servi Dei gloriatur aspexisse, continuaque beneficentia & utilitate fruitur Instituti: Verendum propterea non est per sanctam vitam obtinuisse Camillum Ecclesiæ triumphantis consortium, per miracula exinde patrata tribuendum Illi videtur in Ecclesia militanti sanctitatis honorum fastigium.

*NICOLAUS MARIA Tit. S. Petri ad Vincula
Presbyter Cardinalis Lercarius.*

Divinæ profectò providentiæ consentaneum est , ut qui pro gloria Dei & hominum utilitate in vinea Domini adeo laboravit , sicuti amplissima in Cœlis præmia recepit , ita in terris debitum cultum adipiscatur . Mirabilis sanè fuit lux illa de Coelo circumfulsa , qua B. Camillus de Lellis ab anteactæ vitæ ignorantibus ad meliorem frugem vocatus inter Electos designatus fuit ; mirabilis ejus vivendi ratio , & mirabilius ejus apud Deum patrocinium , quod non modò pro medendis corporibus , sed pro animabus Fidelium sanandis ut firmius permaneat , sacræ Canonizationis honoribus debitus ei cultus augendus erit .

SYLVIUS Tit. S. Priscæ Presbyter Cardinalis Valenti .

Beati Camilli de Lellis Clericorum Infirmis Ministrantium Parentis exemplo discent Populi de mÿstica eorum salute numquam desperare , magnitudinem miserationum Dei agnoscentes , qui ut olim Paulum in Ecclesiæ primordiis , sic eum nostris temporibus a seculi fraude abstractum , gratiæ suæ dono ad incolumem vitam revocavit . Sic enim Mundo crucifixus eximum se præbuit Crucis sectatorem , novum refovens gaudium , quo divinus Pastor de inventa ove supra nonagintanovem Evangelica veritate nobis traditur mirum in modum cumulatus . Quàm sapienter igitur SANCTITAS VESTRA Virum pœnitentia conspicuum solemini hac celebritate Christifidelibus , qui a recta vivendi ratione desciverant , Patronum , apud misericordiarum Patrem instituit , ut probè sciant aditum cœlestis gloriæ continenter referari , quoties eorum corda supernorum beneficiorum virtuti pateant atque incremento .

*RAPHAEL COSIMVS Tit. S. Marcelli Presbyter
Cardinalis de Hieronymis .*

BEATISSIME PATER . Beatus Camillus de Lellis duro admodum initio usus est adoloscentiæ , & laxiorem vivendi rationem a principio invit ; at cum primum divina operante virtute aggressus est revocare se & compescere , magnæ profectò sanctitatis exhibere specimen cœpit . Totus igitur ad Deum conversus , & postquam variis pietatis operibus se exercuerat , Clericali insuper militiae addictus , ac Sacerdotio insignitus , illam præ ceteris vivendi rationem assumvit , qua animarum simul & corporum saluti prospiceret , fidelibusque ægrotantibus usque ad supremum vitæ spiritum spiritualia suppeterent auxilia . Id ipse per se , & alios quos interim ejusdem Instituti Socios assumserat ; charitate in dies fer-

ferventiori in Urbe continuavit. Illius merita, & novum ejus Ordinis Institutum, quām Deus accepto tulerit, signa edocent, quæ dum in carne mortali viveret, & postquam de præsenti seculo est assumptus, omnipotens Dominus ad illius invocationem dignatus est operari. Glorificandum igitur eum censeo a SANCTITATE VESTRA, & debitis præconiis venerandum in terris, sicut Dominus per suam gratiam clarificavit in Cœlis.

*CAROLVS Tit. S. Mariae de Ara-Cœli Presbyter
Cardinalis Calcagninus.*

BUCLANICI quod oppidum est Theatinæ Diœcesis in Regno Neapolitanō ortum habuit B. Camillus de Lellis; ejus mater gravida sibi visa est Puerum peperisse gestantem Crucem in pectore, quem ut Ducem sequebatur magna turba Puerorum eadem Cruce condecorata. Quæ visio certè præludium fuit illius immensæ charitatis, quam tempore suæ vitæ erga Infirmos exequi debebat. Quæ charitas ut semper perduratura esset, nova prole Ecclesiam fœcundavit Virorum Infirmis præclaro animarum profectu inservientium; tota Italia ejus amorem experta est, sed præcipue Roma dum dirissima grassabatur pestis, qua aliquot hominum millia consumpta sunt; ipse eo morbo laborantes continuò invisens, paterno reficiebat affectu, & Ecclesiæ Sacra menta propriis manibus administrans mirum in modum solabatur. Orationis cultor fuit assiduus, humilitatis eximius professor ceterarumque virtutum insignis amator, ut ex Decreto felic. record. Benedicti XIII. constare de Camilli virtutibus in gradu heroico declaratum est: In quarum testimonium adjecit Deus præclara miracula, a quibus permota SANCTITAS VESTRA illum in Beatorum numerum retulit; & quia virtus Divina ejus sanctitatem aliis miraculis confirmavit post Beatificationem, sic jure merito adscribendum arbitror cœstui Sanctorum, & in Cœlo Regnantium colendum proponi cunctis Christifidelibus, ut sit illis in exemplar & patrocinium.

*PHILIPPVS MARIA Tit. S. Agnetis extra Mœnia
Presbyter Cardinalis de Montibus.*

OPUS dexteræ Excelsi nobis admirandum proponitur in B. Camillo de Lellis. Hic a laxiori perditionis via revocatus, quam in juvenili ætate calcaverat, arctam mandatorum Dei semitam quæ dicit ad vitam, arripuit, progressus est, ac feliciter consummavit. Nullis unquam laboribus pro sua ac Proximorum salute fatigatus in Nosocomiis, etiam posthabito vitæ mortal is discrimine, ædibus privatis, imo & viis publicis videbatur ægrotantium vel mulcere angores, vel ulcera manibus atrectare, ac in extremo agone constitutos spiritualibus subsidiis adjuva-

N n 2 re,

re , nova instructa sub salutifero Crucis signo Religiosorum familia , quæ solemni voto mancipata hisce muneribus ad ægrotorum solatium obeundis incumberet . Quamobrem censeo B. Camillum , qui charitate dirigente introivit in potentias Domini , Sanctorum Fastis per SANCTITATEM VESTRAM tandem esse adscribendum , ut laudes ejus nuntiet Ecclesia , sciantque fideles Populi in eo situm esse calamitatum præsidium expressamque ardentissimæ charitatis imaginem .

*HIERONYMUS S. Angeli in Foro Piscium Diaconus
Cardinalis Columna .*

Quoties mihi beati Camilli de Lellis memoria succurrit , BEATISSIME PATER , toties mecum cogitatione repeto virum illum , qui Davidico testimonio Beatus est appellatus , quod intelligeret super Egenum & pauperem . Egeni sanè & Pauperes ii sunt , quos premit ultima imminentis mortis ægritudo , & in Domum æternitatis jam jam ituros vexat præteriorum memoria , & futurorum metus anceps , ac dubius exitus . Super hos intellexit Camilli de Lellis charitas , non quærenс quæ sua sunt , sed quæ Jesu Christi , incredibiles labores ultiro suscipiens , quo & ægrorum corpora subsidiis opportunè recrearet , & animos purgaret a vitiis , dignisque christiano nomine virtutibus informaret . In hac sanctissima charitatis militiâ optimum hunc Virum non militem tantummodo strenuum , sed ut Isaiae verbis utar , *Ducem ac Præceptorem Gentibus* indulsit Deus , ut novo excitato religioso Ordine , insurgeret ad defendendos Egenos ac Pauperes , quibus in hora exitus sui collectatio est adversus spiritualia nequitia Mundi Rectores , ac Tenebrarum Principes . Exemplo atque Institutis suis B. Camillus perfecit , ne deessent in Dei Ecclesia , qui Christifideles in extremo agone constitutos docerent , sumere scutum Fidei , in quo possent ignea tela nequissimi extinguere . Quapropter beatum hunc Virum de universa Dei Ecclesia optimè meritum , charitate ac misericordia insignem , novi Religiosi Ordinis institutione celeberrimum , Sanctorum cultu dignissimum censeo , ut qui Romæ , dum olim pestilentiam crudelissimam Urbs hæc Orbis Princeps laboraret , tanta tamque inclita virtutum omnium documenta præstítit , eadem in Urbe meritos laboribus suis honores assequatur .

Fr. ANTONINUS Camardæ Episcopus Reatinus Assistens .

BEATISSIME PATER . Ostendit Deus divitias gloriæ suæ in vase misericordiæ , cum B. Camillum de Lellis a via iniuitatis amovit , & per viam justificationum suarum deduxit , atque exercuit in mirabilibus suis , ipsum assumendo ad maximum charitatis opus exercendum in Infirorum administratione , in qua revera Infirmus cum infirmantibus effetus ,

ctus , valde placuit ei , qui Electos suos vocaturus ad gloriam , dicturus est illis : Infirmitus eram , & visitaſtis me ; maximè dignus est igitur , ut a SANCTITATE VESTRA inter illos solemniter connumeretur , qui in die retributionis audient vocem benedictionis Filii Dei : Venite benedicti Patris mei , possidete paratum vobis Regnum a constitutione Mundi .

NICOLAUS Simoni Episcopus Marcianen. Assistens.

CAmillus de Lellis Excelsi dextera mutatus induit loricam fidei & charitatis , quam nunquam deinde exuit ad mortem usque . Pauperum ac languentium turmæ semper immixtus sese demisit ad omne genus officiorum ac operorum pietatis . Os suum quod sapientiae aperuit , inquinamento & fôrdibus admovere non refugit . Nauseam tamen , quam non horruit , abundè compensatam certò nobis persuademos torrente voluptatis , quæ uti lætificat civitatem Dei regnante in Cœlis , ita lætificabit militantem in terris , si illi Apostolica auctoritate cœlestes honores decernantur .

Fr. PLACIDUS Pezzancheri Episcopus Tiburtinus Assistens.

BEATUS Camillus de Lellis , etsi aliquandiu a recto tramite adhuc Juvenis aberravit ; postea tamen vigesimo quinto ætatis suæ anno deductus in semitam mandatorum Domini , emendato quod olim peccaverat , posterioribusque virtutibus abundè compensato , sublimissimum Evangelicæ perfectionis attigit gradum ; & factus Sacerdos urgente eum charitate Christi , in curanda omni modo Proximi salute totus fuit , atque Ordinem Religiosum instituit , cuius præcipuum munus est , illis , qui in extrema lucta versantur , opitulari , ut piam christianamque oppetant mortem . Porro cum crebris ante & post mortem hic Beatus claruerit , atque in dies clareat miraculis , jure & meritò in Sanctorum Confessorum numerum referendus videtur .

*MARCUS ANTONIUS Amalphitanus Episcopus Ortonen.
& Camplen. Assistens.*

BEATISSIME PATER . Admirabilis Deus , qui dives est in misericordia , beatum Camillum de Lellis Fundatorem Clericorum Regularium Ministrantium Infirmis singulari providentiae suæ beneficio a laxiori vivendi ratione revocavit , vitæque sanctimoniam perlucere fecit : Audita enim interius voce Domini invitantis , Crucem tollens , abnegavit nemus sua , verum etiam seipsum . & sequutus est Dominum ; sicque ubi abundavit malitia , superabundavit & gratia . In eo charitas erga Deum , quæ est virtutum Regina , principem habuit locum ; verum quia qui Deum

Deum diligit, & Proximum diligere debet, ut nedium corporis, sed æternam Proxi:morum salutem permaximè curaret, nullis laboribus nullisque pepercit periculis. Promptus animus ad ardua quæque & abjecta pro utilitate Proximi suscipienda, ac invicta in laboribus patientia. In bello cum humani generis hotte & secum ipso gerendo, fortitudo in expugnabilis. Admirabili solertia ac tolerantia usus est, ut omnes Christo lucrifaceret; unde speciali Dei instinctu Religiosorum hominum Congregationem instituit, addito tribus votis quarto solemnii inserviendi Infirmis omnibus, etiam peste infectis, eisque spiritualem opem ferre, eo præsertim tempore, quo in mortis agone pugnam cum antiquo serpente sustinere debent, quæ omnia ipse mirum in modum rato exemplo explevit. Prophetiæ dono fuit illustris, & in animorum sensibus penetrans, æquè ac sanctus Philippus Neri, cuius nutu pendebat, & consilio regebatur, mirificè enituit. Angelici Spiritus ad ipsius obsequia sèpissimè descenderunt, eumque dum in maximo vitæ periculo versaretur, non semel incolumem reddidere. Cumque Deus iis aliisque prodigiis innumeris, ac insignibus beneficiis Servum suum in vita & post obitum mirificaverit, dignus propterea est, ut in Sanctorum Confessorum numero adscribatur, si SANCTITATI VESTRÆ videbitur.

HYACINTHVS de Silvestris Episcopus Nepesinus & Sutrinus Assistens.

BEATUS Camillus de Lellis, quem^a nox antea præcessit; quum primum ei dies appropinquavit, abjecit opera tenebrarum, induit arma lucis, & sicut in die honeste ambulavit. Signa^b ipsius sanctitatis facta sunt super nos in omni patientia, in signis & prodigiis & virtutibus. Itaque, quod veteri Romanae Ecclesiæ more jamdiu receptum, ut eorum qui supra ceteros homines heroicis virtutibus sese extulere, solemnri ritu memoria veluti conservaretur; id BEATISSIME PATER ad majorem Dei laudem & ad christianæ perfectionis incitamentum in tali tantoque Viro censeo servandum.

LUDOVICUS Savageri Episcopus Tempensis.

HABES in B. Camillo de Lellis Virum, qui Dei gratia e mundanis curis ad salutis semitam vocatus, corde contrito & humiliato singulare poenitentibus evasit exemplum, qui incredibili labore, quo pauperes levare, erigere oppressos, Infirmosque juvare studuit, eximiam misericordiam patefecit, qui demum summo illo, quo Dei tenebatur amore, atque ardentissima in Proximum charitate, Virorum Ordinem instituit, in quibus perpetuò Deo servire, spirituali Infirmorum saluti occurrere, ac contagioso morbo infectis assistere videretur. Eximum hunc Virum,

^a Pauli ad Rom. Cap. 13. 12. ^b Pauli 2. ad Corinthios Cap. 12. 12.

Virum, BEATISSIME PATER Angelorum quoque in terris consuetudine clarum, atque tot tantisque miraculis condecoratum, suprema auctoritate tua Sanctorum nunc Albo adscribi optant illius amantissimi Filii, instant Principes, expectant Fideles, atque Roma finitimique ei loci volunt & clamant. Horum votis mea sententia est, esse indulgendum.

ANTONIUS Franci Episcopus Graffeti.

BEATUS Camillus de Lellis Fundator Clericorum Regularium Ministrantium Infirmis, misericordiam a Deo consecutus, ut in melius emendaret, quæ ignoranter peccaverat, ita ad aratum manum admovit, ut numquam respexerit retro, ne levia quidem in posterum peccata negligendo, & cum omnem adhibuisset diligentiam, ut perfectus Christi imitator evaderet, brevi se præbuit verum christianæ Religionis & perfectæ charitatis exemplar: Romam tantum testem appello, ubi dirissima grassante peste, plenis languentium Nosocomiis, Compitis, Foris morientium gemitibus resonantibus, Camillus omnibus omnia factus, præsentissimo vitæ discrimine, ægrotos mortis faucibus eripiebat, jacentes recreabat, migrantesque ex hac vita animas sacrificiis precibusque Deo commendabat. Post inumeros tandem pro salute Fidelium suscepitos labores, meruit cum Christo regnare in Cœlis, qui pro Christi amore tanta in terra passus fuit: Quapropter cum SANCTITATIS VESTRÆ ineluctabili Decreto Servum Dei beatum Camillum de Lellis Albo Sanctorum rite adscribi posse firmum ratumque sit, hoc ipsum fieri expedire censem, si SANCTITATIS SUÆ nutus accedat. Et ita &c.

THOMAS ALEXIUS Rossi Episcopus Aprutinus.

CUM una simus in Domino sub Nostri Sanctissimi Patris & Pontificis Maximi auspiciis, omnes non diffiteor, sine mei humillimi Episcopi sententia in beati Camilli de Lellis Canonizationem asserendo concurre.

Id unum est dicere, integrum esse virtutibus theologicis fidei (scire licet) Religiosissimi Viri, spei, & charitatis: Prodigis etiam, quibus clarè in Ecclesia fulget. Ut eapropter veneretur in terris, qui ad præsens, & in ævum regnat in Cœlis.

Brevi me expediam. Illam etenim erga se malè habentes mirabilem charitatem, illud laboriosissimum vitæ genus morientum pientissimi Sofspitis, & jugi labore singularem sedulitatem amplexatus, sat specimenia dedit in vita sancti Spiritus charismata sanctæ animæ affluenter infusa retinuisse.

Dubitare igitur non debemus, quod Sanctissimus Pater Pontifex Maximus, & sanctæ universalis Ecclesiæ Magister jure quoque optimo in

Album

Album Sanctorum tantum Virum adscribere pergit, uti sere omnes humillimè deprecamur.

D. INNOCENTIUS Gorgoni Episcopus Pinnensis & Hadriensis.

Cum in Sanctorum Canonizatione heroicas virtutes imitandas, cœlesti æterni Regis stola condecoratos venerandos, ac Dei amicos tanquam utiles apud eum intercessores Fidelibus proponat Ecclesia, beatum Camillum de Lellis jure optimo atque merito in Sanctorum numerum suprema atque infallibili auctoritate tua referendum esse arbitror. In eo enim Fideles omnes eximum habent humilitatis, patientiae atque mirabilis in pauperes misericordie exemplar; in ipsis actis, atque in instituto ab ipso Ordine charitatem illam admirantur, qua factus omnibus omnia, omnes Christo enixè lucrifacere studuit, & Angelorum, qua quondam usus perhibetur in terris, consuetudo, ac miracula, quibus in vita, post mortem, & nostris quoque diebus Romæ finitimusque locis Deus ipsum glorificavit, in Cœlis cum Christo regnare invictè demonstrant.

Paulòpost, Consistorium tertium semipublicum postero die Sabbati habendum Apostolici Cursores denuntiarunt singulis Eminentissimis DD. Cardinalibus ac Præsulibus; relicta in uniuscujusque Domo sequenti Schedula.

INTIMATIO

Per Cursores facienda etiam Domi dimissâ copiâ.

Sabbato die 11. Junii. Sanctissimus Dominus noster tertium habebit semi-publicum Consistorium hora decimatertia in designata Palatii Apostolici Quirinalis Aula pro excipiendis suffragiis ab Eminentissimis DD. Cardinalibus, necnon Reverendissimis Patriarchis, Archiepiscopis & Episcopis in Causa futuræ Canonizationis beati Petri Regalati Confessoris Ordinis Minorum Observantium S. Francisci, eadem penitus servando, quæ pro consimilibus duabus aliis Consistoriis jam indicata fuere.

Certiores itaque reddantur omnes & singuli Eminentissimi & Reverendissimi DD. Cardinales, necnon Reverendissimi DD. Patriarchæ, Archiepiscopi & Episcopi in Urbe præsentes, ac Domini Protonotarii Apostolici, duo antiquiores Rotæ Auditores, Sacrorum Rituum Congregationis Secretarius, Promotor Fidei, & Procurator Fiscalis Camerae Apostolicae.

De Mandato Sanctissimi Domini Nostri Papæ.

Ignatius Reali Apst. Cærem. Præf.

Major

Major fuit quām pridie & nudius quartus eorum frequentia , qui in præparatis Aulæ subselliis assederant : Antistitum enim numerus aliis supervenientibus quotidie augebatur . Ad eos , qui una cum Cardinalibus Sanctissimi adventum præstolabantur , constitutâ horâ prodiit Papa eo vestitu ac comitatu , quo ad superiora Consistoria prius accesserat . Cum sedens aliquantis per quievisset ; donec emitterentur ii , quibus locus in Aula non erat , ita dicere exorsus est .

VENERABILES FRATRES . In præcedenti Consistorio vobis expendendam proposuimus Causam beati Camilli de Lellis Fundatoris Ordinis Clericorum Regularium Ministrantium Infirmis . Agendum est hodierna die de Causa beati Petri Regalati , qui sanè Institutor appellari nequit , sed aut Restaurator , aut præcipuus Minister , cuius opera ac labore Reformatio Ordinis Fratrum Minorum in Hispania statuta est . Evidem Ordines Regulares inter splendidiora Ecclesiæ ornamenta recensentur : Leges autem , quæ illis præscribuntur , Sanctitati maximè accommodatæ & consentaneæ judicantur ; qui tamen haud permittuntur , juxta disciplinam ab Alexandro III . Prædecessore nostro constitutam , nisi prius ab hac Sancta Sede Apostolica post accuratissimum examen comprobentur . Cum tamen Regularium Ordines hominum copia , non Angelorum , conflentur , ideo non semel ob frequentes atque inveteratas legum ipsarum violationes factum est , ut Pontifices Prædecessores nostri Ordines aliquos Regularium jampridem fundatos de medio tollendos duxerint , etiamsi Leges Sanctissimas profiterentur ; plerumque verò evellere coæti fuerint zizaniam frumento admixtam , opera ,

studioque præstantium Sanctitate Virorum , qui remissos Ordines ad pristinum splendorem restituerent , & charitatis ardorem pene extinctum rursum accenderent , Regulares Ordines ad primum institutum ac normam revocantes , quam illorum Professores aliqua ex parte deseruerant . Itaque , sicut hæc Sancta Apostolica Sedes animum proclivem semper ostendit , ut Fundatores Ordinum Regularium solemnni ritu Sanctorum Catalogo adscriberet , quod in præcedenti Consistorio pluribus exemplis declaravimus , si tamen cumulus reliquarum virtutum ad hunc titulum simul adjungeretur , eandem rationem habuit pro Restauratoribus Ordinum Regularium , vel eorum , qui plurimum adjumenti , laborisque contulerunt ad statuendas Reformationes , non temere , & inconsulto excogitatas , sed Romanorum Pontificum auctoritate præscriptas , non solum tentatas , sed executioni demandatas , quas postremò ipsi Restauratores non modò suscipiendas aliis proposuerunt , sed ipsi prius exemplo suo integrè servarunt , non ulla ducti specie utilitatis aut humanæ gloriæ , sed unicè pro Dei gloria propaganda . Petrus de Alcantera Ordinis Minorum Restaurator fuit , & a Clemente IX. Prædecessore nostro inter Sanctos adnumeratus . Sed antea Gregorius XV. in Canonem Sanctorum retulerat Theresiam , quæ singulari cum gloria restauravit Ordinem Carmelitarum , quem tum Viri , tum Mulieres profitebantur . Neque sanè multum temporis præteriit , ex quo Benedictus XIII. , de Nobis optimè meritus , Sancto-

rum

rum Catalogo nomen addidit Joannis a Cruce , qui plurimum adjuvit sanctam Theresiam in Reformatione Carmelitani Ordinis , quam ipsa susceperebat . Ex scriptis documentis , quæ vobis tradita fuerunt , jam clarè deprehendistis quantum laboris atque operæ Petrus Regalatus impenderit ad constituerandam Reformationem Ordinis Minorum , quam Apostolica Sedes præceperat ; quo studio , qua prudenteria , quæ magna Ordinis sui utilitate gravissimum hoc negotium administraverit . Satis etiam cognovistis morum innocentiam , quam ab adolescentia ad finem usque vitæ integrum conservavit , virtutum summè præstantium assiduam exercitationem , dona supernaturalia , quibus a Deo cumulatus fuit , dum inter mortales ageret , pretiosam ipsius mortem , & præclara miracula , quæ ante & post illam contigerunt , ut ejus Sanctitas palam omnibus innotesceret . Quare nihil aliud supereft , quam ut sententias vestras de Canonizatione ipsius indicenda Nobis declareris .

Post Sanctitatem Suam DD. Cardinales & Præfules omnes ex ordine de ejusdem B. Petri Regalati Causa sententiam dixerunt .

PETRUS ALOYSIUS Episcopus Albanensis Cardinalis Carafa.

SI quis unquam in se complevit , quod Jeremias dixit ^a : *Bonum est Viro , cum portaverit jugum ab adolescentia sua ; sedebit solitarius , & tacebit , quia levavit super se ; is est profecto beatus Petrus Regalatus , qui assuetus ab infantia pietatem colere , & suavissimum divinæ legis jugum sine ulla contradictione subire , solitarius sedet , hoc est , ab omni rerum terrenarum strepitu solutus , in seraphicam solitudinem se abdidit , atque ibidem tacuit ; quia nempe a seculi perturbationibus liber , ac unius*

^a *Thren. cap. 3. v. 27. & 28.*

cellulæ contentus angustiis , soli rerum cœlestium contemplationi vacabat , ac sola Paradisi gaudia meditabatur : Quamobrem levavit super se ; quatenus jugum divinæ legis gestienti lætitia ferens , eamdem legem insigni humilitate , heroica obedientia atque admiranda tolerantia complevit . Qui itaque jugum Domini tam bona voluntate super se tulit , ac tanta alacritate ad sexaginta & amplius annos sustinuit , quod repromissam a Christo requiem ^a sit consecutus , a Christi Vicario , pluribus miraculis id exigentibus , ut decernatur quammaxime convenit .

*FRANCISCUS Tit. S. Mariae Transyberim Presbyter
Cardinalis Burgensis.*

Petrus Regalatus Sacerdos Familiæ Minorum S. Francisci , qui vitem severiorem disciplinam restituit inter suos : quique vitæ sociam virtutem eximiam semper habuit ; mortis autem comitem , illustrem gloriam famamque Sanctitatis ; cuique dum viveret (ut alia præteream) datum a Deo sicco pede super aquas incedere ; cumque jam mortuus esset reviviscere , apertoque Sepulchro panem porrigeret mendico ; dignus ipse quidem mea sententia est , quem tu PATER BEATISSIME nunc tandem ornes ex ejus maximis clarissimisque virtutibus riteque consecratum in Divos referas . Atque ita ea de re censeo .

*ANTONIUS XAVERIUS Tit. S. Stephani in Monte Cœlio
Presbyter Cardinalis Gentili.*

Si Christianorum moribus in deterius collapsis magnum præsidium sensit Ecclesia Dei in beato Francisco , non modicum certè subсидium habuit in beato Petro Regalato Ordinis ejusdem S. Francisci Restauratore : Nihil enim eorum , quæ miramur in Patre , desideramus in Filio ; obtinuit ipse beatissimi Patriarchæ spiritum duplēcē , quo & virtutes ejus imitaretur , & regularem disciplinam in suis affeclis primævo splendori restitueret ; & si juxta verba scripturæ , gloria Patris est Filius sapiens , dupli prærogativa fulget Petrus , & quod heroicis virtutibus insignitus Francisci Patris sui auxerit gloriam , & quod eamdem Patris gloriam sibi promeruerit in filiis suis , quos verbo & exemplo instituens Deo peperit , & quorum aliqui ab hac Sancta Sede jam diu Sanctorum Fastis sunt adscripti . Quare cum ad ejus Sanctitatem comprobandum miracula etiam accesserint , illum dignissimum censeo , qui a SANCTITATE VESTRA solemi pompa inter Sanctos cooptetur .

*Fr. JOANNES ANTONIUS Tit. SS. Silvestri & Martini ad Montes
Presbyter Cardinalis Guadagni.*

BEATUM Petrum Regalatum in Sanctorum Albo merito adscribendum plura, eaque præclara Sanctitatis argumenta suadent. Ab ineunte enim ætate, ut excelsum Sanctitatis ædificium erigeret, de fundamento prius cogitavit humilitatis, ac avita generis nobilitate contempta, solemnibusque votis Deo nuncupatis in sacra Minorum sancti Francisci Familia, tum Proximorum saluti, tum eorum subsidio, qui vinculis carnis exoluti anhelant ad Regnum filiorum Dei, se totum mancipavit, ut vel Ægrotos in Nosocomiis, carceris squallore confectos, barbarorum captivitate detentos, eleemosynis, consiliis, obtenta libertate sublevareret: vel Defunctorum animas sibi charitate conjunctas orationibus, jugibus lacrymis, jejuniis aliisque proprii corporis cruciatibus a piacularibus flammis expiaret. Hæc & aliæ virtutes miraculis cœlitus illustratæ postulant BEATISSIME PATER, ut qui se humiliavit in terris, in terris quoque per SANCTITATEM VESTRAM exaltetur, & qui tandem seminavit in lacrymis, metat tandem in exultatione proventum, coronam scilicet auream expressam signo sanctitatis & gloria honoris.

DOMINICUS Tit. SS. XII. Apostolorum Presbyter Cardinalis Riviera.

SIcut Divina Providentia constitutum arbitror, ut iis, quorum laus esse debet in Ecclesia Sanctorum, post certum quemdam ac præfinitum diem cœlestes in terris honores tribuantur, ita non sine manifesto Dei consilio in tua tempora reservatum puto, BEATISSIME PATER quod tuo Decreto post plura secula de beato Petro Regalato inter Sanctos referendo sit actum. Tales enim tantæque virtutes, quibus arctioris inter Francisci Alumnos observantiæ vindex in Hispaniis emicuit, humilitas in primis, castigatio corporis, abstinentia singularis, altissima rerum divinarum contemplatio, mira in pauperes solicitude, que fertasse dixerim Petro ab Alcantara ad ejus sectanda vestigia magno postmodum fuisse exemplo; præterea signa quamplura ac prodigia, præsertim vero nuperissime edita, demonstrare aperte videntur, noluisse Deum hominis sanctitatem diutius latere sub modio, sed quod posita super candelabrum luceat omnibus, qui in domo sunt.

*JOANNES BAPTISTA Tit. S. Marie Angelorum
Presbyter Cardinalis Spinula.*

BEATISSIME PATER. Beatus Petrus Regalatus puer adhuc decennis se Deo devovit, & in Fratrum Minorum Coenobium secedens soli Deo famulaturus, ea omnia heroicè sortiter perfectèque aggressus fuit, quibus eam, quam Deus diligentibus se promisit, immarcescibilem coronam promeruit. Ipse enim Deus ascensiones in corde suo disposuit in valle lacrymarum, in loco quem posuit. Testatus propterea est omnipotentiæ suæ divitiis Servi sui sanctitatem; patratis ab eo insignibus miraculis adhuc vitam agente, simulque post obitum, quibus ejus gloriam omnibus manifestare voluit. Nihil itaque superest nisi, ut meritissimè per supremum SANCTITATIS VESTRÆ judicium Sanctorum Catalogo hic Servus Dei adscribatur.

RAYNERIUS Tit. S. Sabinæ Presbyter Cardinalis de Ilcio.

QUOD olim de S. Petro Apostolorum Principe apposítè pronunciavit S. Bernardus, id planè de B. Petro Regalato ipse usurpaverim.^a Fidelem ille sermonem, & omni acceptione dignum colloquium appellavit, quo beatus Apostolus Christo Domino dixerat^b: Ecce Nos reliquimus omnia, & secuti sumus te. Fidelem & ipse eam vocem asseruerim, qua B. Petrus Regalatus cum esset decennis Mundo, opibus ac nobili cognationi suæ vale dicere a matre vidua enixè flagitavit, & in patrio Franciscanæ Familiaæ Coenobio puerulus adhuc, & impubes se adscripsit, fremente humani generis hoste, qui ut olim scripsit D. Hieronymus, cernebat se vinci a puero, & prius ab eo calcatum fuisse, quam per ætatem calcare potuisset. In hoc autem susceptæ vitæ Instituto ad summum Evangelicæ perfectionis culmen contendens, humilitate, odio sui, paupertatis amore, orationis Divinæque gloriæ studio, ceterisque vitæ religiosæ virtutibus adeo excelluit, ut Seraphici sui Patriarchæ Francisci, quam simillimam imaginem per omnem ætatem retulerit, & suo exemplo quamplura per Hispaniam Coenobia ad veterem sanctimoniam & religiosam observantiam revocarit.

Quanta verò & quam sublimis B. Petri Regalati Sanctitas fuit, miracula, quibus a Deo mirificari obtinuit abundè testantur, quæ tum numero, tum magnitudine a SANCTITATE VESTRA, & a Sacra Rituum Congregatione plusquam satis judicata fuerunt ad supplendam de heroicitate virtutum aliàs necessariam probationem.

Quare in ea prorsus sententia sum, quod indicentur a BEATITUDINE VESTRA publici & universales hujusmodi Beato honores, ut juxta Ecclesiastici

^a *Trad. de contempt. Mund. cap. 1.* ^b *Matth. 19.*

clesiaſtici monitum , sapientiam ipsius enarrent Populi & laudem ejus nunciet Ecclesia .

DOMINICVS Tit. S. Bernardi Presbyter Cardinalis Passioneus.

Neminem fore arbitror BEATISSIME PATER , qui magnanimos alicujus Reipublicæ conditores debitibus laudibus afficiens , pari honore prosequi nolleſ eos , qui eandem Rempublicam pene cadentem ; ſtudio & labore fulcire contenderent . Hinc per omnem ætatem & omnium linguis celebrari fortiffimum Eſdram accepimus , qui excelsa atque incredibili virtute corruptam legem correxit , & summa animi magnitudine dirutum Templum instauravit : Quamobrem cum Petrus Regalatus sancti Francisci Familiam , cui ab ineunte ætate nomen dederat in Hispaniarum Regnis , hominum & temporum vitio collapsam , ad veterem Institutoris normam , auctoritate & exemplo revocare studuerit , cenfeo BEATISSIME PATER , adeo invictum Claſtralis disciplinæ Reſtitutorem , veluti Familiae ſuæ alterum Eſdram , in Coelitum numero poſt hæc ingentia facta poſſe reponi , ut qui pro instauranda Fratrum ſalute in tot laboribus , vigiliis & lacrymis ſeminavit , portans nunc ante thronum Dei manipulos ſuos in Cœlis , metat palmas & agat per Te , BEATISSIME PATER , in terris de tot hostibus devictis cum exultatione triumphum .

SYLVIUS Tit. S. Priscæ Presbyter Cardinalis Valenti .

Religiosa Hominum Instituta , quorum ſpeciosa varietate Romana præfulget Ecclesia , eo præſertim approbatione & admiratione nos provocant , quia a purioribus Evangelici præceptoris consiliis primam atque unicam morum regulam ſibi adſciscunt , qua ſtudia & officia adeo ſupra naturæ vires ſe extollunt , ut præcox quædam inter terrarum orbum , & Cœlum ſocietas iniri & coaleſcere videatur .

Vestigiis clariffimorum Virorum de tanta agendi ſublimitate emeritorum inhærens beatus Petrus Regalatus , non ſine maximis contentionibus & laboribus labefactum jam hoc portenti genus in Hispania instauravit . Dignus ſanè BEATISSIME PATER , quod singulari colatur veneratione inter militaris Ecclesiæ pugiles , qui triumphali in Patria donatus est corona .

Fr. JOACHIMVS Tit. SS. Quatuor Coronatorum Presbyter Cardinalis Portocarrero .

Ex fœcundissimo Seraphicæ Religionis agro prodit en alterum BEATISSIME PATER , Sanctitatis germen beatus Petrus Regalatus . Ab ineunte hic ætate intelligens ſe in ſortem Domini vocatum , ut ſe a cupiditatibus

piditatibus seculi immaculatum custodiret, in sanctitate & justitia ad humilem Crucis sequelam animum contulit, & Franciscanæ Familiae nomine dato, asperoram vivendi rationem sibi constituens, tanta cordis contentionе Evangelicæ perfectionis stadium cucurrit, ut sanctissimos mores, mirabiles virtutes omnes beatissimi Patriarchæ Francisci in se ipso mirificè expresserit, & absolutissimum evaserit exemplar. Congruum est itaque, ut qui Sanctorum merita per virtutes & prodigia, ejus nomine patrata, tam laudabiliter adæquavit, debita a militanti Ecclesia Sanctis præmia, Vestræ vocis Oraculo consequatur.

CAMILLUS Tit. SS. Joannis & Pauli Presbyter Cardinalis Paulutius.

BEATISSIME PATER. Perfectam ac undique sanctitate resurgentem vitæ rationem a beato Petro Regalato peractam mihi animo menteque recolenti, tot tantaque ejus heroicæ virtutis fæse offerunt argumenta, ut ipsum procul ab omni dubio Sanctorum dignum honoribus justissimè existimem: Verùm quia non vacat ea nunc singillatim referre, ideo omissis vel maxima illa austeritate, qua suum corpus continuè excruciat, vel assidua cœlestium contemplatione, qua spiritum reficiebat, vel sublimi illa humilitate, qua sui contemptum in deliciis semper habuit, sat est animum convertere ad restitutam Franciscanæ Familiae suo consilio, opera atque exemplo veteris Instituti observantiam, ex quo sanè ab ipso feliciter absoluto opere ejus enixum in religiosis virtutibus colendis studium, ejusque vitæ sanctitas haud obscurè deponitur. Cumque insuper Altissimo placuerit anteactam ejusdem vitam prodigiis comprobare, lubeat quæso etiam SANCTITATI VESTRÆ huic Beato Sanctorum Heroum cultum in terris decernere.

CAROLVS ALBERTVS Tit. S. Mariæ de Pace Presbyter Cardinalis Guidobonus Cavalchini.

ODorem suavitatis dederunt, BEATISSIME PATER, felices illæ dampum reliquiæ in gratissimos rosarum flores repente conversæ, quibus eximia Petri Regalati in Pauperes charitas suit ab improvidis ejus obrectatoribus mirabiliter vindicata. Sed longè melior & suavior Christi odor suit ipse Petrus, quem Seraphicæ Familiae hortum a primigenio Evangelicæ perfectionis flore deficiente, tamquam lily in dumeto foecundissimè germinans, perenni virtutum omnium fragrantia recreavit roboravitque. Decet jamverò BEATISSIME PATER, strenuum hunc severioris religiosæ disciplinæ Restauratorem communibus universæ Ecclesiæ laudibus celebrari, ut unusquisque Fidelium ejus exemplo atque præsidio fulcitus, tamquam flos terræ fructificantis Deo, vividior semper efflereat in sanctificationem suam.

FRI-

FRIDERICUS Tit. S. Pancratii Presbyter Cardinalis Lantes.

INTER tot, quos amplissimum Hispaniarum Regnum, veluti uberem pietatis segetem, omni ævo tulit conspicuos Sanctitate Viros, insignem certè locum jure obtinet B. Petrus Regalatus strictioris ibi disciplinæ in Franciscana Familia Author eximius. Quamquam enim oculatis Testibus, prout moris est, ipsius heroicæ virtutes ob temporis antiquitatem minimè probari queant, floruit enim seculo xv. Ipsius tamen perpetua quidem ac constans fama Sanctitatis longè latèque per Hispaniam universam, tam dum viveret, quām post ejus obitum omnium sermone hominum pervagata, ac certissimis fide monumentis per manus veluti tradita, longævus insuper in eum Hispanorum cultus, signa etiam ipsius meritis a Deo ac patrata prodigia omnino efflagitare videntur, BEATISSIME PATER illum inter Sanctos rite esse connumerandum.

FRANCISCUS Tit. S. Mariæ de Populo Presbyter Cardinalis Riccius.

BEATISSIME PATER. B. Petrus Regalatus consumatissimæ christianæ perfectionis argumenta in ipso claustralibus Ordinis S. Francisci Tirocinio omnibus patefecit. De excelso etenim misit Dominus ignem in osibus ejus, & erudivit eum. Nil mirum igitur quod ipsius præclarissimas Virtutes, Fidei, Spei & Charitatis cumulaverit Dominus tot insignibus donis & miraculis, ipsa rerum natura famulante fideli ac prudenti Servo, qui ardentiissimo amore & puro corde ejus auctorem tota vitæ curriculo intensissimè coluit. Quæcum ita sint, tuum erit BEATISSIME PATER, Virum istum tantis meritis & prodigiis coruscantem Sanctorum Fastis adscribere, ut novum Christifidelibus sit virtutum exemplar, qui in omnibus se præbuit factorem bonorum operum.

ANTONIUS Tit. S. Silvestri in Capite Presbyter Cardinalis Rufus.

BEATUS Petrus Regalati viam mandatorum Dei cucurrit, cum Dominus ab adolescentia dilatavit cor ejus. Viam hujusmodi ingressus incipit, perfecit consumavitque innocenter. Impuber adhuc Franciscanæ Familiae nomen dedit, atque hac nova in semita exultavit ut gigas ad currendam perfectionis viam. Ut enim ostenderet quod viveret ipse, jam non ipse, sed viveret in eo Christus Jesus: Si quod arduum humilitatis, patientiæ, austeritatis, flagrantissime charitatis argumentum est, in se ipso cumulatissimè complevit; hancque Crucifixi imaginem jam in eo efformatam, ut in alios per imitationem transferret, & studium & opera impendit, ut Seraphica regula exactissimè servaretur: Quin immo sancti Francisci spiritum æmulando, solitudini a florenti ætate se addixit,

atque solitarii recessus jam pridem in Ordine Minorum instituti extitit Promotor insignis. Tam operosis virtutibus ornatus ad culmen perfectionis & charitatis in Deum & Proximum pervenit, ut vel mortuus & jam sepultus nullo mortalium moliente, sepulchrum illico apertum est, & manum suam aperuit inopi petenti, & palmas suas extendit ad pauperem. In votis ergo omnium est BEATISSIME PATER, ut per sacram & publicum cultum a Te decretum fiat in praesentis seculi calamitatibus omnium adiutor fortis, qui prodigium factus est multis.

*D. FORTUNATUS Tit. S. Matthæi in Merulana
Presbyter Cardinalis Tamburinus.*

Quae christianarum virtutum ornamenta sanctos Regularium Ordinum Institutores clarissimos reddidere, ea ipsa efficiunt, ut pie tate insignes homines, qui eorundem Ordinum collapsam disciplinam restituerunt, celebrentur justissimis laudibus. Hos inter maximè eluet Petrus Regalati Sacerdos Professus Ordinis Minorum, novus Regularis observantiae apud Hispanos Restitutor, qui ejus nominis gloriam cum heroicarum virtutum laude apprime conjunxit. Nam ab ineunte ætate amore Dei usque ad contemptum sui flagrans elegit abjectus esse inter S. Francisci Filios, ut sancti Parentis demissam humilitatem ac pauperimæ vitæ rationem imitaretur, & sanctissimè retineret. Quarum virtutum præsidio munitus ad eam Sanctitatem pervenit, quam Deus coronâ justitiae donaret in Cœlis; & quam signis ac prodigiis, quibus Servum suum & vivum & mortuum illustravit, terris illucere voluit. Nihil ergo jam restat aliud, nisi ut Tu BEATISSIME PATER tanti Viri nomen in Sanctorum Catalogo describi jubeas, quo tanquam veræ Sanctitatis imaginem ipsum intueamur, & pio ac debito cultu atque honore prosequamur.

D. JOACHIM Tit. S. Crucis in Ierusalem Presbyter Cardinalis Besutius.

Cum facere & pati sortia Sanctorum sit; idque præstiterit B. Petrus Regalatus non solum in exercenda, verum etiam in renovanda veteri illa asperrimaque vivendi norma, quam suis S. Franciscus de Assisio indixerat; illamque ad integritatem splendoremque pristinum innumeris difficultatibus superatis, seu melius dixerim devoratis, revocaverit: Cumque hujus Beati heroicas virtutes Cœlum ipsum miraculis contestatum fuerit, ego volens libensque coeleste per prodigia judicium piè complector, illudque SANCTITATIS VESTRÆ quod Mundus expectat, venerabundus expostulo, atque suscipiam.

CAROLVS S. Mariæ in Via Lata Diaconus Cardinalis Marinus.

Quemadmodum ardentissimæ illæ cœlestium desideriorum flammæ in beati Petri Regalati corde succensæ in adeo magnum charitatis incendium excreverunt, ut perfectiora semper in mente habens, indeque usitatam licet piissimam Franciscanæ Familiaæ vivendi methodum parvifaciens, novum in deserto loco Cœnobium a se extructum, ita initialis asperrimi beatissimi Francisci Instituti rigidissimis regulis pro se & asseculis communivit, ut ipse ibi præ ceteris assiduâ hæroicarum omnium virtutum exercitatione supremum sanctimoniaculmen attigerit.

Dextera Domini in retribuendo non parcior præsto fuit, nedum enim insignissimis illis prodigiis florescentiæ panis fragmentorum in rosas, interjecti fluminis (extenso Pallio cymbam supplente) transvadationis exanimisque ejus brachii ad impartiendam egeno stipem, non fracto sepulchri marmore mirabilis extensionis; tutò altaribus inseri, & præclaro Beati nomine insigniri posse indicavit.

Sed binis etiam aliis æquè obstrepentibus post hunc cultum miraculis a SANCTITATE VESTRA (æquè maximo in his rebus Doctore ac Judge) latè approbatis, gratissimum sibi fore solemniorem illius cultum, Deus ipse unicus miraculorum auctor hac ultima signorum voce explicavit.

Hæc autem ipsa superni illius beneplaciti certitudo, juxta inconcussam hujus Apostolicæ Sedis praxim, meritò de se sola causare debet, ut eadem SANCTITAS VESTRA illo eodem obsequenti & libenti animo, quo semper illius placita exequitur, hoc etiam modò exequatur.

ALEXANDER S. Mariæ ad Martyres Diaconus Cardinalis Albanus.

Inter quamplurimos, quos Cœlo dedit Hispania celeberrimos sanctimonia Viros, e'Franciscanorum Familia fœcunda Sanctorum Matre prodiit beatus Petrus Regalatus adhuc impuber religiosum professus Institutum, paupertatis amantissimus & severioris disciplinæ Instaurator. Ejus charitas in sodales & exteris diffusa omnem impendit operam ad spiritalem cunctorum salutem, nec Infirmis, egenis & captivis in gravibus eorum necessitatibus desuit, & non modica, ut Petrus Apostolorum Princeps, sed firmissima fretus fide, eximiam virtutem elementis ipsis testantibus, sæpius aquas sicco pede trajecit. Quam igitur etiam post beati Viri obitum Deus signis ac miraculis confirmavit Sanctitatem solemnni Fidelium veneratione censeo jure celebrandam.

NERIUS S. Eustachii Diaconus Cardinalis Corfinius.

Tanta suit virtus & Sanctitas, qua præditus fuerat B. Petrus Regalatus, atque eadem tam perfecta tamque heroica & excellens, ut ejus odor post quatuor ferme seculorum intervallum perseveraverit, ac etiam si illa in oblivionem venisset, tot miraculis fuerit confirmata, ut sanè credam BEATISSIME PATER, tuto posse procedi ad eum in Sanctorum Fastos adsciscendum.

AGAPITUS S. Agathæ Gothorum Diaconus Cardinalis Mosca.

Repletum est gaudio os nostrum & lingua nostra exultatione, dum aquæ fluiditatem convertit Dominus veluti in petræ soliditatem, ut Petrus Regalatus Durii aquas non semel ad incolumitatem, sed de more ad commoditatem sicco pede trajiceret. Magnificavit sanè Dominus facere nobiscum: Si enim virente Synagoga convertit petram in stagna aquarum, nunc ubi sterilis peperit plurimos, atque ex Gentium vocatione Ecclesia nostra coaluit, aquam ipsam quasi in petram convertit Dominus, ut potentiam suam in Ecclesiæ decus exerendo, Servi sui Sanctitatem contestaretur. Petrus ergo Regalatus, qui membrorum legem rigore poenitentiae devicerat, & cuncta sensibila bona paupertatis amore despicerat, ita ivit de virtute in virtutem, & ascensiones in corde suo ita disposuit, ut accedere contenderit ad Deum factorem suum; qui sicuti ponit nubem ascensum suum, & ambulat super pennas ventorum, ita Servo suo dedit sicco vestigio super aquas incedere, aliisque signis coruscare. Hæc porro omnia BEATISSIME PATER expostulant, ut Petrum Regalatum inter Sanctos recensere non dedigneris.

*CAROLUS MARIA S. Mariæ in Porticu Diaconus
Cardinalis Sacripantes.*

Batus Petrus Regalatus, qui suam animam odit in hoc mundo, ut in vitam æternam custodiret illam, tanto æstuavit charitatis ardore erga Proximos, ut in Pauperibus sublevandis, Infirmis reficiendis, Peccatoribus ad poenitentiam revocandis manus Dei cum illo esset, per quam miracula non defuere, quæ Viri Sanctitatem & cum Christo consuetudinem testarentur. Humilitatis, poenitentiæ, ac innocentiae certarumque virtutum omnium eximium exemplar pro severiori sui Ordinis disciplina strenuè decertavit, & totam Ecclesiæ suis meritis exornavit. Jure igitur Sanctorum Fastis adscribendum censeo Seraphicum Virum, qui nobis gloria yestigia imitanda reliquit.

MARIUS SS. Cosmæ & Damiani Diaconus Cardinalis Bologninus.

Sicut lily inter spinas servatur, ita Petrus Regalatus inter angusta paupertatis confinia & rigidas pœnitentiæ leges innocentiae candorem custodivit. Dignus propterea factus est, ut qui cuncta temporalia bona paupertate despiceret, & sensum illecebras pœnitentiâ devicebat, omnia sub ejus pedibus subjicerentur. Hinc ut Servi sui Sanctitatem Deus admirabili etiam signo contestaretur ^a: *Convertit aquas in siccitatem*, ut Durium fluvium sicco vestigio Petrus de more trajiceret. Cum itaque virtutes virtutibus Petrus Regalatus vitam agendo cumulaverit, plurimisque deinceps signis inclaruerit, nihil omnino desideratur in Petro ^b quod utile est in recipiendo Sanctificationem ejus, quam enixis votis BEATISSIME PATER præstolamur.

PROSPER S. Georgii Diaconus Cardinalis Columna de Sciarra.

Heroicas virtutes B. Petri Regalati non aliter probatas scimus & veluti confirmatas, quæ testimonio Divino quatuor miraculorum per quæ virtutum probationem, Testibus oculatis destitutam, satis superque suppleri hæc Sancta Sedes olim autumavit. Hisce quatuor miraculis nuper accesserunt alia duo, quæ post indultam B. Petro veneracionem facta fuisse ferebantur, quæque ad examen revocata approbari meruerunt. Habes ergo BEATISSIME PATER satis superque sufficientia testimonia veritatis, quibus ad sanctorum legum præscriptum virtutes heroicæ Servi Dei contestatae remanent, & via satis tuta aperitur ad decernendam B. Petro sacram solemnemque sanctificationem. Non aliis legibus Majores tui solemnies sanctificationes Beatis decreverunt; neque aliter Deus Beatorum Sanctorumque virtutes testatas voluit. Eja ergo indutus virtute ex alto, & infallibili tuo judicio cultum illum B. Petro decerne, qui mirabili vivendi genere PP. Franciscanis exemplo fuit, & Fidelibus omnibus admirationem attulit, quique sic glorificari meruit post labores plurimos pro Regulari Disciplina instauranda, pro Dei gloria & pro hominum salute fortiter exantlatos.

ALEXANDER S. Mariæ in Aquiro Diaconus Cardinalis Tanarius.

BEATISSIME PATER. Decet maximè, ut præstantissimi Viri, qui heroicis virtutibus dum viverent, excelluerunt, atque post mortem insigni miraculorum splendore claruerunt, infallibili Apostolicæ Sanctæque Sedis judicio in Sanctorum numerum referantur. Quare cum beatus Petrus Regalatus Evangelicæ perfectionis viam a pueritia ingressus, & sanctif-

^a Ecclesiast. cap. 39. vers. 29. ^b Apostolus ad Hebreos cap. 12. vers. 10.

sanc*tissimum* divi Francisci Institutum diligentissimè ad mortem usque professus, laudatis virtutibus eminuerit; ardentissimæque in Deum & Proximum charitatis prodigium in hac mortali vita factus sit cunctis; indeque immortalem adeptus, luculentissima miraculorum luce ab eo ornatus fuerit, qui facit mirabilia solus: Quid aliud restat, nisi ut SANCTITATIS TUÆ sententia, Eum solemnius regnare in Cœlis intelligamus; eumdemque in terra alacrius imitari & ferventiūs venerari possimus.

HIERONYMUS S. Adriani Diaconus Cardinalis de Bardis.

TAntùm absuit ut ^a fascinatio nugacitatis mentem B. Petri Regalati obscuraret, & inconstantia concupiscentiæ sensum transverteret, ut a prima ipsa ætate ^b exultavit sicut gigas, & Sanctitatis viam currere visus fuit. Id autem maximè patuit cum in Seraphicum Ordinem cooptatus partim exemplo, partim opera ac studio ad sanctissimi Patriarchæ Francisci ^c legem vitæ & disciplinæ restituendam tam diligenter incubuit. Quare cum ^d Justi hujus semita usque ad perfectam diem processerit, & quasi ^e lux splendens pluribus miraculis luxerit, rem Ecclesiæ perutilem SANCTITATEM VESTRAM facturam esse censeo, si eundem Sanctorum Fastis adscribat, ut quasi ^f firmamenti splendor & quasi stella in perpetuas effulgeat æternitates.

DOMINICVS SS. Viti & Modestii Diaconus Cardinalis Ursinus.

BEATISSIME PATER. Eximia sanctimoniarum luce usque ab ineunte ætate coruscavit Petrus Regalatus: Majora prætulit postquam avitis honoribus Mundique illecebris heroicè pessundatis Religioni nomen dedit: Tunc enim exultans ut gigas ad currēdam perfectionis viam, regulāi observantia inter Hispanos restituta virtutes omnes, præsertim humilitatis, abstinentiæ, paupertatis, patientiæ & charitatis, adeo solus ipse complexus est, ut vix ceteri singulas: Quare sicut in diebus suis placuit Deo, & inventus est Justus, ideo magnificavit eum insignium donatione charismatum: Quibus rite comprobatis, dignum propterea est, ut cœlestibus ille prosequatur honoribus, qui terrenos despexit, & velut Sanctitatis speculum universæ Ecclesiæ proponatur.

MUNDILLVS Ursinus Patriarcha Constantinopolitanus Assisiens.

BEATISSIME PATER. Charitas ut Apostolus docet, est vinculum perfectionis, & plenitudo legis est dilectio. Proinde si quis est, qui beati Petri Regalati virtutes inter se colligatas uno intuitu comprehendere velit, in ejus singularem erga Deum & Proximos charitatem intueatur.

Quan-

a Sap. 4. b Pjal. 18. c Eccl. 45. d Trov. 4. e Matth. 5. f Dan. 12.

Quanto fervore animi raperetur in Deum ex his perspici facile potest : Quod pene puer perfectionis iter arripiens contemplatione defigeretur in eum , quem per ætatem nosse vix poterat : Quod decennis unicum Deum sicut paternæ domus honores divitiasque contempserit , atque ut pauperrimum sancti Francisci Institutum amplecti sibi liceret flagrantissimis precibus a Matre postulaverit ac demum obtinuerit : Quod ut Deo conjunctius adhæreret , atque in dies placeret magis , ejusdem Instituti disciplinam ad veterem integratatem revocaverit : Denique quod ceteris severiorum illam vivendi formam profitentibus omni asperitatum genere omnique virtutum exercitio longè antecesserit . Dilectionem verò ejus erga Proximum tria potissimum luculenter testantur . Testatur pietas in ægrōtos eo usque heroica , ut eorum ulcera lambere non perhorresceret . Testatur indefessus in lucrāndis animis labor ; præsertim verò solicitude ut Proximi diligenter alterutrum , & mutuam in semetipsis charitatem haberent . Testantur demum immanes illi cruciatus , quibus in se ipsum sæviens animas in Purgatorio detentas ab iis ignibus quàm celerrimè eripere satagebat . Aequum igitur est , ut talem Virum , qui dum viveret semper in charitate mansit , nunc in Deo manere , & Deum in eo , SANCTITAS VESTRA infallibili sua definitione pronunciet .

ANTONIUS MARIA Pallavicinus Patriarcha Antiochenus Assistens.

Sraphici Patris imitator egregius Petrus Regalatus antiquam sui Ordinis disciplinam restituit : Cum asperrima vivendi ratione ac jugi divinarum rerum contemplatione , pietatis Officia & in Proximum charitatem conjungens perfectiorem utriusque vitæ formam omnium admirationi exhibuit . Inaudita miraculorum novitate ac magnitudine adeo effulsit , ut inter Sanctos recenseret & apud homines exaltari mereatur .

THOMAS Cervini Patriarcha Hierosolymitanus Assistens.

Dicente Christo Domino : *Qui non renuntiat omnibus , quæ possidet , non potest meus esse discipulus* ; beatus Petrus Regalatus , ut hanc sibi perfectionem compararet , Matrem a prima ætate deseruit , generis splendorem ac seculi divitias contempserit , ut pauperrimum sancti Francisci Institutum amplectetur ; quod cum ad pristinam paupertatem revocasset , magnisque virtutibus & signis conspicuus effulsisset , sanctissimè objit . Quid igitur amplius ut inter spectatissimos Christi discipulos cooptetur ?

دیکشنری موسیقی

لَهُ كُنْا فِي هَذِهِ الْأَلْيَادِ : إِنَّمَا يَعْلَمُ مَا كَانَ لِلَّهِ فِي
كُلِّ أَيَّارٍ وَمَا يُحْكِمُ فِي تَهْكِيمٍ لِكُلِّ أَيَّارٍ فَبِهِمَا كَانَ
الْمُتَكَبِّرُونَ : إِنَّمَا يَعْلَمُ مَا يَفْعَلُ فِي هَذِهِ الْأَلْيَادِ .
وَلَا يَعْلَمُ مَا يَفْعَلُ إِلَّا مَنْ كُنْتَ أَنْتَ مُعْلِمًا . وَمَنْ يَعْلَمُ كُلَّ
أَيَّارٍ فَأَنْجِزْ لَهُ مَدْرَسَةً . وَلَا يَعْلَمُ إِلَّا مَنْ يَعْلَمُ كُلَّ
أَيَّارٍ فَأَنْجِزْ لَهُ مَدْرَسَةً . وَلَا يَعْلَمُ مَا يَفْعَلُ إِلَّا مَنْ
يَعْلَمُ كُلَّ أَيَّارٍ فَأَنْجِزْ لَهُ مَدْرَسَةً . وَلَا يَعْلَمُ مَا يَفْعَلُ إِلَّا مَنْ
يَعْلَمُ كُلَّ أَيَّارٍ فَأَنْجِزْ لَهُ مَدْرَسَةً . وَلَا يَعْلَمُ مَا يَفْعَلُ إِلَّا مَنْ
يَعْلَمُ كُلَّ أَيَّارٍ فَأَنْجِزْ لَهُ مَدْرَسَةً . وَلَا يَعْلَمُ مَا يَفْعَلُ إِلَّا مَنْ
يَعْلَمُ كُلَّ أَيَّارٍ فَأَنْجِزْ لَهُ مَدْرَسَةً . وَلَا يَعْلَمُ مَا يَفْعَلُ إِلَّا مَنْ

Ejusdem Versio latina.

GABRIEL Eva Syrus Maronita Archiepiscopus Cypri Assistens.

Beatus Petrus Regalatus non modò videtur mihi Regularem Ordinis Minorum inter Hispanos observantiam restituisse ; sed etiam sancti Petri Apostolorum Principis super maris undas ad Christum Dominum ambulantis miracula renovasse . Quotiescumque enim flumen Durium superaturo navicula in promptu non esset , pallio super undas extenso trans fluvium gradiebatur . Ita sanctissimi Petri & nomen & virtutem induerat . Quum igitur & vivens Petrum virtutibus retulerit , & post obitum iis miraculis claruerit , quæ a Sacra Rituum Congregatione sunt comprobata ; hoc unum supereft , ut SANCTITAS VESTRA quæ Petri Cathedræ est heres , Petro in sancta Petri Æde Sanctorum nomen & cultum Apostolica auctoritate decernat .

ALEXANDER Borgia Archiepiscopus Firmanus Assitens.

BEATISSIME PATER. Minoritica divi Francisci Familia in hac luce temporum profert de thesauro suo nova & vetera. Siquidem non solum beatos viros Fidelem a Sigmaringa, & Josephum a Leonissa tamquam superioris seculi Alumnos suos Tibi offert supremis Sanctorum titulis decorandos, verum etiam Petrum Regalatum Hispanum a tribus post ejus excessum seculis perpetuo Regum ac Populorum cultu, accedente etiam Apostolicæ Sedis approbatione donatum: Virum sanè miræ sanctimoniae & apud Fratres suos priscæ ac severioris disciplinæ exemplo magis quam verbo Instauratorem, cuius adhuc vivi imperio omnipotens Deus elementa subjecit, a quo defuncto praestari voluit ea, quæ vivus praestitit: Quapropter censeo tutissimum fore judicium, quo illi amplior titulus, solemnior cultus a Te SANCTISSIME PATER decernatur; si enim in his judiciis Ecclesia consuevit testimonia hominum accipere, nonne testimonium trium seculorum majus est? Rursus si testimonij hominum Ecclesia non acquiescit, at divini etiam testimonii signa & prodigia requirit, nonne transmissa sicco pede flumina, confectum una tantum hora ad quadraginta millia passuum iter, conversa in flores panis & carnis fragmenta, porrectus e sepulchro mortua manu mendico panis sanctimoniam & gloriam tanti Viri abundè testantur ac prædicant?

MICHAEL de Palma Archiepiscopus Teatinus Assitens.

IN VICTO martyri, ac Fundatori egregio succedit in Ordine, SANCTISSIME PATER B. Petrus Regalatus, cuius insigne meritum in eo resplendet, quod inexplicabilibus exantlatis laboribus, ad primævi fervoris gloriam, suæ Familiæ observantiam revocaverit, auxerit, instauraverit, cui proinde, æquè ac aliis, Reformatoris eximii elogium grande haud incongruè adscriberetur.

De Viri hujus percelebri Sanctitate abundè suademur, ex quo itinera vitæ suæ dupli gressu mirè confecerit, innocentia videlicet morum ac ardore pietatis: Seraphico Ordini adhuc impuber adscriptus alacriter ivit de virtute in virtutem, assiduoque earum exercitamento cuncto Populo sese conspicuum reddidit atque mirabilem.

Sanctitati vitæ robur addidere ac testimonium signa atque prodigia, quibus in Ecclesia Christi vivens mortuusque præfulsit.

Omnia hæc PATER BEATISSIME, sive virtutes, sive miracula voces de Cœlo sunt, quæ in B. Petro Regalato enarrant gloriam Dei. Teque summum Vicarium ejus excitant in terris, ut tandem aliquando irreformabili Oraculo de Sanctitate ejus (veluti supplicamus) pronuncies, ac pro eo pares præcipias honores, queis ceteri Sancti in Ecclesia venerantur.

STANISLAUS Poliastri Archiepiscopus Roffanus Assists.

EX clarissima Regalatorum Familia , Vallisoleti in Castellæ Hispaniarum Regno celeberrima Urbe , beati Petri venerabile nomen , biscentum ab hinc annis inter coelites adscribendum : Summa tandem animi alacritate , summa æquè pariter mentis admiratione , ex ore vestro SANCTISSIME PATER , tandem prodire divina indulxit Providentia . Ejusque luculentissima merita & heroicas virtutes assiduis miraculis illustratas , tamdiu oculatis testibus destitutas , nunc demum nimio SANCTITATIS VESTRÆ labore , non minus ac longissima diligentia & laboriosissimo studio exagitatas , ac ea præsertim qua omnes antecellis suavitate dicendi , divinarum rerum peritia & eloquentia , recenseri audit ætas nostra & exultat : Quinimmo inter tot annorum invidiosa certamina , optatissimum Virum atque omni laude dignissimum , divinæ vocis oraculo inter Sanctos relatum , congaudet excipere in gremio . Quid igitur ingenii mei paupertate post talem ac tantum laudatorem eximium adjicere possum ! Quidnam de tanto Sanctitatis Heroe , de quo memoriae traditum est , quod inter ceteras christiano nomine dignas animi dotes , adeo effusa in Deum æstuarent divini amoris incendia ; adeo exardescens erga genus humanum coelestis flamma charitatis urgeret ; adeo in sanctissimam sui Ordinis disciplinam ex humana fragilitate collapsam , reparandam ardens desiderium commendaret , ut BENEDICTUM Optimum Maximum Pontificem hujus nominis XIV. meruerit habere præconem egregium , tradere valeam ! Ni ea tantum profectò , quæ ad nostram imbecillitatem sublevandam , quæque ad nostram tutò comparandam felicitatem utilia magis ac necessaria videntur ! Sanctorum enim exempla & facinora gloria proponuntur in terris , ut per ea , quasi per viam tritam ac bene paratam , perarduum salutis iter facili negotio unusquisque arripere , eoque arrepto in perfectionis stadio reddatur alacrior , & in currendo , non quasi in incerto , sed Sanctorum vestigia sectando sic currat ut comprehendere animetur . Relatis igitur pro modulo meo SANCTITATI VESTRÆ gratiarum actionibus , dum Petrum Regalatum Virum rectum , humilem , hospitalem , prudentem , liberalem , fidelem , poenitentiæ spectaculum , charitatis splendorem , Sanctitatis oraculum , perfectionis vexillum , virtutum omnium Magistrum , auctoritate supra dictante proponit , totisque conatibus , ut sequamur , inflammar contendor . Dum igitur inter coelites adscribitur , hoc unum pro mea sententia & voto vehementer etiam atque etiam rogare non defino , ut imitari non pigeat , quem laudare delectat .

FERDINANDVS MARIA de Rubeis Archiepiscopus Tarisi Assistens.

BEATISSIME PATER. Inter tot tantasque virtutes, quibus B. Petrus emicuit, illa certè eminentior fuit, misericordia in Pauperes, quos (etiam mortuos) juvare non destitit. Videant itaque pauperes & lætentur. Videant beatum Virum, qui intellexit super egenum & pauperem, in Sanctorum Canonem relatum; & quem jam tam eis beneficum experiunt, præstantissimum habeant in Cœlis patronum.

JOANNES ANDREAS Tria Archiepiscopus Tyri Assistens.

PETRUM Regalatum animam bonam a Domino sortitum fuisse plura habemus testimonia: Hic enim pubertate nondum exacta, ut perfectionis iter arriperet, in Franciscana Familia votis solemnibus Deo semancipavit, & studio renovandi antiquum vivendi asperum genus, quod suis Patriarcha Franciscus indixerat, facultate ab Ordinarii Præfecto impetrata, una cum Villacretio, Viro ejusdem Ordinis clarissimo, in soliditudinem secessit, ibique alii tum ex Minorum Familia, tum Presbyteri seculares suæ virtutis famâ allecti, una cum ipsis convenerunt, & Ordine interposita felicis recordationis Martini V. auctoritate instaurato, quidquid reliquum a domesticis curis temporis erat, id omne in Proximorum salutem impendebat, in eos præsertim, qui vel in Nosocomiis gravi aliquo morbo afflarentur, vel in Carceribus, vel in Turcarum vinculis inediâ & squalore conficerentur; & misericors Deus Petri Regalati Sanctitatem pluribus donis & miraculis comprobavit: Inter alia iter plurium dierum unius horæ spatio confecit, panis & carnis frusta ex communi mensa collecta, ad occultandum charitatis testimonium in flores convertit, aquas sicco pede trajecit, eo mortuo corpus flexible redditum, suavissimum odorem redolebat, stipem languenti pauperi sua propria manu, quam e sepulchro exeruit, tradidit.

Quo factum est, ut probato plurium seculorum cultu, Venerabilis Servus Dei Innocentius XI. Officium & Missam in ipsius honorem quotannis celebrari permisit. Superest modò, ut Decretum per SANCTITATEM VESTRAM latum pro ejus Canonizatione executioni demandetur, prout ad id tutò deveniri posse demissè censeo.

MICHAEL MARIA Vincentini Archiepiscopus Theodosiae Assistens.

BEATISSIME PATER. Beatum Petrum Regalatum, quem paupertate, jejuniiis, vigiliisque conspicuum, in Deum ac Proximum charitate ferventem, ceterisque præstantissimum virtutibus inspexere anteacta secula, tot ac tanta sequuta sunt præter ordinem Sanctitatis opera & pro-

digia , ut divino afflata spiritu SANCTITAS VESTRA de veneratione , Aris-
que tanto Viro præstandis sapientissimè excogitaverit .

SIMON Gitti Archiepiscopus Tyanensis Assistens.

BEATISSIME PATER . Beati Petri Regalati , quam ipse ab incunabulis
sortitus est animam bonam , haud absimilem enarrarunt per totum
vitæ cursum mirabilia producta gesta , arctiori jugiter disciplinæ , ac af-
fiduo de die in diem pœnitentiaæ intenta studio , flagrantissimam ejus in
Deum ac Proximum palam facienti charitatem , spiritualis (juxta Augu-
stini phrasim) testum ac culmen ædificii , quod sibi adhuc vivens præ-
paravit in Cœlestibus . Id planè illius intercessione a Deo patrata , atque
intimè rigidissimo de more discussa scrutinio referant , ac veluti ob ocu-
los ponunt miracula , ut propterea tutissimè quidem SANCTITAS VESTRA
vicaria Christi voce coronam glorie , qua Petrus in Cœlis est corona tus ,
universæ catholice Ecclesiæ de suo ubertim gestienti Athleta , perinfal-
libile Decretum nunciare queat in terris .

JOSEPH MARIA Rufus Archiepiscopus Capuanus Assistens.

SI mortalium quis fuerit , qui amici fortitudine christianas virtutes
omnes fuerit sectatus ; seculique corruptelas vitare in animo consti-
tuerit , cordisque innocentiam cum pœnitentiaæ ac abstinentiaæ virtute
conjunxerit ; id pro virili , radiante Dei gratia , præstitit Servus Dei bea-
tus Petrus Regalatus : Huic siquidem familiares jugiter fuerunt cœle-
stium contemplationes , jejunorumque austeritates : Huic corporis &
spiritus paupertas : Hic sanctissimam Fratrum Minorum S. Francisci di-
sciplinam ex humanæ naturæ imbecillitate collapsam ad pristinam inte-
gritatem splendorenique pristinum revocare studuit , omnemque in id
cogitationem , conatus omnes sedulò impedit : Quo factum est , ut pau-
pertatis & humilitatis admirandum imitandumque præbuerit exem-
plum ; laboribus verò & jejunis fractus post Evangelici Stadii cursum ,
meruit abscondere vitam in Domino placidissima Justorum morte : Pro-
inde cum Sanctitas Vestra edixerit beatum Petrum Regalati Sanctorum
Fastis publicè adscribi ; hoc exequi posse censeo , si BEATITUDINIS TUÆ
nutus acceperit . Et ita &c.

NICOLAUS Carafa Archiepiscopus Philippensis Assistens.

OMnipotentia Dei non minus in rerum creatione quam conservatio-
ne refulgens altissimæ Sanctitatis argumentum æqualiter præbet
tam in iis , qui novæ Religionis in Ecclesia sua Fundatores extitere , quam
ceteris , qui temporum injuria collapsam ad pristinam observantium re-
vocarunt .

vocarunt. Si ergo divus Franciscus hunc supremum inter Divos gradum meruit obtinere a Gregorio IX. felicis recordationis, utpote Seraphici Ordinis Auctor egregius, sicut in tua sapientissima allocutione, perpetuisque monumentis nos docuisti BEATISSIME PATER, eundem a Te expectat beatus Petrus, qui ipsius non modo Restaurator extitit, sed Parentis sui signa sequutus Crucem Domini a pueritia usque ad extremam senectutem in corde bajulans, in ipsa totam vitæ suæ rationem instituit. Unde meritò omnium judicio, qui ejusdem virtutum senserunt odorem, Sanctus nuncupatus est; quod mirificè Deus post consummationem miraculis comprobavit. Hæc sententia mea est, quam supremo SANCTITATIS TUÆ judicio submitto.

D. FERDINANDVS ROMUALDVVS Guiccioli Archiepiscopus Ravennæ Assistens.

Restitutas decimoquarto & decimoquinto Ecclesiæ seculis antiquas Nitriæ ac Thebaidum solitudines legimus & admiramur, SANCTISSIME PATER in actis beati Petri Regalati, & renovata ejus operâ primitiorum solitiorum exempla. Beatus enim vir iste austera & sanctissima Patriarchæ sui Francisci vestigia proterens, atque arctissimam vitæ illius rationem in se ipso priùs amplexatus, tot in solitudinibus nova germina Sanctitatis felicissimè plantavit, quot e mundi sequela ereptos affectas, eosque innumeros bonis omnibus, parentibus, sibi ipsis vale dicere jussit, atque intra montium nemoruinque silentia comite solummodo paupertate ad Christi sequelam deduxit. Ipse autem Sanctitati maturus usque a teneris unguiculis, sui ipsius abjectione, poenitentia, humilitate, charitate pene incredibili, omnibus exemplar fuit, omnibus omnia factus, ita ut difficillima illa regulæ strictioris ratio, facilis & suavis ejus exemplo Sociis redderetur. Laboribus, jejuniiis, angustiis, itineribus pro Domino suo Jesu, pro fratribus & Proximo incessanter etiam proiecta ætate susceptis consumptus est, & Deo dilectus & hominibus, qualis vixerat diem objit extremum. Prodigia plurima viventis Sanctitatem, defuncti Gloriam indicarunt. Quare inter cœlites a Sanctitate Vesta, BEATISSIME PATER adnumerari suo ipse jure postulare videtur: Id heroicæ illius virtutes exigunt, Ecclesia petit, vota omnia præstolantur.

FELIX Solatius Archiepiscopus Thebarum Assistens.

Heroicæ virtuti & miraculorum claritati semper in Ecclesia Dei Religiosus Sanctorum cultus præscriptus fuit; in beato autem Petro Regalato servens charitas erga Deum & Proximum, profunda humilitas, Evangelica paupertas, sui regularis Instituti exacta observantia, invi-

invicta fortitudo in continuis orationibus, jejuniis, asperrimisque cruciatibus tolerandis adeo emicuit, ut veræ Sanctitatis imago in ipsius vita curriculo, in terris expressa inspiceretur. Merito igitur BEATISSIME PATER Virum tam eximum & admirabilem, primævæ regulæ Seraphici Ordinis Restitutorem, virtutibus omnibus in gradu heroico ornatum & miraculis clarum, ut ex Actis, quacumque hæsitatione remota inter Sanctos recensendum solemni Canonizationis Ritu existimarem.

ANTONIUS Fonseca Episcopus Afinus Assistens.

Intra Pauperes spiritu, quorum est Regnum Cœlorum, BEATISSIME PATER beatus Petrus Regalatus in Seraphico Ordine maximè enituit; pauper ipse vindex paupertatis, pauperum Pater. Contemptus Mundi, rerumque omnium abdicatio pauperem prædicant; rigor disciplinæ, solitarii recessus, nudi rudesque parietes vindicem paupertatis commonstrant; eleemosynarum copia, conversus in flores panis, porrecta cum ipso e tumulo dextera pauperum patrem ostendunt. Hunc propterea Dominus cum principibus populi sui collocavit; per hunc in supplices gratiarum divitias effundit; & huic Sanctorum cultum deferendum firmissimè censeo.

Fr. PLACIDUS Pezzancheri Episcopus Tiburtinus Assistens.

Beatus Petrus Regalato ab ipsa pueritia christianæ austeraeque vita præfactis fundamentis, adolescens sacræ militiæ in Religiosis Castris Minorum Observantium nomen dedit; ubi tum animi affectionibus, tum corporis sensibus juge ac durius intulit bellum, & Seraphici sui Patris egregius æmulator asperrimam vivendi rationem, quam ne integritatis flos elangueret aut marcesceret, amplexus fuerat, aliquot in Cœnobii stabilivit. Quia verò omnipotens & misericors Deus hunc Servum suum cœlestibus donis, atque inter cetera illo lacrymarum, quibus præfertim diffuebat, dum operabatur Sacris, ditavit ac prodigiis decoravit, eidem sanctorum Confessorum honores solemni ritu decernendos arbitror.

NICOLAUS XAVERIUS Santamaria Episcopus Cyrenensis Assistens.

Beatus Petrus Regalatus in adolescentia cor gessit senile, fallaces Mundi illecebras & vanitates providè declinando. Vita deinde semitam eligens tutiorem Minorum Ordini nomen dedit, in quo se totum divinis obsequiis mancipando de virtute in virtutem profecit, in oratione assiduus, in corporis afflictione austerus, in eleemosynarum largitione ad miraculum usque profusus. Arctiorem Regulæ observantiam apud Hispanos

nos promovit divino fretus auxilio , Pontifícia munitus auctoritate , ut apostolicam sui Patris Francisci vitam renovaret ; quod severioris disciplinæ studium , seraphicum zelum ceterasque eximias virtutes Deus ipse miris in vita & post mortem prodigiis comprobavit . Hunc igitur tantum Virum de christiana Republica & Franciscana Familia optimè meritum par est glorioso sanctorum Confessorum Canoni adscribere , ne glorificatus a Domino diutiū humana devotione & cultu privetur .

NICOLAUS MICHAEL Abbati Episcopus Scyllacii Assistens .

Altissimæ paupertatis ac Fratrum Minorum Regulæ a Seraphico Parente demandata verus Reparator beatus Petrus Regalatus , humilitatis ceterarumque virtutum in gradu heroico Cultor eximus , ac miraculorum dono in vita & post mortem a Deo , qui est mirabilis in Sanctis suis , glorificatus , quæ omnia fuerunt rite ac rectè probata , trium seculorum vota postulant BEATISSIME PATER Sanctorum Fastis adscribere , si Sanctitati Vestrae placuerit , ipsum beatum Petrum pro quo enixè & humillimè precor ad majorem Dei gloriam , militantis Ecclesiæ decorum atque regularis disciplinæ observantiam .

BERNARDVS ANTONIUS Pizzella Episcopus Constantie Assistens .

Præclara virtutum merita ac miraculorum insignia solidis innixa argumentis , quæ beatum Petrum Regalatum Ordinis Minorum sancti Francisci Sacerdotem commendant ea sunt , quæ eumdem in Sanctorum censem solemni ritu referri , meritò postulant . Ut enim virtutum Theologicarum potissimum , ad quas suos mores comparavit , laudabiles exercitationes præteream , illud nolim omittere , eximio in Religionem , cui nomen dederat , exarsisse studio atque zelo , quibus Religionem eamdem nedum collabentem restituit , sed & novis austerioris vitae legibus propositis illam nobilitavit : Congruit igitur , ut Operarium Ecclesiæ utilem , suis providum , ea quæ Sanctos decet gloria & honore dignum esse , infallibili SANCTITATIS TUÆ judicio decernatur .

Fr. PAULVS Alpheran de Buffan Episcopus Melitensis Assistens .

BEATISSIME PATER . Antiquissimam Canonizationis causam beati Petri Regalati , tribus fere elapsis seculis SANCTITAS VESTRA mira & incredibili qua pollet hujuscce rei sacræ cognitione instituendam esse proununtiavit . Petrus Regalatus adhuc puer Evangelicæ perfectionis iter arripuit , & ut Franciscanæ Familiae nomen dedit , perfectissimum religiosarum virtutum se præbuit exemplar , cogitationem omnem dein consultit , ut sancti Francisci aspernum vivendi genus renovaret , quod re ipsa

ipsa & exemplo suo ipse perfecit. Incredibile dictu quod in vita & post mortem operatus est! Sed manus Domini erat cum illo; idcirco censeo strenuum regularis observantiæ Restitutorem a SANCTITATE VESTRA Fatis Sanctorum esse adscribendum.

*ALEXANDER de Abbatibus Episcopus Viterbiensis
& Tuscanensis Assistens.*

Quae super heroicis B. Petri Regalati virtutibus passim circumserabantur, tametsi viderentur oculatis testibus haudquaquam suffulta, Cœlo nihilominus teste sese prodiderunt. Non enim cum eodem jacuit sepulta Sanctitas, quin e recluso ad naturæ stuporem tumulo manum exerceret liberalem in pauperem extrema fame tabescentem. Sic nimirum de loco suo pullularunt ossa, mortuumque prophetavit corpus ejus, in vita sua fecit monstra & in morte mirabilia operatus est. Illud præterea singulare privilegium adjungitur causæ B. Petri, quod primus Bullæ satisfecerit editæ a SANCTITATE VESTRA, dum tot post mortem comprobantur per ipsum patrata miracula, quot eadem requirit Bulla ad supplendum oculatorum de virtutibus testium auctoritatem. Jure itaque meritò supplices efflagitant fideles, ut inconcuso VESTRÆ SANCTITATIS oraculo B. Petrus Regalati numerum augeat Sanctorum Altaribus.

NICOLAUS FRANCISCUS de Bonhōme Episcopus Carpasiensis Assistens.

Sicut arbor bona bonos fructus facit, sic boni parentes bonos interdum filios generant, quod verificatur in beato Petro Regalato Sacerdote Professo Ordinis Minorum, Regularis Observantiæ in Hispania Restitutore, qui ab optimis parentibus ortus ac piè & sanctè educatus a pueritia, usque ad ultimum vitæ spiritum Deum mirificè timuit & amavit, virtutesque christianas & religiosas in gradu excellentissimo indesinenter coluit & exercuit, ac inter alias opus summopere arduum & innumeris difficultatibus ac persecutionibus plenum, nempe abusus in Ordine suo introductos tollere, Regularemque observantiam restituere aggressus est impavidè, prosecutus est constantissimè, atque felicissimè perfecit, erudiens multos regulam & justitiam Instituti sui primævam exactè observare & fideliter tueri: Unde mercedem erudientibus multos destinatam, scilicet quod qui ad justitiam erudierunt multos, fulgebunt quasi stellæ in perpetuas æternitates, esse in Cœlis consecutum & adeptum multis mirabilibus ac singularibus prodigiis benignè revelavit justus & misericors Dominus, ita ut Is jam ab immemorabili veneratus sit uti Sanctus in plurimis Hispaniæ locis, qualis veneratio ut infallibili S. Sedis Apostolicæ oraculo confirmetur, & ad totam Ecclesiam extendatur per solennem Decreti de ejus Canonizatione executionem videtur expedire, ut si

ut sic præfatus beatus Petrus omnibus fidelibus in exemplum proponatur pro abusibus improbandis & corrigendis , nec non in intercessorem , ut qualemcumque abusus tollantur , ac necessarius ordo & debitus primævus status ubicumque restituantur ; & ita sub judicio SANCTITATIS VESTRA sentio .

*LUDOVICUS ANTONIUS Valdina olim Cremona Episcopus
Hermopolitanus Assistens.*

SANCTORUM honoribus dignissimum esse censeo beatum Petrum Regalati ; qui enim Sanctorum præclarissimorum virtutes & egregia facta est imitatus , simili quoque cultu ab Ecclesia cum illis est prosequendus . Quam a Christo Domino sanctus Franciscus Evangelicam accepit regulam ad literam , prout ipse Dominus servari edixerat , Petrus servavit semper , & collapsam restauravit in pluribus Hispanorum Cœnobiis ejusdem observantiam , factus forma Gregis ex animo , humilitatis , paupertatis & reliquarum omnium exercitatione virtutum . Singularem Petri in Pauperes liberalitatem & in Deum fiduciam testari dignatus est Dominus , vertendo in flores , quæ ille in sacciperio egenis gerebat fercula , & jubendo , ut alter Petrus non modicæ Fidei super aquas ambularet . Egressum ergo de fructibus seculi in æternæ salutis portum proponat SANCTITAS VESTRA toti Ecclesiæ floribus Sanctitatis laureatum .

FABRICIUS Borgia Episcopus Ferentinus Assistens.

BEATISSIME PATER . Christus Jesus ut in Ecclesiam novum quoddam cœlestis vitæ genus induceret , cœpit sacere prius , quām docere ; quod cum probè intelligeret B. Petrus Regalatus , & sanctius illud Patriarchæ Francisci Institutum inter Fratres Ordinis sui renovare cuperet , perfecit illius in se speciem & normam primus exhibuit , ut una ipsius vita lex foret , vividius expressa moribus , quām literis consignata . Quid ergo exequar cōgeminatos jejunio dies , indefessum orandi studium , acerrimum sui odium atque contemptum ? Imaginem in eo Christi multiplicem adumbratam cerneret ; cum modò patientem patiens ac pene moriens ; modò resurgentem gaudens & pene gloriae socius contemplaretur . Charitatem porro erga Proximos satis Deus ipse præclaro illo miraculo commendavit , cum ciborum reliquias Pauperibus destinatas in rosas convertens ratum fecit , quod ille divino afflatus spiritu , interroganti responderat . Erit igitur novum religiosi Ordinis decus & fidelium omnium incitamentum , BEATISSIME PATER si cœlestem hunc Vi- rum veluti Sanctum jussoris invocari .

NICOLAUS Spinellus Episcopus Aversanus Assistens.

Solidæ christianæque virtutes, quibus beatum Petrum Regalatum admirandum in modum enituisse, severissimo præmisso examine rite rectèque probatum est, & liberalitas in pauperes, quibus sublevandis proprio quodam naturæ & gratiæ munere factus esse videbatur, id aperi-
tissimè evincunt, ut haud dubie, si ita SANCTITATI TUÆ visum fuerit, in Sanctorum numerum sit cooptandus, publicæque populi christiani ve-
nerationi proponendus, quod & ego sentio.

*HIPPOLYTUS e Rubeis Sancti Secundi Episcopus
Senogalliensis Assistens.*

Beatus Petrus Regalatus parentum quidem nobilitate, eorum autem christiana virtute clarior huc omnia sua retulit consilia, ut ad evan-
gelicam perfectionem sese & alios componeret: Eapropter abnegans se-
metipsum arctiore professione sub regula S. Patris Francisci Dominum se-
cutus, atque collapsam Ordinis disciplinam unacum Villacretio instau-
raturus, supellectilem universam, de qua secum asportanda unicè cogi-
tavit, Breviarium fuit atque flagellum. Quis autem illo pauperior, quis
sibi vilior, in se crudelior, quis erga Proximum miseratione plenior,
quis erga Deum charitate ferventior? Miracula proinde, quibus omni-
potens Deus testatam voluit Servi sui Sanctitatem, ea sunt quæ splendi-
diora esse nequeunt: Quadraginta scilicet millia passuum unius horæ spa-
tio confidere, panis & carnis frusta tempore non suo in rosas conversa, Du-
rii fluminis aquæ extenso super eas Pallio sicco pede trajectæ, supplici &
conquerenti ad ejus sepulchrum mendico sponte sua revolvi lapidem, Re-
galatum palam exerere manum, & pane dato retrahere; ne alia prope
ejusdem generis &quæ illustria & recentiora commemorem; unde ex
merito causæ facturam arbitror SANCTITATEM VESTRAM, Beatum hunc
Thaumaturgum in Sanctorum Album referendo.

D. PAULUS THOMAS Marana Episcopus Asculanus Assistens.

BEATISSIME PATER. Superna illa dona ab Apostolo enumerata, quæ tamen sine charitate inutilem reddunt possessorem, in beato Petro Regalati cum illâ mirum in modum copulantur; È enim enituit fidei firmitate, ut siccis pedibus flumina trasnadareret, ea indutus misericordiæ viscera, ut in sepulchro degens in pauperem visus est piam manum ex-
tendere, eam denique professus abstinentiam & paupertatem, ut Deus suis avidens virtutibus, sui filiorumque necessitati miraculo non semel dignatus est occurrere. Fons autem omnium charitas tanta cor ejus pleni-
tudine

tudine occupavit , ut pluries ejusdem repagula & cubiculi angustias detrectans ignitas suas flamas supra eminentia Coenobii tecta emiserit . Tot ergo suæ Sanctitatis signis & testibus illucescentibus quid prohibet solemnni ritu Sanctum vocari nomen ejus !

Fr. SILVESTER Merani Episcopus Porphyrien. Assistens.

ATerna ac planè indefectibilis est illorum Domini Nostri verborum veritas : Qui se humiliat exaltabitur . B. Petrus Regalatus sui Patris Francisci morem per omnia sequutus humiliavit se in rerum mundanarum contemptu , in exquisita corporis mortificatione , in perpetua sui abnegatione , in perfecta Christi sequela . Idque non solum ab humano sed etiam a divino quod majus est , accepimus testimonio , nempe ab illius miraculorum etiam dum viveret , tum magnitudine , tum frequentia . Illud ergo superest & æquitati maximè congruit , ut sententiam illam quæ suam obtinet firmitatem a Petri Cathedra , quam SANCTITATEM VESTRAM omni modo implet , audiat universa Ecclesia hunc virtute proiectum & excelsum Virum humilitatis suæ merito maximi esse loci apud eum , qui in altis habitat & humilia respicit in Cœlo & in terra .

NICOLAUS Mancinforti Episcopus Anconitanus Assistens.

IN beato Petro Regalato Christifideles quod mirentur habent , habent quod imitantur . Miranda quidem prodigia , quibus *Dens se mirabillem reddidit in Sancto suo* : Imitandæ virtutes , quibus ille tamquam *Fidelis Servus & prudens constitutus super Familiam suam* , verbo & exemplo ita se gessit , ut Regularis Observantiæ Restitutoris nomen jure promeruerit . Deo itaque per maximè acceptum , hominibus charum , ac SANCTITATI VESTRÆ gloriosum fore censeo , si ipsa selectissimum Virum , miraculorum serie probatissimum , de Ordine suo , de catholica Religione , de Ecclesia tota benemeritum inter Sanctos statuat recolendum .

ANTONIUS Cantoni Episcopus Faventinus Assistens.

Heroica B. Petri Regalati virtus a propositi sibi operis sublimitate , Regularis nimirum disciplinæ restauratione satis amplè commendatur . Ejus vitæ sanctissima gesta , quamvis ob temporis vetustatem minimè potuerint ad juris rigorem coævorum testimoniis examine probari , sat tamen & a constanti trium ferme seculorum veneratione & ab ipsius laborum fructu & a miraculorum præstantia & numero comprobantur . Quare nil obstare videtur , quominus optatæ Reformationis Auctor a SANCTITATE VESTRA solemnni ritu inter Sanctos recensematur .

PAULVS Bonavisa Episcopus Spoletinus Assistens.

Religiosissimus Sacerdos Petrus Regalati , abjectis omnibus rebus humanis excussoque pulvere mundano , pauperem Christum in summa paupertate sequi voluit , & amore Christi crucifixi succensus toto tempore vitae suae crucem ejus bajulavit : In suprema vita austерitate mortificationem Crucis Christi in corpore suo semper circumtulit , & in eminenti contemplationis apice ita exarsit in amorem Christi , ut verè dicere poterat , non vivo ego sed vivit in me Christus : Unde illæ admirabiles virtutes christianaæ perfectionis , quibus irradiabat , & effusa charitas erga Proximos præsertim pauperes profluxere : Itaque vivens in Christo filius lucis effectus , vocatus ad recipiendam mercedem suam a Iesu in illam lucem inaccessibilem & immensam divinæ majestatis se immersit , ubi consors & particeps divinæ naturæ transmittit in terras radios suæ gloriæ miraculorum signis , quibus instruamus esse ipsum uti Sanctum venerandum in terris , cum jam inter Sanctos a Christo sit adscriptus in Cœlis . Si tamen ita SANCTITATI VESTRÆ visum fuerit .

CÆSAR Bonajuti Episcopus Pharensis Assistens .

Prodest universæ Ecclesiæ BEATISSIME PATER , ut quæ B. Petrus Regalatus præbuit virtutum exempla , publico præconio celebrentur in Mundo . Habent enim in ipso quem imitentur Fideles omnes , & præcipue Religiosi Viri regularis observantiae .

Is enim cum pietate erga Deum , cum corporis maceratione , cum observantia erga parentes , cum morum innocentia atque candore , toto vitae suæ curriculo futuræ sanctitatis specimen exhibuit . Hinc Altissimus sanctam ejus vitam miraculis confirmavit , quibus etiam clarissimam ejus mortem reddidit .

Quamobrem summa perfusus lætitia propter hoc Omnipotentis munus SANCTITATEM VESTRAM enixè deprecor , ut B. Petrum Regalatum virtutibus & miraculis corruscantem Sanctorum numero adscribere non dedignetur .

MARIUS Maffei Episcopus Fulginas Assistens .

Gaude ^a innocentia & exulta . Gaude inquam , quia in Petro Regalato ubique illæsa es , ubique secura . Si tentaris proficis , si humiliaris erigeris Te Potentes honorant , suscipiunt Principes , Magnates exquirunt . Non aliunde verò tantam innocentiae securitatem Petrus Regalatus conscient , quam legem membrorum compescendo , & spiritu facta carnis mortis

^a Smaragdus , vel Ardo Abbas in Diademate Monachorum cap. 89.

mortificando. Noverat planè Regalatus innocentiam in Eden quām cītissimè periisse, atque in Gethsemani sanguinei sudoris pretio fuisse redētam. Quamobrem ut quam nascendo amiserat, renascendo recuperaret innocentiam, recuperata mque servaret, jugem adjecit mortificationem, asperum vitæ genus deligendo, quo non in alio gloriaretur, quām in Cruce Domini nostri Jesu Christi, per quem illi Mundus crucifixus erat, & ipse Mundo. Hoc porro innocentiae lilium inter tot spinas poenitentiae a Petro Regalato servatum Potentes, Principes Magnatesque magno in pretio habuisse, testantur hinc elegans loculamentum ejus corpori ab Elisabetha Castellæ Regina excitatum, inde Caroli 1^l. Hispaniarum Regis, quamplurimumque Episcoporum ad Venerabilem Innocentium XI. pro cultu ipsius amplificando legationes & vota. Ipse demum Coelorum Dominus plurimorum splendore signorum Petri Regalati innocentiam illustravit. Tuum modò supereſt BEATISSIME PATER, atque exoptamus oraculum, quo Sanctorum glorificationem Petro Regalato deſernas.

GUIDO Urselli Episcopus Cesene Assistens.

P Etrus Regalatus jam tum ab infantia Deum timere ac reverci adeo est visus, ut nullis blandientis fortunæ illecebris detineri potuerit, quominus generis nobilitate contempta in Patrio Fratrum Minorum Cœnobio Religiosam seu potius cœlestem vitam iniret: Sed cum plurimum de pristino illo pietatis fervore in ea familia remissum esse animadverteret, maximopere curavit ut Fratres ad severioris vitæ rationem revocarentur. Quod feliciter assecutus in asperrimum locum secedens, quamplurimis ejus Sanctitatis & miraculorum fama permotis Viris novi quasi gregis forma factus, dici non potest quām multa quāmque præclara virtutum omnium, sive quæ Deum, sive quæ Proximum spectant exempla præbuerit: Donec plenus meritis maximisque à Deo donis cumulatus, inter uberes Fratrum ac Populorum, quos ad omnem Sanctitatem instituisset, lacrymas est mortuus. Pauperibus tamen atque indigentibus, quos in omni vita filiorum charissimorum loco habuerat, unicèque dilexerat, vivere Petrus non destitit, siquidem iis licet vita functus, manum e sepulchro porrigens in summa rerum desperatione opem præsentissimam tulit. Faxit Deus BEATISSIME PATER, ut quemadmodum Sanctitas Vestra beato Petro supremos Cœlestium honores meritò deferre constituit, ita christianus orbis a diurno gravissimoque bello ipsius ope vindicatus, pulcherrimæ tandem pacis & tranquillitatis otio perfruatur.

HYACINTHUS de Silvestris Episcopus Nepesinus & Sutrinus Assistens.

Beatus Petrus Regalatus, quamquam ex illustri ortus Familia elegit tamen abjectus esse in domo Dei, magis quam habitare in tabernaculis peccatorum. Arctioris observantiae inter Franciscanos Alumnos auctor eximius & acerrimus propugnator, mirum quantum in vinea Domini adlaborarit, & quam magnis charismatum donis cumulatus Proximum suum juverit. Illum proinde apprime virtutibus & miraculis clarum, id praecipue tota fere postulante Hispania censeo, BEATISSIME PATER inter Superos rite esse connumerandum more institutoque majorum.

LEO LUCAS Vita Episcopus Oppidensis Assistens.

BEATISSIME PATER. Fæ sunt virtutes & miracula, quibus beati Petri Regalati vita morsque illustratur, ut jure meritò inter Sanctos referri posse censem. Eluxit in eo profunda humilitas suique contemptus, ut proprias laudes omnino perhorresceret, & injurias nedum æquanimiter toleraret, sed summa cum voluptate exciperet. Resulxit perfecta charitas erga Pauperes, qua potuit divino afflatus spiritu panis & carnis frusta ex communi mensa collecta, ut eleemosynas celaret, in candidas purpureasque rosas convertere, eo quidem tempore quo flores omnino adesse non poterant; in hoc non absimilis sanctæ Elisabeth Reginæ Lusitaniae, quæ pecunias Pauperibus distribuendas, ut Regem laterent, hiberno tempore pariter in rosas immutavit. Majorem autem Petrus exercuit charitatem, dum post mortem Pauperi ad ejus sepulchrum genuflexo & necessitatem aperienti panem oratori propria manu porrexit. Praecipue vero enituit Regularis disciplinæ studium jam in suo Ordine collapsæ & magna ex parte obsoletæ, ut eam in pristinum revocaret. Quibus aliisque virtutibus & miraculis clarum BEATISSIME PATER Sanctorum Albo ne dedigneris adscribere.

ÆGIDIUS Isabelli Episcopus Alliphanus Assistens.

BEATISSIME PATER. Petrus de Regalatis zelatus legem Ordinis sui, atque ad Socios conversus proclamans cum Mathathia^a: *Qui zelum habet legis, exeat post me, & emulatores estote legis, ac date animas vestras pro testamento Patris vestri*; quantum operibus, virtutibus & exemplo adlaboraverit, ut regularem disciplinam in Seraphico S. Francisci Ordine pene collapsam ac nimium conflictatam reintegraret, suisque jussis primordiis restitueret, & quantum mirabile hoc opus, benedicente Domino,

^a 1. Machab. 2.

mino, feliciter absolutum ei gratuim acceptumque fuerit, tam populorum acclamations, quām verē obstupenda miracula, quibus illustrati meruit, jam planē demonstrant. Dum ergo *ipse zelans zelum legis receptus est in Cœlum*, dignus videtur, qui etiam hīc in terris Sanctorum Catalogo per SANCTITATEM VESTRAM recenseatur.

JOANNES ANTONIUS Bachetoni Episcopus Anagniæ Assistens.

Virtutum beati Petri Regalati ex Parentibus misericordiæ Viris, quorum pietates non defuerunt in semine eorum, fluxere primordia & præsertim charitatis: Hæc etenim Petri viventis erga Pauperes & mire & verē floruit, corpus effecit agile, fluctusque sub pede duros; mortui verò, sepulchrum ejus fecit gloriosum: Ex quorum probata multitudine & eminentia miraculorum, alia etiam quæ in gradu heroico exercuit, signantur charismata; collapsam videlicet restituendi disciplinam inter suos assiduum studium; & vitia exterminandi inter exteros inexplebilis ardor: Sævus sibi semperque infensus; at patiens & benignus infimæ fortis hominibus, quorum infirmitatibus & inscitiae opportuno corporis animique medicamine & pabulo providere solemne habuit. Tantarum fulgor virtutum agnitus in se, agnitus ostentione signorum, sapienter admodum fiet BEATISSIME PATER, si christianis populis per solemniorem ritum propriū admoveatur, ut earum odore perfusi cœlestia quærere, terrena fastidire suaviū addiscant.


FRANCISCUS ANTONIUS Spadea Episcopus Aquinas & Fregellarum Assistens.

BEATISSIME PATER. Sancti Francisci regula utpote ex Evangelico fonte in Dei Ecclesiam derivata, & in Christi Domini vestigiis fundata, tam excelsæ perfectionis est, ut sectatores verē suos deficientibus etiam miraculis ad summum elevet apicem; nam quicumque hanc regulam secuti fuerint, pax Dei super illos & misericordia certissimè requiescit. Quid igitur sentiendum de B. Petro Regalato, qui statuit supra petram pedes suos, & direxit gressus suos, non solum Institutoris sui premens exactissimè vias, quibus totam legem implevit, sed & collapsam sui Ordinis disciplinam immensis laboribus & sollicitudinibus summo zelo ac fervore reparandam suscepit? Non minor prosector in conservandis atque instaurandis, quām in ordiendis Institutis adhibendus est labor, spiritus consilii & fortitudinis, ac ardens zelus domus Dei & in Proximum charitatis. Hæc in Regalato adeo effulgere charismata, ut plurimis prodigiis testatam voluerit Dominus ejusdem Sanctitatem tam in vita quām postea, cunctis Hispaniarum Regnis exterisque pariter Regionibus celebrem; quibus rite probatis æquum est, ut SAN-

CTITAS VESTRA tantum Virum de divi Francisci regula adeo benignè meritum , signis per cunctas christiani Orbis Provincias gloriosum , Sanctorum Fastis Canonizatione solemni dignetur adscribere .

TLUMURI PIETR' REGALAT CAA SPÆGNA ,

SCIUM ILUMURI AT



Yænæ caa , eþe cuur isc iggyal Kak imæþþ sciet ,
saa ggiþþ boþa , egneræia riþþ , e veyæ tek' ay'
ty truhay , e ty luteyæ po si cuur t'isctenæ imæþþ
sciet , e scium i diitunæ Profet . Ayð vet fratænia
e scietit Frangisk , egneh , eþe elæv don fod , e ggiþþ
monæ , se ay e caa mbæfuanæ , e ndrekyunæ mbæ
uþæ maæ tæ Miræ . Þotæn' i maži e caa nderturæ
ndæ ktæ yet me scium , e tæ mbæþaa sciegne . Præ andai loyas se
mændæ þþomi paa frik , se præparaten Þoti isc gnaæ imæþþ sciet .

Josefi Schirò Arçbiscæpu i Durrsit , e Vicar' Apo-
stolicu i Hymarrs ndæ Arbænit .

Ejusdem Versio latina .

*JOSEPHUS Schirò Archiepiscopus Dyrrhachini olim Vicarius Apostolicus
Cimarræ in Epiro .*

Beatus Petrus Regalatus Hispanus BEATISSIME PATER meruit adhuc
vivens , ut Hispanica gens , cui familiaris pietas & sincera Religio ,
ad ipsum undique confluueret tanquam ad insigne perfectionis exemplar
& Sanctitatis oraculum . Franciscana quoque Familia , cui domestica sem-
per fuit Evangelicæ perfectionis absolutissima conversatio , eundem agno-
scit & prædicat ut eximum Reparatorem collapsæ Regularis discipli-
næ , tunc maximè temporis cum celeberrimus ille Ordo sanctimoniam
florebatur . Nonne magna ista & præclara heroicæ Sanctitatis argumenta ?
ad hæc accedunt signa & miracula , quibus Deus Optimus Maximus vo-
luit clarificare Servum suum etiam mortuum . Sentio proinde tutò pro-
cedi posse ad illius solemnem Canonizationem .

Եթե ամեապատին Ֆայս Աօքադոյն, և փոխանորդ
Քի առ մերոյ։



**ՄԵՆԱՔԹՐԻՆ ԱՇԾ՝** որ է սքանչելին՝ ի նբա իւր, զգանձս ամենակարողութեն իւրոյ առատացոյ իվրի երանելոյն Պետրոսի ընկալածո ին. **Օհ** յայտնեաց աշխարհին՝ զսրբութին նորին ՚ի կես դանութեն. և զիսի մահուան ազնուացոյց. սքանչելագործութեն՝ յայտնելով՝ զփառս նորին ՚ի յարցայութեն. **Օհ** սոյն երանեցեալս վն հետեօդ գորին ԱՇԵՅՆ ֆրանչիսկոսի, եկեւ հարազատ և հաշատութիմ որդին նորին : Բանվի լքեաց զամ ունայնութին աշխարհի, և մեռոյց զկամս մարմնոյ զնան ծգնութեն, ցու խստութեն պահոց, տղնութեն զեշերայնով, անգադար աղօթեւք, և մտածութեն՝ վն որոյ՝ պայծառացաւ ուղղ զ ԱՇԵ Հայրն իւր ֆրանչիսկոս : Եւ զի ոյսոքիկ ամենեքնան բազման քննութեն քննեցան ՚ի ԱՇԵ Ժողովոյն, և հաստաեցան գոլ ծմբարիտ, և աներկեայելի : Հաղագս որոյ, ով Հայր սրբազոյն յանձնու արժանանանոր ինն տեսանի այս, զի բարձրացուցանիցես զսնուն նորին ՚նյերկինս, որ արհամարհեաց զաշխարհն՝ լրիւ հեշտութեն իւրով.

Ատրդիս աշխանդուեան . աշք եպսէկպս
Կեսարից Լապաղովկեան , Հայոց .

Ejusdem Versio latina.

SERGIUS ALEXANDRI Armenus Archiepiscopus Cæsareæ Cappadociae.

QUI in Sanctis suis mirabilis est Deus , non modò quum adhuc viveret
beatus Petrus Regalatus , ad testandam ejus Sanctitatem in terris
omnipotentiæ suæ divitiis eum abundantissimè cumulavit ; sed etiam post
quàm ex hac luce migravit , ad ejus gloriam manifestandam in cœlis
miraculis eum mirificare dignatus est . Verus ille fuit Francisci sectator
& filius evangelica rerum omnium terrenarum abdicatione , asperrimis
carnis afflictionibus , jejuniis rigidissimis , ac fere perpetuis vigiliis ,
jugi meditationis studio & assidua oratione , insigni denique miraculo-
rum fulgore , quibus eum & viventem & post obitum Altissimus deco-
ravit . Hæc igitur omnia in solitis Congregationibus probè riteque di-
scussa & comprobata jure postulant , ut cœlestes in terris honores a SAN-

CTITATE VESTRA ei decernantur , qui mirâ animi demissione terrena contempsit .

STEPHANUS Evodius Assemanus Archiepiscopus Apameæ.

BEATUS Petrus Regalatus ^a bonam sortitus animam BEATISSIME PATER , ^b aperuit os suum & adtraxit spiritum , qui ejus pene collacteam immatura in ætate maturans integritatem , ^c sensu implevit cor illius , consilium & disciplinam direxit ⁱ. Antecedente autem ista sapientia magnanimus Ordinis Minorum Regularis Observantiae inter Hispanos Restitutor Confratrum suorum remissum vitæ genus adoritur , ^d opportunè & importunè obtestans quām turpi lapsu ^e charitatem primam reliquiscent , obliocrans ut memores essent unde excidissent ; & instans ut prima opera facerent : Ipse veð ^f forma factus Gregis ex animo , ^g in illis quasi unus ex ipsis , veluti ^h Stella matutina in medio nebulæ effulgit in Templo Dei ; quasi Oliva pullulans , & Cypressus in altitudinem se extollens dilatavit gloriam Ordinis sui , & laetificavit Ecclesiam Dei in operibus suis . Eum igitur cuius instauratae sobolis tœcunditate merito exultat sancta Mater Ecclesia , omnigenaque demiratur charismata , æquum ducat SANCTITAS VESTRA Sanctorum Fastis adscribere .

BERNARDINUS Vari Episcopus Civitatis Castellanae & Hortæ.

BEATISSIME PATER . Beatus Petrus Regalatus nihil vel a primis annis videtur antiquius habuisse quām opere complere quod Christus edixit ⁱ : *Qui vult venire post me abneget semetipsum & tollat Crucem suam & sequatur me.* Quare rigidum S. Francisci Institutum amplexus , ut illud ad primævum rigorem reduceret , ejusque Sectatores ad perfectam sui abnegationem informaret , jejuniis , flagellationibus , vigiliis , orationibus , diurnis nocturnisque contemplationibus perpetuò incubuit ; in quibus cum ad septuaginta circiter annos Christi Crucem strenuè tulisset , ad eundem insignibus virtutibus ornatus migravit ; cumque magnis miraculis ejusdem merita fuerint comprobata , congruit quammaximè , ut Sanctæ Sedis quoque judicio comprobentur .

Πρεσβετερος

^a Sap. 8. ^b Ps. 116. ^c Eccles. 17. ^d 2. Timoth. 4. ^e Apoc. 2. ^f 1. Petr. 5. ^g Eccles. 32. ^h Eccles. 50. ⁱ Matth. c. 16. vers. 24.

Преосферицнте Пърнте.



Ипъртескъль Прѣкъ , аль йи пъртескъль Прѣкъ
Фио, Сфѣнть, шн фернитъ нѣмеше пе чель че шау
дешкнсъ мѣна са сбракъль . Уе сау тѣмпать
алтсоръ Сфицн йикъ тѣнндъ . Деачаста не мн
нунъмъ йиъ Пътръ регалать , шн дѣпъ мѣартъ .
Къ мѣна регалать дннъ мормѣнть шау йитинсь ,
шн дѣпъ че ау дать пѣнне че лнѣнть , тау шио трасъ .
Пътръ ачесте , шн алте мнунн , пре ачестъ вестнть бѣнннкъ ,
каре фернитъ бѣнцъ дѣче йиъ черю , ченъ манъ денаните , аиъ Пресос
Фицн тале демвлатъ йиъ Ншпанія асъ чиностъ ау йигъздахнть . Деачн
пентръ кашн пе аиѣкъ ѿръ йиъ че локъ йитръ алци Сфицн йитра
жуторю асъ кїемъ Пресосфицн та съ порун-иещъ , нѣ нуманъ вред-
никъ йль жудекъ , че мѣшн рогъ .

Іоанъ Ін: Клєйнъ Епіскѹпъль Дела Фагарашъ .

Eiusdem Versio latina .

JOANNES Innocentius Episcopus Fagarasienis .

Regius Propheta Regii Vatis sanctum eum beatumque prædi-
cat , qui manum suam aperuit inopi . Quod aliis Sanctis dum vi-
verent contigit , hoc miramur in Petro Regalato etiam post obitum .
Manum enim suam Regalatus e sepulchro exeruit , & pane Supplici dato
retraxit . Hoc aliisque miraculis insignem Virum , quem divina fruen-
tem in Coelis beatitudine Antecessores Vestri dudum coli in Hispaniis per-
misere , ut etiam in toto terrarum orbe SANCTITAS VESTRA inter San-
ctos invocandum decernat , non modò dignum censeo , sed etiam sup-
plex rogo .

POMPEIUS Compagnoni Episcopus Auximanus & Cingulanus .

Quod in sacris hodie lectionibus dictum audivimus a Spiritu sancto :
Segregate mihi Paulum & Barnabam in opus , ad quod assumpsi eos ; id
sim li quadam ratione in amplissima Minorum divi Francisci Familia ante
ani os tere trecentos factum videmus . Segregavit enim sibi Spiritus san-
ctus electos Viros , atque in his præcipuum B. Petrum Regalatum , in
S 5 2 exi-

eximum illius Ordinis Reformandi opus , ad quod assumpsit eos . Porro quisquis de Franciscano Instituto per Ecclesiam universam saluberrimè diffuso æquâ mente judicare voluerit , is facile animadvertiset quanti interesset puram illam & antiquam vivendi regulam , quam Franciscus præscripserat , retinere . Quum itaque & maxima hujuscē operis laus Regalato debeatur , & perpetuum vitæ tenorem is gererit asperrimæ Reformationi consentaneum , & heroicis ejus virtutibus gloria etiam acceperit miraculorum ; nihil desiderari video quominus illius nomen , secundum ea quæ proponuntur , Sanctorum Fastis sit adscribendum .

JACOBUS PHILIPPVS Confeli Episcopus Amerinus .

Beatus Petrus Regalatus PATER SANCTISSIME jugum Domini , quod suave & leve esse jam noverat , ab adolescentia sua cum portaverit , mirabiles divina operante gratia ascensiones ad Deum in corde suo disposuit . Is enim sacræ divi Francisci militiae vix adscriptus religiosis excolendis virtutibus adeo incubuit & enicuit , ut tamquam perfectissimum eorum exemplar admirati sint omnes ; corpus suum ne adversus spiritum concupiseret , huc usque castigatum perpetuò exhibuit , ut in laboribus , vigiliis , jejuniis , orationibus , paupertate , frigore & nuditate tantum Domino deserviverit ; charitate ergi Deum & Proximum adeo quoque resulsa , ut quoties aliqua de ipso , Christi passione & cœlesti Regno meditaretur , sive languens in terra permanere , sive in Atria domus Dei quodammodo elevari videretur ; ceterum difficile dictu , quo studio ac solertia omnibus omnia factus omne hominum genus , vel in Nosocomiis , vel in Carceribus , ac etiam Turcarum vinculis inedia , & squalore confessos singula singulis impertiendo officia pietatis , sublevaverit , quod cunctis , qui adhuc in hoc Mundo peregrinabantur a Patria , opem & operam præstando , ceteros fere omnes Evangelii Operarios æmulatus est .

His adeo virtutibus Deo charus effectus , quot & qualia sint ex Alto ob ejus merita patrata miracula , jam novit Hispania & quidem tu cognovisti BEATISSIME PATER , cum ex ejus miraculorum numero sub legis per te latæ dispositione præsentem hanc Petri Canonizationis causam nequaquam comprehendendi amplissimè declaraveris . Talia igitur hæc sunt , ut quemadmodum Cœli ènarraverunt gloriam ejus , sic tuo nunc tandem infallibili Decreto , PATER SANCTISSIME beatum hunc Confessorem , virtute insignem , prodigiis illustrem , Regularis observantiae humanæ naturæ infirmitate collapsæ Restitutorem in terris quoque venerandum inter Sanctos adscribere digneris .

JOSEPH Coppola Episcopus Aquilanuſ.

TE Judice tandem , te Præſide , quæ ad B. Petri Regalati Sanctitatem fidelibus proponendam legitimo desiderabantur jure , expleta ſunt . Cum igitur ^a (juxta Textus ſententiam) digna vox ſit SANCTITATIS TUÆ legibus alligatum te profiteri ; hoc unum reſtat , ut eidem B. Petro debitos Sanctitatis honores ſolemniter tribuas , atque ita fuarum odores roſarum , quas olim Petrus charitatis prodigio in ſinu mirabiliter invenit , in perenne transibunt universalis delectamentum Eccleſiæ .

JOSEPH Roffi Episcopus Venafranuſ.

BEATISSIME PATER . Ecce nos dimiſimus omnia & ſecuti ſumus Te , Christo Domino dixit Princeps Apostolorum Petrus . Hoc & beatus Petrus Regalatus Apostolico zelo & perseverantia ſecutus eſt : Spretis enim Regalatæ Gentis honoribus , relictis Matre ipſa & universiſ , quæ ex Mundo ſunt , Franciſcanæ Familiæ amplexus ſuit paupertatem , & ſanctissimi ſui Ordinis disciplinam ex humanæ naturæ infirmitate collapſam , cooperante Villacretio ejusdem Ordinis Viro cum vitæ Sanctitate , tum rerum divinarum cognitione clarissimo ad integritatem & pristinum ſplendorē revocavit , ac ſeipſum Fratribus virtutum omnium perfectæ præſertim charitatis exemplar præbuit ; quarum virtutum ſuaviflormis odor , ut latè diſfunderetur ad maniſtandam ſui Servi perfectionem Deus Optimus Maximus aliqua panis & carnis fruſta , quæ ex communi meaſa ille collegerat ad reficiendos pauperes , ſtatiſ ad interrogationem Vicarii ſcientientis : Quid deferret ? in recentiſſimas rosas convertit . Neque hæc ſolūm dum Servus fuus degebat in terris , operatus eſt Deus , ſed poſtquām ad æternam gloriam illum vocaverat , aliis illustravit prodiſiis , & illud mirabile ſuit , quod quidam Mendicus ad Coenobii janitorē accedens mensæ reliquias accepturus , cum jīm in egenos diſtributas inveniſet , ſtatiſ templum ingressus ad Regalati ſepulchrum provolutus clauavit : Si tu viveres Regalate , non ego ſanè duriter adeo viveſrem , nec mihi quo paſſeret , nunc deeffet . Continuò ſua ſponte aper- tum eſt ſepulchrum , & manu Regalatus extenſa panem ſupplici Men- dico dedit : Regalatus itaque qui tot prodiſiis , teſtante Domino vitam æternam accepit , colatur ab hominibus in terris , ut eo Protectore Pa- nem , qui de Cœlo deſcendit & dat vitam Mundo , dignè confequantur .

HIE-

^a Theod. & Valent. in l. 4. C. de Legib.

HIERONYMUS Lorenzi Episcopus Acernensis.

SANCTISSIME PATER. B. Petrus Regalatus tertio decimo ætatis anno S. Francisci sectator factus, mox in Cœnobiosis disciplinæ severioris assertor omni austeritatis genere, assidua cœlestium rerum meditatione, ardentissima in Deum & Proximos charitate adeo excelluit, ut in Hispania absolutissimum christianæ perfectionis exemplum haberetur. Placuisse illum Deo in diebus suis, escæ in flores conversæ, aquæ sicco pede transmissæ satis demonstrant: Dediſe illi Deum coronam gloriæ post mortem, lumen oculorum cœco redditum, ulcus insanabile itatim curatum aliaque miracula abundè testantur. Supereft BEATISSIME PATER, ut quoniam Servi sui Sanctitatem tam apertè Deus ostendit, velis tu quoque, qui Dei vices in terra geris Sanctorum honores, ut enixè precor B. Petro decernere.

JOANNES FRANCISCUS Cavallinus Episcopus Alatinus.

PRÆclaræ atque heroicæ virtutes, ad quas per assiduas orationes, meditationes ac vigilias, perque crebra jejunia & summam proprii corporis castigationem pervenit beatus Petrus Regalatus Ordinis Minorum Observantiarum, tot miraculis roboratae fuerunt, atque a summo Sanctitatis Vestræ judicio probatae, ut in Sanctorum numero recensendus omnino videatur. Qua quidem in re non solum libentissimè adhæreo, verum etiam SANCTITATI VESTRÆ enixas demissasque preces elfundo.

NICOLAUS Gioffi Episcopus Soranus.

DIvina prodigia, quibus omnipotens Deus beatum Petrum Regalatum & adhuc in terris agentem & post obitum illustravit, luculentissima sunt testimonia non minus insignium christianarum religiosarumque virtutum, quibus ille divini honoris cultum, Regularis disciplinæ observantiam & æternam animarum salutem semper curavit, quam semipiternæ gloriæ, quam eidem in Cœlis donavit bonorum omnium largitor & remunerator Deus. Itaque inter Santos per SANCTITATEM TUAM meritò referendum esse existimo.

JOANNES ANTONIUS Castelli Episcopus Catharenensis.

Non est cur multis beati Petri Regalati singularia in Ecclesiam merita numerem. Testata namque res est, cum jam ab infantia ipsa tanta pietate tantoque erga Deum & Proximos amore inclaruisse, ut ad maxima quæque natus esse videretur. Ubi autem Ordini Franciscano nomen

men dedit , numquam destitit , quin & orationi insisteret , & corpus jenuniis , vigilia , flagellis maceraret , & miseris , ut vires ferebant , opem intenderet . Quin etiam cum angusti ei viderentur esse austerioris fines , quibus tum Regularis suorum disciplina continebatur , petiit , ut sibi in solitudinem cum paucis secedere liceret . Id ubi obtinuit , vix dici potest , quām severus in se , quām in alios misericors fuerit . Postremò paupertate , religione , charitate , meritis , prodigiis clarus in Cœlum migravit . Quare non dubito , quin omnes , quotquot orthodoxam colunt religionem , summa animorum consensione judicent , bene a SANCTITATE VESTRA cum Ecclesia actum esse , quod Virum tantæ integritatis atque virtutis iis honoribus decorare statuerit , qui Sanctis merito adhibentur .

NICOLAUS MARIA Calcagnini Episcopus Civitatis Ducalis .

Non minori commendatione dignus est , qui opus aliquod Christifidelibus proficuum instituit , quām qui Institutum restaurat : B. Petrus Regalatus , qui Fratrum Minorum Regulam a S. Francisco Assisiensi in paupertate & humilitate cordis fundatam a primæva institutione longè aberrantem ferèque collapsam in Hispaniis primus omnium ad pristinam integritatem revocavit , restitutamque servavit ipse , atque ut ab Alumnis suis servaretur verbo & exemplo assiduisque laboribus est assecutus ; æqualli certè ac Seraphicus Institutator honoris & laudis gloriâ commendari posse videtur ; qui autem opera virtutis adeo laudabilia fecit & docuit , ac gratiis miraculisque ab omnipotenti Deo condecorari promeruit , dignum sanè existimo , ut SANCTITAS VESTRA solennem professens Canonizationis sententiam illum in cœlesti gloria Patronum atque in terris virtutum speculum & exemplar mortalibus exhibeat & concedat .

D. INNOCENTIUS Gorgoni Episcopus Pinnensis & Hadriensis .

Quo tempore Bernardinus Senensis , Joannes a Capistrano , & Jacobus Picenus Minoritæ in Italia restaurandæ pristinæque severitati restituendæ apud Sodales suos Monasticæ disciplinæ , atque fidelium moribus verbo & exemplo corrigendis informandisque ad pietatem . egregiam operam navarunt , beatus Petrus Regalatus utrumque in Hispania præstítit , eodem ac illi studio , pari labore , æquali miraculorum gloria & successu , atque eo amoris erga Deum , charitatis in Proximum , corporis afflictionis aliarumque virtutum exemplo , ut Populi in ipso veram Patriarchæ sui Francisci imaginem videre , admirari & venerari viderentur . Quare cum Apostolica Sedes similibus virtutibus æqualibusque meritis pares semper decernere consueverit honores , illis , diversis licet temporibus in Sanctorum numero recensit . s , infallibili quæ in Te est , auctoritate beatum Petrum eorumdem nunc Albo adscribi debere existi-

existimarem ; cum expediens videatur , difficillima hac nostra ætate Ecclesiam novo præsidio, Franciscanam Familiam novo Regularis Observantiae stimulo , Fideles omnes novo virtutum omnium exemplari , ac Hispaniam novo Protectore munire .

Pauca hæc verba addidit in fine Sanctitas Sua .

VENERABILES FRATRES. Suffragia Vestrâ consensu unanimi depositunt , ut beatum Petrum Regalatum in Catalogum Sanctorum referamus . Nos cum opus fuerit , sententiam quoque nostram declarabimus . Interea magno studio Deum precamini , ut lumen suum Nobis impertiat ad opus hoc maximum pro ipsius voluntate in terris perficiendum .

D. Toppi tamquam Apostolicæ Cameræ Generalis Procurator pro Instrumentorum confectione , ne Actorum series ab hominum memoria dilaberetur , Protonotariis consuetâ formulâ instituit .

Ego Iohannes Philippus Toppi Sanctissimi Domini Nostri & Cameræ Apostolicæ Procurator Generalis rogo Vos omnes Protonotarios & Notarios Apostolicos hic præsentes , ut de sententiis , consilio & unanimi consensu Reverendissimorum DD. S. R. E. Cardinalium , necnon Patriarcharum , Archiepiscoporum & Episcoporum , deque Summi Pontificis oratione & deliberatione præhabitis super solenni Canonizatione beati Petri Regalato unum vel plura , publicum seu publica conficiatis Instrumentum vel Instrumenta ad perpetuam rei memoriam .

Cui annuens R.P.D. Protonotariorum sub-Decanus Collegii sui nomine respondit : *Conficiemus* : Interim de genu Papam salutans atque illi-
co erectus appellavit Testes eos , qui Pontificiæ circumstabant Sedi pro-
latis verbis : *Vobis Testibus* : Domumque regressus in Tabulas hæc omnia
retulit hac methodo .

Instru-

*Instrumentum a Sub-Decano Protonotariorum rogatum
pro tertio semipublico Consistorio.*

IN NOMINE DOMINI AMEN.

Cum sit, quod Sanctissimus Dominus Noster BENEDICTUS Divina Prudentia Papa XIV. post longam diligentemque Causæ discussiōnem super virtutibus, meritis & miraculis, quibus beatum Petrum Regalati Ordinis Minorum Observantium sancti Francisci Altissimus illustraverat; ad ejusdem solemnem Canonizationem devenire decrevisset, divino prius lumine tum publicis, tum privatis precibus implorato: Ne quid in re tanti momenti prætermissum videri posset laudabilibus suorum Praedecessorum Ordinationibus & vestigiis inhærens: Pro exquirendis excipiendisque Eminentissimorum S. R. E. Cardinalium, necnon Reverendissimorum Patriarcharum, Archiepiscoporum & Episcoporum convocatorum suffragiis super peragenda ejusdem beati Petri Regalati Canonizatione, Semipublicum habuit Consistorium in Aula, quæ loco Ducalis est in Quirinali Palatio Anno a Nativitate Domini Millesimo Septingentesimo Quadragesimo sexto Indictione nona, Pontificatus ejusdem Sanctissimi Domini Nostri Papæ Anno sexto, die verò Sabbato undecima Junii.

Consistorialis hæc Actio, postquam Sanctissimus Pater ex Aula Parlementorum sacris Vestibus & simplici Mitra insignitus, inter duos Eminentissimos antiquiores Diaconos Cardinales Carolum nempe Mari- ni, & Alexandrum Albani ad eandem Ducalem Aulam migraverat, sedemque concenderat, suum sumpfit exordium a brevi, gravi ornataque Oratione, qua Sanctitas Sua amplissimum Purpuratorum Senatum & venerabilem ceterorum Patrum Concessum est allocutus, eorum consilia & sententias exposcens in maxima hac & omnium profecto longè gravissima ab ipso suscipienda deliberatione.

Statim ac Summus Pontifex fecit dicendi finem, Eminentissimus Cardinalis Carafa Episcopus Albanensis, sicuti inter eos qui intererant, Eminentissimos Cardinales antiquior, ita primus omnium non solùm sententiam suam edixit, verùm etiam, ut ne diutiùs Fidelium vota remorarentur, Sanctissimum Dominum pro diu exoptata beati Petri Regalati Canonizatione instantissimè exoravit, eandem prorsus sententiam prosequuti sunt (consueto servato ritu) Sanctitatem suam pariter enixè rogantes reliqui Eminentissimi Patres scilicet.

Franciscus Tituli S. Mariæ Transyberim S. R. E. Presbyter Cardinalis Burghesius.

T t

Anto-

- Antonius Xaverius Tit. S. Stephani in Monte Cœlio S. R. E. Presbyter Cardinalis de Gentilibus .
- Fr. Joannes Antonius Tit. SS. Silvestri & Martini in Montibus S.R.E. Presbyter Cardinalis Guadagni .
- Dominicus Tit. SS. XII. Apostolorum S. R. E. Presbyter Cardinalis Riviera .
- Joannes Baptista Tit. S. Mariæ Angelorum S. R. E. Presbyter Cardinalis Spinola .
- Raynerius Tit. S. Sabinæ S. R. E. Presbyter Cardinalis de Ilcio .
- Dominicus S. Bernardi S. R. E. Presbyter Cardinalis Passionei .
- Silvius Tit. S. Priscæ S. R. E. Presbyter Cardinalis de Valentibus .
- Fr. Joachimus Tit. SS. Quatuor Coronatorum S. R. E. Presbyter Cardinalis Portocarrero .
- Camillus Tit. SS. Joannis & Pauli S. R. E. Presbyter Cardinalis Pau-lutius .
- Carolus Albertus Guidobonus Tit. S. Mariæ de Pace S. R. E. Pres-byter Cardinalis Cavalchini .
- Fridericus Tit. S. Pancratii S. R. E. Presbyter Cardinalis Lantes .
- Franciscus Tit. S. Mariæ de Populo S. R. E. Presbyter Cardinalis Riccius .
- Antonius Tit. S. Silvestri in Capite S. R. E. Presbyter Cardinalis Rufus .
- D. Fortunatus Tit. S. Matthæi in Merulana S. R. E. Presbyter Cardinalis Tamburinus .
- D. Joachimus Tit. S. Crucis in Hierusalem S. R. E. Presbyter Cardinalis Besutius .
- Carolus S. Mariæ in Via Lata Diaconus S. R. E. Cardinalis Marini .
- Alexander S. Mariæ ad Martyres Diaconus S. R. E. Cardinalis Albanus .
- Nereus S. Euſtachii Diaconus S. R. E. Cardinalis Corsinus .
- Agapitus S. Agathæ in Suburra Diaconus S. R. E. Cardinalis Mosca .
- Carolus Maria S. Mariæ in Porticu Diaconus S. R. E. Cardinalis Sa-cripantes .
- Marius SS. Cosmæ & Damiani Diaconus S. R. E. Cardinalis Bolo-gnettus .
- Prosper S. Georgii in Velabro Diaconus S. R. E. Cardinalis Colum-na de Sciarra .
- Alexander S. Mariæ in Aquiro Diaconus S. R. E. Cardinalis Ta-narius .
- Hieronymus S. Adriani Diaconus S. R. E. Cardinalis Bardi .
- Dominicus SS. Viti & Modeſti Diaconus S. R. E. Cardinalis Ursinus .

Silentibus Eminentissimis Cardinalibus ; protinus proprium laturi judicium surrexerunt Reverendissimi Patriarchæ, Archiepiscopi & Episcopi, nimirum.

- Mundillus Ursinus Patriarcha Constantinopolitanus.
 Antonius Maria Pallavicinus Patriarcha Antiochenus.
 Thomas Cervini Patriarcha Hierosolymitanus.
 Gabriel Eva Archiepiscopus Cypri Syrus, patria priùs, deinde latini lingua suffragium emisit.
 Alexander Borgia Archiepiscopus Firmanus.
 Michael Palma Archiepiscopus Theatinus.
 Stanislaus Poliastri Archiepiscopus Rossanensis.
 Ferdinandus Maria de Rubeis Archiepiscopus Tarsensis.
 Joannes Andreas Tria Archiepiscopus Tyri.
 Michael Maria Vincentini Archiepiscopus Theodosiæ.
 Simon Gritti Archiepiscopus Tyanen.
 Josephus Rufus Archiepiscopus Capuanus.
 Nicolaus Carafa Archiepiscopus Philippensis.
 D. Ferdinandus Romualdus Guiccioli Archiepiscopus Ravennaten.
 Felix Solatius Archiepiscopus Thebarum.
 Antonius Fonseca Episcopus Æsinus.
 D. Placidus Pezzancheri Episcopus Tyburtinus,
 Nicolaus Xaverius Santamaria Episcopus Cyrenen.
 Nicolaus Michael Abbati Episcopus Scyllacii.
 Bernardus Antonius Pizzella Episcopus Constantien.
 Fr. Paulus Alpheran de Bussan Episcopus Meliten.
 Alexander de Abbatibus Episcopus Viterbien. & Tuscanen.
 Nicolaus Franciscus de Bonhome Episcopus Carpasiens.
 Ludovicus Antonius Valdina, olim Cremona Episcopus Hermopolitanus.
 Fabricius Borgia Episcopus Ferentinus.
 Nicolaus Spinelli Episcopus Aversanus.
 Hippolytus e Rubeis Episcopus Senogallien.
 D. Paulus Thomas Marana Episcopus Asculanus.
 Fr. Silvester Merani Episcopus Porphyriensis.
 Nicolaus Mancinforti Episcopus Anconitanus.
 Antonius Cantoni Episcopus Faventinus.
 Paulus Bonavisa Episcopus Spoletinus.
 Cæsar Bonajuti Episcopus Faren.
 Marius Maffei Episcopus Fulginaten.
 Guido Ursellus Episcopus Cæsenæ.
 Hyacinthus de Silvestris Episcopus Nepesinus & Sutrinus.

Leo Lucas Vita Episcopus Oppiden.
 Ægidius Antonius Isabelli Episcopus Alliphanus.
 Joannes Antonius Bachetoni Episcopus Anagninus.
 Franciscus Antonius Spadea Episcopus Aquinas & Fregellarum.
 Joseph Schirò Archiepiscopus Dyrrehachinus, patrio priùs, deinde
 latino idiomate suffragium emisit.
 Sergius Alexandri Armenus Archiepiscopus Cæsareæ Cappadociæ,
 patrio priùs, deinde latino idiomate suffragium emisit.
 Stephanus Assemanus Archiepiscopus Apameæ.
 Bernardinus Vari Episcopus Civitatis Castellanæ.
 Joannes Innocentius Episcopus Fagarasiensis, patrio priùs, deinde
 latino idiomate suffragium emisit.
 Pompejus Compagnoni Episcopus Auximanus & Cingulan.
 Jacobus Philippus Consoli Episcopus Amerinus.
 Josephus Coppola Episcopus Aquilanus.
 Joseph de Rubeis Episcopus Venafranus.
 Hieronymus Lorenzi Episcopus Accernen.
 Joannes Franciscus Cavallini Episcopus Alatrinus.
 Nicolaus Cioffi Episcopus Soranus.
 Joannes Antonius Castelli Episcopus Catharensis.
 Nicolaus Maria Calcagnini Episcopus Civitatis Ducalis.
 Innocentius Gorgonius Episcopus Pinnen.

Cum autem nullus alius ex sacro convocatorum Patrum Conventu
 suffragaturus superesset; Sanctissimus Dominus summopere lætatus, quod
 omnium Suffragatorum sententiæ votis suis concorditer responderent;
 brevi altera Allocutione non minus animi sui lætitiam, quām ad beati
 Petri Canonizationis solēmnia quāmprimum deveniendi promptitudi-
 nem luculenter ostendit, finemque fecit Actionis.

Priusquam tamen Sanctitas Sua consurgeret, & Patrum Confessus
 dissolveretur; Procurator Generalis Reverendæ Cameræ Apostolicæ ad
 nos Protonotarios interessentes conversus, ut de omnibus præhabitibus, de
 Sanctissimi Domini Nostri videlicet Allocutionibus, deque consilio, as-
 sensu & concordibus Eminentissimorum Cardinalium, necnon Patriar-
 charum, Archiepiscoporum & Episcoporum suffragiis unum vel plura,
 publicum seu publica, Instrumentum vel Instrumenta perenni Postero-
 rum memorie demandandum vel demandanda conficeremus, de more
 rogavit.

Quapropter ego Antonius Maria Protonotarius Erba inter Protono-
 tarios qui aderant antiquior; Collegii mei nomine respondi: *Conficiemus:*
Sanctissimi Domini Nostri Familiaribus illic adstantibus his verbis in Te-
stes adhibitis: Vobis Testibus: Et præsertim Illustrissimis DD. Paulo Zani
 Bononiensi, & Josepho Maria Puoti Neapolitano Testibus ad hoc spe-
 cialiter vocatis, habitis atque rogatis.

Acta sunt hæc in Quirinali Palatio , die , mense , & anno , quibus supra .

In quorum fidem Nos Protonotarii Apostolici de numero Participantium requisiti & rogati præsens hoc Instrumentum confecimus , subscriptimus & publicavimus , solitoque Collegii Nostri Sigillo muniri , & in nostro Archivio ut futuris temporibus horum omnium perenne semper extet documentum Secretario nostro perdiligenter affervari & subscribi mandavimus . Actum ubi supra , præsentibus quibus supra Testibus ad præmissa vocatis , habitis atque rogatis .

Antonius Maria Protonotarius Erba Sub-Decanus .

Loco † Signi .

Franciscus Dominicus Clementi ejusdem Collegii Secret.

Accensentur hic suffragia Absentium a Consistorio ,
etsi Romæ præsentium .

*THOMAS Episcopus Ostiensis & Velternenensis Sacri Collegii Decanus ,
Vice-Cancellarius Cardinalis Rufus .*

P Roseminata in animo beati Petri Regalati e Cœlo virtus cum ipso flore ætatis statim floruit . Illuxere scilicet maturæ in puerो pietatis indicia , amor præsertim æternorum & fastidium eorum , quæ de Mundo sunt . Vix ingressus adolescentiæ limen , quanta contentione admitti inter Assisiensis Patriarchæ Alumnos postulaverit , & quanta sui alacritate adscriptus Familiaæ fuerit , ardor ille eximius , quo in præclara sanctissimi Parentis vestigia illico totus incumbere , hisque subinde constanter insistere visus suit , liquido demonstrat . Arctissimæ paupertatis , altæ humilitatis , admirabilis poenitentiæ , eximii revocandæ Minoriticæ Disciplinæ , quæ jam a sua origine deflectere cernebatur , inconcussi zeli , invictæ fortitudinis in promovenda Dei gloria & animarum salute , atque ceterarum virtutum odore longè latèque diffuso plurimos ad se traxit socios , quos erudivit sicut semetipsum . Sed & crevisse Petrum in Virum usquequaque perfectum , apertè pariter declarant manifesta divini in ipsum amoris indicia , quibus Altissimus coruscare hunc Servum suum voluit & viventem & secum jam feliciter in Cœlis regnante . Æquum est itaque BEATISSIME PATER , & christiano Populo proficuum , ut beatus Petrus Regalatus a Sanctitate Vesta in Sanctorum Canonem referatur , ut sit ipse suis Cultoribus in exemplum simul & patrocinium .

*ANNIBAL Episcopus Portuenis Cardinalis Albanus
S. Clementis nuncupatus.*

Inter tot Santos homines, qui Hispanam Nationem ac Religiosum Minorum Ordinem illustrant, jure meritoque accensendus est Petrus Regalatus. Is a prima aetate pietati studens mirificè christiana virtute profecit. Minorum adscriptus Familiae tam naviter in perfectionem Religiosam & exactiorem suscepti Instituti disciplinam incubuit, ut brevi absolutissimum Sanctitatis exemplum evaserit: Nec venerationi tantum esset, verum etiam admirationi. Propriæ non contentus animæ bono, alios quoque ad christianæ vitae perfectionem attraxit. Severiores Religiosi Instituti leges prescripsit, & Franciscanæ regulæ disciplinam exemplo & monitis promovit. Heroicarum virtutum merito vivus mortuusque a Populis celebratus & cultus multis etiam miraculis a Deo est illustratus. His autem nominibus non in Hispaniis tantum, sed & in aliis christiani orbis Regionibus egregie spectatus & clarus, dignissimus habetur, qui a SANCTITATE VESTRA in Sanctorum numerum referatur, ut uno tempore B. Petri merito divinæ voluntati tot modis patescat, nec non Populorum atque virorum Principum piis votis fiat satis.

*VINCENTIUS Episcopus Prænestinus Cardinalis Petra
Major Pœnitentiarius.*

Et si opes atque hujus vitae commoda plerisque esse soleant impedimento, quo minus in se rigidi severique esse velint, novit tamen beatus Petrus Regalatus Ordinis Minorum Observantium decus & ornamentum quanti illa essent habenda; quocirca & dum in seculo erat, ea ipsa neglexit cessitque, ut poterat pauperibus, & ubi per aetatem licuit, pauperrimo Instituto nomen dedit, quo corpus suum nuditate, laboribus, vigiliis omnique austeritate in servitutem redigeret. Quin etiam cum his finibus tam angustis, ut ei quidem videbatur, ejus virtus contineri non posset, asperius vitae genus quæsivit, Superiorumque facultate in solitudinem una cum paucis sociis concessit, ubi antiquam Ordinis S. Francisci disciplinam renovavit & coluit. Vix dici potest, quot ibi virtutum & miraculorum laude inclaruerit. Diutissimis meditationibus, operibus pietatis, saluti animarum diligentissimam navavit operam. Postremò meritis onustus vitam hanc fluxam atque mortalem cum semipiterna eaque beata commutavit. Quamobrem censeo tempus advenisse, quo illi decretos a Sancta Sede honores adhibere oporteat.

JOSEPH Episcopus Tusculanus Cardinalis Accorambonus.

QUAM Evangelicæ perfectionis stadium , quod cum summa animi contentione B. Petrus percurrit , totisque conatibus in aliis excitare non destitit , Deus Optimus Maximus in Sanctis suis verè mirabilis non modò cum adhuc viveret omnipotentiæ suæ divitiis abundantissimè cumulaverit , sed postquam obiit ad ejus gloriam manifestandam in Cœlis , miraculis etiam mirificare dignatus sit : Dignum proinde SANCTITATIS VESTRÆ zelo futurum existimo , si ad augendum Ecclesiæ catholicae decus & Franciscani Ordinis incrementum Servum Dei ad Divorum cultum soleanni pompa promoveat .

VINCENTIUS Episcopus Sabinensis Cardinalis Bichius.

UT Sanctorum adscribantur Albo exigunt merita illorum ; qui Religiosas Familias jam virtute florentes ad severiorem revocarunt disciplinam , & ad strictioris studium Instituti ab excelsa virtute commendati invitarunt . Et qui cum in vita , tum post mortem quamplurimis miraculis claruerunt , ut eorum Sanctitatem testaretur Deus . Profectò hæc omnia de beato Petro Regalato Sacerdote Professo Ordinis Minorum sancti Francisci & Regularis Observantiæ in Hispania Restitutore probata ac verificata noscuntur , dum beatus Petrus addictus Religioni sub strictissima paupertate viventi , ita de sua paupertate exultavit continuò , ut videretur renovasse verba Apostoli ad Timotheum , habentes quibus tegamur , his contenti sumus . In Regulari Observantia restituenda ea que sub strictiori Instituto confirmanda & stabilienda maximo cum fructu & progressu adlaboravit usque ad obitum . Charitate in Proximum & in Pauperes continuo ardentí studio flagravit : Et inventus Justus coram Deo quamplurimis miraculis etiam usque ad hæc tempora claruit ; unde tutus patet aditus ad sacros Sanctitatis honores eidem beato Petro deferendos .

*NICOLAUS MARIA Tit. S. Petri ad Vincula
Presbyter Cardinalis Lercarius.*

DEUS Optimus Maximus , qui in Sanctis mirabilis semper fuit , cum adhuc viveret B. Petrus Regalatus Regularis Observantiæ inter Minores Restaurator , ad testandam ejus Sanctitatem in terris omnipotentiæ suæ signis eum abundantissimè cumulavit ; sed magis post obitum ad ejus in Cœlis sublimem gloriam manifestandam in præmium finalis perseverantia miraculis ac prodigiis eum decorare dignatus est : Ut itaque universalis Ecclesia ejus opem ac patrocinium promereat , sacro universali

sali cultu SANCTITATIS VESTRÆ oraculo inter Sanctos adscriptum eum honoret ac veneretur .

TROJANVS Tit. S. Cæciliæ Presbyter Cardinalis de Acquaviva .

MAGNUM equidem BEATISSIME PATER , Sanctitatis specimen dedit beatus Petrus Regalatus , qui adhuc impuber spretis opibus avitæque suæ gentis honoribus in Fratrum Minorum Familiam cooptari voluit ; atque per omnium virtutum gradus ad culmen Evangelicæ perfectio- nis ascendens , ita fuit omnipotenti Deo fideliter serviens , ut signis quām acceptus esset , apertissimè comprobaretur . Tantum ergo Virum , qui iustitiam operatus coronam gloriæ immarcescibilem recipere meruit , in Sanctorum Canonem meritò adscribi posse putamus .

*RAPHAEL COSIMVS Tit. S. Marcelli Presbyter
Cardinalis de Hieronymis .*

BEATISSIME PATER . Divinæ mos est Providentiæ juxta locorum & temporum opportunitates suos electos mittere Servos ad excolendam Christi vineam vepribusque expurgandam . Plures hujusmodi & strenuos Operarios continuata serie ex Minorum Ordine assumpsit , inter quos egregius Dei Servus Petrus Regalatus mirificè claruit , qui ardentissima in ipsum Deum & Proximum charitate flagrans , ceterisque virtutibus coruscans dignis laudibus meritò ab omnibus celebratur . In eo verò præcipue præfulsit , quod collapsam in Hispaniis primævam Seraphici Ordinis observantiam egregiè instauravit heroicis virtutibus & exemplo . Siguis & portentis ante & post mortem Deus testatam voluit hujus beati Viri merita gloriosa , quibus accedentibus dignum censeo , ut a SANCTITATE VESTRA in sanctorum Confessorum Catalogo adscribatur ; ut qui viderint fragilem hominem eadem generis infirmitate circumdatum in carne supra carnem vixisse , & per fidem operantem iustitiam adeptum esse recompensationem , pari Religionis ardore ad similia excitentur , & nitantur ad coronam .

*CAROLVS Tit. S. Mariae de Ara-Cœli Presbyter
Cardinalis Calcagninus .*

BEATUS Petrus Regalatus Sacerdos Professus Ordinis Minorum S. Francisci a primæva ætate exultavit ut gigas ad currēdam viam Domini ; dum iter christianæ perfectionis arripiens ceteris miraculum es- set & exemplar . Adscriptus inter sodales Seraphici Francisci , imitator fuit fidelis tanti Patris usque adeo , ut sibi Mundum seque Mundo reddiderit crucifixum : Cum sublimem Regularis perfectionis observantiam in suo

suo Ordine ex parte obsoleuisse animadverteret, omnem diligentiam omnique studium adhibuit, quo eam ad integratatem & splendorem pristinum revocaret. In charitate, in humilitate, in rerum divinarum ferventi meditatione, in innocentiae candore & in corporis sui assidua afflictatione maximè enituit. Animarum corporumque lucris tam diligenter intentus fuit, ut in revocandis ad pietatem Populis labores, incommoda quamvis gravia patientissimè toleravit: Qua in re illud mirabile quod panes in egenos largiendos, ut Antistitem laterent, in rosas hiberno tempore permutavit. Quæ omnia omnipotens Deus pluribus confirmavit miraculis. Igitur Sanctorum Fastis adscribendum censeo ad Ecclesiæ praesidium & fidelium incitamentum.

*PHILIPPUS MARIA Tit. S. Agnetis extra Mœnia
Presbyter Cardinalis de Montibus.*

BEATUS Petrus Regalatus avita generis nobilitate contempta in sacra Ordinis Minorum Familia adeo egregiè versatus est, ut ob expremam in se ipso vivam Evangelicæ perfectionis imaginem & ceteris præstiterit omnigenæ virtutis normam & heroicæ Sanctitatis exemplar. Zelo ductus severioris observantiæ Regularem collapsam sui Ordinis disciplinam ad primævam seraphici Instituti integritatem in Hispania revocavit. Ardore insuper charitatis exæstuans innumeris Proximum complectebatur officiis: Familiare quippe ei erat peregrinos hospitio exceptos reficere, morbo gravatos in Nosocomiis curare, carceris squalore confectos solari, & captivos sub Turcarum jugo detentos stipe sibi a divitibus collata in libertatem afferere; omnibus omnia factus, ut animas Christo lucrifaceret. Reliquum est ut B Petrus Regalatus qui in Ecclesia tanquam fidus zelo Regularis disciplinæ ac ardore charitatis emicuit, tandem juxta Ritum Sedis Apostolicæ gloriæ coronam inter Sanctos recipiat in terris.

*HIERONYMUS S. Angeli in Foro Piscium Diaconus
Cardinalis Columna.*

NEMINEM esse puto BEATISSIME PATER, qui sanctissimi Patriarchæ Francisci virtutes egregias admiretur, sibique temperare possit, ne beatum Petrum Regalatum ex eodem Minorum Ordine magna etiam & admiratione ac veneratione prosequatur. Uterque non quasi in incertum currens, aut aerem verberans castigavit corpus suum & in servitutem redigit, non in alio gloriatus nisi in Cruce Domini. Uterque pauper Spiritu, sciens horum esse Regnum Cœlorum, post aurum non abiit; eos uterque Thesauros sapientiæ ac scientiæ Dei unicè amavit, quos in Christo abscondidit Pater non sapientibus ac prudentibus revelans, sed

V u par-

parvulis. Uterque factus a Deo Minister novi Testamenti non litera, sed spiritu Religiosos Viros exemplis sanctissimis informavit, nisi quod charitatis, humilitatis, paupertatis, abnegationis studium in Ordinem Minorum Franciscus invexit, Petrus restituit. Quamquam non iis se angustiis coarctavit Petri virtus, ut sui tantum Ordinis bono consuleret, sanctissimi Patriarche sui vestigiis insistens opere comprobavit latum nimis esse charitatis mandatum, quod omnes complectatur, a vitiis quos potest deterrens, ad mores Christiano dignos alliciens, nullos posterioriens sive Nosocomiis detentos, sive Carceribus inclusos, sive Turcarum captivitate pressos, magnis utique laboribus exantlatis, ita tamen ut sicut in eo abundabant passiones Christi, ita & per Christum in eo consolatio abundaret. Quid est itaque quod ulterius requiramus BEATISSIME PATER, ut Sanctorum numero accenseatur beatus Petrus? Ita planè fiet ut unus Canonizationis honor non modò B. Petrum sed & sanctissimum Patriarcham Franciscum commendet, cuius imitationi tantopere studuit magnus hic Seraphici Ordinis Alumnus: Verè siquidem testatur Salomon, Gloriam Patris esse filium sapientem.

JOSEPH MARIA Ferroni Archiepiscopus Damascenus Assistens.

Admirabiles planè ad Deum ascensiones in corde suo disposuit B. Petrus Regalatus^a. Non solùm ipse per asperum vitæ genus ad Sanctitatis apicem pervenire contendit, sed omnibus omnia factus, tam domesticos quam extraneos Christo lucrificare studuit. De inclyto igitur Ordine ac de Ecclesia optimè meritus, quia fecit & docuit, magnus in eadem Ecclesia vocetur^b.

Fr. ANTONINUS Camarda Episcopus Reatinus Assistens.

BEATISSIME PATER. Non hospes nec advena videbatur in terris beatus Petrus Regalatus, sed civis Sanctorum & domesticus Dei, cum nonnisi sapere studeret quæ sursum sunt, non quæ super terram. Hinc infinitos sapientiæ & scientiæ Dei thesauros assidua contemplatione promulgans, totus divino illo astuabat igne, quem venit mittere in terram Unigenitus Dei Filius, cuius vehementissimam usque ad Ecclasiū raptus admirabatur charitatem, qua dilexit nos & lavit nos a peccatis nostris in sanguine suo, factus obediens usque ad mortem, mortem autem Crucis. Ex qua tanti beneficii consideratione, maximo quoque angebatur dolore, cum videret filios hominum post tam copiosam redemptionem, rursus sibi meti ipsi crucifigere Filium Dei. Placeat igitur SANCTITATI VESTRÆ Cœlorum civibus eum solemniter insertum definire, qui totus in terris visus est homo cœlestis.

NI-

^a Psalm. 83. 7. ^b Matth. 5. 19.

NICOLAUS Simoni Episcopus Marcianensis Assistens.

PETRUS REGALATUS fortis viribus a juventute sua factus est Princeps selectionis militiae, quæ sanctissimam Ordinis Minorum divi Francisci disciplinam ex humanæ naturæ infirmitate magna ex parte obsoletam, ipso præeunte cum verbo tum exemplo ad integritatem & splendorem pristinum revocavit. Virum igitur qui jugum portavit ab adolescentia, sedet in solitudine, posuitque in pulvere os suum, dignum puto qui tollatur in sublime, ut ejus laudes omnis Ecclesia nunciet ac colat Sanctitatem.

*MARCUS ANTONIUS Amalphitanus Episcopus Ortonen.
& Camplen. Assistens.*

BEATISSIME PATER. Beatus Petrus Regalatus Sacerdos Professus in Ordine Minorum Regularis Observantie singulari gratiæ Dei prærogativa suffultus morum innocentia. ab incunabulis semper enituit. Tertiodecimo ætatis sue anno ad Fratrum Minorum habitum admissus, brevi Religiosis virtutibus claruit, ac perfectionis apicem attigit. Eam in aliorum animis altè imprimere contendens, summo studio curavit antiquum illud aspergiumque vivendi genus, quod suis indixerat Seraphicus Patriarcha Franciscus, renovare. Summa fuit in eo abstinentia, cum raro admodum aut vinum biberet, aut carnem gustaret, imo ut plurimum pane & aqua unicè vescebat. Orationi addictus somno ita raro breveque utebatur, ut vel insomnes orando sæpe traduceret integras noctes, vel si defatigato ac deficiente corpore paululum decumbere cogeretur, id non aliter ficeret quam humili prostratus, ut non tam conquiescere quam ipsammet quietem suo corpori molestam facere videtur. Cœlestium contemplationi perpetuò inhærebat Christi Redemptoris mysteria contemplando. Ardentissimo salutis animatum zelo succensus omnem adhibuit operam pro vitiis extirpandis, vel pro virtute in exteris etiam gentes amplificanda. Ut ipsa fraternalis caritas diligetur, summopere studuit; unde dissidentes ad pacem & concordiam revocavit: Afflictos in carceribus, vel sub Turcarum captivitate detentos aliosque inopes singulari charitatis exemplo adjuvit. Extra sensus frequenter raptus admirabiles Ecstases passus est. Quæ & alia innumera in ejus vita Compendio exposita, cum eum clarum reddant, & sanctis constet de virtutibus in gradu heroico, miraculis tam in vita quam post mortem patratis, inter Sanctos solemni ritu recensendum fore censeo, si SANCTITATI VESTRAE placuerit.

LUDOVICUS Savagieri Episcopus Tempensis.

BEATUS Petrus Regalatus spreto in adolescentia nobilitatis fastu , divitiis omnibus relictis , seque Deo in Minoritico Sodalitio devoto , & mortificationis cruce suscep ta , Christum sequutus humilitate , patientia atque eximia in Fratres charitate , evangelicam perfectionem profitentibus factus exemplar , verbo , exemplo magnisque laboribus restituta pristinæ puritati ac severitati Minoritica in Hispania Familia , miraculorum gloria clarus veram Patris sui Francisci imaginem in suis virtutibus admirandam exhibuit , atque illius animam post transitum æterna cum Christo perfaci beatitudine , multis deinceps prodigiis Deus testatus est . Quare si Tibi aliter non videatur BEATISSIME PATER , Eum in Sanctorum numerum referendum esse censeo .

ANTONIUS Franci Episcopus Crasseti .

PLURES BEATISSIME PATER ut omnibus notum est , jam diu sacris Altaribus veneramur , qui cum beatum Petrum Regalatum sibi Patrem in Hispania selegissent , & Reformatæ ejusdem Familiae dedissent nomen , per paupertatem , per vigilias , per orationes , per inediem , per patientiam , certam fecerunt in restaurato per eumdem Ordine vocacionem . Eisdem igitur condignis honoribus , quos hæc ipsa Apostolica Sedes decrevit Filiis , Patrem æquè sanctissimum virtutibus miraculisque æquè clarissimum diutiū privare , in ejusdem Patris injuriam cedere quodammodo videretur .

THOMAS ALEXIUS de Rubeis Episcopus Aprutinus .

DERIT fortè BEATISSIME PATER , quod dicerem & inani loquutione tedium dare nollem beati Petri Regalati referens merita & prodigia ; longior enim esset & difficilior provincia virtutes ejus recolere : Non quod lateat quid sit dicendum , sed quod nescio quomodo illa tam admiranda facinora sint explicanda .

De Viro loquitur qui S. Benedicti & sancti Patris Francisci vitam agere cum decrevisset , spiritum sancti Patriarchæ imitatus in desertum locum & solitarium cum alio Fratre Villacretio se contulit .

Hæc arena fuit , in qua Athleta Christi curavit virtutes omnes & spiritum sanctissimæ & asperrimæ Religionis splendescere .

Hæc illi arena fuit . Cum primò dato nomine Observantium S. Francisci Familiae adhuc ipso puero , & postquam flagellis omnique poenarum genere se cruciavit , alias ascensiones adortus pristinam paupertatem , orationes & poenas aggressus est .

In

In pauperes & captivos apprime prospexit, ut etiam defunctus e sepulchro consurgens panem cuidam oranti Mendico mirè porrexerit.

Virtutes omnes cum primis fidei, spei & charitatis in gradu heroi-co censitæ probatæque fuere, ceteraque miracula cum satis clarè comperta sint, eumdem in Album Sanctorum adscribi humillimè deprecamur.

Sequenti die utpote Dominica Consistorium habitum non est, quod tamen in Feriam secundam dilatum, omnibus quorum intererat adesse, per impressam schedulam notum Curores fecerunt.

INTIMATIO

Per Curores facienda etiam Domi dimissâ copiâ.

Die 13. Junii feria 2. in descripta jam Quirinalis Palatii Aula hora decimateria Sanctissimus Dominus Noster semipublico Consistorio quarto intererit, Eminentissimorum Patrum, necnon Reverendissimorum Patriarcharum, Archiepiscoporum & Episcoporum suffragia in Causa Canonizationis beati Josephi a Leonissa Confessoris Ordinis Minorum S. Francisci Capuccinorum excepturus.

Ideo intimentur omnes & singuli Eminentissimi & Reverendissimi DD. Cardinales, necnon Reverendissimi DD. Patriarchæ, Archiepiscopi & Episcopi in Urbe præsentes, ac Domini Protonotarii Apostolici, duo Antiquiores Rotæ Auditores, Sacrorum Rituum Congregationis Secretarius, Promotor Fidei & Procurator Fiscalis Cameræ Apostolicæ.

De Mandato Sanctissimi Domini Nostri Papæ.

Ignatius Reali Apost. Cærem. Præf.

Dictâ igitur feriâ secundâ Sanctissimus Dominus Noster sacris Vestibus ornatus apud lectum Paramentorum per manus Cardinalium Diaconorum, exivit præcedente Cruce in Aulam, ubi jam congregati aderant ceteri Cardinales Præsulesque Ecclesiarum omnes, & salutari Crucis signo super eos producto sedit assidentibus Cardinalibus, stantibus aliis: Clausis deinde foribus, ne ii redirent qui ab Aula dimittebantur, quartam beati Josephi pro qua conveniebant, Causam sic exposuit.

VENERABILES FRATRES. Non ignoramus exploratum satis esse vestræ eruditioni, juxta veterem Ecclesiæ disciplinam inter Martyres non solùm adnumeratos fuisse illos, qui pro christia-

na Religione vitam amiserunt , sed eos pariter , qui ob eandem Religionis causam acerbissima tormenta pertulerunt , licet postea superstites ab illis evadentes , mortali hac vita in pace perfuncti sint . In Conciliis , quæ a sancto Cypriano coacta fuerunt , aliqui Episcopi , nomine ac titulo Confessoris , alii verò Martyris obsignantur . Tertullianus autem in eo libro , quem in Praxeam conscripsit , titulum Martyris ipsi minimè tribuendum contendit , ob eam causam , quod levissimum ac breve tormenti genus tulisset , non verò quia vitae spiritum inter cruciatus nequaquam emisisset : *Praxeas* , inquit , *de jactatione martyrii inflatus ob solum & simplex & breve carceris tedium* . Id etiam S. Joannis Evangelistæ celebri exemplo comprobatur , qui in dolium ferventis olei demissus , licet in columnis ex illo prodierit , & usque ad ultimam senectutem in pace vitam absolverit , tamen Martyris titulum a Fidelibus obtinuit . Ob eandem rationem sancta Thecla Protomartyr a Patribus nuncupatur , eo quod prima inter mulieres martyrii gloriam pro christiana Fide consecuta est : Quippe damnata ad bestias , quemadmodum ex Annalibus Ecclesiae deprehendimus , cum nullum ab illis detrimentum accepisset , reliquum suæ vitae tempus solitudini mandavit , ubi longo senio confecta , & vinculis corporis soluta in Cœlum placidè evolavit . Ob hæc Theologi inquirunt , utrum etiam nunc Martyris nomen aptè conveniat illis , qui superstites fuerunt cruciatibus , quorum acerbitate vitam profundere debuissent , sed post

multos annos lectulo ut ajunt suo jacentes postremum diem obierunt, & utrum ritu solemni etiam nunc inter sanctos Martyres recenseri possint. Non nulli id fieri posse censuerunt; utque obviae occurrant difficultati, nempe reliquo vitæ spatio inquinari potuisse peccati labe eos, qui post tormenta superstites fuerunt, respondent divinæ bonitati consentaneum videri, quod eos in cœlesti gratia confirmet, qui singulari suo beneficio vim tormentorum certumque mortis discrimen, quod pro Christo subierant superaverunt. Nos de hac ipsa re fusius egimus in nostris Commentariis *de Cannizatione Sanctorum*, ubi Sanctæ Sedis Apostolicæ consuetudini inhærentes planè ostendimus, Martyris titulum minimè hodie tribuendum, nisi mors intercesserit in odium christianæ Fidei, quam Tyrannus intulerit, & Martyr ob eandem causam suscepere, forte que animo pertulerit; nec ut ab hac disciplina recessatur, sufficere exempla a sacra quidem antiquitate desumpta, sed quæ prodierunt, antequam aliæ leges justissimis de causis ab Ecclesia fuerint statutæ; aut argumenta, quæ piis ab hominibus potius, quam a peritis Theologis excogitata videntur. Quapropter cum adhuc in minoribus Promotoris Fidei munus gereremus, & Causa hæc beati Josephi a Leonissa initio proponi coepisset, magno studio contendimus atque obtinuimus, ut de illa tanquam de causa Confessoris, non verò Martyris ageretur, etiamsi beatus Joseph unco ferreo per tres continuos dies suspensus a Turcis in odium christianæ Religio-

nis crudelissimum tormenti genus pertulerit , ut vos ipsi ex traditis documentis perspicere potuistis . Illud tamen libenter ac meritò probavimus , ut hoc facinus præclarissimum in hac causa pertractanda magni penderetur , & pro decernenda solemni Canonizatione etiam plurimum conferret , si tamen continua virtutum summè præstantium exercitatio , proprii Instituti plena observantia , qua cum maxima vitae austeritas ac poenitentia conjungitur , in beato Josepho apparerent ac liquidó comprobarentur ; si postremó illius mortem ea prodigia secuta fuissent , quibus justorum mors dignosci consuevit . Hoc sanè pacto Causa beati Josephi tanquam Confessoris , non verò Martyris in examen adducta fuit . Seriem totius vitae quam ille duxit , vestros ante oculos expositam habuistis . Cognitum Vobis est quidquid piè sanctèque gessit antequam se conferret Constantinopolim pro Missionibus obeundis ; gravissimum tormenti genus , quod in illa Civitate passus est , ex quo Divino beneficio fuit ereptus ; quanto deinde tempore superstes extiterit , quām præclara gesserit , & qua ratione vitam absolverit . Vobis etiam perspecta sunt miracula , quæ ob illius intercessionem contigerunt . Itaque illud tantùm supereft , ut sententias vestras de solemni ejus Canonizatione indicenda Nobis explicetis .

Non modò Cardinales , sed Patriarchæ , Archiepiscopi & Episcopi Pontificio nutui obsecundantes , quid sentirent exposuerunt juxta sessionis ac dignitatis ordinem .

PETRUS ALOYSIUS Episcopus Albanensis Cardinalis Carafa.

IN beatum Joseph a Leonissa mirificè quadrat prophetica illa benedictio, quam super filium suum protulit Jacob Patriarcha, cum ait^a: *Filius accrescens Joseph, Filius accrescens;* siquidem noster Joseph auxit egregia suæ professionis merita nobilitate fidei, præstantia spei, excellentia charitatis aliarumque virtutum fulgore: Auxit Ecclesiam Infidelium conversione, Peccatorum correctione, errantium emendatione: Auxit populum Christi fervidis prædicationibus, sanctissimis exemplis, insignibus miraculis: Auxit denique Cœlum multorum in viam salutis reductione, aliorum in accepta iustitia consolidatione, atque eximio in omnes infirmæ præsertim conditionis amore. Igitur si beatus Joseph a Leonissa tam excellenter nomen suum implevit, ut meritò etiam de ipso dici possit: *Filius accrescens Joseph, filius accrescens,* jure optimo convenit, ut illius quoque honor augeatur per solemnem ejusdem in Sanctorum Canonem cooptationem.

FRANCISCUS Tit. S. Mariæ Translyberim Presbyter
Cardinalis Burghesius.

MAGNA sanè BEATISSIME PATER virtus Josephi a Leonissa, vel uti rectius dicam magna in illo & admirabilis virtus Dei, qui infirma Mundi eligit, ut fortia quæque confundat. Ipse enim Joseph, ut illustres res ejus gestas alias taceam, ardens studio propagandæ Religionis, arcem ipsam adgressus Turcici imperii, Maumetanæque superstitionis, nullo periculo absterreri potuit, quin irrumpens in medias ædes Tyranni, Crucis ibi vexillum figeret & Christum Regem inclamaret. Non eum labores ulli deterruerunt, non verbera, non denique mors ipsa, quam lætus subibat ex trabe pendens, nisi visibili manu omnipotentis Dei religatus depositusque, liber a furentium barbarorum manibus fuisse dimissus. Qui quoniam vivus, mortuus ingenti opinione virtutis ac multis perpetratis signis, tam longam ætatem Sanctitatis nomen tutatus est; facies Tu quidem PATER BEATISSIME, uti ego censeo, pro insigni tua sapientia, fide, religione, si eum nunc tandem rite de more consecraveris.

*ANTONIUS XAVERIUS Tit. S. Stephani in Monte Cœlio ~
Presbyter Cardinalis Gentili.*

Gratulabatur olim sanctus Martyr Cyprianus beato Lucio Papæ post corporis passionem, post gloriosam Christi nominis confessionem ad gregem suum revertenti; æquabat ipsum Danieli, qui leonibus mis-sus ad prædam vixit ad gloriam, & tribus comparabat pueris, in quibus non minor fuit Martyrii dignitas, quod de camino ignis incolumes exie-runt; quia non consummata martyria meritum confessionis non minuant, sed magnalia divinæ Providentiae magis ostendunt. Simili spiritali gratu-larione dignum censeo B. Josephum a Leonissa, qui ob fidei confessionem tormentis expositus Tyranni crudelitati a Domino subtractus & fauci-bus mortis ereptus est, ut Ecclesiæ reservatus continuato charitatis, hu-militatis, poenitentiæ cursu sese præberet fidei & virtutis exemplum. Quæ cum ita sint, & subsecuta miracula comprobaverint, sum in voto decernendos esse publicos honores beato Josepho in catholicæ Ecclesiæ splendorem & in Familia Capuccinorum de eadem Ecclesia benemeritæ decus & ornamentum.

*Fr. JOANNES ANTONIUS Tit. SS. Silvestri & Martini ad Montes
Presbyter Cardinalis Guadagni.*

AEt quum est BEATISSIME PATER supremis Ecclesiæ honoribus eos au-geri, quos juxta Sacrae Congregationis Rituum institutum virtu-tum Sanctitas & miraculorum gloria commendat. His profectò super-nis muneribus decoratum deprehendimus B. Josephum a Leonissa, qui per orationis ac abjectionis studium cor suum tradidit ad vigilandum diluculo ad Dominum qui fecit illum, ac zelo charitatis exequi-ans fidei Catholicæ divinæque legis dilatandæ nullis pepercit laboribus, quomini-nus vel ambulantibus in Infidelitatis tenebris Evangelicæ veritatis lumen afferret, ac dignus haberetur, per unci supplicium triduo invictè tolera-tum, pro nomine Jesu contumeliam pati; vel peccatores ad poenitentiæ semitam revocaret arguens, obsecrans, increpans in omni patientia & doctriña, non in persuasibilibus tantum humanæ sapientiae verbis, sed in ostensione spiritus & virtutis. Hanc itaque Sanctitatis lucernam pau-peribus evangelizandis accensam non latere sub modio, sed super Eccle-siæ candelabrum collocandam existimo, ut luceat omnibus qui in domo Dei sunt, ac potissimum universo Capuccinorum Ordini, cuius lauda-bilis Instituti observantiam dum viveret, verbo & exemplo promovit, in-stauravit ac confirmavit.

TROJANUS Tit. S. Ceciliae Presbyter Cardinalis de Acquaviva.

Quae spiritualium charismatum dona BEATISSIME PATER, fuit Dominus clarius beato Josepho a Leonissa, ejus vitæ innocentia, humanarum rerum contemptus, pietatis officia & exempla virtutum quæ præstavit, plenissimè ostenderunt. Quamobrem illum miraculis illustrem, qui post longos atque multos labores in portu æternæ felicitatis meritò conquievit, in Sanctorum numerum referendum esse rectè congrueritque existimamus.

DOMINICUS Tit. SS. XII. Apostolorum Presbyter Cardinalis Riviera.

Tertium hodie nobis præbet serendi suffragii argumentum universus Seraphicus Ordo S. Francisci in suis filiis, Familia quam vocant Capuccinorum secundum; hoc quidem die, quo alium insignem ejusdem Instituti Alumnū jamdiu sacris Aris admotum catholicus Orbis ingenti Populorum frequentia veneratur. Hos porro in terris honores præter cœlestes iis largitur Deus, qui in humilitate & charitate, rerum humanarum contemptu, erga Proximos zelo & in procuranda animarum salute inter ærumnas & labores per Urbes & agros vitam impendunt. In his omnibus virtutibus heroicè excelluit beatus Joseph a Leonissa, quem omnipotens Deus, cuius judicia sunt imperscrutabilia, martyrio a se enixè exoptato, per prodigia etiam subduxit, ut diuturniori christianæ gentis utilitate sanctissimum Confessorem efformaret. Cum verò tantarum virtutum meritis miracula tum antiqua, tum recentia accesserint, minimè dubitandum est meo judicio, BEATISSIME PATER quin idem unacum aliis Franciscanæ Familiæ Alumnis in Sanctorum Album relatis & proximè referendis adscribatur.

JOANNES BAPTISTA Tit. S. Mariæ Angelorum
Presbyter Cardinalis Spinula.

BEATISSIME PATER. Decet summopere, quos Deus fecit ob exantlatos pro sui nominis gloria propaganda in terris labores, complices Regni sui, ut cœlestibus, quibus cum ipso fruuntur, etiam in terris decorentur honoribus. Sanè B. Josephus a Leonissa ardentissimo zelo honoris & gloriae Dei accensus, domi forisque continuò narravit laudes Domini & virtutes ejus & mirabilia ejus quæ fecit. Ut qui præser-tim errabant in tenebris, ad lumen catholicæ Fidei ducerentur; omnesque ad meliorem frugem laboribus suis & ad emendationem avocarentur. Maximo æstuavit ardore sanguine suo confirmare catholicam Fidem, ceterisque aliis virtutibus adeo cumulatus emicuit, ut tum in il-

Ius vita , tum post obitum Servum suum Deus insignium charismatum donis decoraverit . Remanet igitur , ut ejus nomen aliorum Cœlitum Fastis solemniter adscribatur per supremum SANCTITATIS VESTRÆ judicium & oraculum .

RAYNERIUS Tit. S. Sabinae Presbyter Cardinalis De Ilcio.

Eximum paucis retro diebus mirati suimus Martyrem ex Inclyto Ordine Capuccinorum , Fidelem scilicet a Sigmaringa , præclarum hodie nobis datur contemplari Confessorem ex eodem Ordine , Josephum neinpe a Leonissa , qui quamvis martyrii palmâ in morte decoratus non fuit , martyrii tamen cruciatus in vita passus est , nec solùm ab hostibus christianæ Religionis , qui eum pede manuque dexteris unco ferreo trabi applicarunt , sed ab ipsis solo , ut ita dicam , nomine Christifidelibus , qui illum eorum vitia increpantem verberibus & colaphis ceciderunt & stricto ad collum caputio pene suffocarunt . Hæc autem divino quo æstuabat amore , libenti animo ferens , patientiæ , humili-tatis , virtutum omnium in gradu heroico præstítit argumenta , quibus si miracula quæ ab eo patrata sunt , jungantur , nil remanet optandum , quin debiti sanctis Confessoribus honores Ei quoque decernantur .

DOMINICUS Tit. S. Bernardi Presbyter Cardinalis Passioneus.

Expressam profectò & minimè adumbratam beatissimi illius Apostoli seculi imaginem mihi intueri videtur in toto vitæ cursu beati Josephi a Leonissa , qui austерitate vivendi admirandus , pauper , nudus , operans manibus suis , instans orationi & verbo Dei , dignus tandem habitus est pro nomine Jesu contumeliam pati ; ad exemplum enim illorum qui steterunt ante Reges & Præsides , bibit partem Calicis Domini , & quemadmodum Paulo gladium decrevit Regia Neronis , ita Josepho uncum impegit Aula Byzantii : Quamquam enim in sanguine Agni stolam suam ibi non laverit , non defuerunt postmodum opprobria & verbera ipsi turpiter inficta , non a Scithis & Numidis , non a Populis ingenio & natura efferatis , sed ab illis ipsis quos præceptis imbuebat , precibus adjuvabat , charitate complectebatur , & in ipso (o Gentis nostræ æternum dedecus !) in ipso gremio & sinu Italiae , ubi licet ignomi-niis laceſſitus evangelizare Pauperibus Regnum Dei non delitit , & ad hoc divinum munus sanctè rectèque obeundum , same , siti , frigore , nuditate corpus suum , immane quantum , affecit . Cum itaque teſtante Apostolo Christus fuerit heri & hodie , omnibus Christifidelibus & nobis præcipue qui excelsam Templi partem tenemus , facile intelligi datur , potentissimam Spiritus sancti virtutem æquè mirabilem fuisse in Ecclesiæ initio quām in fine seculorum , in quibus tanta miracula corrūscare

scare videmus : Suscita ergo a terra BEATISSIME PATER , hunc inopem & pauperem , & Apostolicorum temporum tam strenuum æmulatorum inter domesticos Dei recense , ut ille cuius vices geris , constituat eum inter Principes super omnem terram .

SYLVIVS Tit. S. Priscæ Presbyter Cardinalis Valenti.

DImicacioni beati Josephi a Leonissa , cui Tortorum immanitas & minæ , vitæ pericula & metus satis superque impendebant , mors de- fuit tantummodo , qua deficiente , palmam potius dicerem desuisse , quām victoram . In eo enim præcipue mirandam se præbuit sortissimi constantissimique Viri deliberatio , animam suam ponere in obsequium fidei , itaut innumeratos oppetendo cruciatus , nihil aliud egisse videretur , quām prolixa diuturnaque delibatione se pro humani generis depravatione naturæ Auctori supremoque Religionis Sacerdoti holocaustum offerre . Cujus præclarum exemplum arbitror , magni faciendum esse per SANCTITATEM VESTRAM solemini ritu , & sacrâ , quam paras pompâ : Magnopere siquidem christianaæ Reipublicæ diuturnitatem & excellentiam interest hujusmodi expiationis vota fovere , ut in Ecclesia quæ immortalitatis templo velut atrium probstat , victimæ numquam abrogentur , quamvis singulari Dei bonitate & providentiâ abrogata sint sacrificia .

*Fr. JOACHIMVS Tit. SS. Quatuor Coronatorum Presbyter
Cardinalis Portocarrero.*

Tertium profert Seraphica schola , BEATISSIME PATER , Alumnum beatum Josephum a Leonissa , unde infallibili SANCTITATIS VESTRAE oraculo & gloria augeatur Sanctorum , & novum militanti Ecclesiæ columen accedat & ornamentum . Eximiæ siquidem virtutes , quibus grandi & forti spiritu se exercuit : Prodigia quæ patravit , nobis illum exhibent in Sanctitate magnificent & mirabilia facientem . Tanta & tam illustria suæ Sanctitatis ubique locorum reliquit monumenta : Talia & adeo conspicua ad ejus dignitatem comprobandum dedit Cœlum testimonia . Nec solas egregii Confessoris ille partes adimplevit , sed Martyrum etiam merita in se cumulare non prætermisit . Cum enim neque causa , neque passio , neque voluntas defuerit , sed mors duntaxat dignatione divinâ ; dilatio & non consummatio Martyrii , ut ajebat Cyprianus , non meritum confessionis imminent , sed magnalia divinæ protectionis ostendit . Duplici quapropter nomine dignus videtur , qui a Vetrri Apostolatus judicio post forte & gloriosum devictum certamen coronam consequatur justitiæ . Extollat igitur SANCTITAS VESTRA manus in Sancta , & Ecclesia vocem ejus audiens inter Sanctos relatum veneretur & fateatur , qui singulari fortitudine Christi nomen portare coram

ram Gentibus non erubuit , & ante Reges & Præsides fateri nunquam
formidavit .

*CAMILLUS Tit. SS. Johannis & Pauli Presbyter
Cardinalis I'aulutius.*

Eximiam beati Josephi a Leonissa de Ordine Capuccinorum Sanctitatem testatam nobis uberrimè faciunt BEATISSIME PATER , tot ipsius virtutum præclara gesta , tot ab eo patrata miracula , quot datum profectò non est brevi oratione complecti : Ab iis propterea recensendis abstineam . Verùm silentio præterire non possum admirabilem ejus zelum , quo in evangelica prædicatione Christo animas lucrifacere assiduè curabat , atque heroicam illam fortitudinem invictumque animum , quo acerbissimas injurias , convicia ac tormenta pro Jesu nomine pati gestiebat , quiq[ue] eo pervenit , ut quamvis pede manuque dexteris unco ferreo ab orthodoxæ Religionis hoitibus e sublimi fuerit suspensus , ut crudelissimam mortem oppeteret , attamen non solùm triduo hujusmodi crudele supplicium constantissimè toleravit , donec ab Angelo in forma pueri vinculis dissolutus extitit , sed immo dum supplicium illud patiebatur & ab unco pendebat , fidem catholicam elata voce obtestando eorumdemmet Tyrannorum fævitiam ad sui martyrium provocabat . Hæc igitur revera heroica fortitudo tot aliis comitata virtutibus atque innumeris ab Altissimo comprobata miraculis , jure meritoque postulat , PATER BEATISSIME , ut cœlestes in terris B. Jósepho per Sanctitatem Vestram decernantur honores .

*CAROLVS ALBERTVS Tit. S. Marie de Pace Presbyter
Cardinalis Guidobonus Cavalchinus.*

BEATISSIME PATER . Quò angustiora in paupertate , in jejuniiis , in cilicio , in castitate habuit vasa carnis B. Joseph a Leonissa , eò amplius ad barbaras usque gentes evangelizans & docens Christum Jesum dilatavit spatia charitatis , cuius impetum frangere non potuerunt ludibria & verbera , non vincula & carceres , non acerbissima suppliciorum genera , nec omnis denique tribulatio , donec excitato ubique pietatis & divini amoris incendio cursum tam bene coëptum plenissimè consumaret . Alterum hunc itaque præclari Capuccinorum Ordinis heroem tantis laboribus pro gloria Altissimi , pro fidelium utilitate perfundum fas est , BEATISSIME PATER Sanctorum Catalogo adjicere , nemudum ut in singulis ejusdem familiæ Alumniæ lætitia æquè ac æmulatio germinentur , verùm etiam ut gestiant omnes , Eum sibi devincire patronum , quem Te Authore noverint Deo apprime charum & hominibus assiduè propitium .

FRIDERICUS Tit. S. Pancratii Presbyter Cardinalis Lantes.

FRUSTRA tempus loquendo consumerem, nec dies sufficeret, si beati Josephi eximias virtutes præclaraque gesta velim commemorando percensere. Illud duntaxat meminisse juvat facinus egregium, dum ad christianæ Fidei prolatandos fines Turcarum Tyrannum adire tentaret, firmâ immotâque constantiâ, verberibus, sævissimis cruciatibus, omnium denique contumeliarum generibus sese objecisse; quid aliud hoc fuit, quam pro Christi nomine pati velle ac vitam profundere? Incredibile prope dictu est [& tamen indubia documenta testantur ad memoriam hominum sempiternam] illum Constantinopoli media Urbe, pede manuque dexteris unco ferreo e sublimi suspensum, triduo supplicium invicto animo tolerasse, Fidem catholicam elata voce concionantem. Innumera alia de beato Viro dicenda forent; sed cum jam omnia fuerint authenticis documentis comprobata in Sanctorum Canonem censeo esse referendum.

FRANCISCUS Tit. S. Mariæ de Populo Presbyter Cardinalis Riccius.

BEATISSIME PATER. Beatus Josephus a Leonissa abdicatis Mundi illecebris & in Familiam Capuccinorum allectus, maxima fidei, obedientiae & charitatis argumenta præfetulit tam erga Deum, quam erga Proximos & præcipue eo tempore, quo in Regionibus Infidelium, Captivorum saluti, eorum indigentiis sublevandis, iisque in fide confirmandis etiam cum propriæ vitæ discrimine summopere insudavit. Quapropter ejus Sanctitatis fama in dies ubique augebatur, eamque miraculorum testimonia illustriorem etiam reddiderunt. Supereft igitur, ut SANCTITAS VESTRA divina illa auctoritate, cuius vices gerit in Terris, Sanctorum Fastis adscribat Servum istum verè fidelem, qui non sua sed quæ Jesu Christi toto suæ vitæ cursu quæsivit.

ANTONIUS Tit. S. Silvestri in Capite Presbyter Cardinalis Rufus.

MISIT Deus de excelso ignem & eruditivit beatum Josephum de Leonissa. Adolescens hoc cœlesti igne eruditus tam impensè Deum colere cœpit, ut inversa phrasî divi Ambrosii videatur vitia prorsus nescisse, quam emendasse. Adultior autem factus & Religiosus jam effectus hoc eodem igne eruditus perlustravit barbara littora, ut Martyr occumberet: Deo tamen mortem prolibente, diu mortis tormenta gaudens sustinuit. Profectò apostolicus hic est ille Vir, cui illud Apocalypsis effatum congruè aptatur: *Ecce misurus est Diabolus aliquos ex vobis in carcerem ut tentemini, & habebitis tribulationem.* Ad oras Italiae Deo disponente reversus

versus, Spiritu sancto in corde ejus diffuso tarda nescivit molimina, ut heroica charitatis officia proximo impenderet. Neque enim aliae virtutes eidem deesse poterant, cum semper in charitate, idcirco in Deo, & Deus in eo manserit. Si charitas patiens est, & ipse patienter tulit injurias, persecutiones & verbera. Si benigna est, & ipse animos sibi infensos christiana mansuetudine demulxit. Si non inflatur, & ipse quantum virtutibus, ceterisque charismatibus assurgeret, tantum humilitate suique ipsius abiectione deprimebatur. Martyrium igitur utrumque & horroris, & diuturnitatis, quorum meminit sanctus Bernardus, feliciter consummavit. Haec omnia ex mirabilium ejus gestorum serie Tibi nota jam sunt BEATISSIME PATER. Reliquum est, ut ad sacros Altaris honores, ad Fidelium patrocinium & incrementum beatum Josephum elevare digneris.

*PHILIPPUS MARIA Tit. S. Agnetis extra Moenia
Presbyter Cardinalis de Montibus.*

Publicis ac supremis honoribus eos æquum est ab Apostolica Sede affici, qui vitæ innocentiam & miraculorum gloriæ coruscarunt. Satis quidem constat B. Josephum a Leonissa hisce divinæ gratiæ charismatibus emicuisse, qui arctissimo suscepit vitæ Instituto & Fidei Propagandæ zelo accensus, Byzantium se conferens vitam strenue contempserit, mortem non metuit, corpus carnificibus tradidit. Angeli ministerio a suppliciis ereptus, Italiam revisens, totus in Proximorum salutem distensus, vineam Domini vel in rudibus personis instruendis, vel revocandis peccatoribus a via perditionis ad semitam justitiae indefessus excoluit. Dicerem cum S. Bernardo^a: *Ignem urentem [fuisse] in consumendo criminum vepres, securim & asciam in dejiciendo malas plantationes.* Censeo itaque, ut juxta hujus Sanctæ Sedis ritum in Album Sanctorum tandem referatur, præsertim ut in B. Josepho a Leonissa Evangelicæ Messis Operarii habeant insuper, quem admirentur, quem imitantur & colant.

*D. FORTUNATUS Tit. S. Matthei in Merulana Presbyter
Cardinalis Tamburinus.*

Josephum a Leonissa Sacerdotem Professum Ordinis Minorum sancti Francisci Capuccinorum toto vitæ cursu summarum virtutum opera nunquam intermisso, jam tum perspectum habui, cum pro injuncto mihi munere ejus gesta ad examen revocarem. Ejusdem miracula dum de eo & in Beatorum, & in Sanctorum numerum referendo ageretur, accuratissimè discussa quin probari deberent minimè dubitavi. Haec verò cum ex Sanctæ Romanæ Ecclesiæ more ita sint in conspectu posita,

^a In Vita S. Malach.

posita, ut in quæstionein cadere omnino non possint, censeo BEATISSIME PATER, talem ac tantum Virum Sanctorum Fastis esse inferendum. Inde habebit Ecclesia novum, quo fulgeat ornamentum: Inde habebunt Fideles novum in Cœlis Patronum, quem invocent: Inde Regularis vi-tæ sectatores novum Sanctitatis exemplar, quod sibi proponant ad imitandum.

*D. JOACHIMVS Tit. S. Crucis in Ierusalem Presbyter
Cardinalis Besutius.*

BEATUM Josephum a Leonissa unum suisse ex sanctis Operariis, quos Dominus misit in Messem suam, varietas mirabilem rerum piè fortiterque ab ipso gestarum dilucidè satis ostendit. In pagis enim, villis locisque campestribus, ut Turcarum Regiam omittam, Evangelicæ veritatis lumen ambulantibus in Regione umbræ mortis, Rusticis, Pastoribus, Pueris prædicare non destitit, undecies in die quandoque repetitis concionibus, ipse interim innumeris pene austerioribus jejuniisque consumptus. Quoniam autem in Agro Domini mittentem feminam sua, rite probatis miraculis magnificavit Dominus sacere cum eo, ut nos omnes lætantes faciat SANCTITAS VESTRA, æquum censeo quod incorrupta sua voce ceteris ipsum Sanctis annumeret, qui cum exultatione portarunt in Cœlis Manipulos suos.

CAROLVS S. Mariae in Via Lata Diaconis Cardinalis Marinus.

SI de singulis meritissimi Capuccinorum Ordinis Viris omnes eorum Regulæ articulos rigidè & exactè observantibus, celebriorum Asceticæ disciplinæ Magistrorum opinio fuit, statim illos ab obitu posse inter Sanctos enumerari; quid modò ambigendum erit, ut minùs publicus ille cultus, quem jamdiu sublimiores heroicarum omnium virtutum apices in B. Josepho a Leonissa effulgentes insigniaque subsequuta miracula hujus sanctæ Sedis judicio ritè approbata promeruerunt, ad quascumque etiam catholicas Mundi partes solemniori ritu a SANCTITATE VESTRA extendatur? Quando ipse idem Dei Filius, [hunc illi maximum præparando triumphum] illamet eadem illustriora prodigia, quibus in terris positus ventis & mari imperavit; panes in deserto multiplicavit; mortuosque ad prædicationis opportunitatem vitæ restituit; ab hoc etiam beato Viro patrari posse disposuit; ut illa eadem in toto Orbe clarificatione, quam ipse olim a Patre habuit, hic quoque ejus famulus ab eorumdem æqualitate signorum æquè in omnibus Mundi plagiis illustraretur.

Nihil ergo nunc remanet, nisi ut eadem Sanctitas Vestra, [quæ ejusdem Christi Domini vices, toto Orbe plaudente gerit] dignetur efficere: Ut quemadmodum hic adeo celebris inclytæ Religionis Alum-

nus remotissimarum Regionum populis; tot ejus laboribus & ærumnis vocem Domini audire fecit; ita nunc iidem Populi ex novo sonitu in omnem terram illius triumphi exeunte, in Cœlis habere sciant, per quem vicissim eorum vota, velut incensum de manu Angeli in conspectu Domini dirigantur.

Unde justissimo SANCTITATIS VESTRÆ Decreto de eo solemni ritu in Sanctorum Albo adscribendo, æquè submisso ac libenti voto subscribo.

ALEXANDER S. Mariae ad Martyres Diaconus Cardinalis Albanus.

Sicut miro inscrutabilis Providentiae ordine Deus Optimus Maximus post donata beatitudinis præmio Sanctorum suorum merita, eadem sapientissime Orbi universo miraculorum testimonio significat: Ita quæ Dei vices gerit in terris, summam SANCTITATIS VESTRÆ potestate in decet illos aris imponere, quos omni virtutum genere ornatos & operum prodigiis claros legitimi examinis perquisitione comperit. Hos inter illumitem sibi locum vindicat beatus Josephus a Leonissa e Capuccinorum, ut ajunt Familia, cui etsi mors defuit inter tormenta, a quibus fuit divinitus ereptus, non defuere tamen & acerbissimi per triduum cruciatus & juge martyrii desiderium, quo æstuans Evangelicum expleturus ministerium in ipsas Turcarum Tyranni Constantinopolitanas ædes se contulit. Quas tamen inter Infideles non potuit, in Italiæ finibus Apostolici munieris partes fuit executus, dum & assiduis concionibus & coelestibus colloquiis ignaros fidei elementis instruxit; instructos divinis consiliis ac monitis imbuit & confirmavit; atque obedientia, humilitate, patientia & incredibili carnis maceratione, Crucis mortificationem in corpore portans eximium fese omnibus præbuit christianæ perfectionis exemplar.

NERIUS S. Eustachii Diaconus Cardinalis Corfinius.

INfinito zelo Religionisque incitatus studio B. Joseph a Leonissa multis mirisque modis, virtutum agmen quibus prædictus erat, ad salutem tum Christianorum, tum Infidelium procurandam intendit, ita ut ipsum Turcarum Tyrannum aggredi ausus fuerit, ut eum ab impietate ad pietatem converteret. Hinc factum est, ut unco pedi & manui dextris infixo per triduum suspensus penderet, ac igne fumoque supposito pene encaretur; in quo immanissimo supplicio Christi Fidem jugiter testatus est. Quod autem in eo mortem non obierit, cœlesti miraculo referri debet acceptum. Quamobrem BEATISSIME PATER tantum Virum, tantisque cruciatibus cum præclarioribus martyribus comparandum, in Sanctorum Album referendum arbitror.

*AGAPITVS S. Agathæ Gothorum in Suburra Diaconus
Cardinalis Moſca.*

Beatum Josephum a Leonissa legitimè pro Christi fide certasse, testantur hinc ferventissimus ejus ardor, quo flagrans Turcarum Tyrannum & reliquas Orientis gentes, quæ in tenebris & umbra mortis sedent, ad Evangelicam vocare lucem gestiebat: Inde mira animi constantia, qua licet manu ac pede unco ferreo e sublimi, ad inferendam illi mortem suspensus, gentem illam ad spiritualem vitam Evangelica prædicatione redigere conabatur. Id præterea testantur hinc triumphus ille de Antistite græco relatus, qui ab eo ^a conversus instauravit..... quæ demolitus fuerat: Inde tot impensi ab ipso labores, ut hasce nostras italicas oras expurgaret a vitiis, atque effuso virtutum semine fœcundaret. Id postremò testantur tot signa, quibus claruit dum viveret, & quibus usque modò inclarescit. Jam verò ^b hæc est hereditas servorum Domini, ut cum legitimè certaverint, donentur coronâ ^c expressa signo sanctitatis & gloria honoris. Tuum propterea est BEATISSIME PATER, hanc Sanctitatis coronam atque hanc honoris gloriam Josepho a Leonissa decernere.

*CAROLVS MARIA S. Mariæ in Porticu Diaconus
Cardinalis Sacripantes.*

Beato Josepho a Leonissa desuit in morte, sed non in vita neque in desiderio martyrium. Charitas abundavit in corde ejus in opere & sermone; invicta patientia in laboribus, in angustiis, in fame, in fri- gore, in nuditate, in periculis, in persecutione. Multos Filios genuit per Evangelium, innumerabiles a vitiis ad virtutem traduxit; constans magnanimus & fortis a verbis impiorum non timuit; perpetuò humiliis Crucemque Christi jugiter in corde portans & corpore, Sanctitatis suæ odorem latissimè diffundens miraculorum copiâ & præstantiâ, a Te BEATISSIME PATER in terris gloriam expectat, quam suis meritis jam coronatus in Coelis cumulatissimè est assecutus.

MARIUS SS. Cosmæ & Damiani Diaconus Cardinalis Bolognettus.

Cum enim ^d BEATISSIME PATER, summa virtutum, & totius plenitudo iustitiae de illo amore nascatur, quo Deus Proximusque diligitur: Hanc profectò virtutum tenuit summam, hanc habuit iustitiae plenitudinem Josephus a Leonissa. Enim verò ita Deum dilexit, ut Dei nomen coram Gentibus quæ Deum non noverunt, nec durissimo quidem supplicio

Y y 2

victus,

^a Lib. 2. Paralip. cap. 33 vers. 3. ^b Ijœa cap. 54. vers. 17. ^c Ecclesiast. cap. 45. vers. 14. ^d S. Leo Serm. in S. Laur. cap. 1.

victus , portare atque nunciare non dubitaverit . Ita Proximum quoque dilexit , ut non modò ^a vocaverit frumentum & multiplicaverit illud ut non portarent ultra opprobrium famis ; sed etiam evangelico pane , nullo unquam fessus labore enutriverit ac recreaverit . Tuum modò est BEATISSIME PATER , ut Josephus a Leonissa qui tanto in Deum flagravit amore , tanta exarsit in Proximum charitate , totque præclaris signis in dies coruscat , ^b per universum Mundum honoretur pro sui veneratione & sanctitate .

PROSPER S. Georgii Diaconus Cardinalis Columna de Sciarra .

PRo decernenda Canonizatione B. Josephi a Leonissa Tibi non desunt modò BEATISSIME PATER , duo illa necessaria semper ab Ecclesia reputata pro Beatis inter Sanctos adscribendis , virtus nimirum morum & veritas signorum . Quid enim sanctius in medium nunc proferri potest irreprehensibili & pene cœlesti vitâ B. Josephi a Leonissa , in quo inclytus Ordo Capuccinorum , christiana Respublica & barbara Mahumetanorum gens virtutes omnes in gradu heroico , & præsertim in Deum & Proximum eximiam charitatem non sine admiratione novit , præfentiisque ? Nolo hic recensere miracula omnia , quæ ad Servi Dei invocationem patrata fuerunt , cum ad effectum de quo agimus , satis sint illa duo , quæ a Temetipso post indultam B. Josepho venerationem approbari meruerunt . In hisce profecto miraculis tibi Deus testimonium perhibet de Sanctitate vitae B. Josephi , & Tibi ostendit illius memorie venerationem non esse diutiùs in Ecclesia militanti differendam ; sed ad solemnem Canonizationem esse potius deveniendum .

ALEXANDER S. Mariæ in Aquiro Diaconus Cardinalis Tanarius .

BEATISSIME PATER . Cum beatum Josephum a Leonissa intueor , ejusque virtutes ac præclarissima gesta considero , gloriosissimum Christi Athletam , cui nihil ad eminentem defuit Sanctitatem , videre existimo . Si martyrii palmam quam ob Turcarum etiam salutem ardentissime expetierat , exquisito sævissimoque tormenti genere , quod Constantinopoli invicto animi robore toleravit , gloria Martyrum morte reportare non potuit ; divinâ id factum Providentiâ puto , ut Italorum quoque saluti Apostolica charitate atque singulari virtutum omnium exercitio consuleret . Quod cum diligentissime perfecerit , seque ad ultimum usque vitæ exitum studiosissimum Apostolicæ perfectionis imitatorem atque Sacerdotem numeris omnibus absolutum ostenderit ; idque Deus miraculorum splendore confirmare voluerit , æquissimum sanè erit si Sanctorum Albo adscribatur , cuncto rumque Christifidelium venerationi proponatur .

HIE-

^a Ezechiel . cap . 36 . vers . 29 . & 30 . ^b Lib . 2 . Machab . cap . 3 . vers . 12 .

HIERONYMVS S. Adriani Diaconis Cardinalis de Bardis.

UT suavissimum Christi jugum ab adolescentia sua B. Joseph a Leonissa portaret, asperam vitæ rationem in sacra Capuccinorum Familia suscepitam divitiis omnibus ac voluptatibus prætulit, ut in eo fertilissimo agro fructus daret honoris & honestatis. Ibi verò per visum a sodali jam pridem demortuo de divini judicii severitate commonitus, de perfectiori vita cogitans, ad barbaras gentes de testimonio Dei in conspectu Regum loquuturus adventat. Inter supplicia immanissima pro amicis animam posuisset, nisi Deus potentiam in brachio suo faciens vitam ei mirabiliter conservasset. In Italiam reversus exemplo ac sermone fide servata cursum vitæ feliciter consummavit.

Beatum hunc propterea Virum humillimè deprecor **SANCTITATEM VESTRAM**, quod Sanctorum Fastis adscribat, ut istius precibus largiatur clementissimus Dominus Populum suum ad se clamantem ab omni adversitate custodiri.

DOMINICVS SS. Viti & Modestii Diaconus Cardinalis Ursinus.

BEATISSIME PATER. Josephum a Leonissa Ordinis Capuccinorum ab ipsis incunabulis morti divinitùs ereptum in fortē suam vocavit Dominus, omniumque virtutum genere illustravit: Nil autem pro catholice Fidei propagatione reliquit intentatum, pro qua licet mors una defuerit, attamen acerbissima quæque tormenta tremendaque supplicia adeo alacriter ipse subivit, ut cunctis miraculo fuerit. Propheticō lumine decoratus, mirabilior factus est gravissimis morbis simplici tāctu, prece, aut imperio repulsis, moderatis arbitrio suo elementis, multiplicatis non semel annonis, fluminibusque quā sicco pede, quā pallio transactis: Reliquum ergo ut illius Sanctitatem, quam tot signis Altissimus probavit de Cœlis, **SANCTITAS VESTRA** publicet in terris.

MUNDILLVS Ursinus Patriarcha Constantinopolitanus Assists.

BEATISSIME PATER. Quanta intercesserit inter beatum Fidelem a Sigmarina, & beatum Josephum similitudo, nemo non videt. Uterque idem Capuccinorum Institutum sanctissimè professus est. Uterque jejunis, flagellationibus ceterisque virtutibus professionis suæ perfectionem est assecutus. Uterque Evangelium per infideles Nationes incredibili ardore, summis laboribus ac periculis disseminavit. Uterque demum martyrio coronatus meritò dici potest. Quanquam enim beatus Joseph vitam re ipsa non profuderit, ut nec profudit Joannes Evangelista; tamen neque ipse martyrio, neque ipsi martyrium defuit. Nam Constantinopoli

tinopoli in odium christianæ Religionis pede manuque dexteris unco ferreo e sublimi suspensus , ut in eo tormento dolore & fame consecutus encaretur ; animam profectò exhalasset , nisi postquam per triduum crudele illud supplicium toleraverat , Angeli beneficio ab unco & vinculis liberatus esset . Hac porro Sanctorum inter se similitudine usus est Venerabilis Dei Servus Cardinalis Bellarminus Clementi Octavo suasurus , ut beato Hyacintho pridem canonizato beatum Raymundum ejusdem Ordinis Prædicatorum adjungeret . Hanc candem adhibuit SANCTITAS VESTRA , cum Benedictum Tertiumdecimum precaretur , ut beato Jacobo Piceno beatum Franciscum Solanum ejusdem Ordinis Minorum associaret . Fas igitur sit etiam mihi vestigiis tam gloriois insistere ; & preces humillimas Sanctitati Vestra exhibere , ut Canonizationi jam præsignatae beati Fidelis a Sigmarina aliam beati Josephi ejusdem Ordinis superad dat . Decet enim ut biga ista Sanctorum [Chrysostomi verbo utor] quæ Christi jugum pari devotione portavit in terris , & nunc pari felicitate triumphat in Cœlis , ab eodem Summo Pontifice Christique Vicario consecretur .

ANTONIUS MARIA Pallavicini Patriarcha Antiochenus Assistens .

Sanctitatem quam adhuc Puer eximiis beatus Joseph indicis præferebat , integro vitæ cursu præclaris justitiae operibus feliciter absolvit . Ampliandæ Religionis zelo pro nomine Jesu contumelias & fævissimos cruciatus gaudens passus est , ut sola mors , non ipsi martyrium defuerit : Vir erga Proximos charitate verè Apostolicus , in corporis castigatione asperrimus , vivens & post obitum clarus miraculis , dignissimus planè censendus est , qui inter Sanctos referatur .

THOMAS Cervini Patriarcha Hierosolymitanus Assistens .

Qui ad Turcas Christi fidem prædicaturus perrexit ; qui Turcarum Tyrannum ipsum a Mahometo ad Christum convertere fuit aggressus , quiq[ue] ob id dira tormenta sustinuit , beatus Joseph a Leonissa non heroicam tantum fidem , sed & charitatem & fortitudinem , immo & virtutum omnium cumulum ostendit ; Quæcum ab illustribus miraculis firmitatem acceperint , decet profectò ut decus illud accedat , quod heroicis Viris solet Ecclesia decernere .

اَنْتَ مُبِينٌ حَسْنًا

وَهُوَ مُدْلِلٌ وَمُعَذِّلٌ مُفْرِجٌ وَمُكَفِّلٌ مُكَفِّلٌ
 فَلَئِنْ لَوْزَانَةٌ مُهْمَلَةٌ : سَلَامٌ وَلَا مَدْرَأَ حَلْقَهُ دُنْلَهُ
 لَمَعْنَى تَلْتَهُ . اَنْتَ بِهِ مُكَفِّلٌ وَمُغْنِيٌّ اَلْمَدْرَأَ رُؤْلَهُ
 وَمَدْرَأَ . اَلْمَدْرَأَ مُخْسِنٌ وَمُكَفِّلٌ مُكَفِّلٌ . مُكَفِّلٌ وَمُغْنِيٌّ فَعَيْ
 وَنَهَلَهُ اَلْمَدْرَأَ مُعَذِّلٌ مُفْرِجٌ مُفْرِجٌ اَلْمَدْرَأَ مُهْمَلَهُ اَلْمَدْرَأَ
 مُهْمَلَهُ اَلْمَدْرَأَ مُهْمَلَهُ اَلْمَدْرَأَ . اَلْمَدْرَأَ مُنْمَدْهَهُ اَلْمَدْرَأَ حَرْدَنَاهُ اَلْمَدْرَأَ
 وَمُنْمَدْهَهُ اَلْمَدْرَأَ . وَفَبِرَاهِنَهُ دَمَهُ مُدَلَّلَفِيَهُ مُنْمَدْهَهُ اَلْمَدْرَأَ مُنْمَدْهَهُ
 مُنْمَدْهَهُ اَلْمَدْرَأ . مُكَفِّلَهُ اَلْمَدْرَأ مُكَفِّلَهُ مُنْمَدْهَهُ اَلْمَدْرَأ وَمُنْمَدْهَهُ اَلْمَدْرَأ .
 مُنْمَدْهَهُ اَلْمَدْرَأ وَمُنْمَدْهَهُ اَلْمَدْرَأ مُكَفِّلَهُ اَلْمَدْرَأ مُكَفِّلَهُ اَلْمَدْرَأ
 مُكَفِّلَهُ اَلْمَدْرَأ وَمُكَفِّلَهُ اَلْمَدْرَأ مُكَفِّلَهُ اَلْمَدْرَأ . مُكَفِّلَهُ اَلْمَدْرَأ وَمُكَفِّلَهُ اَلْمَدْرَأ
 مُكَفِّلَهُ اَلْمَدْرَأ وَمُكَفِّلَهُ اَلْمَدْرَأ مُكَفِّلَهُ اَلْمَدْرَأ وَمُكَفِّلَهُ اَلْمَدْرَأ .

مُكَفِّلٌ مُكَفِّلٌ مُكَفِّلٌ مُكَفِّلٌ

Ejusdem Versio latina.

GABRIEL Eva Archiepiscopus Cypri Syrus Maronita Assistens.

Quod sanctus Cyprianus de sancto Lucio Papa & Martyre scripsit ,
 hoc in beato Josepho a Leonissa repræsentatum videmus . In Con-
 fessoribus Christi (inquit sanctus Cyprianus) dilata martyria non meri-
 ta confessionis minuant , sed magnalia divinæ protectionis ostendunt . A
 supremo quidem Turcarum Tyranno in beatum Josephum latâ mortis sen-
 tentiâ pede ille manque dexteris a Satellitibus unco ferreo e sublimi su-
 spensus est eâ lege , ut tamdiu ex ea trabe penderet , quamdiu dolore
 & fame

& fame confectus crudelissimo mortis genere animam exhalaret. Verum tametsi ea mors defuit, quam unam ut dissolveretur & esset cum Christo, ardentissimè cupiebat; non tamen Josephus martyrio, neque martyrium Josepho defuit. Quum ipse paratus esset promptusque omne subire supplicium, Dominus illum poenæ substraxit & Italiae reservavit. Regrediente illo ex Urbe Byzantina in Italiam, breviata non est in Josepho confessionis suæ dignitas, sed magis crevit assidui fortisque legis Divinæ Praæconis auctoritas, ut Christo pararet ad prælium milites non solum sermonis & vocis incitamento, sed fidei & virtutis exemplo. Itaque tantus talisque Christi Confessor, qui Orientem simul & Occidentem illustravit, haud dubito quin tutò in Sanctorum numerum a SANTITATE VESTRA referri possit.

ALEXANDER Borgia Archiepiscopus Firmanus. Assistens.

BEATISSIME PATER. Cum inter divi Francisci Familias illa quæ Capuccinorum dicitur, priscam Parentis sui disciplinam adamassim repræsentet, & ab austeritate vitæ plurimum commendetur, quid nobis sentiendum est de beato Josepho a Leonissa, qui inter Capuccinos ipsos supra communem modum in jejuniis, in vigiliis, in laboribus, in ærumnis excelluit? Cui verè Mundus crucifixus fuit & ipse Mundo, qui carnem non domuit solum, sed perpetuæ ac durissimæ servituti subjecit, nec aliter corpus habuit quam vilissimi jumenti loco? His addamus quod dissociatas planè res, contemplativæ scilicet activæque vitæ officia arctissimo erga Deum & Proximum charitatis nexu miscuit simul atque coniunxit. Addamus quæsitum apud Barbaros Martyrium, & citra mortem per sævissima tormenta suscepimus, itaut dignus omnino videatur veterum Confessorum præconio. Quod cum ex iis, quæ accepimus, ita sit, profectò beatus Joseph cœlestibus quoque donis ac miris signis a Deo probatus, a Te BEATISSIME PATER summis titulis ornandus & Christifidelibus proponendus est hoc præsertim tempore, quo turbatâ maximis atque atrocissimis bellis christianâ Republicâ, non audimus tantum, verùm etiam experimur irrumpentia in Ecclesiam & in Rempublicam mala; dum homines ut Apostolus olim prædixit, ^a invicem mordent & comedunt, & nos consumimur. Siquidem spes est quod ille, qui adhuc mortalis non solum privatas Familias, sed integras pene Populos acerbissimis odiis diu inter se dissidentes ac dimicantes optima fide pacavit, immortalis modò & cœlesti sede receptus fiat pro nobis Intercessor apud Deum, ut audiat tandem gemitus oppressorum, aspiciat lacrymas viduarum, parcatur calamitatibus Reipublicæ, ac sublatis bellis, compositis dissidiis, extinctis contentionibus pacem ponat fines Ecclesiæ.

JOSEPH MARIA Ferroni Archiepiscopus Damascenus Assistens.

Ardentissimæ in Deum & Proximum charitatis victima verè fuit beatus Joseph. Pro Dei gloria & animarum salute nec suspendio mori timuit, nec in laboribus vivere recusavit. Quid ergo reliquum est, nisi quod tam magnum Seraphici Ordinis lumen & ornamentum^a super candelabrum in sancta Ecclesia collocetur, ut omnibus qui in domo Dei sunt, elucescat?

JOANNES FRANCISCUS Stoppani Archiepiscopus Corinthi Assistens.

In sublimi humilitatis fastigio solidiora jacens Sanctitatis fundamenta B. Joseph a Leonissa tanta erga Deum ac Proximos charitate resulxit exarsitque, ut primò Byzantium martyrii avidus contenderit, illudque afferendo & prædicando sustinuerit, licet servatâ per miraculum vitâ non consumaverit; ac postremò in propria Deo sic disponente reversus omnibus omnia factus, & sui ipsius fedulus abnegator pro Fratribus cupiens anathema fieri animam pro iisdem ponere non dubitaverit. Virum proinde & hujusmodi & ceteris charismatum donis exornatum præclarâque prædictum Sanctitate multis & ad portentum patratis signis comprobatâ in Sanctorum Album referri ad militantis Ecclesiæ præsidium & decus, dignum justumque videtur, quatenus ita ab Apostolica hac Sancta Sede dijudicetur.

MICHAEL de Palma Archiepiscopus Teatinus Assistens.

Mirabilia sunt nec pervia dictu, quæ operatus est Deus in famulo suo B. Josepho a Leonissa, de cuius Canonizatione instantia proponitur PATER BEATISSIME: *Ab infantia præventus in benedictionibus Sanctorum, crevit postea pietate & gratia coram Deo & hominibus.* In Seraphico Ordine Capuccinorum adscitus, brevi adeo virtutum omnium attigit culmen, ut jure merito heroici hominis gloriam fuerit adeptus. In Regulari Observantia nullus exactior, in rigore poenitentiæ nullus fortior, in abjectione humilitatis perfectissimus.

Dilatandæ Fidei exscitatus ardore, longissimo itinere ad Turcias peregrinatus Nationes, nihil pavidus ea perpeti, quæ infidelium rabies inferret, vincula, verbera, vulnera, flamas, Cruces, inter quæ mortem invictam oportijisset, nisi inde Angeli Ministerio suisset ereptus.

Apostolici herois insigne meritum miracula plurima decorarunt, ne post testimonium hominum deesset Sanctitati ejus Testimonium Dei, quod majus est.

Benemeritum itaque Virum de Fide , de Ecclesia , de Seraphica Familia Capuccinorum , cumulatum virtutibus , fulgentem signis proficuum est , PATER BEATISSIME in christiana Republica Populorum imitationi & venerationi proponere ; prout solemniter fiet , statim ac a Te suprema proferatur sententia , per quam beatus Joseph a Leonissa inter sanctos Confessores recensetur .

STANISLAUS Poliasiri Archiepiscopus Rossanus Assistens .

O Altitudo divitiarum sapientiae & scientiae Dei , quam incomprehensibilia sunt judicia ejus & investigabiles viæ ejus . Centum tringinta quatuor annorum stadio , beati Josephi a Leonissa non obscurò Aprutii Oppido Minorum S. Francisci Ordinis Capuccinorum Sacerdotis Professi eximia ac præclarissima omnium virtutum merita longo non minus ac injurioso jacuerunt detenta silentio , totidemque annis omnigenæ Sanctitatis ac miraculorum undique percrebrente rumore ac luculentissimâ famâ , divinæ Majestatis hinc ingentia emittebantur Fidelium suspiria , hinc egenorum flagrancia dirigebantur desideria , hinc obligatorum servidissimæ effundebantur gratiarum actiones & preces , hinc supplicantium orationes & vota , ut illa tandem elucesceret clarissima dies , ut expectatissimus denique appareret ille Christi Vicarius , qui B. Joseph Venerabile nomen , quod dæmones , morbi & elementa senserunt , ex sublimi Apostolico Solio Numinis potestate coruscans debito cumulabit honore , cum adscribet tandem Sanctorum in Albo ! Hoc enim cœcorum turba qui visum acceperant , hoc surdorum agmina qui impetrarunt auditum , hoc infirmorum qui sanitatem receperant , expectabant legiones innumeræ ! Hoc paralytici ut sanarentur , leprosi ut mundarentur , nudi ut operirentur , ut satiarentur famelici , ut liberarentur optabant obfessi . Hoc unum profectò exquirebant errantes ut corrigerentur , cogitabant poenitentes ut justificarentur , præstolabantur justi ut confirmarentur : Hoc demum tota Capuccinorum Familia ut ad integratatem & pristinum servorem restituta videretur eorum jam demissa & nonnihil collapsa Religiosa Observantia . Cum divinitùs factum est , nostrisque indultum temporibus , ut supremo quo præsidet Throno BENEDICTUS XIV. hujus nominis Pontifex Optimus Maximus , cui tanti momenti negotium ab ipsa æternitate reservatum erat atque dispositum , ad decernendum assureret , & insallibili sanctæ Sedis oraculo beatum Josephum Sanctorum Fastis adscriberet , & expectantibus postulata concederet . Plaudant nunc Ecclesiæ triumphantis Cœlicolum chori , exultent militantis Christiadum exercitus , confundantur Principes tenebrarum & contremiscant , & nostra secum Joseph pectora in Cœlum trahat .

FERDINANDUS MARIA de Rubeis Archiepiscopus Tarsi Assistens.

VIta B. Josephi simillima meo judicio videtur fuisse illi, quam sanctissimè ac laudatissimè egit B. Fidelis a Sigmaringa, neque unam ab altera propemodum discrepare. Idem Ordo, eadem virtutes, idem Apostolatus ministerium, ut dici possit Deum misisse illos binos ante faciem suam in omnem Civitatem & locum. Id unum inter illos discrimen intercessit, quod alter morte sua factus est martyr: Alter subductus morti longius martyrium vivendo tulit. Itaque quod suffragium fuit de B. Fideli martyre inter Cœlites recensendo; idipsum ferre de B. Josepho Confessore non dubito.

JOANNES ANDREAS TRIA Archiepiscopus Tyri Assistens.

Hunc Christi Athletam B. Josephum a Leonissa singulari Dei beneficio in sortem Domini electum fuisse, non obscura sunt testimonia: Quare adolescens lubricam illam ætatem immaculato calle percurrit: Proprii Instituti Ordinis Minorum S. Francisci Capuccinorum, cui nomen dedit, exactissimus custos fuit: Tandem sanctimonia ultimum diem clausit, quam misericors Dominus pluribus signis & miraculis, ipso vivente & post ejus obitum comprobavit. Unde ut B. Joseph in Sanctorum Confessorum Album reseratur, non est qui non consentiat. Quid ni si ipsum Martyrem appellavero? Evidem nec ipse martyrio, nec martyrium ipsi defuit. Deliderio martyrii Constantinopolim se transtulit; ibique in eum mortis sententiâ latâ, triduo sœvissimum supplicium invicto animo toleravit, fidemque catholicam e sublimi suspensus igne sumoque supposito elata voce testatus fuit. Et licet in pace superites possea quieverit, a fide tamen non tormentorum vi decessit, ut inter negatores nomen obtineret, nec fugam arripuit, ut extorris nuncupari valeret; minusque solutâ pecuniâ a vexatione se redemit, ut Libellaricus dici posset, de quibus tam eruditè in aureis Commentariis^b de Canonizzazione Sanctorum per SANCTITATEM VESTRAM differitur; sed Angeli beneficio vinculis solitus in Italiam rediit; & de similibus Martyribus in sacra Antiquitate plura numerantur exempla, quorum nonnulla modò per Sanctitatem Vestram in hodierna sua eleganti Alloquitione fuerunt allata: Verum cum secundum præsentem Ecclesiæ disciplinam requiratur consummatum martyrium, ut Sancti inter Martyres ab Ecclesia renuncientur, & in laudata Alloquitione etiam proclamatum extitit, sufficit quod noster B. Joseph sit coronatus in Cœlis, ubi, ut inquit Cyprianus, ^c Deus Martyres probat & coronat.

NICOLAVS Carafa Archiepiscopus Philippensis Assistens.

CUM Lutherana lues nedum e Germania , verùm etiam e ceteris Se-
ptentrionis partibus catholicæ Fidei germen penitus evellere con-
tenderet , moliretur , Romani Pontifices Prædecessores tui summo quo Tu
polles , zelo in Fidei puritate tuenda , ut huic tam perniciose morbo oc-
current , Concilium OEcumenicum Generale Tridentinum uti præ
omnibus opportunum ac salutare remedium indixere . Eo ipso tempore
Italia nostra , ubi catholica Fides & primam Sedem & Principatum possi-
det , non sine divini Numinis speciali ope beatum Josephum in Oppido
Leonissæ in lucem edidit ; cuius altissimæ perfectionis fama vitiorum hæ-
resumque monstra confunderentur , & vera quæ per dilectionem opera-
tur , Romana Fides ex ipsius splendore virtutum novum reciperet muni-
men & solamen . Et sanè in Viro isto omni laude digno , non minus pro-
priæ quam alienæ sollicito salutis , tam vehemens divini amoris æstus
ac catholicæ Religionis propagandæ Fidei studium fuit , ut non modò
abdicatis seculi pompis totum se Deo in sacra Capuccinorum Familia
manciparet ; ubi orationibus , vigiliis , jejuniis ceterisque corporis
macerationibus operam dedit : Sed nil omittens pro illius seculi deprava-
tis moribus corrigendis , in omni virtutum genere se exercens , ita di-
vina flagrabat charitate , ut etiam martyrium Christi Athleta pro Infide-
lium appeteret conversione , ut ejus gesta loquuntur . Itaque si SANCTI-
TATI TUÆ visum fuerit , Beatum istum Sanctorum Catalogo adscriben-
dum censeo .

*D. FERDINANDVS ROMUALDVVS Guiccioli Archiepiscopus
Ravennæ Assistens.*

ULLIS profectò humanis laudibus æquari possunt , SANCTISSIME PA-
TER merita beati Joseph a Leonissa . Charitas illius in Pauperes , in
Peccatores & Infideles flamma ignis fuit , flamma lucens & comburens .
Quæ non excogitavit Joseph , quæ non suscepit , quæ non absolvit san-
ctissima heroica facinora , ut Pauperes levaret , Peccatores ad cor , Infide-
les ad fidem converteret ? Barbarorum Regiones ultro adjit , immanitatis
faciem & minas non timuit , ut Captivorum gemitus solaretur , catenas
abrumperet & secretiora tremendi Regis penetralia tentavit , ut eo us-
que insinuata Fides captivitatem tot Infidelium ad Crucifixi pedes capti-
vam duceret . Non illum carceres , non verbera , non plagæ , non im-
mania tormenta a proposito terruerunt ; etsi minus jam martyrem sanguineæ
Turcarum crucis tunc consumarunt , consumavit tamen amor &
charitas , incessanti laborum , vigilarum , itinerum , solicitudinum
pro salute Proximorum , pro Christi Pauperibus martyrio . Admirabi-
lia

lia hæc omnia , imperceptibilia ac pene divina merita , BEATISSIME PATER per se ipsa loquuntur , per se ipsa debitum Cœlitibus cultum expectare atque exigere videntur .

FELIX Solatius Archiepiscopus Thebarum Assistens .

Quem in præparato martyrio toleratis priùs per triduum atrocissimis cruciatibus Martyrem noluit omnipotens Deus , eumdem tamen Confessorem admirabilem sub diverso martyrii genere , ut exemplar christianæ perfectionis nobis reliquit : Beatus enim Joseph a Leonissa in Italiam e Constantinopoli redux , ferventiori charitate pro salute Proximi incensus , in pagis & villis , ubi Messis quidem multa & Operarii pauci , errantibus a semita , qua iter ad cœlestem Patriam intenditur , lumen Evangelicæ veritatis attulit : Pueris & Pastoribus maximo cum labore Fidei rudimenta præbuit , flagitosos homines ad caulam Domini reduxit , & patientia & humilitate excellens , lacessitus injuriis , verberribus & colaphis , invictam sui animi mansuetudinem demonstravit , alteram maxillam , exemplo Salvatoris nostri percutientibus præbens . Tutò igitur , BEATISSIME PATER Virum tam eximum , virtutibus omnibus heroicis & probatis miraculis clarum , qui in vinea Domini strenuè laboravit , & cui Deus maximum incrementum dedit , in Catalogo Sanctorum adscribendum censerem , ut hoc in terris cultu novæ gloriæ augumento cumuletur in Cœlis .

ANTONIUS Fonseca Episcopus Æsinus Assistens .

Si veritate prædicante qui se humiliat exaltabitur , & qui confitetur Christi nomen coram hominibus , glorificabitur coram Angelis Dei ; jure BEATISSIME PATER ad pedes Sanctitatis TUÆ provolutus enixe oro atque obtestor , ut beatus Joseph a Leonissa Sanctorum Fastis accenseatur . Admirabilis enim illius virtus sub asperrimo Capuccinorum habitu , in abjectissimis Coenobiorum officiis , in reducendis ad frugem rudioribus populis latere maximè studuit : Nomen autem Christi inter Gentes coram Regibus , & serreo etiam unco suspensus annuntiare non desstitit . Jam vero eximia illius Sanctitas gloriæ miraculorum splendescens , ejusque exuviae lacteo humore fragrantes , dum illa subjici nequit adversariorum insidiis , & istæ a Barbarorum injuria evaserunt immunes , omnium Fidelium admirationem cultumque promerentur ac postulant .

NICOLAUS MICHAEL Abbatii Episcopus Scyllacii.

Filius accrescens Joseph crevit ab infantia misericordiâ & Sanctitate . Grandior perfectior evasit . Continentiae & pudicitiae utriusque Josephi imitator , Minorum Capuccinorum Ordinem ingressus crevit de virtute in virtutem in gradu heroico ; crevit gloria illustrium miraculorum in vita & post mortem . Crescat ergo SANCTISSIME PATER beati Josephi cultus , & sanctificetur adhuc qui Sanctus est .

Fr. PLACIDUS Pezzancheri Episcopus Tiburtinus Assistens .

Beatus Joseph a Leonissa , quem ab ipsis incunabulis sibi elegisse visus est Deus , integerrimè vixit in seculo , Verum non ignarus virginitatis lilyum inter poenitentiae spinas magis vigere tuisque servari , Ordinem Minorum Capuccinorum adolescens ingressus , cunctis quæ Seraphici Instituti Sacerdotem decent , virtutibus animum excoluit , & corporis sensus peculiaribus exquisitisque cruciatibus afficere non intermisit : Immo charitate æstuans Constantinopolim perrexit , ubi pro Christo labores , ludibria , verbera , carceres & triduo immane supplicium , cancri nuncupatum fortiter atque alacriter pertulit , in quo morte acerbissima certò certius occubuissest , nisi divinitus fuisset ereptus ; ita ut martyrio non defuerit animus , licet Persequutor totum non iuderit sanguinem . Et cum vicissim Deus a quo bona cuncta procedunt , illum altissimæ contemplationis ac prophetiae dono pluribusque miraculis nobilitaverit , aperte indicat se velle , ut idem sanctis Confessoribus solemnni ritu adnumeretur .

BERNARDUS ANTONIUS Pizzella Episcopus Constantiae Assistens .

Qui fecerit & docuerit sic , magnus vocabitur in Regno Cœlorum . Utrumque perfecit beatus Joseph a Leonissa Ordinis S. Francisci Capuccinorum Sacerdos , dum in Christi Ecclesia opere & sermone plurimum potuit . Fecit vel Puerulus jejunio assuetus , fecit ætate grandior , qui & seipsum odiisse & Crucis mortificationem jugiter in suo corpore gestare in moribus habuit : Fecit usque adeo solitus , ut martyrii desiderio flagraverit : Neque verò aut causa martyrii aut poena defuit : Defuit tantum mors , quod multum adhuc viæ confiendum illi superesset .

Docuit quum in ipsa juventa æquales ad Mundi contemptum fuerit adhortatus : Docuit verbum Dei evangelizando : Docuit insuper Apostoli Andreæ exemplum sequutus , solido triduo quo suspensus pependit ; & catholicam Fidem nec labore vinctus , nec tormentis fractus palam testatus est .

Quis

Quis ergo prohibet , egregium hunc Ecclesiæ filium , miraculis quoque clarum , magnum vocari in Regno Cœlorum , & inter Sanctos referri ? Ego sanè nedum ita sentio , sed enixè deprecor , ut tandem de Sion exeat lex & verbum Domini de Jerusalem .

Fr. PAULUS Alpheran de Buffan Episcopus Melitensis Assistens.

BEATISSIME PATER . Vir Apostolicus Josephus a Leonissa Ordinis Capuccinorum ardentissimo animarum zelo cum esset accensus , ad effundendam Turcis Evangelicam lucem Byzantium advolavit ; ubi tot atrocità pro Christi Fide pertulit supplicia , & quamvis mortem non oppetrerit gloriosam , ipse tamen martyrii palmae non desuit . Omni denique virtutum genere , præsertim durissima carnis mortificatione , admiranda humilitate , gloria miraculorum , sicut lampas ignis in Ecclesia Dei resplenduit : Fac supplex oro BEATISSIME PATER , ut cœlestes inter Cives Vir gloriosissimus resplendeat , & ita censeo .

*ALEXANDER de Abbatibus Episcopus Viterbiensis
& Tuscanensis Assistens.*

INter complura beati Josephi a Leonissa miracula , ipsam ejus vitam majus dixerim miraculum . Istiusmodi videbitur adhuc lactentis infantia ab oppressionis periculo divinitùs erepta . Nec prodigo caruit pueritia vixdum septennis , tunc equidem ætate imbecillis , sed jam matura virtuti . Nec sine miraculo florida juventus obsequentes habuit morbos ad tuendum perpetuæ castitatis propositum . Martyrio jamjam proximus mortem non tam mirabiliter evasit quām superavit ; sic tamen ut sibi mortuus Deo viveret & Proximorum saluti . Postremò in admiranda ipsius morte pulchrioris vitæ præferebant indicia vividus color , flexiles artus & fragrans odor . Hæc sunt vitæ & virtutum miracula , quæ prodigiorum miraculis adjuncta Sanctum in terris proclaimant Josephum a Leonissa , si SANCTITAS VESTRA dignetur communibus Fidelium votis annuere .

*NICOLAUS FRANCISCUS de Bonhōme Episcopus
Carpasienensis Assistens.*

EA est Bonitas divina , ut quemadmodum in veteri testamento iden-tidem mittebat Prophetas & Viros virtute pollentes , qui Populum Israel a viis suis corruptis se convertere invitarent , ita quoque in novo testamento indefinenter suscitat Viros Sanctitate præcellentes , qui verbo & exemplo præeant Populo sibi acquisito , ovesque vel devias , vel errantes ad Ecclesiam suam & Christi sequendam doctrinam vel aggregent vel

vel revocent; inter hos fuit beatus Joseph a Leonissa Sacerdos Capuccini Ordinis, qui ab incunabulis mirabiliter a Deo conservatus, toto vitæ decursu prodigia fecit in virtutum exercitio, signanter in exercendis humilitate, abstinentia, castitate, obedientia, fide, spe, charitate in Deum & Proximum, atque in omni virtute confortatus secundum potentiam claritatis Dei in omni patientia & longanimitate, cum gaudio omnibus ad omnia factus evangelizavit Evangelium Christi, opprobria & carceres fortiter sustulit, martyrium sanguinis perfectum ardenter desideravit, martyrium quoad poenas & supplicia hilariter sustinuit, & divinâ potentiatâ a morte ereptus martyrium mortificationis jugiter in corpore suo portavit: Sicque cucurrit ut comprehendenter & bravum accepit, atque dignus factus sit inter filios Dei computari, & in partem fortis Sanctorum in Cœlis cooptari. Præmissum contestantur miracula in vita ejus & post mortem divinitus operata per ejus intercessionem: Quapropter si ita placuerit SANCTITATI VESTRÆ, dictum B. Joseph in Catalogum Sanctorum per solennem Canonizationis actum in terris referendum esse existimo & ita supplex oro.

*LUDOVICUS ANTONIUS Valdina, olim Cremona
Episcopus Hermopolitanus Assistens.*

Inter Populorum Principes, qui in Cœlis congregati sunt cum Deo Abraham referre meritò potest SANCTITAS VESTRA consuetis Sedis Apostolice cæremoniis beatum Joseph a Leonissa, in quo profugus ille justus clare apparet, quem deduxit Sapientia per vias rectas, donec daret illi claritatem æternam. Profugus a seculo beatus Joseph se recepit in Arcem Religionis Patrum Capuccinorum, in qua tota vita ambulavit vias rectas omnium virtutum. Ab Italia deduxit illum Sapientia Constantinopolim, ibique vias rectas & maximè difficiles tenuit Fidei christianæ, ferendo pro Christo crudele martyrium, pede manuque dexteris integro triduo, ferreo unco e sublimi suspensus, ignisque suppositi denso fumo suffocandus. Ope Angeli liber a Turcis, & in Italiam redux currit vias omnes charitatis in fame & siti, in itineribus & laboribus, in frigore & nuditate, flagellis & contumeliis, loricâ ferreâ continuò præcinctus, ut Christum Dominum clarificaret super terram. Ostendat nunc ergo illum Vicarius Christi in Civitate sancta Hierusalem habentem claritatem Dei.

FABRICIUS Borgia Episcopus Ferentinus Assistens.

BEATISSIME PATER. Si in rebus arduis conatus ipse & prompti animi obsequium pro facto est, quemadmodum Abrahami exemplo divinitus ostensum novimus, profectò B. Josephus a Leonissa qui Christi fidem

fidem coram Regibus & Tyrannis prædicare in animo habuit, ac trophyum Crucis Christi Constantinopolitanis Arcibus impavida intulit manu, atque ea de causa ex unco ferreo per triduum suspensus immane tormenti genus fortiter alacriterque sustinuit; martyrii decus non tam amisisse, quām novo rerum deinde præclarè gestarum decore cumulasse cendens est. Servatus enim divinitus fuit, ut asperrimo vitæ genere mortificationem Jesu, cuius mores exprimere & gloriam propagare vehementer studuit, semper in corpore suo circumferret, & ad martyrii palam Apostolicos labores adjungeret, dum proximorum salutis studio flagrans oppida & villas, ubique virtutum vestigia relinquens, ubique messem animarum colligens circumcursaret. Quocirca BEATISSIME PATER, tam eximia B. Josephi virtus satis a Deo miraculis comprobata merito exposcit Sanctorum honores, ex quibus Christifideles ad imitationem & invocationem ejus inflammentur.

*HIPPOLYTUS e Rubeis Sancti Secundi Episcopus
Senogalliensis Assistens.*

Apter iste Seraphici Patriarchæ Francisci filius beatus Joseph a Leonissa, duobus aliis per SANCTITATEM VESTRAM uti confidimus, ad altiorem cultum provehendis beato Fideli a Sigmaringa, & beato Petru Regalato congruum quidem est associari. Non ipse martyrio, neque martyrium iphi defuit; cum primo non studium orationis, non vis compassiva dolorum ac vulnerum Christi Domini; cum secundo non humilitatis & paupertatis amor, non patientia in adversis, non zelus Sacerdotalis pro domo Dei, non effusa & perfecta charitas; non demum ante & post mortem miraculorum præstantia cum utroque. Quid ultra? nomen illi Joseph: Nomine ipse suo gloriam sibi augeri postulat: Scilicet filius accrescens Joseph.

*D. PAULUS THOMAS Marana Episcopus Asculanus
in Piceno Assistens.*

BEATISSIME PATER. Ut Beatitudo Tua exaltet in Ecclesia laureâ Sanctitatis B. Josephum de Leonissa a Te petunt virtutes in gradu heroi-co quibus se ornavit, innocentia nunquam interrupta, virginitas immaculata, paupertas arctissima, obedientia admiranda, poenitentia sine exemplo, humilitas profunda, abstinentia semper austerior, amor in Deum quotidie intensior, charitas in Proximum undique exæstuans, longum denique martyrium non alleviatum per mortem, a qua miraculosè fuit præservatus; humiliter etiam postulat Asculana Ecclesia, cuius Dioecesim prius sanctis ejus operibus, dein morte verè pretiosa in Do-

A a a

mino

mino illustravit. Annue igitur SANCTISSIME PATER, Sanctum legitimè declarando, quem jam in Cœlis regnare manifestissimè comprobatur.

Fr. SILVESTER Merani Episcopus Porphyrien. Assistens.

IN B. Josepho a Leonissa habemus Religiosæ perfectionis cultorem eximium, & Virum undeque Apostolicum, qui non solum fuit illustris gloria confessionis, sed & ipsam martyrii si non lauream, certè laudem abundè promeruit; pœnam siquidem subdit pro Christi nomine, quæ fatis fuit ad illius consummationem, & sola Dei virtute ac voluntate factum est ne consummaretur, ut inde jure quæri possit an gloriosior, quia martyrium sustinuit, an quia non persecit. Itaque non jam precibus & supplicationibus agitur, sed ipsa exigit Dei gloria, ut beatus Petrus Apostolus qui adhuc in SANCTITATE VESTRA & vivit & loquitur, voce sua pronunciet beatum hunc Cœnobitam talem ac tantum fuisse Virum, de cuius præclaris exemplis, meritis ac triumphis Christi Ecclesia jure ubique in Domino glorietur.

NICOLAVS Mancinorti Episcopus Anconitanus Assistens.

BEATO Josepho a Leonissa nulla defuit virtus, nec martyrii tormenta defuerunt. Talenta præterea quæ a Deo acceperat, sancto fœnore superlucratus in Apostolico quod ritè exercuit, ministerio dignus fuit, qui intraret in gaudium Domini sui; unde Vir Dei tot glorificatus miraculis, dignus quoque videtur, ut a SANCTITATE VESTRA in Sanctorum Albo describatur.

ANTONIUS Cantoni Episcopus Faventinus Assistens.

QUÆ Apostolici Viri maximè propriæ sunt virtutes animique dotes, has in heroico perfectionis gradu agnoscere licet in B. Joseph a Leonissa, cuius præclarè Geitis præclariora accedunt usque ab incububilis patrata miracula. Cumque nec ipse martyrio, nec martyrii ipsi defuerit, meritam quoque gloriæ coronam eidem non defuisse credendum est. Id autem a SANCTITATE VESTRA solemni judicio definiri catholicus Orbis exoptat.

PAULVS Bonavisa Episcopus Spoletinus Assistens.

Sacerdos p̄fissimus Joseph a Leonissa usque a teneris annis perfectionis iter arripuit, & in fortē Domini vocatus in Capuccinorum Religione, tum alibi, tum præcipue in mea Dioœcesi suæ sanctissimæ vitæ reliquit vestigia. Invicitur adhuc ille fons, ubi aquam folidam intincto pane

pane sorbebat: Adsunt etiam illa sacra Rostra in quibus ferventissimo zelo viventes in tenebris ad viam lucis revocabat; & pene dicam audiuntur usque nunc Populorum gemitus peccata, ipso perorante amarissimâ contritione detestantium: Vitæ austерitate perfectissimæ pœnitentiæ licet innocens semitam preslit: Integerrimæ puritatis liliis circumdatur: Patientiæ mansuetudine admirabilis, ceterarumque virtutum splendore mirificè irradiavit. Amore tenerrimo dilexit Proximum suum, & inimicos suos singularibus amoris officiis prosequebatur: Charitate in Deum jugiter languebat: Unde evocatus ad gloriam nostri adhuc non obliviscitur, cum per insignia prodigia etiam nunc suæ charitatis viscera diffundit, quibus rite probatis tutò conjicere possumus, benignissimum Deum qui illum glorificavit in Cœlis, velle etiam ut veneretur in terris, si tamen ita SANCTITATI TUÆ yisum fuerit.

CÆSAR Bonajuti Episcopus Pharenſis Aſſiſtens.

Vix puerilis ætatis stadium aggressus fuit B. Joseph a Leonissa, cum incredibili erga inopes misericordiâ & perpetua quadam, sibique semper constanti morum suavitate & gravitate, quasi myrrha electa dedit sanctitatis odorem: Flagrans martyrii ardore Catholicae legis fuit propugnator & vindicta: Aestuabat erga Proximos charitate, dum evangelica prædicatione ipsos adjuvare totis viribus enitebatur, patientia incredibili summaque sui spiritus suavitate, quoties licuit minimè prætermisit, & Christi sectando consilia, percutienti maxillam alteram protinus offerebat. Crudelissimus pro Christo sui corporis carnifex, in gravissimis morbis simplici tactu, prece, imperio expellendis, in rebus addictissimis penetrandis adeo mirabilem Deus illum fecit, ut numerari in hac temporis angustia, vel recenserit singula non possint.

Cum itaque BEATISSIME PATER, tot tantaque passus sit tormenta dum viveret, æquum est ut & coronam gloriæ consecutus, inter tot alios magni Francisci Patris Filios Albo Sanctorum & ipse connumeretur.

MARIUS Maffei Episcopus Fulginas Aſſiſtens.

Non absque divino factum arbitror consilio BEATISSIME PATER, ut de præclaris gestis signisque Josephi a Leonissa hac potissimum die peragendum occurreret, quæ S. Antonii Patavini festivitate illustris est ac jucunda. Ille enim Africanas cogitavit oras, iste Constantinopolitanas adivit; uterque martyrii desiderio flagravit, utrique defuit martyrium. Ambo hæc nostra Italica arva Evangelico effuso semine fœcundarunt; ambo signis inclaruere dum viverent; ambo illis usque modò inclarescunt. Quos ergo martyrii flamma succedit; quos Evangelii præ-

cones habuit Italia ; quos præcipuae virtutes & signa plura commendant ; quos denique Seraphicus Ordo conjunxit , hos BEATISSIME PATER , ad cumulandam hujusc diei venerandam sanctamque lætitiam , hos inquam communi sanctificationis consortio Te copulare exoptamus , ut Tuo quisque nostrum fretus oraculo dicere deinceps valeat : *Vidi conjunctos Viros habentes splendidas vestes . Ambo sunt Viri sancti facti amici Dei .*

GUIDO Ursellus Episcopus Cæsenæ Assistens .

SI Deus admirabili planè providentia beatum Joseph a Leonissa per Angelum suum e Turcarum manibus , atque adeo ex durissimo unci tormento non eripuisset , haberemus in fortissimo Viro , quo gloriosissimum Christi Martyrem coleremus . Verùm cum ut Hieronymus habet , in Martyre voluntas coronetur ; ipse verò beatus Joseph quasi strenuus quidam miles denuo in arenam descendens omnem vitam suam in laboribus , periculis , vigiliis , itineribus , angustiis , ut omnes Christo lucrificaret ex Apostoli Pauli sententia , traduxerit , quod a crudelitate non potuit , id prorsus eximia charitate sua est consecutus ; optimo proinde jure atque consilio meditatur SANCTITAS VESTRA , Apostolici Viri memoriam signis quoque & prodigiis toto terrarum Orbe clarissimam amplissimis Sanctorum honoribus consecrare .

HYACINTHUS de Silvestris Episcopus Nepesinus & Sutrinus Assistens .

BEATISSIME PATER . Innocentissimum hominem summo pœnitentiæ amore non modò incensum , sed pene consumptum spectamus , dum B. Joseph a Leonissa nobis spectandus proponitur . Si igitur tantam apud omnes laudem præteriorum criminum dolor pœnitentiaque promeretur , quanti in eo homine facienda est , qui pœnitentiæ stimulum innocentiam tantummodo habuerit ? Magnum enim est pœnitere quod peccaveris , maximum sanè pœnitere ne pecces . Lilium hoc igitur spinas inter ac vepres dum viveret enutritum per universam Ecclesiam suavitatis odorem diffundat , ut allecti homines in ejus odorem currant , spinasque & ipsi aliquando innocentia tutelam certissimam amplectantur .

LEO LUCAS Vita Episcopus Oppidensis Assistens .

BEATISSIME PATER . Quæ ad solemnem Sanctorum Canonizationem requiruntur , ea omnia in beato Josepho a Leonissa concurrere videntur . Ab incunabulis enim divina ope protectus , ne a dormiente Matre suffocaretur , ubi primum ad puerilem ætatem pervenit futuræ Sanctitatis specimen dedit , & crescente ætate crevit etiam pietate . Virginitatem Deo vorvit , & ad exitum usque vitæ servavit . Grandior factus

Capuc-

Capuccinorum Familiæ nomen dedit, in qua Tirocinio expleto martyrii desiderio flagrans Constantinopolim se transtulit, ubi etsi ejus animam gladius persecutoris non abstulerit, martyrii tamen palmam non amisit. Demum in Italiam reversus humilitatem, ut certum suæ Religionis patrimonium semper coluit: Domum verrere, terram fodere & viliora quæque præstare in deliciis habuit. Ab honoribus quoad potuit semper abhorruit. Obedientia fuit admirabili. Corpus ciliciis & flagellis cruentans jugiter Crucis mortificationem in suo corpore portavit. Christi Domini passionem ita contemplabatur, ut ei compati videatur. Ejus precibus panis reliquias adeo Deus multiplicavit, ut omnibus Nautis secum Constantinopolim proficiscentibus suppeterent, & ex perexigua farina quam ex eleemosynis acceperat, tantum panis confici obtinuit, quantum Oriculi & Borbonii aliisque finitibus Populis ad ejus concionem confluentibus satis esset. His itaque aliisque virtutibus & miraculis rite probatis, dignum puto BEATISSIME PATER, qui Sanctorum honoribus consocietur.

ÆGIDIUS Isabelli Episcopus Alliphanus Assistens.

BEATISSIME PATER. Gesta B. Joseph a Leonissa talia ac tanta fuere, ut ad efformandum validum Christi Athletam vix relinquant quid desiderari possit ulterius; verus quidem sine dolo Israelita adeo super Ordinis sui Fratres eximio emicuit vitæ candore & pergrandi erga Proximum charitate, ut per continuum sui corporis cruciatum virtutum omnium factus exemplar, & in cœlestis Patris domo filius accrescens, pluribus portentosis miraculis illustrari meruerit; quamobrem censeo ut Fidelium omnium benedictiones flant in capite Joseph, & dum in tam excelso culmine veluti separatus Nazareus extollitur inter Fratres, per SANCTITATEM VESTRAM ei Divorum decernantur honores.

JOANNES ANTONIUS Bacchettoni Episcopus Anagniæ Assistens.

Batus Joseph a Leonissa eodem fuit seculo datus, eodem ademptus quo beatus Fidelis a Sigmaringa: Ambo a teneris annis orbati parentibus, ambo Capuccinorum Ordinem amplexi. Unus Apostolici munieris fuit utrisque ardor, exactissimæ paupertatis rigidus uterque Professor. In utroque insignis eluxit animi fortitudo & constantia, qua labores, qua probra, qua subiere cruciatus: Etsi Joseph non usque ad ultimum sanguinem quia divinitus eruptus suppliciis, incruento charitatis suæ martyrio lentiùs quidem, at Proximorum saluti utilius consumendus. In hisce heroicarum æmulatoribus virtutum Deus quoque probatis sibique concinnis & convenientibus signis sese ostendit mirabilem. Proportio & concordia hæc tanta rerum perfici complerique postulat,

BEA-

BEATISSIME PATER, & unico solemniori ritu, unoque oraculo declarari, ut quorum una mens, unum studium, unus labor fuit in via, unum sit præmium, una quies in patria: Et duo hæc Ecclesiæ luminaria, unius summi Sacerdotis manu unoque actu, Candelabro admoveri.

*FRANCISCUS ANTONIUS Spadea Episcopus Aquinas
& Fregellarum Assystens.*

BEATISSIME PATER. In Martyribus non passionis initium pro Christo toleratum, sed consummatio & finis tantum laudatur; in beato tamen Joseph a Leonissa & initium martyrii se præbet laudandum, & species quædam consummationis ejusdem martyrii, quamvis diutius protractæ. Pro Fidei confessione jam pendebat in ligno, & a terra sublimis erat proximus Cœlo; jam palmam manu carpebat, & suo capiti pendentem conspiciebat coronam; at solutus ab Angelo iussus est in patrias Italiæ Regiones reverti, nova prælia pro Dei gloria & ad animarum initurus salutem. Nisi tanto miraculo a morte suisset ereptus, jam victor laureatus triumphasset Joseph in Cœlo unicâ martyrii palmâ contentus, nec amplius post consummationem potuisset & meriti & glorie incrementa referre. Privilegium Viri Dei fuit hoc, ut dilata passionis consummatione posset Apostolico suo ministerio in majorem Dei gloriam animarumque profectum fortiter incumbere, nova tormenta tolerare pro Christo, nova improborum probra sufferre, longumque rigidissimæ vitæ voluntarium subire martyrium. Quis igitur enumerare queat & coronas & palmas, quibus suum usque in finem decoravit triumphum? Admiranda quippe sunt prodigia, quibus Deus ipse in ædificationem corporis Ecclesiæ, ac etiam ad confusionem gravium corde filiorum hominum mirificavit sanctum suum ante & post corruptibilis vitæ decessum. Hinc non solum inclytus Capuccinorum Ordo cujus extitit filius, sed cuncti ejus sanctis operibus & prædicationibus eruditæ, accensi, in viam salutis traducti & in hac lacrymarum valle gementes & flentes, tot miseriis quasi inopiâ consumpti, ejus Canonizationem præstolantur solemnem, & a SANCTITATE VESTRA enixè deprecantur, ut majori possint fiducia ire ad Joseph & spiritus alimenta, secus mox perituri, ejus intercessionibus petere.

NA ILUMURI AT.



Næ tietræ tæ skælkiem xompl kæ na dæftion præ tæ
ndiecuræ scieta Fratnij e Capuccinet me tæ lumurinæ
Josif caa Leonissa. Præ tæ vertet se ggiżż gabela etiyh
na bie gnæ eeræ scium tæ miræ ndæ hundæt tonæ. Pse
Σotenæ caa derżuræ mbij tæ me doræ hapt po si vaggh,
ggiżż hiret; e ggiżż żunetiit scpiertit sceint. Eże e caa bæxnæ
po si ḥembra e tiih. Unæ nanc e mar me mænd'emia, tæ żżom,
e tæ nu muroga taseti ggiżż lævdimet. Ktiyæ robbeten Σoti. Vec
ecam me ast se Kyscia sceinte i caa gnoħunæ præ tæ mbæżzaa, tæ
mira, e żże tæ vərteta. Asċlu żżom, e żże præ scegnet, e mbre-
cullij, me se Σotsn caa ndertuuæ Ktæ robbin' etiyh. Taseti duhet
vetæmæ. Saa ty scium ilumuri At. Tæ haps, e tæ deftosc Ktæ tæ
bucur', e Ktæ tæ lævduam sceint ne rii, saa te ndekgnæ ggiżż bo-
ta, e ggiżż Krisċtärymi.

Josifi Schirò Arċbiscupu i Dursit, e Vicari
Apostolicu ndæ Arbænit.

Ejusdem Versio latina :

*JOSEPH Schirò Archiepiscopus Dyrrhachinus & olim
Vicarius Apostolicus in Eipo.*

Ecce BEATISSIME PATER aliud fulgentissimum exemplar christianæ perfectionis, quod nobis exhibet & admirandum & imitandum sacra Capuccinorum Familia per beatum Josephum a Leonissa. Profectò tota illius vitæ series ac præclara gesta non aliud undique redolent, nisi quandam suavilentem unctionem unguentorum divini spiritus abundantiter desuper effusam supra Virum planè formatum juxta cor Dei. Non mihi videtur BEATISSIME PATER, nec locus aptus, nec tempus opportunum hic modò sigillatim recensenda, & quidem mea rudi incorruptaque oratione omnes ejusdem Servi Dei, aut illæ præsertim quæ ad Deum diriguntur, virtutes. Sufficit mihi, quod cædem sint hactenus, prout de more & severa trutina examinatae, & Apostolico oraculo jam declaratae in gradu heroico. Hoc idem enuncio de miraculis, quibus omnipotens Deus voluit hucusque ostendere sibi acceptissimam animam Servi sui. Reliquum ergo est BEATISSIME PATER, ut supremam toti operi manum imponas, & Josephum a Leonissa toti quoque militanti Ecclesiæ imitandum solemaiter proponas.

ՏԻՎ ՀԱՅԱՊԵՐԱՊԱՆԾ ՀՈՅՔ ՄՐԵԱՊՈՅՆ, և ՄՌԷՐ:



Հիյացման արժանի սքանչելիսն՝ զորս յայտնեաց
Քն տերն մեր ՚հտիբերական ծովուն՝ քայլելոնց
՚ի վերայ սաստկացեալ ալեաց = Նաև ՚իբաղ
մացուցանելն զհացն ՚իյանապտին, Զնոյսոն
ահա զերստին նորոգեաց ներգործութե ՚իյերկ
րին ՚իտալիոյ, ՚իձեռն երանեւոյն Յովսէփի լիո
նիսանի = Որ զն մեծութե հաւատոյն իւր ՚ի տր
Թիսեաց զհաց ՚իյաց սակաւ ալերէն, և բաւականացոյց զնա
բազում, և անթունելի ժողովրդոց, որ ընծայեցեալ էր նմա
՚իյողորմութեն ։ Այլև ընդ երկուս դետս եանց ցամաք ոսիւք,
սփուելով զվերակուն իւր ՚ի վր հոսանաց ջուրց = Նաև ձեւացոյց
մեզ զմարգարէն մովսէս, որ ցամաքեցոյց զգետն, և արար հոսին
զջուր ՚իյապառամ վիմէն = Ելն զի՞ և սա բղխեցոյց զաղբեւր
իմն ՚իյանջրտէ լեռնէ, որով զովացուցանէ զծարաւնեցեալ ընկերու
նէն զն այսպիսեաց, և այլոց սքանչելեաց՝ զորս յետ մահուն
իւրոյ դործեաց (բաց ՚իառաքինութեցն՝ զորս արար ՚իկեանս իւր),
ստիպիմ թէ՝ սոյն երանեցեալս Յովսէփ, Թարց կարծեաց, և
Երկբայութեց արժանաւնը է, զի ազնունական անուն սորին սրբա
ցուցանիցի, և զրեցի ՚ի Հոշուարանի նբց, Հրամանաւն սրբութե
ձերոյ =

Մեկրդիս աշլեքսադրեն՝ աշոք եպոնպա
կեսարեոյ Լյապադովկեան, Հայոց,

Ejusdem Versio latina.

SERGIUS ALEXANDRI Armenus Archiepiscopus Cesarea Cappadociae.

Christi Domini super maris undas ambulantis, panesque in deserto
multiplicantis miracula in Palæstina edita, beatus Josephus a Leo
nissa in Italia instauravit; nam sua in Deum fide id obtinuit, ut perexi
guâ farinâ quam acceperat ex eleemosyna, tanta panis copia conficeretur,
quanta esset satis, ut innumeræ hominum multitudini distribueretur; ex
panso autem super aquas Pallio, Truentum & Marojam flumina sicco pe
de calcaret. Sed & Moysen nobis repræsentavit, qui posuit flumina in
desertum, & exitus aquarum in sitim. Nam ex arido monte ad socii sui
aliorumque sitim sedandam, Josephus aquæ venam aperuit. Quæ verò
fuerint ejusdem & viventis heroicæ virtutes, & ad cœlestem gloriam
transla-

translati miracula, supervacaneum est hic regensere. Locum esse proinde censeo, ut tutò Canonizatorum in terris beato Josepho à SANCTITATE VESTRA decernantur honores.

STEPHANUS Evodius Assemanus Archiepiscopus Apameæ.

Qui inscriptus erat BEATISSIME PATER, in judiciis temporum lenire iracundiam Domini, conciliare cor Patris ad Filium^b, & testificari Evangelium gratia Dei, beatus Joseph a Leonissa sacri Capuccinorum Ordinis Presbyter Professus, vincula, tribulationes, cruciatus, qui ipsum Constantinopoli manerent, nequicquam moratus^c: Nihil horum, cum Apostolo ajebat, vereor; nec facio animam meam pretiosiorem quam me, dummodo consummum cursum meum & ministerium verbi, quod accepi. Inde verò^d sedem Satanæ adortum dixisses ignem urentem in consumendo criminum vepres, dixisses securim vel asciam in dejiciendo malas plantationes. Verberibus immanissimè cæsus omniq[ue] contumeliarum genere adfectus trabem ex qua pendebat^e, convertit in Cathedram Magistri docentis^f. Extinxit impetum ignis, effugit aciem gladii, castra vertit exterorum, & convaluit de infirmitate, ^gquia misit Dominus Angelum suum, & eripuit adamantium Athletam de manu Herodis & de omni expectatione Infidelium. Quem igitur Dominus^h similem fecit in gloria Sanctorum, & magnificavit in timore inimicorum, SANCTITAS VESTRA eorum Albo decernat cooptandum, quos solemnia Fidelium vota religioso cultu humiliè prosequuntur.

BERNARDINUS Vari Episcops Civitatis Castellanae & Hortæ.


BEATISSIME PATER. Beatus Joseph a Leonissa fuit in primis impavidus Fidei Athleta, qui vel ipsum Turcarum Principem aggredi non extimuit: Fuit paupertatis rigidissimus cultor, eximum humilitatis exemplar, obedientiæ sectator egregius. Charitatem ita coluit ut nihil magis haberet in votis, quam Deum sibi demereri, eumdemque peccatoribus conciliare: Quos propterea in villis, Pagis locisque campestribus adibat, eosque concionibus, monitis ac hortamentis ad peccata detestanda adigebat; quo in munere cum totam ferme vitam cum maximo animarum lucro transegerit, cursum suum sanctissimè consummavit. Dignum idcirco existimo, ut quod etiam miracula probant, SANCTITAS VESTRA decernat, redditam nempe ei fuisse illam justitiae coronam, quam tot excellentibus meritis sibi comparavit.

B b b

Πρεών

a Eccles. 48. b Act. 20. c Ibid. d Apocal. 2. D. Bern. in vit. S. Mal.
e D. Aug. Hom. 119. in Jo: f Ad Hebr. 11. g Act. 12. h Eccles. 45.

Преѡсфінци'є Пѣрніте.



З днѧвши се ми не бѹкѹрѹмъ , кѹндъ пре Ферн. чи тѹль Іѡнифь чиисти мѹз , кѹ ачель гѹндѹ а фѹ кѹсетьать ла Пїлнградъ , кà шн' пе чен' стрен'ни декѹтрѹ адевѹрѹ кѹ Бест҃рка Ромен' сѹн ти прев-не . шн дє ересѹль чель Іахометескъ лѹсѹшн пе-чель май маре аль Тѹрчинлаорь Сѹтапъ сѹль дез-батѹ . ти съ ачаста Іѡнифь ти бннди па8 ажѹнсь , мѹкарь кѹ не-чє ти тѹрѹ кнпь асз ти фѹнцие ах асз ти тѹрѹзꙗ нѹса8 пѹтѹть , ка-сѹн фie шн Єрнтичнаорь , шн Іахометанлаорь спре кредицца лѹн Хс : Покѹчунторю , шн ти чепѹторю . Дечн дє брѹме чє ти траиста ти фѹлзкѹрѹз кѹтѹз днѧвши , шн чель дє апросапе драгосте са8 при-стѹбнгъ . Недемде аземь , кѹ ти черю фїннда ачаста кѹ аль сѹз патроцинїу бѧ лѹка , каре пре пѹмѹнгъ пентѹ бннел€ крешиескѹ тар. ера ти чепѹть . Пре ачеста дарь Преѡсфінциа та ти тѹрѹ Сфінци нѹмѹрѹндѹль , вен' да челорь дела рѹсѹрѹть оѹнь Інжлочноторю , прннтра кѹтѹз рѹгѹ-18нн ти блѹнзѹндѹсз пѹтернікуль днѧвши со-реле сѹоу рѹсѹрѹтѹлѹн' аль рѹсѹрѹ' сѹба милюстнен' .

Іоанъ Ін: Клеїнь Епнскѹпѹль Дела Фѹгѹрашъ .

Eiusdem Versio latina .

JOANNES INNOCENTIUS Episcopus Fagarasensis .

Divinis lætamur auguriis , dum beatum Josephum a Leonissa recoli-
mus eo animo Constantinopolim cogitasse , ut & alienos a veritate
Populos Romanæ Religioni conjungeret , & ad ejurandam Mahometanam
superstitionem supremum ipsum Turcarum Tyrannum adduceret .
Id quidem Josephus , dum viveret , non est consecutus ; tametsi nullis in-
commodis , nullis difficultatibus frangi potuit aut retardari , quominus
& hæreticis & Mahometanis ad veram Christi doctrinam amplectendam
dux esset & auctor ; verum postquam in his ardentissimis in Deum &
Proximum charitatis officiis migravit e vita , spem nobis haud dubiam
facit , fore ut in Cœlo constitutus id patrocinio suo perficiat , quod in
terris pro bono christianæ Reipublicæ fortiter aggressus fuerat . Hunc
igitur SANCTITAS VESTRA inter Sanctos recensendo addet Orientalibus
Tute-

Tutelarem , cuius precibus tandem placatum divinum Numen Solem suum Orienti oriri faciat .

POMPEFUS Compagnoni Episcopus Auximanus & Cingulanus .

EA quæ nobis de beato Josepho Leonissano fuerunt proposita , videntur mihi eximum præseferre zelum honoris Domini , quo Vir sanctissimus non quærens quæ sua sunt sed quæ Jesu Christi , ad ardua quæque , dura ac difficilia tentanda , subeunda , exequenda effervescebat , ut omnes Christo lucrifaceret . Quum itaque Spiritus sanctus dicatur in sacris litteris Spiritus zeli , quod nimirum qui spiritu Dei aguntur , eorum maximè intersit negocia Dei & Religionis curare ; nemo sanè ambiget B. Josephum plenum fuisse sanctitate & gratia & Spiritu sancto , ut pote quem zelus domus Domini semper comederit ac pene consumpserit . Ad hanc verò purissimam divini amoris & charitatis flamمام accedente etiam luce miraculorum , censeo secundum hæc omnia cœlestes illi honores jure optimo deferendos .

JACOBUS PHILIPPUS Confoli Episcopus Amerinus .

BEATISSIME PATER . Ad Canonizationem jam præsignatam beati Fidelis a Sigmarina altera beati Josephi a Leonissa ejusdem Ordinis Capuccinorum , pro qua tot suffragia mox prodiverunt , equidem mihi peraddenda videtur ; oh nobile par Heroum ! Ambo etenim sub eodem sacro Instituto virtutis stadium alacriter ingressi brevi metam attigere ; par utrius ardor , corpus ciliciis & flagellis cruciandi ac perpetuâ ferre a carnibus abstinentiâ macerandi ; ambo laborioso itinere , vel ad finitimas , vel longinquas sive ab orthodoxa fide aberrantes , sive catholicæ fidei lumine penitus carentes peregrinati sunt Gentes & Nationes , evangelicam fementem conspersuri ; ambo tolerati , tum etsi haud ambo consumati , martyrii gloriâ insignes ; ambo denique miraculorum splendore coruscantes .

Verùm enimverò omnibus hæc communia sunt Suffragantibus argumenta virtutum illius & sanctitatis : Illud mihi peculiare est PATER SANCTISSIME , quod anno 1737. ad Corpus beati Josephi (subter tunc terra repositum) recognoscendum , elevandum , publicæque Fidelium venerationi exponendum hujus sanctæ Sedis delegatione honoratus oneratusque , illud ossa ossibus aptando manus istæ contrectaverunt undique ; cum autem ad cor ejus intra quamdam capsulam authenticè conservatam pervenerim , tam inusitatum incognitumque percepi adhuc in eo permanentem odorem effundere , quod nonnisi cœlestem existimaverim ; at nequaquam item admiranda alia defuerunt portenta ; cum enim in Ecclesia sanctissimi Salvatoris Leonissæ , quò B. Joseph suæ futuræ sanctitatis

tatis christianis operibus impensiùs incumbendo prima jecerat funda-
menta , quamdam ejus sanguinis ampullam non solùm tunc Judicum
delegatorum sigillo munitam , verùm quoque intra parietem crate fer-
rea haud amovibili custoditam a seculo & ultra devotionis gratia Inco-
læ asservarent , factum est ut cum præ manibus eam indulto cultui consi-
gnandam acceperim , fanguinem fluidum ac rubescensem adinvenirem ;
quocirca tanto prodigio magnopere perculsus in lacrymas una cum Po-
pulo illico erumpere coactus sum , & uno omnium ore conclamare : *Mi-
rabilis Deus in Sanctis suis.*

Tot igitur signis loquente Deo , & amicum suum ut superius ascen-
dat invitante , undequaque justum erit & dignum PATER SANCTISSIME ,
ut quemadmodum beati Fidelis sic beati Josephi Canonizatio decerna-
tur ; hæc enim Biga Sanctorum quæ Christi jugum pari devotione porta-
vit , planè decet , ut honore item pari veneretur .

JOSEPH Coppola Episcopus Aquilanus.

MErìò quodam accrescendi jure factum est , ut in B. Joseph a Leonis-
sa non secus ac in B. Camillo de Lellis una eademque Sanctorum
Canonizatione Aprutina Regio (in qua nullis oppidò suffragantibus
meritis unus ex christiani. Gregis custodibus sum designatus) nobile
par cœlestium herorum habere glorietur ; & licet B. Joseph , secus atque
ille , permanens semper in innocentia sua viriliter fecerit , consortatum
videns cor suum eo quod Christum crucifixum amaverit ; attamen quia
ex Augustini sententia : Cor contritum proximum est cordi mundo , jus
postulabat ut biga Sanctorum [audeo & ego uti verbis Chrysostomi a Te
relati in appendice tom. 1. de Canonizat.] Biga inquam Sanctorum , quæ
Christi jugum & Crucem ferens ex eadem exivit Regione , ab eodem Sum-
mo Pontifice qui Gregis Christi Pastor & Rector existit , in Sanctorum
numerum referatur .

JOSEPH Rossi Episcopus Venafranus.

Duo luminaria magna BEATISSIME PATER , præclari Ordinis Capuc-
cinorum istis sacris proposita sunt Comitiis . Alterum Fidelis a Sig-
maringa qui martyrio catholicæ illuxit Ecclesiæ . Alterum modò Jo-
seph a Leonissa qui ardenti charitate in Orientem ductus , dum Con-
stantinopoli Turcarum supremum Tyrannum ad ejurandam Mahumeta-
nam superstitionem adducere meditatur , ingressus illius palatium pe-
demque in intima cubicula inferre tentans , a Satellitibus comprehensus
multis cruciatibus afflictus fuit . Latâ deinde in eum mortis sententiâ ,
pede manuque dextris unco ferreo suspensus est ; unde dum pendebat , non
desstitit in opere Fidei , laboris & charitatis ad erudiendas Gentes infide-
les

les proferre doctrinam salutis, & lucem veritatis effundere. Sed post triduum tantis tormentis pro Jesu nomine toleratis ab Angelo in forma pueri eruptus est, & in Italianam jussus remeare; hic charitatis prosequens opera in Vicis & Castellis miseris hominibus, quibus sacri deficiebant Operarii, doctrina, exemplo & opere quasi lux cœlestis affulsit; & in charitate, patientia & humilitate cursum suum feliciter consummavit, & in gaudium Domini sui intravit. Gaudeat propterea in Occidente sancta universalis Ecclesia alterum in Aris post Christi Patrem putativum venerari Joseph.

HIERONYMUS Lorenzi Episcopus Acernensis.

BEATISSIME PATER. Mirum orandi studium vitæque austерitatem cum assiduis pro salute animarum laboribus conjunctam jure suspicimus in beato Joseph a Leonissa. Eumdem apud Barbaros, quos ad veram Fidem conabatur traducere, triduum unco suspensum e trabe pendisse, mox ab Angelo eruptum novimus; ut Athletæ sanctissimo non martyrium aut martyrii corona, sed mors duntaxat in illo cruciatu obita defuisse videatur. His aliisque virtutibus planè perspectis, tum quod tam multos ad justitiam eruditivit, fulgere illum modò tanquam stellam in perpetuas æternitates miraculorum voce docemur a Deo; cum ad ejus tumulum novissimis his temporibus consolidatæ sint bases Pueri & plantæ priùs dissolutæ, & immane Mulieris ulcus ejusdem ope obductum statim sit. Erit igitur providentia Tuae BEATISSIME PATER, quod suppliciter peto, B. Virum inter Sanctos referre, ut amplioribus auctus honoribus magis luceat omnibus, qui sunt in Ecclesia.

JOANNES FRANCISCUS Cavallinus Episcopus Alatinus.

EXIMIUS profectò zelus, quo beatus Josephus a Leonissa Ordinis Capuccinorum, tum in defendenda augendaque fide orthodoxa, tum in confirmando propagandaque animarum salute supra ceteros enituit, illud sanè exigit PATER BEATISSIMUS, ut miraculis rite jam a Sanctitate Vesta probatis in Sanctorum numero cooptetur; quemadmodum & ego ea qua decet reverentia, in obsequium tanti Viri demissè cogor efflagitare.

NICOLAUS Gianni Episcopus Soranus.

POst vitam summâ innocentiam in seculo primùm ductam, omnibus deinde Religiosis virtutibus in severiori Capuccinorum Instituto adauctam, incredibili propagandæ catholicæ Religionis & lucrando rum Jesu Christo animarum zelo ardens poenas quidem martyrii Constantino poli

poli subivit; sed Martyr non occubuit, ut per divini verbi ministerium Christifideles in Italia e virtutis ad virtutes, & e terra perduceret ad Cœlum; quò tandem ipsum pervenisse divina etiam prodigia comprobarunt. Meritò igitur etsi non Martyris, Confessoris tamen nomen ipsi cum publico solennique cultu tribuendum esse sentio.

JOANNES ANTONIUS Castelli Episcopus Catharenfis.

Nunquam latere potuit beati Josephi a Leonissa virtus; compertum enim est cum ab ineunte pueritiâ, innocentia morum, orationis studio, misericordia in Pauperes, singulari erga Virginem Dei Genitricem pietate, eximia futurae Sanctitatis indicia dedisse; at ubi Capuccinorum Institutum amplexus est, & prudentem, & Superiorum dicto obsequentem; & patientem injuriarum, & paupertatis, Religionis charitatisque maximè studiosum se præbuit. Zelo salutis animarum inflammatus, dum potuit Constantinopolim sese contulit, ut Turcarum Tyrannum ad veram Religionem colendam induceret; sed ab improbis satellitibus, diris, neque unquam alias auditis tormentis cruciatus, ab iisque divina ope, nec sine singulari prodigo liberatus in Italiam rediit, ubi diu cum munus Apostolicum objisset, plenus meritorum e vita mortali decessit, miraculorum laude in vita & post mortem illustris. Erit proinde BEATISSIME PATER, cur omnes plaudant gratulenturque Ecclesiæ, si Virum tanta sanctitate morum tantoque desiderio propagandæ Religionis catholicæ flagrantem infallibili Sanctitatis Vestræ Decreto Sanctorum Albo adscriptum esse intellexerint.

NICOLAUS MARIA Calcagnini Episcopus Civitatis Ducalis.

Vitam quam sibi a Deo singulari servatam beneficio B. Joseph agnoscet, ab ipsa pueritia totam in sanctis operibus instituit atque transegit. Ut verò facilius finem consequeretur sibi propositum, sacræ Capuccinorum Familiaæ nomen dedit, ibique Instituti sui asperitatibus majoribusque aliis voluntate sua susceptis cruciatibus Apostolici munieris maximos adjunxit labores, quos dum in evangelizandis Pauperibus, Peccatoribus ad sanam frugem revocandis, Infidelibusque ad Christi Domini fidem convertendis ex obedientia libentissimè tolerabat, dignus habitus fuit, ut contumelias atque tormenta pro Jesu nomine Constantinopoli pateretur. Tantum igitur orthodoxæ Fidei Heroem a Deo miraculis illustratum dignum planè existimo, qui a SANCTITATE VESTRA conscriptis in Albo Sanctorum Cœlitibus superaddatur.

D. INNOCENTIUS Gorgoni Episcopus Pinnensis & Hadriensis.

Beatus Josephus a Leonissa adolescens egregium adolescentibus exhibuit christianarum virtutum exemplum, in Capuccinorum Ordine severissimo vitaे suae genere brevi omnibus factus est evangelicæ perfectionis exemplar; in concionandi quod divino quodam fervore exercuit, munere Apostolicum studium, & in persecutionibus immanibusque quibus ab Infidelibus vexatus fuit, cruciatibus Martyrum constantiam charitatemque ostendit, ac Deus, ut eum glorificaret, e persecutorum manibus visibilis Angeli ministerio eripuit; renovato evangelico prodigo semel atque iterum fecit, ut modico pane hominum multitudinem satiat; atque tot tantisque miraculis etiam post mortem illustravit, ut non dubitem, quin Te decernente BEATISSIME PATER, Sanctorum coronâ & gloriâ sit condecorandus.

Auditis singulorum suffragiis, preces quoque eorum implorans Sanctitas Sua, ut supernum lumen in re tanti momenti sibi demereretur e Cœlo, subdidit.

VENERABILES FRATRES. Intelleximus suffragia vestra de causa beati Josephi a Leonissâ, pro quibus ferendis ad Deum Vos priùs configisse, idemque facturos etiam non dubitamus, ut cœleste lumen Nobis impetretis. Attamen Vos magnopere hortari non prætermittimus, ut privatim ac publicè easdem preces suscipiatis, cum Vos minimè lateat quantam vim habeant illæ precationes, quæ publicè & Ecclesiæ nomine indicuntur.

Orationi Pontificiæ cum fuisset finis impositus, ut de ea & de Suffragantium sententiis Instrumenta conficerentur, Protonotarios interpellavit ex more D. Toppi Cameræ Apostolicæ Procurator Generalis his vocibus.

Ego Johannes Philippus Toppi Sanctissimi Domini Nostri & Cameræ Apostolicæ Procurator Generalis rogo Vos omnes Protonotarios & Notarios Apostolicos hic presentes, ut de sententiis consilio & unanimi consensu Reverendissimum DD. S. R. E. Cardinalium, necnon Patriarcharum, Archiepiscoporum & Episco-

& Episcoporum, deque Summi Pontificis oratione & deliberatione præhabitis super solemni Canonizatione beati Josephi a Leonissa, unum vel plura, publicum seu publica conficiatis Instrumentum vel Instrumenta ad perpetuam rei memoriam.

Conficiemus Collegii nomine Protonotariorum Decanus respondit, eosque adhibuit testes, qui hinc & inde adstabant Pontifici, dicens: Vobis Testibus: Hoc autem postea Instrumentum edidit.

*Instrumentum a Decano Protonotariorum rogatum
pro quarto Semipublico Consistorio.*

I N N O M I N E D O M I N I A M E N .

PRÆSENTI hoc publico Instrumento Nos Protonotarii Apostolici de numero Participantium cunctis lecturis pariter & audituris ubique indubiam plenamque fidem facimus & testamur. Quod Anno ab Incarnato Verbo Millesimo septingentesimo quadragesimo sexto, Indictione nonâ Pontificatus Sanctissimi Domini Nostri BENEDICTI Divinâ Providentiâ Papæ XIV. Anno VI. die verò XIIII. Junii Feria II. Idem Sanctissimus Dominus peracto priùs maturo & rigoroso examine super virtutibus, meritis & miraculis beati Josephi a Leonissa Ordinis Minorum S. Francisci Capuccinorum inter Sanctos conscribendi, ne diuturniori cunctatione prælaudato Dei Servo cultus & Sanctorum decernendi honores protraherentur: In Aulâ quæ in Quirinali Palatio pro Ducali est, habuit Consistorium Semipublicum [quod in re tanti momenti juxta suorum Prædecessorum Ordinationes reliquum erat] ab Eminentissimis S. R. E. Cardinalibus, & a Reverendissimis Patriarchis, Archiepiscopis & Episcopis super solemni ejusdem beati Josephi peragenda Canonizatione sententias de more suscepturnus.

Congregatis propterea die & horâ designatis in prædictâ Aula Ducali Eminentissimis Cardinalibus, Reverendissimis Patriarchis, Archiepiscopis & Episcopis suffragaturis, Summus Pontifex consuetis sacris Vestibus & Pluviali rubri coloris indutus ac simplici Mitra exornatus, statimac ad eandem Ducalem Aulam solito Ritu, solitoque comitatu inter Eminentissimos Carolum Marini & Alexandrum Albanum antiquiores Diaconos Cardinales pervenit: Producto priùs super convocationis Patribus Crucis signo, ex eminenti Sede in quam illico se receperat, brevi ornataque Allocutione eorum super habenda beati Josephi a Leonissa Canonizatione sententias efflagitavit, spe certa fretus, quod opem & lumen, quod ab inexhausto divinæ sapientie fonte in tanta ab ipso suscipienda

scipienda deliberatione præstolabatur per eorum consilia & judicia aperi-
tiū Altissimus sibi manifestare non dēsignaretur.

Vix Sanctissimus Pater quid ab amplissimo Cardinalium Senatu &
ceterorum Patrum Confessu exquireret, luculenter ostenderat, quod Emi-
nentissimus Carafa Episcopus Albanensis, utpote inter Cardinales qui
aderant antiquior, summatim recensitis vitæ austeritate ac sanctimonia
ceterisque virtutibus, meritis & miraculis, quibus Sanctum suum Altissi-
mus mirificavit, primus sententiam suam reverenter exposuit, & enixis
precibus Sanctissimum Dominum oravit, ut beato josepho qui jampridem
coronam gloriæ a Deo meruerat in Cœlis, tandem inter Sanctos relato
corona justitiæ a summo Christi Vicario tribueretur in terris.

In eundem ferme sensu easdemque prorsus in preces iverunt reli-
qui, qui intererant, & suffragati fuerunt Eminentissimi Patres. Nimirum.

Franciscus Tituli S. Mariæ Transtyberim S. R. E. Presbyter Cardi-
nalis Burghesius.

Antonius Xaverius Tit. S. Stephani in Monte Cœlio S. R. E. Presby-
ter Cardinalis de Gentilibus.

Fr. Joannes Antonius Tit. SS. Silvestri & Martini in Montibus S.R.E.
Presbyter Cardinalis Guadagni.

Trojanus Tit. S. Cæciliæ S.R.E. Presbyter Cardinalis de Acquaviva.

Dominicus Tit. SS. XII. Apololorum S. R. E. Presbyter Cardinalis
Riviera.

Joannes Baptista Tit. S. Mariæ Angelorum S. R. E. Presbyter Car-
dinalis Spinola.

Raynerius Tit. S. Sabinæ S. R. E. Presbyter Cardinalis de Ilcio.

Dominicus Tit. S. Bernardi S. R. E. Presbyter Cardinalis Passionei.

Silvius Tit. S. Priscæ S. R. E. Presbyter Cardinalis de Valentibus.

Fr. Joachimus Tit. SS. Quatuor Coronatorum S.R.E. Presbyter Car-
dinalis Portocarrero.

Camillus Tit. SS. Joannis & Pauli S. R. E. Presbyter Cardinalis
Paulutius.

Carolus Albertus Guidobonus Tit. S. Mariæ de Pace S. R. E. Pres-
byter Cardinalis Cavalchinus.

Fridericus Tit. S. Pancretii S. R. E. Presbyter Cardinalis Lantes.

Franciscus Tit. S. Mariæ de Populo S. R. E. Presbyter Cardinalis
Riccius.

Antonius Tit. S. Silvestri in Capite S. R. E. Presbyter Cardinalis
Rufus.

Philippus Maria Tit. S. Agnetis extra Mœnia S. R. E. Presbyter
Cardinalis de Montibus.

D. Fortunatus Tit. S. Matthæi in Merulana S. R. E. Presbyter Car-
dinalis Tamburinus.

- D. Joachimus Tit. S. Crucis in Hierusalem S. R. E. Presbyter Cardinalis Besutius.
- Carolus S. Mariæ in Via Lata Diaconus S. R. E. Cardinalis Marini.
- Alexander S. Mariæ ad Martyres Diaconus S. R. E. Cardinalis Albanus.
- Nerius S. Eustachii Diaconus S. R. E. Cardinalis Corsinus.
- Agapitus S. Agathæ in Suburra Diaconus S. R. E. Cardinalis Mosca.
- Carolus Maria S. Mariæ in Porticu Diaconus S. R. E. Cardinalis Sacripantes.
- Marius SS. Cosmæ & Damiani Diaconus S. R. E. Cardinalis Bolognettus.
- Prosper S. Georgii in Velabro Diaconus S. R. E. Cardinalis Columna de Sciarra.
- Alexander S. Mariæ in Aquiro Diaconus S. R. E. Cardinalis Tannarius.
- Hieronymus S. Adriani Diaconus S. R. E. Cardinalis Bardi.
- Dominicus SS. Viti & Modesti Diaconus S. R. E. Cardinalis Ursinus.

Post Eminentissimorum Cardinalium sententias facta fuit Reverendissimis Patria chis, Archiepiscopis & Episcopis, tam Assistantibus Pontificio Solio, quam non Assistantibus suffragandi facultas, & protinus [initio a Patriarchis desumpto] suffragari cœperunt Reverendissimi DD.

- Mundillus Ursinus Patriarcha Constantinopolitanus.
- Antonius Maria Pallavicinus Patriarcha Antiochenus.
- Thomas Cervini Patriarcha Hierosolymitanus.
- Gabriel Eva Archiepiscopus Cypri Syrus, qui patro prius, dein de latino idiomate tulit suffragium.
- Alexander Borgia Archiepiscopus Firmanus.
- Joseph Maria Ferroni Archiepiscopus Damascenus.
- Joannes Franciscus Stoppani Archiepiscopus Corinthi.
- Michael de Palma Archiepiscopus Theatinus.
- Stanislaus Poliastri Archiepiscopus Rossanen.
- Ferdinandus Maria de Rubeis Archiepiscopus Tarsi.
- Joannes Andreas Tria Archiepiscopus Tyri.
- Nicolaus Carafa Archiepiscopus Philippensis.
- D. Ferdinandus Romualdus Guiccioli Archiepiscopus Ravennaten.
- Felix Solatius Archiepiscopus Thebarum.
- Antonius Fonseca Episcopus Æsinus.
- Nicolaus Michael Abbatii Episcopus Scyllacii.
- D. Placidus Pezzancheri Episcopus Tiburtinus.
- Bernardus Antonius Pizzella Episcopus Constantien.

- Fr. Paulus Alpheran de Bussan Episcopus Meliten.
 Alexander de Abbatibus Episcopus Viterbien. & Tuscanen.
 Nicolaus Franciscus de Bonhome Episcopus Carpasiens.
 Ludovicus Antonius Valdina , olim Cremona Episcopus Hermopo-
 litanus .
 Fabricius Borgia Episcopus Ferentinus .
 Hippolytus e Rubeis S. Secundi Episcopus Senogallien.
 D. Paulus Thomas Marana Episcopus Asculanus .
 Fr. Silvester Merani Episcopus Porphyriensis .
 Nicolaus Mancinforti Episcopus Anconitanus .
 Antonius Cantoni Episcopus Faventinus .
 Paulus Bonavisa Episcopus Spoletinus .
 Cæsar Bonajuti Episcopus Pharen.
 Marius Maffei Episcopus Fulginatensis .
 Guido Ursellus Episcopus Cæsenatensis .
 Hyacinthus de Silvestris Episcopus Nepesinus & Surtinus .
 Leo Lucas Vita Episcopus Oppiden.
 Ægidius Antonius Isabelli Episcopus Alliphanus .
 Joannes Antonius Bachetoni Episcopus Anagninus .
 Franciscus Antonius Spadea Episcopus Aquinas & Fregellarum .
 Joseph Schirò Archiepiscopus Dyrrhachinus , qui patrio priùs ,
 deinde latino idiomate tulit suffragium .
 Sergius Alexandri Armenus Archiepiscopus Cæsareæ Cappadociæ ,
 qui patrio priùs , deinde latino idiomate tulit suffragium .
 Stephanus Assemanus Archiepiscopus Apameæ .
 Bernardinus Vari Episcopus Civitatis Castellanæ & Hortæ .
 Joannes Innocentius Episcopus Fagarasiensis , patrio priùs , deinde
 latino idiomate suffragium emisit .
 Pompejus Compagnoni Episcopus Auximanus & Cingulan.
 Jacobus Philippus Consoli Episcopus Amerinus .
 Josephus Coppola Episcopus Aquilanu .
 Joseph de Rubeis Episcopus Venafranus .
 Hieronymus Lorenzi Episcopus Acernen.
 Joannes Franciscus Cavallini Episcopus Alatrinus .
 Nicolaus Cioffi Episcopus Soranus .
 Joannes Antonius Castelli Episcopus Catharenis .
 Nicolaus Maria Calcagnini Episcopus Civitatis Ducalis .
 Innocentius Gorgonius Episcopus Pinnen. & Hadrien.
 Qui omnes concorditer non solum beatum Josephum a Leonissa in-
 ter Sanctos meritò cooptandum [sapienti unusquisque suo prolato judi-
 cio] existimarunt ; verùm etiam & apud Sanctitatem Suam reverenter
 institerunt , ut eidem Dei Servo supremis Sanctorum honoribus delatis ,
 novum in eo augeretur Ecclesiæ præsidium & ornamentum , novumque

admirabile & prorsus inauditum pro animarum salute charitatis & propagandæ Religionis ardoris & fortitudinis in vinea Domini laborantibus exhiberetur exemplum.

Summus Pontifex suffragiis omnibus absolutis, cum libenti lætoque animo perceperisset Venerabilium Fratrum sententias & preces, idem a se exposcere, quod & ipse jam diu vehementer optaverat, eosdem Venerabiles Fratres iterum allocutus monitos eos esse voluit in sequenti & ultimo Consistorio in Causam Canonizationis beatæ Catharinae de Ricciis habendo indicturum se diem, qua celebrari deberentur solennia Canonizationis tum prædicti beati Josephi a Leonissa, quām aliorum beatorum Fidelis nempe a Sigmaringa, Camilli de Lellis & Petri Regalati, quos ipse nuperrimè in præteritis Consistoriis Sanctorum nomine & cultu donandos Aris designaverat.

Sanctissimus Dominus facto loquendi fine, finem quoque Consistorialis fecit Actionis; sed priusquam Sanctitas Sua & Eminentissimi Patres consurgerent, & e Conventu discederent; Procurator Generalis Reverendæ Cameræ Apostolicæ rogavit Nos Protonotarios Consistorio præsentes, ut de præhabitis a Sanctissimo Domino Allocutionibus deque consilio, sententiis unanimique Patrum consensu pro solemni beati Josephi a Leonissa Canonizatione ad perpetuam rei memoriam unum vel plura, publicum seu publica, Instrumentum vel Instrumenta conficeremus.

Ad hujusmodi præfati Procuratoris Generalis R. C. A. instantiam confessim Ego Franciscus Maria Protonotarius Riccardi Protonotario-rum Collegii Decanus ejusdem Collegii mei nomine respondi: *Conficiamus*: Et ad Familiares Sanctitatis Suæ conversus eos super omnibus quæ peracta fuerant, his verbis in testes adhibui: *Vobis Testibus*:

Acta sunt hæc in Quirinali Palatio die, mense & Anno quibus supra, præsentibus Illustrissimis DD. Paulo Zani Bononiensi, & Josepho Maria Puoti Neapolitano ab intimo Sanctitatis Suæ cubiculo ad hoc specialiter vocatis, habitis atque rogatis.

In quorum fidem Nos Protonotarii Apostolici de numero Participantium requisiti & rogati præsens hoc Instrumentum confecimus, subscriptimus & publicavimus, solitoque Collegii nostri sigillo muniri, & in nostro Archivio, ut futuris temporibus horum omnium perenne semper extet documentum, Secretario nostro perdiligenter asservari & subscribi mandavimus. Actum ubi supra præsentibus quibus supra Testibus ad præmissa vocatis, habitis atque rogatis.

Ita est Franciscus Maria Protonotarius Riccardi Decanus.

Loco + Signi.

Franciscus Dominicus Clementi ejusdem Collegii Secret.

Absen-

Absentium EE. S. R. E. Cardinalium, Archiepiscoporum, & Episcoporum ab Apostolico Conventu h̄c recensentur exaranturque sententiæ, jussu Sanctissimi Patris ad Secretarium Congregationis Sacrorum Rituum, ut in ejus Tabulis perpetuò asservarentur, a quoque transmissæ.

*THOMAS Episcopus Ostien. & Venerabilis Sacri Collegii Decanus,
Vice-Cancellarius Cardinalis Rufus.*

Batus Josephus a Leonissa virtutem auspicatus ab ubere, ævi exordium peculiari quadam pietate & pueriles annos constanti Religione consecravit. Cum adhuc adolescens in illustri Capuccinorum Ordine Deo se victimam devovisset, præconcepta virtutum ejus semina heroicam in frugem eruperunt. Harum Reginâ Charitate dirigente gressus ejus, Peccatoribus, iis maximè qui perverse consuetudinis mole pressi in profundum malorum venerant, semetipsum exhibuit sicut Dei Ministrum in laboribus assiduis, in jejuniis plurimis, in multa humilitate, in invicta patientia. In eadem charitate non fœta conversus etiam ad Gentes, quæ ignorabant Deum, atque ipsas opportunè importunè docere conatus verbum veritatis, tribulationes & contumelias, & angustias & vulnera fortissimè sustinuit. Veruntamen cursum illum, quem renuente Numine abrumpere neque Tyranni neque tormenta potuere, in Crucis mortificatione divini amoris flamma feliciter consummavit. Hæc quidem omnia insignium quoque miraculorum fulgore comprobata postulare videntur, ut coelestis hic Vir a SANCTITATE VESTRA in Sanctorum Album Apostolica auctoritate referatur, ut sit christiano Populo adiutor in præsentibus opportunitatibus & tribulationibus.

*ANNIBAL Episcopus Portuensis Cardinalis Albanus
S. Clementis nuncupatus.*

Batus Josephus a Leonissa alterum Sanctitatis lumen & ornamentum Aprutinæ Provinciæ in Regno Neapolitano, quām eximiâ vitæ sanctimoniacâ futurus esset illustris, a prima ætate patefecit multiplici christianæ pietatis argumento. Religioso Capuccinorum Ordini adscriptus virtutum omnium fulgore emicuit. Quum martyrii flagraret desiderio in Thraciam profectus, Constantinopoli multa præstitit, quæ propagandæ christianæ Religionis ardorem & alienæ salutis procurandæ studium præcipuum ostendunt. In Italianam reversus Apostolicis laboribus complures a peccatis & vitiis revocavit, tum qua viâ potuit divine gloriæ incrementum provexit. Ardentissimæ in Deum & Proximos charitati assiduas corporis afflictiones adjunxit. Orationi ac divinarum rerum contemplationi diu noctuque deditus, coelestis vitæ genus in terris egisse visus est. Donis pluribus & miraculorum gratiâ a Deo exornatus, tam exa-

exactè humilitati suique despicientiæ studuit, ut nihil posset esse despectus. Quum itaque B. Josephus virtutum omnium præstantiâ emicuerit, vivensque & mortuus multis a Deo miraculis sit illustratus, par clarioribus catholicæ Ecclesiæ Viris sanctis meritò dignus habetur, qui in eorumdem Album a BEATITUDINE VESTRA referatur.

*VINCENTIUS Episcopus Prænestinus Cardinalis Petra,
Major Pænitentiarius.*

Tanta virtute tantoque studio propagandæ Religionis excelluit beatus Josephus a Leonissa, ut cum sanctissimis viris, qui summâ virtuete innocentia muneraisque Apostolici laude floruerunt, comparari meritò posse videatur. Cum enim jamusque a prima ætate incredibili abstinentia, castitate morum, demissione animi, misericordia erga egenos, obedientia, charitate aliisque virtutibus inclarerit, quas longum esset recensere; tum posteaquam sacro Capuccinorum Ordini nomen dedit, ubi ei Constantinopolim abeundi fidemque prædicandi facultas est data, tanto desiderio Infidelium convertendorum exarsit, ut cum eò appulit, singulari Dei auxilio Turcarum Tyrannum adire eumque ad Christi doctrinam profitendam inducere constituerit. Quodsi regiorum custodum scelere, qui illum pugnis, calcibus omniq[ue] contumeliarum genere vexaverunt, impetrare non potuit quod optabat, quoniam tamen satellitibus traditum se extremo sævissimoque supplicio cruciandum vidit, ab eoque deinde divinitùs liberatum, et si angeretur, quod mori pro Christo nequierit, rediit nihilominus in Italiam gaudens, quod dignus esset habitus pro nomine Jésu contumeliam pati. In hisce autem nostris Regionibus innumeris laboribus functus plenusque virtutum in Cœlum evolavit, ubi tot meritorum coronam est, ut credimus consequutus. Quare censeo dignum esse, qui a SANCTITATE VESTRA in Sanctorum numerum referatur.

JOSEPH Episcopus Tusculanus Cardinalis Accorambonus.

Religio, pietas, sui ipsius abnegatio & ferventissimus præsertim charitatis ardor, quo in Deum & Proximum beatus Joseph semper exarxit, quemadmodum Athletam Christi fortissimum uberrimâ gloriâ dignum in Cœlis reddiderunt, ita meritissimum redditum, ut supremo SANCTITATIS VESTRÆ judicio inter Cœlites referatur.

VINCENTIUS Episcopus Sabinensis Cardinalis Bichius.

PAlmam martyrii, quam flagranti desiderio concupiverat beatus Joseph a Leonissa Sacerdos Professus Ordinis Minorum Capuccinorum atque tetigerat, sed Deo disponente integrè non fuerat affecutus, in coronam gloriæ commutavit illi Deus protracto vitæ curriculo, ut sic in longum animabus Proximi sui salutem afferret & merita cumularet, donec ad sui temporis consummationem perventus beatas scanderet sedes. Visibile voluntatis Dei Testimonium habuit beatus Joseph quando Constantinopoli in odium Fidei catholicæ ad mortem damnatus, atque pede manuque dexteris unco ferreo e sublimi suspensus, nedum fuit miraculosè a morte servatus, sed post triduum martyrio lato ab Angelo liberatus ac sanatus remansit, divino ei dato mandato, ut ad Italiam remearet: Divinaque impleta voluntate, unum quod evasit martyrium coactum, in plura martyria commutavit voluntaria usque ad obitum, tempore in beneficium Proximi sui semper insumpto; propter quæ mirabilis Deus glorificavit etiam in vita Sanctum suum, multiplicando præcipue per binas vices ad ejus supplicationes farinam usque ad satietatem famelicæ multitudinis, primùm Ocritoli, secundò Borbonii. Ad cœlestem tandem Patriam evocatus plurimis aliis miraculis Sanctitatem Servi sui manifestavit Deus, quem si supremi Regis clementia coronâ gloriæ in Coelis magnificat, devotè a Fidelibus in hac terrestri patria convenit venerari.

*NICOLAUS MARIA Tit. S. Petri ad Vincula Presbyter
Cardinalis Lercarius.*

SANCTITAS VESTRA divino illustrata lumine sacris Altarium honoribus elevatum christiano Orbi venerandum proponet B. Josephum a Leonissa, quem si in sortem Domini electum fuisse singulari ab ipsis incunabulis in eum collato beneficio manifestatum est, idipsum magis confirmarunt tot tantaque vitæ discrimina ac pericula, a quibus superna manu sæpe liberatus suit, & tot tantaque supplicia, quibus si non mortem martyrii tamen poenas omnes invictissimo animo non semel expertus est. Nil itaque supereft, nisi ut invictus Athleta Christi suo tandem lumine universam illustret Ecclesiam, & suo tueatur patrocinio.

*RAPHAEL COSIMUS Tit. S. Marcelli Presbyter
Cardinalis de Hieronymis.*

BEATISSIME PATER. Ineffabili semper dispositione providit Deus, ut suis aptè temporibus exurerent Viri Sanctitate conspicui, qui hominibus senescente Mundo in pejora ruentibus adjutrices manus porrigerent, & gliscentium vitiorum spinas de Ecclesiæ vinea evellerent. Inter hos Josephi de Leonissa Ordinis Capuccinorum Sacerdotis Professi spiritum suscitavit, qui æmulatus charismata meliora ore simul & opere docuit quanta erga Deum charitate æstuaret, quanta in Proximum dilectione quantoque contra vitia afficeretur odio, factus contra ea declamator acerrimus. Martyri quoque ei non defuit animus, dum pro Christi fide amplianda verè Martyrum tormenta sustinuit. Signa quibus dum vixit, & post obitum etiam claruit, æquè testantur quām in eximio hoc Viro bene sibi complacuerit Deus. Juustum ergo censeo, ut quem coronâ expressâ signo Sanctitatis Dominus redimivit in Cœlis, Sanctorum etiam laureâ SANCTITAS VESTRA coronet in terris.

*CAROLVS Tit. S. Marie de Ara-Cæli Presbyter
Cardinalis Calcagninus.*

FECIT Dominus mirabilia cum Servo suo B. Josepho a Leonissa; dum ab adolescentia ita omnium virtutum amator fuit præcipuequè pudicitiae, ut ad illam tuendam spretis domesticorum blanditiis atque precibus, hujusque mundi pompis lœtus ac victor in Patrum Capuccinorum sodalitatem adscitus esset: Vocatus igitur ad Francisci sequelam particeps fuit illius spiritus, quo terrena omnia despiciens ad instar Apostoli Pauli in carne extra carnem, in Mundo extra Mundum esse videbatur; cœlestium enim contemplatio fuit illi assidua; Fidem cum charitate conjunctam & sanctè servavit, & fideliter reddidit: In multa patientia fuit in suavitate, in laboribus, in vigiliis, in jejunii saepè solo pane & aquâ contentus: Incensus martyrii desiderio nullis laboribus, nullis periculis pepercit; & quimvis neque ipse martyrio, neque martyrium ipsi defuerit, sola tamen ea mors defuit, quam unam ut dissolveretur essetque cum Christo, cupiebat. Quas egregias virtutes ineffabilis Dominus multis insigniavit miraculis: Unde jure meritò Clemens XII. felic. record. eum inter Beatos recensuit. Superest modò, quia Deus ejus Sanctitatem novis innumerisque comprobat miraculis, ut a SANCTITATE VESTRA inter Sanctos referatur, quod universalis Ecclesia ardentissimè exoptat.

HIERONYMVS S. Angeli in Foro Piscium Diaconus
Cardinalis Columna.

JUstorum animas BEATISSIME PATER in manu Dei esse, si quis unquam ostendit, id planè testatum nobis facit beatus Joseph a Leonissa, quem in ipsis incunabulis a proximo mortis periculo, non sine prodigio liberatum eum vitæ cursum inivisse accepimus, qui totus non naturæ fuerit, sed dextera Excelsi: Hæc ego dicens, non illum tantummodo vitæ articulum intelligo, quo per triduum a Barbaris cruciatus cœlesti ope ad pristinam corporis incolumitatem magno prodigio restitutus est. Non inquam hunc solummodo vitæ articulum intelligo. Vita ipsius universa tot laboribus fatigata fuit, supra omnem pene fidem, ut nisi summi Dei Providentia, qui in opportunitatibus adjutor est, continuo pene miraculo præsidium tulisset, fieri non poterat, ut ejus vitæ cursus ad longum tempus produceretur: Adeo in omni pressura supra modum gravatus fuit, ut Apostolus loquitur, & supra virtutem, ut sublimitas virtutis ejus planè ex Deo protegente esset, & non ex ipso. Qui enim fieri poterat, ut sexies, septies, undecies aliquando atque duodecies diversis in locis conciones haberet, non in persuasilibus humanæ Sapientiæ verbis, sed in ostensione Spiritus & Virtutis, cilicio indutus ac loricâ serreâ præcinctus sæpe, aut nullo modo, aut mucidi panis fragmentis pastus, sæpe aut imbribus madidus, aut æstu solis exustus, interdum febri etiam ardore cruciatus: Nimirum ex eorum numero erat, qui cum Apostolo dicunt: In omnibus tribulationem patimur, sed non angustiamur, persecutionem patimur, sed non derelinquimur, dejicimur, sed non perimus, semper qui vivimus, in mortem tradimur propter Iesum: Merito itaque ex Te optamus SANCTISSIME PATER, ut novis Sanctorum honoribus ornetur B. Joseph: Ex quo illud etiam fieri ut novo arguento ostendatur justorum animas in manu Dei esse, qui illis non cœlestes tantum honores, verum etiam terrenos decernat.

SIMON Gritti Archiepiscopus Tyanensis Assistens.

BEATISSIME PATER. Beatum Josephum a Leonissa infantia Deo præordinatum, puerilis æquè ac virilis ætas Dei amori per virtutum Religiosarum eximia quidem opera arctissimè intentum; ac magisquamque animarum multimodæ promovendæ saluti ad consummationem usque in immensum addictum; necnon rigidissimis sui corporis excruciatum mortificationibus, jejuniis ac poenitentiis, licet nihil in illo prope foret poenitendum, vel in terris Sanctum denunciarunt. Qui autem dat incrementum, Deus haud absimilem imparemque subinde prodigiorum ac miraculorum suam vocem præferentium, rite idcirco accuratissimaque lege per pensorum multiplici ostensione Servum suum illu-

stratum voluit ac patescit ; ut eapropter tutissima exinde SANCTITATI VESTRAE Josephum Sanctorum Albo adscribendi consurgat ratio ; quod & Ecclesia catholica de glorio suo milite , qui legitimè certavit , terrena quæque invictè protrivit , ac gloriosissimum de triplici communi hoste triumphum compertus est retulisse , gaudens atque lætabunda ante supremum Majestatis tuæ Solium unanimi votorum concordia præstolatur , ad Filiorum suorum incitamentum , sui ornatum omniumque planè præsidium optatissimum .

JOSEPH MARIA Rusius Archiepiscopus Capuanus Assistens.

Quantus virtutum omnium chorus in Servo Dei beato Josepho a Leonissa Sacerdote Professo Ordinis Minorum sancti Francisci Capuccinorum effulserit , nemo est qui ignoret : Nihil quippe in eo fuit , quod Dei amorem Proximique sui charitatem non redoleret , quod non ædificaret fidem , quod Proximorum salutem non operaretur , quod non sapernet Sanctitatem . Hic est ille fortissimus Christi Athleta , cui bonum fuit portare jugum ab adolescentia sua usque ad ultimum vitæ spiritum , accepturus a Domino coronam justitiae , quam Deus promisit diligentibus se . Quamobrem cum beati Josephi Sanctitatis famæ miraculorum accesserit gloria ; executionem decretæ a SANCTITATE VESTRA ejusdem Beati Canonizationis humillimè expectat tota Fratrum Capuccinorum sancti Francisci Familia , ut toti Orbi christiano novum sydus adsulgeat . Et ita &c.

MICHAEL MARIA Vincentini Archiepiscopus Theodosie Assistens.

Tantum Sanctitatis fulgorem emisit innocens vita B. Josephi a Leonissa , cui Sanctorum honores decrevit oraculo sapientissimo SANCTITAS VESTRA , ut ejus gloriae addendæ assentiri nemo prorsus dubitet ; præsertim cum de humilitate & patientia , de vigiliis & oratione , de charitate ac Peccatorum conversione , de ceteris tandem virtutibus copiâque miraculorum maximâ cogitemus .

Fr. ANTONINUS Camarda Episcopus Reatinus Assistens.

BEATISSIME PATER . Quis & qualis homo fuerit B. Joseph a Leonissa , conjiciendum est ex appellatione & ex proprio vocabulo , quod augmentum interpretari non dubitatur . Ab ineuntis siquidem ætatis primordiis in omnium virtutum genere crevit proficiendo sapientiâ & ætate & gratiâ apud Deum & homines . At ubi robustioris ætatis plenitudo advenit , missurus manus ad fortia egressus est in salutem animarum ut gigas ad currēdam viam totius charitatis , nullum timens malum adhuc

huc ambulans in medio umbræ mortis . Nam a Turcico furore e sublimi crudeliter suspensus , tamquam e Cathedra Crucis Christi loquebatur de testimonii ejus & non confundebatur . Angelica deinde ope post triduum liberatus , in labore & sudore vultus sui plenus gratiâ & fortitudine ambulavit per Oppida & Castella , per Vicos & Plateas , evangelizando verbis & exemplis , signis & prodigiis vitæ viam demonstrando . Meritò igitur Sanctorum Fastis adscribendus a SANCTITATE VESTRA censetur , qui tam invicto zelo pro Fidei dilatatione pugnavit , & pro animarum salute tam indefesso spiritu laboravit .

NICOLAUS XAVERIUS Santamaria Episcopus Cyrenensis Assistens.

Benedictus Deus , qui frigescente in cordibus hominum charitate non sinit eam extingui , sed per Electos quosdam veluti novos Apostolos renovat , & accendit , B. Josephum a Leonissa ad hoc ministerium elegit , quem ab incunabulis divinitù servatum evangelicæ perfectioni ac prædicationi consecravit . Is enim humilitatis , obedientiæ , orationis , pœnitentiæ ceterarumque virtutum cultor assiduus , pro Dei gloria & animarum salute innumeros labores & ærumnas perpessus verbo & exemplo Christianorum depravatos mores ad meliorem frugem passim revocavit , & contumeliis , probris , verberibus appetitus gaudebat , quod talia pati dignus haberetur ; nec unquam animam suam pretiosiorem fecit quam se , immo pro nomine Jesu libentissimè tradidit ; & quamvis martyrio mors , non tamen martyrio voluntas , non voluntati martyrium , neque ipsi gloria defuit . Hunc proinde beatum Virum , cuius heroicæ virtutes præclaris miraculis rite probatis confirmatæ fuerunt , dignissimum censeo , qui ab infallibili Apostolatus Tui voce in Sanctorum numerum referatur .

NICOLAUS Simoni Episcopus Marcianensis Assistens.

Divino planè consilio ac beneficio morti eruptus Joseph a Leonissa , ab Infidelibus tutiores se transtulit in Regiones ad Apostolicum exercendum ministerium : Gloriam verò Dei quærens non suam , agrestem gentem & ignobiles pagos selegit , in quibus seminaret verbum Dei , unde fructus uberes retulit in patientia . Decet propterea , ut Viri Dei virtutes resque præclarè gestas in sublimiori Ecclesiæ loco positas admiremur , imitemur , veneremur .

NICOLAUS Spinelli Episcopus Aversanus Assistens.

Domesticâ vitâ integerrimè traductâ minimè contentus beatus Joseph a Leonissa sibi ex umbra ad solem prodeundum existimavit, remotissimasque petiit Regiones Captivos ex Infidelium tyrannide in libertatem vindicaturus; ubi extrema quæque perpessus, miraculo a periculis dirissimisque suppliciis superstes fuit: Licet omnigena excultus eruditio, tantum villas & agrestium virorum mapalia lustravit verbum Dei depraedaturus: Omnes virtutes mirificè coluit; præcipue tamen præstitit in pauperes liberalitate, quos aluit etiam ex ventre defraudato. A miraculis ante & post mortem editis clarissimus fuit. Quæ omnia cum rite probata sint, comite supremo judicio SANCTITATIS TUÆ illum Sanctorum Albo adscribi, ac publico solemnique Christifidelium cultu donari posse existimarem.

*MARCUS ANTONIUS Amalphitanus Episcopus Ortonen.
& Camplen. Assistens.*

BEATISSIME PATER. Beatus Joseph a Leonissa Sacerdos Professus in Ordine Minorum sancti Francisci Capuccinorum ab ipsa jam pueritia cœlestem vitam dicens futuræ Sanctitatis prætulit indicia. Inter Religiosos præfati Ordinis Capuccinorum adscitus, nedum laboriosam asperrimamque vitam evocavit, rigidissimi Ordinis Instituta exactè servando, sed ad carnis macerationem voluntaria supererogavit pœnitentiæ opera, nempe flagellationes, cilicia, assiduum jejunium & abstinentias. Constanti cura & studio rerum cœlestium contemplationi jugiter se exercuit. Zelo catholicæ Religionis propagandæ inflammatus nihil ei gratiùs poterat evenire, quam si inter supplicia quælibet acerbissima fidem suo sanguine confirmaret, & jam crudele martyrii genus a Barbaris invicto animo sustinere meruit, etsi mirabiliter ab Angelis ereptus non exhalaverit animam. Ad Italianam postremò Prædicator missus, potens opere & sermone, infatigabilis Evangelii Præco sive in Pagis, sive in Villis locisque campestribus fuit, & cum ingenti animarum fructu charitatis suæ viscera in omnes dilatavit. Meritò hinc nedum inter sanctos Confessores, sed de numero inclytorum Martyrum dici poterit; cum non tam mors, quam fides & devotio Martyrem faciat: Cumque Deus omnipotens in confirmationem tot insignium virtutum & meritorum clariora signa & miracula peregerit, eisque corruscantibus ejusdem beati Josephi Sanctitas effulgeat; sanè hæc omnia exposcunt, ut SANCTITATE VESTRA annuente in Sanctorum Albo referatur.

LUDOVICUS Savagieri Episcopus Tempensis.

Nihil est quo magis delectentur Fideles, quam dum Jesu Christi virtutes ac prodigia renovata admirantur. Divinus enim ille subito in mentem venit amor, quo Deus Unigenitum dedit, ut nos divinitatis suae tribueret esse participes. Qui res a B. Josepho de Leonissa gestas expenderit, hanc in se delectationem & laetitiam sentiat necesse est. In eo enim terrenarum rerum omnium contemptum, mortificationem, qua Christi Crucem in suo corpore gessit, patientiam, qua persecutiones immanesque pertulit cruciatus, & prodigia illa admirantur, quibus semel atque iterum modico pane turbas satiavit, Deique Angelum consolatorem atque ab Infidelium manibus liberatorem habere meruit. Igitur cum miraculis post mortem patratis, de ipsius gloria Deum eos certiores fecisse credant Sodales sui, ceterique Fideles eâ spiritus laetitiâ permoti abs Te BEATISSIME PATER Sanctum declarari cupiunt, ut publico cultu ac veneratione præconceptam in ipsum pietatem liberiùs explicare valeant. Decet autem meo judicio atque expedit, ut inter Sanctos recensito, novo hoc virtutum exemplari, novoque apud Deum Intercessore donentur.

ANTONIUS Franci Episcopus Crassettî.

EA est, BEATISSIME PATER, series vitae B. Josephi a Leonissa, ut ipsa sola peculiares eas omnes virtutes ac merita, quae in singulis iis, quos Sanctorum Fastis adscribere intendit SANCTITAS VESTRA, complecti quodammodo videatur. Quis enim in eo B. Fidelis constantiam zelumque fidei singularem, B. Camilli ardentissimam charitatem, B. Petri Regalati summam vitae austeritatem, B. Catharinæ de Ricciis incontaminatam virginitatem non admiretur? Quam igitur æquum sit, ut quae singulis præparantur præclarissima virtutis præmia, B. Josepho a Leonissa conferantur, nemo ut puto, est qui non videat.

THOMAS ALEXIUS de Rubeis Episcopus Aprutinus.

SUffragium præstans BEATISSIME PATER, pro Sanctificatione B. Josephi a Leonissa, quam breve dicendi genus invenire cupiebam, quod gravitate, splendore & claritate dignum esset; at mihi antiquissimum putavi admirationem vitae suæ, non amplitudinem meritorum edicere.

Mirum SANCTISSIME PATER, in sancto Juvene morum suavitas, mira erga pauperes misericors pietas, mira castitas dum oblatas nuptias constanti pectore abhorruit: Mira denique asperis flagellis acerrima pœnitentia.

Dato

Dato nomine sua sponte & spiritu Capuccinorum Familiae Concionator egregius evasit ; Constantinopolim petiit Tyrannum impavido pectori de Religione colloquuturus : At novitate rei calcibus appetitus , pugnis , verberibusque affectus , martyrium subire coactus , unco e trabe per dexterum pedem & brachium appensus spiritum Deo dedisset , nisi Angeli patrocinio ereptus ad uberiorem messem in campo Ecclesiae fuerit reservatus .

Italiam reversus , laceratus iniuriis , hilaris patientiae fuit exemplar ; humilitatem sectatus respuit semper honores : Verum terram effodere , domus verrere , lances detergere , vilia quæque præstare minimè abhorruit . Orationi perenni assiduus insomnes ducebat noctes , & in ecstasi raptus , quandoque itinerans flumen expanso pallio per socium sicco pede transivit .

Eapropter quod BEATISSIMUS PATER & Summus Pontifex inter sanctos Martyres , sanctum Virum , Aprutinorum decus adscribat non diffiteor : Magnum etenim nostri Protectorem Gregorium Sebastæ in Armenia Episcopum non violentiâ tormentorum peremptum , Martyrem etiam veneratur Ecclesia .

Idcirco quod mirus Confessor & nostræ sanctæ Fidei strenuus assertor , mirus in tolerantia uncini [Granchio dicti] pro S. Martyre & Confessore veneretur , inficias Patres non ibunt .

Quintum & ultimum in Causa beatæ Catharinæ de Ricciis supererat Consistorium , quod ex Sanctitatis Suæ placito in sequentem Feriam tertiam indixere per hanc impreissam schedulam Curores .

I N T I M A T I O

Per Curores facienda etiam Domi dimissâ copiâ .

EX semipublicis Consistoriis a Sanctitate Sua super futura quinque Beatorum in Sanctorum Album allectione decretis quintum & ultimum habebitur Feria tertia die 14. Junii in sapientia jam Aula Quirinalis Palatii hora decimateria pro beata Catharina de Ricciis Virgine Sanctimoniali Professa Ordinis S. Dominici : Eminentissimis Patribus ac Reverendissimis Patriarchis , Archiepiscopis & Episcopis suffragia ex more ferentibus .

Intimentur itaque omnes & singuli Eminentissimi , & Reverendissimi DD. Cardinales , necnon Reverendissimi DD. Patriarchæ , Archiepiscopi & Episcopi in Urbe præsentes , ac Domini Protonotarii Apostolici , duo Antiquiores Rotæ Auditores , Sacrorum Rituum Congregationis Secretarius , Promotor Fidei & Procurator Fiscalis Cameræ Apostolicæ .

De Mandato Sanctissimi Domini Nostri Papæ .

Ignatius Reali Apost. Cærem. Præf.

Eodem

Eodem etiam tempore Pontificii Cursores oretenus ut moris est, Eminentissimos DD. Cardinales admonuerunt de Consistorio secreto ante semipublicum habendo :

Manè ejus diei cum Sanctissimus Dominus noster sacris vestibus induitus in designata Consistorii Aula consedisset, ceteris statim exclusis, solus cum Cardinalibus de rebus Consistorialibus egit. His expeditis, potestatem dedit ingrediendi Patriarchis ceterisque aliis, quibus concessum erat in semipublicis Consistoriis adesse, iterum tamen inculcans, ne qui supervenirent foribus clausis, ullo modo intromitterentur; quoniam facile potuissent inopportuno accessu, adstantium attentum animum ab iis quæ dicebantur, avertere. Ingredientibus propterea solummodo iis, qui expectabant ad fores; alii quamplures, qui in remotiori Palatii parte substituerant, vel serò advenerant, fortè confisi secretum Consistorium longius protractum iri, sua spe frustrati introire prohibiti sunt: Hac de causa cum abessent a Consistorio tam Protonotarii, quām Advocatus Fiscalis Cameræ Apostolicæ quorum postremus instare pro confectione Instrumenti rerum omnium, quæ ibi gererentur, primi verò easdem literis mandare debuissent; defectum hunc supplevit Pontifex jubendo, ut infra dicitur. Itaque Præsules ingressi cum consueta scamna occupassent; suffragia de B. Catharinæ Causa excepturus eos stantes, & Cardinales sedentes his verbis allocutus est Pontifex.

VENERABILES FRATRES. In Apostolicis Actis capite vigesimo primo, in quo describitur iter, quod sanctus Paulus suscepit a Tyro Ptolemaidem, & ex eo loco ad urbem Cæsareæ, illud memoriæ traditur, eundem S. Paulum una cum Sociis ingressum fuisse domum Philippi Evangelistæ, seu Concionatoris Evangelii, qui sanè Philippus, is facili conjectura judicatur, qui Eunuchum Candacis Reginæ Æthiopum sancto Lavacro expiaverat. Moram aliquam duxerunt illi in ædibus Philippi, cui erant quatuor Filiae virgines ac prophetantes; quod si virginitatem illæ non profitebantur voti ullius ratione, quo se Judæi obstringere minimè consueverunt, tamen Religionis causa eas virgines fuisse non est dubitandum, quæ prophetantes

etiam

etiam nuncupantur , vel quod in concinendis divinis laudibus assiduò verarentur , vel quia futura prænunciarent : *Venimus Cæsaream* , (ita scriptum est in sacris literis) & intrantes domum Philippi Evangelistæ , qui erat unus de septem , mansimus apud eum . Huic autem erant quatuor filiæ virgines prophetantes . Quod in itinere S. Pauli contigisse memoravimus , id Nobis etiam evenit in gravissimo hoc negotio , quod hodierna die ad finem sumus perducturi . Postquam septa aliorum Coetuum Regularium percurrimus , uti Vos ipsi ex præcedentibus Consistoriis perspicere potuistis , nunc ingredimur Claustra S. Dominici , qui non modò , sicut Philippus Evangelii Concionator fuit , sed etiam Ordinis Fratrum Prædicatorum primus Parrens atque Institutor ; & quemadmodum in ædibus Philippi quatuor ipsius Filias virgines prophetantes sanctus Paulus deprehendit , ita Nos in Claustris sancti Dominici quatuor etiam illius Filias invenimus , quæ prophetantes appellari meritò possunt , vel quia a divinis laudibus celebrandis nunquam cessarunt , vel quia futuros eventus antea denuntiarunt . Porro illæ nominantur , Catharina Senensis , Rosa Limana , Agnes Montispolitiani , & Catharina de Ricciis . Pius II. Prædecessor noster Sanctorum Catalogo nomen Catharinæ Senensis adjunxit . Clemens X. Prædecessor quoque noster Rosam Limanam : Benedictus XIII. de nobis optime meritus Agnetem Montispolitiani inter Sanctos solemniter retulerunt . Itaque ut quatuor istæ Filiæ prophetantes

tes Sancti Dominici pari honore cumulentur , illud tantum superest , ut beatam Catharinam de Ricciis numero Sanctorum adnumeremus . Supervacaneum ducimus hoc loco referre ipsius Familiae præstantiam , optimam pueritiae institutionem , atque innocentiam , virtutis propositum , quo Cœtui Regulari nomen dedit , & in quo constanter permansit , eximiam charitatem , qua Deum , & Proximum semper prosequuta est , singularem prudentiam , qua præfuit ceteris Monialibus longo temporis spatio , profundam humilitatem , incredibilem patientiam in pluribus ferendis incommodis , cumulum cœlestium donorum , quæ in ipsam Deus liberaliter contulit , pretiosam ejus mortem in conspectu Domini , Sanctitatis famam , quæ constans fuit . cum adhuc in terris ageret , & postquam diem supremum obiit , ac tandem miracula , quæ ob illius intercessionem obtigerunt . Cum hæc omnia vestris oculis subiecta jam fuerint , illud reliquum est , ut mentem vestram de solempni ipsius Canonizatione decernenda Nobis declareris .

Absoluta oratione primū Cardinales , mox Patriarchæ ceterique circumstantes Archiepiscopi , Episcopi Assistentes & non Assistentes suffragium suum hoc ordine tulerunt .

PETRVS ALOYSIVS Episcopus Albanensis Cardinalis Carafa .

BEATA Catharina de Ricciis ac si uni sibi dictum fuisset , quod habetur in Psalmo ^a : *Audi filia & vide & inclina aurem tuam , & oblitiscere populum tuum & domum Patris tui , & concupiscet Rex decorem tuum ; ut æterno Regi obtemperaret , seque illi formaret in sponsam , vix tredecim annos nata Patriam , Domum paternam , Patrem ipsum ac omnia , quæ Mun-*

E e e

di sunt

^a *Psal. 44. v. 11. & 12.*

di sunt aversata, virginitatem suam, seque totam Deo dicavit inter sacras Virgines, quas toto vitæ suæ tempore in suarum virtutum odorem pertraxit. Quibus allectus cœlestis Sponsus, ut eamdem sibi similiorem redderet, spinoso diademate illi caput transfixit, Crucis vestigia ejus tergo impressit, Stigmata denique illius corpori insculpsit. Hisce porro tam splendidis signis ac characteribus ornatam, inter concinentium Angelorum choros, eamdem ad cœlestes nuptias evocavit: Tantique honoris testes, etiam in terris esse voluit sanctum Philippum Nerium, & sanctam Mariam Magdalenam de Pazzis, multaque præterea, quæ post ejus mortem patrata sunt, miracula. Hanc autem sacram Virginem, cuius decorem Rex æternus tantopere concupivit, ejusdem Nuptiis in Cœlo perfrui, tam æquum censeo a SANCTITATE VESTRA definiri, quam quod maximè.

*FRANCISCUS Tit. S. Mariae Transyberim Presbyter
Cardinalis Burghefius.*

BEATAM Catharinam de Ricciis Virginem Florentinam ita commendant ingentes thesauri, quos in eam effudit Deus infinitæ bonitatis suæ, ut mirum non sit tot viros principes, tot populos ipsamque adeo parentem ejus inclytam Prædicatorum Familiam, collatis studiis ejusdem abs Te BEATISSIME PATER consécrationem postulare; neque hoc tam frequenti Senatu extare adhuc aliquem, qui non jure meritoque hunc illi honorem putet tribuendum. Quod idem cum & ego censem, censurique etiam sint uti spero, qui post me sententiam dicent; nihilque sit reliquum quod causa desideret, illud modò restat BEATISSIME PATER, ut parias nunc tandem quod jam diu parturis; ipsamque beatam Catharinam rite per Te dedicatam in Cœlestium numerum referas.

*ANTONIUS XAVERIUS Tit. S. Stephani in Monte Cœlio
Presbyter Cardinalis Gentili.*

VIDIT beatus Joannes Apostolus Civitatem novam Jerusalem descendenter de Cœlo; Videbimus & nos paucos post dies Te Auctore BEATISSIME PATER, Te e supremo Ecclesiæ Solio decernente, beatos Dei Servos in Sanctorum numerum referendos, de cœlesti Jerusalem quodammodo descendentes, ut gloriam jam diu adeptam in cœlis consequantur in terris, quos inter non deerit flos & decus virginitatis, qua potissimum prærogativa effulget beata Catharina de Ricciis, quæ certarum omnium virtutum ornamenti insignita in triumphali pompa nobilem locum obtinebit. De hujus Ancillæ Dei sanctitate & eximiarum virtutum præstantia longius verba facere superfluum est, cum præter ceteras probationes & argumenta in sacra Rituum Congregatione de more exhibi-

exhibita , accedant & testimonia luculentissima SS. Philippi Nerii , & Mariæ Magdalenæ de Pazzis , & subsecuta divinæ omnipotentiæ miracula ; quare id unum reliquum est , ut SANCTITAS VESTRA , totâ Ecclesiâ plaudente beatam Virginem cum aliis in anteactis Consistoriis omnium consensu approbatis Sanctorum Fastis adscribat .

*Fr. JOANNES ANTONIUS Tit. SS. Silvestri & Martini ad Montes
Presbyter Cardinalis Guadagni.*

Benedicente Domino BEATISSIME PATER, Florentiæ Civitas Sanctorum fœcunda Parenz dedit fructum suum , fructum quidem honoris & honestatis ad militantis Ecclesiæ præsidium, ad inclyti Prædicatorum Ordinis decus & ornamentum ; cogitans enim B. Catharina de Ricciis ut esset sancta corpore & spiritu , per integrum vitæ cursum in multa patientia , in tribulationibus , in laboribus , in castitate , in fide & charitate non facta ardente lampadem paravit cœlesti Sponso , ut introiret cum eo ad nuptias : Quamobrem inter Seraphici amoris delicias supernæque contemplationis dulcedines Infantem Jesum , in quem desiderant Angeli respicere , velut divinæ futuræ visionis arrham in ulnas suas obtinere promeruit , ac cœlesti annulo despousari . Hanc itaque Heroinam vinculis carnis exolutam , & ad æterni Sponsi thalamum translatam , miraculis etiam a sacrorum Rituum Congregatione probatis coruscantem sanctorum Virginum choro infallibili SANCTITATIS VESTRÆ oraculo aggregandam existimo , ut Sanctitatem ejus narrent Populi , & laudem ejus nunciet Ecclesia ,

TROJANUS Tit. S. Cæciliae Presbyter Cardinalis de Acquaviva .

Virginem verè sapientem BEATISSIME PATER , fuisse beatam Catharinam de Ricciis , quæ cum cœlesti Sponso ad nuptias intravit , mirabilibus signis Deus , ut ex monumentis patet , luculentissimè demonstravit . Nostra igitur sententia est , ut per SANCTITATEM VESTRAM illius illustre nomen Sanctorum Virginum Fastis adscribatur .

DOMINICUS Tit. SS. XII. Apostolorum Presbyter Cardinalis Riviera .

EAS omnes virtutes , quibus potitæ sunt sapientes Virgines & de numero prudentum , ab ipsis pueritiae annis beata Catharina de Ricciis complexa est . Antequam Monialibus S. Dominici nomen daret , purissimus in ea enituit mentis ac morum candor , cum assidua divinarum rerum contemplatione conjunctus . Ubi sacro habitu induita fuit , arctissimam paupertatem , singularem obedientiam & serventem in Sorores charitatem præsetulit ; ubi illis contigit præfici , humilitatis & pruden-

tiæ præclarum specimen exhibuit: Ubi demum evulgata admirabilis hujus Mulieris fama nedum Florentiæ, sed per totam fere Italiam Principes Viros in magnis dignitatibus constitutos ad eam invisendam evocavit, quam sedulo pietatis & pœnitentiæ studio, & quām demissè de se sentiret, quis non admiratus est? Tot tantisque virtutibus accessere S. Mariæ Magdalenæ de Pazzis, & S. Philippi Nerij de illius Sanctitate testimonia, & demum patrata in obitu & post obitum miracula, ante Beatificationem, & post illam rite comprobata, adeo ut BEATISSIME PATER, sanctis Virginibus, quas cœlestis Sponsus vigilantes invenit, jure censeam adnumerandam.

*JOANNES BAPTISTA Tit. S. Marie Angelorum Presbyter
Cardinalis Spinula.*

BEATISSIME PATER. Beata Catharina de Ricciis insignis Ordinis Prædicatorum Alumna, tresdecim vix annos nata tam fortiter arduum perfectionis iter arripuit, tantaque animi constantia & alacritate est prosecuta, ut Deus vivam sui ipsius imaginem in illam contulerit, dataque dextera pretiosissimo cœlesti annulo, adstante Deipara Virgine desponsaverit. Mirum autem fuit, quas quantasque res fuerit aggressa, quibus aucto insignium & heroicarum virtutum cumulo Sponso suo placaret. Eximia itaque Virgo, quæ Sponso Divino fidem constanter servavit, cursumque suum optimè fortiterque consumavit, indubie dignissima est, ut inter alias sanctas in Cœlo triumphantes Virgines cooptetur. Et quæ tam exactè tam luculenter sanctam Catharinam Senensem ejusque maximas & præcipuas virtutes est imitata, ejusdem etiam in terris referat honores & cultum.

RAYNERIUS Tit. S. Sabinae Presbyter Cardinalis de Ilcio.

SAntorum fœcunda Parens Hetruria novam eamque sanctissimam BEATITUDINI VESTRÆ exhibit hodie sobolem B. Catharinam nempe ex nobili & primaria Civitatis Florentiæ Familia de Ricciis Dominicanæ Religionis lumen & ornamentum.

Paternæ illa domus divitias ac commoda, ceterasque seculi illecebros, nobili quadam, ut cum Petro Blesensi loquar, *superbia despexit*, & voluntariæ paupertatis, Religiose obedientiæ, perfectissimæque castitatis vota in Asceterio S. Vincentii de Prato solemnni professione emisit. Terrenis ibi curis abdicatis tam arcto atque indissolubili nexu, cum Virginum Sponso se conjunxit, ut meritò clamare potuerit: *Dilectus meus mihi, & ego illi.* Quanto verò amore cœlestis Sponsus Catharinam prosequeretur, frequentes & admirabiles Ecstases, in quibus cum ea etiam in terris familiariter conversari dignatus est, & ipsum sacrorum Stigmatum inestimabile donum clarè teſtantur.

Placeat igitur SANCTITATI VESTRÆ infallibili qua pollet auctoritate, declarare, B. Catharinam de Ricciis uti verè sanctam Virginem venerari posse & invocari.

DOMINICUS Tit. S. Bernardi Presbyter Cardinalis Passioneus.

BEATA Catharina de Ricciis BEATISSIME PATER, fuit verè Virgo sapiens, & una de numero prudentum; non enim ab ipsa exerceri potuit sapientia major, quām cum tot cœlestibus deliciis & prope singularibus donis, quibus adeo largiter affluebat, accerrimum atque diuturnum odium sui & maximam animi demissionem conjungere; quantum verò prudentia & rerum usu, in retinendo severioris vitæ Instituto præstiterit, ut divina & immortalia beneficia copiosissimè sibi collata, contra callidissimi Hostis tueretur insidias, & arduum christianæ perfectionis negotium dies, noctesque strenuè urgeret, satis superque rem planè certam & testatam faciunt exiles cibi, breves somni, longa jejunia, arcta silentia, assidue preces, uberes lacrymæ, duri cruciatus, quibus fragilem corporis sexum in servitutem redigere, & fortiter coercere satagit: Hinc factum est, ut Dominus præveniens eam in benedictionibus dulcedinis, suavissimis atque efficacissimis gratiæ suæ radiis undequaque illustraverit, & jugiter operi intentam & vigilantem invenerit. Cum itaque teste Cypriano Martyre, Virginum cœtus sit *illustrior portio Gregis Christi*, consequens est BEATISSIMA PATER, ut excelsa primi Pastoris manus tantæ Virgini imponat coronam in terris, quam ipsi in Cœlis jam Dominus præparavit in æternum.

SYLVIUS Tit. S. Priscae Presbyter Cardinalis Valenti.

NOVO a SANCTITATE VESTRA Religioni decreto triumpho, triumpalem æquè sapienter instituis pompam BEATISSIME PATER, propter quam frequenti Christifidelium conspectu, totaque Urbe plaudente Vaticanum Templum superaddito ornamento rursus resulgeat. Debellatis siquidem vitiorum monstris, tamquam devicti hostis spolia, & ad instar subactarum Provinciarum prædæ, tot præclara virtutis genera præseferat Sacer solemnisque apparatus. Quæ omnia cum in sublimi quadam parte, consilio ac prudentiâ SANCTITATIS VESTRÆ collocata fuerint, Civium animum de parta victoria deque christianæ Reipublicæ acquisitis præsidiis & merito gratulari, & in Patriam ardenter studio inflammari continget. Tot igitur tantisque præclarissimorum facinorum, martyrii, pœnitentiæ, regularis observantiæ, vehementis usque ad sanguinis effusionem charitatis, stipantibus undique trophyis alterum accedere posse, quod innocentia, integritate, puritate & morum suavitate beata Catharina de Ricciis Ordinis Prædicatorum Monialis, si SAN-

CTITATI

CITATI VESTRÆ visum fuerit profectò censerem , ut Ecclesiæ Fastus tam variâ tamque eximiâ gestorum copiâ uberiore facti , interrupta ac toties renovata divinæ gratiæ argumenta posteritati tradant , atque com-mendent .

*Fr. JOACHIMUS Tit. SS. Quatuor Coronatorum Presbyter
Cardinalis Portocarrero .*

Virginem castam exhibemus BEATISSIME PATER , beatam Cathari-nam de Ricciis lœtitiam & honorificantiam Dominicani Ordinis , mira virtutum & miraculorum varietate circumdatam . Oblita hæc Po-pulum suum & domum Patris sui , mirabiles in suo corde dispositi ascen-siones , & in meditatione exardescens hausit flamas in gaudio de Fon-tibus Salvatoris manumque misit ad fortia : Tantumque inde illius virtuti accessit decoris & incrementi , ut Virgo sapiens effecta fuerit & digna , quæ plena lampade obviam ire cœlesti Sponso potuerit ; eique illibatam quam vivens servaverat , reddere moriens continentiae dignitatem , nequaquam sterilem , ut verbis utar Augustini , sed heroicarum fœcun-dam matrem virtutum . Meritò igitur tantæ Mulieris nomen pluribus a Cœlo signis commendatum , sanctarum Virginum Albo SANCTITAS VE-STRA decernet inferendum .

*CAMILLUS Tit. SS. Johannis & Pauli Presbyter
Cardinalis Paulutius .*

Nemini sanè dubium esse potest PATER BEATISSIME , quin ad celissi-mum Sanctitatis fastigium beata Catharina de Ricciis felici pro-peroque cursu pervenerit . Ipsa siquidem a teneris usque annis probè co-gnoscens , plenitudinem legis , Apostolo teste dilectionem esse præter alias virtutes , tanta in Deum charitate æstuabat , ut dies noctesque in con-templandis Dominicæ vitæ mysteriis absumeret , ut sui omnino oblita ac solius Dei memor , nihil vel cogitaret , vel loqueretur , vel ageret , nisi quod ad majorem Dei gloriam pertineret , adeout de ea prædicari mer-itò posset illa Pauli sententia : *Vivo ego jam non ego , vivit verò in me Chri-stus .* Mirum proinde non est , quod divinus Sponsus cum ea alloquens mutui sui amoris eximia argumenta præstiterit , quodque amplissimis eam charismatibus cumulaverit , & sacræ humanæ Redemptionis Stig-matibus insigniverit . Quare æquissimum censeo , ut quam Virginem vir-tutes omnibus numeris absolutæ , atque præclarissima miracula decora-runt , eam SANCTITAS VESTRA in Sanctorum Album referre non de-dignetur .

*CAROLUS ALBERTUS Tit. S. Mariæ de Pace Presbyter
Cardinalis Guidobonus Cavalchini.*

BEATISSIME PATER. Catharinam de Ricciis Virginem Deo acceptissimam & planè electam ex millibus, cum qua cœlestis Sponsus ineffabili comitate deliciaretur, quis non dijudicet meritissimè sanctarum Virginum numero adjungendam? Gloria virtutum ejus quum Te præcidente ac imperante prædicata fuerit omni creaturæ, recreabuntur suminopere quotquot illecebris mundi abdicatis, loci mentisque recessu, tamquam columbae in foraminibus petræ, ceu in Christi latere absconditæ meditantur tota die magnalia Dei. Lætabitur verò præsertim & exultabit vehementer universa a S. Dominico instituta Familia ob illustriorem ex altera Catharina redditam virgineæ prolis suæ fœcunditatem^a. Quantò enim (ut verbis Cypriani utar) plus copiosa virginitas numero suo addit, tantò plus gaudium matris augescit.

FRIDERICVS Tit. S. Pancratii Presbyter Cardinalis Lantes.

CUm virtutes B. Catharinæ in eminentiori gradu, ac præclara miracula rite ac ordine probata sint, nullam prosector moram interponendam esse arbitror, quominus Virgo sapiens & una de numero prudentum sacris Altaribus propriùs admoveatur. Virginis Sanctitatem enarrarunt gentes & laudem ejus annunciat Ecclesia. Paulus III. Pont. Max. Catharinæ viventis adhuc famâ permotus, post sedulum ejus vitæ examen, Roberto nempe Puccio Cardinali in id curâ demandatâ, Sanctimonialis Fœminæ virtutem est demiratus. S. R. E. Cardinales amplissimi Cervinius, Medices, Aldobrandinus, qui omnes deinde ad Apostolatus apicem evecti sunt, alii insuper Italiæ ac Germaniæ Proceres, inter quos Hetruriæ, Bavariæ, ac Mantuæ Principes, qui ad eam invisen-dam Pratum se contulere, de mira Catharinæ Sanctitate gravissima testimonia reliquere. Illam quod instar omnium sit, S. Philippus Nerius in primis coluit, & licet absens in spiritu quandoque est allocutus. Illam S. Maria Magdalena de Pazzis ad Superos evolantem conspexit. Tot igitur documentis confirmata sanctitate Virginis, quæ in terris angelicam prope vitam duxit, & cuius odor meritorum sicut odor agri pleni cui benedixit Dominus, æquum censeo BEATISSIME PATER, haud diutiùs in sacris ei decernendis honoribus immorandum.

FRAN-

^a *Lib. de Discipl. q̄i habitu Virg. cap. 2.*

FRANCISCUS Tit. S. Marie de Populo Presbyter Cardinalis Riccius :

BEATISSIME PATER. B. Catharina de Ricciis morum integritate atque innocentia usque a pueritia clarissima Patriam, & paternam nobilissimam Domum relinquens, in Coenobio Pratensi reliquum suæ vitæ cursum transegit; ubi ad altissimum humilitatis, obedientiae & charitatis fastigium ita celeriter pervenit, ut mereri potuerit ab ejus coelesti Sponso tantis ac tam specialibus charismatum donis cumulari, ut vix unum aut alterum similia amoris indicia habuisse compertum sit.

Decet igitur PATER BEATISSIME, quod huic mulieri virtutibus & miraculis adeo illustri tuæ vocis oraculo novi cultus honores decernantur, ceterarumque sanctorum Virginum choro ejus etiam nomine adscripto.

ANTONIUS Tit. S. Silvestri in Capite Presbyter Cardinalis Rufus.

Fecit Dominus magna in corde B. Catharinæ de Ricciis. Magna quidem fecit qui potens est, dum innocentiam cum poenitentia mirabiliter conjunxit, dum fide quæ per dilectionem operatur, ad superna jupiter transferret, coelestia semper contemplaretur, Deiparam oculis visibiliter conspiceret, Puerum Jesum tenerimè complecteretur. Quinimo annulo fidei ab ipso Redemptore, datâ dexterâ despontaretur, eidemque semper adhærens, unus spiritus fieret cum eo, ascensiones in corde suo disposuit Dominus, cum tamen superbæ non sapiit, profunda humilitate profecit, sibique ipsi perpetuò viluit. Respxit Dominus humilitatem Ancillæ suæ, cum precibus & lacrymis ejus liberaliter concessit, quod exteriora Sanctitatis signa in eâ nulla apparerent, quod ad manus humilis Virginis perveniret volumen, in quo Moniales ejusdem virtutes & dona diligenter collecta exaraverant, statimque flammis addixit. Profectò BEATISSIME PATER, hæc est Virgo sapiens, quam Dominus vigilantem invenit, quæque obviam ivit Sponso lampade non vacua. Restat ut non sub modio sed supra Ecclesiæ candelabrum statuas lucernam, ut luceat omnibus qui in domo sunt.

PHILIPPUS MARIA Tit. S. Agnetis extra Mœnia Presbyter Cardinalis de Montibus .

MAturo examine satis comprobatum deprehendimus, beatam Catharinam de Ricciis Monialem Ordinis Prædicatorum non solum vitæ sanctitate, sed etiam signis ac prodigiis divinis & dum viveret & post obitum claruisse. Eluxit in ea a teneris annis morum innocentia, illibata virginitas ac ardentiissima in Deum & Proximum charitas, eamque adeo

adeo supernis divinæ gratiæ muneribus locupletaverat Dominus , ut cum Seraphicis ardoribus ageretur , vel cœlesti annulo subharrata , vel spinea Corona redimita , vel Stigmatibus insignita non per martyrium carnis , sed per incendium mentis totam in Christi similitudinem se transformandam agnoverit . Quamobrem Apololatus Veitri BEATISSIME PATER , dignitas exposcit , ut Virgo hæc verè de numero prudentum non amplius lateat sub modio , sed super Ecclesiæ candelabrum collocetur .

*D. FORTUNATUS Tit. S. Matthæi in Merulana
Presbyter Cardinalis Tamburinus .*

Quinque prudentes Virgines Catharinæ nomine vocatas reserunt Ecclesiæ Tabulæ . Catharinam nempe Virginem & Martyrem Alexandrinam , Catharinam Suecorum S. Birgittæ filiam , Catharinam Senensem , & quæ nostris temporibus sanctarum Virginum Canoni inscriptæ sunt , Catharinam Bononiensem , & Catharinam Adurnam . Hæ jam cum Sponso ad nuptias intraverunt . At verò janua clausa non est . Etenim Catharina de Ricciis earum heroicas planè virtutes æmulata , easdemque assecuta , nuptiarum particeps intrare digna est ; ac digna propterea , quam ad illas aggreges BEATISSIME PATER , ut quæ confors extitit earundem virtutum , & par meritorum gloria , parem item cum eisdem sanctis Virginibus in Ecclesia cultum obtineat .

*D. JOACHIMVS Tit. S. Crucis in Ierusalem Presbyter
Cardinalis Besutius .*

Optimos Virginitatis flores non tantum in memoriam redigere hominum , verùm etiam in exemplum proponere atque in Tutelares destinare , tui summi Pontificii muneris est BEATISSIME PATER , modò rite probatæ fuerint ceteræ virtutes heroicæ , quibus lampades suas ornaverint sapientes Virgines . Cum autem luculentis Testibus expensæ illæ fuerint , quibus beata Catharina de Ricciis adornatur , easdemque Deus Optimus Maximus veras fuisse miraculis perspicuum fecerit , nihil esse quod impedit existimo : Quin ipsam SANCTITAS VESTRA unam ex Virginibus de numero prudentum , quarum in evangelica Parabola fit mentio , fuisse decernat . Ut quæ vivens olim a cœlesti Sponso beneficii loco petierat atque impetraverat , ut universis privaretur externis Sanctitatis indicis & argumentis , modò in Cœlis posita Virgo hæc humilissima Apostolicæ Sedis Oraculo gloriâ & honore in Ecclesia coronetur ac exaltetur .

CAROLVS S. Mariæ in Via Lata Diaconus Cardinalis Marinus.

B Eata Catharina de Ricciis quæ ultimo hic loco ratione sexus SANCTITATI VESTRÆ proponitur, tantum abest, ut pro ultima haberi debeat, quod potius in heroicis virtutibus cœlestiumque donorum charismatibus, vel præ ceteris effulgere, vel eos saltem æqua sorte æmulari comperta fuerit.

Licet enim frequentibus sui Angeli, sanctissimæque Deiparæ Puerum Jesum in sinu gestantis & sibi sponsæ annulum imponentis apparitionibus insigniri meruerit; adeo tamen humilis in tam sublimi gratiarum elargitione permanxit, ut nihil ardentiùs quam in his pro viribus occultandis Sacraenta Regis abscondere concupierit.

Et adeo quoque fortis & patiens, ut non modò tui in corpore ægritudines & in spiritu ariditates alacriter sustinuerit, sed suaviora quoque in iisdem oblectamenta repererit.

Cum verò ob hæc eadem perfectissimæ charitatis opera & argumenta pluribus etiam miraculis aucta, nedum aliàs consueto minori ritu Beatæ nomen adepta fuerit, sed duo alia post hunc cultum noviter subsequuta miracula ita efficaciter piissimis SANCTITATIS VESTRÆ auribus insonuerint, ut illis rite discussis & approbatis infallibili ejus judicio declaraverit, adeo insignem ejusdem Beatæ sanctimoniam esse ubique terrarum solemini veneratione colendam.

Nulli dubium esse potest, quin hunc maximum Apostolicæ potestatis usum, quem ipsa eadem SANCTITAS VESTRA Deo aspirante facendum esse decrevit, illo adjuvante non exequatur.

ALEXANDER S. Mariæ ad Martyres Diaconus Cardinalis Albanus.

AD probandam B.Catharinæ de Ricciis Monialis ex Ordine S. Dominici excelsam Sanctitatem nullum majus haberi potest testimonium quam ipsemet Servator noster Christus Dominus, qui eam datâ dexterâ & annulo Sponsæ nomine appellavit, disjunctis a Cruce brachiis fuit amplexatus, & acerbissimæ Passionis suæ Stigmatibus insignivit. Tantis motus argumentis dignissimum duco, ut præclaræ Virgini, quæ jam plaudentibus Angelorum Choris ad Sponsum evolavit, modò SANCTITATIS VESTRÆ Decreto universa plaudat Ecclesia.

NERIUS S. Eustachii Diaconus Cardinalis Corfinius.

BEATA Catharina de Ricciis Civis mea tantâ Sanctitate præfulsit, ut etiam dum viveret ea fuerit a Pontificibus Maximis, ab illustriori-bus Sacri nostri Collegii Patribus, a Principibus totius Europæ Viris, & quod

quod caput est a sanctis hominibus spiritu cœlesti adflatissimum, non solum oculato testimonio adprobata, verum etiam summa admiratione celebrata: Quapropter BEATISSIME PATER, eam in Sanctorum Fastis describendam esse non dubitanter existimo.

*AGAPITVS S. Agathæ Gothorum in Suburra Diaconus
Cardinalis Mosca.*

C Atharina de Ricciis nondum idonea pugnæ, sed jam matura victoriæ ostendit cursum ætatis vincendum in se fuisse festinatione virtutis. Hinc perfectionis fastigium quām citissimè concendens, unguentorum suorum ita longè latèque diffudit odorem, ut sanctum Philippum Nerium ex Urbe, quin Urbem desereret, ad se traxerit, dulcesque secum sermones instruxerit. Ubi verò dulci Angelorum concentu, supervenientæ jam mortis prænuncio, facta est Civis Sanctorum & domestica Dei, vedit sancta Maria Magdalena de Pazzis qua celebritatis pompa, quoive gaudiorum imbre perfusa in perpetuas introjerit æternitates. Quæ igitur Sanctorum testimonio probata fuit dum viveret; quæque plurimis effulget signis post mortem, hanc BEATISSIME PATER, inter sanctas Virgines oraculo Tuo recensere exoptamus.

*CAROLVS MARIA S. Mariæ in Porticu Diaconus
Cardinalis Sacripantes.*

B Eatæ Catharinæ de Ricciis satis equidem est habere heroicæ suæ Sanctitatis in terris, & gloriæ in Cœlis Assertores & testes luculentissimos sanctum Philippum Nerium, & sanctam Magdalenam de Pazzis, necnon Te ipsum BEATISSIME PATER, qui divino proflus consilio judicium certum daturus es, quod ab unoquoque nostrum est expectandum. Itaque non intexo præconium splendidissimæ vitæ, neque recenso præclarissima miracula, sed Tibi gratulor BEATISSIME PATER, qui tam ardentem lampadem inter ceteras in Domo Domini collocabis: Gratulor Dominicanæ Familiae & Genti de Ricciis tanto decoratis ornamento: Gratulor denique toti Orbi christiano, cui licebit venerari in terris præclarissimam Virginem, quam viventem Jesus elegerat sibi Sponsam & annulo suo subharraverat.

MARIUS SS. Cosme & Damiani Diaconus Cardinalis Bolognettus.

I D unum BEATISSIME PATER, pro tantæ solemnitatis corona, pro amplificanda Ecclesiæ gloria superesse videbatur, ut unâcum Martyris Confessorumque celebritate, aliqua sacra Virgo afferretur in lætitia & exultatione, & adduceretur in templum Regis Fidelium cultu excipienda.

da . Occurrit propterea sacra Virgo Catharina de Ricciis , quam sancti Philippi Nerii , & S. Mariæ Magdalena de Pazzis probatam fuisse testimoniis , Signorumque coruscare gloriâ dixisse sat est , ut eam inter sanctas Virgines meritò recensendam esse intelligamus ^a : O verè igitur beata Mater Ecclesia quam vincentium gloriosus Martyrum sanguis exornat , quam inviolatæ confessionis candida induit virginitas ! Floribus ejus nec rosa , nec lilia defunt , enumerat coronas vel de virginitate candidas , vel de passione purpureas . Tibi demum BEATISSIME PATER gratulandum quâm maximè , cuius ministerio Ecclesia tantâ circumamicâ varietate resulget.

PROSPER S. Georgii Diaconus Cardinalis Columna de Sciarra .

D Ecreto solemni a Te jam pronunciato de tuto ad Canonizationem progressu B. Catharinæ de Ricciis , post exactam discussionem virtutum & miraculorum patratorum etiam post indultam laudatæ Beatae venerationem , restat BEATISSIME PATER , ut annuere non dedigneris precibus incliti Prædicatorum Ordinis , qui petit , postulat , flagitat adscribi inter Sanctas , ac in sanctarum Virginum Albo collocari B. Catharinam de Ricciis ; & quamquam preces hujusmodi versari noscantur in arduo ac difficili negotio , cuiusmodi est Sanctorum Canonizatio ; at-tamen meritò jureque optimo crederem tutò a Te ad dictæ Beatae Canonizationem deveniri posse . Equidem B. Catharina de Ricciis , quam constat non solùm vitæ sanctitate , sed etiam signis & prodigiis divinis claruisse , si inter Sanctas accenseatur , erit veluti sax clarissima , quæ in edito loco posita Mortalibus omnibus ad perfectionem facem prælucebit : In beata enim Catharina habebunt potissimum Virgines quod imitantur ad castitatem fartam teatamque servandam : Habebunt ceteri omnes quod sequantur , qui si dictæ Beatae vestigia sequi non detrectabunt , brevi culmen heroicarum virtutum attingent , ibuntque mox , ut Propheta inquit , *de virtute in virtutem quoisque videatur Deus Deorum in Sion .*

ALEXANDER S. Mariae in Aquiro Diaconus Cardinalis Tanarius .

B Eata Catharina de Ricciis magnæ fidei magnaue spei & charitatis Virgo ab Angelo visibiliter erudita , ab Angelorum Regina fre-quenter adiuta , a Christo peramanter desponsata , innumeris cœlesti Sponso ornata charismatibus , innumerisque omnium virtutum meritis locupletata , cum Christo constanter vixit , ut perenniter cum ipso regnaret . Jam verò sapientem hanc Virginem feliciter ad Deum vivum per-venisse , in quem cum Regio Psalte cor ejus & caro ejus exultaverunt , & cœlestibus Agni Nuptiis quas ardenter concupiverat , tranquillè frui , clara & approbata miracula manifestant . Quam ergo sancti Martyres &

Con-

^a Beda Serm. 18. de Sanctis .

Confessores in triumphanti Ecclesia immortalitatis æternæque gloriæ sociam habent ; eam quoque in militanti Ecclesia , pari qua ipsi fruuntur Sanctorum gloria & veneratione gaudere , nobiscum videant & lætentur .

HIERONYMUS S. Adriani Diaconus Cardinalis de Bardis.

Coronam quinque Sanctorum quam Altissimi Solio SANCTITAS VESTRA divino afflata spiritu proximâ ac præclarissimâ celebritate formabit , claudit B. Catharina de Ricciis , pretiosa illa Margarita non procul & de ultimis finibus quæsita , sed in propinqua & Sanctorum fœcundissima Matre , Florentina Civitate inventa . Istam virginitate decoram & omnium genere perfectionum longo vitæ curriculo claram Deus insignibus illustravit miraculis , quæ vivens etiam in conspectu omnium Populorum & Principum ita patravit , ut Ecclesia usque tunc certò sciverit , quod Dominus Sanctam suam mirificavit .

Beatam hanc igitur Civem meam lætitiam & honorificentiam Populi nostri , super qua Dominus dedit benedictionem , & terra nostra dedit fructum suum , humillimè deprecor Sanctorum Fastis adscribi , ut quæ triumphantis Ecclesiæ gloriam novis titulis augebit , ita militanti patrocinium adaugeat & columen .

DOMINICUS SS. Viti & Modesti Diaconus Cardinalis Ursinus.

BEATISSIME PATER . Infallibili Sanctitatis Vestrae judicio divarum Virginum Fastis adscribenda meritò est beata Catharina de Ricciis : Ista enim verè Virgo sapiens & una de numero prudentum usque ab adolescentia sua oculos avertens , ne respicerent in vanitates & insanias falsas , assidua heroicarum virtutum exercitatione perennem dedit suavitatis odorem : Hinc Angeli Custodis aspergu & sermonibus frequentissimè recreari promeruit , Deiparam Christumque Dominum vel colloqui , vel amplecti , in admirabiles Ecstases rapi , sacris Stigmatibus imprimi Quid plura ? Si ejus Sanctitas ex ipso divi Philippi Nerii , ac S. Mariæ Magdalena de Pazzis testimonio jam satis abundè est comprobata ? Accipiat igitur de manu tua BEATISSIME PATER , in terris coronam gloriæ , quæ jam de manu Domini recepit in Cœlis Regnum decoris & vitæ .

ANTONIUS MARIA Pallavicini Patriarcha Antiochenus Affistens.

Sanctiores Virgines alacriori virtutum studio æmulata Catharina de Ricciis a divino Sponso eisdem meruit charismatum donis locupletari . Ab ipso etenim desponsata , Redemptionis signis transfixa , Puerumque Jesum a Deipara in sinum excipiens , Dilectum suum ad se conversum , ac sua inter ubera commorantem lætanter gloriata est . Admirabilis

lis insuper ejus Sanctitas divi Philippi Nerii, & S. Mariæ Magdalena de Pazzis testimonio comprobata, plurimis illustrata prodigiis jure expostulat, ut solemniori ritu novum beatæ Catharinæ decus accedat.

THOMAS Cervini Patriarcha Hierosolymitanus Assistens.

BEATA CATHARINA de Ricciis, quæ Virginitatem perpetuò illibatam servavit; quæ Deum semper in corde habuit, semper in ore, semper in opere; quæque Christo ita semper adhæsit, ut illius Passionis ac sacrorum Stigmatum particeps fieri meruerit; verè dici potest Sponsa Christi: Cumque id ipsum plura testentur miracula, æquum est, ut inter prudentes Virgines Christi Sponsas ritu solemnni adnumeretur.

ALEXANDER Borgia Archiepiscopus Firmanus Assistens.

BEATISSIME PATER. Inter electas Virgines quas Deus prædestinavit conformes fieri imagini Filii sui, beata Catharina de Ricciis Florentina Ordinis Prædicatorum adeo enituit, ut hujusmodi conformitatem conceperit mente, concupierit corde, retinuerit animo, exhibuerit corpore, donata a cœlesti Sponso qui eam sibi maturè de legit in hujus perfectæ conformitatis argumentum, exterioribus signis mirum in modum carni ejus impressis. Quod si amoris magnitudinem ex acceptis donis metiri licet, profectò fateamur oportet Catharinam summo amore flagrasse erga Dominum nostrum Jesum Christum, cuius effigiem non in tabulis accepit manu figuratam Artificis, sed in membris carnis suæ de scriptam digito Dei vivi. Grande quidem privilegium & paucis admodum concessum. Fructum hunc illa tulit ex dominicæ Passionis meditatione assidua, qua non solum summopere studuit se illi conformare, cui ex charitate nimia crucifigi complacuit, sed insuper in illum non per martyrium carnis, verùm per incendium mentis ex ardentiissimæ charitatis vi transformari promeruit. Hæc igitur Virgo a Clemente XII. Prædecessore Tuo Beatorum titulis ornata, novis (ut accepimus) a Deo illustrata miraculis a Te BEATISSIME PATER, supremo judicio sanctis Virginibus adscribenda videtur, ac ubique gentium prædicanda & colenda, ut Christifideles ejus exemplo excitati, ejus precibus ac patrocinio adjuti Passionem Domini jugiter meditentur.

FELIX Solarius Archiepiscopus Thebarum Assistens.

Virtutes omnes, quibus vera Sanctitas comprobatur in beata Catharina de Ricciis in gradu heroico floruisse, ex ejusdem Actis satis evidenter apparent. Ipsa namque ab ineunte ætate igne divini amoris accessa. Mundi illecebras invicta fortitudine respuens, in profunda Passionis

sionis Christi contemplatione jugiter defixa, sacra Redemptionis Stigmata & Crucifixi imaginem corpori suo impressam meruit obtinere, dulcissimo Sponsæ nomine a Crucifixo condecorari, & in divinós ejus amplexus admitti. Admirabili etiam charitate, humilitate, patientia, obedientia, Regularis Instituti exactâ observantiâ excellens, continuisque orationibus, jejunii & poenitentiis intenta, effecta est clarissimum christianæ perfectionis exemplar. Hanc igitur Virginem virtutibus omnibus ornatam & dono miraculorum, Prophetiæ & cordium Abscondita penetrandi eximiam, summis Populorum, Magnatum, Principum laudibus exaltatam, & testimoniiis sancti Philippi Nerii, ac S. Mariæ Magdalena de Pazzis pro Sancta habitam, in Fastis pariter sanctorum Virginum supremo & infallibili Tuo judicio recensendam existimarem.

”دَلْمَقْبُرْ حَفْلَا“

لَهُ حَدْمًا حَلَّا فِي مَعْنَى حَلَّهُ حَلَّا وَنَاهِيَ حَلَّهُ حَلَّا حَلَّهُ حَلَّا
وَكُبْرَى مَعْنَى حَلَّهُ حَلَّا وَنَاهِيَ حَلَّهُ حَلَّا . فِي مَعْنَى حَلَّهُ حَلَّا حَلَّهُ حَلَّا
وَهَذِهِ حَلَّهُ حَلَّا مَعْنَى حَلَّهُ حَلَّا لَيْكَمَةَ لَيْكَمَةَ حَلَّهُ حَلَّا . أَحْسَنَ حَلَّهُ حَلَّا
جَمَدَ وَأَبْرَدَ حَلَّهُ حَلَّا كَمَرَ حَلَّهُ حَلَّا نُجَادَهُ حَلَّهُ حَلَّا حَلَّهُ حَلَّا حَلَّهُ حَلَّا
جَمَدَ وَأَبْرَدَ حَلَّهُ حَلَّا كَمَرَ حَلَّهُ حَلَّا نُجَادَهُ حَلَّهُ حَلَّا حَلَّهُ حَلَّا حَلَّهُ حَلَّا
جَمَدَ وَأَبْرَدَ حَلَّهُ حَلَّا كَمَرَ حَلَّهُ حَلَّا نُجَادَهُ حَلَّهُ حَلَّا حَلَّهُ حَلَّا حَلَّهُ حَلَّا

وَهُمْ لَا يَرَوْنَهُمْ لَكُمْ وَلَا هُمْ يَرَوْنَكُمْ إِنَّمَا يَرَوْنَكُمْ مِّنْ خَلْفِ أَعْيُنِهِمْ

Ejusdem Versio latina.

GABRIEL Eva Archiepiscopus Cypri Syrus Maronita Assistens.

Beatæ Catharina de Ricciis Florentina Monialis Ordinis sancti Domini, tam amplis & planè singularibus dum viveret, illustrata a Deo fuit & cumulata charismatibus, ut ex iis certissima admirandæ ipsius Sanctitatis argumenta evincantur. Memoriæ siquidem proditum est, non modò illam Angeli sui Custodis aspectu frui consueuisse, sed etiam Angelorum Reginam seipsam sæpe conspiciendam contemplandamque ei præbuuisse, & Puerum Jesum in quem desiderant Angeli prospicere, in ejus sinu amantissimè collocaisse. Ut verò perfectam quantum hominibus fas est in se gereret Christi Domini imaginem, sacra Redemptionis Stigma-ta sinistro ipsius lateri, manibus, pedibusque, sanguineis quibusdam rutilisque notis suisse insculpta; Spinoso diadema caput ejus transfixum; Crucis denique vestigia tergo ipsius profundè impressa. Tantarum autem Catharinæ virtutum famæ summam adjungunt auctoritatem sanctus Philippus Neri, & sancta Maria Magdalena de Pazzis, qui tam admirabilem illius Sanctitatem non tam celebritate nominis, quam Deo aucto-re perspectam habuerunt. Itaque quam in terris Sancti suspexerunt, quam in Cœlis Angeli, Deipara, & Christus ipse Sanctam prædicavit; eam sanctorum Virginum catalogo adscribi tuto posse sine ulla dubitatione pronuntio.

JOANNES ANDREAS Tria Archiepiscopus Tyri Assistens.

Ante diem legi Compendium vitæ B. Catharinæ de Ricciis huic, Te Præside, Te Judice, augusto Cœtui mihi que ceteroquin opportu-nè communicatum. Legi, inquam, & obstupui admirans quibus virtutibus a puerili ætate fuerit ornata, quibusque donis miserator Dominus ipsam illustraverit. Eo inter alia quod Angeli sui Custodis, & B. Virginis Mariæ colloquiis non perrari frueretur, passim in Deum rapta mirabiles ecstases pateretur, in quibus arcana cœlestia penetrabat; talisque inter Ipsam & Deum erat uniō, ut Deus & Catharina foret quasi unus & idem spiritus, & cum Paulo dicere poterat: *Vivo non equidem amplius ego, vivit autem in me Christus*, Hinc miro quodam splendore micabat, ubi præsertim Redemptionis recolebat mysteria, cuius Stigmatum signa sculpta, & spinoso diadema caput suum largiente Domino transfixum habere promeruit, nec ab acerbissimis Passionis Domini tormentis per duodecim annos fuit immunis. Mirabile est, quod Deipara pronuba ab ipso Redemptore datâ dexterâ cœlesti annulo Catharina fuerit de-sponsata.

Interea

Interea ita de se demissè sentiebat, ut indignam se appellaret, & omni poenarum genere per annos quadraginta & octo se cruciari nunquam prætermisit. Unde fama Sanctitatis Catharinæ, ac Deo auctore commoti S. Philippus Nerius, & S. Maria Magdalena de Pazzis literarum commercium cum ea inire voluerunt. Idem S. Philippus Romæ commorans illius aspectum præsentem cum ea pios sermones habuit, & eadem S. Maria Magdalena, cum Catharina ad Sponsi sui amplexus evolasset; Angelorum gaudio, quo in illa Coelesti patria fuit excepta, se intersuisse narravit.

Tot itaque stantibus, aliisque quampluribus prætermisssis Catharinæ Sanctitatis testimoniis, miraculis tam ante quam post ejus obitum comprobatis, dignum censeo, ut præsignata ejus Canonizatio ulterius non protrahatur.

SIMON Gritti Archiepiscopus Tyanensis Assistens.

BEATISSIME PATER. Beata Catharina de Ricciis divina charitate, quam mirabiliter ab ipso propemodum rationis usu æstuabat, vulnerata, puerilibus amandatis longissimè oblectamentis tumulata quodammodo viva, quod de sancta Melania Romana perhibetur, Mundo vixit tumulata; Angeli sui Tutelaris dignata vel in terris aspectu: Christum quoque Dominum in Cruce pendentem ex Icone a se adoratâ clarè sibi colloquentem meruit audire, & auctioribus deinde cumulari de die in diem cœlestibus donis, quibus in religioso avidissimè suscepto, ac sanctissimè consummato uberrimè coruscavit ditata Instituto. Hujusmodi Angelicam in terris vitam Altissimus multifariè signis & prodigiis testatam voluit ac miraculis comprobavit, ut idcirco tutissimum supernæ gloriæ, qua copiosè Catharinam frui haudquaquam superest ambigendum, SANCTITATIS VESTRAE Decretum universa peroptet Ecclesia, tantæ Virginis adornata fulgoribus, in qua sibi ornamenti statuit ac præsidium,

JOSEPH MARIA Ferronus Archiepiscopus Damascenus Assistens.

IN speculum sine macula, auctorem fidei, & consummatorem Jesum jugiter aspexit^a B. Catharina, posuitque eum, ut signaculum super cor suum & super brachium suum^b, ac fecit secundum exemplar^c. Semper enim mortificationem Jesu in corpore suo circumferens^d, tum interius per nimiam dilectionem, tum exterius per actiones quascumque, veluti totidem lineamenta conformis facta est Sponsi cœlestis imagini, unde non solum decorata fuit coronâ, sed etiam Redemptionis Stigmatibus mirabiliter obsignata ab eo, qui facit mirabilia magna solus. Eximiam itaque tantæ Virginis Sanctitatem Apostolicæ hujus Cathedræ te-

G g g

stimonio

^a Heb. 12. 2. ^b Cant. 8. ^c Exod. 25. ^d 2. Cor. 4.

stimonio censeo rite cōprobandam. Juſtum eſt enim, ut quæ vitæ ac Dominicæ Passionis fuit imitatrix affidua, exaltationis & gloriæ particeps quoque efficiatur.

JOANNES FRANCISCUS Stoppani Archiepiscopus Corinthi Assistens.

Felix & verè beata Virgo Catharina de Ricciis, quæ ab ineunte ætate gustavit & vidiſ quām suave ac leve ſit onus Crucis; Seculi namque ſpretis illecebris totam ſe cœleſtium rerum contemplationi, An- gelo Custode ac Duce addixit devotitque, adeoque profecit, ut di- ſpendium putaverit, ſi vel temporis momento ab iisdem divelleretur. Quapropter corpoſe quamvis circa plurima Marthæ exemplo ſæpius diſtenta in obeundis explendisque ſui Ordinis officiis, mente quidem & affectu tanquam altera Magdalena, nonniſi ſuum Iesum & hunc crucifixum effusâ mentis & cordis charitate ſovebat, complectebatur. Hinc eſt quod cœleſtis ille Sponsus, qui adhærentibus ſibi dat gratiam affluen- ter, nedum ſibi conformatem ſacris impressis Stigmatibus reddiderit, ve- rūm etiam dato annulo ſubarrhaverit; Quodque longè latèque diſfufa tot heroicarum virtutum germina uberes quotidie referant honestatis & ho- noris fructus, quorum merces ut in dies augeatur, utque in terris ea, quæ Ancillæ Dei meritis æquè ac signis illustri debetur, reponatur coro- na iuſtitiae, expedire cenferem, B. Catharinæ de Ricciis ab SANCTITATE VESTRA supremos Canonizationis honores eſſe decernendos.

MICHAEL de Palma Archiepiscopus Teatinus Assistens.

IN beata Virgine Catharina de Ricciis ſuaveolet Myſtičus Hortus ſacri Ordinis Prædicatorum, & lætabundus nitescit Ager Dominicus, qui eſt Ecclesia, dum coram Te PATER BEATISSIME, pro ejus Canonizatio- ne demiffissimè instamus. Agitur de Virgine in cuius lampade cleum nun- quam defecit, tot heroicarum virtutum ornata fulgoribus, tot charis- matum cumulata muneribus, tot miraculorum fulgida signis tum comi- tantibus vitam ejus mirabilem, tum pretiosam mortem ſubsequentibus.

Alterius inclytæ Catharinæ (Senensis videlicet) in ea habes ima- ginem, ſive virtutum cumulum ſpectes, ſive cœleſtia dona demiretis. Utraque enim Stigmata Christi portavit in corpore, ut vitam Iesu in carne mortali maniſtaret. Philippus Nerius Catharinam de Ricciis corpore absentem alloquitur: Quid ni Sanctus cum Sancta loqueretur? Magda- lena de Pazzis cum gaudio exceptam in Cœlis, Deo revelante confexit; quid ni Sanctam Cœlorum curia læta fuſciperet? Hinc ſplendent undique in mirabili hac Virgine argumenta & notæ Sanctitatis.

Age igitur PATER BEATISSIME, & opus ex praxi veteri ab Auditori- bus Rotæ inchoatum, quodque Prædeceſſores Tui Clemens XI. Benedi- c̄tus

cetus XIII., Clemens XII. prosequuti sunt, fausto fine digneris perfice-re, beatamque Catharinam de Ricciis ceterarum sanctorum Virginum Catalogo adscribe.

STANISLAUS Poliastrī Archiepiscopus Rossanensis Assisiens.

Quod reliquum tandem **SANCTISSIME PATER**, quid demum ultra deerat, ut sanctorum Virginum adscriberetur in Albo meritissima illa, nobilitate non minus quam Sanctitate clarissima, Catharina de Ricciis Florentiae in Hetruria præstantissima Urbe in lucem edita; quam ut Sanctitas Vestra Spiritus sancti magisterio instructa atque munita; non solum sermone prædicando, sed ad posteriorum saluberrimam instructionem scriptis tuis inditam, Sanctorum numero adscriberet atque referret! Et sanè quidem nam sicuti de perantiqua ac præclarissima illa Catharina sanguine purpurata rutilat Alexandria splendore; & de sua Catharina virtutum omnium Magistrâ congaudet universa Senensis Familia, ac lætabunda postmodum sanctorum Virginum Choris, suam quam genuit appellatione sanctam, jactat se reddidisse Catharinam, illa numquam satis laudata, & a **SANCTITATE VESTRA** litteris & dignitate illustrata, inclyta simul ac famosa Bononia; æquum erat **SANCTISSIME PATER**, ut de sua demum, quam Deo potius, quam Mundo peperit, Catharinâ mereatur Florentia habere suffragia & gaudere triumpho! Et quidem profectò, nam sicuti ceteræ hujus nominis inter Æthereos Virginum Choros, & unaquæque pro modulo suo Sanctitatis laureâ insignita rutilat atque coruscat; Florentina Virgo nemini illarum secunda, & ejusdem nominis decorata vocabulo, quæque ab infantia Angelicæ perfectionis rore perfusa Custodis Angeli meruit gaudere confortio! Quæque tantæ ac tam eximiæ puritatis signaculo, cum pari obedientia & paupertate ac humilitate conjuncta, non modò Deiparam ipsam conspiciendam, contemplandam, colloquendamque, sed Puerum Jesum ab ipsa Deipara in sinu ejus amantissimè collocatum meruit confidenter habere, familiariter alloqui, & pretioso cœlestique annulo datâ dexterâ digna fuit sponsari! Quæque privilegio amoris præcipui ceteris altius Crucifixi dulcissimos & sub nomine Sponsæ obtinuit amplexus, & sacræ Redemptionis Stigmata, aliaque Passionis vestigia in corpore impressa, cum suimet ipsius Redemptionis imagine in suo vultu depicta & repræsentata gestare! Jure dixerim quod tot charismatum dotibus tot Sanctitatis clarissimis argumentis testibusque oculatis, cum miraculorum quibus catholica fides roboratur, & Sanctorum merita comprobantur auctoritate; Catharinæ admirabile nomen Sanctorum adscribatur in agmine, & Virginum excipiatur in gremio.

FERDINANDVS MARIA de Rubeis Archiepiscopus Tarsi Assistens.

BEATISSIME PATER. Pluries de virtutibus & miraculis B. Catharinæ instaurato judicio, pronunciatum. Rursus mandato SANCTITATIS TUÆ redintegrato examine, prolata sententia est. Ita eximiam Catharinæ sanctitatem, sicut aurum in fornace probatum, Deus voluit; & sicut argentum igne examinatum purgatum septuplum. Opus igitur plurimum Pontificum studio antea inchoatum, pro summa qua polles Apostolica auctoritate, solemni tandem Canonizationis Decreto video absolendum.

MICHAEL MARIA Vincentini Archiepiscopus Theodosiae Assistens.

PRÆCLARISSIMAM sanè intuebimur B. Virginem Catharinam de Ricciis, si fortem ultra sexus imbecillitatem oinni in virtutum genere æqualance perpendamus. Verùm inspecta qua mirificè æstuabat in Deum charitate, ac impressis Passionis Christi vestigiis virgineo in corpore, nec non frequentibus cum Sponso Jesu ac Deipara colloquiis, haud mirum est, si addendi Virginem præstantissimam glorioso Sanctarum Cœtui, SANCTITATI VESTRÆ incesserit animus.

NICOLAUS Carafa Archiepiscopus Philippensis Assistens.

GESTA beatæ Catharinæ ita egregia ac in gradu heroico plena virtutum: Ita singularia & cumulata prodigiis: Ita a seculis inaudita, quod unumquodque magnum theatrum orationi meæ præberet, si eam exornandam atque laudandam aggrederer. Super hanc sacram Heroinam adhuc a teneris annis Spiritus sanctus cœlestium donorum, quæ ceteris per partes, ita abundè divitias effudit, ut speciali privilegio Angeli Custodis ab infantia in conspectu ejus visibiliter adstantis, cuius colloquiis fruebatur, decoravit. Quod sanè non obscurum ipsius præclaræ & excelsæ futuræ vitæ fuit indicium, quatenus ipsa in terris degens conversationem suam habitura esset in Cœlis. Ne autem illius innocentiam mundiali contubernio consortioque expositam callidus Aspis aliquando humana contagione attingere auderet, a divo Dominico e seculo in suum Prædicatorum Ordinem non sine divini Numinis singulari vocazione est sublata. Ibi altissimæ perfectionis fundamenta a gratia sanctificante in anima ipsius jam recondita statim incrementum accepere, ut ad Cœlum pertingere totus christianus Orbis aspiciendo admiraretur. Cetera omitto, unum dicam. Illud præclarum vitæ genus, quod sacris Virginibus est commune, contemplationi, orationi, ceterisque piis exercitationibus deditis; tanquam unum necessarium ex Dominico oraculo,

non

non modò ut optimam partem elegit ; sed nihil alienæ salutis omittens , divina charitate in Deum & Proximum flagrans , non minus Mariæ quām Marthæ partes ita explevit , ut Sponsi sui dilecti sacra Stigmata , non in tabulis depicta , sed in proprio suo immaculato corpore deferre mereretur . Hæc cum ceteris amplissimum argumentum mihi præbent sanctorum Virginum Cœtui adscribendam esse ; dummodo SANCTITATIS TUÆ supremum judicium acceperit .

ANTONIUS Fonseca Episcopus Aëfinus Assistens.

NON tantum BEATISSIME PATER , Hetruriæ Urbes , inclyta Prædicatorum Familia , & universus christianus Orbis , verū etiam sanctarum Virginum Coetus , superni Angelorum Chori , necnon gloriæ Dominus B. Catharinæ de Ricciis sublimiores honores flagitant . Sanctæ enim Virgines Catharinam adhuc in terris degentem , ob illibatum candorem , ob singularem prudentiam , ob flagrantissimam charitatem duxere secum ad Agni nuptias ; Angeli tradiderunt illi precandi formam , præcepta virtutum , mysteriorum intelligentiam , ac Dominus amore languentem dulcissimis recreavit amplexibus , sacris Stigmatibus insignivit , & tanquam Sponsam annulo suo subarrhavit . Æquum est igitur ut communia terrenæ & cœlestis Jerusalem vota , mortalibus ac superis plaudentibus impletantur .

NICOLAUS XAVERIUS Santamaria Episcopus Cyrenensis Assistens.

INeffabilis Dei sapientia , quæ miro consilio suis opportunè temporibus cuncta disponit , quo tempore Lutherus ejusque detestabiles Asseclæ castitati maximè detrahebant , inter ceteras Virgines mulierem verè fortem suscitavit in Ecclesia sua B. Catharinam de Ricciis , quæ accincta robore & in spiritu ambulans mirabili victoria carnem perpetua virginitate , Mundum profunda humilitate , Dæmonem eximiis virtutibus superavit . Digna profectò Virgo quam Christus Dominus supernis donis , splendidioribus charismatibus ornatam , Deipara pronuba , cœlesti annulo desponsaret , eamque de Cruce amplexan lo Sponsæ nomine compellaret . Insignem ejus sanctitatem quam in mentis excessu intellexerunt , & vulgaverunt S. Philippus Nerius , & S. Maria Magdalena de Pazzis , testatam nobis abundè faciunt miracula accuratè discussa & plenè probata . Rationi propterea consentaneum videtur , ut præclaram hanc Virginem in Ecclesia colendam Apotolica auctoritate decernas , eamque Christifidelibus Protectricem apud Deum & Advocatam concedas , cuius preces sibi acceptissimas esse Deus ipse affirmavit .

BERNARDUS ANTONIUS Pizzella Episcopus Constantiae Assistens.

Habemus sanctorum Virginum ornamentum ; habemus Virginem diuinis charismatibus illustratam , beatam scilicet Catharinam de Ricciis Ordinis Prædicatorum Sanctimonialem , quæ præcipui amoris privilegio a Deo cumulata , singulari pietate ac solicitudine Deum ipsum diligere semper in deliciis habuit . Sicuti verò elegit Deus ac sibi præelegit in Catharina Sponsam , Columbam , Dilectam , sic Catharinam vicissim Sponsæ fidem , Columbæ innocentiam , Dilectæ pios affectus in eum omni studio atque curâ servasse , monumenta testantur . Habemus Virginem Christo Domino accensis lampadibus occurrentem , færorum Stigmatum honore nobilitatam : Sponsam Christo sociatam : Matri Virgini alloquitam : Habemus denique Virginem miraculis clarificatam , quæ decet demum , ut sanctorum Virginum Syllabo solemni ritu adscribatur .

LUDOVICUS ANTONIUS Valdina olim Cremona Episcopus Hermopolitanus Assistens.

Ecclæsiae militantis veneratione dignissimam , & Senensi Catharinæ adiungendam esse in Sanctorum Catalogo Florentinam Catharinam de Ricciis , nullo modo dubito . Id apertè comprobant Sancti ejusdem Concives Maria Magdalena de Pazzis , & Philippus Nerius ; ambo enim Deo inspirante sanctam animorum confensionem cum illa habuerunt , & litterarum spirituale commercium . Maria Magdalena præterea præsens in spiritu adfuit , quando Catharina triumphans supernam Hierusalem est ingressa , & Philippus Romæ degens , Prati in Hetruria fuit divina virtute quodammodo præsens , ut longo Catharinæ colloquio frueretur . Divinum quoque Sponsum dici potest Catharinam in Sunamitide invitasse , ut de Libano veniret in Cœlum ad coronam : Nam etiam hæc mystica Christi Sponsa in horto concluso Sancti Dominici tota pulchra fuit candore puritatis omniumque virtutum , suavis cœlestium rerum contemplatione , decora rubore pœnitentiæ & Dominicæ Passionis , cujus dolores & Stigmata pertulit in corpore suo , ut olim Senensis Catharina . Illam etiam Christus Dominus dato annulo sibi desponsavit in terris , re vulsis e Cruce brachiis amplexatus est , & coronavit in Cœlis . Sic ergo coronatam splendoribus Sanctorum jubeat SANCTITAS VESTRA venerari .

FABRICIUS Borgia Episcopus Ferentinus Assistens.

BEATISSIME PATER . Opportunius nihil contingere poterat quamquod quatuor sanctitati Virorum publicis decretis honoribus , triumphalis gloriæ comes accedat & scœmina , ut dum in omne hominum genus tam über

über divinæ gratiæ largitio spectanda proponitur, habeat etiam fragilis sexus, unde & incendatur ad pugnam & alliciatur ad palmam. Jure optimo idcirco honores in præstantioris Sanctitatis testimonium institutos B. Virginis Catharinæ deferendos existimo: Illa enim virili plusquam animo, spretis opibus, Mundique blanditiis ac seculi illecebris, se Deo perjucundam hostiam in sacrificium præbuit sub severiori Dominicanæ Familiæ disciplina. Corpus suum in assiduam servitutem redegit, humilitatem cum charitate admirabili cœlestium charismatum nexu conjunxit; tantâque demum spiritualis perfectionis excellentiâ enituit, ut aliis etiam ad eam comparandam dux data, æquè & Magistra divinitùs videatur. Postulant igitur eximiæ hujus Virginis virtutes, postulant superna quibus enituit, dona, postulant edita post Beatificationem signa, ut ejus nominis memoria a Te BEATISSIME PATER, ad ampliorem cultum promoveatur.

NICOLAUS Spinelli Episcopus Aversanus Assistens.

Admirabilis vitæ sanctimonia ac incomparabilis morum probitas beatæ Catharinæ de Ricciis Hetruriæ fines prætergressæ, ita per Italiæ omnem, Galliam ac Germaniam longè latèque vulgatae percrebuerunt, ut omnes in sui admirationem rapti, undique ad eam frequentissimi confluxerint, vel difficillima quæque in rebus omnibus sive corpus, sive animam spectantibus consecuturi: Nec segnis in ejus integerrimam vitam Sunimorum Pontificum diligentia fuit, de quorum imperio omnia ad severissimum revocata examen, nullum dubitandi locum reliquerunt: Quibus si supremum SANCTITATIS TUÆ judicium acceperit, existimarem posse huic eum honorem decerni in terris, quem jam piè credimus coniecutam in Cœlis.

*HIPPOLYTUS e Rubeis Sancti Secundi Episcopus
Senogalliensis Assistens.*

PUlchra permixtio virginitatis & humilitatis in B. Catharina de Ricciis! Porro nil mirum, tot ac tantis divinitùs illam effulsiſſe charismatibus: Stigmatum Redemptionis, præcipue & spineæ Coronæ insignibus donatam fuisse Christo Domino, cuius & vivam quamdam similitudinem exteriori specie expressit atque repræsentavit, cuius colloquiis, amplexibus, osculis, nuptiis tandem pronubâ eadem met Deipara Virgine dignata fuit: nil mirum, inquam, nempe (divo Bernardo teste) non mediocriter placet Deo illa anima, in qua & humilitas commendat virginitatem, & virginitas exornat humilitatem. Quantum verò in utrâque Catharina præstiterit, ejus vitæ Acta, ejus animi sensus, honorum & laudum contemptus, voluntariæ atque asperrimæ corporis afflictiones,

nes, illibatus integritatis candor ad mortem usque servatus, reliquæ item virtutes, quarum omnium humilitas parens est, decor virginitas, gratiarum quoque & prodigiorum splendor atque frequentia luculentè declarant, suoque veluti jure præclarissimam hanc Mulierem Apostolica auctoritate sanctorum Virginum Choro adjungi proclaimant.

*D. PAULVS THOMAS Marana Episcopus Asculanus
in Piceno Assistens.*

Mirum non est BEATISSIME PATER, B. Catharinam de Ricciis humana adhuc corporis contagione gravatam quæsivisse semper ea, quæ sursum sunt, nullo ad terrena depressam desiderio, utpote quæ affe-ctuum nostrorum fontem cor cœlesti temperie constitutum divinitus accepisset. Inde etiam fuit ut Christus Dominus, quem ardentissimè semper adamavit, in ejus Sponsam annulo subarrhayerit, sanguineis ejus signaverit Stigmatibus, ac in extremo vitæ confine tanquam Sponsam electam ad cœlestem coronam angelicis vocibus advocaverit. Congruum itaque existimarem, ut sicuti speciali Dei providentia cum S. Catharina Senensi eodem charismatum genere insignita tam parem in teiris habuit vivendi rationem, ita per SANCTITATEM VESTRAM habeat post mortem similem cultum.

Fr. SILVESTER Merani Episcopus Porphyrien. Assistens.

Beatæ Catharina de Ricciis jam inde ab ipsa pueritia cogitavit quæ Domini sunt, fuit enim in cœlestium rerum, præsertim in Dominicæ Passionis contemplatione per altissimas mentis elevationes, perque admirabiles Ecstases fere semper defixa. Sollicita indesinenter fuit quomodo placeret Deo per assiduum humilitatis & orationis studium, per juges carnis afflictiones, per ferventissimam in Deum & Proximum charitatem. Quare non est dubitandum quin per magnam excellentiam sancta fuerit, uti loquitur Apostolus, corpore & spiritu. Et sanè arbitror non sine divino consilio solemnem illius Canonizationem ad hoc usque tempus suisse dilatam, ut nimirum præstantissimæ Virginis virtutes, quæ omnes implent numeros, SANCTITATIS VESTRÆ par judicium exornaret.

*MARCUS ANTONIUS Amalphitanus Episcopus Ortonen.
& Camplen. Assistens.*

BEATISSIME PATER. Inter alias stellas innumeras, quæ sacri Ordinis Prædicatorum Cœlum exornant, una profectò est B. Catharina de Ricciis, quæ virginitatis lilyum illibato semper candore custodiens, charitatis erga Deum & Proximum, humilitatis, obedientiæ virtutumque

que omnium fudit odorem. Hæc Virgo illam, quam hausit a lustrali fonte innocentiam, moribus usque ad ultimum vitæ spiritum retinuit. Seraphicæ Catharinæ Senensis Sectatrix & gratiarum Socia, nedum Angeli Custodis familiaritate & colloquiis, sed Christi Jesu in quem desiderant Angeli prospicere, promeruit aspectum. Hunc cœlestem Sponsum quem ab infantia dilexit, anima illius charitate perfectâ tenuit, nec unquam dimisit. Ipsa dilecto suo & dilectus illi, qui faciem suam ei ostendere, sæpius illam alloqui atque amplexari: Datâ dexterâ ac cœlesti annulo eam despōnare: Sacra Redemptionis Stigmata & Crucis vestigia in ejus virginico corpore imprimere: Spinosum Diadema capiti transfigere, aliaque divini amoris signa præclara ostendere dignatus est. Sublimibus charismatibus cumulata propheticō lumine meruit illustrari, cordium secreta funditus penetrare, nec defuere admirabiles Ecstases, quibus per dies integros sensibus destituta, & in aera quandoque sublata unicè cum Deo conversabatur. Sacræ hujus Virginis heroicas virtutes & admirabilem sanctitatem incomparabiles Viri dignitate conspicui probarunt, ac supra omnes divus Philippus Nerius, & sancta Maria Magdalena de Paz-zis tunc coævi intellexerunt & admirati fuere. Æquum igitur erit, SANCTITATEM VESTRAM exorare, ut discussis & approbatis virtutibus, ac discussis pariter & approbatis miraculis, eam in Catalogo Sanctorum Virginum dignetur adscribere.

ANTONIUS Cantoni Episcopus Faventinus Assisiens.

Divitias misericordiæ & bonitatis suæ in B. Catharina de Ricciis ostendit Deus, qui complexam ineffibili charitate & sublimioribus charismatibus cumulatam, quasi Sponsam ornatam coronâ, & decoratam monilibus suis annulo suo subarrhavit. Quam porro dum viveret in deliciis habuit, nunc in gloria miraculorum manifestare dignatus est, ut tuum sit BEATISSIME PATER, induta virtute ex alto, hanc ponere in lucem & lætitiam Plebis suæ, quam exemplis provocet, & foveat auxiliis,

CÆSAR Bonajuti Episcopus Pharenſis Assisiens.

Speciosa est inter filias Jerusalem Catharina de Ricciis, quæ maximum semper Sanctitatis præbuit argumentum. Hæc verè virginitatis florē a Deo traditum intactum servavit, nullam unquam habuit maculam, neque rugam, sed semper in fide, in spe, in charitate incorrupta permanit. Habuit Sponsum non terrenum, sed eum qui in Cœlis est, eum qui super omnem Principatum & Potestatem, qui super Cherubim sedet, non solum Sponsum sed amatorem omnium hominum ardentissimum & speciosum præ filiis hominum.

Meretur igitur BEATISSIME PATER, hæc Virgo sapiens & una de
H h h nume-

numero prudentum , ut in Altare aureo ante oculos Domini collocetur , atque in cœlesti Sanctuario & ipsa ad ornamentum omnium Sanctorum , in quibus Dominus requiescit , recenseatur .

PAULUS Bonavisa Episcopus Spoletinus Assistens .

BEATA Catharina de Ricciis est illa Virgo sapiens & una de numero prudentum , quæ meruit intrare ad nuptias Domini sui : Oleum namque devotionis semper conservavit in lampade sua , & solicite quæsivit Sponsum suum attentèque ambulavit in viis ejus : Etiam in viis asperis secuta est illum , cum paupertate , vigiliis , inedia aliisque pœnis se conformari Cruci Christi ferventissimè fategit : Unde meruit mirabiliter portare crucem Domini sui , & coronâ ejus spineâ coronari , pluribusque aliis donis cœlestibus cumulari , quibus mirificè ornata servidè aspiravit intrare ad gaudium Domini sui jugi amore languens . Exaudivit Dominus preces dilectæ suæ , posuitque in ea thronum suum , & in habitaculo cœlesti facit illam habitare , signisque miraculorum nobis ostendit in choro sanctorum Virginum adscriptam , ut ejus memoria etiam recolatur in terris .

MARIUS Maffei Episcopus Fulginas Assistens .

AD Christum Dominum in Cœlis , cujus vices tanta pietate geris in terris BEATISSIME PATER , hodierna luce conversus non immerito dixeris , *Domine dilexi decorem Domus tuæ* : Ubi namque militantem Ecclesiam & Martyris sanguine & Confessorum virtutibus illustrasti ; ne quid postremò deesset quod posset decorem ejus augere , hodie in Catharina de Ricciis virginitatis etiam honore eandem amplificabis . Per Te igitur BEATISSIME PATER , aderit Regina a dextris divini Sponsi in vestitu sanguine Martyris deaurato , & circumdata varietate virtutum atque concupiscet decorem ipsius , quoniam post tot præclaros sanctitate Viros adducetur hodie Catharina in Templum Regis^a , *cum angelica virginitate , altissima humilitate , sublimissima charitate* . Talium unguentorum odore Catharina ad se traxit Philippum Nerium dum viveret . Talium virtutum copiâ tantam sibi gloriam comparavit in Cœlis , quantam Magdalena de Pazzis enarrare vix potuit in terris . Èdem signorum claritate Catharina de Ricciis coruscat , quæ ut in sanctorum Virginum Albo recenseatur , tuum modò Oraculum BEATISSIME PATER , præstolatur .

GUIDO Ursellus Episcopus Cesena Assistens.

EA est Catharinæ de Ricciis Florentinæ, lectissimæ Virginis, atque sanctissimæ cum Senensi illa morum vitæque similitudo, ut nisi Temporum, Patriæ atque cognominis per quām diligens ratio habeatur, una eademque videri possit. Utraque enim ex sacra Prædicatorum Familia, jam tum ab infantia castissimo Virginum Sponso conjuncta, dici non potest quanto divini amoris igne æstuaverit. Ceteris verò virtutibus sic abundarunt, ut hortulus ille conclusus meritò dicendæ sint, non floribus modò, sed fructibus quoque dulcissimus refertissimus honoris & honestatis. Dignæ propterea quas cœlestis idem Sponsus divinorum charismatum, prophetiæ nimirum, discretionis spirituum, ecclastum fonte largissimo rigaret, rutilisque facrorum Stigmatum insculptis notis in maximi amoris argumentum quodam quasi signo suo communiret. Utramque tandem ad æthereum thalamum in quo Rex Regum stellato sedet Solio, evectam esse, miracula ipsarum mortem consecuta satis aperte demonstrant. Reliquum igitur est unum BEATISSIME PATER, ut quod de Catharina Senensi gravissimo Pij Secundi judicio declaratum est, id de Florentina quemadmodum universa christiana Respublica vehementer exoptat, infallibili testimonio a SANCTITATE VESTRA declaretur.

HYACINTHUS de Silvestris Episcopus Nepesinus
& Sutrinus Assistens.

INCOEPTUM jamdiu opus per plures Romanos Pontifices de B. Catharina inter Cœlites recensenda, credo divinitùs factum, ut perficiendum tandem in hoc tempus recideret, quo Tu catholicæ Ecclesiae præs BEATISSIME PATER, cuius in hisce pertractandis rebus diu noctuque versati, pro ea qua polles scientia pene incredibili, exploratissimum est judicium. Siquidem in hac causa minimè ambigendum puto: Tot enim virtutum omnium, quæ in eminentiori gradu adornandam illustrandamque Virginem inter se veluti conspirarunt, tamque præclara nobis monumenta, tot insuper Virorum Principum de admirabili ejus vita testimonia supersunt, & quod plus est Philippi Nerii & Mariæ Magdalænae de Pazzis, quorum memoria in benedictione est, quosque proinde commemorare decet; ut æquum omnino appareat, illam, veluti unam de numero prudentum, in sanctorum Virginum Tabulas publicè venerandam referri.

ÆGIDIUS Isabelli Episcopus Alliphanus Assistens.

BEATISSIME PATER. *Scit omnis Populus, qui habitat intra portas Urbis,* idest militantis Hierusalem, Catharinam de Ricciis fuisse virtutis tam eximiæ, ut Mulierem fortem sciscitanti obviam sit Fœmina illustris, cuius heroicæ virtutes plurimæ animique dotes excelsæ adeo placuerunt cœlesti Sponso, ut eam in propriam agnoscens atque Crucis & plagarum suarum Stigmatibus obsignatam, innumeris propemodum cumulaverit donis, atque stupendis miraculis sat reddiderit præclaram: Oportet ergo, ut per medium SANCTITATIS VESTRÆ supremi Ecclesiæ Vigilis & Pastoris, idem Populus nunc sciat pergrandes ei cum Sanctis decretos fuisse honores, ut quam tot meritis undique onustam, divinisque charismatibus tam liberaliter locupletatam, jam semper fuit admiratus, humillimis jugiter frequenter obsequiis, quæ ad calcandas arctissimas virtutum semitas universum aliarum Virginum Cœtum fortiter & suaviter excitent.

JOANNES ANTONIUS Bacheloni Episcopus Anagniæ Assistens.

IN lucernis Tuis PATER BEATISSIME, mystica hæc Jerusalem jam scrutata est: Beatæ etenim Catharinæ de Ricciis nobilis Virginis Florentinæ, vix natæ & a Deo præordinatæ, Constitutiva Sanctitatis juxta eas, quas de Canonizatione Sanctorum inoffenso decurrentas pede, maximi nominis Doctor jamdiu absolutissimas dedisti Regulas, ita probata manent, ut nil superflit quominus ea, quæ hactenus Te Auctore & tam claram præbente facem, peracta sunt, Te etiam Pontifice Summo definiente & declarante impleantur. Agnosce ergo BEATISSIME PATER, hanc Ovem: Ovem hanc tuam, jam divi Philippi Nerii, jam divæ Mariæ Magdalenaæ de Pazzis, jam virtutum & miraculorum testimonio comprobatam; quin imò ab ipsomet cuius geris vices, supremo Pastore vocatam & electam; electam sibi in Sponsam, electam in deliciis, suisque Stigmatibus signatam: Agnosce, inquam, hoc vas electionis charismatibus omnibus abundans & superfluens; & divino illo qui semper Pontificiæ Cathedræ præsto est, spiritu afflatus hac tam prudenti, tam Deo & Proximo sollicitâ, & lampadibus tam plenis paratâ de quinque Virginibus Virgine, quintum Divum Canonizationis solemniis, quæ tanto studio tantaque assiduitate disponis, adde & comple: Novum Hetruriæ opportuno tempore mitte præsidium: Obsecranti Prædicatorum Ordini novum decus: Et Pontificatus Tui augustissima & intemerata monumenta auge, atque æternitati commenda BEATISSIME PATER.

FRAN-

*FRANCISCUS ANTONIUS Spadea Episcopus Aquinas
& Fregellarum Assisien.*

BEATISSIME PATER. Non splendet tot stellis Cœlum sicut inclytus Prædicatorum Ordo tot syderibus fulgentissimis Sanctorum utriusque sexus ornatur. Horum duo inter cetera nobis contemplanda se offerunt. Unum scilicet Catharina Senensis jamdudum Sanctorum Fastis adscripta, alterum Catharina de Ricciis Florentina a diuturno domicilio Pratensis postremò inter Beatas adjuncta. Duo hæc luminaria ita æqualiter inter se lineata, & a divinâ gratiâ elaborata noscuntur, ut unum potius, quam duo sint dicenda. Utraque enim a teneris usque annis præventa fuit in benedictionibus dulcedinis, atque ad summæ Sanctitatis apicem elevata, & utraque eodem charitatis igne succensa divinis charismatibus apparuit repleta. Quid enim virtutis in una præluxit, quod in altera desiderari queat? Non humilitas totius sanctimonie fundamentum, non patientia in adversis, non pœnitentiæ rigor, non altissimæ contemplationis munus, non prophetiæ spiritus, non discretio spirituum, non scrutatio cordium, non miraculorum multitudo: Ambæ æquali sorte ab eodem Sponso Jesu Corona Virginum, pronubâ ipsâ Deiparâ pretiosissimo cœlesti annulo desponsatæ, ambæ sacris Stigmatibus insignitæ ac spineo redimitæ diademate, ut vivæ essent Sponsi patientis imagines, & cum Apostolo dicere possent: Christo confixa sum Cruci & Stigmata Domini Jesu in corpore meo porto. In hoc tantum differre videntur, quod Senensis ætatem Sponsi tantum æquaverit: Pratensis verò dupliciter vixerit, sed hoc in augmentum meritorum istius cessit, ut ejus virtus tamquam aurum in fornace diu probaretur, & ejusdem Sanctitas inter morbos & voluntarias corporis afflictiones tam longè protractas plus nimio augeretur. Restat igitur BEATISSIME PATER, ut si- cut Catharina Senensis Canonizationis honore decorata fuit, ita & altera Catharina de Ricciis Florentina Pratensis a Sanctitate Vestra in Album describatur Sanctorum, ut hoc lucis orto sydere magis resplendeat catholica Ecclesia, & sacratissimus Prædicatorum Ordo mirabiliter illustretur.

LEO LUCAS Vita Episcopus Oppidensis Assisiens.

BEATISSIME PATER. Inter cetera præcipua dona, quibus Altissimus cumulavit B. Catharinam de Ricciis, illud memoriæ proditum est, quod cum ferventiùs oraret, Deipara Virgo se conspiciendam præbuerit, Puerum Jesum in ejus sinu amantissimè collocaverit, & ab ipso Redemptore annulo suo fuerit desponsata, quod sufficit ad ejus solemnem Canonizationem. Cum enim desponserit eam Christus Dominus, etiam coro-

coronam gloriæ recepit ab eo , quæ cum sit corona justitiæ , necesse est , ut bonum opus præcesserit , & quod fuerit ex quinque prudentibus Virginibus , quæ sumpserunt secum oleum cum lampadibus . Evidem bonum opus operata est B. Catharina de Ricciis , virtutum omnium , scilicet profundissimæ humilitatis , charitatis eximiæ , obedientiæ aliarumque , præcipue verò virginalis integratatis , qua fidem Sponso ad mortem usque illibatam servavit . Cum igitur Christus Dominus sibi Sponsam elegerit , eique dederit coronam gloriæ in Cœlis , SANCTITAS VESTRA solemni ritu declarare dignetur in terris . Hæc autem omnia supremo ac infallibili iudicio tuo BEATISSIME PATER , libenter submitto , qui Petri Cathedræ insides quique scientiarum omnium , præcipue verò in historiis Servorum Dei & Canonizatione Sanctorum principem locum tenes .

SCIUM ILUMURI AT .



Lumura Caterinæ tæ Riccevet Eberz vasc e Kalogree e sceitit Domenikæ , gnera saa roi mbaiti fert , fakienæ , e scemæliynæ atsn ɔoti Kyè Kriivoi , me pastriminæ esaayæ . Pashisi , eumændua saa mænbi tæ scæmæteneg ede ɔotit Chrisdæ Kyæ na scpræblei me vet mundimet etiy . Ma pte me fukiynæ esay nanc mundi tæ Kiscktae te Mažæ hiir . Yia žuroi vet Chrisdæ ɔotsn me scegnet e mundimævet kya itiposi mbæ tæ kriominæ Kufomæ tæ esay . Ažà gnæ vasc asctù ekriuræ , asctù e munduaræ , eže kakæ scium edæsciuæ caa ɔotsn , eže ascti e nderturæ me scium scegne tæ sceitæ riis . Isct e ggiiggsæ tæ ndeersc eže ti scium Ilumuri At . E tæ scruasc embrin esaay me tæ tierat scietæra vascia . Asctù se tæ yeet , embri e sa mažes sciet Katerinæ kaa Siena , eže ay i esay , kiæ isct caa Fio- renza .

Josefi Schirò Arçbiscupu i Durrsit , eže Vicar
Apostolycu i Hymarrs ndæ Arbænit .

Eiusdem Versio latina .

*JOSEPH Schirò Archiepiscopus Dyrrachinus olim Vicarius
Apostolicus Cimarrae in Epiro.*

BEATISSIME PATER . B. Catharina de Ricciis candidissima Virgo & Monialis Ordinis Prædicatorum , per admirabilem totius vitæ suæ innocentiam summi Dei Creatoris imaginem & similitudinem ad mortem usque perfectissimam servavit . Egit quoque omni conatu omnique adhi-

adhibita industria, uti decebat dilectissimam Sponsam, ut fese etiam Deo Redemptori & in carne passo simillimam redderet; sed quod illa tentavit per austerrissimam diuturnamque pœnitentiam & non est asse-
quuta, non sine stupendo dilectionis artificio divinus ipse Sponsus per-
fecit, imprimendo scilicet in ejus virgineo corpore singula pretiosa Re-
demptionis nostræ signa ac vestigia. Virginis igitur innocentia & pœnitentia,
tantisque miraculis & eximiæ Sanctitatis ornamenti condecoratae,
æquum censeo, ut etiam sancta Mater Ecclesia coronidem addat. Ac per
os tuum loquente divino Numine BEATISSIME PATER, magnæ in sancta-
rum Virginum Tabulis, ubi Catharinæ Senensis nomen, etiam Florenti-
næ adscribatur.

Alia ejusdem Archiepiscopi Versio Græca.

ΜΑΚΑΡΙΩΤΑΤΕ ΠΑΤΕΡ.



Οσία καὶ πανάμωμος παρθένος Αἰκατερίνα ἡ Ρικκίς, ἡ
ἀσπιτικῆς μοράζεται ὑπὲ τὸ κανόνα σὲ τῷ Ἰεροχερύκον κοινᾶς
λεγομένης τάξεως, τῇ μὲν Θαυμασῇ τῇ βίᾳ καθαρότητι πε-
λαιοτάτην ἐπέρηνε τίστε εἰκόνα, Εὐσπλάσιον τῇ ὑπερτάτῃ Θεᾶ
καὶ Κτίσις μέρες θανάτου, πάσῃ δὲ απεδήπει καὶ ὄπιστελέα,
οἷς ἔοικε φιλάτη Νύμφη, πήγανίστα πάντιν καταστίνας ὁμοο-
τάτιν τῷ Λυρεωτῇ, ὀσαύτως καὶ ἐν σπερμὶ παθόντι Θεός. Αλλ’ ἐπιθέντος, καὶ
ἄντι μὲν λίαν ἐπιφερότο, διὰ μανιφερτάτην διλεκτεῖς τε σκληραγγίας τῷ σώ-
ματῷ, θητυχαῖν δὲ γὰρ ἱδιάζεται, τῷ δὲ διέστρεψεν ἀπός οἱ ἐπιφερόντος Νυμ-
φίος Θεός, καὶ δὴ γὰρ χωρὶς ἀκετικῆς, καὶ φεραδόξες τῆς ἀγάπης φτερίας
ἐγχαράξας μηλαδὴν εἰς τὸ ταύτης παρθενικὸν σῶμα πάντα καθέκασον, τὰ τῆς
ἡμέρης σωτηρίας ἀπολυτέωσες στήματα καὶ σπεῖδα.

Παρθένῳ γάντι ἀκίνῳ καὶ ἐν διενῇ αὐσκησι διαγαγόσῃ, ἵτι δὲ καὶ τη-
λικέταις τῆς ἀκρεας ἀγιωσώντης περοχίτε καὶ σπινεῖσις κοσμεμένη, δίκαιον σίμαι
καὶ τὴν τῇ Εκκλησιαν Μητέρα ὄπισθένται τὸ πορφονίδα· καὶ διὰ σόματός σκ
τε Θεῷ λαλεῖντος, Μακαριώτατε Πάππε, εἰς τὰ τῷ ἀλλων ἀγίων Παρθένων
ἰερὴ δίπτυχα, ἐνθα τὸ δὲ ἐκ τῷ Σεναντίου χώρας Αἰκατερίνης μέρα ὅρμα, καὶ
τὸ τῆς ἐκ τῆς Φλωρεντίας ὁμοῖο Μεραρέην.

Ιωαννὸς Ιερουσαλημος Αρχεπίσκοπος Δυέρεχίας, καὶ Πάλαι
Αποστολικὸς Βασιλικός τῆς ἐπαρχίας τῆς γε-
μάρρας τῆς ἐν τῇ Ηπείρῳ.

ՈՒ Շ ԵՐԱՄՐԵՎԱՂԹԻ ՀԱՅՈ ԵՐԱՆԵՑԵԱԼ:



ՈՐԺԱՄ ՄՏԱԾԵՄ զ’ ՔԱԴՄՈւԹԻ ԱՉԱՔԻՆՈւԹԵՐ ,
և ԱՐԱՆՀԵԼԱԳՈՒԾՈՒԹԵՐ՝ որք են՝ իվերքան՝ զգութեի , որովք զարդարեաց ՄԻՒՆ մեր՝ զ’ Կրոյսն
Դրատարինէ ԸԵԽԾԻ ՓԼՈՐԷԽՍԱԳԻՆ : ԱՉԱՖԱՄԱՅՆ
ՄՏԱԲԵՐԵՄ զ’ ՇԵՐԱԿՈՎԱԿ ԱՐ ԺՈՂՈՎՌ այս՝ որ
համագումարեցել եղիւ ի՛ քաղաքն ՓԼՈՐԷԽՍԻԱ ,
որով և միաբանեցաւ ԱՉԲՆԵԼԵԱՆ ԷՇԿՂՋԻՆ , և
մանաշանդ ԱՉԳԻՆ ՀԱՅՈԳ՝ ԸՆԴ ԱՉԲՆԵՄՏԵԱՆ ԷՇԿՂՋՎ : ՅԵՐՈԵՄ
ԺԱՄԱՆԱԿԻ որ Կրոյսն կատարինէ՝ զառեցեալէր բորբոքմամբ ջանանցողութե՝ ի փրկութի կենդանի մեղաճորաց , հերետիկոսաց ,
և անհաւատից , և ևս տանջեցեալ հոգւոցն հրով քաւարանի ,
և եր պատրաստ յօժարապն կրել՝ զամ տանջանս աակս փրկութենցին : ԱՎԱՆ որոյ՝ ով կերերանելի Հայր ԱՐԵԳՆ ես կարծեմ
համանկատական կարծեօք , Զի մինչ զրիցես ի՛ հաշուարանի ոքց
զանունն երանելոյ Լիուսիս այսորին ՓԼՈՐԷԽՍԻԱՅԼՈյ՝ զօդուտս
մէծամէծս ընձեռես ԱՉԲՆԵԼԵԱՆ ԺՈՂՈՎՐԾՈԳ : Քանզի յուսամ թէ
զի շարժեսցին ըսդոււսակ աղօթիւք սորին առ ի՛ համընդունիլ զայն
ամ , զոր հրամայելէ այս որ ժողովն = ԵՇ զլացողքն դոլոյն քաւարանին՝ դասնայցեն ՚ի կամակոր կարծեաց իւրեսնց՝ առ ի՛ հսազանդասին ստորադրել շմբռութե :

ԱՄԱՐԴԻՍ ԱՉԼԵՐՍԱՆԴՐԵԱՆ ԱՉԱՔ ԵՎՈՒԿԱՊ
ԼԵՆԱՐԻՈյ Լիապագովկեան , ՀԱՅՈԳ :

Ejusdem Versio latina .

SERGIUS ALEXANDRI Armenus Archiepiscopus Cesaree Cappadociae .

DUM Florentinam Virginem Catharinam de Ricciis cogito tot tantisque virtutum & miraculorum donis a Deo insignitam , in mentem mihi venit celeberrimum illud Concilium in Florentina Urbe celebratum , in quo Orientalis Ecclesia & præsertim Armenia Romanam fidem professæ est . Catharinæ charitas tam erga viventes Peccatores , Hæreticos & Infideles , quām erga solutas corporibus animas in Purgatorii pœnis existentes , tanta erat tamque eximia , ut se ad quælibet pro illorum salute tormenta libentissimè Deo offerret , & voluntarios proprii corporis animique cruciatus pro eorumdem beneficio dicaret . Itaque
e re

ere Orientalium meorum fore censeo, ut hanc Virginem Florentinam Sanctorum Fastis SANCTITAS VESTRA adscribat; quo fieri ut ejus precibus & sacra illa Synodus animis Orientalium insideat, & qui fuerat ibi damnatus, negantium Purgatorium error radicitus extirpetur.

STEPHANUS Evodius Assemanus Archiepiscopus Apameæ.

Si bi^a uni viro BEATISSIME PATER, despondit Christus Virginem castam B. Catharinam de Ricciis Monialem Professam per illustris Prædicatorum Ordinis. Hæc verò^b cogitavit quæ Domini essent, ut esset Sancta corpore & spiritu^c, vas suum possideret in sanctificatione & honore^d, sibique abesset gloriari, nisi in Cruce Domini Jesu Christi, per quem sibi mundus crucifixus erat, & ipsa mundo^e. Christo confixa Crucis vivebat, jam non ipsa, vivebat verò in ea Christus, cuius^f Stigmata in corpore suo portabat, quia^g fortis est ut mors dilectio. Ubi autem dilectum suum invenit Virgo prudens^h, tenuit nec dimisit, donec ipsam introduceret in æthereum thalamum. Cui itaque Miraculorum claritas cum omni virtutum laude consonans testis adfultit, id unum superest ut eam BEATITUDO VESTRA sanctorum Virginum Sponsarumⁱ, Episcopo animarum nostrarum Christo charissimarum Catalogo accenseri decernat, atque præcipiat.

ПреъсФИИЦИТЕ ПЪРНТЕ.



РНВЛЕГІУМЪЛЬ че Сф҃нтуль Францискъ аз азътъ, де Семнеле Днъулахъ Іс; ѹнь трупъль 38 аз пуртать; ачеста Днъзбъ а доаш Катаринъ, днънъ Чннъль Сф҃нтулахъ Доминикъ Фечоаре десъбще аз фзкътъ. У нъ днънъ Синна, ши ченъ днънъ Флоренциа, къз амъндоасъ ла Ізъни, ла пнчоаре, ши ла нннмъз сфиителе ране ал: Ізънъ тунторюлахъ постръ де дъмнезълака путере 3пате аз пуртать. Че ча д лъ Флоренциа къ ачеста аз ѹнтрекътъ, ка спиноаса Кънънъз ѹнъз капъ ши оурма кръгънъ ѹнь спате тнпзрнте съле пшарте. Іннуннатъ ачестъ ачестънъ рѣстнгнть нкоанъз, аша вине ѹнь трупъ ши ѹнь съфлеть нзводнгъ, чине съвъ ѹндонъ, къ ѹнтръ Сфиителе Фечоаре Сфиинчіа та асо нъмъръ наин путеъ? ѹнтра къріа ла ѹнпзръціа чесюлахъ лягъз, ши кнпзлахъ Фијолахъ ляхъ Днъзбъ азъмънатъ, бирънре, ши Сф҃нта Іларіа Магдаліна

1 i i

ДЕЛА

^a 2. Cor. 11. ^b 1. Cor. 7. ^c 1. Thess. 4. ^d Gal. 6. ^e Gal. 2. ^f Gal. 6.
^g Cant. 8. ^h Cant. 3. ⁱ 1. Petr. 2.

деля Паце лнкъ лнъ віацъ фїнндъ , Днзз8 ашà рїндѹндаь , де
фацъ афн фостъ съ мзртѹнсеиже .

Іоанъ Ін: Клєїн Епнскопъ Фзгзрашн.

Ejusdem Versio latina .

JOANNES Innocentius Episcopus Fagarasienis.

Quod sancti Francisci privilegium fuerat , ut Stigmata Domini Jesu in corpore suo portaret , hoc Deus duabus Catharinis Ordinis S. Dominici Virginibus commune fecit , Senensi nimirum & Florentinæ , utraque enim ad manus , pedes & cor sacras Redemptoris cicatrices divina virtute insculptas gessit . Sed Florentina Virgo id præ ceteris singulare habuit , ut spinosum diadema in capite & Crucis vestigia in tergo impresa portaret . Admirabilis hæc Crucifixi imago tam vivis coloribus in corpore & animâ expressa , quis dubitet quin inter sanctas Virgines a SANCTITATE VESTRA recenseri possit ? Cujus in cœlesti Patria exceptæ , & conformis imaginis filii Dei factæ triumpho , etiam sancta Maria Magdalena de Pazzis , dum adhuc in vivis esset , Deo adeo illi favente interfuisse perhibetur .

BERNARDINUS Vari Episcopus Civitatis Castellane & Hortæ.

BEATISSIME PATER . Beata Catharina de Ricciis dum virginitatem suam Deo dicavit , eamdemque usque ad mortem exactissimè custodivit , proculdubio se omnibus virtutibus ornatam ostendit . Virginitas enim paritur abstinentiâ , pœnitentiâ , humilitate : alitur prudentiâ ; fortitudine , obedientiâ : perficitur solitudine , silentio , charitate , oratione aliquaque virtutibus ; omnes quippe virtutes circa virginitatem excubant , ut eam tueantur , servent & ornent . Quod si virginitas ut docet Ambrosius ^a , de Cœlo venit , necesse est , ut beata Catharina excellenti virginitate , imò tot virtutibus prædita in Cœlis resplendeat : Cumque hoc ipsum plura miracula prædicent , par est , ut per Ecclesiæ judicium id totus Mundus agnoscat .

JACOBUS PHILIPPVS Consoli Episcopus Amerinus.

BEATISSIME PATER . Beata Catharina de Ricciis Parentibus pietate & nobilitate conspicuis Florentiæ nata , eo Agro relicto , quo non nisi vepres & cardui Patrisfamilias sementem suffocantes abundant , aliuum

a De virginib. lib. I. c. 3. § 5.

lium sibi excolendum suscepit , ubi cultus utilior , ubi fructus uberior esset : Sacro igitur in Pratensi sancti Vincentii Monasterio Ordinis Prædicatorum habitu Religionis induo , nunquam satis explicari potest , quanta animi contentione gloriosas illas , quibus idem Ordo illustratus est , Virgines æmulari niteretur , ut opus nempe suum magno præmio destinatum consummaret , & Domino a quo mercedem expromissæ virginitatis expectabat , placeret , crescens ætate crescebat ibi sapientia atque prudentia , & ambulans de virtute in virtutem , ut Deum Deorum videret in Sion , virtutum omnium demississimæ præcipue humilitatis atque ardentissimæ charitatis exemplar effecta est ; vitam propemodum cœlestem agens in terris crebro supernæ suavitatis dulcedinem prægustavit , & de illo Torrente voluptatis quo nunc potatur in Patria , etiam in via bibit , atque eo tunc demum inebriata est , cum vel Deipara , vel Pueri Jesus in quem desiderant Angeli prospicere , aspectu amplexibusque frueretur .

Odoratus autem Dominus tantarum virtutum odorem , quibus in gradu heroico ab ortu fere sui usque ad occasum Catharina resulxit , non his tantum cœlestibus beneficiis suæ Sponsæ Sanctitatem comprobavit , sed & miracula adjecit , quibus rite legitimèque probatis Decretum de ejus peragenda Canonizatione jam pridem PATER SANCTISSIME pronunciare dignatus es : Quibus propterea stantibus hanc Virginem , quam semper Dominus vigilantem invenit , veramque Christi Sponsam sacris ab eo Stigmatibus condecoratam , & Coronâ spineâ transfixam , annulo desponsatam , dulcissimoque amplexu delectam , atque hinc in Cœlis per amœna virentia sequentem Agnum quocumque ierit , ne ultra PATER BEATISSIME , inter sanctas Virgines adscribere protrahas , humillimè deprecor .

JOSEPH Coppola Episcopus Aquilanus.

Canonizatio B. Catharinæ de Ricciis ad hæc usque tempora tamdiu protracta , jure quidem & meritò Tibi utpote in hoc maximè omnium , quotquot fuerunt , Romanorum Pontificum scientissimo reservata est . Opus igitur ab Urbano VIII. rite inchoatum quodque Clemens XI. Benedictus XIII. , & Clemens XII. prosecuti sunt , feliciter absolve , & sapientem Virginem Catharinam , quam Dominus semper vigilantem invenit , Sanctorum Diphtycis decorans , ad veram tutamque pacis viam per quam divum Philippum Nerium popularem suum ascendentem vidit in Cœlum , omnes in Christo credentes manuducere , illius imitacione dignetur .

JOSEPH Rossi Episcopus Venafranus.

BEATA Catharina de Ricciis Monialis incliti Prædicatorum Ordinis una est de numero prudentum Virgo , cui oleum non defuit , quin lampade accensa cœlesti æterno Sponso obviamiret ; solicita enim BEATISSIME PATER , semper suit , ne ignis ille divini amoris quo ardebat , extingueretur vel tepesceret , imò magis magisque augeretur ; quapropter Christus Dominus cœlestis Sponsus Redemptionis Stigmata Catharinæ corpori impressit , & in acerbissimæ Passionis suæ tormentis corpori extrinsecùs , & cordi intrinsecùs communicatis , Catharinæ erga divinum Sponsum charitatem , & Sponsi divini erga illam amorem perfæctissimum testatus est ; & insuper ipsa Beatissima Deipara Virgo Maria se conspiciendam cum Puerō suo præbuit , & Puerum ipsum Jesum in ejus sinu amantissimè collocavit , atque eadem met Deiparâ pronubâ , datâ dexterâ , pretioso cœlestique annulo fuit desponsata . Hæc & multa plura charitatis argumenta inter plaudentes Angelorum Chorus in cœlestem Patriam immenso suscepta fuit cum gaudio , & coronam accepit , quam cœlestis Sponsus sibi præparaverat . Virginis igitur , quæ nos in virtute præcessit , diligenter sequamur exempla , & sedula devotione colamus in Aris .

JOANNES FRANCISCUS Cavallini Episcopus Alatrinus.

INsigne heroicarum virtutum ac præsertim maximæ erga Redemptorem nostrum charitatis , quibus enituit beata Catharina de Ricciis , exhibent testimonium sacra Stigmata ejus corpori altè profundèque insculpta , atque acerbissimi Dominicæ Passionis dolores singulis hebdomadis per longum duodecim annorum cursum renovati . Quod quidem divini amoris argumentum in suam Sponsam expressum tot subinde miraculis meruit comprobari , ut iis de more a Sanctitate Vestra admissis , id unum superesse videatur , quod dignissima Virgo inter Cœlites referri omnino debeat , sicuti & ipse censeo supremo SANCTITATIS VESTRAE Juicio me ipsum humillimè submittens .

NICOLAUS Cioffi Episcopus Soranus.

QUæcumque de beata Catharina de Ricciis comprobata referuntur , ea manifestissimè ostendunt , beatam Catharinam non solùm in terris angelicam egisse vitam , verùm etiam sempiterna in Cœlis beatitudine gaudere . Innocentiæ candor , frequentia cum Angelis , cum beata Virgine Maria , cum Jesu Christo , qui sibi eam Sponsam elegerat , colloquia , eximiæ virtutes , res præclarè gestæ , tot miracula testimonia equidem sunt

sunt locupletissima. Sed auctoritas ipsa sancti Philippi Nerii in ejusdem Canonizationis Bulla confirmata, & attestatio sancte Mariæ Magdalene de Pazzis, cui a Deo ut triumpho ad ingressum beatæ Catharinæ in Cœlis celebrato interesset, impertitum fuit, postulant ut Catharinæ eadem, qua Philippus & Maria Magdalena recolantur, veneratio per SANCTITATEM TUAM decernatur.

JOANNES ANTONIUS Castelli Episcopus Catharen sis.

ET vita B. Catharinæ de Ricciis & res ab ea sanctè præclarèque gestæ id tandem a BEATITUDINE VESTRA postulant, ut in sanctorum Virginum numerum referatur. Etenim jamusque ab ineunte infan tia castissimis integerrimisque moribus fuit; obedientiam, paupertatem, humilitatem maximè coluit consequataque est, ut & Stigmatibus Christi Servatoris Crucis affixi insignita, & donis aucta, & prodigiis clara ex ærumnis hujusc Mundi ad Beatorum patriam migraret. Quamobrem votis Ecclesiæ universæ mea quoque adjungo, atque a SANCTITATE VESTRA humillimè postulo, ut ei cultus exhibeat uris, qui ceteris sanctis Virginibus meritò exhibetur.

NICOLAUS MARIA Calcagninus Episcopus Civitatis Ducalis.

Electa Christi Sponsa B. Catharina de Ricciis inclyti Ordinis S. Dominici lily, alterius Catharinæ Senensis æmula arduum perfectionis iter, quod a teneris annis arripuit, Deo postea consecrata tantâ animi contentione prosequuta est, ut virtutum omnium exercitio, & quidem in gradu heroico Monialibus ceteris præluxerit. Maxima illius in pauperes liberalitas, humilitas profunda, exacta obedientia, invicta in laboribus fortitudo sunt virtutes illæ, quibus veluti monilibus ornatam Sponsam suam Dominus concupivit. Præcipuum verò quod in hac Virgine admiramur spirituale ornamentum, est ardor supernæ contemplationis, cuius dulcedine persusa æstuque voluptatis abrepta gratiis cumulari, atque impressione sacrorum Stigmatum imagini Redemptoris nostri Jesu Christi meruit fieri conformis. Hanc igitur prudentem Virginem tot ac tantis præclarissimis charismatibus, dum viveret a cœlesti Sponso condecoratam, signisque post obitum illustratam, in sanctorum Virginum Fastis jure meritò a SANCTITATE VESTRA describendam esse affirmo.

D. INNOCENTIUS Gorgoni Episcopus Pinnensis & Hadrienfis.

BEATA Catharina de Ricciis eximia puritate ac divinarum rerum contemplatione ab ipsa infantia celebris, Sanctimonialium Ordinis Prædicatorum Institutum professa, ita in Dei amore ac supernis virtutibus profecit, ut & digna Christo Sponsa habita ac cœlestibus favoribus declarata, & singularis ipsius Sanctitas a sanctis Philippo Neri, ac Maria Magdalena de Pazzis divinitus agnita, palam prædicata, ac multis a Deo miraculis in vita & post mortem confirmata fuerit; quamobrem dignam ipsam censeo, quæ supremâ qua Tu polles auctoritate, in Sanctorum Censum referatur.

Sententiis omnium auditis, hæc subjicit Pontifex novas preces indicens, & celebrandæ quinque Beatorum Canonizationi diem designans vigesimum nonum currentis Junii, qui SS. Petri & Pauli Apostolorum martyrio erat consecratus.

VENERABILES FRATRES. Maximam sanè voluptatem percepimus ex suffragiis vestris, quæ solemnem beatæ Catharinæ de Ricciis Canonizationem depositunt. Eandem prorsus latitudinem sensimus in quatuor præcedentibus Consistoriis, in quibus suffragia tulistis de Causis aliorum quatuor Beatorum, de quorum Canonizatione pariter agebatur. Itaque, Deo juvante, diem vigesimum nonum hujus mensis Junii, qui Sanctorum Petri & Pauli Apostolorum Festo celebrando consecratur; illum, inquam, diem constituimus, ut ritu solemnni, numero Sanctorum adscribamus quinque Beatos, nempe Fidelem a Sigmaringa, Camillum de Lellis, Petrum Regalatum, Josephum a Lionissa, ac Catharinam de Ricciis. Interea preces vestras ad Deum convertite, ac vehementer ab ipso exposcite, ut ope sua potentissima cœlestique inspiratione

ratione Nobis adsit propitius , suumque lumen impertiat , ut hanc rem gravissimam perficiamus ad gloriam Divini Nominis augendam , catholicam Fidem magis efferendam , & christianam Religione propagandam .

Cognitæ Patribus jam inde a principio Consistorii Protonotariorum & Procuratoris Fiscalis absentiaæ pro re nata & potestate sua consuluit Pontifex ; novissimi hujus enim sibi vindicavit munus ; quod verò ad primos spectabat , id Cæremoniarum Præfecto commisit , & ne novitas perturbaret animos , accomodatâ oratione , licet ex tempore suadere studuit , hoc ab Cæremoniarorum Apostolicorum officio alienum non esse censemendum ; quippe qui de actu omnium præcellentissimo , de Canonica scilicet novi Summi Pontificis electione ejusque dignitatis acceptatione semper & quandocumque contingat , sese rogare solent ; quapropter satis consonum videri & æquum , si Protonotario Magistrum Cæremoniarum in hoc munere sufficeret . Hic itaque Pontificiis obtemperans Mandatis , unum aut plura Instrumenta se conjecturum promisit appellatis testibus , qui aderant Pontificis Familiaribus , & consuetis usus verbis : *Conficiam . Vobis Testibus* : Ita utriusque Consistorii Actio absoluta Coetusque prope meridiem dimissus .

· I N N O M I N E D O M I N I A M E N .

Pateat in perpetuum cunctis omnibus ubique ac evidenter notum sit singulis præsens hoc publicum Instrumentum Sanctissimi Domini Nostri BENEDICTI Divina Providentia Papæ XIV. jussu editum lectoris pariter vel audituris , quod anno a Dominica Incarnatione millesimo septingentesimo quadragesimo sexto Indictione nona : Die vero 14. mensis Junii feria tertia : Pontificatus autem ejusdem Sanctissimi Domini Nostri Papæ anno sexto : Cum idem Sanctissimus Pater in Consistorio semi-publico , ultimo quidem ex quinque , quæ pro absolvendis Causis beatorum , Fidelis nempe a Sigmaringa , Camilli de Lellis , Petri Regalati , Josephi a Leonissa , & Catharinæ de Ricciis jam indixerat , assideret , in eoque ex ordine Causa B. Catharinæ foret pertractanda , animadversum est Protonotarios Apostolicos de numero Participantium , quorum interest Acta omnia colligere , & super his publicum vel publica , unum aut plura confidere Instrumentum vel Instrumenta , et si specialiter admonitos , a præfato Consistorio abesse , unaque simul cum ipsis Procuratorem Fiscalem Reverendæ Cameræ Apostolicæ , cuius est apud eosdem Protonotarios Pontificis nomine instare , ut ea quæ pertractantur

in pu-

in publicis referant Tabulis: Ne ab hominum memoria abscederet integra hujus Consistorii series, deque isto pariter prout de aliis per ipsos met Protonotarios actum jam fuerat, perenne ad Posteros promanaret documentum tam disertissimæ Allocutionis, qua Summus idem Pontifex Actionem Consistorialem incepit, quam suffragiorum, quibus Eminentissimi ac Reverendissimi Domini Cardinales, necnon Reverendissimi Patriarchæ, Archiepiscopi, & Episcopi omnes in Urbe degentes, & ad hoc speciatim etiam Sanctitatis Suæ nomine per literas Secretarii Congregationis sacri Concilii Tridentini acciti, apud eundem Sanctissimum pro complemento solemnis Canonizationis indictæ suppliciter insteterunt: Mihi infra scripto Primo Apostolicarum Cæremoniarum Magistro, ac Apostolicæ Sedis Notario, Protonotario nuncupato stupentibus ac admirantibus omnibus promptitudinem animi, ingenii felicitatem ac providam Sanctitatis Suæ curam, qua inopinatis etiam casibus extemporaneè consulit, formaliter injunxit, mandando ut unum vel plura eorumdem Protonotariorum de numero Participantium, ut dictum est, absentium loco publicum Instrumentum, vel Instrumenta confidem super sententiis, consilio & unani consensu tum Reverendissimorum DD. Cardinalium, necnon Patriarcharum, Archiepiscoporum, Episcoporum, deque Summi Pontificis oratione & deliberatione super solemnni Canonizatione B. Catharinæ de Ricciis unacum aliis quatuor suprarecensis Beatis habenda in Basilica Vaticana die 29. præsentis mensis Junii Sanctorum Apostolorum Petri & Pauli hujus Almæ Urbis Patronorum Principalium Martyrio consecrata, Cujus suprema mandata venerabundus excepi, atque in genua pro volutus respondi: *Conficiam:* & ad Familiares Pontificios conversus advocando eos in Testes, dixi: *Vobis Testibus:*

Quare ut injuncto mihi muneri faciam satis, Actorum omnium seriem hic referendo testor, quod hodie idem Sanctissimus Dominus Nobilit **BENEDICTUS** Divina Providentia Papa XIV. hora 13. de suis intimis Cubiculis Palatii Apostolici Quirinalis in Aula Paramentorum jam Falda præcinctus processit, ibique per Eminentissimos de Marinis, & Albanum Diaconos Cardinales antiquiores suit sacris induitus vestibus una cum Pluviali rubro & Mitra simplici redimitus: Tum præeunte Papali Cruce ab Auditore Rotæ ex more delata exxit in illam Aulam, quæ loco Ducalis substituta fuerat, pro Consistorio paratam: Statimac fuit in sede compositus, sacræ Consistorialis Aulæ Custos per consueta verba: *Extra omnes:* Cunctos admonuit, ut foras exirent: Clausisque subinde januis Papa cum Cardinalibus secretum habuit Consistorium, a cuius negotiis expeditus mandavit, ut Patriarchæ, Archiepiscopi & Episcopi suffragaturi intromitterentur; sicque executioni cum fuerit demandatum, injunxit, ut nemo amplius intus accederet, et si ex postea adventaret, ne inceptam actionem suo deturbaret ingressu: Cum itaque accidisset,

disset, quod Protonotarii & Procurator Fiscalis ducti forsan spe, ut secretum Consistorium longiori tempore esset duraturum, tardiùs quam opus erat, Quirinale petiissent præ foribus remanere coacti sunt. Conscientibus igitur Eminentissimis DD. Cardinalibus, ceterisque aliisstantibus præfatam habuit Papa Allocutionem; eaque expletâ qui stabant, assiderunt: Tunc Eminentissimus Carafa Episcopus Albanensis, utpote inter præsentes Cardinales omnibus antiquior primus protulit sententiam suam, & instetit apud Sanctitatem Suam, ut beatam Catharinam de Ricciis inter sanctas Virgines allegeret: Non absimili voto eundem Sanctissimum Patrem rogarunt præsentes alii Eminentissimi Cardinales nempe.

Franciscus Tituli S. Mariæ Transyberim S. R. E. Presbyter Cardinalis Burghesius.

Antonius Xaverius Tit. S. Stephani in Monte Cœlio S. R. E. Presbyter Cardinalis de Gentilibus.

Fr. Joannes Antonius Tit. SS. Silvestri & Martini in Montibus S.R.E. Presbyter Cardinalis Guadagni.

Trojanus Tit. S. Cæciliæ S.R.E. Presbyter Cardinalis de Acquaviva.

Dominicus Tit. SS. XII. Apostolorum S. R. E. Presbyter Cardinalis Riviera.

Joannes Baptista Tit. S. Mariæ Angelorum S. R. E. Presbyter Cardinalis Spinola.

Raynerius Tit. S. Sabinæ S. R. E. Presbyter Cardinalis de Ilcio.

Dominicus Tit. S. Bernardi S. R. E. Presbyter Cardinalis Passionei.

Silvius Tit. S. Priscæ S. R. E. Presbyter Cardinalis de Valentibus.

Fr. Joachimus Tit. SS. Quatuor Coronatorum S.R.E. Presbyter Cardinalis Portocarrero.

Camillus Tit. SS. Joannis & Pauli S. R. E. Presbyter Cardinalis Paulutius.

Carolus Albertus Guidobonus Tit. S. Mariæ de Pace S. R. E. Presbyter Cardinalis Cavalchinus.

Fridericus Tit. S. Pancratii S. R. E. Presbyter Cardinalis Lantes.

Franciscus Tit. S. Mariæ de Populo S. R. E. Presbyter Cardinalis Riccius.

Antonius Tit. S. Silvestri in Capite S. R. E. Presbyter Cardinalis Rufus.

Philippus Maria Tit. S. Agnetis extra Mœnia S. R. E. Presbyter Cardinalis de Montibus.

D. Fortunatus Tit. S. Matthæi in Merulana S. R. E. Presbyter Cardinalis Tamburinus.

D. Joachimus Tit. S. Crucis in Hierusalem S. R. E. Presbyter Cardinalis Besutius.

Carolus S. Mariæ in Via Lata Diaconus S. R. E. Cardinalis Marini.

- Alexander S. Mariæ ad Martyres Diaconus S. R. E. Cardinalis Al-
banus .
- Nerius S. Eustachii Diaconus S. R. E. Cardinalis Corsinus .
- Agapitus S. Agathæ in Suburra Diaconus S. R. E. Cardinalis Mosca .
- Carolus Maria S. Mariæ in Porticu Diaconus S. R. E. Cardinalis Sa-
cripantes .
- Marius SS. Cosmæ & Damiani Diaconus S. R. E. Cardinalis Bolo-
gnettus .
- Prosper S. Georgii in Velabro Diaconus S. R. E. Cardinalis Colum-
na de Sciarra .
- Alexander S. Mariæ in Aquiro Diaconus S. R. E. Cardinalis Ta-
narius .
- Hieronymus S. Adriani Diaconus S. R. E. Cardinalis Bardi .
- Dominicus SS. Viti & Modesti Diaconus S. R. E. Cardinalis Ursinus .

*Postquam DD. Cardinales a suffragiis se expedivere , adstantes Patriarchæ ,
Archiepiscopi & Episcopi supplices & ipsi apud Sanctissimum Dominum
Nostrum sigillatim assurgendo dum loquebantur , pro ejusdem
Beatæ Canonizatione insteterunt . Erant hi RR.PP. DD.*

- Antonius Maria Pallavicinus Patriarcha Antiochenus .
- Thomas Cervini Patriarcha Hierosolymitanus .
- Alexander Borgia Archiepiscopus Firmanus .
- Felix Solatius Archiepiscopus Thebarum .
- Gabriel Eva Archiepiscopus Cypri Syrus , qui patrio priùs , dein-
de latino idiomate tulit suffragium .
- Joannes Andreas Tria Archiepiscopus Tyri .
- Simon Gritti Archiepiscopus Tyanen .
- Joseph Maria Ferroni Archiepiscopus Damascenus .
- Joannes Franciscus Stoppani Archiepiscopus Corinthi .
- Michael de Palma Archiepiscopus Theatinus .
- Stanislaus Poliastri Archiepiscopus Rossanen .
- Ferdinandus Maria de Rubeis Archiepiscopus Tarsi .
- Michael Maria Vincentini Archiepiscopus Theodosiæ .
- Nicolaus Carafa Archiepiscopus Philippensis .
- Antonius Fonseca Episcopus Æsinus .
- Antonius Xaverius Santamaria Episcopus Cyrenen .
- Bernardus Antonius Pizzella Episcopus Constantien .
- Ludovicus Antonius Valdina , olim Cremona Episcopus Hermopo-
litanus .
- Fabricius Borgia Episcopus Ferentinus .
- Nicolaus Spinelli Episcopus Aversanus .
- Hippolytus e Rubeis S. Secundi Episcopus Senogallien .

D. Paulus Thomas Marana Episcopus Asculanus in Piceno .
 Fr. Silvester Merani Episcopus Porphyriensis .
 Antonius Amalphitanus Episcopus Ortonen. & Camplen.
 Antonius Cantoni Episcopus Faventinus .
 Cæsar Bonajuti Episcopus Pharensis .
 Paulus Bonavisa Episcopus Spoletinus .
 Marius Maffei Episcopus Fulginatensis .
 Guido Ursellus Episcopus Cæsenæ .
 Hyacinthus de Silvestris Episcopus Nepesinus & Sutrinus .
 Ægidius Antonius Isabelli Episcopus Alliphanus .
 Joannes Antonius Bachetoni Episcopus Anagninus .
 Franciscus Antonius Spadea Episcopus Aquinas & Fregellarum .
 Leo Lucas Vita Episcopus Oppiden.

*Omnes Pontificio Solio Assistentes , quibus pari ritu & unanimi sententia
 Episcopi non Assistentes in emittendis pro Canonizatione suffragiis
 accesserunt . Videlicet RR. PP. DD.*

Joseph Schirò Archiepiscopus Dyrrhachinus , qui patrio priùs ,
 deinde latino idiomate tulit suffragium .
 Sergius Alexandri Armenus Archiepiscopus Cæsareæ Cappadociæ ,
 qui patrio priùs , deinde latino idiomate tulit suffragium .
 Stephanus Assemanus Archiepiscopus Apameæ .
 Joannes Innocentius Episcopus Fagarasiensis , patrio priùs , deinde
 latino idiomate suffragium emisit .
 Bernardinus Vari Episcopus Civitatis Castellanae & Hortæ .
 Jacobus Philippus Consoli Episcopus Amerinus .
 Joseph Coppola Episcopus Aquilanus .
 Joseph de Rubeis Episcopus Venafranus .
 Joannes Franciscus Cavallini Episcopus Alatrinus .
 Nicolaus Gioffi Episcopus Soranus .
 Joannes Antonius Castelli Episcopus Catharenis .
 Nicolaus Maria Calcagnini Episcopus Civitatis Ducalis .
 Innocentius Gorgonius Episcopus Pinnen. & Hadrien.

Consistoriali Actiōni finem tandem imposuit altera brevis Sanctissimi Allocutio , a qua cum esset expeditus , stante Procuratoris Fiscalis & Protonotariorum Participantium absentia , demandavit mihi ut supra re-latum est , quod præsens hoc prout exequor , conficerem Instrumentum .

Acta sunt hæc in Quirinali Palatio die , mense & anno , quibus su-pra adstantibus DD. Paulo Zani Bononiensi , & Josepho Maria Puoti

Neapolitano ab intimo Sanctitatis Suæ Cubiculo Testibus ad hoc specia-
liter adhibitis , atque rogatis .

Ita est &c.

Ignatius Reali Apostolicis Cæremoniis Præfectus.

Loco † Signi .

Consistorialibus Actionibus coronidem imponant etiam nunc , quæ
adnectuntur , suffragia DD. Cardinalium , necnon Patriarcharum , Ar-
chiepiscoporum & Episcoporum absentium ab illis .

*THOMAS Episcopus Ostiensis & Velerensis Sacri Collegii Decanus ,
Vice-Cancellarius Cardinalis Rufus .*

Non absque peculiari divinæ Providentiae consilio contingere arbi-
tror , ut SANCTITAS VESTRA quatuor Viris ex fortibus Israel ad
bella Domini doctissimis simulque B. Catharinæ de Ricciis Religiosissi-
mæ Dominicanæ Disciplinæ Sectatricis Sanctorum cultum solemniter de-
cernere cogitet . Hæc namque ab ipso ætatis diluculo agere incipiens ,
& pati fortia omnium humani generis hostium superavit insidias , vires-
que protrivit . Assidua ac pene ad miraculum jejunia ; corporis a flagris ,
a ciliciis , a ferreis catenis afflictiones , transmissæ inter orandum
aliaque pia opera integræ fere noctes , vulgaria hæc erant virtutum ejus
exercitia ; virtutibus quidem omnibus sed divinæ præsertim charitati li-
tabat : Eratque ipsamet ejus sacrificii victima , quam incendebat ac ve-
luti decinerabat , quæ fortis est ut mors dilectio . Hinc ejus oratio sine
intermissione , & perpetuus ille in Christi Domini passionem , doloresque
affectus , atque ejusdem e Cruce pendentis contemplatio amoris plena .
Hinc quoque Proximi dilectio nunquam non ignea in Catharina fuit , il-
lius tamen corporis opportunitatibus ita aderat , ut ardentiùs curaret
animas & spiritualia commoda . Ita verò commiserabatur peccantium
statum , ut impensè non semel a Domino petierit , ut tela quæ in illos
elimaverat , in eamdem ipsam jaceret , atque exaudita gratulabatur ma-
gnopere ab aliorum traducta ad suum caput supplicia . Jure itaque opti-
mo Mulierem hanc fortem , heroicarum virtutum meritis adeo illustrem ,
omnium charismatum donis prælucentem , & plurium miraculorum lu-
ce coruscantem , Sanctam esse & debito Sanctis cultu esse honorandam ,
SANCTITAS VESTRA suprema qua pollet auctoritate , pronunciabit .

*ANNIBAL Episcopus Portuensis Cardinalis Albanus
S. Clementis nuncupatus.*

BEATA Catharina de Ricciis Monialis Virgo ex Ordine Prædicatorum tam eximia morum sanctitate claruit, ut nulla vitæ ejus pars fuerit, quæ christiana virtute non maximè spectetur & habeatur illustris. Aucta in dies ætas perfectionem addidit, protractumque tempus admirabiliora exhibuit spectatæ sanctitatis incrementa. Illa Virgines Deo sacras, inter quas fuit adscripta & vixit; illa seculares homines varie conditionis & ordinis ad virtutem inflammativit, illa compluribus saluti fuit, illa denique a Civibus perinde ac Exteris, quibus innotuit, celebrata est. Multi etiam Sanctæ Romanæ Ecclesiæ Cardinales amplissimi, quorum tres nimirum Cervinus, Mediceus & Aldobrandinus Summi Pontifices evaserent, aliquique Viri Principes supremo Urbium ac Regionum imperio clari, præsentes sunt ipsam venerati. Admirabilem Catharinæ sanctitatem divinitus cognitam S. Philippus Nerius, & S. Maria Magdalena de Pazzis suspexerunt. Venerando religiosæ vitæ exemplo, donisque cœlestibus longe præcipuis, quibus a Deo affluenter dictata fuit, altera S. Catharina Senensis est habita. Neque id mirum. Ita enim Catharina de Ricciis in terris egit, ut planè animo, corde, spiritu tota in Deum rapta videtur; sibique penitus mortua uni Deo ejusque gloriæ viveret. Digna proinde illo honore est, qui ceteris sanctis hominibus ex Apostolicæ Sedis præscripto tribui solet: Quum illis nullâ parte Catharina sit inferior.

*VINCENTIUS Episcopus Prænestinus Cardinalis Petra
Major Pœnitentiarius.*

NON est, cur B. Catharinæ de Ricciis Virginis Ordinis Prædicatorum sanctitatem pluribus prædicem, quam cum viveret multi Episcopi & Cardinales, qui spiritum ejus probarant, dignam esse dixerunt, quæ in Album sanctorum Virginum referretur. Ea namque cum spretis amplissimæ domus divitiis, reliquaque Patria in Monasterio sancti Vincentii Civitatis Prati in Etruria institutum sancti Dominici fuisset amplexa, nihil antiquius habuit, quam ut mortificationem Jesu semper in suo corpore circumserret. Pertulit ea quidem acerbissimos cruciatus ob Jesu Servatoris amorem, quo maximopere flagrabat, obtinuitque, ut Coronâ spineâ suum caput transfigeretur, & Stigmata Domini Jesu in corpore suo portaret. Humilitate, obedientia, virginitate, paupertate, charitate, misericordia, omnibus denique virtutibus clara, insignisque dono mirabilorum a cœlesti Sponso in Cœlum evecta est, ubi gloria semper frueretur. Quare nemo Catholicorum est, qui non desideret, ut ei novum decus per solemnem Canonizationem accedat.

JOSEPH Episcopus Tusculanus Cardinalis Accorambonus.

Quoniam Deo Optimo Maximo , cuius sermocinatio est cum simpli-
cibus , nedum placuit præclara beatæ Catharinæ merita supernis
charismatibus , cum viveret , liberaliter cumulare , verùm etiam uberri-
mam qua nunc in Cœlis fruitur , gloriam singularibus miraculis testa-
tam facere : Jure proinde meritoque SANCTITAS VESTRA eam Divorum
Fastis adscribet .

VINCENTIUS Episcopus Sabinensis Cardinalis Bichius.

Profectò Virgo sapiens fuit beata Catharina de Ricciis Monialis pro-
fessa in Monasterio Pratensi Ordinis Prædicatorum , quæ in diebus
peregrinationis suæ divini spiritus infusione Apostolicum consilium secu-
ta cogitavit quæ sunt Domini , ut esset sancta corpore & spiritu , at-
que cum cœlesti Sponso in beata regnaret æternitate . Nec in præcon-
cepto desiderio defuit Catharinæ divina gratia , quæ illam specialibus
prosequuta beneficiis , ea omnia mirabilia ipsi concessit , quæ de sanctis
Virginibus Rosa Limana , & Agneta a Monte Politiano in earum Cano-
nizationum Apostolicis literis continentur . Impletum vidit Catharina
Oraculum divinum : *Sponsabo Te mihi in fide ; & factâ Sponsâ Christi , il-*
lius experta fuit Passionem , ut cum ipso esset in cœlesti gloria . Hujus
B. Catharinæ magnum fuit sanctitatis indicium , quod ipsa Prati com-
morans S. Philippi Nerii Romæ degentis præsentem habuerit aspectum ,
ipsumque fuerit allocuta , ut testatur Bulla Canonizationis ejusdem
S. Philippi ; cumque plena meritis beata Catharina ad Cœlum evolasset ,
tanta sunt ejus miraculorum post mortem patratorum testimonia , ut de
illius sanctitate non sit relictus ambigendi locus ; & ideo mereatur in-
ter sanctas Virgines adscribi .

*NICOLAUS MARIA Tit. S. Petri ad Vincula Presbyter
Cardinalis Lercari.*

Gloriosas Ordinis Prædicatorum Virgines æmulata beata Catharina
de Ricciis , oratione , humilitate , altissima rerum cœlestium con-
templatione , ac divini amoris ardore adeo fuit eis simillima , ut parem
cum eis cœlestium donorum partem in terris vivens receperit , eadem in
corpore suo patentia signa portaverit , eandemque in Cœlis coronam vitæ
inde promeruerit : Quod cum testatum faciant miracula ac prodigia
ejus intercessione divinitus patrata , meritò catholicæ Ecclesiæ Fastos ejus
nomine augeri enixè postulamus .

*RAPHAEL COSIMVS Tit. S. Marcelli Presbyter
Cardinalis de Hieronymis.*

BEATISSIME PATER. Sponsus divinus qui pascitur inter lilia , pulcher. timos in sacris hortis excolere consuevit flores , quorum cœlesti odore ad Angelicam Virginitatis virtutem suaviter capta B. Virgo Catharina de Ricciis , tanto divini amoris æstu in mediis Virginitatis nivibus arsit , tantaque ejus fuit cœlestium virtutum fragrantia , ut cœlestem Sponsum allegerit ad illam annulo subarrbandam . Illam igitur quam Deus ante & post mortem miraculis quoque dignatus est illustrare , Sanctorum numero adscribendam a SANCTITATE VESTRA dignam existimo ad solatium non minus quam ad exemplum ceterorum Fidelium , qui eamdem Angelicam sectantur virtutem .

*CAROLVS Tit. S. Marie de Ara-Cœli Presbyter
Cardinalis Calcagninus .*

OMnipotens Dominus ! quia in sanctitate nullam vult inter utrumque sexum meritorum disparitatem , eligit infirma Mundi , ut fortia confundat ; sicuti ostendit in beata Virgine Catharina de Ricciis Florentina , quæ ab ipsa fere infantia ita omnium virtutum rudimenta præsetulit , ut Angeli sui Custodis aspectu frui ejusque colloquiis recreari frequentissimè mereretur . Crescente verò ætate , abdicatis hujus Mundi pompis , spretisque Parentum blanditiis inter S. Dominici filias adnumerari voluit . Ibi orationi jugiter intenta inter Cœlites potius quam inter homines versari visa fuit . Amplexus dulcissimos Christi Jesu in Cruce pendentis sibi acceptissimam Sponsam esse dicentis meruit obtinere . Cœlestium visionum & prophetici spiritus particeps fuit ; tamen abjectissimam toto corde se reputabat ; tandem cœlestis Sponsus , ut Sponsæ suæ argumenta præcipuæ charitatis exhiberet , sacra Redemptionis Stigmata ejus sinistro lateri manibus pedibusque impressit , ut in omnibus sibi similis appareret ; quæ mature considerans Clemens XII. ei primos Religiosi cultus concessit honores ; quibus novis deinde adiecit signis & probationibus , ardentissimè deprecor SANCTITATEM VESTRAM , ut beata Catharina sanctorum Virginum Catalogo adscribatur , sic ejusdem præclaris meritis exposcentibus .

*HIERONYMUS S. Angeli in Foro Piscium Diaconus
Cardinalis Columna.*

QUÆ laus esse solet communis omnibus cum Christo Regnantibus, ut eos ex massa perditionis electos prædestinaverit cœlestis Pater conformes fieri imagini Filii sui, eamdem præcipua quadam ac planè singulari ratione propriam esse B. Catharinæ de Ricciis sæpe mecum cogitavi BEATISSIME PATER. Illam siquidem in benedictionibus dulcedinis ita prævenit miserator ac misericors Dominus, ut sanguinea Redemptionis Stigmata ipsius sinistro lateri, manibus præterea ac pedibus insculpsérat, spineâ Coronâ Sponsæ suæ caput transfixerit, nescias utrum majori honoris an doloris prærogativa, tergo profundè impresserit vestigia salutaris Crucis, quæ facta fuerat principatus super humerum Redemptoris, per annos duodecim horis viginti octo in hebdomadas singulas communicaverit acerbissimos sacræ Passionis cruciatus, quibus olim Dei Filius peccata nostra pertulit in corpore suo super lignum, denique ne quid ad absolutissimam, quæ haberi posset, imaginis perfectionem deesset, exteriorem Christi Domini speciem exprimi ac repræsentari aliquando voluit Catharinæ vultu, ut quemadmodum olim æternus Pater in Dilecto Filio ita simili quadantenus ratione in sancta hac Virgine sibi bene complacuisse testaretur; Nemini autem fas est suspicari, quin tanta tamque prodigiosa corporis cum Christo similitudo sejuncta fuerit ab interiori ejusdem imitatione, qua p̄fissima hæc Virgo omnium virtutum exercitatione carnem suam crucifixiterit um vitiis & concupiscentiis. Äquum proinde censeo BEATISSIME PATER, ut quæ cum Christo compassa est, cum Christo etiam in Ecclesia regnet sanctorum Virginum Catalogo inscripta, & quæ Christi dolorum particeps fuit, consortium aliquod habeat in publicis honoribus, quibus Deus Filium suum exaltans magnificè cum eo fecit, annuntiari jubens nomen ejus in universa terra.

MUNDILLVS Ursinus Patriarcha Constantinopolitanus Assistens.

HAbes in beata Catharina BEATISSIME PATER, Mulierem fortem non procul & de ultimis finibus, sed in proximis Regionibus natam, quæ ab ipsis pene incunabulis manum suam mittens ad fortia oblectamentis omnibus bellum indixit; & gloriofissimas de inferno Hoste victorias reportavit. Habes prudentem Virginem, quæ sumpto secum divini amoris oleo præclarissimarum virtutum lampadem accensam semper præsetulit; quamque Dominus in omni patientia, in profunda humilitate, in contemplatione sublimi, in intensissima charitate assidue vigilantem invenit. Habes demum dilectissimam Sponsam, quam Christus subarrhavit annulo suo; cui Stigmata Redemptionis impresit; in cuius

cujs sinu s̄äpe thronum suum posuit ; & quam revulsis e Cruce brachiis amplexatus est . Dignissimam propterea censeo , quæ sanctarum gloriâ sublimetur ; ut in ejus odorem currentes æterno Regi plurimæ Virgines post eam adducantur .

JOSEPH MARIA Rufus Archiepiscopus Capuanus Assistens.

IN concluso cœlestis Sponsi horto virentes semper apparuere flores : Beatæ verò Catharinæ de Ricciis virginitatis , humilitatis ac charitatis lily micavit , velut inter stellas luna minores : Hæc enim ætatem , sexum , naturam prætergressa Angelicam in terris vitam peregit , hinc tot splendidiora charismatum dona in cor ejus fuerunt a sancti Spiritus liberalitate effusa , ut vix aliqua imitanda sed Posteris admiranda potius collata esse viderentur .

Nec mirum videri debet , quod Deus talia ac tanta in beata Catharina congesta esse voluerit dona cœlestia , siquidem cum priùs de fundamento cogitasset humilitatis , ideo misericorditer ac copiosè respexit humilitatem Ancillæ suæ : Quapropter cum jure emanatum sit Decretum de publicè peragenda Virginis Canonizatione , ut executioni mandetur , enixè postulat tota Ordinis Prædicatorum Familia , cui annuendum censeo , si SANCTITATIS VESTRÆ accedat Oraculum . Et ita &c.

D. FERDINANDVS ROMUALDVVS Guiccioli Archiepiscopus Ravennæ Assistens.

Beatæ Catharinæ de Ricciis Acta legenti SANCTISSIME PATER , occurrit statim ipsissima imago Catharinæ alterius , Senensis videlicet , occurrit Theresiæ & Magdalenaæ de Pazzis imago . Idem in ea illibata virginitatis flos ; idem humilitatis , pœnitentia omnisque virtutum generis miraculum ; idem verò & præcipue admirabilis , suavissimus , prodigiosus in Deum amor . Occupant legentem charismatum dona , ineffabilia divinæ in amantissimam Sponsam dilectionis argumenta : Occupant cœlestia sponsalia , Crucifixi Stigmata , compassivus Sponsi in Cruce morientis dolor , mutuique tenerrimi amoris incomprehensibilis communicatio . Quis ergo talia recogitans non obstupescat , mirabilemque Deum in hac Sancta sua non fateatur & prædicet ? Innumerabilia demum , quæ viventem comitata sunt prodigia , & innumerabilia , quæ seculo defunctam secuta leguntur , totidem sunt ineluctabilia signa , totidem voces , quibus eam in altissimis Paradisi sedibus inter sanctis Virginibus collocatam , in terris etiam cum sanctis Virginibus venerandam esse , ipsi Cœli apertissimè demonstrarunt ac demonstrant .

Fr. ANTONINUS Camarda Episcopus Reatinus Assistent.

BEATISSIME PATER. Beata Catharina de Ricciis Florentiae nata postquam plurimos fructus honoris & honestatis edidit, inæstimabilem illam gloriam obtinuit, ut ejus Sponsa mereretur esse, in quem desiderant Angeli prospicere, & cuius pulchritudinem Sol & Luna mirantur. Unigenitus namque Filius Dei revelatâ ei facie festivus in sinu Matris occurrit, tenensque manum dexteram ejus, & in voluntate sua deducens eam, ac cum gloria suscipiens, annulum in signum perennis amoris sui ei præbuit, despousavitque in fide. Et ut Vir dolorum ac Sponsoris sanguinis eam visibilibus Redemptionis nostræ signis, quinque scilicet vulneribus suis condecoravit, ut quæ Socia esset in passione, Socia quoque foret in ejus glorificatione; ideoque connumeranda censetur Oraculo SANCTITATIS VESTRÆ inter sanctas Virgines, quæ regnant cum Deo, & Agnus Dei cum illis.

Fr. PAULUS Alpheran de Buffan Episcopus Melitenis Assistent.

BEATISSIME PATER. Quatuor Beatorum triumphos beata Catharina de Ricciis Monialis Ordinis Prædicatorum, eximiis & excelsis virtutibus quæ Virginibus imitandæ proponuntur, decorat ac perficit, & sic utriusque sexus Christifidelibus vestigia sanctitatis sectanda exhibentur. Enim verò gloriofa Virgo per quadraginta duos annos Monasterii Pratensis regimini præfuit, in quo humilitate, patientiâ, prudentiâ, vitae austерitate præluxit. Divino amore jugiter accensa sublimibus charismatibus a cœlesti Sponso insigniri meruit. Perfice BEATISSIME PATER, divinum tam præclaræ Virginis Canonizationis opus, & fac illam auctoritate suprema qua omnibus in Domo Domini emines, cum sanctis Virginibus connumerari, & esse triumphalis gaudii participem.

D. PLACIDUS Pezzancheri Episcopus Tiburtinus Assistent.

BEATA Catharina de Ricciis adhuc pene infans non obscura futuræ sanctitatis præbuit indicia; siquidem ab eo tempore pueriles lusus exofia pietatis exercitationes in deliciis habuit; rationemque orandi ab Angelo suo tutelari, qui se illi conspiciendum dabat, edocta precibus ac rerum divinarum contemplationi assidue vacavit. Ætatis anno tertio decimo, ægrè impetrata a Patre veniâ, convolans ad Coenobium Pratense Tertiæ Ordinis S. Dominici ante & post Professionem vitam vixit Angelicam. Et sicut sanctam illam Virginem Senensem ejusdem Instituti sectatricem, cuius nomen fortita fuerat, æmulata Virgineum corpusculum inediâ, vigiliis, flagellationibus jugiter afflictavit; ita iisdem ac illa

illa donis supernaturalibus meruit cumulari. Sæpiissimè enim extra se rapiebatur; interdum etiam corpore elevata Christi Domini, ejus sanctissimæ Matris Mariæ aliorumque Cœlitum aspectu & colloquio fruebatur, cogitationes cordium videbat, prævidebat futura: Cor sibi commutari sensit ab eodem Christo Domino, a quo etiam mysticum annulum, velut castissimarum nuptiarum arrham, seu potius tesseram accepit, sacrisque Stigmatibus & spineâ Coronâ decorata fuit. Et quia ad hæc accessere miracula, quibus cœlestis Sponsus eam illustravit, in sanctarum Virginum numerum solemniter cooptandam existimo.

*ALEXANDER de Abbatibus Episcopus Viterbiensis
& Tuscanensis Assistens.*

F Amiliaris qua cum Tutelari Angelo utebatur consuetudo; Angelici concentus quibus in Domino placidè obdormivit; frequentia cum Deipara Virgine colloquia, initæ cum Agno cœlesti nuptiæ, insculpta in carne divinæ Passionis signa satis superque attestantur heroicis B. Catharinæ de Ricciis virtutibus; iis inquam virtutibus, quibus illa in Cœlum evecta est ad castissima Divini amoris oscula, quibus etiam fruebatur in terris, dum refixis e Cruce brachiis Christus Dominus in ejusdem ruit amplexus. Quæ quidem omnia cum B. Catharinæ conciliaverint apud omnes meritam sanctitatis famam miraculis corroboratam, æquum sanè videbitur, ut SANCTITAS VESTRA humillimis indulgeat eorum precibus, qui ob publicam tantæ Virginis venerationem novum adicisci vellent Ecclesiæ decus & præsidium.

NICOLAUS FRANCISCUS de Bonhorne Episcopus Carpasienensis Assistens.

In beata Catharina de Ricciis Moniali Ordinis Prædicatorum verificatur illud ab Ecclesiastico deprædicatum: Initium sapientiæ timor Domini, & cum fidelibus in vulva creatus est, & cum electis oemini graditur, & cum justis agnoscitur; ab infantia enim timuit Deum, & mandata ejus custodivit, virginitatem inviolabiliter semper conservavit, atque omnium virtutum mirabile fuit complexum, ab Angelo edoceta egregiam ac sanctissimam devotionem erga Deiparam Matrem amabilissimam & Jesum ejus Divinum Filium patientem & morientem in Cruce amplexa est in perpetuum, speciali favore desponsata cum Christo carnem jugiter crucifixit, & Stigmata Jesu crucifixi ac hujus Passionis signa in corpore indelebiter portavit; spiritu vixit, spiritu ambulavit, conversatioque ejus fuit in Cœlis, atque per heroicam humilitatem, ardenterque & perfectam charitatem quam mirari facilius est, quam exprimere, ad se in terris attraxit e Cœlo Deum, qui eam tan-

quam suam Sponsam dilectam elevavit ad regna Cœlorum , & ei reddidit coronam gloriae, quam repromisit diligentibus se; illudque sequentibus signis prodigiosis, & ostentis declaravit; ita ut in Albo sanctorum Virginum inserenda videatur, ideoque istam insertionem a SANCTITATE VESTRA supplicabundus deprecor.

NICOLAUS Simoni Episcopus Marcianensis Assistens .

Virginem castam semper se Christo exhibuit beata Catharina , contrariis Patris conatibus igne superni amoris devictis ac superatis. Lilium pudicitiae natum fermè inter spinas , ac intra sacras sepes sollicitè educatum ac custoditum nunquam exaruit , dedit siquidem etiam post mortem odorem suavitatis . Sponsæ igitur corpore & cogitatione incorruptæ convenit Domi Sponsi cœlestis locus , ac nomen melius , nomen sempiternum quod nunquam pereat .

NICOLAUS Mancinforti Episcopus Anconitanus Assistens .

Beata Catharina de Ricciis verè fuit *Dei imago respondens ad sanctimoniam Domini* . Utrumque egit , nimirum & castitate præminuit , & per bona opera se exercuit . Restat igitur ut consummetur opus suum magno prœmio destinatum ; scilicet ut a SANCTITATE VESTRA præclara Virgo tot miraculis & spiritualibus gratiis illustrata inter cœlestes Christi Sponsas veneranda , in foecundæ Matris Ecclesiæ gaudium ac Puellarum se Deo voventium incitamentum infallibili Decreto suo proclametur .

LUDOVICUS Savageri Episcopus Tempensis .

Beata Catharina de Ricciis a primis annis magno virginitatis desiderio clara , Sanctimonialium sancti Dominici regulam professa , & Christo desponsata morum puritate , Angelicâ innocentia , charitate qua flagrabat , & divino quo succensa erat , amore , quoque sepe in ecstasi rapiebatur , meruit passim in hac vita Angelicâ uti consuetudine , digna Christo Sponsa signis ac prodigiis declarari , ac denique sanctâ Mariâ Magdalénâ de Pazzis cœlesti visione admirante , in Cœlo virginitatis palmam gloriæque æternæ coronam obtainere . In cuius quidem rei confirmationem , cum multa Deus sit operatus miracula , solemni nunc Canonizatione auctoritate Tua BEATISSIME PATER , Sanctorum honores ipsi decernendos esse arbitror .

THOMAS ALEXIUS de Rubeis Episcopus Aprutinus.

Nihil habeo SANCTISSIME PATER, quod pro Sanctificatione B. Catharinæ de Ricciis; nihil habeo quod possim afferre, nisi quæ Patrum diligentia de illius sanctitate comperta sunt, si quid de mea sententia dicere amplius voluisse, superfluum censeo.

Solummodo afferam: florem recentem inclyti Prædicatorum viridarii, qua doctrina, qua sanctitate jam a seculis florescentis, dignum esse in æternæ illius mansionis amoenissimo campo repositum declarari.

Virtutes ejus exposcunt, miracula clamant: Poenitentia etenim cum primis cilicio afflixit, flagellis, frigore, nuditate atque omnium poenarum genere sese cruciavit.

In altissimam contemplationem rerum cœlestium addicta Angeli sui colloquium & præsentiam, quin & quandoque Sponsi cœlestis dulcissimos sermones promeruit audire: Corporis infirmitates, animi ariditatem: Quid plura? Maledicta in se jactata, ac etiam obtrectationes stultorum hominum æquo semper animo tulit.

Nihil habuit antiquius, quam sui voluntatem a consilio Directoris non abhorrere.

Hæc in vita & post ejus felicem obitum mira suis orationibus patrasse facinora solerti diligentia probatum est.

Idcirco Sanctam declarari Sanctissimum Patrem nostrum & Pontificem Maximum in præsentiarum humillimè deprecamur demissèque obtestamur. Amen.

HIERONYMUS Lorenzi Episcopus Acernensis.

BEATISSIME PATER. Quod in Canticis est: *Ego dilecto meo & ad me conversio ejus*; verè de se dicere B. Catharina de Ricciis potuit. Cœlestem enim Sponsum per omnes virtutum gradus sequuta ipsa est, & unicè dilexit: Ille spinoso diademeate sacrisque Stigmatibus cum ea communicatis Passionis etiam suæ cruciatibus per duodecim annos singulis hebdomadis in eam transfusis tam conformem imagini effecit suæ, ut sua etiam ipsius externa oris specie a Catharinæ vultu aliquando repræsentata in eadem vivere videretur. Tam egregiam virtutum Magistram, quam cœlestibus tot donis viventem, tot post mortem miraculis Ecclesiæ suæ Deus commendavit, ut inter sanctas Virgines referre velis, BEATISSIME PATER, oro Te & obtestor.

ANTONIUS Franci Episcopus Crasseti.

A B ipso pene vitæ suæ exordio Catharina de Ricciis lampadem suam aptavit, sumptoque oleo ardentissimæ charitatis Virgo sapiens & prudens inextinguibilem fecit. Hinc est, quod veniente Domino cum eo ad nuptias introivit, & intendens prosperèque procedens specie suâ, & pulchritudine suâ digna habita est, quam inhabitare Dominus ficeret in tabernaculo suo; quam datâ dexterâ coelesti annulo sibi desponsaret; quam singulari sanctitatis diademate coronaret. Decet igitur BEATISSIME PATER, ut quam Dominus elegit & præelegit, quam se dignam invenit, quam tot charismatibus locupletavit, a Vicario ejusdem Domini honore & gloria qua potest maximâ, hæc etiam in terris coronetur.

Diebus Jejuniorum elapsis, cum solemnies essent preces sæpiùs iterandas; prima autem pro iis statio apud Lateranum, ubi publicæ venerationi proponendum erat Augustissimum Sacramentum, indicta, ut supra memoratum est, in Dominicam diem 19. Junii jam immineret, significavit Pontifex se prædictam Basilicam, ut & Rem divinam ibi saceret & Deum precaretur impensiùs, eo die petiturum frequentiori non tantùm suorum Familiarium, sed Præsulum etiam & Procerum comitatu: Quare per hanc privatam schedulam admoniti fuere Eminentissimi Domini Cardinales, ut si & ipsi accedere illuc voluissent præsertim acquirendæ Indulgentiæ gratiâ, rubri colois vestibus uterentur.

EMINENTISSIMO E REVERENDISSIMO SIGNORE.

D Omenica prossima 19. del cadente Mese di Giugno la Santità di Nostro Signore all' ore dodici e mezza partirà dal Palazzo Quirinale per portarsi alla Basilica di San Giovanni in Laterano, ove dopo venerato il SANTISSIMO SAGRAMENTO esposto, celebrerà Messa per implorare la divina Assistenza nella grave deliberazione della prossima Canonizzazione de' Bea i FEDELE DA SIGMARINGA, CAMILLO DE LELLIS, PIETRO REGALATO, GIUSEPPE DA LEONESSA, e CATARINA RICCI: Li Signori Cardinali che vorranno intervenirvi, anche ad oggetto di conseguire l' Indulgenza a tal' effetto dalla Santità Sua concessa, si troveranno vestiti di Rocchetto, Mantelletto, e Mozetta di colore rosso.

Porro viginti fermè Eminentissimi Patres voluptati Pontificiæ obsecundantes statâ horâ ad Lateranensem Basilicam venere, quam Romanî Populi multitudine, ut peccatorum suorum Indulgentiam a Deo peterent, pene completam invenerunt: Tanta virtus est boni operis & exempli. Haud ita multò post advenientem Sanctitatem Suam solemnip-

pompa obviam facti Cardinales cum salutassent, descendantem de sella excepserunt; & quia ratione comitatus Sacri Collegii collegialiter Pontifex accedere dicebatur, ideo antequam Basilicam ingrederetur, ex Subdiaconis Apostolicis Romanæ Rotæ Auditoribus junior Rocchetto & Mantelletto indutus R. P. D. Alphonsus Clemens de Aroztequi Hispanus medius inter duos Magistros *de Virga Rubra* nuncupatos Crucem gestavit intra dictæ Basilicæ ambitum, ab ipso statim accessu Pontificis usque ad recessum. Ac Papam quidem Clavigeris Pontificiis hinc & inde incedentibus progredientem, ut Sanctissimum Sacramentum adoraret, Cardinales comitati fuerunt: Hostiam verò immolanti in Ara Principe adfuerunt ante parata scabella flexis genibus; Sacro demum & precibus peractis eum iterum ad sellam deduxere.

Postridie alterâ schedulâ hujus exempli nunciatum est iisdem DD. Cardinalibus, Sanctissimum Patrem proximâ quartâ feriâ iturum ad Basilicam Vaticanam, ut quemadmodum fecerat in Laterano, ibi etiam Eucharisticum Sacramentum publicè expositum veneraretur, & Sacrificium conficeret.

EMINENTISSIMO E REVERENDISSIMO SIGNORE.

Volendo la Santità di Nostro Signore BENEDETTO Papa XIV. con reiterate preghiere ricorrere all' Altissimo, perchè si degni assisterlo coll' abbondanza de' suoi lumi nell' importantissimo affare della futura Canonizzazione, si porterà Mercoledì prossimo 22. del cadente mese di Giugno, partendo dal suo Palazzo del Quirinale all' ore dodici e mezza alla Basilica Vaticana per ivi adorare il Santissimo SAGRAMENTO a tale effetto alla pubblica venerazione esposto, e sussseguentemente celebrare ancora la Messa: Si rende pertanto consapevole Vostra Eminenza, a fine volendosi ritrovare presente alle sopradette sagre funzioni, si vesta in detta mattina dell' abito Cardinalizio rosso con il Rocchetto.

Concursus idem Populi, idem Cardinalium numerus: Similes quoque ritus, similes Cæremoniæ cum descensus comitatusque, tum assistentiæ & deductionis a Cardinalibus erga Pontificem exhibitæ. Quare inutile foret in iisdem describendis diutiùs immorari.

Ecclesiam verò Sanctæ Mariæ supra Minervam, quam in Liberianæ locum suffecerat, statuit Pontifex adire post meridiem sequentis feriæ sextæ, qui dies erat Natalis Præcursoris Domini; ne si mane id faceret, Eminentissimi Patres avocarentur a Lateranensi Basilica, in qua Sacrificio Missæ in honorem S. Joannis Baptistæ solemnri ritu decantatæ solent adesse. Quod autem ex eo Festo die non minor futurus conjici poterat ad Ecclesiam Sanctæ Mariæ Populi concursus, quam ad Basilicas antea fuisset; congruum videbatur, ut non sine Cardinalibus Pontifex ad eam accederet: Quamobrem & hac vice, ut per schedulam iidem admonerentur, tempestivè curatum est.

EMI-

EMINENTISSIMO E REVERENDISSIMO SIGNORE.

LA Santità di Nostro Signore BENEDETTO PAPA XIV. perche incessanti siano le sue suppliche all' Altissimo , approffinandosi il giorno destinato a determinarsi per la Canonizatione de' Beati FEDELE da SIGMARINGA , CAMILLO de LELLIS , PIETRO REGALATO , GIUSEPPE da LEONESSA , e CATARINA RICCI , vuole anche Venerdì il giorno 24. del mese di Giugno , partendo alle 22. ore in circa dal Quirinale , portarsi alla Chiesa di S. Maria sopra Minerva per ivi venerare l' Augustissimo SAGRAMENTO esposto , come ha parimente eseguito in questi passati giorni nelle due Basiliche per il mentionato effetto . Del tutto se ne da notizia a V. E. , acciò volendo intervenire , possa trovarsi in detta Chiesa in abito Cardinalizio rosso , e Rocchetto , conforme nelle altre due consimili occasioni si è praticato .

Qua igitur die & horâ constituerat , adivit prædictum Templum Sanctissimus Pater ; & licet tres supra viginti eò convenissent Cardinales , vix uni aut alteri eorum etiam Militum Helvetiorum præsidio licuit Sanctitatem suam propriùs comitari . Tanta enim hominum multitudine confluxerat , ut eam Templum ipsum , quamvis amplum sit , capere non posset . Qua re cognitâ illacrymavit præ gaudio supremus Gregis Christi Custos creditarum sibi ovium religione commotus , quæ tanti Pastoris exemplo ita sibi propitiare Deum precibus studebant eo tempore ; ut ei quem^a constitutum super se speculatorem a Deo noverant^b , spiritum sapientiæ & intellectus , spiritum consilii & scientiæ peterent dari , qui eidem adesset , cum jam novellos^c Agnos aureâ Coronâ signo Sanctitatis expressâ redimitos quamprimum ostendere toti parabat Ecclesiæ .

Ac Pontifex quidem post fusas preces redux in Quirinale Palatum , eadem de causa sacros Ecclesiæ thesauros iis iterum aperuit , qui Canonizationis Actioni vel Supplicationi intersuissent , aut si qui essent , qui impedirentur quominus id facerent , certas quasdam hi preces recitassent ; dummodo priùs , aut saltem inter Octiduum futurum confessionis Sacramento expiati Eucharisticæ mensæ omnes accumberent ; quod Pontificis Edictum , ut in locis Urbis frequentioribus proponeretur impressum , curavit Eminentissimus Cardinalis Guadagni Sanctissimi Domini Nostri Papæ Vicarius , aliis præterea mandatis ad omnes urbis Ecclesiæ transmissis juxta instructionem , quam Sanctitatis Suæ imperio ab Apostolico Cæremoniario acceperat .

Emi-

a Ezechiei. cap. 33. v. 2. b Isai. cap. 11. v. 2. c Eccli. cap. 45. v. 14.

Eminentissimus & Reverendissimus D. Cardinalis Vicarius mandet affigi per Urbem schedulam publicationis Indulgentiae plenariae, quam Sanctissimus elargitur omnibus interessentibus solemnis Canonizationi beatorum Fidelis a Sigmarinæ, Camilli de Lellis, Petri Regalati, Josephi a Leonissa, & Catharinae de Ricciis, Deo inspirante peragendæ die Natali SS. Apostolorum Petri & Pauli feria quarta 29. Junii.

Mandet insuper Mandatariis, ut utrumque Clerum Secularem & Regulari, nec exceptis Capitulis trium Basilicarum Urbis, & duarum Collegiatarum Insignium, necnon Monachis quantumvis exemptis, admoneant, etiam dimissa copia typis imprimenda, ut summo mane hora scilicet nona dictæ diei serie quartæ 29. Junii cum eorum Crucibus, sicuti solent in festo Corporis Christi, ad Vaticanum contendant, & in Atrium magnum Palatii Pontificii simul conveniant, inde supplicabundi consueto ordine discessuri, & a Porta majori Palatii ad Obeliscum; indeque ad Portam Basilicæ hinc inde dispositi Pueri Hospitii Apostolici S. Michaelis & Orphani, necnon Clerus Regularis & Secularis, exclusivè ad Capitula dictarum Collegiatarum insignium stationes agentes Sanctissimi adventum expectent. Capitulum S. Petri in suo ordine procedat, & sub Porticu hinc inde dispositum Sanctissimo pariter adventuro assidentiam consuetam prestat. Capitula verò Collegiatarum Insignium, necnon Basilicarum Liberianæ & Lateranensis, Basilicam ipsam Vaticanam ingrediantur, ibique disposita per alas adventum Sanctissimi similiter expectent.

Mandet etiam intimari, Domi quoque dimissa copia ut supra imprimenda, omnibus & singulis Rectoribus, Sacristis, Cappellanis, seu quovis alio nomine nuncupatis Ecclesiarum & Oratoriorum omnium Custodibus, necnon Monialibus Urbis, ut die prædicta 29. Junii, cum primùm audierint bombardarum strepitum ex Arce S. Angeli, seu pulsum Campanæ Capitolinæ inter ducdecimam, & decimam tertiam horam circiter pulsent, seu pulsari faciant Campanas omnes hilariter per integrum saltem horam.

Fr. GIO: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

LA Santità di Nostro Signore Papa BENEDETTO XIV. concede Indulgenza Plenaria, e remissione de' Peccati a tutti li Fedeli Criſtiani dell' uno, e l' altro ſesso, che confeſſati, e communicati, overo con fermo proposito di co-municarſi dentro la ventura settimana interverranno alla Proceſſione, o alla ſolenne Canonizzazione dellì beati FEDELE da SIGMARINGA Martire dell' Ordine de' Cappuccini, CAMILLO de LELLIS Fondatore de' Cherici Regolari Miniſtri degl' Inferni, PIETRO REGALATO dell' Ordine de' Minori Oſſervanti, GIUSEPPE da LEONESSA parimente del ſudetto Ordine de' Cappuccini, e di CATARINA RICCI dell' Ordine Domenicano; che coll' ajuto Divino ſi farà dal-

la Santità Sua Mercoledì prossimo 29. del corrente mese di Giugno Festa de' gloriosi SS. Apostoli PIETRO, e PAOLO principali Protettori di Roma, nella Basilica Vaticana, & a quelli che ritenuti in Casa o in Carcere, & alle Monache, ed altri esistenti in Clausura, & ad ogni altro in qualunque modo legittimamente impedito, che allo sparo di Castello, o al suono delle Campane in detta mattina genuflessi, o altrimenti come potranno, diranno trè Pater Noster, e trè Ave Maria, e renderanno grazie a Dio della solenne Canonizzazione de' sudetti Beati, per la gloria che in essa si aggiunge alla Religione Cattolica.

Premendo però sommamente alla Santità Sua, che tutti quei Fedeli parimente dell' uno, e dell' altro sesso, di qualsiasi grado o condizione siano, che vorranno intervenire alla sudetta Processione, o Canonizzazione, vi assistano con quella maggior modestia, e di loro raccoglimento, con cui tanto esteriormente, quanto esteriormente merita di essere accompagnata una sì sagra azione: D' ordine espresso della Santità Sua se ne dà loro questo speciale ricordo, col quale strettamente s' incarica a ciascheduno di essi di praticare in tale occasione tutta quella pietà e divozione, che conviene alla santità della funzione che si fa; onde non solo abbia ad essere rimossa ogni occasione di scandalo, che si darebbe da chi fa esse diversamente, ma per lo contrario abbia a darsi motivo a chiunque vedrà l' istessa funzione, di ritrarne edificazione e profitto. Avverta perciò ogn' uno di conformarsi colla dovuta obbedienza alla giustissima mente di Nostro Signore per non incontrare l' indignazione della Santità Sua, e molto più per non meritare quella di Dio, che con severi castighi suol punire le irriferenze, che si commettono nelle azioni ordinate all' accrescimento del suo culto, e alla maggior propagazione della sua gloria, quale appunto è la solenne Canonizzazione de' Santi. Dato in Roma li 24. Giugno 1746.

Fr. G. A. Card. Vicario.

Gaspero Arciprete Ori Segretario.

Fr. GIO: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

LA Santità di Nostro Signore comanda a tutti li Canonici delle Patriarcali, e Collegiate anche insigni, Curati Secolari e Regolari, Monaci, Frati, & altri tutti del Clero Secolare, e Regolare di Roma soliti ad intervenire alla Processione del Corpus Domini, che Mercoledì 29. del presente Mese di Giugno, festa degli gloriosi Apostoli e principali Protettori di Roma SS. Pietro, e Paolo debbano ritrovarsi ad ore nove nel Cortile superiore del Palazzo Apostolico Vaticano per intervenire alla generale e solenne Processione della Canonizzazione da farsi con l' aiuto Divino nella Basilica di S. Pietro, delli beati FEDELE da

SIG-

SIGMARINGA Martire dell' Ordine de' Cappuccini , CAMILLO de LELLIS Fondatore de' Cherici Regolari Ministri degl' Infermi , PIETRO REGALATO dell' Ordine de' Minori Osservanti , GIUSEPPE da LEONESSA parimente del suddetto Ordine de' Cappuccini , e CATARINA RICCI dell' Ordine Domenicano , sotto pena a nostro arbitrio . Dato in Roma li 24. Giugno 1746.

La Processione comincierà dalla Porta maggiore del Palazzo , e d' indi alla Basilica di S. Pietro , nella quale ciascun Corpo che la compone , resterà disposto secondo gli verrà ingiunto , e aspetteranno l' arrivo di Sua Santità .

Si ricorda d' ordine espresso e speciale della Santità Sua a tutti quelli , che interverranno alla suddetta Processione di praticare in tale occasione tutta quella modestia , pietà , e divozione , con cui tanto interiormente , quanto esteriormente merita di essere accompagnata un' azione sì santa .

Fr. G. A. Card. Vicario .

Gasparo Arciprete Ori Segretario .

Fr. GIO: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

D' Ordine espresso di Nostro Signore si comanda a tutti i Superiori tanto Seculari , quanto Regolari , Rettori , Sagrestani , Cappellani , Custodi , & a qualunque altro Ministro di tutte le Patriarcali , Basiliche , Collegiae , Chiese , Oratorj , e Monasteri di Roma , che Mercoledì prossimo 29. del corrente Mese di Giugno Festa de' gloriosi SS. Apostoli Pietro , e Paolo principali Protettori di Roma , nel qual giorno si farà dalla Santità Sua , mediane l' ajuto Divino la solenne Canonizzazione degli beati FEDELE da SIGMARINGA Martire dell' Ordine de' Cappuccini , CAMILLO de LELLIS Fondatore de' Cherici Regolari Ministri degl' Infermi , PIETRO REGALATO dell' Ordine de' Minori Osservanti , GIUSEPPE da LEONESSA parimente del suddetto Ordine de' Cappuccini , e CATARINA RICCI dell' Ordine Domenicano , subito che udiranno le Bombarde di Castel Sant' Angelo , o sonare la Campana di Campidoglio nella mattina suddetta faccino sonare tutte e singole Campane delle loro Patriarcali , Basiliche , Collegiate , ed altre Chiese , anche di Monache , ed Oratorj per lo spazio di un' ora sotto pena a nostro arbitrio . Dato in Roma li 24. Giugno 1746.

Fr. G. A. Card. Vicario .

Gasparo Arciprete Ori Segretario .

Interea ut omnia , quæ ad tantam celebritatem spectabant , rite
M m m 2 fie-

fierent atque ordine , non destitit idem Cæremoniarum Præfectus præmonere de scripto utrosque Duces Custodiarum Pontificiarum equestrium , tam levis armaturæ , quam Cataphractorum , eosque docere , quo indumento Milites ornati , quo modo in acie dispositi , quâve horâ insidentes equis consisterent in Platea sancti Petri ipso Sanctorum Apostolorum festo die ; quo peragenda erant Canonizationis solemnia .

Præfulem quoque Generalem armorum monuit , ut Peditum copiis ita custodiri mandaret præscriptum iter Supplicationis ex utroque viarum latere , ut necai liceret ex confluenti Populo , aut eas transgredi , aut in iisdem subsistere ; ita enim consultum iri significavit , ne progradientium Ecclesiasticorum & Ministrorum turmæ aut tramite nimis angusto , aut turbatis ordinibus cogerentur incedere : Curaret propterea , ut Pedites contis armati in duplices oblongos ordines instruerentur hinc & inde ab Principe Basilicæ Janua usque ad prima Theatri Canonizationis repagula ; quò liber expeditiorque pateret transitus ad ipsum Theatrum tum Sanctissimi Patris , tum ceterorum Ordinum , qui ipsum comitabantur . Helvetiæ Custodiæ Ducem & Arcis sancti Angeli Pro-Præfectum edocuit , ut per Libratores suos alter in Area Vaticana , statimac Excellentissimi D. Ducis de Comitibus Magistri S. Hospitii concinnissent tubæ , quæ prope Æneum B. Petri simulacrum consistent , & cum alteris Romani Populi simul tympana concrepuissent ; alter in ipsa Adriani Mole , primo bombardarum strepitu audito , minora omnia & majora tormenta bellica in publicæ lætitiae significationem exploderent : Ut Helvetii Milites ferreo thorace & galea induiti partim relinquerentur ad custodiendum de more Pontificem Maximum descendantem in Basilicam , partim tuerentur Cancellos , ex quibus aditus est in Theatri caveam , & ducunt ad pegmata superiora ; qui tamen Cancelli Nobilibus tantum Advenis , Diristis , ac præfinito Religiosorum numero ex Beatorum Canonizandorum Familiis recluderentur solo præfati Excellentissimi D. Ducis de Comitibus imperio , a cuius proinde nutibus ipsi Milites omnino pendere debebant ; de quo scorsim idem Excellentissimus Dux est etiam admonitus : Actum etiam est cum D. Fiscali Fori Capitolini ; ut Tympanistæ & Tubicines Senatus Populique Romani omnes prædicto festo die sanctorum Apostolorum Petri & Pauli primo diluculo contendenter cum suis tympanis ac tubis ad Vaticanam Basilicam ; ibique prope majus Templi ostium expectantes , statimac cepisset cani hymnus : *Te Deum laudamus* ; & Excellentissimi Ducis de Comitibus tubæ signum de-issent , confestim & ipsi clangerent tubis , ac tympana pulsarent saltem per horæ quadrantem ; præterea ad primum bombardarum strepitem Æs campanum Turris Capitolinea , per horam integrum assiduo pulsu quateretur , ut completæ quinque Beatorum Canonizationis signum omnibus innotesceret .

His itaque per schedulas peractis , idem Cæremoniarum Præfectus adi-

adivit Eminentissimum D. Fr. Joachim Tit. SS. Quatuor Coronatorum S. R. E. Presbyterum Cardinalem Portocarrero, S. Joannis Jerosolymitani Hospitalariorum Equitum Baijulivum, prius Antiochenum Patriarcham a sancte memoriae Clemente XII. renuntiatum, postea a Sanctissimo Domino Nostro inter Cardinales adlectum, ut eum certiorem faceret a Sanctitate Sua Procuratorem futuræ Canonizationis designatum fuisset: Quod quidem munus ut plurimum consuevere Romani Pontifices Nepotibus suis deferre, ut a fel. record. Clemente XI. hac nostra ætate factum est, qui anno millesimo septingentesimo duodecimo adjeciturus Sanctorum Catalogo beatos Pium V., Andream Avellino, Felicem a Cantalicio, & Catharinam de Bononia, hujusmodi Provinciam demandavit Cardinali Annibali Albano tunc Diacono, nunc Episcopo Portuensi Nepoti suo præstantissimo. Cum annuisset libenti animo Eminentissimus Portocarrero, summamque erga se Pontificis benicitatem commendasset, de iis quæ ab eo fieri oporteret, a Cæremoniario admonitus est.

Tantæ fama celebritatis, quæ jam imminebat, latius percrebrente, augebatur in dies magis Nobilium Advenarum & Populorum finitimis ex oppidis concursus: Quo proximior verò dies is erat; eò acriùs fatigabant Postulatores efficere, ut ad constitutum tempus parata essent omnia & bene provisa; quæ ut coram inspiceret Eminentissimus & Reverendissimus D. Cardinalis Hieronymus Columna Pontificiae Domui Pro-Præfectus triduo ante peregrinum diei festi ad Vaticanam Basilicam perrexit, quò cum jussu præfati Eminentissimi Cardinalis præmoniti convenissent Excellentissimus Dux Stephanus de Comitibus Magister Sacri Hospitii, R.P.D. Melchior Maggius Pro-Commissarius Armorum, R.P.D. Boccapaduli nuper a Sanctissimo D. N. Rocchetti usu, & loco in sua Pontifica Cappella post Protonotarios decoratus, D. Marchio Joannes Chisius Montorius Patritius Sanctissimi Domini Nostri Papæ Florerius Major, D. Ludovicus Manfroni Dux Militum Generalis, una cum D. Laurentio de Molaria Militum Tribuno, D. Ludovico Phiffer Duce Cæstodiæ Militum Helvetiorum, duobus præterea ex Apostolicarum Cæremoniarium Magistris, & Ludovico Vanvitelli totius ornatus Opifice, & R. Fabricæ sancti Petri Architecto, postulavit a singulis idem Pontificii Palatii Pro-Præfectus, & summo studio contendit, ut spectarent diligenter omnia, & solerter animadverterent, si quid esset, quod aut oportere perfici, aut pro loco & tempore minus opportunum videretur. Cum omnia probassent; ventum deinde est ad spatii totius, & locorum partitionem. Oratoribus Regiis, Gallo & Veneto, (quia adhuc in publica pompa Sanctissimum Dominum nostrum non inviserant) Senatori Urbis, Magnatibus, atque Matronis supernæ Pegmatum contignationes attributæ: Locus iis qui Oblationes portarent, datus: Odæum Cantoribus destinatum: Abacorum ac Mensarum situs designatus: Hinc Nobilium, inter

inter quos, ita mandante Pontifice, seorsim ab aliis intersuere utriusque Collegii, Romani nempe & Clementini, Convictores, & Religioforum admittendorum discreta confinia: Hinc sedilium partitiones; Custodiarum & Excubiarum statuta discrimina; munera distributa; Seruño autem Jacobo III., ob posthabitum religionis causa avitum Britannicum Regnum invictissimæ pietatis, & constantissimæ virtutis exemplo, eminens & multo amplior eo, qui aliàs erigi eidem consuevit, suggestus remoto ab aliis loco comparatus; ubi Majestas sua, una cum Serenissimo Duce Eboracensi Regio filio suo præsens, maximæ hujus celebritatis dignitatem & ornamentum auxit.

Hæc ita disposita, quæ Sanctitas Sua pridie ejus diei, quo peragenda Canonizatio erat, cum Vaticanum adisset, inspectare coram voluit; hæc inquam ut faciliùs intelligantur, hoc loco apponitur Ichnographia numeris suis distincta.

Ut Eminentissimi Patres non ignorarent, quæ scitu ipsis necessaria erant hoc tempore; ad proprias uniuscujusque ædes jussu Pontificis missa a Cæremoniarum Præfecto per Cursores Instruatio est typis impressa; cui & altera adjecta erat vernacula lingua & hoc exemplo, pro iis duntaxat Cardinalibus, qui Sacroru[m] Rituum Congregationi adscripti Oblationes inter Missarum solemnia erant Sanctitati Suæ porrecturi.

I N T I M A T I O

Per Cursores facienda, Domi quoque dimissâ copiâ.

Die 29. Junii feria quarta, Feste SS. Apostolorum PETRI, & PAULI hujus Almae Urbis Patronorum Principalium, hora undecima cum dimidio Sanctissimus Dominus Noster BENEDICTUS PP. XIV. in Aulam Apostolici Sacrarii descendet, & inde sacris induitus ad Sacellum Sixtinum perget.

Eminentissimi, & Reverendissimi DD. Cardinales per Viam Burgi Pii Palatium Vaticanum petent, & per Scalam Atrii, vulgo di Belvedere, superiùs ascendent.




Cappas rubeas consueto in loco accipient, quibus in Aula Regia dimissis, Vests sacras de more induent: nempe Cardinales Episcopi Pluvialia, Presbyteri Planetas, & Diaconi Dalmaticas rubri coloris; sicque amicti in supradicta Cappella Sixtina adventum Sanctitatis Suæ præstolabuntur.

Summus Pontifex, postquam Hymnum Ave Maris Stella ante Aram prædictæ Cappellæ intonaverit, sedemque Gestoriam concederit, ac tres Cereos emanibus Eminentissimi Domini Cardinalis Portocarrero Canonizationis Procuratoris acceperit, supplicabundo ritu, præeuntibus Eminentissimis Patribus dextra manu accensum Cereum gestantibus, ex eodem Sacello in Basilikam Vaticanam deferetur.

Emi-

1. Solium Pontificium.
 2. Aliud parvum ad Horam Tertiam concinendam.
 3. Sarcophagus ad prospiciendum pro Serino Iacobo
III. Magna Britanniae Rege.
 4. Scanna ad Sacri Senatus Sessionem.
 5. Subsellia pro Archiepiscopis et Episcopis non As-
sistentibus; aliisque Prelatis.
 6. Alia ad Penitentiariorum Sessionem.
 7. Scannus pro Oratore Bonorum.



8. Quinque Oblationum Mensae CCCCLXII
 9. Parvum Cubiculum ad opportunum Ritu Sanctitatis Secessum.
 10. Contignatio pro Orat. Francie.
 11. Alia pro Oratore Venetiarum nonnulli publice inceden-
 tibus.
 12. Contignatio pro Columnensium Familia.
 13. Alia pro Virbis Senatori.
 14.
 15. Alice Contignationes pro Princepsis
Urbanis exterisque Matronis.
 16.



*Architectura Theatri in Vaticana Basilica constructi, al-
 legente s:mo D:mo Benedicto XIV. in Sanctorum album
 quinque Beatos nempe Fidelem a Sigmarina Martyrrem Camil-
 lum de Lellis Clericorum Regularium Ministerium Infirmis
 Fundatorem, Petrum Regalatum, Josephi a Leonisa et
 Catharinam de Riccis.*

Scala Palmorum Rom.

Antonius Rinaldi delin.



17. Odacum pro Cantoribus.
 18. Contignationes velis intus obductar pro Postulato.
 19. Confignatio pro Religiosis Familias ex Institutis qui-
que Beatorum inter Repagula.
 20. Scanna pro Sacra Congregationis Rituum
Consultoribus.

21. Alia pro Oblationum Portitoribus.
 22. Abaci inter repagula pro Sacri Ministerii
Vasum Cincelarchat, cum Pincerna Summi
Pontificis et locus pro Nobilibus Adversis.
 23. Locus pro Convictoribus Colley. tum Semina-
rii, cum Clementi.
 24. Contignatio pro Vaticano Capitulo.
 25. Alia pro Duce Guad Magistro Sacri Hospiti.
 26. Contignationes pro Nobilibus Mulieribus.
 27. Princeps inter repagula Ingressus

Mosseus Uanvitelli Arch.

Ioan. Bapt. Sintes sculp. Rome

28. Aenea B. Petri Statua.
 29. Ara maxima Vaticana Basilica.
 30. Loculamenta quatuor inter magni Toli pilas,
nempe Veronicæ, S. Helena, S. Andrea, ac S.
Longini.

Eminentissimi, & Reverendissimi DD. Cardinales, omni alio cmitatu penitus excluso, Cubiculi Praefecti, & Caudatario tantum utentur.

In Basílica ante Augustissimum SACRAMENTUM publicæ venerationi expositum, & ante Principem Aram preces effundent. Mox ubi Sanctissimus Pater in Solio se componuerit, ei Obedientiam unacum aliis ex more præstabunt; sacraque actioni sollemnis Canonizationis Beatorum FIDELIS a SIGMARINGA, CAMILLI de LELLIS, PETRI REGALATI, JOSEPHI a LEONISSA, & CATHARINÆ de RICCIIS, Deo inspirante, per Sanctitatem Suam persolvenda, ac Missæ per eamdem sibinde celebrandæ simul intererunt.

Expleta Papali Missa, induvnta sacra omnes deponent, Cappas resument, & postquam Pontifex in Tentorio ad h.c præparato Pontificales Veste dimiserit, & a Basilica discesserit, ipsi ad propria pariter remigrabunt.

Quindecim Eminentissimi DD. Cardinales Congregationi Sacrorum Rituum præpositi, antiquiores in unoquoque ordine, si fas erit, tripartito assuendi, Oblationes a duobus Nobilibus eorum respectivè Familiaribus talari Veste indutis delaeras reverenter de more Sanctitati Sue præsentabunt.

Prima hac nocte, & pariter sequentis diei signa lætitia fieri mandabunt cum luminaribus, & festis ignibus.

Ideo intimentur omnes, & singuli Eminentissimi, & Reverendissimi DD. Cardinales, Reverendissimi Patriarchæ, Archiepiscopi, & Episcopi in Urbe præsentes tam Assistentes, quam non Assistentes, Abbates Generales locum in Pontificia Cappella habentes, ac Pœnitentiarii Basilicæ Vaticanæ.

Intimentur etiam Gubernator Urbis Vice-Camerarius, Principes Solii, Protonotarii Apostolici, Generales Ordinum Mendicantium, Conservatores Urbis, Oratores Civitatum Subditarum, Auditores Rotæ, Clerici Cameræ Apostolice, Votantes Signaturæ Justitiae, Abbreviatores, utriusque Signaturæ Referendarii, & Advocati Consistoriales, ut omnes sub eamdem horam in prædictum Sixti Sacellum expeditè conveniant.

Episcopi Assistentes, & non Assistentes, ac Abbates Generales cum Pluvialibus rubeis, & Mitra simplici ex lino.

Pœnitentiarii cum Planetis rubeis, & biretis.

Protonotarii Apostolici cum Cappis.

Reliqui Prælati, nempe Auditores Rotæ, Clerici Cameræ, Votantes Signaturæ Justitiae, Abbreviatores, & Referendarii cum Rocchettis, & Superpelliceis.

Advocati Consistoriales cum Vestibus violaceis, atque Caputiis.

De Mandato Sanctissimi Domini Nostri Papæ.

Ignatius Reali Apost. Cærem. Præf.

EMINENTISSIMO, E REVERENDISSIMO SIGNORE.

Mercoledì 29 del cadente mese di Giugno festa de' gloriosi Santi Apostoli Pietro, e Paolo si degnarà l'Eminenza Vostra mandare due Gentiluomini con abito talare la mattina della Canonizzazione de' Santi FEDELE da SIGMARINGA, CAMILLO de LELLIS, PIETRO REGALATO, GIUSEPPE da LEONESSA, e CATARINA RICCI, per tempo nella Basilica Vaticana; con trasmettere anche due giorni prima i nomi dei medesimi al Sig. Duca di Gradagnoli Maestro del Sagro Ospizio per poterli introdurre nel luogo destinato, perché siano pronti ad assistere a Vostra Eminenza nell'Oblazioni.

Modo huic non absimili mandatum etiam est Rituum Congregacionis Consultoribus, ut insignibus, ac indumentis ipsorum muneribus, & Ordinibus congruentibus Supplicationem utriusque Cleri tendentem in Beati Petri Basilicam ex praescripto Summi Pontificis, quocumque suorum sociorum comitatu excluso, prosequi non detrectarent.

REVERENDISSIMO PADRE.

Dovendo per ordine della Santità di Nostro Signore V. P. Reverendissima intervenire con gl'altri Consultori della Sagra Congregazione de' Riti alla solenne Canonizzazione de' Beati FEDELE da SIGMARINGA, CAMILLO de LELLIS, PIETRO REGALATO, GIUSEPPE da LEONESSA, e CATARINA RICCI; Si troverà la mattina del 29. di Giugno Festa de' SS. Apostoli Pietro, e Paolo, alle ore dieci e mezza in punto, fuori de' Cancelli della Cappella Sistina del Palazzo Apostolico Vaticano, di dove sarà avvisato per portarsi, escluso il proprio Compagno, in Processione, secondo il metodo dalla Santità Sua prescritto, alla Basilica Vaticana, nella quale fra gl'altri Ordini della Cappella Pontificia da uno de' Maestri di Cerimonia della Santità Sua le verrà assegnato il luogo per assistere alla detta Sagra Funzione.

Porro diei Festi Apostolorum Principum Pervigilium, in quo modò versamur, opportunitatem præbet ejusmodi; ut quemadmodum ea celebritas incrementum acceperit, prætereundum non videatur. Etsi enim persuasum haberet Summus Ecclesiasticæ Disciplinæ Moderator,^a omnium Sanctorum solemnitatum, totum Mundum participem esse, & unius Fidei pietatem exigere; ut quidquid pro salute universorum gestum recolitur, communibus ubique gaudis celebrandum sit; tamen quod Petri & Pauli Festivitas præter illam reverentiam, quam toto terrarum orbe promeruit, speciali ac proprio Romanae Urbis exultatione veneranda est; ut ubi præcipuorum Apostolorum glorifica:us est exitus; ibi in die Martirii eorum sit latitiae Principatus.

Per-

a S. Leo Serm. 1. in Natali Apost.

perpetuis futuris temporibus valitura sua Constitutione, quæ inferiùs dabitur, præter Festum diem, eorumdem Apostolorum cultum ad octiduum protraxit præcipiens, ut unoquoque die infra prædictam octavam in designata Ecclesia insigni aliquo ipsorum Apostolorum monumento celebri Pontificalis Missa mane cantaretur adstantibus per dies singulos singulis Romanæ Curiaæ Prælatorum Ordinibus juxta gradum & dignitatem, ac præcipue juxta locum, quem obtinent in Pontificiis Cappellis, & habitu eodem, quo utuntur, cum collegialiter iisdem intersunt. Quia verò exorta controversia erat inter Prælatos Votantes Justitiæ & Gratiaæ, uter nimirum ex his duobus Ordinibus alteri deberet præcedere, composuit litem Sanctissimus Pater datis Apostolicis literis, quas non injundum erit hic inserere: Vicaria enim qua pollet, Iesu Christi potestate BENEDICTUS non destitit, dum nova Sanctorum accessione triumphanti Ecclesiæ decorem augere satageret, & Militanti consulere, Gerarchicum Ordinem Prælatorum constituendo; Sanctionis tenor.

ORDINATIO, SEU STATUTUM,

Quo præscribitur Ordo præcedentiæ per Votantes Signaturæ Justitiæ & Gratiaæ tum in Sedendo, tum in Votum ferendo servandus.

BENEDICTUS P.P. XIV.

Ad futuram rei memoriam.

Militanti Ecclesiæ, quæ est sicut Castrorum acies ordinata, per infabilem Divinæ Bonitatis abundantiam, quamvis nullis nostris meritis præsidentes, illud præcipue inter cetera per magna & ampla Apostolicæ procurationis nostræ munera studiosius curare debemus, ut eas providentissimè tradamus, statuamusque regulas, quibus ab ipsis ejusdem Ecclesiæ Prælatis in hac Romana Curia ad laboriosa & difficultima totius catholici Orbis expedienda sive Gratiaæ, sive Justitiæ negotia Nobiscum adlaborantibus rite sanctèque servatis, nulla potissimum quoad præcedentiam inter eos confusio & inordinatio inducatur, quemadmodum, iisdem regulis nondum apprime constitutis, experientia constat, maximam inducitam fuisse confusionem inordinationemque. Duo in hac ipsa Romanâ Curiâ nostrâ sunt Tribunalia antiquissima sanè, & aliis interdum, quām de præsenti, nominibus celeberrima, alterum quidem Signaturæ Justitiæ dictum, in quo duodecim tantum numerantur Prælati Votantes nuncupati, alterum verò Signaturæ Gratiaæ appellatum, in quo totidem Prælati Votantes habentur. In horum sanè numero Nos pariter olim, dum in Minoribus essemus, fuisse gloriamur. Porro nunquam utrique Votantes tamquam in sive Corporis, sive Tribunalis speciem conveniunt;

niunt; ea propter nulla quidem hac in parte necessaria est Apostolicænostræ providentiæ ratio; sed hoc præsertim præcipimus & mandamus; ut quotiescumque tam ipsi Signaturæ Justitiæ, quam Signaturæ Gratiæ Votantes pro suis respectu proprii Tribunalis seorsim obeundis adimplendisque muneribus invicem convenire debent, idem inter ipsos tum in sedendo, tum in votum, sive suffragium ferendo præcedentia Ordo servetur, qui ad hanc usque diem retentus servatusque est. Quoniam ut plurimum accidere potest, ut sive unus, sive plures ex utroque Signaturæ Justitiæ & Gratiæ Tribunalis Votantes quacumque ex causa sive Prælatitio, sive quocumque alio habitu indui quomodolibet & ubicumque insimul referiri possint: Hinc est, quod Nos motu proprio, ac ex certa scientia, & matura deliberatione nostris, deque Apostolicæ potestatis plenitudine volumus & mandamus, ut in hujusmodi conventu ille Votans, qui in suo Tribunalis antiquior, & prior constitutus fuerit, hoc modo præcedat, videlicet: Ut Votans prior in Signaturæ Justitiæ Tribunalis adlectus, quam Signaturæ Gratiæ Votans in suo admissus fuerit, huic secundo dicto Signaturæ Gratiæ Votanti præcedat ille Signaturæ Justitiæ Votans; ita pariter huic Signaturæ Justitiæ Votanti præcedere debeat ille Signaturæ Gratiæ Votans, qui antequam Signaturæ Justitiæ in suum Tribunal amitteretur, jam in proprium itidem Tribunal receptus fuerat: Quod si contigerit ambo alterius Signaturæ Votantes eodem die quemque Tribunalis constitutos fuisse, tunc præcedentia illi detur, qui in Prælatura quacumque antiquior & prior reperitur. Traditam itaque statutamque regulam in præmissis, dummodo nullus alias præcedentia titulus intercedat, omnino servandam custodiendamque esse volumus & mandamus. Verum cum aliquis Votans alterius Tribunalis hujusmodi sive Episcopali charactere insignitus, sive Protonotarii Apostolici dignitate ornatus, sive quocumque alio ejusdem Romanæ Curie munere, vel officio decoratus reperiatur, præcipimus insuper & mandamus, ut nulla habita Signaturæ Justitiæ, aut Gratiæ Votantis ratione, sed ea duntaxat præcedentia illæsa remaneat, quæ Votanti respectu sive characteris Episcopalis, sive Dignitatis Protonotarii Apostolici, sive cujusvis alterius muneris præcedentiam hic in re requirentis competit & debetur. Denique statuimus & decernimus hujusmodi præcedentiam, cum quivis Votans in utroque Signaturæ Justitiæ & Gratiæ Tribunalis adscriptus fuerit, a primæva ipsius Votantis in altero utriusque Signaturæ Tribunalis receptione & admissione, & non aliter esse repetendam & definiendam. Decernentes ipsas præsentes Literas semper firmas validas & efficaces existere & fore, suosque plenarios & integros effectus fortiri & obtinere, ac illis, ad quos spectat, & pro tempore quandcumque spectabit, plenissimè suffragari, & ab eis respectivè inviolabiliter observari; sicque in præmissis per quoscumque Judices Ordinarios, & Delegatos etiam Cau- farum Palatii Apostolici Auditores judicari & definiri debere, ac irri-

tum

tum & inane , si secus super his a quoquam quavis auctoritate scienter vel ignoranter contigerit attentari . Non obstantibus Constitutionibus & Ordinationibus Apostolicis , ceterisque contrariis quibuscumque . Datum Romæ apud Sanctam Mariam Majorem sub Annulo Piscatoris die vij. Junii MDCCXLVI. Pontificatus nostri Anno Sexto .

D. Card. Passioneus.

Toto autem eo octiduo voluit Pontifex , ut Vespere aliquæ Laicorum Confraternitates ab Eminentissimo Cardinali Urbis Vicario eligendæ supplici ritu adirent eam Ecclesiam ; ubi preces habitæ mane fuerant ; ultimo tandem solemnitatis die ad Lateranensem Basilikam , non solùm composita supplicantum agmina procederent , sed Eminentissimi Patres , qui vellent , iterum vestibus , & quod peculiare est , etiam Cappis rubris , mane adeissent Pontificali Missæ . Post meridiem Senator , Conscripti , & Centuriati e Romano Populo homines , frequentiori quo possebant , comitatu , Capita Apostolorum veneraturi eo progrederentur : quod jam quater religiosè servatum est .

B E N E D I C T U S E P I S C O P U S

S E R V U S S E R V O R U M D E I

Ad perpetuam rei memoriam.

Admirabilis Sapientiæ Dei sublimitas , cuius providâ dispositione mundana Regna constituuntur , ut Ecclesiæ Fidelium , quæ diuinom comitata adjutorio peregrinatur in terris , vel amplificandæ , vel exercendæ , vel custodiendæ , alternantibus miro ordine vicibus , inserviant , voluntariam humani Generis cæcitatem , & proclivem in deteriora nequitiam secretiori consilio , & altiori pietate commiserans , cum adveniente temporum plenitudine , sedentibus in tenebris , & ambulantibus in umbra mortis Evangelicæ Fidei lucem effundere decrevisset , Romanum præparavit Imperium , ut promptiores ad omnes Populos prædicatio veritatis haberet accessus , quos unius Civitatis dominatio sociaret . Imbuendi autem Evangelio mundi partibus , accepta per Spiritum Sanctum omnium locutione linguarum , duodecim Apostolis distributis , beatissimus Petrus Princeps Apostolici Ordinis ad Arcem Romani destinatur Imperii , ut ea capta , & in obsequium Fidei subjugata , facilius universus Orbis humilitati Crucis superba colla submitteret . Ad hanc postea Coapostolus ejus Paulus , aliis peragratissimis provinciis , adveniens , labore & meritis illi consociatus est , ut Roma tantorum Apostolorum edocta Magisterio , quæ superstitionis studio profanabat nos

nos omnium gentium cultus atque errores receperat, veritatis amore sanctæ atque immaculatæ unius Dei Religionis Sedes evaderet. Iste enim sunt Romanæ Urbis Patres verique Conditores, qui eam Reginis cœlestibus adscribendam melioribus auspiciis & fortunatioribus initiis condiderunt; non illi, quorum manibus cognato sanguine pollutis prima mœnium fundamenta locata sunt, e quibus is, qui ei nomen dedit, fraterna cæde foedatam facinorosis hominibus, scelerum impunitate promissa, habitindam concessit. At verò isti e tenebris Idololatriæ ad Fidei lumen evocatam, Evangelica veritate imbutam, christianis ornatam virtutibus, & ad Cœli sublimitatem erectam pretioso sanguine suo consecrarunt, & sacris Corporum suorum Sepulchris adversus furentium hæresum insidias, & frementis infernalnis hostis impetus, tanquam duobus firmissimis munivere propugnaculis. Beatus autem Apostolus Petrus, Sacerdotali Sede Romam translata, cum privilegium potestatis a Christo Domino acceptæ ad omnes suos transmittat hæredes, supremi culminis prærogativam quodammodo cum ea communicavit, adeo ut per beati Petri Cathedram Princeps ac Caput Orbis fieret, & in immensum Religione Divinâ ejus cresceret dignitas, cuius latius quam dominatione terrena per totum Orbem protendebatur auctoritas. Quare etsi in Sanctorum solemnitatibus commune universorum Fidelium deceat esse gaudium, cum ob fidei unitatem in acceptis a Deo per Servos suos beneficiis indiscreta sit omnium utilitas; ^a tamen Natalis Apostolorum Petri & Pauli festivitas præter illam reverentiam, quam toto Terrarum Orbe promeruit, speciali & propria Romanæ Urbis exultatione veneranda est, ut ubi præcipuorum Apostolorum glorificatus est exitus, ibi in die martyrii eorum sit lætitia Principatus.

Vivit adhuc in mente hominum, & nulla unquam delebit oblivio, vetus memoria & recordatio, quammeritò & quanto per totum Orbem, sed præcipue in hac Alma Urbe nostra fuerit a primis Ecclesiæ seculis celebri cultu, & splendida solemnitate Natalis dies beatorum Apostolorum celebratus. Siquidem ea die traditum est, Romanos Pontifices Prædecessores Nostros primùm in Basilica beati Petri in Vaticano, deinde in altera Apostoli Pauli Via Ostiensi Sacrum immortali Deo in honorem Principum Apostolorum fecisse, & Romanum Populum frequentissimo cœtu, & celebri concursu utramque Basilicam sacras Apostolorum Reliquias veneraturum invisere solitum; imò ad eamdem solemnem diem ex diversis Orbis partibus innumerabilem populi multitudinem linguis, moribus, & regionibus discretam, venerationis tamen erga beatos Apostolorum cineres, & triumphalem Natalis eorum memoriam concordi obsequio sociatum confluere consueuisse; Episcopos etiam aliosque sacros

^a S. Leo Serm. in Nat. Ap. Petr. & Paul.

facros Antistites , sublimes Regiasque personas ad eamdem solemnitatem convenire solitos fuisse , supplicesque se , suasque coronas ad pedes Piscatoris , & ad Scenofactoris monumentum , adstantibus Ducibus , & Praefectis militum , prostertere . Hæc igitur & alia hujusmodi diligenti animi consideratione nobiscum reputantes vehementer solicii sumus , ne Nos , qui in tantis periculis & adversitatibus constituti sanctorum Apostolorum valido indigemus auxilio , degeneres a Majorum pietate , & devii a sanctis eorum Institutis simus , & quibus in accipiendo a Deo per beatos Apostolos beneficiis & donis pares sumus , impares & ingrati in sacra eorum recolenda memoria , & gratiis immortali Deo agendis reperiamur , meritòque illorum destituamur præsidio , quorum negligimus solemnitatem .

Volentes itaque cupientesque , Romani Populi erga BB. Apostolos devotionem , de quorum præsidio hanc Urbem nostram eorum decoratam Corporibus , cœlestibus illustratam doctrinis , & potenti apud Deum patrocinio semper adjutam maximè confidere decet , quantum in Nobis est , augere , atque amplificare , hac nostra in perpetuum valitura Sanctione statuimus ac decernimus , ut recurrente per ordinem Natali die eorumdem Apostolorum , non solum in Basilica Vaticana , ut nunc moris est , in pervigilio ejusdem Festi Vesperæ solemnes celebrentur , quibus interesse solet Romanus Pontifex cum S. R. E. Cardinalibus , Patriarchis , Archiepiscopis , Episcopis aliisque Romanæ Curiæ Prælatis , qui locum in Cappella Pontificia obtinent , & mane in eadem Basilica solemne Sacrum ab ipso Romano Pontifice peragatur , & secundæ Vesperæ ejusdem Venerabilis diei Ecclesiastico Cantu , ac Ritu a Capitulo & Clero , præsente etiam S. R. E. Cardinali præfatae Basilicæ Archipresbytero aliisque Cardinalibus ad eamdem Vesperarum solemnitatem devotionis causa accendentibus , persolvantur ; sed ulterius per totam octavam singulis diebus in diversis Ecclesiis a Nobis , tanquam aliqua Apostolorum memoria aut prærogativa insignitis , electis & inferiùs nominandis Missa in Pontificalibus , concinente ac psallente schola Cantorum , aliorumque Pontificiæ nostræ Cappellæ Ministris inservientibus , ordine ac modo infradicendo rite peragatur , recolaturque memoria illustris triumphi eorum martyrii , quod toto Terrarum Orbi , sed præcipue Romanæ Urbi decus contulit & dignitatem .

Secunda igitur intra octavam die Missarum solemnia in Pontificalibus celebrentur , præsentibus Ven. Fratribus Episcopis Pontificio Throno Assistentibus , in Basilica B. Apostoli Pauli Via Ostiensi , in qua celebris est utriusque Apostoli memoria , sacræque Reliquiæ servantur , & veteri instituto solemnis eadem die B. Apostoli Pauli commemoratio recolitur , qui , si adhuc vivens in Terris , adeo Romanos diligebat , ut sine intermissione memoriam eorum in suis orationibus faceret , vehementerque cuperet eos videre , & ad eos confirmandos aliquid spiritualis gratiæ impertiri ,

pertiri; quantò magis sperandum est, quod modò Beatus in Cœlis pro Alumnis suis Deum orare non cesset, suamque opem humiliter postulantibus, afferre non recuset, ut in illa cœlesti confirmentur doctrina, in qua eos ore suo, per quod Christus loquebatur, eruditivit.

Tertia die in Ecclesia S. Pudentianæ fiet solemne in Pontificalibus Sacrum, intervenientibus dilectis filiis Protonotariis Apostolicæ Sedis ex numero Participantium. Nam perhibent hoc loco suisse domum Pudentis Senatoris, apud quem, cum primùm Romam advenit, hospitatus est Princeps Apostolorum Petrus, qui in eadem domo Verbum Dei Gentibus annunciat, sacras habuit Synaxes, Sacrum pluries fecit, & Sacramenta Christi administravit; adeo ut in ea jacta sint quodammodo prima Romanæ Ecclesiæ fundamenta omnium aliarum Ecclesiarum Matris & Magistræ, quam superbæ inferorum portæ non vincunt.

Quarta die in Ecclesia S. Mariæ in Via-Lata Missarum persolvantur solemnia, intervenientibus dilectis filiis Causarum Palatii nostri Auditoribus. Locus enim iste antiqua est Religione celeberrimus; ibi primum, ut fertur, hospitio exceptus est Apostolus, & Magister Gentium Paulus, qui, ut Acta Apostolorum testantur, ^a mansit biennio toto in suo condūctō, & suscipiebat omnes, qui ingrediebantur ad eum, prædicans Regnum Dei, & docens quæ sunt de Domino Iesu Christo, cum omni fiducia sine prohibitione.

Quinta die ad Missarum solemnia in Pontificalibus celebranda convenient dilecti filii Cameræ Apostolicæ Clerici in Ecclesia S. Petri ad Vincula seu Titulo Eudoxiæ. Hæc enim prima Ecclesia esse traditur, quæ a Principe Apostolorum suit Romæ immortali Deo dedicata; in hac ejusdem beati Apostoli sacra Vincula servantur, quæ semper summo in honore ac veneratione apud Fideles omnes fuerunt, pluraque benignissimus Deus miracula per ea efficere ad laudem & gloriam Servi sui dignatus est. ^b Hæc enim sunt felices illi nexus, qui de manicis & compedibus in coronam mutandi Apostolum contingentes martyrem reddiderunt: Felices catenæ, quæ nudatis pene ossibus inhærentes vivas reliquias de sanguinis sudore jam attrita carne rapuerunt: Felicia Vincula, quæ reum suum usque ad Christi Crucem non tam condemnatura, quam consecratura miserunt.

Sexta autem die in Ecclesia S. Petri in Carcere, quo, ut ferunt, BB. Apostoli Petrus, & Paulus per plures menses arctissima custodia ad mortem usque detenti sunt, eorumque Custodes Processus, & Martinianus ad fidem conversi, subito ex proxima petra Divina virtute fonte enato, fuerunt a Petro sacro Baptismo abluti; & ubi in vinculis, & teterimi carceris fœditate invisentibus se Evangelium Dei prædicare, curare infirmos, sanare ægrotos, & multa alia patrare miracula non desierunt. Misericordia autem in Pontificalibus in Ecclesia superiori, ob inferioris angustiam,

^a Act. Apost. cap. 28. v. 30. 21. ^b S. Aug. serm. 29. de Sanctis.

stiam, adstantibus dilectis filiis Referendariis Votantibus Signaturæ Justitiae, celebrabitur.

Septima die Missa in Pontificalibus, assistantibus dilectis filiis Abbreviatoribus de Parco Majori, celebrabitur in Ecclesia S. Petri in Monte Aureo, ubi, ut pia traditione fertur, beatus Apostolus Petrus Crucifixus martyrio coronatus est capite ad terram verso, & in sublime pedibus elevatis, afferens, se indignum, quod sic crucifigeretur, ut Dominus fuus; sed ita e terra Cœlum, quo iter parabat, suspiciens, admirandæ humilitatis virtutem, novique mysterii disciplinam & inter tormenta servavit.

Demum octava die festiva BB. Petri, & Pauli Apostolorum Principum solemnitas in sancta Lateranensi Basilica absolvatur. Ibi enim supra Altare Majus in argenteis Imaginibus margaritis lapidibusque pretiosis ornatis sacra Apostolorum Capita, quæ olim in Ecclesia S. Laurentii ad Sancta Sanctorum servabantur, a fel. rec. Urbano Papa V. Prædecessore Nostro deposita fuerunt. Beata capita, quæ Sanctorum illarum animarum sedes nihil humile, aut mundanum, sed cœlestia solum ac Divina cogitarunt; quæ non terrenum pulverem, aut humanas sordes, sed Divinas revelationes, & cœlestia Arcana recipere meruerunt; quæ in novissima omnium mortuorum resurrectione æternis ornanda fertis corporibus ac animabus suis supernæ Patriæ beatitudine fruitura conjungentur. Mane Missarum solemnia in Pontificalibus, præsente Ven. Fratrum nostrorum S. R. E. Cardinalium Collegio, eo majori ritu & solemnitate, qua sacri hujusmodi Cardinalium conventus peragi unquam solent, celebrentur. Vespere autem sacras Apostolorum Reliquias veneraturi solemnni cultu & pari animi devotione ad eamdem Basilicam pergant dilecti Filii Nobiles Viri Senator Urbis, & Romanorum Civium, & Cameræ Urbis Conservatores, quorum pietatis exemplo commotus ad debitas immortali Deo gratias reddendas pro ineffabili munere ei collato in beatorum Apostolorum Petri, & Pauli patrocinio universus Romanus Populus celebri frequentia & æmula festinatione accedere contendat.

Pomeridiano autem tempore aliorum dierum omnes Confraternitates hujus Almæ Urbis, per Venerabilem Fratrem nostrum S. R. E. Cardinalem Vicarium pro tempore publico Edicto intimandæ, statis suis quæque diebus ad eam Ecclesiam, ubi mane Missa in honorem Apostolorum celebrata fuerit, piè ac devotè procedant. Singulis autem Confratribus processionaliter accendentibus septem annos & totidem quadragenas, & aliis omnibus utriusque sexus Christifidelibus verè poenitentibus & confessis, qui eamdem Ecclesiam, ubi Statio erit, religiosè visitaverint, de omnipotentis Dei misericordia confisi centum dies de injunctis eis, aut aliâs quomodolibet debitâs poenitentiis misericorditer in Domino relaxamus.

Monemus autem in Domino , & intentiōs roganius , omnes Christi-fideles in hac Alma Urbe natos & commorantes . ut pia Majorum exempla in veneratione erga beatos Apostolorum laudabili studio amulan-tes in Ecclesiis a Nobis constitutis devota celebritate coarentant , & spirituali letitia exultantes laudantelque Deum , qui glorificatur in Sanctis suis . tantam Nitiditatem Apóstolorum celebrat solemnitatem . Siquidem de praēstio Divinitus Nobis ad exemplum patientiæ , & confirmationem fidei preparato in horum excellentia Patrum merito est exultantius gloriandam , quos gracia Dei in tantam altitudinem prote-xit , ut horum alteri magna & mirabile confortium potentie lux tri-buerit Divina dignatio : aliter vero Vas electionis , & specialis Doctor Gentium super eo oraculo & coelesti sententiā fuerit diligatus . Praeterea misericordia sapientiae hanc Urbem potenti Apostolorum protectione a Barbarorum incuris , a cœde , a depopulatione , ab incendiosis , a terremotibus affilique ianuam periculis & calamitatibus liberavit . In mentem revocent innumera illa prodigia & gratias . quas ad glo-riam Servorum suorum Brandeorum , vel Catenarum contactu , vel sola oratione , aut sonoris invocatione antiquorum Fidelium pietas ac de-votio ab omnipotenti Deo obtinuit . Demum in memoria habebant verba illa B. Leonis Prædecessoris Nostri ad Romanum Populum ex beati Petri Cathedra clamantis & diceatis : ' Litterum tuorum Eccliam , qua in multis Or-bris Terrarum . quævisq[ue] fuisse videntibus ; nos tamen precipue inter ce-suras patrum hanc misericordiam excellere . quas in ipsa Apostolica peste arce funderimus . & Divitias Nostre Regis Christi eam invictus redemus . & beatus Ap[osto]lus Petrus p[ro]ximis annis eradicabit .

Caveant igitur , ne sanctis fucorum Pistorum monitis inobsequen-tes , ne immemores beneficiorum Dei , ne irreligiosi erga Servos ejus B.B. Apostoloros . & ab similes Majorum pietati inteniantur . Magoum enim periculum est . esse homines per obliuionem beneficiorum ingratos Deo . & Servis ejus , nec correptione corrigi , nec de gratiis recordari . Sciatq[ue] daniq[ue] . quod beatos Apostoloros . qui apud Deum intercessores fisi esse nos curat ; suorum calparum severos Judices habebit , & quos conciliatores supernæ miserationis habere contemnit , offensæ majestatis facti ultores .

Nulli ergo omnino hominum licet hanc paginam nostræ Constitu-tionis , decreti , iustuti , definitionis , monitionis , & voluntatis iusti-gere , vel ei aucta temerario contraire : Si quis autem hoc accentuare præsumptum . insuguationem omnipotentis Dei , ac doctorum Petri . & Pauli Apostolorum ejus se noverit incursum . Datum Romæ apud S. Mariam Majorem anno Incarnationis Dominiæ millesimo septingen-timo

tesimo quadragesimo tertio Calendis Aprilis Pontificatus Nostri anno tertio.

P. Card. Prodatarius.

D. Card. Passioneus.

VISA DE CURIA.

N. Antonellus.

J. B. Eugenius.

Registrata in Secretaria Brevium.

Anno a Nativitate D. N. IESU CHRISTI millesesto septingentesimo quadragesimo tertio Indictione quinta die vero 13. Aprilis. Pontificatus autem Sanctissimi in Christo Patris, & D. N. D. BENEDICTI Divina Freditus a PP. XIV. Anno Tertio, supradicta Constitutio affixa & publicata fuit ad valvas Basilice Lateranensis, & Principis Apostolorum, & Cancellariae Apostolicae, Curia Generalis in Mente Ciratario, & in Aula Campi Flora, ac in aliis locis solitis & consuetis Urbis per me Niclaum Cappelli Apost. Curs.

Antonius Pelliccia Mag. Curs.

Fr. Gio: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

I Nerendo nei alla Costituzione della Santità di Nostro Signore BENEDICTO XIV. pubblicata il primo Aprile 1743., in cui per accrescere maggiormente, e dilatarsi la devotio del Popolo Romano verso li Santi Apostoli Pietro, e Paolo Preziosi di questi Alma Città, si è degnata determinare. che non solo nel giorno Festivo del gloriose Martirio de' medesimi Santi Apostoli si celebriano egn' anno secundo il solito i Vespri, e Messa solenne nella Basilica Vaticana, ma anche in tutti i giorni dell' Ottava; cioè, il secundo giorno nella Basilica di S. Paolo: il terzo nella Chiesa di S. Pidenziana: il quarto in S. Maria in Via Lata: il quinto in S. Pietro in Vincili: il sesto in S. Pietro in Carcere: il settimo in S. Pietro Monasterio: e l' ottavo, ed ultime giorno nella Basilica Lateranense, e che in oltre le Compagnie di Roma debbano processionalmente portarsi alla visita respectivamente delle suddette Chiese ne' giorni da innanziarsi da Nei: Si ordina perciò, e comanda all' infrascrivente Compagnie, che ne i giorni qui sotto stabiliti, nel dico frane (eccetto ato però il giorno della Festa de' medesimi SS. Apostoli, atteso il concorso, ed affluenza del Popolo alla suddetta Basilica) si portino ciascheduna alla Chiesa assegnatali, cantando per la strada le Litaneie de' Santi, con dupplicare l' invocazione di S. Pietro, e con riassumere le medesime

O o o

defime Litanie subito che faranno terminate . Nel ritorno poi dalla visita , che fatta avranno prima dell' ore 24. , dovranno cantare le Litanie della beatissima Vergine , con riassumere come sopra le medesime , terminate che faranno , concedendo la Santità sua a ciascheduno de' Fratelli dieci anni d' Indulgenza , ed altrettante Quarantene ; ed a tutti gl' altri Fedeli dell' uno e l' altro sesso , che veramente pentiti , e confessati visitaranno quella Chiesa , dove farà la Stazione , concede parimente sette anni , ed altrettante Quarantene d' Indulgenza .

Si esortano pertanto tutti , e particolarmente le Compagnie , che cercando di emulare la pietà de' Maggiori nella venerazione dovuta a i gloriosi Appostoli , devotamente col solo Crocefisso , e senza confusione si portino nelle Chiese destinate li , e con dare manifesti contrassegni della loro spirituale allegrezza , e lodare Dio , che ne' Santi suoi viene glorificato , non manchino di celebrare la Solennità così grande di q'el giorno , in cui meritaronò i detti Appostoli ricevere da Dio la Palma del glorioso Martirio , e di pregare il Signore per l' estirpazione dell' Eresia , esaltazione della Santa Madre Chiesa , e per la pace e concordia fra Principi cristiani . Dato in Roma dalla nostra solita Residenza li 19. Giugno 1746.

Fr. G. A. Card. Vicario .

Gasparo Arciprete Ori Segretario .

Ripartimento delle Compagnie , che dovranno portarsi alla Visita delle suddette Chiese nell' anno corrente .

Giovedì 30. Giugno , secondo giorno dell' Ottava degli suddetti SS. Appostoli , dovranno portarsi alla Basilica di S. Paolo .

Compagnia di S. Maria della Quercia de' Macellari .

Compagnia di S. Leonardo de' Scarpellini .

Compagnia di S. Giovanni della Malva in Trastevere .

Compagnia di S. Barbara de' Librari .

Compagnia de' SS. Crispino e Crispiniano de' Calzolari .

Venerdì terzo giorno si porteranno alla Chiesa di S. Pudenziana .

Compagnia de' Cocchieri in S. Maria in Cacabarijs .

Compagnia de' Regattieri .

Compagnia del Santissimo Nome di Maria .

Compagnia de' Lavoranti Falegnami .

Compagnia de' Fornari in S. Maria di Loreto .

Sabbato quarto giorno si porteranno alla Chiesa di S. Maria in Vialata.

Compagnia di S. Petronio de' Bolognesi.

Compagnia, o sia Università de' Matarazzari.

Compagnia di Gesù e Maria in S. Simone Profeta.

Compagnia di S. Catarina di Siena a Strada Giulia.

Compagnia del Santissimo Rosario e Sacramento in S. Niccola de' Prefetti.

Domenica quinto giorno si porteranno alla Chiesa di S. Pietro in Vincoli.

Compagnia del SS. Crocefisso in S. Marcello.

Università de' Pizzicaroli.

Compagnia o sia Università degl' Osti in S. Biagio della Fossa.

Compagnia de' Tessitori in S. Maria degl' Angiuli.

Compagnia de' Bergamaschi.

Lunedì sesto giorno si porteranno alla Chiesa di S. Pietro in Carcere.

Compagnia del Santissimo Sacramento in S. Lorenzo e Damaso.

Compagnia di S. Giovanni de' Genovesi.

Compagnia de' Cuochi in SS. Vincenzo ed Anastasio alla Regola.

Compagnia di S. Nicola in Arcione.

Compagnia di S. Ivo.

Martedì settimo giorno si porteranno alla Chiesa di S. Pietro Montorio.

Compagnia di S. Spirito in Sassia.

Compagnia di Campo Santo.

Compagnia di S. Giacomo in Borgo.

Compagnia di S. Anna de' Parafrenieri.

Compagnia del Confalone.

Mercoledì ottavo ed ultimo giorno si porteranno
alla Basilica Lateranense.

Compagnia de' Lucchesi in S. Bonaventura.

Compagnia del Santissimo Cuore di Gesù.

Compagnia del Santissimo Sacramento in S. Angelo in Pescaria.

Compagnia della Beata Rita da Cascia.

Compagnia delle Sagre Stimmate.

Primæ Sanctorum Apostolorum Vesperæ non in Vaticana Basilica,

quippe quæ ab Operariis nondum erat expedita , sed in Sixti IV. Sacello cantatae fuerunt a Summo Pontifice adstantibus Cardinalibus & Prælatis juxta proprii Ordinis gradum sacro pretioso indumento distinctis , prout decet , cum Papa est in cunctum celebraturus ; ad quod Sacellum ab Aula Paramentorum exiens , cum deferretur Sanctissimus Pater , coram ipso in sella composito , adstante Advocato Fisci R. C. A. citavit Praeco maxima voce , qui annuo solvendo tributo erant obnoxii . Cum verò in Regiam Aulam delatus esset , in qua Eminentissimus Albanus S. R. E. Camerarius Cappâ rubrâ indutus , & omnes Cameræ Apostolicæ Clerici & Camerale collegialiter uniti ejus transitum præstolabantur , Fisci & ejusdem Cameræ nomine D. Joannes Philippus Advocatus Toppi pro Parmensi & Placentino Ducatu interpellans protestatus est .

Subsisterat Sanctitas Sua protestationem exceptura : qua audita , responsum dedit de more .

Supererat vectigal , quod pro Regno utriusque Siciliæ cis , ultràque Pharum positæ , [directum enim earumdem Dominium pertinet ad Apostolicam Sedem] Pontifici penditur quotannis a Rege per Legatum extra Ordinem , qui magno Aulicorum & Nobilium equitatu album eidem repræsentat Equum , & certam pecuniæ vim , quibus vectigal continetur . Solet id fieri in ipso sanctorum Apostolorum pervigilio , & intra Vaticanæ Basilicæ vestibulum , cum post Vespertas redit Pontifex in Aulam Paramentorum : Quamquam nec status iste dies servatur aliquando , nec locus ; si aliter terat temporum conditio , & Pontificis voluntas . Ita anno millesimo septingentesimo quadragesimo , cum Festus beati Petri dies in Pontificiorum Comitiorum tempus incidisset ; (vacavit enim Sedes a Februario Mense ad diem xvi. Kalen. Septembbris , quo die Clementi XII. suffectus est BENEDICTUS XIV.) , Excellentissimus D. Fabritius Columna Magnus Comes stabilis Regni Neapolitani , & Legatus extraordinarius Serenissimi Caroli Sebastiani Borbonii Hispaniarum Infantis , & utriusque Siciliæ Regis nomine vectigal pependit vi. Idus Septembbris in Templo beatæ Mariæ de Populo , in quo solemni de Nativitate Virginis Sacro primùm post electionem suam BENEDICTUS adstiterat . Hoc ipso anno non in Basilica Vaticana , quæ proximæ celebritatis causâ impediebatur , sed in Aula Regia Palatii Vaticani vectigal per solvit Beatissimo Patri idem Regis Legatus , quem quidem cum Roma magno equitatu ad Vaticanum euntem eo die videret , non potuit quin & Caroli Regis , a quo ille mittebatur , statim meminisset ; ejusque Religionem & pietatem miraretur , cum tribus annis ante non Urbis viendæ studio Romam accessit , sed ut sacras beatorum Apostolorum Petri & Pauli reliquias veneraretur , & in genua provolutus BENEDICTO Jesu Christi in terris Vicario , quem^a Caput omnis Principatus & Potestatis agnoscebat , addictum benevolum & obsequentem animum suum coram ostenderet . Ergo

^a Ad Colos. c. 2. v. 10.

Ergo Excellentissimus D. Legatus e magnifico Palatio Farnesiorum, unde genus ex materno sanguine dicit Rex Carolus, velut a Regali Domō discessit, cum Vespertinæ preces cani cepissent coram Pontifice in memorato Sixti IV. Sacello. Præibant pedites Senatus Populique Romani Tympanotribæ, aliisque nonnulli Tubicines: Duo sequebantur ex gregariis Legati famulis, & familiari ejusdem veste, multo tamen argento variegatâ induti, equis insidentes. Tympana Tubæque, quæ subinde pulsabantur inflabanturque, velo serico, in quo Columnensium & Salviatæ Gentis stemma pictum erat, circumvestiebantur. Post hos equitabant Designatores duo, [Florerios vocitant], ad quos onus incubuerat, comitatum omnem instruere, & suum unicuique locum attribuere. Nobiles deinde Aulici tam Eminentissimorum Cardinalium, quam Oratorum & Procerum & aliorum quoque, qui ipsi Regi vel clientela, vel beneficio sunt obnoxii: Tum intimi familiares Legati, Proceres, & Equites quamplures, vel ex utraque Sicilia, vel Hispani. Succedebat Helvetiæ Custodiæ Dux, quatuor peditibus stipatus famulis: Principes post hunc, & Optimates, Regis Vectigales: Tum duo Turmarum levis armaturæ Pontificii Duces. Phaleratus postea & ornatus stragulo rubro villoso, quod opere phrygio intextum argento totum erat, manuducebatur a duobus Pedissequis urbana nigri coloris veste indutis *Equis albus*, nullo Seffore, sed Insignibus Sanctitatis Suæ solidi ex argento conflatis, quæ supra ephippium a duobus famulis sustentabantur, magnificè onustus. Sequebatur inde Præfectus Equili Columnensium, cui pendebat e collo nummorum crumena, pariter equitans, post quem incedebat Eques D. Legatus nobili circumpedum Epheborum, Procoetonusque corona interius circumseptus, exterius verò fortè Militum Helvetiorum manu securibus Palatinis armata, & a duobus eorumdem Centurionibus ducta, quæ in duos Ordines ita protendebatur, ut & vectigalem equum, & qui post eum gradiebantur, utrinque medios concluderent. Proxime Legatum mulis præclarè instructis vecti non pauci incedebant Episcopi, nemine præsertim absente ex iis, quos e Campania Summus Pontifex jusserrat Romam evocari, ut Beatis inter Sanctos referendis suffragari possent, & eorum Canonizationi interesse: Subsequerentur utriusque Pontificiæ Cohortis Milites levis armaturæ, qui de more sagati, sed sine lanceis, e Papæ Custodia, deducendi Legati gratiâ, usque ad memoratum Farnesianum Palatium priùs accesserant.

Claudebant agmen Currus duodecim, multo auro & cælatura spectabiles, quorum quatuor senis equis, reliqui bijugis agebantur. At verò, per confertas Populi multitudine vias cum e Sancti Angeli Ponte in regionem Urbis, quam Burgum vocant, transgrederetur Legatus, bellicis tormentis ex Hadriani mole displosis salutatus perrexit equitans sub Porticu ad marmoream Constantini Statuam, prope quam descendens,

dens, & alienorum comitatu dimisso Papam adivit, ut ei Tolutarium equum de more offerret, qui per gradus Regiae, uti dicunt, Scalæ in Aulam ascenderat.

Ceterum ut magis appareat, quod brevi narratione explicatum est; formam rei totius, prout gesta est, magno studio delineatae, & æri affabre incisæ non alienum viñum est hic apponere.

Ignes festi facesque tota Urbe in viis & fenestris lucentes noctem exceperunt. Præcipue verò omnium in se oculos convertit celeberrimus, idemque unicus, si moles immensa & artificium spectetur, Templi Vaticani Tholus, qui curâ R. P. D. Joannis Francisci de Abbatibus Oliverii Fabricæ OEconomi, cuius multa sunt memoratu digna ad ornandum Principis Apostolorum sepulchrum, ejusque æneum vetustissimum Signum Donaria, tam multis facibus & lampadibus mirificè dispositis, totus colilucebat, ut noctem vincere videretur. Hujus Ichnographiam inter Imagines & delineamenta ad calcem Operis sub *numero primo* appositam invenies.

Nec minori fuerunt voluptati, licet quater in anno iterentur, præter alia nitrati pulveris ope spectacula in eadem Hadriani mole, aut missilium ignium genera varia, aut eorumdem uno tempore erumpentium tantâ copiâ, ut Arx ipsa montis instar igniuomni Cœlum flammis operiret tonantibus. Biduo hæc spectari quotannis solent, cum recolitur triumphalis passionis gloriosorum Principum terræ memoria: tertius hoc anno dies est additus novorum Sanctorum causa. Reliquum quod erat ejus noctis, non desuerunt Religiosi præsertim viri, qui traducerent in orationibus, ^a cor suum tradentes, ut vigilarent ad Dominum, & de futura Beatorum gloriâ maturius lætarentur.

Summo mane quotquot ex utroque Clero erant, ut præsto essent futuræ Supplicationi, ad constituta in Vaticanis ædibus Atria contendebant; præceperat autem Sanctissimus Dominus Noster, ut Clerus non, quemadmodum priùs factum erat, compositus hinc inde a Palatii porta, quam ferream vocant, usque ad Obeliscum, & ab eo per Forum usque ad primarium Basilicæ Ostium duas inflexas continuaisque formaret linæas, & ita consisteret, descensum & transitum suæ Sanctitatis per eam medium præstolatus; sed ut compositè graviterque incedens, canens præterea hymnum *Ave Maris Stella* rectâ introiret in divi Petri Templum. Quo verò Populi Clerique totius preces ac vota ad exorandam Canonizationis peragendæ deliberationem ultimam publicè accederent; mandaverat, ut post Sacrae Congregationis Rituum Consultores, qui omnium postremi in hac Supplicatione futuri erant, Vexilla quoque quinque Beatorum Sanctis adscribendorum comportarentur,

& in-

^a Eccl. 39. v. 6. & seq.





Solemnis Equitationis ad Vaticanum Incessus.





Exhibitio Census in Aula Regia Vaticani.

& intra Basilicam transeunti Pontifici humiliter exhiberentur. At viam quoque solito longiorem, quæ ab universo procedentium ordine tenenda erat, in ea parte, quæ a fronte ad frontem quadrigemini peristylii aperata est, & sub dio, Postulatores præaltis trabibus in terra defixis, textilique serico rubro ab imo ad summum convestitis, supraque telis ex cannabe extensis, ne solaribus radiis esset pervia, tegendam curaverunt. Onus verò Cereorum distribuendorum singulis agminibus, qui Supplicationem componerent, ita duo ex Cæremoniarum Magistris, selectique aliquot Patres ex iis Ordinibus Regularibus, qui sumptus in Canonizationem faciebant, inter se partiti fuerant, ut primi ope Acolythorum Cappellæ Pontificiæ Clericorum quadrilibres Cereos Cardinalibus, Patriarchis, & quibusdam aliis; trilibres ceteris e Pontificiæ Cappellæ corpore traderent, dum successivè in ipsum Sacellum intrarent; alteri autem singulis ex utroque Clero, qui Supplicationi intererant, dum bini transirent ante ligneum suggestum, quod comparatum ad hoc fuerat in loculamento sub porticu a lœva exeuntium per supradictam portam ferream in peristylium. Dabantur verò ab his Cerei ardentes in Supplicatione deferendi non omnibus æquales, sed bilibres aut librales, vel felibræ pondere, aut quatuor unciarum, prout uniuscujusque cœtus, aut personæ dignitas postularet.

Congregatis itaque Regularium, Monachorumque Familiis, Ecclesiasticorum Rectoribus & Clericis, Collegatarum & Basilarum Canonicis, confertoque jam ferme majoribus Ecclesiasticæ dignitatis Ordinibus Sixti IV, licet per amplio Sacello; viis quoque, quæ suppliciter procedendum erat, per Milites circumseptis; interiori præterea Basilicæ parte quaternis armatorum hominum Ordinibus munitâ; submotâque e medio spectatorum turbâ undique jam irruente, cœpta est dirigi a Cæremoniarum Magistris Supplicatio.

Prima procedentium acies complectebatur Pueros Hospitii Apostolici sancti Michaelis, ac Orphanos; Patres Tertiī Ordinis sancti Francisci Recollectorum Gallos ex Conventu S. Mariæ Miraculorum; Eremitanos exalceatos Ordinis S. Augustini; Capuccinos; Mercenarios Ordinis beatæ Mariæ Redemptionis Captivorum e Domo apud sanctum Adrianum; Patres S. Honuphrii Ordinis Eremitarum S. Hieronymi Congregationis B. Petri de Pisis; Minimos sancti Francisci de Paula; Patres Tertiī Ordinis sancti Francisci; Minores Conventuales, De Observantia, & eos, quos Reformatos appellant; Patres sanctæ Mariæ de Populo Ordinis sancti Augustini Congregationis Observantiae Longobardiæ; Eremitanos ejusdem Ordinis, ex Cœnobio sancti Augustini; Carmelitas Congregationis Mantuanæ apud Ecclesiam sancti Chrysogoni in Regione Transtiberina; Alios prædicti Ordinis B. Mariæ Virginis de Monte Carmelo ex Monasteriis sancti Martini in Montibus, sanctæ Mariæ Transpontinæ in Regione Burgi, & sancti Juliani in Exquiliis; Eremitas Montis Se-

tis Senarii Ordinis Servorum beatæ Mariæ Virginis e Cœnobii sancti Marcelli, sanctæ Mariæ in Via, & sancti Nicolai vulgo de Arcionibus, olim in Archemoniis, ita nuncupati ab hujus cognominis familia, cuius Ecclesia san.me.Benedicti Papæ XIII.beneficiâ est Patribus istis restituta post annum secularem millesimum septingentesimum vigesimum quintum: Patres Ordinis Prædicatorum sanctæ Mariæ supra Minervam & aliorum Cœnobiorum . Hujus primæ aciei corpora , quemadmodum & cetera alia , quæ in altera acie subsequebantur , unum ab altero Crux prælata tamquam regale Christi Domini vexillum & triumphale signum , discriminabat .

Secundam aciem Monasticæ vitæ Professores constituebant , videlicet, sancti Hieronymi Longobardiæ ad divi Alexii ædem in Colle Aventino ; Canonici Regulares Sanctissimi Salvatoris Ordinis sancti Augustini ad divi Petri ad Vincula in Colle Exquilino ; Monachi Congregationis Montis Oliveti Ordinis sancti Benedicti apud sanctam Mariam Novam , quam olim *minorem* nuncupabant , in Foro Boario ; Monachi Congregationis Cœlestinorum e sancti Eusebii Monasterio ad Cimbrum , seu ad Marii Trophæa in Monte Exquilino ; Monachi Ordinis Cisterciensis in unum corpus collecti , & unica sub Cruce incedentes , tam Congregationis Reformatæ sancti Bernardi ad Thermae , & sanctæ Pudentianæ ad radices Montis Viminalis , quām Congregationis Etruriæ e Monasterio SS. Vincentii , & Anastasii ad aquas salvias , & Congregationis Longobardiæ ad sanctæ Crucis in Jerusalem ; Monachi Congregationis Vallis Umbrosæ Ordinis sancti Benedicti apud sanctam Praxedem in capite Suburræ ; Camaldulenses Ordinis ejusdem S. Benedicti apud sancti Gregorii maternam olim domum , mox ab ipso in Monasterium conversam , ad *Clivum Scauri* ; Cassinenses Ordinis item sancti Benedicti e Basilica sancti Pauli extra Urbis mœnia in via Ostiensis ; Canonici tandem Regulares sanctæ Mariæ de Pace Ordinis sancti Augustini Congregationis Lateralensis .

Præibat tertiam aciem Crux Cleri Secularis delata sicut aliæ Ordinum inter duos Acolythos cerostata portantes : Subsequebantur Alumni Seminarii Romani ; Rectores Ecclesiarum Parochialium Urbis , ac Vicarii perpetui , quibus , ut a ceteris de Clero discernerentur , Sanctissimus Dominus Noster nuper indulserat , ut circumpositam collo Sacerdotalem stolam in publicis Processionibus in posterum deferrent. Parochis succedebant Canonici Collegatarum , idest sancti Hieronymi Illyricorum , sanctæ Anastasiae , sanctorum Celsi & Juliani , sancti Angeli in Foro piscium , sancti Eustachii , sanctæ Mariæ in Vialata , sancti Nicolai in Carcere Tulliano , sancti Marci ; & sanctæ Mariæ ad Martyres . Horum postremus erat Cleri Camerarius superpelliceo ac Sacerdotali stola redimitus . Canonici demum insignis Collegiatæ sanctæ Mariæ in Cosmedin, vulgo *Bocca della verità*; quæ ad hunc dignitatis gradum evecta est a san. mem. Benedicto XIII. , qui Canonicis ejusdem Cappâ magnâ , atque

Quinque Canonizandorum Vexilla per utrumque Clerum, et S.R.C. Consultores solenni
Supplicatione e Vaticani Palati Porticu in Principis Apostolorum Basilicani deducta.

A Sixtino Vaticani Palati Sacello ad Templum Principis
Apostolorum progredienti Pontificalis Supplicationis initium

481



Scala Palmorum Romanorum 200

60



200



Io Baptista Sestos Sculp Romae.

Quinque Canonizandorum Vexilla per utrumque Clerum, et S.R.C. Concipis
Supplicatione e Vaticani Palati Porticu in Principis Apostolorum Basilica'itium.

481



Io Baptista Sintes Sculp. Romae.

que Rocchetto insignitis facultatem præterea fecit præferendi Papilionis , & æreæ manualis ante ipsum campanulæ comportandæ ad instar aliarum Collegiatarum Insignium , & Basilicarum Urbis , Papilionibus & Campanulis utentium in signum Matricitatis : ^a Substitutæ eæ quippe sunt tubis illis argenteis veteris Testamenti , quæ adhibebantur ad congregandum Populum , dandumque profectionis signum , quoties castra movenda essent . Nec absimili quidem forma nostræ Campanulæ conflatae sunt , si attendatur illarum tubarum descriptio apud Josephum libro 3. Antiquitatum cap. 11.: Pulsantur autem in Processionibus , ut sono vocis suæ ad Fidem & Ecclesiæ Congregationem quoslibet obvios vocent , & ad supplicandum simul cum aliis invitent . Antiquitatem ritus seculum octavum demonstrat . In secundo Concilio Nicæno , q̄iod anno septingentesimo octogesimo septimo celebratum est , ubi agitur de celebri illa translatione reliquiarum sancti Anastasi Mætyris , memoratur signa suis- se pulsata non ærea , sed lignea , quæ idcirco appellantur ibi : *Ligna sa- cra* : Cujusmodi sunt ea , quibus etiamnum utimur in diebus Tenebrarum ; & perseverare usus eorum dicitur in Ecclesia Græca , Teste Amalario , qui libro 4. de Ecclesiast. off. cap. 21. ait : *Adhuc junior Roma , quæ antiquis temporibus sub uno domino cum antiqua Roma regebatur , usum lignorum tenet , non propter aeris penuriam , sed propter vetustatem* : At reditus fiat ad Supplicationis ordinem . Post insignem sanctæ Mariæ in Cosmedin Collegiatam , aliæ antiquiores duæ subsequebantur , sanctæ Mariæ Transyberim , & sancti Laurentii in Damaso , unâ incedentes juxta pactam inter se quotannis alternationem . Tum Cleri , & Collegia trium Patriarchalium Basilicarum , unumquodque sub Cruce sua cum Papilione & Tintinnabulo , nempe sanctæ Mariæ Majoris , sancti Petri in Vaticano , & sancti Joannis in Laterano . Tribunal Ecclesiasticum & Civile Eminentissimi Romæ Urbis Vicarii , sive Jusdicentes pro eo , qui Præside R. P. D. Ferdinando Maria de Rubeis Archiepiscopo Tarsi Urbis Vicesgerente , Supplicatione transeunte considerant in comparatis sedibus extra gradus Portæ ferreæ sub Peristylio ad sinistram exeuntium , instructo agmine Lateranense Capitulum consecrati statim sunt , ut si quæ fortè in via exorierentur contentiones & jurgia , sua auctoritate compescerent . Bini deinde procedebant Congregationis Sacrorum Rituum in Causis Sanctorum Consultores , Regulares quidem juxta admissionis duntaxat prioritatem ; reliqui verò juxta dignitatis gradum , quem obtinebant ; ita ut ultimò incederent , qui Episcopali charactere fulgebant : ceteris Præfulibus cederent in utraque Signatura simplices Referendarii . Post Consultores comportabantur magna quinque Beatorum inter Sanctos recentiorum Vexilla hastis auro undecumque illitis innixa , & laciniatâ corona ex textili serico phrygioque opere ornata : Unumquodque affabré pictam unius Beati ad æternam in Coelis gloriam evecti præferebat

P p p

inagi-

^a Numeror. cap. 10.

imaginem ; in altera vero parte mirum aliquod ab eo cum viveret , factum repræsentabat . Ex primariis singulorum Instituti Patribus octo quidem superpelliceis induiti intortitia accensa usque ad pectus elata deferentes proprium Vexillum præibant : Quatuor verò alii oblongos sericos funes ex superiori Vexilli transversa hasta pendentes quotidiano suæ Religionis habitu non immutato sustinebant .

Primum omnium portabatur Vexillum beatæ Catharinæ de Ricciis Ordinis sancti Dominici a Confratribus Archiconfraternitatis sub titulo Nativitatis Domini Nostri Jesu Christi , quæ cum inter alia pietatis opera id sibi præcipuum sumpererit , ut divinam clementiam exoret pro Constitutis in ultimo mortis agone : *Degli Agonizanti* : passim appellatur . Duodecim verò Patres inclyti Ordinis Prædicatorum in deferendis intortitiis & funibus occupabantur .

Subsequebatur Vexillum beati Josephi a Leonissa , cujus hastas regabant Confratres Societatis Stigmatum sancti Francisci : Nec deerant qui sustinerent supradicto ordine & formâ intortitia & funes duo supra decem Ordinis Minorum sancti Francisci Capuccinorum Patres .

Confratres Archiconfraternitatis Confalonis ferebant tertium Vexillum beati Petri Regalati , cui aderant famulantes totidem , quot supra dictum est , Patres Ordinis Minoris sancti Francisci de Observantia , & Reformatorum .

Quartum erat Vexillum beati Camilli de Lellis , qui post fundatam a se Clericorum Regularium Ministrantium Infirmis Congregationem , ut numquam destitit , dum vixit , Ægrotantibus inservire , præsertim in Nosocomio sancti Spiritus ; ita hujus Societatis Confratres summo sibi honori futurum ducebant , si illud deferrent . Voti compotes effecti illud portarunt . Patres illius Instituti funes & Intortitia tulerunt .

Ultimum dignoremque locum tenebat Vexillum beati Martyris Fidelis a Sigmarina , cujus hastas alii Confratres præfatæ Societatis Sacrorum Stigmatum ; funes verò & colluentia ante illud funalia , dignitatis gradu spectabiles alii Patres laudati Ordinis Capuccinorum gestabant .

Dum incoeptrum in Basilicam iter a Supplicantibus ita perficitur , Sanctissimus Dominus Noster tempus jam esse , quo & ipse procederet , commonitus , e superiori Palatii mansione venit per secretioris scalæ gradus in Aulam Apostolico Sacrario proximam ; ubi congregati Sanctitatis Suæ adventum prestolabantur R. P. D. Raynerius Simonetti Archiepiscopus Nicosiae almæ Urbis Gubernator Vice-Camerarius vestitus cappâ , Conservatores Romani Populi Comes Joseph Zinanni , Comes Philippus Rocchi , Joannes Baptista Sampieri , & Marchio Marcus Correa Caput Regionum aureis togis induiti , ac Orator Bononiæ Comes Fulvius Bentivolus Senatoriâ togâ patrio more formatâ , sed textili auro consutâ ex nuperrima Summi Pontificis concessione amictus ; & quia nullus ex

Prin-

Principibus Solii aderat, senior Conservatorum pro sublevando inter incendendum aptato utriusque Pontificiae veltis oblongo syrmate substituitur. Intererant unà cum Ministris Acolythis Signaturæ Justitiæ Votantibus & Abbreviatoribus Diaconi Cardinales duo antiquiores, de Marinis scilicet, & Alexander Albanus sacris jam Levitici Ordinis indumentis ornati. Horum ministerio usus Pontifex, postquam in intimo cubiculo ejusdem Sacrarii paululum substitisset ut *Faldam* acciperet, apud Mensam in antedicta Aula præparatam, & initar lecti Paramentorum extructam induitur Amictu, Albâ, Cingulo, & Stolâ rubrâ, quæ omnia Postulatorum sumptibus confecta ad hanc solemnitatem fuerant, æquè ac indumenta alia sacra Pontificis, tum aliorum, qui in ministerio Altaris Sanctitati Suæ erant famulaturi: Cardinali Burghesio antiquioris Presbyteri vices supplente, & acerram porrigente thus de more injecit in thuribulum, sumptoque deinde magno ac per amplio Pluviali [quod *Mantum* appellant], & super ejus fibulam Formalio [Pectorale etiam dicitur, quod antiquum summi Sacerdotis Rationale representat] gemmis & auri cælaturâ pretiosissimo; tandem sacrâ redimitus Tiarâ est, quæ, cum triplici coronâ componatur, Regnum communius vocatur: ^a In signum enim imperii Summus Pontifex utitur Regno; & in signum Pontificalis dignitatis utitur Mitra; & præcedente Cruce elatâ inter candelabra septem ab Auditore Rotæ Subdiacono Apostolico Tunicellâ induito pedes exivit in proximum Sixti IV. Sacellum. Flos illuc & splendor Ecclesiastici Ordinis omnis convenerat, qui tot distinctus dignatum & munerum gradibus Sponsam Christi, sanctam videlicet Ecclesiæ varietate circumdatam objiciebat intuentium oculis: Aderant enim Cardinales, quos juxta cujusque sacri Ordinis gradum speciosa vestis discriminabat: Aderant Patriarchæ, Archiepiscopi, Episcopi, Abbates non minùs dignitate, quâm doctrinâ conspicui, qui rubruim omnes sine discrimine gerebant Pluviale: Aderant Prælati Romanæ Curiæ & genere & muneribus illustres, inter eos verò aliqui Cappam, aliqui Superpelliceum supra Rocchettum induerant: Ceteri autem de more Pontificiæ Cappellæ consueto amiebantur habitu. In eorum conspectum cum se dedisset Pontifex, assurrexerunt omnes: Papa autem producto super eos Crucis signo venit ad Faldistorium paratum ante Altare, ubi deposito Regno procubuit, & aliquantis per oravit; mox surgens, ex libro quem coadjutantibus duobus ex Assistentibus Præsulibus sustinebat Eminentissimus Carafa, præcinuit Hymnum: *Ave Maris Stella*; ad cuius tres subsequentes versiculos, quos Cantores Cappellæ prosequuti sunt, iterum genuflexus permanxit. Denuo surgens accepit Mitram, & in sella gestatoria se composuit, in qua sedens duos magnos cereos, aliumque minorem arabicè pictos recepit ab Eminentissimo D. Cardinali Portocarrero, quem supra innuimus ad postulandam Canonizationem Pro-

curatorem electum . Cerei grandes , nullo adstante ex Principibus Solii , quorum alicui Summus Pontifex honorem , ut illos ante Se accensos deferat , solet concedere , nemini traditi sunt ; parvus autem velo ad excipiendas liquantis ceræ guttas , ne supra manum fluenter , aptè composite circumligatoque , ardens a Sanctitate Sua delatus est in hac Supplicatione , quæ multo breviori itinere , quam altera illa prima , completa est ; itum quippe fuit a Regia Aula per gradus magnæ scalæ usque ad marmoreum Constantini Simulacrum : hinc flectendo illico in dexteram sub amplum Vaticanum Xystum ; ex eo intra Templum ingressus est factus . Utriusque hujus Supplicationis delineamentum inter cetera in calce hujus Operis sub *numero tertio* positum conspicere licebit . Procedebant autem bini , ac bini accensos cereos portantes , primò Scutiferi Papæ laneâ togâ rubri coloris cum Capitio item laneo , non circa collum aptato , sed inverso super scapulas , atque uncinulo ante pectus colligato Caudatariorum more induti , juxta novissimam Sanctissimi Domini Nostri Papæ concessionem : Procuratores Generales Ordinum locum habentium in Cappella singuli habitu Regularis Instituti sui : Cubicularii extra Cameram , qui laxam & ipsi togam Scutiferorum togæ non absimilem gerebant ; Capitium verò non inflexum , sed circa collum aptatum & æquè per humeros fluens in parte superiori tenuissimo serico rubro coopertum ad normam enunciati Indulti Pontificii .

Eodem prorsus modo amicti erant Cappellani communes & intimi , quorum sex primi Pontificias Mitras atque Tiaras gemmis margaritisque pretiosissimis ornatas gestabant , & qui succedebant post Procuratorem Fiscalem Cameræ : Commissarius enim tamquam Referendarius locum inter ipsos acceperat : Sequebantur Advocati Consistoriales lanea veste violacei coloris , quam in aliis publicis actionibus adhibere solent , cum suo capitio : Succedebant Cubicularii honoris & intimi Papæ conuentâ togâ , & rubro sine pellibus capitio ornati : Post hos Chorus seu Schola Cappellánorum Cantorum Pontificiorum cum superpelliceis psallens Virgini , quæ Regina Sanctorum est , reliquum Hymni : *Ave Maris Stella* , quem Papa præcineruerat . Proximi erant his Rocchetto , & superpelliceo induti RR. PP. DD. in utraque Signatura Referendarii ; Canonici ii trium Patriarchalium , qui , Subdiaconi , Diaconi , & Presbyteri Assistentis munia obeentes in Cappellis Pontificiis , ad præscriptum literarum Apostolicarum Alexandri Papæ VII. sub annulo Piscatoris die x. Junii MDCVII. expeditarum inter præfatæ Signaturæ Referendarios connumerantur , nisi alterius muneric causâ , vel specialis prærogativæ altiorem dignioremque locum occupent , ut modò contigit R. P. D. Theodoro Boccapadulio Canonicó Liberiano , Subdiaconatus officio fungenti , quem dignis favoribus prosequutus Sanctissimus Pater quotidiano Rocchetti usu & loco in Protonotariorum scamno decoravit , sine præjudicio jam eisdem Adjunctorum : Tum subibant Abbreviatores de Par-

co majori ; in Signatura Justitiae Votantes ab eodem Alexandro Acolythi constituti ; Clerici Cameræ , & Sacrae Romanæ Rotæ Auditores , quorum junior ad lœvam habebat tamquam comitem R. P. Magistrum Aloysium Nicolaum Ridolphi Ordinis Prædicatorum proprii Instituti vestibus amictum Sacri Palatii Magistrum . Sequebantur Auditores , duo postea ex intimis Cappellanis Sanctitatis Suæ cum Regno & Mitrâ levioribus ad frequentiorem usum Pontificis ; Acolythus Apostolicus motans Thymiamaterium ante Crucem , quam R. P. D. Alphonsus Clemens de Aroztequi in Romana Rota pro Castellæ Regno Auditor , sacris subdiaconalibus vestibus indutus , ac a duobus Magistris Ostiariis stipatus , continuò efferebat in medio septem Candelabrorum aureorum a totidem aliis Acolythis delatorum . Post Crucem gradiebantur R. P. D. Claudius Franciscus de Canilliac alter sacrae Rotæ Auditor Gallus , qui Subdiaconi munus obire debebat in Missa , & ob id Ministerii sui vestibus pretiosis pro hac solemnissima actione , ut dictum est , comparatis insignitus erat ; exceptus inter Diaconum & Subdiaconum Alumnos Collegii Græci , suffectos Monachis ex Monasterio Cryptæ ferratae aliàs evocari solitis ad decantandam Epistolam & Evangelium Linguâ Græcâ ; deinde Patres Societatis Jesu in Vaticana Basilica Pœnitentiarii Sacerdotali amictu decori , & a duobus præeuntibus sibi puerulis ferulas , seu oblongas virgas inter florum manipulos gestantibus præsignati : Abbes Generales Canonicorum Regularium Laterancensium , & sancti Basili locum obtinentes in Cappella Pontificia : Ecclesiarum Antistites non Assistentes Pontificio Solio , eidemque Assistentes juxta propriæ dignitatis & ordinationis gradum , sive Episcopatus , sive Metropolis vel Patriarchatus inter se invicem deferentes sibi locum & honorem ; omnes rubro Pluviali amicti & Mitrâ textili lino confectâ , vel peculiari suæ Nationis & ritus sacro tegumento . Incedebat post hos Sacer Apostolicus Senatus , Diaconi nempe Cardinales cum Dalmaticis , Presbyteri cum Casulis , Episcopi cum superpelliceo præter Rocchettum , Pluviali & Formalio ex unionibus tres veluti pineas efformantibus , singuli tamen uniformes Mitras ex textili damasco coloris albi insigniti , addito etiam supra Rocchettum compositeoque circa collum amictu , cuius usum olim Cardinalibus tantùm reservatum , Benedictus Papa XIII. ad Episcopos etiam extendit , dum sacris vestibus ornati interessent in Pontificio Saccello , vel alibi , nactus occasionem Concilii Romani , quod ipso Præside celebratum est in Lateranensi Basilica anno seculari millesimo septingentesimo decimo quinto . Progrediebantur demum Orator Bononiæ , Conservatores Populi Romani , & Almæ Urbis Gubernator Vice-Camerarius , ac prope Pontificem alta sede subvectum tres alii Diaconi Cardinales , duo scilicet antiquiores tamquam Assistentes , tertius verò Carolus Maria Sacripantes sanctæ Mariæ in Porticu inter eos medius , Alba , Orario , & Dalmatica Postulatorum ære comparatis indutus , ut Evangelii

gelii ac Rei Divinæ Minister ; nec aberant pro fimbriis anterioribus vestis Pontificiæ elevandis , cum e Sellari descenderet Papa , duo Auditores Rotæ .

Speciosissimam hanc & summæ religionis pompam postremò concludebat Beatissimus Ecclesiæ totius Moderator , ac Pastor Populorum omnium , quem non jam honor comendabat vestium , sed splendor virtutum eximiæque doctrinæ .

Hunc sublimi in sella , ut dictum est , compositum , accensumque cereum sinistrâ sustinentem , dexterâ acclamantes versus ad benedicendum expeditâ circumpedes rubro sago induiti super humeros portabant ; ejus latera custodientes hinc inde erant Procoetones , & Dynastæ , selectaque Helvetiorum manus armata præter binos intimos Cubicularios , qui ad majestatem potius quâm ad tutelam duo Pavonica Flabella ab una & altera sedis parte erecta sustulere , statimac Papa extra ferreos Sacelli Syxtini cancellos delatus sub pensili umbella exceptus fuit ; hujus autem umbellæ hastas argento illitas octo Referendarii per vices mutandi deportarunt . Post Pontificem ibat medius inter duos Assistentes intimos ejus Cubicularios R. P. D. Marius Millini Sacræ Rotæ Auditorii Decanus pari Collegarum suorum habitu indutus , cum linea vitta e collo pendente ad suscipiendam Mitram , cum eam Pontifex deponeret , opportunè destinatus : Claudebant extremam Supplicationis partem Protoneotarii aliqui nonnulli Prælati , qui ex privilegio eorum scanno fuerant adjuncti ; utrosque tamen Cappa magna , ut erant vestiti , antecedebant RR. PP. DD. Flavius Chisius , & Joannes Baptista Mesmer , primus Auditor , alter Thesaurarius Cameræ Generalis . Protonotarios subsequebantur Mendicantium Ordinum Magistri Generales , quilibet habitu Instituti sui ; & postremò a tergo conferta Militum Helvetiorum manus , quæ turbam cohiberet .

Ubi Pontifex venit in Porticum ante Basilicam , Capitulo Vaticano eidem occurrente , Musicisque concentu gravi concinentibus laudem Romano Pontifice dignam antiphonâ illâ : *Tu es Petrus* : statim introivit in Templum , quod & si mole ipsa & opere magnificentissimum sit , nec ulli quotquot in terris sunt , comparandum ; tamen omni ornamento rum genere , quæ excogitari possunt ingenio , tantum ei dignitatis ac majestatis eo tempore accesserat , ut Sanctissimus Pater testatus sit , cum inter stragulas vestes , quibus parietes contegebantur , omnia auro collucerent & facibus , ita se animo commotum suisce , ut in tam speciosa Militantis Ecclesiæ forma ^a Civitas sancta Hierusalem descendens de Coelo & habens claritatem Dei , qui illuminavit eam , sibi videretur ostendi . Immaculato quoque Agno , qui lucerna ^b est Civitatis illius non indigentis sole neque luna , ut cum Senioribus phialas aureas plenas odoramentorum , orationes scilicet offerret , ad Sacellum Sanctissimæ

Tri-

a Apoc. 21. b Apoc. ibid.

Trinitatis , ubi ille in medio Throni super Altare stans tamquam occisus , quia specie panis & vini velatus , palam erat expositus , descendens de fella Pontifex contendit , ac in genua provolutus coram oravit ; receptis mox , quas ante precandum reliquerat , Mitrâ & candelâ iterum elatus subvectus est supplici eodem ritu in caveam Theatri . Novas Deo preces ante Aram principem , sub qua corpora Apostolorum Urbis Patronorum condita sunt , porrecturus , deposito iterum cereo , qui servandus deinceps erat a suo Pincerna D. Paulo Zani accensus usque ad finem Actus solemnis Canonizationis , descendit e sede , & insulâ circumdatus procubuit super faldistorium , a quo cum post orationem surrexisset , producto super adstantes Cardinales , ceterosque alias hinc & inde dispositos Crucis signo , eminens Solium petivit , sedetque in dignissima illa Petri Cathedra , unde tantam accipit auctoritatem , ut unus ligandi atque solvendi , acceptis Regni cœlestis clavibus habeat : Debitam proinde reverentiæ significationem eidem exhibuti omnia primi Eminentissimi Patres , per anticos Solii gradus ascendentes , salutatâ priùs , dum per medium superioris areæ transirent , profunda capitis ac humerorum inclinatione Crucifixi imagine super altare positâ , manum dexteram sedentis Pontificis sub auriphrygio Pluvialis detentam osculati sunt . Cardinalibus successere Episcopi Assistentes & non Assistentes , Abbates & Pœnitentiarii sacris vestibus ornati ; qui hac usi sunt methodo , ut singuli quidem de genu Crucem & Papam pari ritu adorarent ; in planicie verò Solii flexo poplite dextero , qui delibuti Chrismate erant , dextrum suæ Sanctitatis genu ; ceteri pedem deoscularentur .

Officio hoc ita præstito ad pristina loca omnes ordine regrediebantur . Qui scire velit , quem quisque locum occuparet , adeat delineatam Theatri Tabulam , vel Ornatus descriptionem inferiùs apponendam . Considentibus omnibus deductus primò est a D. Venantio Philippo Pierfanti Cæremoniarum Magistro de numero Participantium , ut assideret super nudum faldistorium in summa planicie Solii dextrorum posatum , Eminentissimus Cardinalis Carafa Episcopus Assistentis ; loco Eminentissimi Thomæ Rufo Decani , qui etsi præsens , præpeditus tamen senio ab hoc se munere optavit eximere . Tum D. Nuntius Sperandio alter Cæremoniarius , ad ejusdem solii anteriores gradus adduxit Cardinalem Portocarrero Procuratorem ad postulandam Canonizationem , ut supra diximus , electum , cui ad lœvam comes incedebat Virgilius Montecatinus Consistorialis Aulæ Advocatus caputio & veste , ut moris est , indutus ad instandum specialiter a SS. D. N. selectus : Ambo , monente Cæremoniario & aliquantulum præeunte , Altare & Papam honore merito coluerunt ; Cardinalis quidem profundè caput inclinans ; Advocatus verò genu usque ad terram demittens . Ante imum Solii gradum cum pervenissent , stantis Eminentiae suæ nomine , sic Sanctitatem Suam D. Advocatus

tus genuflexus rogavit, instanter petens, ut beatos Fidelem, Camillum; Petrum, Josephum, & Catharinam inter Sanctos referret.

BEATISSIME PATER.

REverendissimus D. Cardinalis Joachim Portocarrero hic praesens instanter petit per Sanctitatem Vestram Catalogo Sanctorum Domini Nostri Iesu Christi adscribi, & tanquam Sanctos ab omnibus Christifidelibus pronunciari venerandos, beatum Fidelem a Sigmaringa Ordinis Minorum S. Francisci Capuccinorum, beatum Camillum de Lellis Clericorum Regularium Ministrantium Infirmis Fundatorem, beatum Petrum Regalatum ejusdem Ordinis Minoris de Observantia, beatum Josephum a Leonissa recensiti Ordinis Minorum Capuccinorum, & beatam Catharinam de Ricciis Ordinis S. Dominici.

Dum haec circa Solium peraguntur, ii tantum qui in illo locum obtinent, stant; ceteri in suis locis sedent, candelis nequaquam extinctis. Non sine Beatorum laudibus huic postulato respondit D. Cajetanus Amato ab Epistolis ad Principes, rubro amictu circumdatu de more intimum Cubiculariorum, & stans in planicie Solii ad sinistram Papæ, quem flexo genu coluit in principio, & quoties inter dicendum nominavit.

AD PRIMAM INSTANTIAM.

Maximam omnium in hac Alma Urbe sacratissimi hujus diei celebritatem sanctis Apostolorum Principibus Petro & Paulo, quorum sacra pignora coram veneramur, consecratam mirifice ornant & augent oblate preces, quibus tot Christifidelium omnium Ordinum nomine instanter petitur, ut publicis solennisque cultus a supremo Sanctissimi Patris ac Domini Nostri iudicio decernatur beatis Fideli a Sigmaringa laudatissimi Ordinis Minorum S. Francisci Capuccinorum, Camillo de Lellis Congregationis Clericorum Regularium Ministrantium Infirmis Fundatori, Petro Regalato ejusdem Ordinis Minorum de Observantia, Josepho a Leonissa dicti itidem Ordinis Capuccinorum, ac beatæ Catharine de Ricciis Virginis Moniali ex inclita S. Dominicæ Religione. In coelesti autem hac semiperni triumphi causa nihil sane prætermisit Sanctissimus Pater, quod juxta sapientissima Antecessorum suorum Romanorum Pontificum instituta aut disquirere potuerit debita in rebus accurate agendis prudentia; aut impetrare posset christiana pietas cum assiduis obsecrationum suffragiis, jejuniis & eleemosynis conjuncta. Itaque persuasum habet fore nimis, ut singulares eorumdem Beatorum virtutes, res præclarè gestæ, illustria exempla atque insignia merita, tot etiam ab omnipotenti Deo ad ipsorum invocationem patratis miraculis comprobata in sacri cultus incrementum divinique nominis gloriam cedant; in catholicæ Religionis christianaque discipline utilitatem & ornamenti redun-

réducent; ad imitandas virtutes, emulandaque charismata ejusmodi studium & incitamentum afferant, & opportunum denique ac salutare nobis in tribulationibus & calamitatibus undique irruentibus levamen ac præsidium de Cœlis promereantur. Eapropter hodiernum diem, qui omnibus latitiis verisque gaudiis celebrari quotannis consuevit, splendidiorem solito veluti illuxisse putat, quæ pia & ardentina christianorum Populorum, inclitarum Nationum ac potissimum Italiae, & Religiosorum Ordinum vota tandem rata faciat & cumulatissimè laetificet. Verum cum hujusmodi gravissimum, quod Deo auctore suscepit, negotium commune sit cœlestium atque mortalium Civium; ut eodem superno Numinne adspirante, rite sanctèque perficiat, sapientissimè censem, inde invocandum esse lumen, unde Beatis istis tanta data est sapientia ac virtus, ut vincerent & immortalem sibi in Cœlis gloriam compararent. Fubet proinde, omnes, quo quot hic frequentes adsunt, Christifideles ac præserim Venerabiles Fratres suos S.R.E. Cardinales, ceterosque insignes Ordines ad hanc principem Aram in genua pro voluntos misericordiarum Patrem & Deum totius consolationis una secum obsecrare, ut beatissima in primis Dei Genitrice semper Virgine Maria deprecante, atque iisdem Apostolorum Principibus sanctisque omnibus suffragantibus ac bene faventibus, per Apostolicam sententiam arcum voluntatis suæ mysterium pandere non dedignetur.

Audita responsione, Cardinalis Portocarrero cum salutasset Pontificem, rediit iisdem comitantibus ad locum, unde discesserat, inter alios Cardinales sui Ordinis; Papa verò relictâ eminenti sede, non autem Mitrà quam semper retinuit, venit ad faldistorium in ipsam Solii aream a Clericis Cappellæ tunc delatum, & super illud procubuit, ceteris quoque in suis locis genuflectentibus. Tum duo Cantores habentes ante se Litaniarum librum positum super ligneum scabellum in Theatri cavea ad cornu Epistolæ Altaris, ita genuflexi ut cornu Evangelii prospicerent, Litanias Sanctorum cecinere usque ad ultimum versiculum *Agnis Dei* inclusivè: Choro alternis respondente. Omnibus post Litanias surgentibus D. Cardinalis Portocarrero, eodem ac prius ritu & comitatu ante infimum Solii gradum iterum deductus pro Canonizatione instantius oravit: Advocato ejus nomine Sanctitatem Suam in sublimi Cathedra jam sedentem ita compellantem.

B E A T I S S I M E P A T E R.

R Everendissimus D. Cardinalis Joachim Portocarrero hic præsens instanter & instantius petit per Sanctitatem Vestram Catalogo Sanctorum Domini Nostri Jesu Christi adscribi, & tanquam Sanctos ab omnibus Christifidelibus pronunciari venerandos, beatum Fidelem a Sigmarina Ordinis Minorum S. Francisci Capuccinorum, beatum Camillum de Lellis Clericorum Regularium Ministrantium Infirmis Fundatorem, beatum Petrum Regalatum ejusdem Ordinis

nis Minorum de Observantia, beatum Josephum a Leonissa recensiti Ordinis Minorum Capuccinorum, & beatam Catharinam de Ricciis Ordinis S. Dominici.

Huic item instantiæ laudatus idem Brevium ad Principes a Secretis responsum dedit his verbis.

A D S E C U N D A M I N S T A N T I A M

Quod instantiūs petitur eò ferventius obsecrationibus insistendum, atque opem etiam & gratiam Spiritus sancti implorandam esse censet ac præcipit Sanctissimus Pater, ut ille Paraclytus catholice Ecclesiæ Sanctificator & Custos Spiritus, veniens cœlitus, emittat lucis suæ radium, utque in tanto judicio doceat omnem veritatem.

Regreditur ergo Cardinalis, comite Advocato Cæmoniarumque Magistro ductore, ad suum pristinum locum. Papa verò surgens descendit ad faldistorium a Solii area non remotum; Diacono Cardinali de Marinis, qui ad Sanctitatis Suæ dexteram assistebat, omnes monente alta voce, ut orarent, hoc tantum verbo prolatu: *Orate; Sanctissimus Pater,* ceterique omnes depositis Mitris, submissisque genibus perseveraverunt orantes silentio, donec alter Diaconus Cardinalis Alexander Albanus Assistentis a sinistris, cunctorum primus stans clara pariter & alta voce dixit: *Levate:* quo audito surrexerunt omnes; & Sanctitas Sua ibidem subsistens, ministrantibus candelam & librum Episcopis Assistentibus, manumque ad eum sustinendum admovente Cardinale Carafa, præcinuit Hymnum: *Veni Creator Spiritus;* quem statim prosequuti sunt Cappellæ Cantores. Sanctissimus autem postquam in genua provolutus unacum aliis expectasset, dum absolveretur cantus trium subsequentium versuum, Mitrâ redimitus adscendit ad sedem, ubi eam iterum deponens stetit: Completo Hymno duo Cantores cecinere *V. Emitte Spiritum tuum & creabuntur*, respondentibus aliis: *Et renovabis faciem terræ.* Interim viam monstrante Cæmoniario, Cerostata ex abaco accepta cum candelis accensis portarunt Acolythi duo Signaturæ Votantes ante Solii gradus, ibi consistentes usque ad finem Orationis, quam illico Papa cecinit ex libro sibi ut supra dictum est, allato.

O R E M U S.

Deus, qui corda Fidelium Sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere. Per Christum Dominum nostrum. Rg. Amen.

Post collectam sedit Pontifex, & Mitrâ ornatus D. Advocatum tertio

tio postulantem Eminentissimi Procuratoris nomine, ut quinque Beati inter Sanctos recenserentur, audivit. Accesserant quippe ambo, ut prius a Magistro Cæremoniarum deducti: Alloquentis verò, hæc fure verba.

BEATISSIME PATER.

REverendiss. D. Cardinalis Joachim Portocarrero hic præsens instanter, instantiū, & instantissimè petit per Sanctitatem Vestram Catalogo Sanctorum Domini Nostri Jesu Christi adscribi, & tanquam Sanctos ab omnibus Christifidelibus pronunciari venerandos, beatum Fidelem a Sigmarina Ordinis Minorum S. Francisci Capuccinorum, B. Camillum de Lellis Clericorum Regularium Ministrantium Infirmis Fundatorem, B. Petrum Regalatum ejusdem Ordinis Minorum de Observantia, B. Josephum a Leonissa recensiti Ordinis minorum Capucinorum, & beatam Catharinam de Ricciis Ordinis S. Dominici.

Tertiæ huic instantissimæ postulationi hoc modo respondit idem D. Cajetanus Amatus ab Epistolis.

AD TERTIAM INSTANTIAM.

Omnipotenti Deo triumphalis huiusc actionis auctori, auspici ac ductori tandem obsequendum esse intelligens Sanctissimus Pater, nihil obstare putat, quod christiana plebis latitiam jamdiu conceptam expectat amque diutius deferre, & debitum hisce Beatis Sancti nomen cum publica sollennique teneratione recolendum amplius morari possit. Itaque Apostolico Decreto, quod suo ipse ore mox prolaturus est, referet inter Sanctos quidem Martyres Fidelem a Sigmarina, inter Sanctos verò Confessores non Pontifices Camillum de Lelli, Petrum Regalatum, & Josephum a Leonissa, ac demum inter Sanctas Virgines non Martyres Catharinam de Ricciis; ut omnes Christifideles & inculentissima virtutum in terris, quæ imitantur, exempla, & potenissimos novosque in Coelis habeant patronos; quorum patrocinio tuti Denim mirabilem in Sanctis suis magnificantes, non solum mundanas vices & adversas tempestates fortiter sustinere ac superare valeant; verùm aeterna etiam cum ipsis jam Sanctorum Civibus & Domesticis Dei in coelesti Hierusalem societate conjuncti, Angelorum choris interesse, cum beatissimis Spiritibus gloriae Conditoris adfertere, præsentemque Dei vulnus cernere mereantur.

Recedente post hæc memorato Secretario inter alios intimos Cubicularios, surgentibusque cum Sacro Apostolico Senatu, quotquot ex multis, & variae dignitatis membris unum Christi Corpus visibili ejus capiti unitum eo tempore representabant; unicus veritatis Interpres, & Religionis Antistes in Petri Cathedra sedens Mitrâ redimitus ex oblato per

Affistentes Episcopos libro, legens hanc de Sanctitate Servorum Dei Fidelis a Sigmaringa Martyris, Camilli, Petri, ac Josephi Confessorum, & Catharinæ de Ricciis Virginis sententiam protulit.

AD honorem Sanctæ & individuæ Trinitatis, ad exaltationem Fidei Catholicæ, & Christianæ Religionis augmentum, authoritate Domini Nostri Jesu Christi, beatorum Apostolorum Petri, & Pauli, ac Nostrâ; maturâ deliberatione præhabitâ, & Divinâ ope sæpiùs implorata, ac de Venerabilium Fratrum nostrorum Sanctæ Romanæ Ecclesiæ Cardinalium, Patriarcharum, Archiepiscoporum, & Episcoporum in Urbe existentium consilio, beatos Fidelem a Sigmaringa Martyrem, Camillum de Lellis, Petrum Regalatum, Josephum a Leonissa, Confessores, ac Catharinam de Ricciis Virginem, Sanctos, ac Sanctam esse decernimus & definimus, ac Sanctorum Catalogo adscribimus: Statuentes ab Ecclesia universali illorum memoriam quolibet anno, die eorum natali, nempè Fidelis die vigesima quarta Aprilis inter Sanctos Martyres, Camilli decima quinta Julii, Petri decimatertia Maii, Josephi quartâ Februarii, inter Sanctos Confessores non Pontifices, & Catharinæ decimatertia ejusdem mensis Februarii inter Sanctas Virgines non Martyres, piâ devotione recoli debere: In nomine Patris, & Filii, & Spiritus Sancti. Amen.

Tunc D. Advocatus Montecatinus, Sententiam ita prolatam, a Cardinale Portocarrero libentissimè excipi acceptarique, & ab eodem maximas ob id Pontifici gratias agi, eique supplicare, ut Apostolicæ lit-

literæ de more super ea darentur , Eminentissimi Principis nomine Sanctissimo Domino Nostro exposuit videlicet .

B E A T I S S I M E P A T E R .

I Dem Reverendissimus D. Cardinalis Joachim Portocarrero hic præsens acceptat pronunciationem a Sanctitate Vestrâ factam , eidemque gratias immortales agit , ac enixè supplicat ; ut Sanctitas Vestrâ super Canonizatione eadem Literas Apostolicas dignetur decernere .

Affuentis petitioni Papa simplex hoc verbum protulit : *Decernimus* : statim verò Eminentissimus Procurator Solii gradus ascendens , cum genu & manum Sanctitati suæ deosculatus fuisset , ad Cardinalium subsellia suo loco sessurus remeavit . Tunc prædictus D. Advocatus Montecatinus post genuflexionem stans , ita Protonotarios , & Notarios appellavit ad eos conversus .

ROgantur omnes Protonotarii , & Notarii hic præsentes , ut super hujusmodi solemnis Canonizationis actu unum vel plura , publicum seu publica , Instrumentum vel Instrumenta conficiant ad perpetuam rei memoriam .

Protonotariorum præsentium antiquior pro omnibus spondit dicens : *Conficiemus* : & advocatis Testibus , qui circa Solii aream adstabant , familiaribus Papæ , subdidit : *Vobis Testibus* : suoque loco , & tempore rem totam , ut infra referetur , ex officio transcripsit in Tabulas .

Debitas post hæc laudes & gratias Deo Optimo Maximo Sanctitas Sua redditura surrexit depositâ Mitrâ , omnibus pariter consurgentibus ; & manum admovente Episcopo Cardinali Carafa ad librum per seniores Assistentes Præsules sustentatum , ex eo alta voce concinuit hymnum *Te Deum &c.* quem Chorus Musicorum integrè usque ad finem prosequutus est .

Inchoante Pontifice prædictum hymnum , datoque per Cæremoniarium signo , illico auditus est Tubarum clangor Tympanorumque pulsus , æneorum tormentorum strepitus , & totius Ecclesiarum Urbis æris campani sonitus ; nec minor omnium tota urbe plausus ac lætitia fuit ; cum fortissimum sibi præsidium contra tela nequissimi hostis omnes ad promitterent meritis horum Sanctorum , ^a qui de sua felicitate securi de nostra sunt adhuc incolumitate solliciti ; longam proinde adprecaabantur annorum seriem vigilantissimo Dominici Agri Cultori , a quo tantum ad æternam salutem adipiscendam adiumentum accepissent .

Completo a Cantoribus hymno , Diaconus Cardinalis Marinus ad dexteram Papæ Assistens , ibidem cantavit *¶ Orate pro nobis sancti Fidelis , Camille , Petre , Joseph , & Catharina , & Cantores subdidere R. Ut digni efficiamur promissionibus Christi .*

Tunc

a Ex lib. S. Cypriani Ep. & M. de Mortalit.

Tunc accendentibus Acolythis ante imum Solii gradum cum candelabris accensis; Præsulibusque Papæ candelam ministrantibus, & librum quem etiam de more Cardinalis Episcopus sustinebat, Sanctitas Sua omnium vota in unum collecta, interposito novorum Sanctorum patrocinio confidenter obtulit Deo, per hanc a se cantu feriali recitatam orationem.

OREMUS.

O Mnipotens & mirabilis Deus in Sanctis tuis, qui beatorum Fidelis Martyris, Camilli, Petri, Josephi Confessorum, & Catharinae Virginis merita solemnis glorificatione clarescere voluisti: concede propitius, ut quæ sunt triumphantis Ecclesiae ornamenta, nova sint militantis præsidia. Per Dominum &c.

Post orationem Acolythi Candelabra ad Abacum reportaverunt. Pontifex verò adhuc sine Mitra apud suam sedem constituit; etenim Cardinalis Sacripantes Diaconi munus expleturus in Missa, digressus e supremo Altaris gradu, quem locum post Obedientiæ obsequium cum aliis Pontifici præstitum Canonizationis actione nondum incoepit occupaverat, comitante Cæremoniarum Magistro in Aream Throni Pontificii conscendit, ibique sistens ad sinistram Sanctissimi Patris, paululum erga illum conversus inclinatusque, pro expiacione Populi consuetam cecinit Confessionem, additis novorum Sanctorum nominibus post nomina sanctorum Apostolorum ut infra &c.

Confiteor Deo omnipotenti, beatae Mariae semper Virginis, beato Michaeli Archangelo, beato Iohanni Baptiste, sanctis Apostolis Petro & Paulo, beatis Fidei, Camillo, Petro, Josepho, & Catharinæ, omnibus Sanctis & Tibi Pater: quia peccavi nimis cogitatione, verbo & opere, mea culpa, mea culpa, mea maxima culpa: Ideo precor beatam Mariam semper Virginem, beatum Michaelem Archangelum, beatum Iohannem Baptistam, sanctos Apostolos Petrum & Paulum, beatos Fidelem, Camillum, Petrum, Josephum, & Catharinam, omnes Sanctos & Te Pater orare pro me ad Dominum Deum nostrum.

Qua finita, cum jam præmonitus detulisset R.P. D. Clemens de Aroztequi Papalem Crucem ante ejusdem Solii gradus, eamque genuflexus sustineret elatam, Pontifex super adstantes absolutionem fecit de more, cantando ex libro.

PRecibus & meritis beatae Mariae semper Virginis, beati Michaelis Archangeli, beati Iohannis Baptiste, sanctorum Apostolorum Petri & Pauli, beatrum Fidelis, Camilli, Petri, Josephi, & Catharine & omnium Sanctorum, misereatur vestri omnipotens Deus, & dimissis peccatis vestris perducat vos ad vitam aeternam. *Ié. Amen.*

Indul-

*Indulgentiam, absolutionem & remissionem peccatorum vestrorum tribuat
vobis omnipotens & misericors Dominus. R. Amen.*

Benedictionem quoque solemnem impertiendo addidit.

*Et benedictio Dei omnipotentis Pa† tris, & Fi† lii, & Spiritus † San-
cti descendat super vos, & maneat semper. R. Amen.*

Extinctis deinde cereis, finis imponitur integræ actioni cooptandi in Sanctorum Coetum Dei Servos, virtutibus & signis praestantes; solemne enim Sacrum, de quo modò dicetur, tali tempore olim factum non fuisse, testatur in sua eruditissima dissertatione Franciscus Maria Phæbeus Archiepiscopus Tarsi, & Cæremoniarum Moderator eximius. Vulgata ea est a Dominico Cappello altero Cæremoniarum Magistro una cum Actis Canonizationis sanctorum Petri de Alcantara, Mariæ Magdalæ de Pazzis a san. mem. Clemente IX., adstante in sublimi Thalamo Serenissima Suecorum Regina Christina Alexandra celebratæ die xxviii. Aprilis, in quem anno millesimo sexcentesimo sexagesimo inciderat Dominica in Albis. Ceterum posse aliquem Sanctum dici, aut sine Missæ Sacrificio, utpote Actione ab ipsis solemniis prorsus separata, aut eodem Sacro in sequentem diem etiam translato, nec semper facto per Summum Pontificem, vel ipso praesente vetustis monumentis omissis, recentior comprobat celebritas, qua decem ab hinc annis fel. rec. Clemens XII. Sanctissimi Domini Nostri Prædecessor Divorum numero inse- ruit Vincentium a Paulo, Joannem Franciscum Regis, Julianam de Falconeriis, & Catharinam Fliscam Adurnam. Etenim octogenario Major cum esset; timeretque, ne nimiâ morâ & labore gravaretur, pro- lata de eorum Sanctitate Sententia, receptisque, dum Chorus decanta- bat hymnum: *Te Deum &c.* a se inchoatum, de Postulantum manibus oblationibus, aliisque, quos supra recensuimus, Ritibus & Cæremoniis expletis; non dimisso Apostolico Senatu solus remeavit ad propria, sinens ut post suum discessum eadem celeberrima pompa ab Eminentissimo Russo tunc Episcopo Prænestino conficeretur Sacrum; ac si ipse praesens adesset.

Attamen Sanctissimus Dominus Noster Benedictus XIV. nullo um- quam fractus labore, nec pressus obrepentis senectutis pondere, gemi- natam hodiernae festivitatis lætitiam, quæ de beatorum Apostolorum Martyrio, & de nova quinque Sanctorum glorificatione procedebat, Summo Sacerdote dignum putavit, ita augere, ut Deo Hostiam laudis solemni ritu immolaret, & Altissimo vota sua per se ipsum redderet; solemniis itaque Canonizationis memorato ordine jam completis, ab eminenti Sede descendens, & ad aliam humiliorem paratam introrsum in ipso Theatri aditu ex parte sinistra Altaris se transtulit, solo Diacono-

rum Assistentium & nonnullorum paucorum tunc ei ministrantium comitatu. Cum in ea paululum sedisset, stans sine Mitra & ad Altare conversus recitavit submissa voce *Pater, & Ave;* mox manu dextera signum Crucis formans a fronte ad pectus cecinit pro inchoatione horæ Tertiæ: *Deus in adjutorium, &c.* Cantoribus prosequentibus Hymnum, & Psalmos usque ad finem. Post Responsorii cantum, completis jam precibus præparatoriis ad Missam, inter quas sedens sandalia & caligas induerat de more, iterum stans sine Mitra, & delatis ut aliàs per Acolythes duobus candelabris ante Solioli infimum gradum Orationem diei Festi SS. Apostolorum: *Deus qui hodiernam diem &c.* præcinuit. Lotis deinde manibus, aquam consuetis cæremoniis præbente Sacri Hospitii Magistro Guadaneoli Duce, vestes ad Sacrificium faciendum paratas induit ministerio Diaconi Cardinalis Evangelium cantaturi Caroli Mariæ Sacripantis, & annulo Pontificali per Card. Episcopum Assistentem subbarhatus, ita ornatus thure in Thuribulum immisso, ac præcedente Cruce inter candelabra septem processit ad Altare, instructo duntaxat a sibi Ministrantibus supplicationis agmine & exceptis inter eundum occurribus sibi tribus in ordine Presbyterali ultimis Cardinalibus ad oris & pectoris osculum. Confessione, & ad Apostolorum Aram thurificatione peractâ sublime Solium repetivit, prosequendo Missam cum cæremoniis, quæ servari celebrante Summo Pontifice solent: Nihil autem in hoc Sacro peculiare atque notatu dignum accidit, præter Orationes Collectæ diei unâ sub conclusione conjunctas, Homiliam post Evangelium a Sanctitate Sua recitatam, & solemnes Oblationes a Postulantibus præsentatas.

Orationes autem Collectæ, Secretæ, & post Communionem hæ fuerunt.

OREMUS.

O Mnipotens & mirabilis Deus in Sanctis tuis, qui beatorum Fidelis Martyris, Camilli, Petri, Josephi Confessorum, & Catharinae Virginis merita sollemni glorificatione clarescere voluisti: concede propitius; ut quæ sunt triumphantis Ecclesiæ ornamenta, nova sint militantis præsidia. Per &c.

SECRETUM.

Celebritatis hodiernæ munera in honorem Sanctorum Fidelis Martyris, Camilli, Petri, Josephi Confessorum, & Catharinae Virginis tibi Domine efferentes humiliiter petimus; ut quorum exultamus triumphis, proficiamus exemplis. Per &c.

POST COMMUNIO.

SAcro pignore immortalitatis suscepto, fac nos, quæsumus Domine, Sanctorum Fidelis Martyris, Camilli, Petri, Iosephi Confessorum, & Catharinae Virginis æternæ felicitatis consortes, quorum temporalis exaltationis voluisti participes. Per Dominum nostrum &c.

Homilia verò, quam sedens habuit ad circumfusam multitudinem Sanctitas Sua, luculenter exprimit, & ob oculos ponit utriusque solemnitatis memoriam, ut legenti patebit.

SANCTISSIMI DOMINI NOSTRI
BENEDICTI PAPÆ XIV.
H O M I L I A

DIE NATALI SS. APOSTOLORUM PETRI ET PAULI

Communem Cœlo terræque lætitiam ex gloriose beatorum Apostolorum Petri & Pauli triumpho, quem pro Christo morientes uno die eodemque loco reportarunt, ad Nos maximè, & ad hanc Urbem, Venerabiles Fratres ac Dilecti Filii, pertinere, certum est. Quamquam enim ad universam spectet Ecclesiam de gemina Principis Apostolorum, & Doctoris gentium corona lætari, quod sancita eorum sanguine Fides in omnes gentes se feliciter propagaverit, Roma tamen debet præ ceteris efferti gaudio, & cumulatiūs exultare, quod quæ antea fuerat errorum magistra, Apostolorum eorumdem operâ facta sit discipula veritatis, Civitas Sacerdotalis & Regia, Arx Religionis, & Caput Orbis, cuius imperium divinæ Fidei gloriâ la-

R r r tiūs,

tiùs , quàm olim terreno principatu dilatatum , portæ Inferi metuunt , ac contrémiscunt .

A vetustissimis usque temporibus Romano Pontifici solemne fuit summa religione ac singulare celebritate diem hunc agere , in quo duplex Sacrum , alterum in hac Vaticana Basilica , alterum via Ostiensi in Basilica sancti Pauli facere consuevit , ut pius seculi quarti vates Prudentius testatur . Id quoque temporis complures ex variis partibus Episcopi ad Urbem commigrabant , festum hunc lætissimum diem una cum Romano Pontifice celebratur , uti ex Paulino , qui sequentis ætatis scriptor extitit , colligimus .

Nos quoque , quos non una causa ad Principis Apostolorum memoriam honore cumulandam adducit , quod nempe in ejus locum & dignitatis amplitudinem , licet immerentes , successimus , sed aliæ quoque rationes urgent ad illius & Apostoli Pauli cultum promovendum , quos una simul cole re ac venerari consuevit Ecclesia , quod nimur inter sacræ hujus Basilicæ Canonicos decem & quatuor annos suimus , quodque ejusdem Petri honori Metropolitana Bononiensis Ecclesia dedicata sit , quam decennio gubernavimus , & quam adhuc detinemus ; Prædecessorum nostrorum vestigiis etiam in hac parte pro viribus insistere cupientes , non solum quotannis in pervigilio hujus Festi solemnibus Vesperis in hac Basilica interesse , & manè Pontificali ritu Missam celebrare consuevimus , sed etiam in perpetuum valitura sanctione decrevimus , ut per

totam

totam Octavam singulis diebus in diversis sacræ
hujus Urbis Ecclesiis aliquâ eorumdem Apostolo-
rum memoriâ insignitis solemne Sacrum peraga-
tur , præsente aliquo Prælatorum Apostolicæ Sedis
officiis addictorum Collegio ; utque pomeridiano
tempore alii piorum hominum Cœtus , statis qui-
sque diebus , ad easdem Ecclesias piè religiosèque
procedant. Ad hæc mandavimus , ut Calendariis
& divinorum Officiorum Libris iidem duo bea-
tissimi Apostoli , tanquam primarii augustæ hujus
Urbis Patroni , inscribantur : quod quidem Nobis
a sanctissimis Viris Leone Pontifice , Maximo
Taurinensi , & Venantio Fortunato ex veteri di-
sciplina traditum est .

Opportunè quoque & meritò hunc ipsum
diem festum beatorum Apostolorum Petri & Pau-
li hodiernæ Sanctorum Canonizationi selegimus :
nedum ut saltem semel vitæ nostræ tempore feli-
cissimum hujusmodi diem ingenti populorum con-
cursu , multaque Fratrum nostrorum Episcoporum
frequentia , pristino more celebrari videamus , sed
præsertim etiam quod Sententiam illam definitivam ,
qua quinque Beatos nuper in Sanctorum Album re-
tulimus , pronunciavimus , ut audivistis , in hono-
rem Sanctæ & Individuæ Trinitatis , ad Catholicæ
Fidei præsidium , & Christianæ Religionis incre-
mentum auctoritate Domini Nostri Iesu Christi ,
beatorum Apostolorum Petri & Pauli , & nostrâ ;
& demum , quod in unoquoque eorumdem quin-
que Beatorum imago quædam & nonnulla San-
ctorum

ctorum Apostolorum Petri & Pauli similitudo in-
esse videtur . Hoc autem non ita dicimus , ut par
meritum , aut æqualitatem virtutum horum cum il-
lis inferamus , cum temeritas sit amplitudinem Apo-
stolorum cum aliorum Sanctorum meritis compa-
rare ; sed ut ostendamus , hæc nova Sanctitatis lu-
mina ad clarissimas beatorum Apostolorum Petri
& Pauli virtutes accedere pro viribus curavisse , &
hac ratione ad Sanctorum gloriam in terris me-
ruisse exaltari , qua jamdudum in Cœlis inter bea-
tissimos Cives fruebantur .

Venit Petrus Antiochiâ ad hanc Urbem , hìc
primam Sedem constituit , hìc nequissimum debel-
lavit Simonem , hìc Jesu Christi Evangelium dis-
seminavit . Venit huc quoque Paulus post navalem ,
ut Joannes Chrysostomus ait , pugnam ; atque hìc
in Judæis & Gentibus in Christi Fide erudiendis
dies noctesque laboravit . Ambo vitam & sanguinem
pro Christi nomine effundere cupientes , am-
bo Rcmæ , eodemque die gloriosam Martyrii co-
ronam adepti sunt : Petrus quidem inverso capite
cruci affixus , Paulus gladio capite obtruncatus ; ex
quorum sanguine , veluti ex semine , tot beatorum
Martyrum millia germinarunt , ut exuberante co-
piæ virtutis & fidei , ut Cyprianus inquit , singu-
li Martyres numerari non possent . In his modò Fi-
delem de Sigmaringa numeravimus , qui ad prædi-
candum verbum Dei & Catholicam Religionem
ab hæreticis vindicandam , ab hac Apostolica Se-
de in Rhætiam missus , invicto animo morti oc-

currens ,

currens, ab hæreticis interfectus est & gloriosam sibi martyrii coronam comparavit.

Negavit ter Petrus, ab ancilla & Judæis interrogatus, Divinum suum Magistrum. Persecutus est Paulus discipulos Christi, quos ad internecionem usque delere statuerat. At suam Petrus perfidiam flevit amarè; & Paulus divinæ vocis terrore correptus, humili stratus, factus est vas electionis, & ad Apostolicam dignitatem unà cum Barnaba a Spiritu Sancto vocatus est. Quot ad poenitentiam ex præclaro horum exemplo excitati, ex improbis & impuris facti sunt egregiæ virtutis & sanctitatis lumina? Quot assiduis lacrymis sua deflentes scelera uberrimos poenitentiaæ fructus fecerunt, quibus immortali deinde glori in Cœlis gaudere, & apud nos solemni ritu inter Sanctos recenseri meruerunt: His profectò Camillus de Lellis annumerandus est, qui eadem vestigia persequens, non modò juvenilis suæ ætatis errores detestatus est, sed etiam reliquo vitæ tempore, tum animæ, tum corporis Proximorum saluti impensè addictus, heroicis, quibus Cœlum promeruit, virtutibus maximè inclaruit. O quam bene fese ad Pauli doctrinam conformavit! qui in prima ad Timotheum se blasphemum, & persecutorem, & contumeliosum, & primum peccatorem vocans: FIDELIS, inquit, SERMO ET OMNI ACCEPTIONE DIGNUS, QUOD CHRISTUS JESUS VENIT IN HUNC MUNDUM PECCATORES SALVOS FACERE, QUORUM PRIMUS EGO SUM: addiditque: SED IDEO MISERICORDIAM

CONSEQUUTUS SUM, UT IN ME PRIMO OSTENDERET
CHRISTUS JESUS OMNEM PATIENTIAM AD INFORMATIONEM EORUM, QUI CREDITURI SUNT ILLI IN VITAM ÆTERNAM. Ita plane Camillus misericordiam Dei consecutus, a scelere & flagitiis ad bonam frugem revocatus, inde meritis & virtutibus plenus ad gloriam Sanctorum meruit extolli.

Minimè contentus fuit Petrus in Pontum, Galatiam, Cappadociam, Asiam, & Bithyniam Jesu Christi Fidem intulisse, sed, ne quis in ea hæsitaret, aut ne quid ab ea alienum in Ecclesiam induceretur, epistolas binas canonicas scripsit, in quibus sanctissimæ Leges ad reprimendos vitiorum impetus, ad resistendum nequitia diaboli, & ad æternæ vitæ hæreditatem asséquendam opportunè traduntur. Hoc ipsum amplissimè fecit Paulus decem & quatuor epistolis canonicis conscriptis, quarum sapientiam, & cœlestis doctrinæ copiam quis satis posset oratione complecti? Quænam eloquentia pro dignitate explicaret epistolam ad Romanos, sive binas ad Corinthios, sive ad Hebræos alteram, in quibus de fide, de bonis operibus, de virtutibus theologicis, de vitiis atque erroribus extirpandis, divina planè sapientia, & admirabili zelo fideles docet, cohortatur, inflammat? Atque hinc Episcoporum ad populos sibi commissos pastoralium epistolarum dimanavit consuetudo, per quas illi zizania in medio tritici exorta eradicare conantur, &, si qui mali usus, aut depravati mores irrepserint, corrigere ac reformare student. Hæc

exem-

exempla quoque piis quibusdam in Ecclesia hominibus ansam dederunt identidem religiosorum virorum Coetus, hujus Sanctæ Sedis auctoritate intercedente, reformandi, qui paulatim neglecta evangelicorum consiliorum observantia a pristinæ virtutis gradu defecerant. Iter hujusmodi summa cum laude confecit Petrus Regalatus a Nobis nuper numero Sanctorum adscriptus; qui tot annos ingenti labore, incredibili austeritate vitæ, miraque humilitate ac singulari prudentia Ordini suo Franciscano, qui quibusdam in locis a veteri splendore desciverat, reformando totus incubuit; & assiduo heroicarum virtutum studio eam assecutus est Sanctitatis laudem, quæ & Seraphico Ordini esset exemplum, nec minus universæ Ecclesiæ ornamentum.

Hierosolymis Petrus una cum Joanne in vincula conjectus est, & ab Angelo bis solutus a vinculis, quibus hominum improbissimorum perfidia illum obstrinxerat. Quid verò loquar vincula, flagella, lapides, naufragia, immissiones bestiarum, atque alia plurima, quæ passus est Paulus, quæque ipse ad Corinthios scribens enumerat, quamquam, ut Joannes Chrysostomus advertit, plura fuerint ab eo prætermissa, quam numerata? Adeo ut, etiamsi ei gladio mortem oppetere non contigisset, tot nihilominus acerba passus, quæ illi vitam omnino eripere debuissent, nisi superstes divinitùs extitisset, profectò inter Martyres computaretur. Hinc porro geminæ Cœlo januæ patefactæ sunt: altera iis, qui

effuso sanguine pro Christo cæsi sunt , & inter Martyres recensentur ; altera verò iis , qui suppliciis , quæ pro Fide fortiter passi sunt , superstites . jam olim Martyres vocabantur , nunc autem illustri Confessorum titulo decorantur . Hac alterâ viâ incessit Josephus a Leonissa , quem modo in Sanctorum Confessorum Albo retulimus . Hic per plures dies supplicium immane & exquisitum pro Christi nomine a Barbaris invicto animo toleravit , atque inter cruciatus acerbissimos Evangelium prædicare non destitit . Quibus expeditus nihil habuit antiquius . quām animas Christo evangelicā prædicatione lucrari , suamque excelsarum omnium virtutum , quas heroicas dicimus , sublimitate sanctiorem in dies facere usque ad mortem , quam coram Deo pretiosam in pace obtinuit .

Commendavit Paulus in prima ad Corinthios virginitatis dignitatem , in cuius laude posuit multa , quæ ab eo statu derivantur , emolumenta . Nullum tamen de virginitate præceptum a Domino sese accepisse affirmavit , sed de illa tantummodo consilium se dare : **DE VIRGINIBUS PRÆCEPTUM DOMINI NON HABEO , CONSILIUM AUTEM DO .** Hæc autem Paulum Coapostolum secundùm datam sibi sapientiam literis tradidisse , Petrus in epistola secunda contestatur . Consilium quoque Pauli fuit , præter continentiam , orationem , jejunia , paupertatem , & obedientiam colere : quibus in rebus potissimum sita est vitæ monasticæ ratio , a primis usque Ecclesiæ seculis tam in viris , quam in foeminis feliciter

propa-

propagata. Recentiori verò memoria ad monastica-
cam alia insuper accessit religiosorum hominum vi-
ta, eorum præsertim Ordinum, qui Mendicantes
nuncupantur, in quibus non minùs doctrina, quām
sanctitate complures ex utroque sexu Ecclesiam
mirè illustrarunt. Tres jam inclytæ fœminæ, Ca-
tharina Senensis, Rosa de Lima, & Agnes de
Monte Politiano ex Ordine B. Dominici solemni
ritu sanctarum Virginum numero adscriptæ sunt;
ad quas & Nos Catharinam de Ricciis modò ag-
gregavimus, claustrali vita tam illustrem, tam hu-
milem, tam poenitentiæ addictam, & a Deo ma-
ximè locupletatam iis coelestibus donis, quibus
ipse animas sibi acceptas in terris quoque cumu-
lare confuevit.

Tandem Apostolorum Actus pleni sunt no-
vis & inusitatis miraculis, quæ Deus ad manife-
standam gentibus beatorum Apostolorum Petri &
Pauli tum doctrinam, tum sanctitatem operari sibi
complacuit. Enimverò nolumus illa conferre cum
iis, quæ Dominus agere dignatus est ad interces-
sionem & preces quinque Beatorum, quos modò
solemniter inter Coelites recensuimus. Non igno-
ramus, varia esse miraculorum genera, varios
gradus. Verùm si hæc ad illa minus æquipara-
ri valent, nihilominus hæc quoque ita naturæ
vires excedunt, ut dubitari nullo modo possit,
quin sint sanctitatis eorum, ad quorum merita
facta sunt, luculentum expressumque Dei testimo-
nium.

Ex iis, quæ hactenus dicta sunt, satis apparet, quām aptè in hoc ipso SS. Apostolorum Petri & Pauli lētissimo die hodiernæ Canonizationis solemnia celebrentur. Nunc autem, quoniam prope Aram consistimus, sub qua eorumdem beatorum Apostolorum cineres & ossa jacent, quid aliud restat, nisi ut ad vos, gloriosi Apostolorum Principes, orationem nostram & preces humiliter convertamus? Tu quidem, beatissime Petre, Venerabilem hunc Clerum de Cœlo respice, qui abste originem dicit, quique nomini tuo devotus te perpetuō colit: Respice & Nos, qui in hanc principem omnium Cathedram a te institutam, & quæ Ecclesiarum omnium unitatis est centrum, impares licet meritis, successimus. Tu verò, beatissime Doctor Gentium Paule, populum hunc, quem te præ ceteris diligere, tuoque cordi inhærere, literis tuis significabas, perāmanter respice. Ad vos enim, Parentes optimi, & amantissimi Urbis hujus Patroni, in tanta hujus diei celebritate, fiducia pleni configimus, ut, vestris interventibus meritis, a Deo impetremus catholicæ Fidei propagationem, Romanæ Ecclesiæ, quæ sanguinis vestri pretio fundata est, exaltationem & fartam tectam Apostolicæ hujus Sedis dignitatem, cuius vindices & propugnatores vos semper extitistis. Ad vos deinde convertimur, Fidelis, Camille, Petre, Joseph, & Catharina, quos modò nostros apud Deum intercessores fore solemnī ritu declaravimus, quosque fidelibus populis tanquam

præclara-

præclara virtutum exempla proposuimus: Vos quoque humili corde obtestamur, ut christianam Religionem, ut Fidem, ut denique Apostolicam Sedem apud Deum orationibus vestris tegere ac tueri dignemini; Nobis præsertim in ærumnis, quibus in diem conflictamur, & quibus Petri navicula jactatur, opem auxiliumque divinum implorantes. Spe magna nitimur, Deum, Vobis intercedentibus, Nos in medio mari periclitantes non relicturum. Habemus enim perpetuò ante oculos Petrum in mediis fluctibus super aquas maris a Domino ambulare jussum, & naufragio perire metuentem: **Quem** Augustinus advertens: IN UNDA, inquit, EXCLAMET TITUBANS PETRUS, ET DICAT: DOMINE, SALVA ME. PORRIGIT ENIM DOMINUS MAMNUM; ET QUAMVIS INCREPET DICENS: MODICÆ FIDEI, UT QUID DUBITASTI? TAMEN A FLUCTIBUS RAPIT, ET CONFIDENTEM INFIRMITATEM SUAM, ATQUE ILLIUS AUXILIUM POSTULANTEM PERIRE NON SINIT. Demum gloriosi Principes Apostolorum, Beatique nuper in Sanctorum Catalogum relati lenite iram Dei in furore suo terras arguentis: exorate omnipotentem Principem pacis, in cuius manibus sunt corda Regum, & sub quo curvantur, qui portant Orbem, ut christianos Principes diuturnis nimium dissidiis inter se decertantes in pristinæ charitatis compagem restituat.

Statimac Papa institutæ Orationi finem imposuit; Cardinalis Diaconus Evangelii in Solii planicie, quod perrexerat ex Altari, Magistro Cæremoniarum Duce, eodem ac antea modo ad excitandam compunctionem

ctionem cecinit : *Confiteor*, quo recedente Episcopus Cardinalis Assitens a Sanctitate Sua Indulgentias petxit his verbis : *Indulgentias Beatisime Pater*, acceptoque responso : *Consuetas hujus Actionis*; illico conversus ad Populum eas promulgavit alta voce legendo sequentem formulam.

Sanctissimus in Christo Pater & Dominus Noster, Dominus BENEDICTUS Divina Providentia Papa Decimus quartus dat, & concedit omnibus hic presentibus Indulgentiam Plenariam: Visitantibus autem quotannis Sepulchra Sanctorum FIDELIS, CAMILLI, PETRI, JOSEPHI, & CATHARINÆ, die eorum nativitio septem annorum, & totidem quadragenarum in forma Ecclesiae consueta: Rogate igitur Deum pro felici statu Sanctitatis Sue & sanctæ Matris Ecclesie.

Post Indulgentiarum promulgationem Sanctissimus Dominus Noster sine Mitrâ stans Populo solemniter benedixit pronuntiatâ ex libro, quem sibi obtulerunt consueti Assistentes Ministri, generali absolutione: Tum Symbolum præcinuit, illudque cum Diaconibus sibi hinc inde Assistantibus voce submissa recitavit, quod cum Psaltæ Palatini prosequerentur, sed it, eoque expleto surrexit iterum capite detecto, ut v. *Dominus Vobiscum*: caneret, ac Offertorium legeret. Postea confedit denuo pretiosa Mitrâ redimitus excepturus Postulantum oblationes.

Fuerant hæ a Magistris Cæremoniarum inter Symboli cantum hoc ordine dispositæ. Tres ad singulas oblationes Sacrorum Rituum Congregationis Cardinales adhibiti sunt ex unoquoque ordine, incipiendo ab Anterioribus, ne iis quidem exceptis, qui adsercebant Pontifici: idcirco tempestivè evocati novissimi duo Diaconi in eadem Congregatione non adscripti, primis in Assistentiæ munere substituuntur.

Singuli Cardinales juxta monitum eisdem transmissum duos secum habebant nobiles Familiares talari indutos ueste pro cereis prægrandibus, aut panibus, vel doliolis comportandis; hi suo quique hero præibant; eos verò antecedebant quatuor Servientes armorum argenteis clavis instructi. Unumquemque Cardinalem subsequebantur primores duo Patres ex Regulari illa Familia, cuius vel Alumnus fuerat Sanctus, vel Institutor. Uterque parvum cereum gestabat canistri loco, quem alter eorum alias portasset cum binis vel turturibus, vel columbis, vel aviculis versicoloribus; ab hac enim solemnitate hoc genus oblationis omnino tolli Sanctissimus Pater imperaverat. Quam ob causam id vetuerit; investigator cupidus facilè assequetur lectione laudatissimi ejus operis de Servorum Dei Beatificatione, & Beatorum Canonizatione. Singulæ oblationes in singulis separatis mensis five Abacis compositæ erant, candidis obductæ velis, ex quibus tollebantur ministerio Custodis earumdem a Moderatore Cæremoniarum de more destinati. Qui portaturi eas erant, supposita mappula linea ipsas deferentes, transeundo per medium

Thea-

Theatri caveam ante Confessionem rectâ usque ad Papam contendebant, cui exhibitæ cum fuissent, eas ad mensam iterum reportabant Acolythi Signaturæ Justitiæ Votantes cum Abbreviatoribus. Procurator Canonizationis Cardinalis Portocarrero, qui inter eundum incesserat ad sinistram Cardinalis Episcopi primæ oblationi assignati, consistens in planicie Solii dextrorsum sex cereos parvos arabicè pictos in unaquaque oblatione a Religiosis Patribus delatos Sanctitati Suæ offerebat: Quilibet verò Cardinalis Episcopus duos tantùm prægrandes arabicè item pictos & præterea effigie Sancti, gentilitiis insignibus Summi Pontificis, ac stemmate Religionis ornatos; Presbyteri autem Cardinales magnos panes duos, unum auro, alterum argento illitos, & supereminenti cælatura Pontificii ejusdem stemmatis ornatos; Cardinales tandem Diaconi dolia duo affabre sculpta pari ornatū, auro argentoque splendida. Qui libet Cardinalis accepta de Familiarium suorum manibus dona Sanctissimo exhibebat, deosculando peracta oblatione ejus genu & manum; cum pedis tantum osculum reliquis permitteretur.

Ad primam igitur oblationem pro sancto Fideli a Sigmaringa directam a D. Francisco Diversini Cæremoniario, & ab intimo Suæ Sanctitatis Sacello, selecti fuere Eminentissimi Cardinales Annibal Albanus sancti Clementis nuncupatus Episcopus Portuensis ac sanctæ Rufinæ, Dominicus Passioneus Tituli sancti Bernardi Presbyter, & Carolus de Marinis Diaconus sanctæ Mariæ in Vialata; Fr. Joseph Maria ab Interramna Minister Generalis Ordinis Minorum sancti Francisci Capuccinorum, Fr. Sigismundus a Ferraria Procurator & Commissarius Generalis, Fr. Maximilianus a Wanghenæ Definitor Generalis Causæque Postulator, Fr. Benedictus a Mafra, Fr. Joannes Maria a Parma, & Fr. Chérubinus a Noves, & ipsi Definitores Generales prædicti Ordinis.

Alteram pro sancto Camillo, præeunte D. Joanne Lucca altero ex Cæremoniariis, peregerunt Eminentissimi Cardinales Nicolaus Maria Lerarius Tituli sancti Petri ad Vincula gerens Episcopi vices, Silvius Valentini Tituli sanctæ Priscæ, & Alexander Albanus Diaconus sanctæ Mariæ ad Martyres; RR. PP. Joannes Dominicus Constantini totius Ordinis Clericorum Regularium Ministrantium Infirmis Præfectorus Generalis, Vincentius Micciulla Procurator Generalis, P. Franciscus Stolfini, & P. Thomas Sanchez ambo Consultores, P. Jacobus Maria Fabiani Arbitrarius & Secretarius Generalis, ac Pater Camillus de Romanis Provincialis.

Tertiam sancti Petri Regalati, ad quam assistebat D. Joannes Baptista Valeriani Cæremoniarius Supranumerum, attulerunt Eminentissimi DD. Cardinales Franciscus Burghesius Tituli sanctæ Mariæ Transtyberim pro Episcopo, Camillus Paulutius Tituli sanctorum Joannis & Pauli, & Nerius Corsinus sancti Eustachii Diaconus, RR. PP. Fr. Raphael a Lucagnano Ordinis Minorum sancti Francisci Minister Generalis, Fr. Felix

a Ro-

a Roma ex Vice-Commissarius Generalis Reformatorum, Fr. Benedictus Maria Galli Procurator Generalis Observantium, Fr. Alexius a Roma Procurator Generalis Reformatorum, Fr. Petrus Joannes Molina Procurator Generalis Recollectorum, & Fr. Vincentius Antonius a Caprarella Definitor Generalis.

In quarta pro sancto Josepho a Leonissa, viam demonstrante D. Joanne Baptista Lizzani Supranumerum secundo Cæremoniarum Magistro, adfuerunt præter Eminentissimos Cardinales Antonium Xaverium de Gentilibus Presbyterum sancti Stephani in Cœlio Monte vices Episcopi Cardinalis supplentem, Carolum Albertum Guidobonum Cavalchini Tituli sanctæ Mariæ de Pace, & Marium Bolognetti sanctorum Cosmæ & Damiani Diaconum, sex alii Ordinis Capuccinorum Patres dignitatis gradu præstantes, nempe Fr. Philippus ab Ameria Provinciæ Romanæ Minister Provincialis, Fr. Bonifacius Romanus, Fr. Joannes a Collepardo, Fr. Franciscus Antonius a Fivizzano, Fr. Carolus Antonius a Vultrio Definitores Provinciales, & Fr. Gregorius Romanus Ex-Definitor, Causæque Canonizationis beati Josephi Postulator.

Quintam demum sanctæ Catharinæ de Ricciis, ductore D. Francisco Manganoni tertio sacrarum Cæremoniarum Magistro supra numerum, detulerunt pro Episcopo Eminentissimus Fr. Joannes Antonius Guadagni Cardinalis Tituli sanctorum Silvestri & Martini ad Montes, ac Eminentissimi Cardinales D. Fortunatus Tamburini Tituli sancti Matthæi in Merulana, & Prosper Columna de Sciarra sancti Georgii ad Velum aureum Diaconus: absente Reverendissimo P. Fr. Thoma Ripoll Magistro Generali Ordinis Prædicatorum, qui annos exceperat nonaginta, cereum primum detulit Reverendissimus P. Fr. Nicolaus Ridolfi Sacri Palatii Magister, alias verò RR. PP. Magistri Fr. Vincentius Maria Ferretti Procurator Generalis totius Ordinis, Fr. Josephus Augustinus Orsi Sacrae Congregationis Indicis a Secretis, Fr. Alexander Pius Sauli supremæ Inquisitionis contra hæreticam pravitatem, sive Sancti Officii Congregationis Commissarius, Fr. Antonius Bremond Provincialis Daciæ, & Fr. Joannes Thomas de Boxardos Provincialis Aragoniæ, Reverendissimo Patri Magistro Generali hoc in munere substitutus.

Summus Pontifex perceptis oblationibus lavit ex more manus, (ad cuius munus selectos Nobiles Laicos deduxere alternatim & D. Lucas Verdiani & D. Alexander Mariani novissimi Cæremoniarum Magistri) perrexit ad Altare, ex quo data Pace iterum discedens Solium repetivit, in eo Communionem sub utraque specie ritu supremi Ecclesiæ Hierarchæ statuto sumpturus; quam quidem consuetudinem non esse mysterio vacuam, ex allatis a præcitate Justiniano Chiapponi Apostolicarum Cæremoniarum Magistro rationibus evidentissimè constat.

Absoluta deinde Missa in Altari, & Pontificali Benedictione Populo impertita, deposito præterea supra principem Aram Pallio descendit

Papa

Papa ad sellam gestatoriam, quæ ante Altare, nec longe ib eodem parata tunc fuerat. In ea compositus, tiara tectus chyrothecisque & annulo Pontificali denuo sumptis consuetum Presbyterium accepit ab Eminentissimo Archipresbytero Basilicæ Annibale Cardinali Albano una cum duobus Canonicis Sacrario Præfectis; nempe RR. PP. Jacobo Vittori, & Joanne Francisco de Abbatibus Oliverio; eis verò ipse suis met sanctissimis manibus tradidit aureum Calicem & Patenam, non solum materia, sed opere conspicuam, quibus eo die Deo libaverat, ut essent perenne tam eximiæ solemnitatis, siveque pietatis erga divum Petrum Apostolorum Principem argumentum. Ac Presbyterio quidem, quod acceperat, in Clericos erogato, eoque multo splendidiùs repenso, rei tantæ memoriam alio quoque monumenti genere testatam voluit, largitione nimirum novi Numismatis, quod novorum quinque Sanctorum repræsentabat imagines cum Epigraphe: *Univit, palquamque dedit.*

Posthac EE. Cardinalium Senatu dimisso, divertit Sanctitas Sua in Tentorium extra Theatri ambitum de industria comparatum, ubi sacras vestes exuit.

Supereft^a, ut agamus gratias Deo nostro super omnibus dispositiōnibus suis, quod infirmos nos novis hisce Ecclesiæ suæ voluit fulcire columnis; congratulemur & Sanctis, quibus magna fecit Dominus introducens eos in gloriam suam, ut Festivitas quæ merito eorum virtutum hodie votiva impenditur, ipsorum nobis efficiatur meritis, & precibus salutaris.

Quod sponsum est supra, Protonotariorum Instrumentum
hic accipito.

I N N O M I N E D O M I N I A M E N.

Sanctissimus Dominus Noster BENEDICTUS Divina Providentia Papa XIV. omnibus iis, quæ super solemnibus Sanctorum Canonizationibus peragenda a Summis Pontificibus Prædecessoribus suis in eorum Constitutionibus sancta sunt, rite peractis; tandem anno ab Incarnatione Verbo millesimo septingentesimo quadragesimo sexto, Indictione nona, Pontificatus ejusdem Sanctissimi Domini Nostri Papæ Anno sexto: Die vero 29. Junii Feria quarta, Festo SS. Apostolorum Petri & Pauli hujus Almæ Urbis Patronorum Principalium, in Basilica Vaticana, splendida ingentique pompa exornata, devenit ad solemnem Canonizationem beatorum Fidelis a Sigmaringa Ordinis Min. S. Francisci Capucinorum, Camilli de Lellis Clericorum Regularium Ministrantium Infirmiss Fundatoris, Petri Regalati Min. Observan. S. Francisci, Josephi

a Leo-

a S. Bernardus Serm. de S. Malach.

512 ACTA CANONIZATIONIS

a Leonissa Ordinis Minorum sancti Francisci Capuccinorum, & Catharinæ de Ricciis Sanctimonialis Professæ Ordinis S. Dominici.

Ad implorandum a Patre luminum lumen & consilium, necnon beatissimæ semperque Virginis Mariæ patrocinium, & aliorum Sanctorum & Sanctarum opem & auxilium in re tanti ponderis, quæ profectò gravior, dignior & major est, quæ peragi possit a Summis Pontificibus, cum in ea potissimum Vicaria Christi potestas, quam gerunt in Terris, elucescat, juxta consuetum Ordinem solemnemque Ritum præhabita fuit solemnis Supplicatio.

Sanctissimus Pontifex sacris Vestibus indutus ex Aula Paramentorum inter Eminentissimos DD. Cardinales Carolum de Marinis, & Alexandrum Albanum S. R. E. Diaconos antiquiores, ad Cappellam Sixtinam processit, & intonato Hymno: *Ave Maris Stella*: Primisque ejusdem Hymni versibus per Cantores Pontificios absolutis, Sedem Gestatoria concedit.

Præeuntibus utroque Clero, Prælatorum Romanæ Curiæ Collegiis, Basilicæ Vaticanæ Pœnitentiariis, Abbatibus, & Generalibus in Cappella Pontificia locum habentibus, Episcopis, Archiepiscopis Pontificio Solio Assistentibus, & non Assistentibus, & inter Sacrorum Rituum Consultores Patriarchis, & Eminentissimis denique S. R. E. Cardinalibus, omnibus juxta eorum Ordines sacris Vestibus indutis, & dextera manu accensum cereum gestantibus, Summus Pontifex Vaticanum Templum ingressus, & ea, qua par erat, reverentia, a Reverendissimo ejusdem Basilicæ Capitulo exceptus, Cantoribus Capituli Antiphonam: *Tu es Petrus*: modulantibus, ante Altare Sanctissimæ Trinitatis, ubi erat Augustissimum Sacramentum publicæ Venerationi expositum, constitit, & e Sede Gestatoria descendens paulisper oravit; mox ad eandem Sedem reversus, delatus fuit (semper tamen supplicabundo ritu) usque ad principem Apostolorum Aram, brevibusque ibi precibus effusis, in Solio se recepit, & Eminentissimos Cardinales, Reverendissimos Patriarchas, Archiepiscopos, & Episcopos Pontificio Solio Assistentes, & non Assistentes, necnon Pœnitentiarios Vaticanæ Basilicæ ad Obedientiam admisit.

Obedientia expleta, Eminentissimus Dominus Joachimus Ferdinandus Presbyter Cardinalis Portocarrero a Sanctissimo Domino ad postulandam Canonizationem Procurator specialiter deputatus, necnon Illustrissimus Dominus Comes Virgilius Montecatinus Sacrae Consistorialis Aule Advocatus ab eodem Sanctissimo Domino ad hoc pariter specialiter electus (uno ex Cæremoniарum Magistris eos admonente, & ducente) ante imum Pontificii Solii gradum confiterunt, & Dominus Advocatus Montecatinus in genua provolutus, ejusdem Eminentissimi D. Cardinalis Portocarrero Procuratoris nomine, ut Beatis Fideli a Sigmarin ga, Camillo de Lellis, Petro Regalati, Josepho a Leonissa, & Cathari-

næ de Ricciis cultus & Sanctorum honores decernerentur, Sanctitatem Suam instanter exoravit.

Illustrissimus Dominus Cajetanus Amatus Literarum Apostolicarum ad Principes a Secretis stans e sinistro Solii latere hujusmodi Postulatio- ni, Sanctitatis Suæ nomine respondit. Quod cum Sanctissimus Pater in tam gravi deliberatione lumen priùs & auxilium de Sancto sibi implorandum censeret, ideo jubebat, quod omnes Ordines, totusque qui adstabat Populus cum Apostolico Senatu, Deum Optimum Maximum humillimè deprecarentur, ut cor mentemque suam cœlesti luce illu- strare, & imperscrutabilis voluntatis suæ beneplacitum aperire di- gnaretur.

Ad hæc Summus Pontifex descendens e Solio flexis genibus ante Fal- distorium procubuit, similiterque Cardinales, Patriarchæ, Archiepi- scopi, Episcopi ceterique omnes genua submiserunt ad orandum, & statim duo Cantores ante gradus Altaris Apostolorum, litanias Sanctorum cecinere, eisque absolutis, & Sanctissimo Domino Nostro ad Solium re- verso, ibidemque composito:

Eminentissimus Cardinalis Portocarrero Procurator, & Dominus Advocatus Montecatinus ad imum Solii gradum, ut antea, Sanctitati Suæ denuo sese obtulerunt, & Dominus Advocatus pariter Eminentissimi D. Procuratoris nomine pro eorumdem Beatorum Canonizatione rur- sus & instantiùs postulavit.

Sed a Domino Literarum Apostolicarum Secretario denuo Sancti- tatis Suæ nomine accepto responso: Quod Sanctissimus Pater antequam tanto operi supremam manum imponeret, pro majori animi sui illu- stratione mandabat, ut ferventiùs ad Deum preces iterarentur, statim novis precibus per Eminentissimum Dominum Cardinalem Diaconum indictis, hoc verbo: *Orate; Sanctissimus Dominus iterum ad Faldistorium oraturus perrexit, universo quoque Venerabili Confessu in genua provolu- to; & subinde Sanctitas Sua intonato Hymno: Veni Creator Spiritus; eoque a Cantoribus absoluto cum suo Versiculo: Emitte Spiritum tuum: cecinit orationem Spiritus sancti.*

Sanctitas Sua ad Solium reversa tertiam demum & ultimam instan- tiā excepit a prædicto Domino Advocato Montecatino, qui Eminentissimi D. Cardinalis Portocarrero Procuratoris nomine, ut supra, Bea- torum sæpiùs prælaudatorum Canonizationem instantissimè postulavit.

Et tertio pariter idem Dominus Literarum Apostolicarum ad Prin- cipes Secretarius, Sanctissimi Domini Nostri nomine respondens, eidem Eminentissimo Domino Cardinali Portocarrero Procuratori, & Domi- no Advocato Montecatino Eminentiae Suæ nomine postulanti, propen- fam paratamque Sanctitatis Suæ ad solemnem Beatorum Canonizatio- nem deveniendi voluntatem significavit, palamque fecit.

Tunc Sanctissimus Dominus, consurgentibus Eminentissimis Patri- bus,

bus, erectis ad Cœlum oculis nova quadam cœlesti luce resfulgentibus ex infallibili veritatis Cathedra, in qua Mitrâ adhuc insignitus considerabat, prout & suprema Judicantis Vicarii Christi majestas, & rei quæ peragebatur, gravitas pro dignitate postulabant, super formali eorundem Beatorum Canonizatione, alta, clara plenaque Dei Spiritu voce ultimam suam definitivam Sententiam edidit & pronunciavit, & beatum Fidelem a Sigmarina sanctorum Martyrum numero cooptavit, & beatos Camillum de Lellis, Petrum Regalati, & Josephum a Leonissa inter Confessores non Pontifices connumeravit, & beatam denique Catharinam de Ricciis Albo sanctorum Virginum, & non Martyrum adscripsit.

Incredibili sanè universi Coetus lætitia, totiusque adstantis Populi exultatione receptâ, & a Domino Advocato Montecatino acceptatâ Sententiâ a Sanctissimo Domino rite prolatâ, præfatus Dominus Advocatus Sanctitati Suæ gratias agens immortales, ut super eadem Sententia solitæ Apostolicæ literæ in forma Bullæ expedirentur apud Sanctitatem Suam humiliter instituit; ad cuius preces Sanctitas Sua clementer indulgens respondit: *Decernimus*: Et statim Eminentissimus Portocarrero Procurator gratias acturus Solium concendit, & in signum gratiarum, quas humiliter Sanctissimo Patri referebat, ejusdem manum & genu exosculatus, suis se Ordini & loco restituit.

Conversus interim Dominus Advocatus Montecatinus ad Nos Protonotarios Actioni præsentes rogavit, ut super præhabitis unum vel plura, publicum seu publica, Instrumentum vel Instrumenta ad perpetuam rei memoriam conficeremus; ad cuius instantiam ego Franciscus Maria Protonotarius Riccardi uti Protonotariorum Collegii Decanus, tum proprio, tum meorum Collegarum præsentium, & Collegii nomine respondi: *Conficiemus*: Et Sanctissimi Domini Nostri Papæ Familiares & specialiter Illustrissimos DD. Paulum Zani Bononiensem, & Josephum Mariam Puoti Neapolitanum ab intimo Sanctitatis Suæ Cubiculo, in hujus rei Testes vocatos adhibui his verbis: *Vobis Testibus*:

In tanti perfecti Operis gratiarum actionem Summus Pontifex depositâ Mitrâ surrexit, & vix prima Hymni: *Te Deum*, verba cum cantu protulerat (reliqua Cappellæ Cantoribus concinibus), quod statim excitatis illic prius, & subinde ex Arce sancti Angeli obstrepentibus, & undequaque resonantibus per Urbem lætitiae signis, audivit, & nova hæc lætata est Sion, benedicens Domino, quod eos, quos jamdudum in partem hæreditatis suæ vocaverat & admiserat in Cœlis, colendos, invocandos imitandosque nobis nunc exhiberet in terris.

Emissa posthac ab Eminentissimo Cardinali Diacono Evangelium cantaturo Confessione, additis in ea nominibus Sanctorum nuperrimè canonizatorum, Eminentissimus Carafa Episcopus Cardinalis Assilens Indulgientiam evulgavit: Plenariam videlicet pro omnibus illic præsentibus, & annorum septem & totidem Quadragenarum quotannis, eorundem Sanctorum sepulchra visitantibus.

Tri-

Trina tandem Papali Benedictione solenniis Canonizationis absolutis, Sanctissimus Pater ad parvum Solium contendit, & dum Hora Tertia decantabatur, Pontificalibus indumentis & Insignibus de more exornatus, iterum, Sacris operatus, ad Aram Apostolorum se contulit & Missam cecinit, servato in omnibus sacro solemini solito Ritu præterquam ad Evangelium & ad Offertorium, quorum primo latinè priùs, ac deinde græcè de more decantato, Sanctitas Sua singulari, qua pollet cum eximia pietate conjunctâ doctrinâ luculentissimam Homiliam habuit, qua & de festo, qui sanctorum Apostolorum Petri & Pauli martyrio consecratus agebatur die, & de solemini Beatorum superiùs relatorum ab ipsa præhabita Canonizatione miro ordine, incredibili sermonis venustate, gravi sententiarum pondere, & ea quæ summum Antistitem decet, dicendi majestate verba fecit, cunctis Venerabilis Confessus Ordinibus plaudentibus simul & admirantibus.

Secundo autem (Offertorio nempe) perfecto eadem Sanctitas Sua a quindecim Eminentissimis Cardinalibus Sacrorum Rituum Congregationi præpositis Oblationes per eorum nobiles Ecclesiasticos Familiares delatas excepit, necnon ab Eminentissimo Cardinali Portocarrero Canonizationis Procuratore Oblationes aliás minores quas Religiosi Viri Causarum eorundem Sanctorum Postulatores deferebant.

Hæc omnia peracta fuerunt in Basilica Vaticana, die, mense & anno quibus supra; & quia his omnibus dum peragerentur, Nos Protonotarii de numero Participantium interfuiimus; ideo requisiti & rogati ut de illis unum vel plura, publicum seu publica, Instrumentum vel Instrumenta ad perpetuam rei memoriam conficeremus; præsens hoc publicum Instrumentum consecrimus, subscriptimus & publicavimus, solitoque Collegii Nostri Sigillo muniri, & in nostro Archivio, ut perenne semper extet documentum, Secretario nostro perdiligenter asservari, & subscribi mandavimus. Actum ubi supra præsentibus, quibus supra Testibus ad præmissa vocatis, habitis, atque rogatis.

Ita est F. M. Protonotarius Riccardi Collegii Decanus.

Loco † Signi.

Franciscus Dominicus Clementi ejusdem Collegii Secret.

Literæ Decretales de uniuscujusque Beati Canonizatione
sub plumbo datæ recensentur.

LITERÆ DECRETALES
CANONIZATIONIS

B. FIDELIS A SIGMARINGA MARTYRIS.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

A Vinea electa, quam plantavit dextera Domini, cuius unica vitis Christus, tot autem palmites, quotquot in Christo radicati Fideles interiori gaudent ipsius vivificæ nutritionis illapsu, providam circa se cœlestis Agricolæ curam & solicitudinem in eo potissimum experitur, quod omnes palmites non ferentes fructum, justo iudicii rigore succidi & tolli; fructiferos verò atque feraces, ut fructum plus aferant, salubri ac pia severitate purgari, nunc quidem occultè persentit, nunc autem apertiùs atque evidentiùs agnoscit. Hanc sanè æquabilem Divinæ simul justitiæ bonitatisque rationem manifestè agnoscimus in præclaro beati Martyris Fidelis certamine; in quo & detestantes miramur eorum duritiam cordis, obcoecatam sœvitiam, qui a felici, qua portabantur radice, suâ culpâ semel excisi, oblatam sibi a Domino pacem & gratiam pervicaciter repulerunt; Angélum verò pacis evangelizantem sibi bona, apprehensum & cæsum occiderunt; & illius triumpho plaudentes gratulamur, qui in Dei & Ecclesiæ charitate fundatus, post multos bonorum operum fructus, animam demum ac vitam suam, oblationem acceptam Domino meruit exhibere. Sicut enim illi vesano erroris spiritu in furorem acti, & sanguinem justi per summum scelus effundentes satis declararunt, nequaquam se ad Regnum dilectionis Filii Dei pertinere; ita dum gloriosus Martyr pro catholicorum Dogmatum integritate, & errantium Proximorum salute perpetuos labores, ærumnas, pericula, mortem denique ipsam fortiter subiit, profectò vitam suam non tam inimicorum ferro præcisam amisisse, quām veluti maturum cœlestibus horreis fructum, in manus Dei deposituisse dicendus est.

Hunc itaque beatum Virum, catholicæ Fidei præconem, adsertorem, Martyrem, solemini judicio nostro, cum Venerabilium Fratrum Nostrorum S. R. E. Cardinalium, necnon Patriarcharum, plurimorumque Archiepiscoporum, & Episcoporum Romæ congregatorum consilio & assen-

& assensu , agnatum atque probatum , Apostolica Auctoritate humilitati Nostræ divinitùs concessi , universæ Ecclesiæ Dei colendum & venerandum proponimus : Qui Sigmaringæ Constantiensis Dioecesis in Svevia Oppido , honesta Rojorum stirpe , catholicis p̄isque Parentibus ortus anno Domini MDLXXVII. , & salutari lavacro tempestivè regeneratus , innocenter exactâ pueritiâ , & sequenti ætate in honestissimarum disciplinarum & scientiarum studiis cum laude transactâ , nobilibus deinde Adolescentibus Italiam Galliamque peragrabatibus comes & gubernator datus , sex ferme annorum spatio , tum eorum , tum propriæ eruditioni & virtuti promovendæ sedulam navavit operam . Mox utriusque Juris lauream Friburgi adeptus , Advocati munus Ensisheimi in Alsacia professus est . Verùm quum ipsius animus desideriis secularibus neutiquam inhærens , ad christianæ perfectionis studium interiori Dei voce traheatur ; turbulentas Fori controversias , atque suspecta negotia citò dimisit , seque Divinis obsequiis plenissimè dedicaturus , sacris simul Ordinibus iniciari , & in Religiosam Familiam Fratrum Minorum S. Francisci Capuccinorum admitti postulavit . Utriusque voti compos effectus , post primum Missæ Sacrificium die festo ejusdem S. Francisci religiosissimè peractum , arctioris Instituti habitum atque rationem novumque Fidelis nomen (quum antea Marcus vocaretur) velut in auspicio præclaræ Fidei , quam Deo & Ecclesiæ usque ad mortem præstiturus erat , assumpsit .

Evangelicæ paupertatis , continentiæ , obedientiæque vota , ad quæ toto constituti Tirocinii decursu , omnium virtutum exercitatione se comparaverat , eo spiritu emisit , ut semper hoc ipsum inter maxima erga se Divinæ largitatis beneficia commemoraverit , quod ad ea profienda vocatus fuerit & admissus . Quare de ipsorum implemento omni ex parte sollicitus , & quum privata in Cœnobio vitam ageret , Regulæ vitae disciplinam summo studio atque humilitate servavit ; & quum deinceps , ex obedientia , Conventus Veldkirchienensis regimini diu præfuit , consummatum se perfectionis Magistrum aliis etiam exhibuit ; pro Dei gloria & animarum salute zelo flagrans , in exhortandis ad pietatem & concordiam Fratribus alacer , in corripiendis cum mansuetudine potens , in obeundis pro subditorum cura & levamine abjectis quibuscumque ministeriis laboriosus & humilis . De sua verò perfectione & salute super omnia sollicitus , assiduus fuit in rerum Divinarum meditatione ; ideoque ceteris , post nocturna precum & laudationum officia e Choro discedentibus , ipse in Ecclesia flexis genibus coram Sanctissimo Sacramento ad auroram usque in oratione Dei perseverare consuevit ; insuper , præscripta Horarum Canonicarum psalmodia minimè contentus , duo alia Officia , nimirum de beatissima Virgine Maria , & de

S. Fran-

A Sandi Fidelis ortus , & vita ante ingressum in Religionem . B Capuccinorum Religionem ingreditur . C Ipsius virtutes .

S. Francisco Patriarcha suo quotidie recitabat. Quod autem s^epe a Domino flagitabat, ut sibi daretur vitam ab omni peccati labo immunitatem traducere, id, ut securius obtinere mereretur, corpus suum ciliiciis aliisque voluntariis castigationibus afflictum perpetuā ferè inediā extenuabat, non ea tantum jejunia exactissimè observans, quæ ex legibus sui Ordinis maximam anni partem comprehendere dignoscuntur, sed iis etiam id ultro adjiciens, ut solemnibus Adventus & Quadragesimæ jejuniiis, & Sanctorum quorundam p^revigiliis a quocumque obsonio abstineret, tum reliquis omnibus per annum Secundis, Quartis & Sextis Feriis solis leguminibus vicitaret: In Deiparæ verò & Sanctorum Ordinis S. Francisci p^revigiliis, pane tantummodo & aquâ vesceretur; nec nisi sub vesperam plerumque cibo sese reficeret. Somno tandem ita parco utebatur, ut tribus, aut quatuor ad summum horis dormiendo transactis, reliquam noctis partem orationi, lectioni scribendisque concionibus tribueret.

Quæ quidem, atque alia plura interiorum virtutum exercitia quum A Fideli Dei Servo assidua & perpetua fuisse, probatum fuerit; mirari sat non potuimus, quomodo idem, dilatatis charitatis suæ spatiis, adeo se totum Proximorum saluti promovendæ tradiderit, ut quasi nil aliud egisse, nil aliud cogitasse toto vitæ suæ tempore videatur. Quum enim a primis usque Religiosæ professionis annis, exacto Theologiæ curriculo, Sacramentalibus Fidelium Confessionibus excipiendis, & Prædicationi verbi Dei operam dare jussus fuerit, difficile dictu est, qua diligentia & labore, qua libertate ac zelo, qua contentione, quo fructu, eximias hasce Sacerdotalis officii partes omni tempore impleverit. Omnia vitiorum genera, pravas omnes consuetudines immaculatis christianæ sanctimoniarum legibus adversantes, quæ fidelibus exhortationibus, quæ liberiori voce, & mirabili quadam eloquentiæ vi insectatus, novos populo mores induxisse visus est. Præcipuum verò curam studiumque adhibuit in investigandis Hæreticorum impietatibus ac fallaciis, si quem forte aditum in Catholicoru^m animos, vel per seductorum fraudes & artificia, vel per Diaboli suggestionem, & ultroneam præsumptionis temeritatem, iis patefieri posse dubitaret; eisdemque profligandis, nec suâ tantum operâ, sed Magistratum quoque ac Principum auctoritate, undeque eliminandis fugandisque feliciter adlaboravit.

Denique charitatis suæ plenitudinem ad externum quoque Proximorum levamen & auxilium extendens, omnes calamitosos paterno sinu complexus, Pauperum numerosos greges collectis undique eleemosynis sufficiens, Pupillorum ac Viduarum solitudinem, comparata eisdem Potentiorum ac Principum ope, sublevabat; Carceribus inclusos, omnibus, quibus poterat, spiritualibus & corporalibus solatiis juvare; ægrotos quoilibet sedulò invisere, recreare, ac Deo conciliatos ad extremam

A Charitas erga Proximum singularis.

mam subeundam luctam armare non desistebat. Quo quidem in genere nullam habuit uberiorem meritorum segetem, quamquam quum Austriacus exercitus in iis Regionibus stationes habens, epidemico morbo universim ferè correptus, miserandum de se pabulum languoribus & morti præbebat. Tunc enim videre licuit, qua charitatis flammâ succensus Fidelis esset, dum horrendas morborum & funerum species minimè refugiens, ægrotos Milites singulatim invisere, solari, eorum ulcera contrectare, tabem & pædorem abstergere, cibos ac medicamenta ipsis suppeditare, denique Ecclesiæ Sacraenta indefesso studio ministrare, in deliciis habuit.

Quum itaque sanctissimis Salvatoris Nostri exemplis atque præceptis tam accuratè insistens, duplii dilectionis spiritu se plenum ostenderet, id optimo jure assequutus est Fidelis, ut ad Apoltolici munericum consortium, Divino consilio, Superiorum judicio, Romanæ Sedis auctoritate adlegeretur; quò tandem eximiæ suæ charitatis, cuius illustria diu dederat specimina, heroicum illum actum expleret, quo sanè majorem nemo præstat, ut animam suam poneret pro Dei gloria & Proximorum salute. Quum etenim fel. recordat. Prædecessores Nostri Romani Pontifices Paulus V. & Gregorius XV. decrevissent, grassanti per conterminam Italiae Rhætiam Hæreticorum dogmatum contagioni, per Orthodoxæ doctrinæ prædicationem, salutaria admovere remedia, & validum simul aggerem, ne latius error propagaretur, objicere; visum est ex Capuccinorum potissimum Familia delectos Viros, ipso præside ac duce Fideli, in hujusmodi opus designare, qui animas diabolica fraude deceptas ad Ecclesiæ gremium revocare; eas verò, quæ Dei beneficio a pestifera labe adhuc servabantur intactæ, in sanctæ Religionis Fide conservare niterentur.

Hic verò excelsa Fidelis virtus, quæ antea velut angustis conclusa limitibus se continuerat, tamquam latissimo sibi aperto ad currendum stadio, totam se exseruit & plenissimè manifestavit. Nec enim assequi dicendo possumus, quo animi servore ac zelo, quam invictâ patientiâ atque constantiâ, quam assiduis durisque laboribus impositum sibi munus fuerit executus; nunc stantes in fide confirmans, nunc nutantibus opportunè succurrentis; hic lapsos ad pœnitentiam revocans, illic obfirmatos in impietate cum omni fiducia increpans & impugnans; non modò in Catholicorum Ecclesiis, sed in ipsis quoque Hæreticorum Ædibus, per vicos præterea atque plateas, per domos & rusticana tuguria, per aspera & invia montium, in sudore & angore, in fame & frigore & nuditate, in periculis & vitæ discrimine; itaut admirabilis zeli, sanctitatis, atque doctrinæ testimonium ab ipsis etiam stupentibus Hæreticis extorqueret.

Excitabat eum ad præclaros exantlandos labores, non modò suscep-
pti

A Missionibus in Rhætia præficitur.

pti officii sublimitas , & uberrimus animarum fructus , quem in multis quotidianis Hæreticis ex omni ordine atque ætate ad Ecclesiæ sinum redeuntibus apertè cernebat ; verùm etiam occulta quædam & blanda spes illius obtinendi finis , quem multò ante sibi præpositum , & votis ardentibus expetitum , vix tamen se aliquando affecuturum fore putaverat , ut scilicet dignus efficeretur pro nomine Christi sanguinem & vitam profundere .

Et quidem non diu tulit humani generis hostis , hunc sibi Virum tot prædas è faucibus eripere , dumque fiduciam conceperat , novas in dies Nationes , nova Regna in suam potestatem se redacturum , jam ferè sibi ab acquisitis imperio suo terris migrandum esse . Videns ergo Fidelem A plura quotidie ad destructionem erroris , & Catholicæ veritatis propagationem utiliter constituere , ejusque consilia incredibili populi voluntate , auctoritate quoque Principis in tota Regione constabiliri , non nullos ex pervicacissimis impietatis sectatoribus diabolico furore complevit ; misitque in cor eorum , ut Virum Dei , profanorum dogmatum rituumque destructorem , Apostolicæ Missionis ducem de medio tollerent . Qui quum novissent eum in quodam Oppido , Luceyn nomine , B commorari , miserunt ad ipsum aliquos ex vicino Seviensi Pago , qui pietatem verbo simulantes rogarent eum , ut proximo die Dominico , ad eorum Ecclesiam concionaturus se se conferret ; ostendentes haud inutili apud ipsos fore salutaris doctrinæ prædicationem . Quamvis autem multa essent , quæ insidiarum suspicionem Fideli meritò facerent ; ne tamen Apostolico muneri aliqua ex parte deesse videretur , quum præser- tim martyrii certamen sibi nequaquam declinandum putaret , constituta die , quæ fuit VI I. kalend. Majas anno salutis MDCXXII. , eorum salutis cupidior quam vitæ suæ , ad præfatum Seviensem Pagum tempestivè perrexit : Cumque in primis omnipotenti Deo immaculatam Hostiam obtulisset , seque Eucharistici Panis alimento roborasset , Divini ardoris incendia spirans , suâque voluntate jam Martyr , suggestum conscendit : In quo quum instantis mortis præ sagium invenisset in hæc verba conscriptum : *Hodie prædicabis , & non amplius :* ; non ideo tamen formidine fractus , nec de concepto zeli fervore quidquam remittens , cœpit frequenter populo libera voce , ut solebat , veritatem annunciare , hortari que errantes , ut redirent ad Ecclesiam intemeratae Fidei alumnam , nutricem beatæ spei . Cum subito armatis hominibus Templum completur , qui impetu facto , insanisque clamoribus elatis , Concionem perturbant , cumque omnes in unum Fidelem arma , fustes , tela dirigerent , quidam ex ipli ignito globulo exploso , irrito quamvis ictu , eundem trahicere conatur . Tum demum Fidelis extremam sibi vitæ horam adventasse conspiciens , e cathedra descendit , & ante majorem Aram in genua provocatus , quum se , vitam ; & sanguinem suum in holocaustum Deo lubens obtu-

obtulisset, suumque agonem, Ecclesiæ pacem, ipsos demum persecutores suos, crudelia corda, cruentos animos Domino commendasset, scuto Fidei & loricâ spei armatus, per ostium e latere Ecclesiæ patens, ad non dubiam mortem impavidus properavit. Quia in re non minor apparuit illius magnanimitas & fortitudo, quam si atrocissimos cruciatus, atque diuturnos dolores corpori suo inustos tortiter patienterque tolerasset. Quis enim putet minorem vim adhibitam esse homini, cuius animo præsentis mortis aspectus, perspicuum cædis periculum, non sine tumultu horrendisque minis objectum est; quam si ipsius corpus afflictum fuisset tormentis atque vulneribus, quæ fortes sœpe viri naturali quadam virtute constanter tulisse memorantur? Veruntamen hanc fortitudinem Militi suo donavit is, qui pro illo prior in Cruce sanguinem fudit.

Vix itaque Fidelis e Templi foribus modico spatio processerat, quum impiorum manus cum gladiis, hastis ferratisque fustibus eum circumfistunt, ac furentium belluarum more in ipsum irruentes, vulneribus supra viginti confodiunt, atque immanissimè contundunt. Ille autem sereno vultu horrendos ictus exceptit, sublatisque quantum poterat in Cœlum oculis, lætus & hilarius, quod sibi datum esset pro Ecclesiæ Fide gloriosam mortem occumbere, in manus Dei, cui omnia vivunt, spiritum exhalavit.

Invicta Fidelis in preferenda morte constantia, christianaque animi magnitudo, cuius non suspecti testes facti sunt ipsi Sicarii, Hæreticos quoque in admirationem traxit, & alicujus ex ipsis mentem ita illustravit, ut paulò post ex magistro erroris discipulus fieret veritatis. Catholici verò, quibus & illius vitæ sanctitas, & prædicationis veritas, & pretiosæ mortis causa perspectæ erant, minimè dubitarunt, Fidelem ipsum Martyris loco habere, ejusque opem apud Deum in angustiis & necessitatibus implorare. Itaque septimo post mense concisas Fidelis exuvias ex eo loco, ubi primum humatæ fuerant, ad Ecclesiam Curiensem triumphali veluti pompa, Austriacis comitantibus copiis, atque universo Clero & Populo obviam prodeuntibus, detulerunt. Neque verò distulit Altissimus, editis signis atque prodigiis, ostendere quam accepta sibi essent præstata Martyri suo obsequia, & vota fidelium ipsius interventioni commendata. Etenim ille idem Archiducis Austriae Exercitus haud ita multò post contra rebellantes illius Regionis Hæreticos arma ferens, non occulto dumtaxat Fidelis præsidio, sed & ipsius visibili ductu, quem & complures Milites, & ipsemet Hæreticorum Dux clarissima in luce strictoque gladio sibi minitantem conspexerunt, insignem de perduellibus victoriam reportavit. Cumque innumeri quotidie fideles, qui se Martyris precibus commendabant, in rebus etiam naturæ vires prætergredientibus, votorum compotes fieri se testificantur;

Vvv

eaque

A De fama Sanctitatis, & Miraculorum S. Fidelis.

eaque fama per universam Ecclesiam in dies magis augeretur; visum est Apostolicæ Sedi, instante potissimum Venerabili Cœtu S. R. E. Cardinalium negotiis Propagandæ Fidei præpositorum, (qui, post eam Congregationem constitutam, primum hunc ex Missionariis a se ablegatis pro Christo mortem oppetiisse gloriabantur), legitimas Inquisitiones atque Processus auctoritate Apostolica confici; ut, si de Fidelis martyrio pro catholicæ Fidei causa perpresso, & juxta tutissimam Ecclesiae Romanæ disciplinam de miraculis præterea ipsius intercessione a Deo patratis rite constitisset; debitus ipsi cultus in terris cum Sanctis Martyribus, quorum consortium in Cœlis obtinuerat, ab Ecclesia exhiberi posset.

- A Cœpta sunt igitur usque a temporibus fel. record. Prædecessoris Nostri Urbani Papæ VIII., eoque annuente & jubente, hujusmodi Inquisitionum Acta, quæ per integrum ferè seculum continuata, tandem instantibus clar. memor. Carolo VI. Hispaniarum Catholico & Romanorum Rege in Imperatorem electo, & Charissima in Christo Filia Nostra Elisabetha Christina earundem Hispaniarum Catholica ac Romanorum Regina Illustri, nunc ipsius Caroli Vidua, aliisque supremis Principibus, nec non prædicta Congregatione S. R. E. Cardinalium de Propaganda Fide, magnoque numero Antistitum & Procerum Germaniæ, totoque præfato Ordine Fratrum Minorum S. Francisci Capuccinorum, sub piæ memoriae Benedicto Papa XIII. similiter Prædecessore Nostro ad examen deducta, & primò quidem pro validis agnita, mox ad eruendas Martyrii & Miraculorum prædictorum probationes, totius Congregationis Sacrorum Rituum judicio subjecta fuerunt. Cumque Nos ipsi tunc in minori statu Promotoris Fidei munus gerentes, pro officii nostri debito, quæcumque super duplici hujusmodi judicij capite animadverti aut objici poterant, diligentissimè adnotare, & tam voce, quam scripto deducere non omiserimus; triplici ipsius causæ examine, ut moris est, in prædicta Congregatione Sacrorum Rituum B præmisso, idem Benedictus Prædecessor, auditio ejusdem Congregationis consilio, causâque cognitâ, die xxiv. Februarii anni MDCCXXIX. pronunciavit, constare de Martyrio in odium Fidei catholicæ a FIDE LI perpresso, ac de veritate quatuor potissimum Miraculorum ad invocationem ipsius beati Viri a Deo editorum; quorum primum fuit, quod exorto in Arce Majenfeldensi maximo incendio, eoque inter aptissima ignis alimenta, ligna nimirum & pyrii pulveris cumulos increbrescente, invocata apud Deum Fidelis ope, statim restinctum fuit, Secundum, quod Monialis quædam, nomine Cæcilia Munsingerin, horribili inflammatione mamillæ cum suspicione cancri plures jam dies excruciatæ, admotis gloriose Martiris Reliquiis, perfectam sanitatem il-
- C lico.

A Actorum series. B Decretum de martyrio, & causa martyrii.

C Miracula pro Beatificatione approbata.

lico recuperavit. Tertium, quod oculus Infantis Pauli Francisci Pa-pussin a primis ipsius vitæ diebus humore disfluens, apertoque foramine, & pellicula superinducta, excipiendæ luci jamjam ineptus, quum a me-dica facultate auxilium frustra quæreretur, concepto a Matre voto in honorem ipsius Fidelis, naturali integritati restitutus fuit. Quar-tum denique, quod Gaspar Stigher ob quinquennales dorsi dolores ad omnem serè corporis motum impotens factus, quum se Fidelis patro-cinio commendasset, ad tactum mucronis, quo Dei Servus confossus fuerat, momento temporis convalescens, non itineri modò, sed & ru-sticis quibusque laboribus ipsa die se dedit, integris viribus exinde utens. Quare auditio iterum præfatæ Congregationis consilio super tuto progressu ad formalem ipsius Servi Dei Beatificationem, idem Be-nedictus Prædecessor per suas Literas in forma Bievis datas die XXI. Martii ejusdem anni ipsum Fidelem in Beatorum Martyrum numero recenseret, ejusque memoriam, imagines, atque reliquias religiosè colli, Divina quoque Officia, & Missas in ipsius honorem a Fratribus Mi-noribus prædicti Ordinis Capuccinorum, universoque Clero nonnul-larum Civitatum & Oppidorum celebrari permisit.

Cum autem Beati gloria novorum prodigiorum famâ, & impen-siori fidelium cultu in dies amplificaretur, & præfati Supremi Princi-pes, & S. R. E. Cardinales, aliqui per Orbem Antistites & Pro-ceres, idemque Capuccinorum Ordo piis super eo instantias ite-rarent, placuit fel. record. Decessori Nostro Clementi Papæ XII., non solum Lectiones proprias de ipsius beati Fidelis vita & mar-tirio a prædicta Sacrorum Rituum Congregatione recognitas in ejusdem Officio recitari, ejusque nomen in Martyrologio Romano describi; sed etiam reassumptâ causâ, novos auctoritate Apostoli-ca Processus instrui concessit super Miraculis, quæ post indultam ipsi venerationem accidisse dicebantur: Cumque hujusmodi Processus ante omnia rite & validè confectos esse constiterit; ex quatuor Mi-raculis inibi recensitis, & in prædicta Congregatione Sacrorum Rituum semel, bis, tertio, auditio semper ore tenus & in scriptis dilecto Filio Promotore Fidei, examinatis, duo præcipue reperta sunt plenissimis probationibus testata, & omnem naturæ vim excedentia; quæ quum deinde Nos ipsi privatis studiis accuratissimè discusserimus, ea tandem, invocato saepe Divini Luminis auxilio, solemni Decreto nostro, die XVIII. Januarii anni MDCCXLIV. in Festivitate Cathedræ beati Petri Apostoli edito approbavimus & publicavimus. Unum eorum accidit C dilecto Filio Fr. Candido a Mediolano Sacerdoti professo præfati Ordini Minorum Capuccinorum, qui epileptico morbo per decennium la-borans, postremo infirmitatis suæ anno nullam ferè diem, nullam no-

A Solemnis Beatificatio. B Causa reassumitur pro Canonizazione.

C Nova Missula pro Canonizatione approbata.

Item ab iteratis gravibusque ejusdem morbi accessibus liberam habuerat; & stomachi temperie labefactata cibum retinere non valens, corporis viribus adeo destitutus remanserat, ut in lectulo projectus ne cibum quidem manibus suis ori admovere posset. Hic post inutilem plurium medicamentorum usum beati Fidelis opem implorans, ejusque Imaginem a Confessario sibi benedicente oblatam devoto mentis affectu veneratus, perfectam sanitatem corporisque vires ac robur, nullâ interiectâ convalescentiae morâ, recuperavit; itaut ipsa die communis Instituti observantiam resumere, & plurium milliarium iter peragere non dubitaverit, deindeque laboriosis quibusque officiis obeundis idoneus, & a quocumque praedicti morbi incursu exemptus extiterit. Alterum evenit in puerio Josepho Kirner, qui antequam per ætatem pedibus suis incedere posset, dira rachitide in inferioribus corporis partibus correptus, eaque jam per triennium perseverante, nullo modo poterat cruribus pedibusque se substentare; Cum autem ipsius Mater ad beati Fidelis Aram supplex eum detulisset, ab omnipotenti Deo obtinuit, ut statim consolidatis ipsius basibus, relictisque fulcris, quibus corpus regere consueverat, per se ambulans & exiliens Dominum redierit, ac deinceps libero pedum & crurium usu gavisus fuerit.

A His itaque novis miraculis, ut praediximus, cognitis & approbatis, quum jam beati Martyris glorificatio ipsius Dei voce manifestè declarari videretur, accepto priùs consilio Ven. Fratrum Nostrorum S. R. E. Cardinalium, aliorumque in praedicta Sacrorum Rituum Congregatione suffragium habentium, Spiritus sancti lumine nostris aliorumque precibus implorato, tandem die xxiv. mensis Aprilis ejusdem anni MDCCXLIV. ipsius gloriose Martyrii anniversariâ, post sanctum Sacrificium Deo oblatum in Ecclesia Fratrum Capuccinorum ad Altare, in quo expositæ erant ejusdem beati Fidelis Reliquiæ, publicum Decretum edidimus, quo causam hanc in præfata Congregatione absolutam denunciantes, ad solemnem ipsius Beati Canonizationem servatis servandis quandcumque procedi posse declaravimus.

B Pro cuius Decreti exequatione, quum præter superius enunciatos, Charissima quoque in Christo Filia Nostra Maria Theresia Hungariae & Bohemiae Regina Illustris, in Romanorum Imperatricem electa, aliique catholici Principes & Populi, Ecclesiarumque Pastores demissas Nobis preces obtulissent, Nos, ut in tanto negotio nihil contra Sanctionum & Constitutionum Apostolicarum statuta, & tutissimum Prædecessorum nostrorum morem ageremus, primùm quidem congregatis coram Nobis die xviii. elapsi mensis Aprilis in Consistorio secreto universis Ven. Fratribus Nostris S. R. E. Cardinalibus, de præclaris beati Viri meritis verba fecimus, & adhibitas in hujus causæ discussione, ad normam De-

creto-

A Decretum de tuto processu ad Canonizationem.

B Consistorium Secretum.

cretorum Apostolicæ Sedis, exactissimas diligentias, prolataque tum a Nobis, tum a Prædecessoribus nostris; ut præfertur, matura judicia Nos ipsi distinctè exposuimus: Cumque eorum unanimis sententia fuerit, ut supremam gravissimo judicio manum, servata tamen consueta in hujusmodi causis tractandis Ecclesiæ Romanæ praxi, tandem imponemus; Ideo accitis ad Urbem compluribus Ven. Fratribus Archiepiscopis, & Episcopis per Ecclesias constitutis, uberem primò Relationem de ipsis Beati vita, virtutibus martyrio, ac miraculis in publico Consistorio co- A ram Nobis universoque Ecclesiasticorum Ordinum consensu, per dilectum Filium Virgilium Montecatinum nostræ Consistorialis Aulæ Advocatum oretenus exponi; mox aliam ex authenticis monumentis prædictæ Congregationis Sacrorum Rituum collectam scriptoque traditam, omnibus & singulis, quorum suffragia exquirebantur, exhiberi mandavimus. Deinde die viii. currentis Junii, coactis iterum coram Nobis in Consi- B storio semipublico prædictis S. R. E. Cardinalibus, tum etiam Patriarchis, Archiepiscopis & Episcopis in Romana Curia præsentibus, adstantibus quoque Apostolicæ Sedis Notariis, & Causarum Palatii Apostoli- C lii Auditoribus, prædictorum consulentiū suffragia, & quidem omnia in unum sensum pro Beati Canonizatione convenientia lætantes audivimus; quorum etiam exempla a singulis subscripta in Tabulariis Romanæ Ecclesiæ jussimus asservari. Nos autem infirmitatis nostræ confici, ut spiritum consilii de Cœlo nostris atque fidelis populi precibus obtinere meremur, generalibus indictis jejuniis, publicas in designatis per Urbem Ecclesiis obsecrationes plurium dierum spatio, concessâ etiam in eum finem orantibus Indulgentiâ, fieri præcepimus. Tum adveniente hac die Apostolorum Petri & Pauli natalicio dicata, solemni supplicationis ritu ad Ecclesiam beati Petri in Vaticano procedentes unâ cum omnibus prædictis Ven. Fratribus nostris ceterisque Romanæ Curiæ & nostræ Aulæ Prælati, Officialibus & Familiaribus, universoque Clero Seculari & Regulari, & devotissimo Populo divinam opem advocantibus; auditis iterum enixis christianorum Principum, Ecclesiarum & Popu- lorum postulationibus, quas Nobis repræsentavit dilectus Filius Noster Joachimus Tituli Sanctorum Quatuor Coronatorum ejusdem S.R.E. Pre- sbyter Cardinalis Portocarrero nuncupatus; post sacros Hymnos, Litanias aliasque preces de more decantatas, ad laudem & gloriam sanctæ & individuæ Trinitatis, ad Fidei catholicæ exaltationem, & christianæ Reli- gionis augmentum auctoritate Domini Nostri Jesu Christi, beatorum Apo- stolorum Petri & Pauli, ac Nostra, & de præmissorum omnium Ven. Fra- trum Nostrorum consilio & assensu, prædictum Fidelem a Sigmarina Sa- cerdotem Ordinis Fratrum Minorum S. Francisci Capuccinorum, de cuius vita

A Consistorium Publicum. B Cardinalium & Episcoporum suffragia in Consistorio empublico. C Solemnis Canonizatio.

vita sanctè traducta , & morte pro catholicæ Fidei propagatione per-
pessa , deque miraculis ipsius intercessione patratis plenissimè constabat
& constat , Sanctum Christi Martyrem esse pronunciamus , & sancto-
rum Martyrum Catalogo adscriptum ab universa catholica Ecclesia ho-
norari & coli decrevimus , definivimus , & respectivè mandavimus ;
In Nomine Patris , & Filii , & Spiritus sancti : Omnibus quoque Christi-
A fidelibus , qui singulis annis die xxiv. Aprilis verè poenitentes & confes-
si Ecclesiam Cathedralem Curiensem , in qua sacrum Martyris Corpus
asservatur , devotè visitaverint , septem annos & totidem Quadragesas
de injunctis eis , seu aliàs debitissimis poenitentiis , eadem auctoritate miseri-
corditer in Domino relaxantes .

Mox omnipotenti Deo cum Angelis & Sanctis ejus humillimam gra-
tiarum actionem , demissasque preces per ipsius Sancti merita offerentes
ad sacram beati Petri Apostoli Confessionem sacrosanctum Missæ Sacrifi-
cium cum commemoratione ejusdem Sancti Fidelis martyris , nec non
sanctorum Camilli , Petri , & Joseph Confessorum , sanctæque Catha-
rinæ Virginis a Nobis pariter Sanctorum Albo rite adscriptorum solem-
niter celebravimus , ac denique humiliatis in conspectu Domini Fidelib-
us cunctis ibi præsentibus plenariam omnium peccatorum Indulgen-
tiam largiti suimus .

Gratulemur igitur invicto orthodoxæ Religionis Præconi , cui do-
natum est pro Christo non solum ut crederet in eum , sed etiam ut pa-
teretur pro eo , atque ita per momentaneum tribulationis certamen ad
æternum Beatitudinis triumphum perveniret in Cœlis , ubi eum pro ca-
tholicæ Fidei dilatatione , & pro temporum nostrorum tranquillitate ,
apud Auctorem pacis nostræ , & consummatorem Fidei suæ , depreca-
torem fore confidimus .


Ut autem præmissa omnia perpetuæ futurorum temporum memo-
riæ commendentur , Nos ea præsentium Literarum Apostolicarum teno-
B re in omnium per universum Orbem notitiam de luci voluimus ; man-
dantes , ut earumdem præsentium transumptis , sive exemplis etiam im-
pressis , manu alicujus Notarii publici subscriptis , & sigillo personæ in
Ecclesiastica dignitate constitutæ munitis , eadem ab omnibus fides ha-
beatur , quæ ipsis præsentibus adhiberetur , si forent exhibitæ vel ostensæ .
C Nulli ergo omnino hominum liceat paginam hanc nostræ definitio-
nis , decreti , adscriptionis , mandati , statuti , relaxationis , & volun-
tatis infringere , vel ei ausu temerario contraire . Si quis autem hoc at-
tentare præsumperit , indignationem omnipotentis Dei , ac beatorum
Petri & Pauli Apostolorum ejus se noverit incursum .

Datum

A Indulgencie . **B** Præsentium transumptis autoritas tribuitur . **C** Sanctio .

Datum Romæ apud sanctum Petrum anno Incarnationis Domini- A.
cæ MDCCXLVI., III. Kalendas Julii, Pontificatus Nostri anno vi.

† Ego Benedictus Catholicæ Ecclesiæ Episcopus.



† Ego T. Episcopus Ostien. & Velternen. Card. Rufus Decanus, &
S. R. E. Vice-Cancellarius.

† Ego A. Episcopus Portuensis Card. S. Clementis S. R. E. Camerarius.

† Ego V. Episcopus Prænestinus Card. Petra, Major Pœnitentiarius.

† Ego P. A. Episcopus Albanen. Card. Carafa.

†

† Ego V. Episcopus Sabinen. Card. Bichius.

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

- † Ego A. Tit. S. Stephani in Monte Cœlio Presbyter Card. Gentili .
 † Ego Fr. J. A. Tit. SS. Silvestri & Martini Presbyter Card. Guadagni .
 † Ego T. Tit. S. Cæciliae Presbyter Card. de Acquaviva .
 † Ego D. Tit. Basilice Sanctorum Duodecim Apostolorum Presbyter Card. Rivera .
 † Ego J. B. Tit. S. Mariæ Angelorum Presbyter Card. Spinula .
 †
 †
 †
 †
 † Ego R. Tit. S. Sabinae Presbyter Cardinalis de Ilcio .
 †
 †
 † Ego D. Tit. S. Bernardi ad Thermas Presbyter Card. Passioneus .
 † Ego S. Tit. S. Priscæ Presbyter Cardinalis Valenti .
 †
 † Ego J. F. Tit. SS. Quatuor Coronatorum Presbyter Card. Portocarrere .
 † Ego C. Tit. SS. Joannis & Pauli Presbyter Card. Paulutius .
 †
 † Ego C. A. Tit. S. Mariæ de Pace Presbyter Card. Cavalchinus .
 †
 †
 †
 †
 †
 †
 †
 † Ego F. Tit. S. Mariæ de Populo Presbyter Card. de Ricciis .
 † Ego A. Tit. S. Silvestri in Capite Presbyter Cardinalis Rufus .
 † Ego C. Tit. S. Mariæ de Ara-Cœli Presbyter Card. Calcagnini .
 † Ego P. M. Tit. S. Agnetis extra muros Presbyter Card. de Montibus .
 † Ego F. Tit. S. Matthæi in Merulana Presbyter Card. Tamburini .
 † Ego J. Tit. S. Crucis in Hierusalem Presbyter Card. Besozzi .
 †
 †
 †
 †
 †
 †
 †
 † Ego Carolus S. Mariæ in Via-Lata Diaconus Card. de Marinis .
 † Ego Alexander S. Mariæ ad Martyres Diaconus Card. Albaeus .
 † Ego Nerius S. Eustachii Diaconus Card. Corsinus .

† Eg.

† Ego Agapitus S. Agathæ Diaconus Card. Mosca .

†

†

† Ego C. S. Mariæ in Porticu Diaconus Card. Sacripantes .

† Ego M. SS. Cosmæ & Damiani Diaconus Card. Bolognettus .

† Ego H. S. Angeli in Foro Piscium Diaconus Cardinalis Columna .

† Ego P. S. Georgii in Velabro Diaconus Card. Columna .

† Ego A. S. Mariæ in Aquiro Diaconus Card. Tanari .

† Ego H. S. Adriani Diaconus Card. Barda .

† Ego D. SS. Viti & Modesti Diaconus Card. Ursinus .

†

D. Card. Passioneus .

J. Datarius .

V I S A

de Curia I. C. Boschi .

J. B. Eugenius .

Loco † Plumbi .

Registrata in Secretaria Brevium .

LITERÆ DECRETALES

CANONIZATIONIS

B. CAMILLI DE LELLIS CONFESSORIS .

BENEDICTUS EPISCOPUS

SERVUS SERVORUM DEI

Ad perpetuam rei memoriam .

Misericordiæ studium , cœlestis Patris exemplo , inculcatoque A
ſæpiùs Salvatoris nostri præcepto commendatum , Discipulos
Christi Ecclesiæque Filios ab omnibus humanarum Societa-
tum Sectatoribus ita discernit , ut qui dilectionem habuerint ad invi-
cem , ii demum supereminentem omni scientiæ disciplinam percepisse ,
ii verè ad Regnum Filii Dei pertinere dignoscantur . Hæc charitatis lex
non lapideis Israelitarum cordibus insculpta , non Levitico generi hære-
ditate

ditate transmissa , non Aaronis stirpi cum Sacerdotii prærogativa tributa fuit , sed in Fidelium cordibus per Spiritum sanctum suaviter copioseque diffusa , sicut alienigenam Samaritanum languenti Judæo proximum fecit , ita universas Orbis Terræ Nationes Fraternitatis vinculo inter se copulavit . Per hunc dilectionis spiritum verè renovata est facies Terræ ; dum genus humanum , peccatorum & consequentium poenarum vulneribus fauciatum , non amplius hanc lacrymarum vallem pro exilio atque supplicii loco , sed pro charitatis exercitatione , ac beatæ peregrinationis diversorio habere cœpit ; humanæque infirmitates jam inter unius Corporis membra communes redditæ , patientibus quidem factæ sunt in expiationem delictorum , & causam salutis æternæ ; compatientibus verò meritorum augmentum , & obtinendæ sibi , quam aliis præstitterent , misericordiæ fiduciam attulerunt . Hoc spiritu de Cœlo repletus superiori seculo beatus Camillus de Lellis piam calamitosorum omnium , præcipue verò ægrotantium curam in se suscepit , quoque nec patriæ , nec sanguinis conjunctione ullo modo attingebat , urgente charitate Christi , plusquam paternis fraternisque officiis complecti & sublevare , proprium sibi munus assumpsit . Quin etiam quum se videret , nec ad omnes ubique in tribulatione constitutos , nec ultra præfinitum sibi vitæ cursum , ad futuras ætates operam studiumque suum extendere posse ; propagato in alios ejusdem spiritus sui fervore , iisque perenni charitatis nexu , & Religiosi voti proposito obligatis , spiritualem ac temporalem Infirmorum curam ipsis perpetuò commisit & commendavit . Cujus quidem beati Viri virtutes , quum ad illud perfectionis fastigium , quod humana ratio , & naturæ vires assequi nequeunt , Dei gratiâ pertigisse constiterit ; ejusque Sanctitatem omnipotens Deus , illustribus editis miraculis , in conspectu filiorum hominum magnificare dignatus fuerit , Nos eum meritò ex hac veritatis Cathedra , de Venerabilium Fratrum Nostrorum Sanctæ Romanæ Ecclesiæ Cardinalium , necnon Patriarcharum , Archiepiscoporum , & Episcoporum in Romana Curia frequenti numero congregatorum assensu & consilio , Ecclesiæ universæ colendum & venerandum , Populis invocandum , Fidelibus cunctis imitandum proponimus , & præsentium literarum tenore denunciamus .

A Natus est is Buclanici Theatinæ Dioecesis Oppido in Marrucinis Anno Domini MDL. non sine futuræ Sanctitatis præsagiis , quum Mater , quæ ipsum proiectâ jam ætate conceperat , visa sibi in somnis fuerit Puerum peperisse , Crucem in pectore gestantem , & Chorum ducentem aliorum complurium Cruce similiter signatorum . Quibus tamen auspiciis minimè respondit Camilli adolescentia , ab eo in vitiis , maximèque in effuso alearum lusu traducta , cum valetudinis , fortunarum , & famæ dispendio ; ut etiam probrosâ paupertate adactus , abjectissimis primùm ministeriis a natalium suorum conditione alienissimis , in Nosocomio Incura-

A S. Camilli ortus , & adolescentia .

curabilium de Urbe, mox laboriosæ Militiæ in Venetorum Castris, denique in Sipontino Fratrum Capuccinorum Conventu famulatui se addicere compulsus fuerit; ubique inconstans, ubique sibi aliisque gravis, nunquam tamen a miserentis Dei longanimitate desertus, qui & eum semper a profundiore abyssø, a blasphemiarum scilicet impietate, aleatoribus adeo familiarí arcere dignatus fuerat; & tandem ostensurus in eum divitias misericordiæ suæ excitavit ipsum aliquando a somno mortis, & in manu potenti & brachio extento a perditionis via ad salutis tramitem revocavit. Cum enim quadam die iter agens Camillus, accepta quondam fastidientibus auribus piarum exhortationum verba solus secum recoleret & quasi ruminans animo volutaret, interiori luce subito percussus, ac peccatorum suorum conscientiâ, divinorumque judiciorum timore perterrefactus humi se prostravit; nec inde prius surrexit, quam anteactæ vitæ crimina vehementissimo doloris actu detestatus, de custodiendis in posterum justificationibus Domini immutabiliter constituerit. Ex eo tempore novus homo factus Camillus, non modò ab omni vitiorum genere deinceps abstinuit, sed ad sublimiorem christianæ perfectionis metam contendere cœpit. Sancti Francisci habitum in Ordine Fratrum Capuccinorum Siponti induit. Sed veteri ulcere, quod olim in tibia contraxerat, identidem recrudescente, bis a dolentibus Superioribus dolens dimissus, ab hac sibi charissima arctioris vitæ semitâ deflectere coactus est.

Romam reversus, vetus Hospitium suum, S. Jacobi scilicet Domum, Incurabilium nuncupataim repetiit, ac Deo sic disponente, ejusdem bonorum administrationi præfectus fuit. Quo in munere quum se Camillus non tam hominibus quam Deo servire cogitaret, maximâ sedulitate ac diligentia, Infirorum necessitatibus sublevandis se totum dicavit. Sed quum ea in re non satis sibi obsecundare videret eos, qui temporali mercede conducti in ipsius Nosocomii ministeriis adhibebantur, secum cogitare cœpit quomodo serventiores Operarios præstantioribus propensis spiritualium meritorum præmiis compararet. Communicavit consilium hac de re suum cum S. Philippo Nerio tunc in humanis agente, a cuius præceptis nutuque pendebat; quo approbante atque hortante, cum paucis primò ejusdem Nosocomii Ministris, mox cum ampliori piorum Fidelium numero, Sodalitatem quandam instituit Laicorum hominum, **B** qui se Divinis obsequijs, & ægrotantium curæ, in ipsa primùm S. Jacobi Domo, pro Dei amore & futuræ vitæ mercede manciparunt, & contempta priorum commodorum ratione, superatisque Divino præsidio invidorum calumniis, in Instituto constanter perseverantes, brevi tempore extra prædictam quoque Domum charitatem suam dilatarunt; cumque proprium sibi domicilium in Urbe constituissent, inde ad omnium

A Ipsius ad Deum convercio & Janætioris vitæ initia.

B Societatem instituit Ministrorum Infirmis.

pauperum ægrotantium levamen tam in Nosocomiis , quām in privatis Domibus currentes , incredibilem Urbi universæ utilitatem attulerunt . Hæc autem utilitas tunc major evalit , quum multis Ecclesiasticis Viris Camillo se se adjungentibus , ipsoque Camillo de prædicti S. Philippi directoris sui consilio , post exacta in Scholis Collegii Romani singulari humiliatis exemplo Literarum studia , ad sacrum Presbyteratus Ordinem promoto , spiritualis non minùs quām temporalis vitæ subsidia ægrotis quibusque præstare cœperunt . Ea re permotus sapientissimus Pontifex A Sixtus Papa V. Prædecessor noster per suas Literas Apostolicas datas apud S. Petrum sub Annulo Piscatoris die xvij. Martii anni MDLXXXVI. hujusmodi Institutum , omnipotentis Dei atque ejus pauperum ægrotorum famulatui dicatum , ac voluntarie paupertatis , castitatis , & obedientiæ proposito , nulla tamen voti sponsione adstrictum , collaudans atque commendans perpetuò approbavit & confirmavit sub denominazione *Congregationis Ministrantium Infirmis* , eidemque complura Indulta & Privilegia tam in spiritualibus , quām in temporalibus benignè concescit ; inter quæ illud specialibus Literis die xxvj. Junii ejusdem anni datis indulxit , ut illius Sodales pro habitus proprii distinctione Crucem fulvi coloris ad latus dextrum vestium suarum assutam deferrent .

Sed quum hujusmodi Congregatio paucorum annorum decursu , Camillo præfide & promotore , non solum fructuosior evaderet , sed & spectabilium Virorum numero aucta , ad ampliorem Domum S. Mariæ Magdalenæ de Urbe in Regione Columnæ translata fuisset , omniumque eidem adscriptorum jam sensus esset , ut sub prudentissimis Legibus & Regulis ab eodem Camillo præscriptis , ac solemni paupertatis , castitatis , & obedientiæ professione , in perenni ministerio ægrotantium , ne excepto quidem pestiferæ contagionis casu , Religiosam vitam degere optarent ; B exhibitis felicis recordationis Prædecessori pariter nostro Gregorio Papæ XIV. hujusmodi Regulis , iisque examinatis & approbatis , placuit eidem Gregorio præfatam Congregationem in Ordinem Regularem erigere sub nomine & nuncupatione *Clericorum Regularium Ministrantium Infirmis* ; ejusque Professores in quibuscumque locis tunc & deinceps commorantes , sub immediata & speciali sua & Apostolicae Sedis protectione perpetuò suscepitos , amplissimis gratiis & privilegiis de Apostolica liberalitate ditare ; prout in ipsius Gregorii Prædecessoris Literis , datis apud S. Marcum Anno Incarnationis Dominicæ MDXCI. Kalen. Octobris pleniùs atque distinctiùs continetur .

C Ex hac nova charitatis schola , mirum quanta in omnium ordinum homines , tum corporum tum animarum præcipue utilitas dimanavit . Non jam ægrotantes ad morborum ærumnas , solitudinis ac derelictionis

mœro-

A Societas plurimum aucta , a Sexto V. confirmatur & privilegii ditatur .

B Eadem in Congregationem Regularem erigitur a Gregorio XIV.

C Ejus Congregationis utilitas , & fructus ,

mœtorem accessisse doluerunt: Non jam transactæ vitæ reatibus gravati imminentis mortis discrimen absque peccatorum expiatione subire timuerunt: Non jam humani generis adversarius miseros mortales in extremis laborantes infestâ rabie circumstens, eos a susceptorum Sacramentorum robore imparatos, aut Fidelium exhortationum solatio & subsidio destitutos invenit. Reddita Nosocomiis mundities, allevati Ministrorum labores, animarum Pastores ubique adjuti, in anxietatibus, curis & solicitudinibus sublevati; ut minimè sit mirandum, tot hujus Instituti Domos, & tunc modico temporis intervallo per Italiam universam, per Siciliam aliasque remotiores Provincias, & deinceps per Europæ totius Regiones, plaudentibus Civibus, Episcopis adnitentibus, erectas esse; in quibus cum magno populorum fructu & emolumento viget eximia charitatis spiritus per Camillum in ipsius Filios atque Discipulos diffusus & propagatus.

Ipse verò saluberrimi operis institutor atque promotor, cum omnes A quas aliis tradiderat, christianæ perfectionis Leges exactissimè implevit; tum eam præcipue, quæ plenitudo Legis est, Dilectionem: Cujus profectò Nobis datum est, ex collectis de ipsius vitâ & rebus gestis, certissimis monumentis, tam sublimitatem atque profundum, quām latitudinem longitudinemque dignoscere.

Sublimis profectò charitas, quæ a Deo procedens, & in Deum ipsum se referens, creata omnia, quæ aliis inordinatæ cupiditatis fomenta esse solent, vel tamquam pietatis in Deum argumenta, vel tamquam occasiones misericordiæ in Proximos exercendæ unicè intuebatur. Hinc, quum ex omnibus rebus, quæcumque ipsius sensibus obversabantur, nova quotidie amandi laudandique Creatoris incitamenta sumeret, novas charitatis flamas conciperet; in assiduos de Deo sermones, in flagrantissimos Divini Amoris actus, non sine lacrymis identidem erumpebat; tantoque cor ejus æstuabat ardore, ut sensibilem aliquando lucem e vultu suo radiantem emitteret; & nihilominus ingemiscens, quod se infinitè bonitati pro merito diligendæ imparem agnosceret, infinitas sibi animas dari voluisset, quas in Dei amore totas impenderet. Hoc desiderio incensus, ad operosa ministeria Proximis præstanta eo spiritu accedebat, ut omnipotenti Deo, quem in pauperibus intuebatur, obsequium aliquod pro viribus exhiberet; ab eaque cogitatione nunquam mentem animumque avertiebat. Itaque cœlestem ferè vitam in Terris dicens, nonnumquam visus est per mirabiles ecstases a sensibus omnino alienatus, tantoque corpore in aere elevato ac suspenso, beatorum spirituum confortio se fise miscere: Unde & eorum ope ac præsidio complura vitæ discrimina mirabiliter evasit; & S. Philippi Nerii testimonio compertum est, Angelos ipsius Sociorum lateribus, dum Infirmis ministrarent, adstantes apparuisse. Sed & aliis supernaturalibus donis a Deo cumulatus, spiritu prophetiæ, gratiâ curationum, & mirabili in naturæ leges imperio, adhuc

vi-

vivens, innumera cœlestis favoris, quo fruebatur, argumenta dedit.

A Ab ea tamen virtutum suarum, & supernorum charismatum sublimitate oculos declinans Camillus, eosque in propriæ humilitatis profunditate libentiū defigens, nec unquam oblivione captus purgationis veterum suorum delictorum, sæpe se inter omnes peccatores pellimum appellabat, seque indignum qui inter homines viveret, ac destinatum æternis ignibus titionem intimo animi sensu profitebatur; ex quo sanè humilitatis fonte prodierunt assidua, quibus corpus afflictabat, pœnitentia ac mortificationis exercitia; præcipue verò demissus ille mentis habitus, quo pauperibus & ægrotis, quos sibi in Dominos adsciverat, in abjectis & laboriosis quibusque officiis sine requie ministrabat atque inserviebat. Neque verò ob præclaram, Deoque & hominibus acceptissimam Religionem a se fundatam, sapientissimè administratam, latissimèque propagatam, ullo modo efferebatur; quinimò delatum sibi sorte Fundatoris nomen refugiens, ipsam quoque Ordinis Præfecturam, quam per xxvij. annos in omni patientia & solicitudine gesserat, tandem, firmato jam ipsius statu & regimine, humiliiter a se abdicavit & sponte dimisit; ut ita cum eo, a quo didicerat mitis esse & humilis corde, fratribus suis jam dicere posset: *Ego autem in medio vestri sum, tamquam qui ministrat.* Qua tamen ex re iidem novam utilitatem sunt consequuti; dum ab ipso Ordinis moderatore, a quo sapientissimas leges atque vivendi Regulas ad eum diem acceperant, deinceps etiam perfectæ subjectionis & obedientiæ formam ipsius exempla intuentes desumere potuerunt.

B Sed jam videamus, qua latitudine dilatum sit cor ejus, ut charitatis suæ fructus ad omnes Proximos in tribulatione & angustiâ positos derivaret. Quo in genere non hic omnia recensenda ducimus, quæ Camillus assidue pro Pauperibus sustentandis, alendis, hospitio accipiendis, pro Virginibus tuendis & collocandis, pro Viduis ac Pupillis defensandis sublevandisque gerebat. Unum pro cunctis opus, quod sibi suisque Alumnis proprium & præcipuum sumpserat, ut ægrotantium animabus corporibusque succurreret, immensam prope illius charitatis amplitudinem satis demonstrat. Quis enim tota Urbe infirmabatur, cum quo commiserationis affectu non infirmaretur Camillus? Ad quem non accurreret, ac vel ipse præsens inserviendo & consolando usque ad extremum adesset, vel subrogatis Sociis, desideratam opem afferret? Quem reperit inopiâ pressum, ægritudine prostratum, aut nimio mortis metu perterritum, cui non opportuna corporis animique subsidia contulerit, eumque in æternæ salutis fiduciam erexerit? Quem vitiis atque peccatis irretitum, vel Religionis mysteria & dogmata ignorantem, quin eum ad melioris vitæ propositum, ad Divinæ bonitatis sinum reducere studuerit, vel in doctrina Fidei & in lege Domini erudierit? Quin etiam constat, aliquos Hæreticos in Urbe morbo correptos, Camilli charitate & comitate de-

^a Humilitatis & pœnitentia studium. ^b Charitas erga Proximos, maximè infirmos.

devinctos, ejusque instructionibus atque hortationibus illustratos, adjuvante Divinâ gratiâ, Ecclesiæ catholicæ restitutos fuisse.

Quibus in rebus quum per omnes Urbis Regiones ac Domos magni ipsius fuerint & quotidiani labores; tum verò in publicis Xenodochiis, & potissimum in Hospitali Domo Sancti Spiritus in Saxia illius opera adeo assidua fuit, ut ibi cogitationum atque studiorum omnium scopum, ibi veluti perpetuam vitæ suæ sedem collocasse videretur. Ibi non solum Famuli & Inservientes, sed ipsi quoque Præpositi viderunt eum in omnis officii ministerio sibi meti p̄s præeuntem, quæque inter plures dispertita sunt munera, eumdem unum omnia amplectentem, ac mirâ sedulitate obeuntem. In eo habuerunt ægroti quidquid homines ferè ab amicis, propinquis, parentibus desiderare consueverunt: Nec major est amantisimæ Matris solicitude erga unicum languentem filium, cā quam Camillus singulis quibusque ægrotantibus præstabat; eorum desideria prævertens, eorum solatium, commodum, munditiem, ac potissimum animæ expiationem, rectamque Sacramentorum perceptionem procurans; In eos verò peculiariter intentus, a quibus ceteri vel contagionis metu, vel morborum nauseâ & horrore refugiebant, eos ipse ulnis amplexari, sovere sinu, suisque vestibus tegere non recusabat. Ibi sæpe laboriosas noctes laboriosissimis diebus continuavit, nec ulcerati cruris, nec gravis herniæ incommodo & dolore detentus, nec cibi, nec somni, nec requies memor, non semel ob extremam corporis defatigationem, spirituum deliquio captus in terram semianimis corruit.

Reliquum erat, ut præsenti experimento proposito, videretur, an A Camilli charitas ad illum quem cum Sociis professus fuerat, gradum revera pertingeret, ut nimirum ægrotis Fidelibus, quos etiam pestis incessisset, opem & ministerium præstaret. Et quidem quatuor vix annis post indultam novo Ordini Apostolicam confirmationem invasit Urbem contagiosa lues, cum extremâ Annonæ caritate conjuncta, ut dupli clade perculsa Civitas, funeribus, luctu, vastitate completa fuerit. Alios morbi vis, alios inopia & famæ, plurimos desperatio & horror ad mortem ducebant; omnes verò metus, ac præsens vitæ periculum, ad salutem & securitatem alibi conquirendam, vel saltem discrimini non objiciendam adigebant. At verò Camillus propriâ incolumitate vitâque contemptâ, minimè dubitavit cum suis Alumnis pro salute publica se devovere. Itaque visus est, non modò publicis omnibus Nosocomiis sine intermissione adesse, ac miseris ægrotantibus operâ, consilio, exhortationibus opem ferre; verùm etiam incredibili solitudine privatas quaslibet Domos ingredi, quandoque etiam, si occlusæ essent fores, adhibitis scalis per fenestras penetrare; remotissima quæque loca, obscuras cryptas, immunda stabula anxiè circumire; languentes, afflictos, inediâ dejectos conquirere, atque omnes quibuscumque poterat, subsidiis juvare, ac refice-

A Gravante peste in Urbe, quid præfiterit Camillus,

ficere ; eorum plagas curare , tabem abstergere , sordes eluere , lectos purgare : Præterea novum aperuit Xenodochium in ipsa Religionis suæ Domo ; alterum in Regione Cælimontana ad sanctum Sixtum ; alterum quoque ad Clivum Capitolii in via Rhedarum nuncupatâ constituit ; illucque ægrotos undique comportari curavit , complures etiam propriis sublatos humeris ipse detulit ; per omnes denique Urbis vastissimæ Regiones alacer operâ , voce , animo præsto fuit , ut non sine causa judicatum fuerit , clementissimum Dominum , qui etiam in ira sua misericordiæ recordatur , deliberato in Urbem flagello opportunum levamen per Camillum , ejusque propositi Sectatores opponere voluisse .

A Ea tempestate sedata , ecce biennio post , novum calamitatis genus novam Camillo præbuit occasionem ardentissimæ charitatis suæ erga periclitantes Proximos ostendendæ : Quum scilicet Tiberis aquarum copiâ plus nimio auctus magnam Urbis partem inundasset , jamque adjacentes sancti Spiritus Ædes invadens inferiora ipsius cubicula occupasset ; commotus tanto Infirorum periculo Camillus , in medias aquas prossiliens coepit ægrotos ipsos , eorumque grabatos humeris suis aliò transferre , nec priùs ab opere cessavit , quâm immenso trium dierum labore in tuto omnia collocata conspexerit .

Quod si , veritatis æternæ testimonio , majorem hac dilectionem nemo habet , quâm ut animam suam ponat quis pro amicis suis ; quidni heroicam agnoscamus fuisse charitatem Camilli , qui minimè detrectavit pro Pauperibus Christi vitam sæpe suam in manifestum discrimen adducere , nec unquam animam suam pretiosiorem fecit eâ cuius desiderio flagrabat , Proximorum salute ?

B Neque verò unius Romanæ Urbis ambitu se continuit ipsius dilectionis amplitudo , sed alias quoque Regiones ac Civitates complexa est , ad quas Instituti sui fructum utilitatemque propagavit ; Italiam verò universam serè benefaciendo peragravit , mirifica charitatis opera ubique exercens , omniumque necessitatibus opportunè succurrens . Mediolanum , & Nolam Urbes , pestisera contagione grassante , quo tempore alii earum Urbium commercia omni ratione vitabant , quin etiam earum Civives aliò evolare posse cupiebant , ultiro ingressus est Camillus , dilectionis ignem in sinu portans , atque utrobique admiranda illa virtutis exempla , quæ Roma olim conspexerat , pari omnium ordinum admiratione renovavit . Buclanicum Patrium Oppidum , ut audivit Annonæ difficultate graviter afflictum , illico Româ eò se contulit , suosque Cives impensis providentiae & charitatis officiis , illustribus quoque impletatis a Deo prodigiis , mirificè recreavit .

C Denique inextinctam charitatis suæ flammam usque ad exitum vitæ , usque ad metam præclarri cursus feliciter perduxit ; cumque diuturno triginta

A Quid exundante Flumine . B Quid aliis in Civitatibus & Oppidis .

C Ipsius sancta mors .

ginta trium mensium languore , lentaque & moleitate febri probatus tuis-
set , prænunciatum sibi cœlitus mortis diem animo concupiscenti præsto-
lando , nil aliud præter Dei & Proximi dilectionem in corde & in ore ha-
bens , nil aliud Sociis ac Discipulis suis commendans , tandem Eccle-
siæ Sacramentis piè & religiosè suscepis , die xiv. Julii anno salutis
MDCXIV. , ætatis suæ LXV. ad regnum perfectæ charitatis migravit .

Nec dubitarunt quicumque ipius laborum agnovere certamina , quin
ipsi coronam iustitiae reddidisset justus Judex ; qui etiam , editis poten-
tiæ suæ signis , devota frequentis populi ad ejus funus confluentis officia
sibi accepta esse monstravit . Cumque de hujusmodi Miraculis , ac potis-
simum de perspecta Servi Dei sanctitate , universalis fama & constans
hominum judicium esset , citò deventum est ad legitimorum Processuum
constructionem , quibus Ordinariâ primum , mox etiam Apostolicâ au-
toritate confessis , eorumque validitate approbatâ , post maturum om-
nium examen iteratis vicibus resumptum , Nobismetipsis olim pro in-
nere Promotoris Fidei , quod gerebamus , minutissima quæque dubita-
tionis capita proponentibus , tandem a felic. recor. Prædecessore Nostro
Benedicto Papa XIII. cum consilio Congregationis Sacrorum Rituum A
judicatum est , constare de Camilli Virtutibus in gradu heroico ; ut patet
ex Decreto ab eo edito die xxiv. Julii Anni MDCCXXVIII.

Mox examinatis in eadem Congregatione Miraculis , quæ post Ca-
milli obitum , ejusdemque intercessione evenisse dicebantur ; hujusque
examinis summâ ad Nos ipsos in Petri Cathedra jam sedentes delatâ , post B
invocatam Divini luminis opem ac reiteratam collectarum probatio-
num considerationem visum est Nobis , duo potissimum ex novem propo-
sitis indubitanter approbanda esse ; unum nimirum de enormi Polypo in
naribus cuiusdam Puellæ Viterbiensis suborto , & plures jam mensis per-
vicaciter permanente , qui ex solo contactu fili subuculæ Servi Dei pe-
nitus evanuit . Alterum de lethali morborum congerie , maligna scilicet
febri , pulmonum & pleuræ inflammatione , gutturis etiam ulcere , qui-
bus Catharina Dondula sexto jam mense uterum terens , correpta & ad
extremum vitæ Medicorum etiam judicio deducta fuerat , fed omnia
solo haustu aquæ , in qua comminutus fuerat pulvis e cubiculo Servi Dei
collectus , illico depulsa fuerunt , itaut ægra non modò sanitatem , sed
pristinas etiam vires momento temporis recuperaverit . Quæ quidem Mi-
racula quum Nos Decreto edito die xxvi. Septembris Anni MDCCXLII.
approbata publicaverimus , mox præfatae Congregationis consilium au-
dierimus super Beatificationis honoribus eidem Dei Servo tutò deferendis ,
die demum secundâ Februarii Anni MDCCXLII. in Festivitate Puri-
ficationis beatissimæ Virginis Mariæ , quo die olim Camillus superni lu-
minis radio illustratus ad bonam frugem conversus fuisse perhibetur ,

Y y y

aliud

A Heroicæ Camilli Virtutes juridicè approbantur .

B Miracula pro Beatificatione approbata .

aliud Decretum protulimus de ejusdem formalis Beatificatione peragenda; A cujus solemnia deinde in Basilica Principis Apollinarum de Urbe rite celebrata fuerunt vigore Literarum Notarum Apostolicarum die VII. ejusdem mensis & anni sub Annulo Piscatoris editarum.

Indultam beato Viro venerationem, ac summo Fidelium studio ei-
dem exhibitam nova subsequuta sunt Miracula, quæ manifestam Dei
voluntatem de ipsius glorificatione in Terris augendâ ostendere videban-
tur. Tribus itaque Episcopis ad inquirendum super hujusmodi Mira-
culis auctoritate Nostra Apostolica de more delegatis, cognitâque Pro-
cessuum ab ipsis confectorum validitate, ex tribus Miraculis in prædictâ
Sacrorum Rituum Congregatione accuratissimè discussis, auditio ut par-
erat, Peritorum judicio, novisque inquisitionibus super sanationum ob-
tentiarum perseverantâ legitimè peractis, duo potissimum tamquam
approbatione nostrâ digna Nobis proposita fuerunt, quæ quum revera
privatis nostris studiis adhibitis, & invocato lumine Spiritus sancti,
clarissima in luce posita esse judicaverimus, die prima Maji superioris an-
ni MDCCXLV. Decreto nostro approbavimus & publicavimus.

C Primum est sanatio Lucie Therese Petti Puellæ ex Oppido Capra-
rolæ, quæ quum ab ipsa nativitate ob pravam Thoracis structuram
magnâ respirandi difficultate laborasset, & procedentibus annis, ingra-
vescente Asthmate, accedentibus purulentis & sanguineis excretionibus,
ac suminâ virium prostratione, externo quoque contracto gibbo, gravem
sibi aliisque vitam haud longè protrahere posse ostenderet; in maxima
morborum hujusmodi intensione, quum invocatâ beati Camilli ope,
aquam bibisset præfato pulveri admixtam, unius noctis spatio a morbis
omnibus expedita, & perfectâ valetudinis firmitate donata fuit.

Alterum est instantanea sanatio Margaritæ Castelli duodeviginti an-
norum Puellæ ex Oppido Marini, quæ ob vitium sanguinis ab utero Ma-
tris contrastrin malignis pulsulis saepe afflita, tandem earum numero
in immensum aucto, itaut universum ipsius corpus unicâ crustâ, sanie
taboque manante cooptum appareret, acutâ quoque febri superveniente,
omnique amissâ motus & sensuum facultate jamjam expiratura
judicabatur; quum subito iinposita ipsi Imagine beati Camilli, ac brevi
prece ab ipsis Sorore & Matre emissâ, velut a somno mortis excitata
perfectè convaluit; corpus repente detumuit, crustæ deciderunt, reli-
quit eam febris; itaut e lecto itatim surgens, integerrimis viribus ince-
dere & operari potuerit, neque deinceps inveteratae hujusmodi affectio-
nis incommoda amplius perpesta fuerit..

D Consulta deinde fuit eadem Sacrorum Rituum Congregatio, an
rebus ita se habentibus, ad solemnem beati Camilli Canonizationem
tutò procedi posse censeret; omnibusque Venerabilibus Fratribus Nostris

S.R.E.

A Solemnis Beatificatio. B Causa reassumitur. C Miracula pro Canonizatione
approbata. D Decretum de tuto processu ad Canonizationem.

S. R. E. Cardinalibus eandem Congregationem constituentibus, necon dilectis Filiis ejusdem Congregationis Consultoribus in partem affirmati- vam consentientibus, Nos deinde naturâ ponderatione præmissâ, ac ferventibus Deo oblatis precibus, tandem anno superiore die XVII. Augu- sti, illius diei anniversaria, quo inscrutabilis Divini consilii altitudo Nos immerentes ad Summi Pontificatus apicem evexit, publico Decreto edito hujusmodi Congregationis sententia Nos quoque adhærente de- claravimus.

Urgebant verò pro hujus Decreti implemento non solùm communia fidelium Populorum, ac in primis dilectæ Ubis nostræ vota, sed & eni- xæ preces ac supplicationes antedictæ Congregationis Clericorum Regu- larium Ministrantium Infirmis, quibus, & olim clar. mem. Philippus III., & Philippus IV. Hispaniarum Reges Catholici, plurimique Ecclesiastici & Secularis Ordinis Proceres apud Prædecessores nostros Romanos Pon- tifices suas preces adjunxerant, & suas nuper postulationes Nobis humili- ter exhiberi mandaverant Carissimus in Christo Filius noster Carolus utriusque Siciliæ Rex Illustris, ejusque Coniux Carissima in Christo Filia nostra Maria Amalia utriusque pariter Siciliæ Regina Illustris, & cum aliis pluribus Antistitibus & Principibus, dilecti Filii Nobiles Viri Nea- politanæ Civitatis Electi. Quapropter communicato consilio cum uni- verso Collegio Venerabilium Fratrum nostrorum S. R. E. Cardinalium in Consistorio secreto die XVIII. elapsi mensis Aprilis coram Nobis ha- bito, hisque similiter, auditio a Nobis meti plis Causæ statu ac meritis, ad ulteriora, servatis servandis, progrediendum esse suadentibus; Nos de- dum convocatis per Literas compluribus Ven. Fratribus Archiepisco- pis & Episcopis per Ecclesias constitutis, eorum quoque suffragia, ut in tanti momenti judicio fieri consuevit & decet, audire deliberavimus.

Itaque expositis primùm in plenario publicoque prædictorum S. R. E. Cardinalium, Antistitum omniumque Ordinum Romanæ Curiæ Con- fessu, per dilectum Filium Julium Cæsarem Fagnanum nostræ Consisto- rialis Aulæ Advocatum, ejusdem B. Camilli getlis, Virtutibus & Mi- raculis; iisdemque præterea in summaria Relatione ex monumentis præ- dictæ Sacrorum Rituum Congregationis fideliter desumptâ una cum Actorum serie, prædictorum omnium judicio subjectis; die decima cur- rentis Junii eosdem S. R. E. Cardinales, & Patriarchas, Archiepiscopos, & Episcopos universos coram Nobis in Consistorio semipublico congrega- tos, adstantibus de more dilectis Filiis Sedis Apostolicæ Notariis & Cau- sarum Palatii nostri Auditoribus requisivimus, an ad solemnem ipsius Beati Canonizationem deveniri posse censerent; cumque omnes unanimi sensu id a Nobis præstandum esse suaderent, exhibitis quoque in scriptis per singulos suffragiis, quæ in Romanæ Ecclesiæ Tabularium inserri jussi-

Y y y 2

mus;

A Consistorium Secretum. B Consistorium Publicum.

C Cardinalium & Episcoporum suffragia in Consistorio Semipublico.

mus; Nos quidem tunc eos omnes hortati sumus, ut pro impetrando Nobis superni luminis adjutorio, suas Deo preces offerrent; mox generalia per Urbem jejunia indiximus, designatisque Ecclesiis cum Indulgentia ab omnibus Christifidelibus Nobiscum orantibus consequendâ, iteratis etiam Sacrificiis, Deum omnipotentem precati sumus, ut sedium suarum afflstricem sapientiam ad illuminandas mentis nostræ tenebras emittere dignaretur.

- A** Demum adveniente hac die beatorum Apostolorum Petri & Pauli Martyrio consecratâ, in splendidissimo Ecclesiæ Romanæ jubilo, præcedentibus cum prece omnibus Cleri Secularis & Regularis Ordinibus, & subsequentibus Aulæ nostræ, & Curiæ Officialibus atque Ministris, frequentissimâ Confacerdotum coronâ stipati, ad sacram beatissimi Apostolorum Principis memoriam in Vaticano solemnis supplicationis ritu processimus: Ubi exhibitis Nobis iterum a dilecto Filio nostro Joachimo Tituli Sanctorum Quatuor Coronatorum Presbytero Cardinali Portocarrero nuncupato, prædictorum supremorum Principum & Procerum, Ecclesiarumque, & Congregationis Clericorum Regularium precibus & obsecrationibus, Dei nomine cum gemitibus invocato, ad laudem sanctæ & individuæ Trinitatis, ad Triumphantis Ecclesiæ gloriam, & Militantis consolationem atque præsidium auctoritate Domini Nostri Jesu Christi, sanctorum Apostolorum Petri & Pauli, ac Nostra, ac de congregatæ Fraternitatis, ut supra diximus, assensu & consilio prædictum Camillum de Lellis Dioecesis Theatinæ Sacerdotem, Fundatorem Congregationis Clericorum Regularium Ministrantium Infirmis, de cuius præcellentí Fide & charitate ceterisque Virtutibus in gradu heroico, necnon de Miraculis ipsius intercessione a Deo patratis plenissimè constabat & constat, Sanctum esse definiendo pronunciavimus, & pro Sancto ab omnibus habendum atque colendum ediximus, in nomine Patris & Filii & Spiritus Sancti; omnibusque Christifidelibus, qui singulis annis die xiv. Julii verè pœnitentes & confessi Ecclesiam S. Mariae Magdalena de Urbe Congregationis præfatae Clericorum Regularium, in qua ipsius Sancti Corpus religiosè aſſervatur, devotè visitaverint, septem annos & totidem quadragenias de injunctis eis, seu aliàs debitís pœnitentiis, eadem auctoritate in perpetuum misericorditer relaxavimus. Denique in obsequium omnipotentis Dei decantato Laudis & Confessionis Hymno, incruentam salutis nostræ Hostiam ad Altare Confessionis beatissimi Petri Apostoli in spiritu humilitatis obtulimus cum commemoratione etiam ipsius S. Camilli Confessoris, necnon Sanctorum Fidelis Martyris, Petri, & Josephi Confessorum, & Catharinæ Virginis, quos pariter Sanctorum Albo rite adscriptissimus, omnibusque ibi præsentibus plenariam peccatorum Indulgentiam largiti fuimus.

Exultet igitur Ecclesia sancta Dei, & jucundetur in Domino, qui secun-


secundum promissiones Ius sanctitatis & dilectionis spiritum in ea conservat & fovet. Excitentur Fideles ad præclara Sancti hujus persequenda vestigia, ut ipsius mereantur suffragiis adjuvari; qui quum in illo Regno Beatitudinis in quod neque luctus neque dolor ingreditur, non habeat, cui assueta misericordia sua exhibeat officia, nos hic in tantis angustiis & calamitatibus constitutos suâ intercessione sublevare, & flagella Divinae iracundiae a nobis lubens studebit avertere.

Ut autem præmissa omnia ad consolationem & eruditionem Christianæ plebis ubique innotescant, Nos ea præsentium Literarum Apostolicarum tenore & auctoritate, publicanda atque edicenda esse censuimus; mandantes, ut earumdem præsentium transumptis, sive exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ab omnibus habeatur, quæipsis præsentibus adhiberetur, si forent exhibita vel ostensæ.

Nulli ergo omnino hominum liceat paginam hanc nostræ definitio-Bnis, decreti, adscriptionis, mandati, statuti, relaxationis, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli Apostolorum ejus se noverit incursum.

Datum Romæ apud sanctum Petrum anno Incarnationis Domini-Cæ MDCCXLVI., iiii. Kalendas Julii, Pontificatus Nostri anno vi.

☩ Ego Benedictus Catholicæ Ecclesiæ Episcopus



† Ego T. Episcopus Ostien. & Velternen. Card. Rufus Decanus, &
S. R. E. Vice-Cancellarius.

† Ego

A Præsentium Literarum exemplis auctoritas tribuitur. B Sanctio.

C Dat. Pontificatus Anno vi. die 29. Junii 1746.

- † Ego A. Episcopus Portuensis Card. S. Clementis S. R. E. Camerarius .
 † Ego V. Episcopus Prænestinus Card. Petra , Major Pœnitentiarius .
 † Ego P. A. Episcopus Albanen. Card. Carafa .
 †
 † Ego V. Episcopus Sabinen. Card. Bichius .
 †
 †
 †
 †
 †
 †
 †
 †
 † Ego Nicolaus Maria Tit. S. Petri ad Vincula Presbyter Card. Lercari .
 †
 †
 †
 †
 † Ego F. Tit. S. Mariæ Transtiberini Presbyter Card. Burghesius .
 † Ego A. Tit. S. Stephani in Monte Cœlio Presbyter Card. Gentili .
 † Ego Fr. J. A. Tit. SS. Silvestri & Martini Presbyter Card. Guadagni .
 † Ego T. Tit. S. Cæciliae Presbyter Card. de Acquaviva .
 † Ego D. Tit. Basilicæ Sanctorum Duodecim Apostolorum Presbyter Card. Rivera .
 † Ego J. B. Tit. S. Mariæ Angelorum Presbyter Card. Spinula .
 †
 †
 †
 †
 †
 † Ego R. Tit. S. Sabinæ Presbyter Cardinalis de Ilcio .
 †
 †
 †
 † Ego D. Tit. S. Bernardi ad Thermas Presbyter Card. Passioneus .
 † Ego S. Tit. S. Priscæ Presbyter Cardinalis Valenti .
 †
 † Ego J. F. Tit. SS. Quatuor Coronatorum Presbyter Card. Portocarrero .
 † Ego C. Tit. SS. Joannis & Pauli Presbyter Card. Paulutius .
 †
 † Ego C. A. Tit. S. Mariæ de Pace Presbyter Card. Cavalchinus .
 †
 †
 †
 †
 †
 †

† Eg•

- † Ego F. Tit. S. Mariae de Populo Presbyter Card. de Ricciis .
 † Ego A. Tit. S. Silvestri in Capite Presbyter Cardinalis Rufus .
 † Ego C. Tit. S. Mariæ de Ara-Cæli Presbyter Card. Calcagnini .
 † Ego P. M. Tit. S. Agnetis extra muros Presbyter Card. de Montibus .
 † Ego F. Tit. S. Matthæi in Merulana Presbyter Card. Tamburini .
 † Ego I. Tit. S. Crucis in Hierusalem Presbyter Card. Besozzi .

†
†
†
†
†
†
†

- † Ego Carolus S. Mariæ in Via-Lata Diaconus Card. de Marinis .
 † Ego Alexander S. Mariæ ad Martyres Diaconus Card. Albanus .
 † Ego Nerius S. Eustachii Diaconus Card. Corsinus .
 † Ego Agapitus S. Agathæ Diaconus Card. Mosca .

†
†

- † Ego C. S. Mariæ in Porticu Diaconus Card. Sacripantes .
 † Ego M. SS. Cosmæ & Damiani Diaconus Card. Bologninus .
 † Ego H. S. Angeli in Foro Piscium Diaconus Cardinalis Columna .
 † Ego P. S. Georgii in Velabro Diaconus Card. Columna .
 † Ego A. S. Mariæ in Aquiro Diaconus Card. Tanari .
 † Ego H. S. Adriani Diaconus Card. Bardi .
 † Ego D. SS. Viti & Modesti Diaconus Card. Ursinus .

†

D. Card. Passioneus.

J. Datarius .

V I S A

de Curia I. C. Boschi .

J. B. Eugenius .

Loco † Plumbi .

Registrata in Secretaria Brevium .

LITERÆ DECRETALES
CANONIZATIONIS

B. PETRI REGALATI CONFESSORIS

BENEDICTUS EPISCOPUS

SERVUS SERVORUM DEI

Ad perpetuam rei memoriam.

Aegotiatores Cœli , qui fidelibus Redemptoris nostri promissiōnibus innixi , quæcumque Mundus appetit , quæ caro concupiscit , quæ Dœmon pollicetur , omnia relinquunt , ut Christum bajulantem sibi Crucem per asperam angustamque viam prosequantur , non modò inæstimabilem bonæ negotiationis fructum in æternæ vitæ possessione percipiunt , sed etiam in terris centuplum pro omnibus quæ disiserunt , utilissimâ commutatione lucrantur . Dum enim vitæ hujus oblectamentis per mortificationis & continentia studium renunciant , puris tranquillisque voluptatibus , de conscientiæ serenitate ac Divini favoris suavitate replentur ; dum anxias Mundi divitias , Evangelicam paupertatem amplexi , a se abdicant , supernorum charismatum thesauris abundè ditantur ; & pro vanis fluxisque honoribus quos contemnunt , veram solidamque gloriam non solum coram Angelis Dei , sed etiam coram hominibus adipiscuntur . Vedit hæc coelesti lumine edoctus beatus Petrus Regalatus Ordinis Minorum Alumnus , ejusque disciplinæ quam sanctus Patriarcha Franciscus discipulis suis tradiderat , perfectissimus ipse Sectator & in aliis quoque Restitutor gultavit , quām suave ac bonum esset , abnegatis secularibus desideriis , uni Deo adhærere ; reliquit quæ sua erant , ut Christum lucrisaceret : Verūm in ipsis etiam voluntariæ paupertatis angustiis dilatum est cor ejus , ut quarum rerum nec possessione nēc affectu tenebatur , in eas mirum sæpe jus & imperium , supra id quod naturæ leges ferunt , Deo concedente exerceret . Nunc denique ad immensum Gloriæ pondus , qua is jamdudum in Cœlis potitur , non exiguis in Terris accessit honoris cumulus , decreto eidem cultu universæ per Orbem Ecclesiæ , cui nos licet indigni , Divina voluntate præsidentes , ipsum beatum Virum , christianarum virtutum perfectione & miraculorum claritate illustrem , inter sanctos Confessores a Nobis cum consilio Venerabilium Fratrum nostrorum S. R. E. Cardinalium , necnon Patriarcharum , Archiepiscoporum , & Episcoporum in

A Exordium.

in Romana Curia frequenti numero congregatorum rite ac solemniter adscriptum, religiosa veneratione prosequendum, & proficua devotione invocandum proponimus, ac praesentium Literarum tenore denunciamus.

Vallisoleti nobili Hispaniae Urbe, natus est Petrus anno salutis A MCCCXC. ex Nobilibus piisque parentibus, quorum disciplinâ & exemplis eruditus, ac Divinâ præsertim gratiâ præventus cœpit a puerio ad christianæ perfectionis leges vitam moresque suos componere & conformare; quin etiam vix decimo ætatis anno transacto, domesticis facultatibus honoribusque contemptis, Franciscani Iustituti habitum ac professionem expetere. Restitit quidem ab initio amantissima Mater, & piis Filii desideriis obsecundare triennio toto reculavit; verum is in sancto proposito firmiter perseverans, euinque præferens Matri, quem præferre jubemur & animæ nostræ, instando & obsecrando tandem obtinuit, ut ad Religiosæ vitæ Tirocinium, mox etiam ad solemnia emit- B tenda vota in patriæ Civitatis Cœnobio admitteretur. Ex eo tempore quum in suscepso perfectionis curriculo per internæ humilitatis exter næque mortificationis studium, per assidua Orationis & contemplationis exercitia, per solicitam puri cordis & sensuum custodiam novos semper progressus facheret, numquam respiciens retro, sed ad perfectiora & sublimiora extendens se ipsum; ad illud brevi pervenit virtutis saltigium, ut & in omnibus religiosi Viri officiis toti Sodalitio exemplis suis præluceret; & sanctioris disciplinæ in Minorum Familia non nihil tunc temporis laxatæ, in pristinum splendorem restituendæ, inspirante Deo, consilium caperet, eodemque adjuvante ad effectum mirè perduceret.

Etenim occasionem nactus, qua Vir pius ac prudens Frater Pe- C trus Villacretius ejusdem Ordinis Professor, potestate a Superioribus sibi factâ Hispaniae Cœnobia peragrabat, ut ex iis qui a subinductâ libertate ad perfectiorem vivendi rationem transire cuperent, peculiarem veluti gregem conflaret, in quo pristina Franciscanæ Regulæ puritas & austерitas revivisceret, nihil cunctatus Petrus se illi socium adjunxit, & in solitariam Domum prope Aquileriam Oxomensis Dioecesis Oppidum permisso Episcopi extructum iubens cum eo secessit. Ibi in perpetuis pietatis & poenitentiae exercitationibus ambo viventes, non solum cœlestium gratiarum copiam, sed etiam hominum admirationem sibi conciliarunt; ut eâ permoti quamplurimi, tum ex ipso Fratrum Minorum Ordine, tum e seculari Clero & e Populo in eorum Societatem admitti certarint, eorumque disciplinæ se instituendos tradiderint. Quare cum nova Reformatorum Familia ad eum numerum aucta fuisset, ut jam Aquileriensibus Ædibus contineri minimè posset, alterum ejusdem Iusti-

Z z z

tuti

A S. Petri Regalati ortus & initia. B Ordinem Minorum ingreditur. C Ejusque Reformationem una cum Petro Villacretio promovet.

tuti Cœnobium de Abroxo nuncupatum in Agro Tribulano ad Ripam Durii Fluminis construi opus fuit.

- A In horum Conventuum regimine , quoties nascentis Reformationis negotia Villacretium aliò vocabant , Petrus Regalatus ipsius vices sustinere consuevit . Cum verò idem Villacretius , post obtenta a felicis recordationis Martino Papa V. Prædecessore nostro quem præsens adiecerat , quæcumque ad ipsius Resformationis firmitatem atque dilatationem maximè optaverat , ex hac vita piè migrasset , communis Religio: um voto in ipsius locum suffectus est Petrus , qui sicut eum viventem in prælaudati operis constitutione & administratione , consilio suo atque operâ maximè juverat , ita deinceps non modò Aquileriense Cœnobium , in quo præcipuum fixit domicilium , sed Tribulanum etiam , quod modò per se ipsum , modò per Vicarios a se delegatos regebat , ad perfectioris disciplinæ normam sanctissimè gubernavit .
- B Fuit in eo ad Socios Subditosque in via Mandatorum Dei dirigen-
dos non solum eximius zelus & assidua vigilantia , verùm etiam in
omni virtutum genere præclari exempli lux & auctoritas . Quorum
enim jejuniorum observantiam ad mentem Sancti Fundatoris in usum re-
duxerat ; ea ipse & exactè servabat , & voluntariis abstinentiæ rigoribus
cumulabat , quum nullum ferè obsonii genus ad panem & aquam ple-
rumque adjiceret , & præter dies Dominicos , nihil omnino ad vesperam
sumeret ; quinimmo totos saepe dies absque ullo cibo transigeret in labo-
ribus aut orationibus , quarum etiam amore nonnunquam integras no-
ctes insomnes ducebat , vel humi cubando curabat , ut ne quid somni ca-
peret præter id , quod ineluctabilis naturæ necessitas poitulabat . Du-
ris præterea flagellis , asperrimis ciliciis corpus affligere & in servitu-
tem redigere non desinebat . Paupertatis verò adeo amator fuit , ut que
præ ceteris attritæ & laceræ vestes essent , eas ipse sibi deligeret , nec
unquam ferè sandaliis aliove calceamenti genere uteretur , sed nudis ple-
rumque pedibus ad humilitatis & poenitentiæ exercitium incederet .
- C Quare cum sibi ac Mundo crucifixus omnino esset , minimè est mi-
randum , si totum cor ejus sibi vindicavit cœlestium amor , cuius virtute
fortiter tractus , ac dulcedine suaviter illectus , ineffabilia divinitatis at-
tributa & Redemptionis nostræ mysteria præsentissimo animi sensu
assili tuè contemplabatur ; adeoque in piis meditationibus affectibusque
inardebat , ut saepe clarissimus lucis splendor ex ipsius corpore diffusus
non solum ad cubiculi ambitum , sed longè latèque supra Cœnobii te-
stum emicaret ; cuius rei causa a finitimis cognita , *Domus Dei* nomen
Cœnobio inditum fuit , quo etiam usque in præsentem diem appellatur .
Ex frequentibus verò mentis excessibus , quibus ad interiora cum Deo
colloquia admittebatur , quum cœlestium virtutum formam in se refer-
ret ,

A Reformatorum Cœnobia gubernat . B Ipsius religiosæ virtutes . C Pietas in
Deum .

ret, earum quoque exemplar aliorum animis imprimere vehementer optabat. Hinc ortum habuit zelus ille ardentissimus, quo ad animarum salutem opportunissimis rationibus procurandam accendebatur; neque solùm Religiosos Viros curæ suæ peculiariter commendatos exemplis præceptisque suis ad perfectionis culmen ducere satagebat; sed ceteris etiam omnibus operâ, consilio, sermone, ac potissimum impensis misericordiae & charitatis officiis tutissimum ad Cœlum viam monstrare & complanare curabat. Hic erat præcipuus ipsius scopus, & cum pauperes Christi ægritudine afflitos, eosque maximè, quos propter horrificam morborum speciem, aut contagionis periculum ab aliis derelictos conspiciebat, per se ipse adjuvare, hospitio recipere, laboriosa curatione sublevare gestiebat; & cum, corrogata a divitioribus stipe, calamitosis omnibus opem ferre, potissimum verò Christifidelibus apud Barbaros in captivitate detentis libertatem impetrare studebat; cum demum inimicitias omnes & similitates inter Fideles componere omni studio nitebatur: ut scilicet peccata & vitia eliminaret, pericula occasionesque peccandi omnibus subtraheret, & Proximos a se adjutos, non sibi sed Christo lucrateret, atque ad divinæ Bonitatis amorem, ad Evangelicæ legis observantiam adduceret. Denique purgantium Defunctorum cruciatus pio commiserationis affectu respiciens, oblatis Deo precibus, Sacrificiis, jejunii aliisque voluntariis sui corporis castigationibus prolatam ipsis æternæ Beatitudinis possessionem accelerare curabat.

His aliisque virtutibus apud suos exterisque clarus, miraculorum quoque gratiâ aliisque supernaturalibus donis illustris, cum ad sexagesimum sextum ætatis annum pervenisset, jamque prospiceret, haud procul esse depositionem Tabernaculi sui, de apto idoneoque Rectore gregi suo post se relinquendo solicitus, longum asperumque iter ingressus est, ut Lupum Salazarium antiqui Instituti cultorem ac vindicem ad id muneris suscipiendum suaderet. Eâ re impetratâ, quum Tribulanum Cœnobium in reditu visitasset, inde ad Aquileriense se contulit, ubi lethali morbo correptus decubuit, exactoque inter acerbos cruciatus atque languores integro Quadragesimæ curli, tandem die sancto Paschæ Eucharistici Panis viatico munitus, & sequenti die ab Episcopo Palentia Oleo sancto unctionis in nomine Domini, quum dilectissimos Fratres ad severioris disciplinæ custodiam, ad paupertatis studium, ad initiationem Christi etiam atque etiam hortatus esset, animam suam in manus Dei fidenter amanterque commendans justorum somno obdormivit tertio Kalendas Aprilis Anno salutis MCCCCCLVI.

Petri corpus, ut piis Fidelium turbis ad Cœnobium undique concurrentibus satisficeret, per aliquot dies inhumatum remansit; cumque nullas interim mortalitatis injurias pateretur, tandem in communis Fra-

trum Sepulchro conditum fuit ; unde tamen post triginta sex annos translatum fuit ad prænobile loculamentum , quod ipsi clar. mem. Elisabetha Castellæ Regina ex alabastre marmore extrui curavit .

Ibi & propter constans hominum judicium de Servi Dei Sanctitate , & propter miraculorum frequentiam , assidua venerationis & cultus obsequia a piis Fidelibus ipsi delata fuerunt .

- A Et sanè de generali ipsius Sanctitatis , virtutum & miraculorum famâ Testes sunt antiqui Processus auctoritate ordinariâ super eo confecti , qui cum ante hos centum viginti annos ad hanc Sanctam Sedem delati fuissent , & pro legitimo cultu eidem Servo Dei afferendo Apostolicæ definitionis oracula , instantibus etiam Catholicis Hispaniarum Regibus universoque Ordine Fratrum Minorum S. Francisci vehementer expetarentur ; visum est tel. record. Urbano Papæ VIII. Prædecessori nostro , signatâ Chirographo suo Commissione , ad discutiendam in specie ipsius Beatificationis & Canonizationis Causam , novorum Processuum constructionem demandare . Quibus deinde ad Urbem allatis , & trium antiquiorum tunc temporis Causarum Palatii Apololici Auditorum examini subjectis , quum hi pro sua integritate & prudentiâ eorum validitatem & relevantiam plenissimè approbantes , in luculenta Relatione eidem Urbano Prædecessori exhibita , tam præclaras Servi Dei virtutes in gradu heroico , quam illustria in vita & post mortem ejus intercessione patrata miracula satis demonstrata esse censuissent ; idem Urbanus Prædecessor ipsius Causæ judicium remisit Congregationi Sacrorum Rituum : Quæ post approbatam eorundem Processuum validitatem & examinis formam , quum decrevisset una cum dubio de Regalati virtutibus , alterum quoque de miraculis ipsius intercessione sequutis proponi & expendi ; quatuor intrascripta miracula ad trutinam vocavit . Primum , quod olim in visitatione Conventuum Aquileriæ & Tribuli , quam Dei Servus pedes peragebat , intermedium spatium quadraginta millium passuum unius horæ intervallo confecisset . Alterum , quod quum collectas e communi mensa reliquias aliquando deferret ad pauperes , ob idque a Vicario sibi occurrente objurgaretur , quod supra modum in exteriores se liberalem præberet , quumque is nil aliud quam flores deferre se asseverasset , flores revera in facculo reperti sunt , quos neque anni tempus , neque Regionis natura suppeditare potuerant . Tertium , quod Durii Fluminis aquas , quoties increbuissent , & navicula deesset ad transfretandum , extento super eas pallio , non semel sicco pede transferret . Quartum denique , quod pauperi post ipsius obitum assuetâ eleemosynâ pro Coenobii foribus fraudato , eaque de re ad ipsius Petri sepulchrum conquerenti , exerto e sepulchro brachio , panem porrexerit . Hisque admirabilibus sanè prodigiis , quæ etiam a vetustissimis temporibus marmoreo Servi Dei sarcophago insculpta cernebantur , mature discussis & approbatis , peracto quo-

^a Acta sub Urbano VIII. ^b Virtutum & miraculorum approbatio .

quoque virtutum examine ; eadem Congregatio Decretum edidit die xvi. Novembris anni MDXXX., quo tam virtutes ejusdem Servi Dei , quam ipsa prædicta miracula comprobata fuerunt .

Quum verò paulo post , super hujusmodi judiciorum ordine & methodo , nova & consultissima ejusdem Urbani Papæ VIII. Decreta prodijssent , proindeque inducta suisset necessitas ostendendi , quod iis partum esset ; antequam ad ulteriora in hac Causa procederetur , opus fuit planum facere , quod per centum annos , immo verius per duo ferè secula ante eorundem Decretorum editionem publicus cultus ipsi Dei Servo præstitus fuerat . Quare post aliquot annorum silentium , percrebrescentibus religiosis catholicorum Principum & Populorum votis , instantibus quoque quamplurimis Episcopis universoque prædicto Ordine Fratrum Minorum sancti Francisci , Anno Domini MDCLXXV. a fel. A recordat . Prædecessore pariter nostro Clemente Papa X. de consilio præfaturæ Congregationis Sacrorum Rituum signata fuit Commissio pro reassumptione Cause in statu & terminis , cum facultate in primis & ante omnia conficiendi Processum particularem super partitione Decretis Urbani Papæ VIII. de non cultu editis , seu super casu ab eisdem excepto ; & consequenter ab Episcopo Oxomensi vigore Literarum a prædicta Congregatione ipsi directarum confessus fuit hujusmodi Proces- sus , ac sententiâ rite prolatâ super cultu eidem beato Viro a centenario tempore & ultra publicè exhibito , ac proinde de casu a præfatis Urbani VIII. Decretis excepto : Quam porro sententiam in prædictâ Congregatione Sacrorum Rituum revisam & approbatam san. mem. Prædecessor pariter noster Innocentius Papa XI. Apostolicâ auctoritate confirmavit & roboravit , Decreto edito die xvii. Augusti Anni MDCLXXXIII.

Itaque non solùm ipsius beati Petri cultus impensioribus Fidelium B studiis per totam Hispaniam aliasque Regiones frequentari cœpit , verum etiam subsequitis Apostolicæ Sedis Indultis magnopere auctus fuit ; concessâ primùm in ipsius honorem Officii Divini ac Missarum celebrazione per Ordinem Fratrum Minorum de Observantia , & per alias Hispaniæ Dioceses ; mox extenso per gradus hujusmodi Indulto ad universam Franciscanorum Familiam & ad omnes Hispaniarum Civitates atque Dioceses cum Oratione etiam & Lectionibus propriis , ab eadem Congregatione Sacrorum Rituum examinatis & approbatis ; demum permissa ab eodem Innocentio Translatione Corporis ipsius beati Petri ad novum atque splendidius Sacellum piorum sumptibus in ipsius honorem excitatum .

Quoniam verò , juxta Apostolicarum sanctionum Decreta , ad solemnem Beati Canonizationem minimè procedi poterat , nisi demonstratum

A Approbatio cultus . B Ejusdem cultus amplificatio . C Judicium super novis miraculis institutum .

stratum suisset, nova post indultam ipsi venerationem miracula supervenisse; ideo quum delatum fuerit ad fel. record. Prædecessorem nostrum Benedictum Papam XIII. nonnulla miracula ab omnipotenti Deo ad invocationem ejusdem beati Petri recens patrata fuisse, placuit ipsi Apostolica auctoritate necessarias facultates delegare Episcopis Oxomensi, & Palentino, ut juxta instructiones iis transmittendas super hujusmodi assertis miraculis Testes examinarent, aliasque legitimas probationes colligerent. Hinc delatis ad Urbem Processibus ab iis confectis, eorumque validitate, necnon examinis formâ in Congregatione Sacrorum Rituum recognitâ, & juxta ipsius Congregationis consilium a fel. pariter recordat. Clemente Papa XII. Decessore nostro approbatâ; mox etiam alio Processu ejusdem Clementis auctoritate constructo super novissimo miraculo, ut ferebatur in Diœcesi Palentina edito, cuius pariter Processus validitas approbata fuit; de hujusmodi miraculorum relevantia secundum collectas probationes a dilecto Filio Magistro Ludovico de Valentibus Promotore Fidei diligenter excussas, actum primò fuit inter præfatæ Congregationis Consultores coram dilecto Filio nostro Antonio Xaverio Tituli S. Stephani in Monte Cœlio Presbytero S. R. E. Cardinali Gentili nuncupato, hujus Causæ Ponente a Nobis deputato. Deinde, novis animadversionibus ab eodem Fidei Promotore exaratis, iterum iidem Consultores coram universis Venerabilibus Fratribus nostris S. R. E. Cardinalibus præfatæ Sacrorum Rituum Congregationi præpositis, in Quirinali Palatio nostro congregatis, sententias suas dixerunt: Atque ita demum Causa plenè discussa, & per novissimas prædicti Promotoris animadversiones accuratissimè cibrata, ad nostrum judicium delata fuit. Nos verò omnibus gestorum probationibus examinatis, & tam facti & juris allegationibus, quam Peritorum judiciis & consultationibus perlectis; auditis etiam oretenus tum Causæ Postulatoribus & Patronis, tum etiam præfato Promotore Fidei; Congregationem generalem prædictorum omnium tam Cardinalium, quam Consultorum die secundâ Junii Anni MDCCXLIV. coram Nobis coegimus.

Et quamvis ex tam exquisita rerum omnium discussione, ex Consultorum suffragiis, quæ Nobis antea in scriptis oblata perpendimus, quin etiam in Summarium redacta eidem Cardinalium Congregationi per nosmetipos exposuimus, ac denique ex consiliis prædictorum Ven. Fratrum nostrorum in eadem Congregatione a Nobis auditis, jam satis omnia videri potuissent clarissimâ in luce collocata; nihilominus ut uberiorum cœlestis luminis gratiam perseveranti oratione impetrare meremur, nostram adhuc sententiam proferre distulimus usque ad diem festum S. Bonaventuræ ejusdem Ordinis Fratrum Minorum sancti Francisci; quo die celebratâ Missâ in Ecclesia S. Mariæ Ara-Cœli nuncupata, solemnni Decreto edito, duo infra scripta miracula ipsius beati Petri intercessione a Deo obtenta approbavimus & publicavimus.

Primum est de Cæco illuminato, Didaco nimirum Sacerdote, cognomento Plasentia, qui cum epileptico paroxismo correptus in domesticum focum prunis ardentibus refertum corruiisset, eoque casu plenam ferventis aquæ ollam subvertisset, ustulatâ facie, crematis palpebris, & oculorum acie labefactatâ, omnem videndi facultatem penitus amisit, nec eam quatuor circiter mensium spatio, pluribus etiam remediis adhibitis, ulla in parte recuperavit. Verum quod neque a natura, neque a Medicorum arte obtinere jam amplius sperabat, id ei ab omnipotenti Deo mirabiliter concessum fuit per merita B. Petri Regalati, cuius Cucullum oculis suis admoveri curavit; dum ad illius Reliquiæ contactum, illico perfectissimum oculorum usum recepit, quem ad mortem usque haud imminutum retinuit.

Alterum recentius miraculum experta fuit Birgitta Ortega in satione horrendi ulceris, quod ipsi ex prævio tumore & interclusa sanie in sinistra lumborum regione obortum, cum integumenta omnia, quibus renes continebantur, & duas quoque costas maligna corruptione depascendo absumpsiisset, contracto demum callo, & acerbissimis doloribus cum febri accendentibus, jam prope erat, ut ipsam Mulieris vitam præcideret. Cum tamen illa ad Beati sepulchrum adduci se postulasset, ibique ipsius opem apud Deum cum lacrymis implorasset, iter ingressa ut domum rediret, sensit se repente sanatam, atque ulceris locum inspiciens invenit amplissimam fistulam coailuisse, & cicatrice inducta, nullas alias morbi reliquias jam superesse; quin etiam auctis sibi corporis viribus, optimâ deinceps usa est valetudine, dum vita fuit.

His itaque duobus miraculis cognitis & approbatis, illud definienter^B supererat, an res èo adducta videretur, ut ad solemnem Beati Canonizationem tutò procedi posset: Qua in re quum jam pridem dubitatum fuisset, an obstaret Decretum a Nobis editum die XXIII. Aprilis Anni MDCCXLI., quo scilicet inter alia statuimus, in Causis Servorum Dei per viam Cultus immemorabilis, sive Indulti procedentibus, & in quibus virtutes ex Testibus duntaxat de auditu, sive ex coævorum Scriptorum testimoniis probatae fuissent, quum post approbationem Cultus immemorabilis ad solemnem Canonizationem transitus fieri vellet, non duo solum, ut olim obtinuerat, sed quatuor in posterum miracula rite probari debere: Hujusmodi dubitatio a Nobis sublata fuerat per aliud Decretum die secunda Augusti ejusdem anni prolatum, quo declaravimus, hanc Causam ab ea lege exceptam esse & censeri debere; ob eam nimirum justissimam rationem, quod quum jam usque a temporibus Urbani Papæ VIII., ut supra diximus una cum heroicis beati Petri virtutibus, quatuor simul miracula approbata fuerint, jure dici poterat prædicto generali Decreto nostro antecedenter parituñ fuisse, proindeque

ad

A Miracula pro Canonizatione approbata.

B De tuto progressu ad Canonizationem.

ad ipsius Beati Canonizationem non quatuor sed duo tantum miracula approbanda superesse. Itaque prædicta quæstione proposita in Congregatione generali Sacrorum Rituum coram Nobis habita die XXII Septembris Anni MDCCXLIV., unanimis omnium sensus fuit, ut ad solemnem beati Petri Canonizationem servatis servandis quandocumque procedi posset; Nosque ipsi deinde solemne Decretum in eandem sententiam edidimus die VI. Octobris ejusdem Anni.

Cumque charissimi in Christo Filii nostri Philippus V., & Elisabetha ejus Coniux Hispaniarum Reges Catholici, cum reliquis ipsorum Regis Familiae Principibus, oblatas jam pridem a Prædecessoribus suis Apostolicæ Sedi preces & postulationes pro hujus beati Viri Canonizatione omni studio soverent, accederentque in eum finem complurium Ven. Fratrum Hispaniæ Antistitum, totiusque religiosissimi Ordinis Fratrum Minorum S. Francisci vota & obsecrations; Nos ut in hoc gravissimo negotio ^Ajuxta præscriptam servatamque a Prædecessoribus nostris agendi normam procederemus, universi primùm Collegii Ven. Fratrum nostrorum S.R.E. Cardinalium in Consistorio secreto VI. Idus Aprilis coram Nobis congregatorum sententiam atque consilium exquisivimus. Quibus post auditam a Nobis gestorum seriem, & beati Viri præclara merita, ad legitimam Causæ hujus absolutionem unanimi voce Nos adhortantibus; non viciiores modò, sed etiam remotiores per Italiam Episcopos & Archiepiscopos moneri curavimus, ut circiter Kalendas Junias, quibus commodum esset, ad Urbem sese conserrent; quòd & instantem Natalem diem beatorum Apostolorum Petri & Pauli, veteri more nobiscum una celebrent, & Nobis de sæpedicti B. Petri Regalati, necnon BB. Fidelis a Sigmarina Martyris, Camilli de Lellis & Josephi a Leonissa Confessorum, & Catharinæ de Ricciis Virginis, solemni Canonizatione deliberantibus, consiliorum suorum suffragia, prout Spiritus sanctus ipsis suggestisset, exponerent.

^B Ut autem præclaræ ipsius B. Petri virtutes ejusque insignia miracula, necnon adhibitæ cautiones in totius Causæ discussione neminem laterent, indicto priùs coram Nobis plenario confessu omnium Ecclesiasticorum Ordinum & Collegiorum ac Magistratum Romanæ Curie, mandavimus a dilecto Filio Joseph Ascevolino nostræ Coaeditorialis Aulae Advocato de præmissis omnibus verba fieri; mox etiam exactam eorundem narrationem ex authenticis documentis religiosè collectam, ac typis impressam omnibus suffragium laturis exhiberi curavimus. Demum convocatos in Consistorio semipublico die XI. currentis Junii unicus versos Ven. Fratres nostros S. R. E. Cardinales, necnon Patriarchas, Archiepiscopos & Episcopos, qui jam frequentes undique in Urbem convenerant, conceptis verbis requisivimus, an ad ipsius B. Petri Canonizatione

^A Consistorium secretum. ^B Consistorium publicum. ^C Cardinalium & Episcoporum consilia in Consistorio semipublico.

zationem deveniendum nobis esse censerent. Ipsi verò summo animorum consensu gravibusque rationibus omnes in affirmativam sententiam ire comperti sunt. Qua de re a dilectis Filiis Apostolicæ Sedis Notariis ibi præsentibus publica Instrumenta confici, ac præter ea suffragiorum ipsorum exempla a singulis prædictis subscripta in Tabularium Ecclesiæ Romanæ inferri mandavimus.

Nos autem priusquam de summa rei definiendo pronunciaremus, ut quid placitum esset coram Deo, ab ipso Patre lumen edoceri merebemur; indictis per Uibem jejunii designatisque Ecclesiis cum Indulgentia ab iis consequenda, qui Nobilcum cœlestem opem implorarent, orationibus & obsecrationibus intare non prætermisimus; donec hac die coruscante SS. Apostolorum Petri & Pauli Natalitio dicatâ magnam venerandæ solemnitatis lætitiam, novo Ecclesiæ gaudio, per definitivæ hujusmodi Sententiæ prolationem cumulare decrevimus. Quare præeuntibus supplicationis generalis ritu, omnibus primùm Cleri Regularis Ordinibus, cum Ecclesiarum Collegiatarum & Basilicarum etiam Patriarchalium Cleris atque Capitulis, necnon præfatæ Congregationis Sacrorum Rituum Consultoribus, Nos ipsi demum cum dilectis Filiis Aulæ nostræ Officialibus & Familiaribus, cum Schola Cantorum cunctisque Romanæ Curiæ Prælatorum Collegiis, Presbyteris quoque Pœnitentiariis Sacerdotali veste indutis, denique cum Ven. Fratribus Episcopis, Archiepiscopis, & Patriarchis, qui ad octoginta ferè adfuerunt, universoque Ven. Fratrum nostrorum S. R. E. Cardinalium Collegio, ex Apostolicis Ædibus prodeentes, frequenti Procerum & Magistratum numero stipati, & subsequentibus Apostolicæ Sedis Notariis, ac Regularium Ordinum Generalibus Superioribus, ad Basilicam beatissimi Apostolorum Principis in Vaticano cœlestis Sponsæ ornatu fulgentem Nos læti contulimus; quò Nos vocabat & ipsa memorabilis diei festivitas & antiquissima Prædecessorum nostrorum consuetudo, quibus solemne fuit præclaros hujuscemodi Sanctorum triumphos non alibi, quam apud memoriam ejusdem B. Petri Apostoli celebrare.

Ibi quum dilectus Filius noster Joachimus Tit. Sanctorum Quatuor Coronatorum Presbyter S. R. E. Cardinalis Portocarrero nuncupatus, perorante dilecto Filio Virgilio Montecatino nostræ Consistorialis Aulæ Advocato, enixas quas supra innuimus, supremorum Principum, Ecclesiarum & Ordinum preces atque postulationes pro B. Petri Regalati, aliasque pro BB. Fidelis, Camilli, Joseph, & Catharinæ Canonizatione Nobis instanter repræsentasset; Nos quidem ad gravissimi Judicii definitionem absque iteratâ cœlestis auxilii invocatione procedere non audentes, decantatis cum venerabili Consacerdotum Cœtu & devotissimo Populo sanctorum Litaniis, Deum Optimum Maximum per omnium electorum suorum merita precati sumus, ut Sedium suarum af-

A a a a

sistricem

stricem sapientiam in cor nostrum immittere dignaretur. Cumque adhuc instantius pro exoptatae Sententiæ prolatione ab eodem Cardinali Promotore urgenterunt; Nos iterum in genua pro voluntate Paraclitum Spiritum sanctum Hymno & Oratione solemnni rogavimus, ut lucis suæ radium emittens mentis nostræ tenebras discuteret, & trepidantem adhuc fragilitatem nostram virtutis suæ robore confirmaret. Denique ad reiteratas & instantissimas præmissorum obsecrations, quin potius ad manifesta universæ catholicæ Ecclesiæ vota, ad maturas deliberatio-

A nes rite præhabitas, & declaratum jampridem Ecclesiastici Senatus consilium respicientes, eaque auctoritate suffulti, quam Dominus Noster Jesus Christus beatissimis Apostolis Petro & Paulo Nobisque licet imemerentibus tribuit, in honorem sanctæ & individuæ Trinitatis, Fidei catholicæ exaltationem & christianæ Religionis augmentum, definitivo pronunciato Decreto, prædictum Petrum Regalatum Ordinis Minorum S. Francisci Sacerdotem expressè Professum, Regularis disciplinæ adsertorem & vindicem, christianarum virtutum præstantiâ & miraculorum gloriâ fulgentem, una cum supradictis Fideli, Camillo, Joseph, & Catharina Sanctum esse declaravimus, & Sanctorum Catalogo adscriptimus; statuentes ipsius Petri memoriam inter sanctos Confessores non Pontifices ab Ecclesia universalis quotannis die XIIII. Maji pia devotione recoli debere; in Nomine Patris & Filii & Spiritus Sancti.

Mox decantato pro debita gratiarum actione consueto Laudis & Confessionis Hymno, Nostrisque & Ecclesiæ precibus prædictorum Sanctorum interventioni commendatis ad Aram Basilicæ maximam supra sacratissimam Confessionem B. Petri Apostoli incruentam salutis nostræ Hostiam oblaturi reverenter accessimus. Porro post Evangelicam lectio-

nem a Diaconibus utrâque lingua recitatam continere labia nostra non potuimus, quin in tam justa sanctaque lætitia, Sacerdotalibus vocibus ex abundantia gaudii nostri erumpentibus, splendidissimam alloquere-
mur Ven. Fratrum dilectorumque Filiorum Coronam; ut quos devota Religio, & Apostolicæ Sedis reverentia, non ex Urbe modò, aut ex finitimis locis; sed ex longinquis etiam & ultramarinis Regionibus ad Sepulchra Apostolorum frequentes attraxerat, antiquis beatorum Prin-
cipum victoriis lætantes, & recenti Sanctorum triumpho plaudentes, ad eorum virtutes pro viribus imitandas, ad eorundem Patrocinia studiosè demerenda, atque in præsentibus potissimum calamitatibus quibus Ec-
clesia Dei jamdiu conflictatur, enixè imploranda, Paterno affectu & ser-
mone accenderemus. Denique concessâ omnibus adstantibus plenariâ peccatorum Indulgentiâ, his verò qui singulis annis prædicta die XIIII.

B Maji, ejusdem sancti Petri Regalati exuvias, aliisque statutis diebus aliorum Sanctorum prædictorum Sepulchra devotè visitaverint, septem annis & totidem Quadragenis de injunctis eis, seu alias debitissimis poeniten-
tiis,


tis, auctoritate prædicta in perpetuum relaxatis; omnipotenti Deo vota nostra reddentes, sacrosancta Mysteria pro totius Mundi salute, pro Ecclesiæ pace, pro sanctæ Plebis in columitate solemni ritu peregrimus. A

Quoniam verò post prolatam a Nobis, ut præficitur, hujusmodi Canonizationis & Adscriptiois Sententiam, ab eodem Cardinali Promotori Nobis humiliter supplicatum fuit, ut super præmissis omnibus Apostolicas literas perpetuò valituras decernere, atque edere dignaremur; ideo Nos justissimæ petitioni annuentes, præsentium literarum tenore, atque ex certa scientia & Apostolicæ auctoritatis nostræ plenitudine omnia & singula prædicta confirmamus, roboramus atq[ue] iterum statuimus, decernimus, universæque catholicæ Ecclesiæ denunciamus; mandantes, ut earundem præsentium transumptis sive exemplis etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ab omnibus habeatur, quæ ipsis præsentibus adhiberetur, si forent exhibitæ vel ostensæ.

Si quis verò paginam hanc nostræ Definitionis, Decreti, Adscriptiois, Mandati, Statuti, Relaxationis, & Voluntatis infringere, vel eius ausu temerario contraire præsumperit, indignationem omnipotentis Dei & beatorum Petri & Pauli Apostolorum ejus se noverit incursum.

Datum Romæ apud sanctum Petrum anno Incarnationis Domini-
æ MDCCXLVI., III. Kalendas Julii, Pontificatus Nostri anno vi.

† Ego Benedictus Catholicæ Ecclesiæ Episcopus.



† Ego T. Episcopus Ostien. & Velternen. Card. Rufus Decanus, &
S. R. E. Vice-Cancellarius. Aaaa2 † Ego

^A Literæ decernuntur. ^B Eorumque exemplis fides tribuitur. ^C Sandio. ^D Dat.
Pontific. An. 6. die 29. Junii 1746.

† Ego A. Episcopus Portuensis Card. S. Clementis S. R. E. Camerarius .
† Ego V. Episcopus Prænestinus Card. Petra . Major Poenitentiarius .
† Ego P. A. Episcopus Alibani. Card. Carafa .

[†] Ego V. Episcopus Sabinen. Card. Bichius.

† Ego Nicolaus Maria Tit. S. Petri ad Vincula Presbyter Card. Lercari.

Ego F. Tit. S. Marie Transtiberim Presbyter Card. Burghesius.

[†] Ego A. Tit. S. Stephani in Monte Coelio Presbyter Card. Gentili.

Ego Fr. J. A. Tit. SS. Silvestri & Martini Presbyter Card. Guadagni.

[†] Ego T. Tit. S. Cæciliæ Presbyter Card. de Acquaviva.

[†] Ego D. Tit. Basilicæ Sanctorum Duodecim Apostolorum Presbyter Card. Rivera.

† Ego J. B. Tit. S. Mariæ Angelorum Presbyter Card. Spinula .

[†] Ego R. Tit. S. Sabine Presbyter Cardinalis de Ilcio.

Ego D.-Tit. S. Bernardi ad Thermas Presbyter Card. Passioneus.

[†] Ego S. Tit. S. Priscae Presbyter Cardinalis Valenti.

Ego J. F. Tit. SS. Quatuor Coronatorum Presbyter Card. Portocarrero.

[†] Ego C. Tit. SS. Joannis & Pauli Presbyter Card. Paulutius.

Ego C. A. Tit. S. Mariae de Pace Presbyter Card. Cavalchinus.

+ E_{σ_0}

- † Ego F. Tit. S. Mariae de Populo Presbyter Card. de Ricciis .
 † Ego A. Tit. S. Silvestri in Capite Presbyter Cardinalis Rufus .
 † Ego P. M. Tit. S. Agnetis extra muros Presbyter Card. de Montibus .
 † Ego F. Tit. S. Matthaei in Merulana Presbyter Card. Tamburini .
 † Ego I. Tit. S. Crucis in Hierusalem Presbyter Card. Besozzi .
 †
 †
 †
 †
 †
 †
 †
 †
 †
 †
 †
 Ego Carolus S. Mariae in Via-Lata Diaconus Card. de Marinis .
 Ego Alexander S. Mariae ad Martyres Diaconus Card. Albanus .
 Ego Neri S. Eustachii Diaconus Card. Corsinus .
 Ego Agapitus S. Agathæ Diaconus Card. Mosca .
 †
 †
 †
 Ego C. S. Mariae in Porticu Diaconus Card. Sacripantes .
 Ego M. SS. Cosmæ & Damiani Diaconus Card. Bolognetus .
 Ego H. S. Angeli in Foro Piscium Diaconus Cardinalis Columna .
 Ego P. S. Georgii in Velabro Diaconus Card. Columna .
 Ego A. S. Mariae in Aquiro Diaconus Card. Tanari .
 Ego H. S. Adriani Diaconus Card. Bardi .
 Ego D. SS. Viti & Modestii Diaconus Card. Ursinus .
 †

D. Card. Passioneus :

J. Datarius .

V I S A
de Curia I. C. Boschi .

J. B. Eugenius .

Loco † Plumbi .

Registrata in Secretaria Brevium .

LITERÆ DECRETALES
CANONIZATIONIS

B. JOSEPHI A LEONISSA CONFESSORIS.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

A **H**umani generis Redemptor Dei Filius , Sapientia Patris , ita mentes hominum desiecat̄ veteri , qua operiebantur caligine , novo doctrinæ cœlestis splendore illustravit , ut simul ad ejus lumen ductumque sequendum maximis & pretiosis promissis languentia corda erexerit & excitaverit . Ita porro dum Nos edocuit , abjectā de perituris divitiis sollicitudine , Thesaurum non deficientem in Cœlo nobis parare , in eoque cogitationes & corda nostra defigere ; simul etiam certissimam hujusmodi Thesauri adipiscendi spem nobis ostendit in Dei & Patris nostri benignitate fundatam , cui placuit humilitati nostræ Regnum æternum disponere & destinare . Quod si terreni Regni , quantumvis caduci , fastigium , vilioribus mercibus , aut parvo agello , luteisve casis nemo non anteferret ; si momentaneam oblectationis voluptatem nemo præ Imperii gloriâ amplissimaque dominatione non aspernaretur ; quis erit profecto , qui mundanas , quantivis pretiis , opes , potentiam , honores , comparare audeat cum ineffabili cœlestis Regni beatitudine , quam Christus Dominus pusillo Electorum suorum gregi promisit ? Cujus gloria non in opinione hominum , sed in divinæ gloriæ communione sita est ; in qua bonum quod possidetur , desideriorum mensuram excedit ; ubi denique in visione ac fruitione Dei , atque in beata Sanctorum societate plena est felicitas , perpetua jucunditas & secura tranquillitas .

Ad hanc cœlestis Regni promissionem advigilans , hunc veræ felicitatis fontem sitiens beatus Joseph a Leonissa Religiosum Institutum Fratrum Minorum sancti Francisci , quos Capuccinos appellant , plenâ voluntate & constanti devotione professus , desertam a vitiis , inviam adversariis potestatibus , & aridam a deliciis secularibus terram incolere statuit , ut sic tandem in sancto apparere Deo mereretur , atque ad illius Beatitudinis & gloriæ consortium feliciter pervenire . Quam sanè præclaram mercedem ipsius sanctæ conversationis , diuturnæ pœnitentiæ strenuorumque laborum , quos pro Dei honore & Proximorum salute ad

mor-

mortem usque toleravit, eidem beato Viro in cœlesti Patria a Deo retributam fuisse, eumque propterea inter sanctos Confessores cum Christo regnantes ab Ecclesia universa colendum & venerandum esse, inspectis heroicis ipsius virtutibus, necnon miraculis ejus intercessione a Deo editis, apud Nos & Apostolicam Sedem rite probatis, cum consilio & assensu Venerabilium Fratrum nostrorum S. R. E. Cardinalium, & Patriarcharum, Archiepiscoporum, & Episcoporum in Romana Curia congregatorum, deque attributæ Nobis potestatis plenitudine, nuper definiendo pronunciavimus, ac præsentium literarum tenore edicimus, statuimus, atque decernimus.

Leonissæ Aprutii Oppido ex Joanne de Desideriis & Francisca de A Paulinis in Spoletana Diœcesi anno MDLVI. natus est Joseph, in Baptismate Euphranius dictus, & primò quidem apud Parentes piè ac liberaliter educatus fuit; postea verò iis defunctis, Viterbii ubi Patruus publicè docebat, adolescentiæ ætatem castè integrèque transegit. Cum autem soli Deo perseveranter adhærere statuisset, oblatas sibi a Patruo honestissimas nuptias, perpetuo virginitatis proposito se obstringens constanti animo recusavit; seque tandem ab omnibus Mundi periculis, insidiis, fallaciis, terroribus, in perfectam Filiorum Dei libertatem vindicaturus ad Religiosa Capuccinorum Clastra apud Assisium confugit, ubi frustra obnitentibus consanguineis, & minas etiam adhibentibus, quò eum a sancto proposito avocarent, arctiorem sancti Francisci Regulam professus est.

Quo autem mentis ardore suave Christi jugum Joseph amplexus es-
set, facilè apparuit ex incredibili studio, quo & statim ad capessendum
virtutum omnium culmen totus incubuit, & nunquam deinceps a suscep-
pto perfectionis cursu deflexit. Religiosæ paupertatis & spiritu & reipsa B
eximius cultor, in summa rerum inopiâ, in qua hujusmodi Instituti se-
ctatores vitam degunt, complura invenit, quæ suis usibus voluntariè
detraheret.

Mitis animo & humilis corde, se totum suasque actiones & vo- C
luntas arbitrio Superiorum, quorum mandata aperto capite & fle-
xis genibus excipere solebat, penitus permisit; ut quum sine eorum jussu
cujcumque rei ineptum se esse duceret, eorum accedente nutu, diffici-
lia quæque aggredi non dubitaret: Quum verò nihil de se suisque viribus
præsumeret, & ne suas quidem preces apud Deum quidquam valere pu-
taret, aliorum orationibus assiduè se commendabat: Denique in vilissi-
mis quibusque exercendis ministeriis, in ferendis contemptibus & ludi-
briis latus & alacer, tunc solùm tristari videbatur, quum aut munus
honorificum suscipere cogeretur, aut meritæ ipsius virtuti laudes tri-
buerentur.

At

A At verò seipsum pro abjecta , quam de se fovebat , opinione , sic asperè duriterque tractabat , ut difficile sit alium reperire , qui novissimis hisce seculis pœnitentiæ ac mortificationi magis addictus fuerit . Quum etenim perpetuum ferè jejunium sibi indixisset , non alio plerumque pane , quām duro ac mucido , non alio obsonio , quām putridis ac semiustis leguminibus , aut crudis oleribus , non alio potu , quām corruptis aquis , aut vino cineribus conferto vitam sustentabat ; & nihilominus crucifigendæ carnis suæ cupidior in dies , inusitatis flagellorum generibus suas in se ipsum manus armabat , quibus corpus suum acerrimè dilanieret ; & quia non semper id ipsi licitum erat , horrida cilicia , ferreas catenas , ferreos circulos , ferream loricam , ad continuum sui cruciatum adhibebat : Et tamen hilari fronte ac læto vultu Apostolicæ prædicationis ministerium adimplens tanto spiritus fervore afficta membra regebat , ut nec æstus , nec frigora , nec soles , nec imbres , nec famem , nec sitim , neque labores sentire videretur ; dummodo aliquod ficeret animarum lucrum , ac Dei cultum & gloriam propagaret .

B Justitiam enim esuriens & sitiens , nec de propria solùm perfectione solitus , sed ad aliorum quoque salutem procurandam ardentissimo studio intentus , quum prædicandi & evangelizandi munus ex obedientia gereret , incredibili labore ac zelo , nec minore animarum fructu , toto vitæ suæ cursu illud obivit . Frequens illi erat uno eodemque die plures diversis populis , diversis argumentis , diversis in locis sacras conciones habere ; nec tamen ideo restinctâ ardoris sui flammâ , gaudebat privatis exhortationibus homines a vitiis avocare , ad virtutem inflammare , pueros & rudes Fidei elementis christianâque doctrinâ imbuerere . Quin etiam ad Infidelium terras , ad ipsam Mahumetanæ impietatis arcem quum accessisset , non modò Fidelibus in Babylonis captivitate degentibus opportuna attulit conservandæ Religioni præsidia , sed plures Infideles ad christianæ veritatis lucem quum adduxisset , exterminandæ impietatis cupidissimus non dubitavit ipsum Imperii Tyrannum in Palatii sui penetralibus intrepidâ charitate adoriri , ut ei Evangelium Christi annunciat . Quod sanè magnanimum facinus , quum inscrutabili Dei judicio in irritum cessisset , regressus Joseph in Italiam , reliquum vitæ spatum in Dominicæ Vineæ cultura per Aprutii potissimum & Umbriæ Provincias impedit .

C In eas porro geminum Doctrinæ & Misericordiæ suæ thesaurum effudit ; & sicuti , impositum sibi Apoloticum ministerium adimplens pro æterna animarum salute utilissimè semper adlaboravit ; ita ad sublevandos omnes in hujus vitæ angustiis & afflictionibus constitutos admirabilis charitatis opera indesinenter exercuit . Quos enim ad Cœlestis beatitudinis sedem veluti manuducere conabatur , eos in mundi hujus calamita-

A Pœnitentiæ deditus . **B** Justitiæ cupidus , & divini cultus amplifier .
C Misericors in Proximos .

tatibus oppretos jacere, quantum in ipso erat, minimè patiebatur. Itaque parum est, quod pauperes omnes ad se configentes, immò verius studiosissimè a se conquistos omni ratione juvabat, quod iis non solum mensē reliquias, sed ipsum paratum sibi cibum, atque etiam labores manuum suarum largiebatur; quod ægrotos quoslibet invisere, eosque piis hortationibus assiduisque officiis ac ministeriis reficere nunquam prætermittebat; quod carceribus inclusos solari, pascere, atque iis vel Judicum clementiam, vel Creditorum benignitatem conciliare curabat; Sed extant ad hunc usque diem eximiæ ipsius charitatis perennia monumenta in publicis Hospitiis pro infirmorum, aut peregrinorum perfugio, in Montibus Pietatis pro pauperum subsidio, per earum Regionum Civitates & Oppida, ipso potissimum hortante, promovente, accurante, erectis, dotatis, instructis.

Cum autem in assiduis hujusmodi prædicationis & beneficentiae operibus immensi essent ipsius labores, æquum profectò erat, ut congruam vicissim corpori animoque suo quietem & relaxationem non invideret. Hanc Joseph in religiosa divinarum precum recitatione, ac potissimum in solitaria oratione, atque in rerum cœlestium meditatione capiebat; quarum amore integras sæpe noctes ante Crucifixi Domini sui effigiem insomnes ducebat; atque in ejus bonitatis sinu acquiescens, in immensa illius charitatis profundum se immergens, ipsi suam, ipsi Ecclesiæ causam, ipsi laborum suorum fructum impensè amanterque commendabat. Ad quem porro divinæ amicitiae gradum Joseph evectus fuerit, tutò concilere licet ex singularibus donis, quibus glorificavit eum Deus in conspectu hominum; ut nimirum secreta cordium introspiceret, absentia tamquam videns enunciaret, futura prædiceret, naturæ atque elementis mirabiliter imperaret. Quis autem valeat enarrare beatas illas communicationes ac spirituales delicias, quibus omnipotens Deus fidem Servum suum cumulare solebat? Satis hæc manifestè apparebant ex frequentibus adspirationibus affectibusque ardentissimis, quibus, in mediis etiam ministerii sui occupationibus, prægultatae suavitatis memor totus in Deum ferebatur; satis intimam illius animæ unionem cum Deo testibatur imperturbabilis illa pax, quam secum & cum Proximo in omni rerum vicissitudine constanter servabat.

Hanc pacem, quam Salvator Noster sua morte nobis acquisitam, exemplis præceptisque suis commendatam, veluti paternam hæreditatem discipulis suis reliquit, hanc Joseph in omnium Fidelium cordibus se Julli plantare curavit, in eâque potissimum evangelizandâ prosperos atque mirabiles successus obtinuit. Ardebat eo seculo inter finitimas prædiistarum Regionum Civitates inimicitiae, inter Familias discordiæ & similitates, inter plerosque Cives dissensiones & odia; indeque tumultus & rixæ, frequentesque cædes & homicidia, cum peculorum excidio Dei-

B b b b

que

que offensâ in dies oriebantur. Hanc ergo veluti furentium leonum silvam ingressus Joseph , succinctus pectora baltheo charitatis , & calceatus pedes in præparatione Evangelii pacis , fidei scutum galeamque salutis assumens , & gladio spiritus , quod est Verbum Dei , instructus ; tumentes undique iras compressit , odia restinxit , atque efferata dudum corda christianæ pacis suavitate demulxit ; ut nova prorsus Regionis facies , novi populorum mores brevi tempore apparuerint ; ipsi verò tamquam restitutori pacis , & fundatori publicæ quietis , maxima apud homines parta gloria , majus autem præmium pacificis a Deo promissum in Cœlis assertum fuerit .

A Verùm quò majorem adipiscendi Cœlorum Regni securitatem Servo suo saceret Deus , permisit eum in tentationes varias incidere , gravissimasque persecutiones pro justitia perpeti ; ut ipsius virtus per tribulatum ignem probata inveniretur in laudem & gloriam in die Domini nostri Jesu Christi . Nam præter immane supplicium eidem Constantinopoli ab Infidelibus irrogatum , quum intra Palatii septa deprehensum , quò ad annunciatum Christi fidem penetraverat , sublimi e trabe ferreis uncis suspenderunt , atque igne sumoque supposito pene suffocarunt ; innumeras etiam ab improbis Christianis injurias atque molestias sæpe sustinuit , dum pro suscepto sanctæ prædicationis officio , hominum vitia viriliter oppugnans , atque ita pervicacium offenditionem incurrens , verberibus sæpe , & colaphis , & contumeliis impetus , aliquando etiam in vita discrimen adductus fuit . Quæ tamen omnia , quum nec ipsius mansuetudinem neque constantiam loco demovere valuerint , totidem Josepho gradus facta sunt ad cœlestem triumphum , quem ipsi tandem a justo Judice tributum fuisse non est dubitandum .

B Id enim evincit ipsius pretiosa mors , quam apud Oppidum Amatricis Reatinæ Dioecesis , post diuturnam infirmitatem in pietatis & patientiæ exercitationibus transactam , anno ætatis suæ quinquagesimo septimo , ab Incarnatione Domini MDCXII. , placidè obiit in osculo Domini ; & manifestè ostendunt illustria signa atque miracula , quæ ab omnipotenti Deo , tum sæpe Josepho vivente , tum etiam in ipsa ejus morte & post illam edita fuerunt ; inter quæ id sanè mirabile fuit , quod defuncti corpus assidua maceratione , ac morbi vi antea squallidum , inusitatâ coloris & speciei venustate repente florere , & suavissimum odorem exhalare coepit ; intima vero ipsius viscera medico cultro dissecta , nulla imbuta fæce , sed lacteo quodam humore tota redundare reperta sunt . Innumeræ verò gratias ad Josephi invocationem a Deo se obtinuisse testati sunt Fideles , qui ad ipsius funus undique frequentes convenerunt propter conceptam de ipsius Sanctitate opinionem ; qua etiam impellen-te , Josephi Cives post aliquot annos pium illud facinus audacter perpetra-

A Adversa patitur propter fidem , & justitiam .

B Ipsius sancta mors miraculis illustrata .

petrarunt, ut nocte quadam, occasione data, ad Amatricis Oppidum accedentes venerandum ipsius corpus asportarent, & Leonissam deferrent; firma spe ducti, magnum sibi adversus ingruentes calamitates in illius possessione ac Servi Dei patrocinio præsidium fore.

Cumque ad legitimum instruendum judicium de ipsius Beatificatio- A ne & Canonizatione nihil deesset eorum, quæ per Sacrorum Canonum & Constitutionum Apostolicarum Decreta requiruntur; nonnulli primùm Processus a Locorum Ordinariis constructi, mox etiam alii Apostolica Auctoritate confecti fuerunt, ex quibus desumptæ sunt tum Virtutum Theologalium & Cardinalium, iisque adnexarum, quæ in Josepho emicuerunt, tum etiam Miraculorum ejus intercessione a Deo editorum plenissimæ probationes; quibus per dilectos Filios Consultores Congregationis Sacrorum Rituum, deinde per Ven. Fratres nostros S.R. E. Cardinales eidem Congregationi præpositos maturè & ex ordine discussis, sanctæ memoriae Prædecessor noster Clemens Papa XII., auditis eorum consiliis, die XV. Julii Anni MDCCXXXIV. definivit; Constare B de Josephi Virtutibus in gradu heroico; ac similiter triennio post, die nempe VIII. Junii Anni MDCCXXXVII. de duobus Miraculis constare decre- C vit; nimirum de puerō, qui a nativitate palpebras inter se adeo junctas habebat, ut lucis usura ipsi perpetuò interclusa judicaretur; imploratâ verò super eum Josephi ope, oculos statim aperuit, perfectumque visionis sensum deinceps obtinuit: deque Josepho Novello, qui quum gravissimo vulnere in genu sauciatus fuisset, invocato Servi Dei nomine, momento temporis sanatus fuit. Et consequenter de ipsius pariter Congregationis consilio idem Prædecessor ad publicum cultum Josepho indul- D gendum progressus est: Qua de re expeditis Apostolicis Literis die XIX. ejusdem mensis & anni, ejus Beatificationis Solemnia in Basilica Lateranensi celebrata fuerunt, aliaque religiosi cultus obsequia ad formam Indultorum in iisdem Literis contentorum, ipsius beati Viri memoriae summo Fidelium studio fuerunt exhibita.

Altero autem biennio vix elapo, quum eidem Clementi Prædecessori pro parte Ministri Generalis Ordinis Minorum S. Francisci Capuccinorum, totius Religionis suæ nomine, expositum fuisset, ipsius beati Viri Sanctitatem novis atque frequentibus Miraculis a Deo illustrari, communibusque Populorum Votis atque etiam postulationibus clar. mem. Caroli VI. Hispaniarum Catholici & Romanorum Regis in Imperatorem electi, nec non Carissimorum in Christo Filiorum nostrorum Magnæ Brittaniæ, Poloniæ, atque Sardiniae Regum, aliorumque supremorum Principum & Magnatum, complurium præterea S. R. E. Cardinalium, Antistitum, Ecclesiarum, atque Universitatum expeti, ut de solemnib- E bbbb 2 ejusdem

A Series Actorum in causa ipsius Beatificationis. B Approbantur ipsius heroicæ virtutes. C Item miracula hic enunciata. D Beatificatio.

E Causa reassumitur.

ejusdem Beati Canonizatione juxta Ritum & praxim Sanctæ Romanæ Ecclesiæ tandem ageretur; placuit eidem Prædecessori, præfata Congregatione approbante, pro hujusmodi Causæ reaſumptione Commissionem signare, & compilationem novorum Processuum super indicatis Miraculis post indultam Iosepho venerationem sequutis, auctoritate Apostolica, nonnullis Episcopis de more delegare.

A Quorum Processuum validitate approbatâ, Nobis jam Dei voluntate in Petri Cathedra sedentibus, sex potissimum Miracula in præfata Sacrorum Rituum Congregatione iteratis vicibus rite discussa fuerunt; de quibus postquam Nos ipsi suffragia Consultorum perlegimus, & Cardinalium prædictorum consilia audivimus in Congregatione Generali coram Nobis habita die xxii. Septembris Anni MDCCXLIV., nihil Nos quidem tunc pronuncia vimus, sed invocato saepius Divini luminis adjutorio novisque diligentiis jussu nostro peractis, ut quædam tollerentur difficultates in animo nostro subiectæ, dum interim privatis studiis rem totam ad summum judicij rigorem exigeremus, demum die prima Maji Anni MDCCXLV., in Festo sanctorum Apostolorum Jacobi & Philippi, celebratâ Missa in Basilica Lateranensi, publico Decreto edito, infra scripta duo Miracula tertii generis omni ex parte probata esse declaravimus.

B Primum est consolidatio crurium & femorum pueri Iosephi Dionysii, qui inferiora hujusmodi membra adeo debilia & flaccida ab utero Matris attulerat, ut iis nullo modo corpus sustentare posset; quin immo quum eorum membrorum carnes, linteoli ritu, quaquaversum complicarentur, ossibus ea carere omnino putabantur: Hunc Mater biennii jam ætate nil profici entem ad Aram adduxit, sub qua beati Iosephi corpus requiescit; cumque omnipotentem Deum pro deplorata filii sanitate per ipsius Beati merita cum lacrymis exorasset, exaudita est oratio ejus, ita ut puerum inde pedibus suis incidentem Domum reduxerit.

C Alterum est sanatio Antoniae Morelliæ, cui congesta tabes in sinistra thoracis regione interiora viscera adeo infecerat, ut licet Chirurgi manu externus tumori hiatus apertus fuerit, attamen non ex eo solùm, sed sepe etiam ex ægrotantis ore, saries mixta sanguine alternatim fluere perrexerit; assiduusque dolor cum tussi & febri, hecticam Mulierem biennio toto afflictam detinuerit; vulnus autem, contracto callo, in fistulam degeneraverit, ex qua spiritus per respirationem pectore exceptus adeo liberè permeabat, ut aliquando candelæ flamمام extingueret. In hoc desperato valetudinis statu, quum oleo ex lampade ante corpus beatæ Iosephi ardente fistulæ labia inuncta fuissent; unius noctis spatio fistula coaluit, abscessit febris & dolor, tussis cessavit, color viresque redierunt, atque integra & perseverans valetudo Mulieri est restituta.

His

His igitur probatis, quum in præfata Sacrorum Rituum Congregatio- A
tione coram Nobis coacta die 3. Augus^ti ejusdem Anni MDCCXLV., pro-
posita fuerit questio, an tutò procedi posset ad' solemnem beati Josephi
Canonizationem, nemini dubium suit, quin juxta praxim Apostolicæ
Sedis & Prædecessorum nostrorum Decreta, omnia jam ad hujusmodi
effectum abundè suppeterent; Nosque ipsi demum die XVI I. ejusdem men-
sis & anni in anniversario Assumptionis nostræ solemne Decretum
edidimus de eadem Canonizatione, servatis servandis, quandocumque
peragendâ.

Pro cuius Decreti executione quum prædictorum Supremorum Prin- B
cipum, & Antistitutum, ac Populorum vota, demissæque Ordinis prædi-
cti Fratrum Minorum Capuccinorum preces Nos urgere non desiste-
rent; Tandem communicato consilio cum universo Collegio Ven. Fra-
trum nostrorum S. R. E. Cardinalium in Consistorio secreto die XVIII.
elapsi mensis Aprilis coram Nobis congregatorum, eorumque assensu ac-
cepto, complures Ven. Fratres Archiepiscopos & Episcopos ex tota fer-
me Italia ad gravissimum consilium advocavimus; eorumque judicio to-
tam hujus Causæ seriem, atque omnia, quæ de virtutibus & miraculis
beati Josephi probata fuerant, tum oretenus in Consistorio publico co- C
ram Nobis habito, in quo dilectus Filius Philippus Maria Pirelli Aulæ
Nostræ Consistorialis Advocatus ipsius Beati Causam peroravit, tum etiam
in scriptis exponi mandavimus; traditâ nempe singulis distinctâ præmis-
forum omnium relatione, ex authenticis monumentis præfatæ Congrega-
tionis Sacrorum Rituum religiosè desumptâ. Quibus præmissis, aliud D
Consistorium die XIIII. labentis mensis Junii coegimus, in quo præter
Ven. Fratres nostros S. R. E. Cardinales, prædictos quoque Patriarchas,
Archiepiscopos, & Episcopos in Romana Curia præsentes sedere jussi-
mus, atque adstantibus Apostolicæ Sedis Notariis, & duobus antiquiori-
bus Causarum Palatii nostri Auditoribus, super expetita beati Josephi
prædicti Canonizatione sententias dicere. Cumque omnes ad unum pro
suprema ipsius Beati glorificatione non assensum modò suum solidis ra-
tionibus confirmatum, sed enixa etiam studia & vota sua declarassent;
Nos quidem eâ de re a prædictis Apostolicæ Sedis Notariis publica In-
strumenta confici, ac præterea prolatorum suffragiorum exempla a singu-
lis subscripta colligi, & in Tabularium Ecclesiæ Romanæ inferri manda-
vimus: Verumtamen antequam ad ferendam hujusmodi definitivam sen-
tentiam adducerentur, indicis per Urbem generalium jejuniorum die-
bus, designatisque ad supplicationes Ecclesiæ cum Indulgentia ab iis
consequenda, qui suas cum nostris obsecrationibus jungerent, publicas
Ecclesiæ preces apud Deum Patrem lumen interponere curavimus, ut
ad

A Decretum de tuto progressu ad Canonizationem.

B Consistorium Secretum. C Consistorium Publicum.

D Cardinalium & Episcoporum sententiae in Consistorio Semipublico.

ad dirigendos sensus nostros juxta viam suam gratiae suae auxilium Nobis non denegaret.

- A** Tandem hac die beatorum Apostolorum Petri & Pauli Triumphis decorata, in Basilica Vaticana, ad quam solemni ritu Nos præcesserunt omnes Cleri Secularis & Regularis Ordines, omnia Magistratum & Officialium Romanæ Curiæ Collegia cum prædictis Ven. Fratribus nostris S. R. E. Cardinalibus, Patriarchis, Archiepiscopis, & Episcopis, Ecclesiasticum conventum celebrantes antequam sacra mysteria conficeremus, exhibitis Nobis iterum iterumque a dilecto Filio nostro Joachimo Tituli SS. Quatuor Coronatorum Presbytero S. R. E. Cardinali Portocarrero nuncupato, per organum dilecti Filii Virgilii Montecatini Consistorialis Aulæ nostræ Advocati prædictorum christianorum Principum, Ecclesiarum, & Populorum postulationibus, ac votis pro ipsius beati Josephi a Leonissa, quemadmodum etiam pro Beatorum Fidelis a Sigmarina, Camilli de Lellis, Petri Regalati, & Catharinæ de Ricciis solemni Canonizatione, imploratâ prius cœlestium Spirituum & Sanctorum omnium intercessione, atque invocato Paraclito Spiritu ad honorem sanctæ & individuæ Trinitatis, ad exaltationem Fidei Catholicæ, & christianæ Religionis augmentum, ac de concessa humilitati nostræ Apostolicæ auctoritatis plenitudine, ipsum beatum Josephum Ordinis Minorum Capuccinorum Sacerdotem, omnium christianarum virtutum laude, plurimorumque miraculorum gloriâ, maturo nostro, & adstantium Fratrum nostrorum judicio cumulatissimum, unâ cum præsatis Fideli, Camillo, Petro, & Catharina, Sanctum esse decrevimus & definivimus, ac Sanctorum Catalogo adscriptissimus, ejusque memoriam, quam in subsequuta Missæ celebratione Nos ipsi solemniter venerati sumus, ab universa Ecclesia quotannis die 1st. Februarii religiosè coli mandavimus, in Nomine Patris, & Filii, & Spiritus sancti. Omnibus quoque Christifidelibus ad tantæ solemnitatis celebritatem congregatis, Plenariam, his verò, qui singulis annis prædicta die ad ejusdem Sancti Corpus venerandum accessissent, septem annorum & totidem quadraginarum Indulgentiam, in forma Ecclesie consueta misericorditer in Dominō largiti fuimus.
- B**

Gaudent igitur in Domino universæ familiæ gentium, & in vocibus exultationis jubilent Deo, qui Ecclesiam suam perpetua miseratione custodiens, præclaris eam Sanctorum exemplis quotidie instruere, meritis atque præsidiis robore non desinit; ut quibus per Filium suum sanctissima vitæ documenta tradidit, amplissimamque Cœlestis Regni hæreditatem promisit, iisdem per Sanctos suos nova ad currendam salutis viam incitamenta, novam semper attingendæ metæ fiduciam præbeat; ipso adjuvante & donante, qui est justitia, & sanctificatio, & redemptio nostra; qui cum Patre & Spiritus sancto vivit & regnat in secula seculorum.


Ut

Ut autem præmissa omnia ad universæ per Orbem Ecclesiæ notitiam perducantur, eorumque memoria perpetuis futuris temporibus ad Dei gloriam, & Fidelium eruditionem indeficiens perseveret; Nos ea præsentibus Apostolicis Literis complecti & roborare voluimus, mandantes, A harum transumptis, sive exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem ab omnibus fides habeatur, quæ ipsis præsentibus adhiberetur, si forent exhibitæ vel ostensæ.

Nulli ergo omnino hominum liceat paginam hanc nostræ definitio- B nis, decreti, adscriptionis, mandati, statuti, relaxationis, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli Apostolorum ejus se noverit incursum.

Datum Romæ apud sanctum Petrum anno Incarnationis Domini- C cæ MDCCXLVI., III. Kalendas Julii, Pontificatus Nostri anno vi.

† Ego Benedictus Catholicæ Ecclesiæ Episcopus.



† Ego T. Episcopus Ostien. & Veleren. Card. Rufus Decanus, & S. R. E. Vice-Cancellarius.

† Ego A. Episcopus Portuensis Card. S. Clementis S. R. E. Camerarius.

† Ego V. Episcopus Prænestinus Card. Petra, Major Pœnitentiarius.

† Ego

A Fides habenda Transumptis. B Sanctio.

C Dat. Pontific. An. 6. die 29. Junii 1746.

† Ego P. A. Episcopus Albanen. Card. Carafa.

† Ego V. Episcopus Sabinen. Card. Bichius.

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

</div

- † Ego P. M. Tit. S. Agnetis extra muros Presbyter Card. de Montibus .
 † Ego F. Tit. S. Matthei in Merulana Presbyter Card. Tamburini .
 † Ego I. Tii. S. Crucis in Hierusalem Presbyter Card. Besozzi .
 †
 †
 †
 †
 †
 †
 †
 †
 †
 †
 †
 Ego Carolus S. Mariae in Via-Lata Diaconus Card. de Marinis .
 † Ego Alexander S. Mariae ad Mar yres Diaconus Card. Albanus .
 † Ego Nerius S. Eustachii Diaconus Card. Corsinus .
 † Ego Agapitus S. Agathae Diaconus Card. Mosca .
 †
 †
 † Ego C. S. Mariae in Porticu Diaconus Card. Sacripantes .
 † Ego M. SS. Cosmæ & Damiani Diaconus Card. Bolognetus .
 † Ego H. S. Angeli in Foro Piscium Diaconus Cardinalis Columna .
 † Ego P. S. Georgii in Velabro Diaconus Card. Columna .
 † Ego A. S. Mariæ in Aquiro Diaconus Card. Tanari .
 † Ego H. S. Adriani Diaconus Card. Bardi .
 † Ego D. SS. Viti & Modesti Diaconus Card. Ursinus .
 †

D. Card. Passioneus.

J. Datarius .

V I S A
de Curia I. C. Boschi .

J. B. Eugenius .

Loco † Plumbi .

Registrata in Secretaria Brevium .

LITERÆ DECRETALES
CANONIZATIONIS

B. CATHARINÆ DE RICCIIS VIRGINIS.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

AD nuptiale convivium , quod Rex cœlestis præparavit Filio suo , ad quod non cessat ab origine Mundi humanas animas invitare , donec Electorum numerus impleatur , omnes quidem virtutes , quibus electe Sponsæ tamquam dotali censu ditantur , ingressum atque aditum parant ; sed virginalis potissimum corporis animique puritas adeo faciles accessus præstare consuevit , ut qui casti sunt corpore & spiritu , interdum etiam ante statutum sponsalium diem ad ipsa nuptialia gaudia introduci contingat , nimirum talibus tantisque de Cœlo favoribus in hujus vitæ exilio adhuc degentes cumulari , ut jam ferè ad perfectam cum Sponso unionem in antecessum pervenisse videantur . Hoc est fortasse , quod Nobis innuunt prudentes illæ Virgines , de quibus in Evangelica Parabola legimus , quod licet ipsæ tunc Sponsi thalamo destinatae non essent , attamen quum studio pervigiles , & cum ornatis ardenteribusque lampadibus & vasis oleo plenis inventæ fuerint , adveniente Sponso , intraverunt cum eo ad nuptias ; ut scilicet pro earum captu , ineffabiles illas prægustarent delicias , quibus felices demum animæ compotes erunt , quum post expletam mortalis vitæ peregrinationem , in Templum Regis , in Sanctuarium Dei cum lætitia & exultatione adducentur . Hoc satis apertè declaravit ipse Dominus Jesus , qui in diebus carnis suæ Discipulum illum virginitatis candore præstantem , præcesteris omnibus , quos amicos suos appellavit , singularibus charitatis significationibus est prosequutus ; eidemque postea secreta cœlestia revealit . Hoc sære deinceps in pluribus sanctis utriusque sexus virginibus demonstravit . Hoc denique recentius ostendit in B. Catharina Virgine Ordinis Prædicatorum Moniali ; in cuius innocentia ac puritate ita sibi complacuit Sponsus virgo & Virginis Filius , ut eam ad sublimissimum perfectionis culmen evectam , ac cœlestium charismatum copiâ perfusam , ad intimam sui familiaritatem in terris admiserit , & tandem suæ ipsius beatitudinis participem in Cœlis fecerit ; ubi illam in sinu Dilecti-

cer-

certissimè regnantem , & pro nobis assiduè intercedentem , ab universa Ecclesia colendam ac venerandam esse (prævia virtutum ipsius , ac miraculorum in ejus gratiam a Deo editorum cognitione ac juridica approbatione ,) de Venerabilium Fratrum nostrorum S. R. E. Cardinalium , necnon Patriarcharum , Archiepiscoporum , & Episcoporum in Romana Curia congregatorum consilio & assensu , auctoritate Apostolica nuper definiendo declaravimus , decrevimus , atque statuimus .

Florentiæ clarissima Italiæ Urbe ex Nobili Familia de Ricciis A anno MDXXII. ortum habuit Catharina , quam Parentes in Baptisma te Alexandram nuncuparunt . Porro ad quām excelsum Sanctitatis apicem proiecturus eam esset omnipotens Deus , citò demonstravit preueniendo illam in benedictionibus dulcedinis , ut quum ab ipsa puerili ætate sublimibus mentis illustrationibus atque ineffabili cordis suavitate in sanctæ orationis exercitio atque in ceteris pietatis officiis exequendis frequenter completa fuerit , jam tunc mundana gaudia despiceret , & ad cœlestia ex animo adspirare assueverit . Itaque quum ad firmorem ætam pervenisset , & claustralی vitæ bona , in Monasterio primū S. Petri e Monticulis prope Florentiam , tum in alio S. Vincentii in Civitate Pratensi prægustasset ; frustra deinde Pater secularium nuptiarum splendorem & commoda ipsi proposuit ; quæ in odorem cœlestis Sponsi currēns nunquam quievit , donec ei tandem permīssum fuit ad prædicti Pratensis Monasterii solitudinem convolare , ibique Deo sub Regula sancti Dominici perpetuò se addicere . B

Angelicam vivendi rationem statim a Tirocinio exorsa , quum se in omni virtutum genere universæ Societati magnopere probasset , summo Sororum studio ad Religiosam Professionem admissa fuit , quamvis ipsa præ animi demissione rejiciendam se fore pertimesceret . Perfectissima fuit Catharinæ obedientia difficilioribus licet experimentis probata ; absolutissima Regularis disciplinæ custodia ; alacris in abjectis quibusque ministeriis obeundis promptitudo ; admirabilis modestia atque ab omni re , quæ ipsius animæ puritatem quoquo modo obfuscare aut obnubilare posset , summa aversio ; assidua verò unio cum Deo , ad cuius honorem omnia sua dicta & facta fideliter dirigebat .

Tanta verò illius virtutum admiratio in Monialium animis excitata C fuit , ut eam vix quintum ætatis lustrum egressam unanimi consensu totius Monasterii moderatricem elegerint ; idque munus deinceps eidem , quantumvis invitæ , atque obediendi magis , quām imperandi cupidæ ad annos quadraginta duos in omnem scilicet ipsius vitam prorogaverint . Nihil enim in eâ desiderandum sibi esse intelligebant , sive ad restitudinem atque prudentiam , sive ad vigilantiam & solicitudinem , sive ad charitatem & comitatem , sive ad religionis & pietatis fovendæ

studium, sive ad exemplum. Illam sibi ducem atque hortatricem ad spirituales profectus, illam in omni officio magistram, in omnibus rerum vicissitudine matrem amantissimam experiebantur, plenoque obsequio colebant, & sincero amoris affectu complectebantur. Ipsa vero ad innumeratas curas, quas pro commisso sibi regimine gerebat, hoc etiam solicitudinis addebat genus, ut abjectissima magisque laboriosa ministeria sibi reservando, eaque continenter exercendo, impositam sibi auctoritatis & elationis speciem aliquam saltem ratione extenuaret; simulque ut animum suum, multiplicatis atque protractis orationis temporibus, arctius cum Deo conjungeret, ne forte inter avocantium negotiorum occupationes divinæ charitatis ignis in ejus sinu tepesceret.

A Qua sanè in re votis suis fraudata non est piissima Virgo; sed per sui ipsius contemptum in Dei amore quotidie crescens, atque ex hoc ipso in sui abnegatione magis proficiens, ad eam brevi pervenit christianarum virtutum perfectionem, quam per legitimas plenissimasque probationes rite demonstratam, & manifestis divinæ omnipotentiæ signis atque miraculis comprobata, solemnis Ecclesiæ vocabulo Sanctitatem appellamus. Quæ cum sit omnium christianarum virtutum in gradu heroico pro cuiusque status & vitæ ratione plenissima complexio; perfectumque includat implementum divinorum præceptorum & consiliorum, quæ ad stabiliendam in credentium cordibus Dei & Proximi dilectionem, & ad destruendum humanæ cupiditatis regnum a cœlesti Legislatore tradita fuerunt; juvat hic ex præclaris Catharinæ operibus aliqua commemorare, ex quibus demonstrat illius habituali in Deum charitate, in Proximos misericordiâ, in semetipsam severitate, de reliquis etiam virtutibus, quibus eam cumulate præditam fuisse compertum habemus, cuilibet liceat conjectari.

B Sapientiæ cœlestis incensa studio unum sibi proposuit cui præ certis vacaret, Librum, unum quod sequeretur exemplar; Jesum Christum, & hunc crucifixum: Quem oculis cordis jugiter aspiciendo, quem dies noctesque contemplando, adeo in illius amorem exarsit, ut nihil extra eum cogitare, nil nisi de ipso loqui, nihil quod pro ipso & secundum ipsum non esset, agere posse videretur. Nulla res erat, nulla ejus vitæ actio, quæ non statim ipsam ad recordationem Dei, tamquam primæ originis & finis omnium, revocaret; ejusque memoriarum dulcedine percussam ad ferventissimas adspirationes, ad inflammata suspiria, ad subita etiam animi deliquia compelleret. Indignam se prorsus esse ajebat, quæ divini amoris igne accenderetur: Veruntamen, si ab ejus veluti vitali flamma deititui se fortè contingeret, animam vitamque suam illico defecaturam fore profitebatur. Quod si in communibus vitæ actionibus Deo suo ita adhærebat, ut ab eo divelli non posset, quantò magis necesse est intimam fuisse unionem, qua illius spiritus cœlesti Sponso in oratione,

tione, ac mysteriorum & virtutum ejus contemplatione jungebatur. Tunc videre erat Catharinam extra se raptam, totamque in Deo absorptam, non solum spiritualium animæ facultatum, sed etiam corporeorum sensuum commercium cum creatis omnibus rebus abrumpere, ac multas saepe horas aliquando etiam integros dies in ecstasi perseverare. Illud vero præ omnibus admirabile fuit, quod meditatio passionum Christi in ea operabatur; dum ipsam in imaginem & similitudinem patientis Sponsi interius exterijsque transformans, illius dolores jam altè animo insculptos corporis quoque motibus exprimere cogebat; itaut singulis hebdomadibus a meridie Feriæ quintæ usque ad horam nonam Feriæ sextæ a sensibus abstracta totam feralis Tragediæ seriem ordinatè ad vivum repræsentaret. Quis autem vel mente assequi valeat uberrimas consolationes, quibus Catharinæ cor in Eucharistici panis sumptione perfundebatur? Tunc siebat supeream manus Domini, & gloria Domini in eam descendens, clarissimæ lucis radios adstantium quoque oculis perspicuos ex ipsius corpore undequaque spargebat: aliquando etiam ipsum ejus corpus a terra elevabat, ac diu in aere pendens multis inspectantibus sustinebat. Hinc minimè mirum, si pia Virgo cœlestium virtutum formam ex adeo intima Sponsi consuetudine in se recipiens, eam in suis moribus tanquam in speculi nitore exhibebat; ac ferventissimo divinæ gloriæ zelo flagrans, tam subjectas sibi Virgines, quam obvios quoque fideles ad amorem Dei inflammare, ad virtutem excitare curabat.

Qua in re cum ipsius Dei gloriam præ oculis præcipue habebat, tum A etiam pro ingenti sua in Proximos charitate ipsorum æternam salutem magnopere spectabat. Hoc erat sanè potissimum argumentum perfectæ dilectionis, qua omnes vocationis suæ consortes prosequebatur; dum scilicet Dei cultum, Religionis fervorem, virtutum omnium studium in ipsis fovere atque amplificare omni ope fatagebat. Sed nec in reliquâ officii sui administratione minora ipsis maternæ pietatis studia impendebat. Summa enim erat & jugis Catharinæ solicitude, ne quid concredito sibi gregi deesset, sive ad innocentiae cultodiam, sive ad morum disciplinam, sive ad animorum quietem & tranquillitatem, sive ad temporalis vite sublidia & corporum incolumitatem. Si quæ verò ex Sororibus in morbum incidisset, ejus peculiarem curam eique inserviendi onus sibi sumebat; ipsi dies noctesque adstare, omniaque christianæ charitatis officia præstare gaudebat. Denique in mortis agone constitutas apud Deum juvare, earumque animas in manus Sponsi, e quibus Adversarius eas rapere non auderet, commendare & pro viribus afferere nitebatur.

Neque tamen angustis Monasterii sui finibus contineri potuit ipsius charitatis amplitudo; sed quum ad omnes ubique terrarum homines dilataretur cor ejus, pro omnium salute impetranda assiduas suas & Sororum preces & voluntarios etiam corporis sui cruciatus, seque totam omni-

A Proximos omnes charitate complebitur.

omnipotenti Deo, veluti Hostiam pacificam, in unionem Sacrificii Redemptionis humanæ sine intermissione offerebat. Quin etiam ad sublevandas pauperum & calamitosorum omnium ærumnas, quod ipsa per se præstare non poterat, id excitatâ suis hortationibus ditiorum charitate assecuta fuit, ut immensa pecuniarum vis per totam Hetruriam alendis egenis, excipiendis ægrotis, viduis, orphanis, & senibus sustentandis, virginibus collocandis erogaretur. Denique ad purgantis Ecclesiæ levamen non minori studio intenta multiplicabat in eum finem suas preces & lacrymas, jejunia aliasque carnis suæ afflictiones, ut divinæ Justitiae pro animabus adhuc in captivitate detentis satisfacere mereretur.

A Quæ omnia quum clarè pateat non sine prævia sui ipsius abnegatione a Catharina effici potuisse, silentio tamen prætereunda non sunt, quæ de admirabili ipsius poenitentia & mortificatione juridicè cognovimus. Sanè quum semel Mundo & Satanæ per ipsam religiosæ vitæ professionem omnino renunciasset, adversùs carnem suam quam ipsi datum non fuerat una cum aliis rebus relinquere, perpetuum bellum gerendum sibi esse duxit. Itaque asperrimis flagellis instructa, ciliciis aliisque tormentorum instrumentis onusta, frigore, inedia, vigiliis omniq[ue] cruciatum genere virginalē corpusculum assiduè divexare & conterere non destitit, nec unquam per quadraginta & octo annos, quos in Religione transegit, carnem aut ova gustavit, sed solo plerumque pane & aquâ vivitare consuevit. Et tamen patiendi adhuc cupida pro suorum & alienorum peccatorum expiatione Dominum sæpe oravit, ut se morborum ac dolorum vi ampliùs probare, & ad vivum urere vellet: idque suis precibus omnia exorantibus consecutam fuisse dicendum est; cum Medi ci sæpe affirmaverint præter naturam omnino esse gravissimos morbos & acerbissimos dolores, quibus Ancilla Dei mirum in modum torquebatur.

Quod si tali in re, quæ ad illius cruciatum tendebat, cœlestis Sponsus Dilectæ suæ preces audire non renuit; minimè putandum est, ipsum qui totius consolationis fons est & origo, Catharinam in angoribus & desolationibus desertam voluisse; quique justo suo Job pro infortuniis patienter toleratis, æquissimo & clementissimo judicio omnium amissorum bonorum duplia reddidit, non huic innocentissimæ Virgini tribuisse, ut secundūm multitudinem dolorum, quos vel libenter sustinuit, vel ipsa sibi sponte irrogavit, sanctorum solatia gaudiorum ipsius animam læticaverint.

B Itaque pro hujusmodi poenarum acerbitate ipsius spiritum ineffabilibus delectationibus, quæ in dextera ejus sunt, adimplevit; effusâ scilicet in eam lucis & veritatis suæ communicatione, quæ ad sublimiorum veritatum cognitionem, ad intelligenda divinorum mysteriorum arcana ipsam deduxit, & accensâ in ejus pectore beatissimâ charitatis suæ flammâ,

A Poenitentia rigores in se ipsum exercet. B Spiritualibus deliciis cumulatur.

mâ, cuius incendii vi ac suavitate ipsius cor tamquam cera liquefcens, deficiebat in Deum salutare suum.

Quamvis autem sanctorum animarum gloria omnis, in hac quidem vita plerumque ab intus, in altera verò adeo supra humanum captum posita sit, ut de ea verè dicatur, quod nec oculus vidit, nec auris audit, nec in cor hominis ascendit, quæ præparavit Deus diligentibus se; voluit tamen omnipotens Dominus, sive ad manifestandas dvitias gratiæ suæ, sive ad eruditionem nostram, tam insignium charismatum largitione Catharinam in terris adhuc viventem illustrare, ut omnibus liceret ex his arguere, quantam gloriæ celitudinem in æterna Beatitudinis sede eidem conferre decrevisset.

Ad comprobandam siquidem atque juvandam sinceram ipsius charitatem, quâ afflictis opem ferre, omnibusque prodeesse summoperè cupiebat, dedit ei Dominus potestatem faciendi mirabilia, in instantaneis morborum depulsionibus, in rerum multiplicatione, aliisque signis atque prodigiis, quæ supra omnem naturæ vim frequenter operabatur: Præterea dedit ei spiritum prophetiæ, quo sive ad Proximorum correctionem, sive ad cautelam, sive ad consolationem futura prævideret, absentia conspiceret, & cordium secreta dignosceret.

Amoris verò magnitudinem, quo Deum ipsum ex toto corde, ex tota mente, ex omnibus viribus suis diligebat, ipse vicissim præclaris bonitatis suæ significationibus abundè rependit. Sæpe etenim ipse Rex gloriæ, in quem desiderant Angeli prospicere, corporali specie se illi videndum exhibuit, dulcissimosque cum illa sermones miscuit: Aliquando idem Dominus Jesus sub specie Pueruli a Matre Virgine Angelorum Regina in ipsius ulnis est reclinatus: Aliquando ejusdem Imago Crucis affixa, revulsis a trunco brachiis, mirabilibus eam beavit amplexibus. Denique ipsam in fide & charitate sibi sponsatam fulgido ornatu ac pretiosissimis monilibus de thesauris suis decoravit. Illius enim lateri ac manibus, pedibusque, sacra clavorum suorum & lanceæ Stigmata sanguine rubentia insculpsit; spineum diadema capiti imposuit; humeris verò vestigia Crucis profundè impressit. Utque magis ostenderet quanta esset inter se & Catharinam spirituum & voluntatum conjunctio, illustre signum posuit in faciem ejus, ipsam aliquando in vivam sui vultus imaginem & similitudinem transformans, ut qui Catharinam vidisset, ipsum Filium Dei & Filium hominis videre se existimaret.

Tantam sanctitatem tantis illustratam prodigiis voluit Deus ad C sui gloriam & ad posterorum fidem per omnia probationum genera in summa certitudinis luce collocari: Probata est contradictionibus obloquentium & calumniantium vituperationibus: Probata est admirantium laudibus & prædicationibus, clarissimâque famâ, quæ non modò

per

^A Miraculorum gloria clares. ^B Cœlestibus favoribus & donis locupletatur.

^C Multimodè probatur.

per Hetruriam, sed per alias quoque Italiæ Regiones, ac demum per universam Europam longè latèque diffusa incredibilem ad ipsam traxit hominum multitudinem ex omni conditione, etiam Regiâ, ex omni sexu atque ætate; qui ad petenda consilia, ad beneficia vel spiritualia vel temporalia obtainenda, ad magnificandum Deum in mirabilibus ejus undique ad eam confluabant. Verùm ipsa Catharinæ virtus inter tam diversa hominum judicia sese luculentissimè probavit, tum scilicet perpetuo atque constanti innocentiae & sanctitatis tenore, tum singulari potissimum humilitate, qua & obtrectantium malignitatem & mundanorum plausum vanitatem æquè superavit; ut toto ipsius vitæ cursu per gloriam & ignominiam, per infamiam & bonam famam, ipsius securam conscientiam solidamque pietatem nec laudes inflarint, nec opprobria defatigaverint.

A In omnibus enim collatis sibi muneribus non suam, sed Donatoris excellentiam agnoscens, seque divinorum beneficiorum indignam ex animo reputans, nihil in vulgus prodire volebat, quod aliquo modo in sui gloriam cedere posset. Quare cum cognovisset, volumen quoddam rerum a se gestarum & coelestium donorum, quibus a Deo quotidie cumulabatur, penes Moniales affervari ab aliqua ex ipsis conscriptum; cumque frustra orando & obsecrando cum iis egisset, ut hujusmodi volumen concisum flammis traderetur, ipsa denique illud fortuito repertum statim in ignem conjectit. Quod si nihilominus ipsamet arcanas divinæ bonitatis communicationes in oratione potissimum sibi impertitas cuidam ex Sororibus fideliter enarravit; id nonnisi eadem humilitate impellente & invito prorsus animo præstitit; ne scilicet imperio Confessarii, qui id ad multa expedire prudenter in Domino judicavit, ulla in re quantumvis ardua refragaretur. Cum verò ex ostensione virtutum atque signorum, quæ Deus in ipsa & per ipsam operabatur, & quorum causâ frequens erat hominum ad Monasterium accessus, vel religiosam sanctæ societatis quietem turbari posse metueret; vel pro se ipsa formidaret, ne forte in superbie vitium declinans, inde fieret immunda vanitate, unde videbatur virtute clarescere; non destitit Sponsum rogare atque orare, ut divinis suis muneribus modum imponere, vel saltem ea mortalium oculis occultare dignaretur; donec sua humilitate ac perseverantia, quod postulabat, obtinuit.

B Ex hac ipsa perseveranti humilitate, Viri pietate & doctrinâ præcipui veram minimèque fucatam Catharinæ virtutem agnoverunt, & tamquam ad Lapidem Lydium comprobaverunt; tum scilicet ipsius Ordinis Superiores, qui non semel de illius spiritu experimenta sibi capienda esse duxerunt; tum etiam insignes Ecclesiarum Præfules, inter quos Robertus olim hujus S. R. E. Cardinalis Puccius nuncupatus, Episcopus Pistoriensis, qui de mandato felic. record. Pauli Papæ III. Prædecessoris

no-

A In humilitate constans perseverat. B De Catharinæ sanctitate testimonia.

nostri cum aliis probatissimis Viris ad præfatum Monasterium se contulit, ut tam evulgatam sanctitatem ad rigidum examen revocaret; Michael item Cardinalis Alexandrinus nuncupatus, qui a sancto Pio Papa V. ipsius Avunculo, & nostro pariter Prædecessore ad gravissima hujus Apostolicæ Sedis totiusque christianæ Reipublicæ negotia tractanda Legatus missus Catharinæ monita & consilia expetenda sibi esse censuit; aliquique præterea sapientissimi Antistites, & ejusdem S. R. E. Cardinales, præsertim Marcellus Cervinius, Hippolytus Aldobrandinus, & Julius Mediceus, quos ad hanc Petri Cathedram deinde evectiones inter Venerabiles Prædecessores nostros numeramus; quique omnes illius perspectæ sanctitati, quadam veluti conclamatione testimonium derunt. Istorum gravissimis judiciis magnum auctoritatis pondus accedit ex singulari existimatione, qua S. Philippus Nerius, tunc in huminis agens, Catharinam est prosecutus, cuius etiam spiritualem amicitiam ac literarum commercium, Deo inspirante expetivit; & aliquando in ecstasim raptus, quod illi pariter familiare fuit, cum ipse Romæ degeret, Catharinam in suo Monasterio Prati commorantem coram Deo, communis nimirum ipsorum amicitiae nexu, longo tempore est allocutus; quemadmodum fel. record. Urbanus Papa VIII. in suis Apostolicis literis super ejusdem sancti Philippi Canonizatione a Gregorio XV. antea factâ editis, testatum reliquit.

Denique anno ipsius ætatis sexagesimo sexto, religiosæ Professionis A quadragesimo octavo, cum tempus advenisset migrandi ex hac vita ad Sponsum, qui charitate perpetua dilexit eam, in extrema ipsius infirmitate, nil nisi illustre & sanctimoniam plenum apparuit. Siquidem Ecclesiæ Sacraenta summo pietatis & religionis sensu petiit atque suscepit; sanctissima Sororibus monita de omnibus vocationis earum officiis reliquit; morbi dolores invictâ patientiâ toleravit; atque in Crucifixi amoris sui contemplatione usque ad extremum spiritum defixa permanuit; tandemque inter Angelorum concentus, quos etiam ab adstantibus Monialibus audiri Deus voluit, purissimam animam Deo reddidit, die II. Februarii anno Domini MDLXXXIX.

Sancta Maria Magdalena de Pazzis, tunc temporis Florentiæ vi- B vens, festivum Catharinæ ingressum in cœlestem Hierusalem, & exultantes de ipsius triumpho beatorum Spirituum choros in mentis excessu spectavit. Communis autem quæ invaluerat de ipsius sanctitate, opinio ingentem populi frequentiam ad ejus funus celebrandum adduxit. Utque deinceps ipsius Sepulchrum magno in honore haberetur, in Causa fuerunt crebra beneficia & miracula, quæ plerique a Deo per ipsius merita se obtinuisse testabantur.

Illius denique Sanctitatem extra omnem dubitationis aleam consti- tuunt juridicæ probationes, quæ tam super ipsius heroicis virtutibus,

D d d d

quam

^A Ejusdem pretiosa mors. ^B Et Sanctitatis fama post obitum.

quām super miraculis ad illius invocationem a Deo patratis, Episcopali primūm auctoritatē, mox etiam Apostolicæ Sedis delegatione collectæ, & apud hanc Sanctam Sedem diu & maturè discussæ, firmissima Nobis fundamenta suppeditarunt, ut definitivè tandem super ea pronunciaremus, & Catharinæ nomen atque memoriam sanctorum Virginum Catalogo solemniter adscriberemus.

- A Primum judicium super præmissis omnibus ante Urbani Papæ VIII. Decreta peractum fuit ab Auditoribus Causarum Palatii Apostolici, qui & Processuum validitatem, & virtutum excellentiam, & miraculorum veritatem gravitatemque comprobarunt. Antequam verò horum cognitio a S. R. E. Cardinalibus Congregationi Sacrorum Rituum præpositis assumeretur, alterum institutum fuit judicium super hujusmodi Decretorum a præfato Urbano Prædecessore interim editorum obseruantia; de qua primò quidem Episcopus Piitoriensis anno MDCLXXV., mox etiam prædicta Sacrorum Rituum Congregatio anno MDCLXXIX., ac de ipsius consilio san. mem. Prædecessor noster Innocentius Papa XI. plenissimè constare decreverunt.
- B Instaurato demum ante hos triginta annos in præfata Congregatione Sacrorum Rituum novo Catharinæ virtutum examine, Nobis tunc in minoribus Promotoris Fidei munus gerentibus, omnibusque plenè ac severè discussis, tandem a piæ memoriæ Prædecessore quoque nostro Benedicto Papa XIII. die VI. Martii anni MDCCXXVII. de iisdem pariter constare decretum fuit. Duo verò miracula a simil. record. Decessore nostro Clemente Papa XII. die xxx. Aprilis anni MDCCXXXIV. de ejusdem Congregationis consilio approbata fuerunt: Instantaneæ nimis fanationes, tam Sororis Catharinæ de Bonsis in eodem Monasterio S. Vincentii Professæ ab Aneurismate; quām Sororis Elisabeth Cherubinæ Cattani in Monasterio S. Claræ præsatæ Civitatis Pratensis Monialis Conversæ ab Ischiade. Hinc idem Clemens Prædecessor, datis Apostolicis literis in forma Brevis die I. Octobris ejusdem anni, Beatae titulum & honores Catharinæ tribui ac deferri posse concessit.
- C D Cum verò deinceps accepisset nova miracula, post indultam Catharinæ venerationem, ipsius intercessione a Deo edita esse; ad preces catholicorum Principum & Populorum, compluriū in Antistitium, & universi Ordinis Fratrum Prædicatorum, quibus omnibus ipsius Beatæ Canonizatio summopere cordi erat, novos super eisdem Processus auctoritate Apostolica confici mandavit. Quorum Processuum validitate approbata, Nos denique ad Petri Cathedram inscrutabili Dei judicio interim evecti, post accuratissimum miraculorum in ipsis relatorum examen in præfata Sacrorum Rituum Congregatione de more peractum, visis ac respectivè auditis in Congregatione Generali coram Nobis habita die

XXIV.

A Actorum series in ipsius Causa. B Approbatio virtutum. C Et miraculorum.

D Beatificatio. E Causa reaffimitur.

xxiv. Martii anni MDCCXLIV., tam Consultorum, quam Ven. Fratrum nostrorum S. R. E. Cardinalium eamdem Congregationem constituentium suffragiis; totaque re privatis nostris studiis iterum discussâ, atque uberioribus etiam documentis indubiam animo nostro fidem facientibus comprobata, tandem die xxvi. Maji ejusdem anni in Festivitate S. Philippi Nerii Confessoris, cui piam cum B. Catharina necessitudinem intercessisse supra narravimus, celebratâ Missâ ad Altare, sub quo ipsius Sancti corpus requiescit, atque implorato Spiritus sancti auxilio, infra scripta duo miracula auctoritate Apostolica approbabimus & publicavimus.

Primum est secundi generis, nimirum absoluta & perfecta sanatio A Mariæ Clementinæ Staccioli puellæ Florentinæ ab inveterato & exulcerato cancro in dextra mamilla, qui septem primo valvulis, seu cavitatis, mox duabus hians, acerbissimis doloribus & periculosis symptomatis, octo annorum spatio eam excruciauit, nec ullis artis Medicæ remediis sanari poterat, sed invocata semel & iterum B. Catharinæ ope, adhibitoque oleo ex lampade ante ipsius corpus ardente penitus evanuit. Alterum tertii generis obtentum fuit a Sorore Maria Magdalena Fabris Moniali Professa Ordinis S. Dominici Augustæ Vindelicorum. Ea siquidem pertinaci Arthritide in inferioribus membris diu vexata, jamque omnino gradiendi impotens, dum ob decretam ab Apostolica Sede ejusdem Catharinæ Beatificationem Hymnus pro gratiarum actione a Sororibus solemniter caneretur, ipsius Beatæ meritis vehementer confisa, eamque enixè precata, ad cantum Versiculi *Te ergo quæsumus*, sensit se a Deo repente sanatam, redditasque sibi vires, & liberam incedendi facultatem, quâ deinceps absque imminutione perfectissimè usa est.

Post hæc auditio iterum præsatæ Congregationis generalis consilio, B exortatoque privatim Deo Patre luminum, die vi. Octobris prædicti anni decrevimus, jam nihil per consultissimas leges & regulas eidem Congregationi Apostolica auctoritate præscriptas, desiderandum superesse, quò ad solemnem ipsius B. Catharinæ Canonizationem servatis servandis quandocumque procedi posset.

Ad quam demum rite recteque juxta sacrorum Canonum normam, & venerabilia Prædecessorum nostrorum Instituta procedere volentes, universi primùm Collegii Fratrum nostrorum S. R. E. Cardinalium consilium exquisivimus; habito ne inpe Consistorio secreto die XVIII. elapsi mensis Aprilis, in quo Nos ipsi Summam virtutum & miraculorum B. Catharinæ, necnon seriem Actorum in ejus causa juridicè gestorum ipsis exposuimus; omnibusque adsentientibus, ut ad supremam gravissimo judicio manum imponendam progrederemur, complures Ven. Fratres Archiepiscopos & Episcopos ex universa ferme Italia in Urbem

D d d 2

acci-

A Miracula pro Canonizatione approbata. B Decretum de tuto progressu ad Canonizationem. C Consistorium secretum.

acciri mandavimus; eos quoque juxta morem Apostolicæ Sedis, antequam definitivam hujusmodi sententiam proferremus, in consilium adhibituri.

- A Hi omnes necessariam Causæ totius cognitionem hauserunt, tum ex peroratione in Consistorio publico coram Nobis habitâ a dilecto Filio Paulo Francisco Antamorio nostræ Consistorialis Aulæ Advocato; tum ex fideli relatione e monumentis sæpedictæ Congregationis Sacrorum Rituum desumptâ, quæ typis impressa omnibus & singulis tradita suit.
- B Quapropter coacto demum die xiv. labentis mensis Junii semipublico Consistorio, in quo præter eosdem Fratres nostros S. R. E. Cardinales, omnes præterea Patriarchæ, Archiepiscopi & Episcopi qui jam tunc ad septuaginta ferè hac ipsa de causa in Romana Curia præsentes aderant, sessionem habuerunt; factâque omnibus dicendæ sententiae potestate, venerabilem hujusmodi Confacerdotum coronam summâ confessione audivimus ad ejusdem præclaræ Virginis Canonizationem Nos adhortantem: Qua de re omnium suffragia proprio singulorum chirographo subscripta colligi jussimus, in Tabulariis Ecclesiæ Romanæ perpetuò asservanda, mandantes dilectis Filiis Apostolicarum Cœremoniarum Magistris ibi de more adstantibus, ut in absentia Notariorum Apostolicæ Sedis, qui Protonotarii de numero Participantium nuncupantur, super hujusmodi solemnni actu publica Instrumenta, quotquot opus esset, confiscere deberent.
- C Indicta itaque pro Canonizationis celebritate hodierna die beatorum Apostolorum Petri & Pauli Martyriis consecrata, non omisimus interim in humilitate & jejunio privatas nostras, & publicas Ecclesiæ preces Deo Patri offerre per Filium ejus, ut Spiritus sancti virtute mentem nostram dirigere & confirmare dignaretur. Hodieque tandem de mane, congregatis in Vaticano omnibus Cleri Secularis & Regularis Ordinibus, omnibus Romanæ Curiae & Aulæ nostræ Proceribus & Officiilibus, cunctisque Ven. Fratribus nostris Cardinalibus, Patriarchis, Archiepiscopis & Episcopis, solemnis supplicationis ritu Divinam Majestatem venerantes, ad Basilicam Principis Apostolorum processimus. Ibi simul ac ante sacratissimam Apostoli Confessionem constitimus, dilectus Filius noster Joachimus Tituli SS. Quatuor Coronatorum Presbyter ejusdem S. R. E. Cardinalis Portocarrero nuncupatus, perorante dilecto Filio Virgilio Montecatino Consistorialis Aulæ nostræ Advocato, enixa Christianorum Regum & Principum, Ecclesiarum & Religiosorum Ordinum vota pro ipsius B. Catharinae, sicut etiam pro beatorum Fidelis a Sigmarina, Camilli de Lellis, Petri Regalati, & Josephi a Leonissa solemnia Canonizatione; simulque maturas deliberationes super eorum meritis & miraculis hucusque rite prehabitas, Nobis representavit;

Nos-

A Consistorium publicum. b Cardinalium & Episcoporum consilia in Consistorio semi-publico. c Solemnia Canonizationis.

Nosque semel iterum ac tertio rogavit, ut exoptatam dudum sententiam proferentes, catholici Orbis gaudium compleremus. Quare Nos implorato prius universæ cœlestis Curiæ præsidio, & advocato cum gemitis Paraclito Spiritu, eoque sic inspirante, ad honorem sanctæ & individuæ Trinitatis, ad exaltationem Fidei catholicæ & christianæ Religions augmentum, auctoritate Domini Nostri Jesu Christi, beatorum Apostolorum Petri & Pauli, ac Nostra, prædictam Catharinam de Ricciis A Virginem, Monialem Professam Ordinis Prædicatorum, christianarum virtutum præstantiâ ac cœlestium donorum & miraculorum gloriâ illustrem, Sanctam esse definiendo pronunciavimus; & una cum prædictis Fideli Martyre, Camillo, Petro, & Josepho Confessoribus, Ecclesiasticis Sanctorum Fastis adscriptissimus; decernentes ipsius S. Catharinæ memoriam quotannis die secunda Februarii, aliorumque Sanctorum prædictorum, aliis respectivè diebus, in universa Ecclesia recolendam & venerandam esse, & concedentes omnibus Christifidelibus, qui ad eorum Sepulchra designatis diebus religiosè accedent, ac Deum Optimum Maximum juxta nostram & piæ Matris Ecclesiæ mentem precati fuerint, Indulgentiam septem annorum, & totidem Quadragenarum in perpetuum in forma Ecclesiæ consueta.

Tunc repletum est gaudio os nostrum & lingua nostra exultatione, reddentesque Altissimo vota nostra, sacrosanctum Altare conscendimus, atque immaculatam humanæ salutis Hostiam, junctâ beatissimorum Ecclesiæ Principum, & prædictorum Sanctorum commemoratione, omnipotenti Deo bonorum omnium Largitori reverenter obtulimus. Omnibus quoque Christifidelibus, qui ad tantæ solemnitatis celebritatem frequentes convenerant, Plenariam peccatorum Indulgentiam misericorditer in Domino largiti fuimus.


Audiant itaque universi catholicæ Ecclesiæ Filii, & intelligent magnalia Dei, atque ad cœlestem Hierusalem cogitationes & corda sublevantes, beatam hanc Virginem contemplentur candido eorum agmini sociatam, qui sequuntur Agnum quocumque ierit: Unde & illius validissimo patrocinio innixi, postulent a Deo pacem & gratiam, & ejusdem præclaris exemplis excitati discant peritura Mundi bona despicere, & per innocentia custodiam, per pœnitentia labores, per christianæ virtutis studium, ad perfectæ charitatis & sempiternæ felicitatis Regnum, ac cœlestis gloriæ coronam contendere, per Christum Dominum Nostrum.

Idcirco præmissa omnia ad universalis Ecclesiæ notitiam deduci, B præsentesque nostras literas ad perpetuam rei memoriam extare volui-mus, mandantes ut earum transumptis sive exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ab omnibus ha-beatur,

A. Decretum definitum. B. Præsentium transumptis auctoritas tribuitur.

- beatur, quæ ipsis præsentibus adhiberetur, si forent exhibitæ vel ostensæ.
- A Nulli ergo omnino hominum liceat paginam hanc nostræ definitio-
nis, Decreti, Adscriptionis, Mandati, Statuti, Relaxationis, & voluntatis infringere, vel ei ausu temerario contraire. Si quis autem hoc at-
tentare præsumperit, indignationem omnipotentis Dei & beatorum Pe-
tri & Pauli Apostolorum ejus se noverit incursum.
- B Datum Romæ apud sanctum Petrum anno Incarnationis Domini-
cæ MDCCXLVI., III. Kalendas Julii, Pontificatus Nostri anno vi.

☩ Ego Benedictus Catholicæ Ecclesiæ Episcopus.



† Ego T. Episcopus Ostien. & Veleren. Card. Rufus Decanus, &
S. R. E. Vice-Cancellarius.

† Ego A. Episcopus Portuensis Card. S. Clementis S. R. E. Camerarius.

† Ego V. Episcopus Prænestinus Card. Petra, Major Pœnitentiarius.

† Ego P. A. Episcopus Albanen. Card. Carafa.

† Ego I. Episcopus Tusculanus Card. Accorambonus.

† Ego V. Episcopus Sabinen. Card. Bichius.

†

†

†

†

- † Ego Nicolaus Maria Tit. S. Petri ad Vincula Presbyter Card. Lercari.
- †
- †
- †
- † Ego F. Tit. S. Marie Transfyberim Presbyter Card. Burghefius.
- † Ego A. Tit. S. Stephani in Monte Cœlio Presbyter Card. Gentili.
- † Ego Fr. J. A. Tit. SS. Silvestri & Martini Presbyter Card. Guadagni.
- †
- † Ego D. Tit. Basilicæ Sanctorum Duodecim Apostolorum Presbyter Card. Rivera.
- † Ego J. B. Tit. S. Marie Angelorum Presbyter Card. Spinula.
- †
- †
- †
- †
- † Ego R. Tit. S. Sabinae Presbyter Cardinalis de Ilcio.
- †
- †
- † Ego D. Tit. S. Bernardi ad Thermas Presbyter Card. Passioneus.
- † Ego S. Tit. S. Prisca Presbyter Cardinalis Valenti.
- †
- † Ego J. F. Tit. SS. Quatuor Coronatorum Presbyter Card. Portocarrero.
- †
- †
- † Ego C. A. Tit. S. Maria de Pace Presbyter Card. Cavalchinus.
- †
- †
- † Ego F. Tit. S. Pancratii Presbyter Card. Lantes.
- †
- †
- †
- †
- † Ego F. Tit. S. Maria de Populo Presbyter Card. de Ricciis.
- † Ego A. Tit. S. Silvestri in Capite Presbyter Cardinalis Rufus.
- †
- † Ego P. M. Tit. S. Agnetis extra muros Presbyter Card. de Montibiss.
- † Ego F. Tit. S. Matthæi in Merulana Presbyter Card. Tamburini.
- † Ego J. Tit. S. Crucis in Hierusalem Presbyter Card. Besozzi.
- †
- †
- †

†
†
†
†

† Ego Alexander S. Mariae ad Martyres Diaconus Card. Albanus.

† Ego Nerius S. Eustachii Diaconus Card. Corsinus.

† Ego Agapitus S. Agathæ Diaconus Card. Mosca.

†
†

† Ego C. S. Mariae in Porticu Diaconus Card. Sacripantes.

† Ego M. SS. Cosmae & Damiani Diaconus Card. Bolognettus.

† Ego H. S. Angeli in Foro Piscium Diaconus Cardinalis Columna.

† Ego P. S. Georgii in Velabro Diaconus Card. Columna.

† Ego A. S. Mariae in Aquiro Diaconus Card. Tanari.

† Ego H. S. Adriani Diaconus Card. Bardi.

† Ego D. SS. Viti & Modesti Diaconus Card. Ursinus.

†

D. Card. Passioneus.

J. Datarius.

V I S A

de Curia I. C. Boschi.

J. B. Eugenius.

Loco † Plumbi.

Registrata in Secretaria Brevium.

ORNATUS VATICANI TEMPLI.

Amplissimam ^a Divi Petri Basilicam omnium ^b Ecclesiarum caput, speculum & exemplar, a Magno Constantino olim ædificatam, Romani Pontifices tantâ curâ sumptuque augere semper & ornare studuerunt, ut nihil eâ magnificentius, nihil elegantius aut inveniri unquam posse, aut excogitare videatur. Quia tamen minùs animum movent quæ præ oculis semper sunt, Templâ consuevimus, et si arte & materiâ apprime nobilia, cum statæ quædam aut extra ordinem celebritates inciderint, adscito cultu & temporariis ornamenti excolere, ut novitas commendet, quod assiduitate quodammodo viluerat. Quod quidem, si Vaticanæ Basilicæ præcipuè accidit; cum Sanctorum Fastis adscribendi in ea fuerunt, qui sanguine pro Christi fide profuso, aut vitâ in omni virtutum exercitatione traductâ illorum gloriam promeruerunt; tanta certè cultus, & ornamentorum ad eam accessio facta est hoc tempore; cum de quinque Beatis inter Sanctos in eadem referendis aëlum fuit, ut secum ipsa quodammodo certaverit; nativâ an adscitâ pulchritudine, spectabilior videretur.

De hujus igitur apparatus descriptione dicendum modò breviter erit; *Nemo quippe est, qui nesciat, c Sanctorum glorias tali celebritate frequentari in terris; ut virtute pari, devotione consimili ac fide dñnicantes, hostiem vincere, & de parta victoria cum ipsis triumphare, Christo præstante possimus in Cœlis.*

Mediam Templi faciem supra Porticum ingens pictura decorabat, septuaginta palmorum altitudine, latitudine verò quinque supra triginta, in qua ad vivum expressæ Quinque Beatorum imagines ita genibus inter nubes flexis, splendidissimum in superiori parte Trigonum quod Deificæ Trinitatis est symbolum, venerabantur; ut & ab eo magnâ lucis immissâ copiâ illustrarentur, & ab Apostolorum Principibus parum infra Trigonum sedentibus invitari viderentur, ut superius ascenderent. Tapete coccineum & aureis laciniis ad oras magnificè assutum infra demittebatur, quod inferiorem Procestrii partem velaret, ex quo Summi Pontifices Populo benedicunt. Medium in eo erat Gentilitum Sanctitatis Suæ stemma duobus ad latera sustentatum Aligeris: Insignia Regularium Institutorum, ex quibus Beati prodierant, inferius aspiciebantur variis frondium florumque corollis interclusa.

E e e e

Fasti-

^a D. Aug. de Civit. Dei cap. 7. ^b Lucius III. in Epist. ad Corradum Imp. apud Othonem Frising. lib. 7. cap. 31.

^c S. Joannes Chrysost. Serm. 1. de Martyr. tom. 3.

Fastigio Ostii principis, ex quo in Porticum est aditus, ita ornato suus, & minoribus januis quæ utrinque adjacent, cultus non deerat; supereminebat enim singulis aurei coloris tela prægrandis tortuosis & ipsa florum coronis, & Aligerorum interjectis capitibus interius pœta, exterius verò sericis velis aptè crispatis undecumque conspicua; unaquæque latitudinis palmos habebat viginti, altitudinis quindecim, in quibus lemmata inscripta erant hoc ordine; Primum ab Janua principe dextrorsum.

IN COELESTIBUS REGNIS SANCTORUM HABITATIO
EST, ET IN ÆTERNUM REQUIES EORUM.

Alterum sinistrorum.

CORPORA SANCTORUM IN PACE SEPULTA SUNT, ET
NOMEN EORUM VIVIT IN GENERATIONEM, ET GE-
NERATIONEM. *Eccles. XLIV. 14.*

Tertio loco..

MIRIFICAVIT DOMINUS SANCTOS SUOS, ET EXAUDI-
VIT EOS, CLAMANTES AD SE. *Ex Psalmo 4.*

Quarto loco..

SANCTI TUI DOMINE MIRABILE CONSEQUUTI SUNT
ITER, SERVIENTES PRÆCEPTIS TUIS.

Interiores quoque Xysti parietes a summo ad imum convestiebant egregia peripetas in aureis argenteisque Liciis, & præclaris operibus pœta, ex ea forma quam Raphael Santius Urbinas graphide expresserat. Hæc nobilibus stragulis, holosericoque damasceno auri tæniis fimbriato interpositis, ita quaqua versum omnia illustraverant, ut nihil ornatu vacuum relinquerent.

Ab ipso verò Januae limine, ubi prospectus in Basilicam erat, tam mirificum adeuntium oculis occurrebat spectaculum, ut nec expleri videnti possent, nec facile invenire, quid potissimum mirarentur; ab epistylio enim ad stylobatem holosericeæ vestes partim damascenæ, partim generis varii, aureis omnes vittis distinctæ, columnas, paraftatas, mutulos, ingentesque arcuum fornices conveftierant.

Interiorem Basilicæ frontem, quæ Aram principem respicit, perramplum ex damasceno rubro velum obtexerat, partim molliter defluens, partim multimodis artificiosè compositum, quod aureis undique tænion-

tæniolis discriminatum, pendentibusque lemnitcis conspicuum Lambertinæ gentis tesseram, Tiara & Clavibus Pontificiæ Majestatis Insignibus gloriosiorem præferebat in medio. Nec omissa in fenestris ornandis cura, quæ prægrandes in eadem fronte tres patent, & superiori Xysto respondent; Vela enim ex eodem filo serico ab iis bifariam demissa, quæ sub extremum aureis funiculis collecta aliquantulum elevabantur; ne lux nimia forinsecus immissa collucentium cereorum lumen imminueret. Fenestræ subjecta spatia, inscriptosque lapides purpurea item vestis obiebat, scitè tamen venustèque variata fasciolis aureis, quæ miro inter se nexus modò Pontificias fingerent Claves, Tiaras, & Mitras; modò in regales coronas, liliorum ferta, ramosque palmarum coalescerent. Funales demum cerei septem & viginti, æquali intersticio discreti, supra trium magnarum Portarum coronidem impositi.

Sericum villosum rubrum primò adhibitum hoc tempore; ut Coronam cum Templi, tum Tholi universam ambiret, quod tæniis interceptum aureis, fimbriisque ad oras pendentibus assutum, tria ferme palmorum millia longitudine æquabat. In ipso Coronæ supercilio machiae quædam undique attollebantur, in modum calathi foliis storiatis, inservisseque turbinibus, quæ ab imo angustiori in latitudinem excrescebant, ut in ipso demum vertice octo librarium cereos sustinerent.

Sexdecim præterea Tabulæ æneo colore piëte magnorum instar Numismatum, quæ illustriora Quinque Beatorum miracula repræsentarent, ita mutulo singulorum arcuum in navi media innitebantur, ut coronam Templi maximam interciperent, ab eaque in hemicycli formam extarent. Harum coronides auro aliisque adjectis ornatibus nobiles in superiori hemicycli parte conchylio finiebantur, quod projecturam obtegeret, ex qua brachia oriebantur ad tres cereos sustinendos; latera verò Aligerorum capitibus variè intersecta: Encarpi etiam consertique flores tam apto inter se nexus inde demissi, ut & mutulo ipsi, & anaclyphis quæ arcui insidebant, ornamento essent & elegantiæ. Ab ipso demum coronidum vertice amplissimum utrinque ex damasceno rubro velum deflebat laciniis ad oras aureis magnifice circumtectum, quod Tabulam, eique adjectos ornatum ordines convestiret; miraque ob id inter tantam colorum varietatem, albaque Anaglypha arcuum fornicibus insidentia unio pariter, & proportio commendaretur.

A summo verò arcu inter holoserica, quæ ad incumbas usque tortuosè decidebant tæniolis aureis concinnè discriminata, & mutuo subinde nexus in rosarum formam collecta, Aliger pendebat palmorum triginta, amictu versicolori & alis ad volandum extensis, qui, cum minorem tabulam gestaret manibus auro illitam, inscriptum in ea lemma obiiciebat intuentibus, quod expressum in superiori Numismate miraculum significaret. Magnus Angelo subiiciebatur lychnuchus instar turbinis ornato fune suspensus, qui duos & viginti funales cereos totidem brachiolis

multo splendidis auro, & in duplicem ordinem eleganter dispositis præfixos attolleret. Ima lychnuchi pars aurearum frondium manipulis ornata; suprema binis palmarum liliorumque fertis circumdata, quæ profusum pro Christo sanguinem, vitæque innocentiam significant, præter undecumque defluentes eidem adjectos encarpos, & lemniscorum mæandros. Ad hujus lychnuchi latera minores alii duo eâdem formâ & ornatu, auroque sub-obscuræ picti demittebantur per funiculos aureis circumvolutos tæniolis ab ea utrinque projectura, ubi hemicyclium arcus paraßtatæ imcumbit, qui duobus ordinibus discretos quatuordecim Cereos sustollerent. Quatuor hi erant & viginti, altitudine palmorum viginti septem, latitudine undecim; majores verò sub arcubus positi quatuordecim, qui altitudinem habebant palmorum quadraginta, latitudinem sexdecim.

Ex Tabulis autem sexdecim, Numismatum instar, quæ una cum corone ornamentiisque eidem adjunctis singulæ quinquaginta septem palmos longitudine æquabant, septem & viginti latitudine; ternæ unicuique Beatorum attributæ erant, ex quibus singulorum miracula innoteſcerent: & hoc ordine dispositæ.

Prima supra arcum Baptisterii præferebat mirabilem Sanctimonialis fœminæ sanationem ope sanctæ Catharinæ de Ricciis, cum lemmate.

Sanctimonialis ob Arteria magnæ laxitatem jamjam moritura; admoto ſibi Catharinæ Baculo incolumis restituitur.

Porro lemmata omnia, elogia, & ephigraphæ suum habent Auctorem V. C. Michaelem Angelum Giacomelli Sanctissimi Domini Nostri Papæ ab intimo Sacello, & Sacrosanctæ Vaticanæ Basilicæ perpetuum Beneficiatum.

Secunda ante proximum Sacellum Præsentationis, a sancto Josepho a Leonissa sanie manantem fistulam curatam: Hujus lemma.

Puellæ, quæ marie extabuerat, sanie fluens fistula in leva papilla infidens,

Oleo lampadis ad Iosephi Aram prælucentis perungitur: Extemplo inducta cicatrix: Tabes depulsa.

Tertia ad Chorum Canonicorum, sancti Petri Regalati ope redintegratam fistulâ mirabiliter curatâ valetudinem, cum lemmate.

Fœmina, cuius renibus fœda hærebat fistula, Petri sepulchrum adiit, & convaluit.

Quarta supra fornicem arcus, ex quo cominus sancti Gregorii Sacellum aspicitur, hominem sancto Fidele intercedente, inveterato comitali morbo liberatum: Istius lemma.

Comitali morbo laboranti admota, & in Crucis modum ducta Fidelis effigies integræ illico valetudinem affert.

Quinta ad sanctorum Apostolorum Simonis, & Thaddæi Sacellum propè Vaticanæ Sacrarii Oltium; aliud prodebat sanctæ Catharinæ Miraculum, cum lemmate.

San-

Sanctimonialis articulorum doloribus diù excruciatā Catharinae opem implorat; morbo statim emergit.

Sexta sub medio Absidis dicti Pronai alterum sancti Petri Regalati signum exhibebat, hoc lemmate.

Comitiali morbo correptus homo in eaminiū lapsus, Ollam ferventis aquæ plenam evertit; amissum videndi sensum Petri Caputio ad os suum ad morte recuperat.

Septima super arcum proximum Portæ, quæ ad divæ Marthæ itur, significabat impubem divi Fidelis ope gradiendi facultate donatum; cum lemmate.

Quadrinus puer Pedum motu carens, in Fidelis effigiem defixis oculis intuens statim gradiendi facultatem assequitur.

Octava prodebat incendium ab eodem sancto Fidele extinctum; erat autem in arcu Sarcophago Alexandri Papæ VIII. proximo, loco quidem digniore, & Martyri debito, utpote ad dexteram Pontificii Solii. Ejus lemma.

Majensfeldia Fidelis ope implorata restinctum incendium.

Nona in sinistro Solii latere Puellam a polypo, gangrenâque libera tam docebat, sancti Camilli ope; cum lemmate.

Puella naribus a multo tempore polypo obstructis ac gangrenâ erosis Filum e Camilli induſio applicitum, morbum, morbiq'ue reliquias delet.

Inde retrocedendo ad principem Januam occurrebat

Decima, in Navi transversa quam sanctorum Processi, & Martiniani ab eorum Altari ibi ædificato vocant. Hæc aliam puellam repræsentabat, ejusdem sancti Camilli meritis a lepra mundatam; cum lemmate.

Puella ab utero Matris veluti lepra quadam contracta lethali febri implicata, Camilli imaginem sibi admoveat, illico convalescit.

Undecima sub ejusdem Navis absidem, alterum a sancto Josepho editum in puerō signum indicabat, cum lemmate.

Pueri coeuntes palpebræ, ne levi quidem signo discriminatæ, aperiuntur & lumen in oculos admittunt.

Duodecima, non longè a divi Basiliī Ara, mirabilem præferebat Cancri sanationem divæ Catharinæ auxilio; eratque lemma.

Vetusti Cancri in puellæ papilla hærentis hiatus duo, alter stamineo Catharinæ pileo tactus, alter lampadis ad ejus Aram ardentis oleo perunctus, ad cicatricem perducti.

Decima tertia, sancti Camilli pulvere gibbosam puellam prodens erectam incumbebat arcui Sacello Gregoriano respondenti; cum lemmate.

Puella gibbo corpore ab incunabulis spirandi difficultate pressa, ac jam prope enecta, hansto Camilli pulvere recti corporis formam accipit, omni morbo convalescit.

Decima quarta super arcum Sacelli, in quo perpetuò asservatur
E e e e 3 San-

Sanctissimum Sacramentum, beatum Regalatum monstrabat extenso pallio aquas traiacentem; cum lemmate.

Petrus nunquam aliter quam extentum super aquam pallium descendens cum fodali suo flumen traiicit.

Decima quinta ad arcum Cappellæ sancti Sebastiani, consolidatas pueri plantas ope sancti Josephi a Leonissa indicabat, hoc lemmate.

Bimini puerum cuius coxae, crura, pedes ossibus carebant, Josephus gradieri potestate compotem facit.

Decima sexta, Ecclesiæ in Sanctorum suorum gloria lætitiaque triumphantis imaginem præferens, innitebatur superiori parti ultimi arcus, qui tamen primus ingredientibus Templum dextrorsum occurrit.

Populus meus, & hereditas mea, quos eduxisti in fortitudine tua magna, & in Brachio tuo extento. Deuteron. ix. 29.

Ad hæc, quot enumerantur supernè inter epistylia sedes sive loculamenta, tot singula singulis imposita conspiciebantur Virtutum simula-
cra, palmorum viginti, ad similitudinem æris depicta aureisque lineis
nitentia.

In supposita cuique simulacro basi, quæ trium erat palmorum, singularum Virtutum nomen inscriptum legebatur. Fuerunt autem numero viginti, nimirum: Justitia, Prudentia, Temperantia, Fortitudo, Fides, Spes, Charitas, Abstinentia, Castitas, Pietas, Continentia, Pu-
ritas, Humilitas, Obedientia, Vigilantia, Perseverantia, Voluntaria Paupertas, Pœnitentia, Innocentia, Zelus.

Quatuor ex sexdecim inferioribus Navis mediæ loculamentis, quæ adhuc carent Statuis valvas versus Basilicæ, cum in ceteris Fundatorum Regularis alicujus Instituti Signa e Lunensi marmore constituta jam sint, exhibebant imagines albo nigroque colore subobscure pictas, dextrosus quidem sancti Fidelis a Sigmaringa, & sancti Petri Regalati; sinistro-
rum vero sancti Camilli de Lellis, & sancti Josephi a Leonissa, quamli-
bet suæ innixam basi; quæ a vero marmoris colore non abluderent. Quinta, quæ supererat sanctæ Catharinæ effigies, Angelo eidem adstan-
te, qui manu lily attolleret, in eo ex duobus loculamentis sub he-
micyclo Sacelli SS. Processi & Martiniani item vacuis statuta fuerat,
quod Theatro proprius erat; in altero quod ex adverso est, Divinæ gratiæ
simulacrum impositum.

Ut autem unicuique Statuæ, quæ in Navi sunt Templi media, cerei prælucerent, binæ ad singula earum loculamenta mensulæ fuerunt ap-
positæ colore subnigro, ut stereobatas e Leucophæo marmore simula-
cra suppositas ad speciem emularentur: Has interjecta grandis Pelta mirè jungeb t Anaglyptico Aligeri capite corona superestanti, & unius ex Religiosis Beatorum Institutis stemmate nobilis. Adjecti ad hæc en-
carpi, & rami frondentes item ex Anaglypho; decem præterea lychnu-
chi ad cereos utrimque sustinendos. Hæc auro obducta omnia.

Quia

Quia verò decimum sextum loculamentum ænea Apostolorum Principis Statua tenet, quæ tam solemini die Albâ, Pluviali rubro, gemmâ pectorali & Regno pretiosis lapillis distincto ad graviorem majestatis speciem ornari consuevit; duo pro mensulis ante eam argentea statuta fuerant candelabra prægrandia, quorum ex utroque polygonius deargentatis ligneis brachiolis, lychnuchus subnascebatur, qui duo de viginti bipartito ordine cereos attolleret.

Ad transversæ præterea Navigis ornatum præter hactenus descriptas Virtutum imagines, aliæ non defuerunt, adjecto enim tympano, supercilioque instar hemicycli supra coronam utriusque lateralis absidis, sanctorum scilicet Apostolorum Simonis & Judæ, ac sanctorum Martyrum Procelli & Martiniani, ita tamen ut quod ad tempus additum erat, a præsca solidaque Templi forma structuraque non deflecteret; in utraque ipsius tympani ora ad columnarum perpendiculum, quatuor prospiciebantur virtutum Situæ colore marmoreo; dextrorum quidem Constantia & Magnanimitas; sinistrorum verò Affabilitas & Clementia, inter quas ad cereos novem sustinendos rami succrescebant aliquot concinnè tortuosæ & auro interliti.

Alii quoque eadem formâ cultuque ramusculi, quibus quadripartito ordine affigerentur funales cerei duodetriginta, supremas ornabant loco tympani projecturas coronarum, quæ sub utriusque Navigis hemicyclo lateralia circumeunt Altaria.

Supra verò epistylia octo columnarum, quarum binæ singulis adjacent prædictis Altaribus, octo item assurgebant e basi aureis striata foliis Aligeri æneo colore, auro tamen subobscure illiti, qui utraque manu palmas & lilia, flagella, cilicinalque vestes gestarent ad ostendendam Beatorum de quorum gloriâ agebatur, vites sanctimoniam. Ut autem columnas ipsas stragulum holosericum rubrum, tænis aureis nova arte discriminatum vestiebat; ita incumbas Altarium serica vela aureis fimbriata laciniis, modò leniter pendentia, modò eleganter crispatæ & in rosas collecta exornabant.

Tantum holosericarum vestium, aurique & pictarum tabulirum apparatum æquabat par lumen copia, quæ licet conjici quanta fuerit ex iis possit, quæ dicta sunt, tamen facilius patebit, si hoc loco reconsentetur in suas veluti classes atque ordinem distributa. Primus ordo constabat iis cereis, qui & in superioribus quibusque Basilicæ Aris supra grandia ex ære candelabra collucebant, & ante statuas in inferioribus loculamentis super lychnuchos; præter eos qui arabicè picti Altare & Confessionem beati Petri circumsepiebant. Secundus & tertius lychnuchos continebat, qui sub quolibet arcu pendentes, minores qui iem demissius, maiores verò altius duplice diversamque lineam efficiebant. Quartus erat eorum cereorum, qui continenter ambiebant summam coronam, tam primiarum absidum, quam fornicum. Digesti demum super

super magni Hemispherii projecturam , ac quadrigemina inter ingentes illius pilas prominentia podia , quintum & ultimum luminarium ordinem complebant . Nemini igitur mirum videbitur , si tot fuerint cerei , qui intra Basilicæ arderent ambitum sex aut octo librarum pondere , ut mille quingenti octoginta sex numerari potuerint ; exceptis iis grandioribus , qui intra Missæ solemnia oblati Pontifici sunt ; iis item varii ponderis & sine numero , qui singulis in tam frequenti Supplicatione fuerant distributi .

Reliquum est , ut de nobilissimo Theatri apparatu aliquid dicatur , cum quo si cetera Templi ornamenta conferantur , non parum videri poterunt dignitatis amittere . Ab ipso Basilicæ solo ante Aram principem æneâ mole superimpositâ celeberrimam , ad Occidentalem Templi partem ita sensim attollebatur , ut in altitudinem palmorum quinque desineret , oblonga centum viginti palmorum lignea contignatio , quæ nobiliorem & integrum Theatri aream componeret . Quatuor ad hanc gradus ducebant , singuli unciarum octo , qui ab utroque transversæ Navis spatio , ubi superiores maximi Tholi pilæ obliquantur Austrum versus & Aquilonem , ita incipiebant , ut utrobique primùm directi , mox sinuosi , in medio demum e regione Aræ principis in ovalis hemicycli figuram dispositi , centum octoginta septem palmorum longitudinem occuparent . Hos æque ac integrum Theatri caveam stragulum laneum colore viridi obtexerat , non ad ornatum tantum , sed ut decentius supra gradus ita compositos de more assiderent eo tempore Suffragatores in Signatura Justitiæ , Abbreviatores , Referendarii Signaturæ utriusque , Cubicularii tam intimi quam honorarii , Advocati Consistoriales , Capellani Sanctissimi Patris , tam qui ab intimo Sacello sunt , quam qui communes vocantur .

Ex eadem Areæ planicie prope Veronicæ loculamentum , triplici gradu ibatur in tabulatum palmos duodecim longum , tredecim latum , supra quod consueta eminebat Pontificis Cathedra stragulo cooperta serico rubro , & floribus aureis consperso . Dorsuale ejusdem fulcrum , formâ quasi triangulâ , pari item vestitum texto , ad palmos tredecim ita utrinque protendebatur , ut posticam Cathedræ partem muniret pariter & ornaret . Id erat parvum Pontificis Solium , ex quo sacras idem vestes ad sacrificium acciperet ; dum cantus Horæ tertiae Canonice de more absolveretur . Extra Solii gradus , quos laneus textus rubeus tegebat , mensa fuerat instructa pro septem candelabris inauratis cum candelis arabicè pictis , ante Crucem ad supplicationes & ante Cardinalem Diaconum ad Evangelii cantum deferendis . In opposita verò ipsius Areæ parte prope sanctæ Helenæ loculamentum , quinque erant mensæ , in quibus singulis singulæ apponenterentur Oblationes pro unoquoque Sancto , Pontifici exhibenda . Ceteri Abaci ad sacra Ministerii vasa , quæ cum summus Antistes celebraturus est , e Pontificali gizâ ad lautiorem ap-

paratum

paratum solent depromi, inter Aram maximam & ipsam Theatri cavaem dispositi fuerant.

Non longè a gradibus parvi Solii, & a quinque Oblationum mensis scamna utrinque incipiebant ordine continuo, ubi Sacer assideret Senatus, & in cunei formam ad imam Theatri partem protendebantur. Ad hæc, quæ Babylonicis Aulæis fuerant instratæ, per duplum gradum erat ascensus, in quorum altero Caudatarii eorumdem Eminentissimorum Patrum erant confessuri. Primo huic subselliorum ordini alter & tertius succedebat eadem cuneatâ formâ, alias tamen alio altior, ut prospectus in Synedrium pateret omnibus. Sedes hæc, quæ sequioribus non tamen inelegantibus instratæ fuerant peristomatis, tenebantur dextrorum quidem a Præfulibus non Assistentibus, ab Abbatibus & Pœnitentiariis rubrâ casulâ indutis; sinistrorum verò a Gubernatore Urbis Vice-Camerario, ab Auditore Generali & Thesaurario Apostolicæ Cameræ, a Protonotariis tam Participantibus, quam supra numerum, ceterisque aliis, quos Pontificia potestas & liberalitas hâc prærogativâ insignire voluit, ut in eodem assiderent scamno, a Religiosorum item Mendicantium Ordinum Ministris & Procuratoribus Generalibus. His proximum consuetum pro Bononiæ Oratore scamnum fuerat appositum. Pro Consultoribus autem Sacrorum Rituum, quibus interesse hujusmodi Actionibus conceditur, humiliores a tergo parvi Solii, & post Oblationum mensas fuerant sedes paratae.

Post vacuum a fronte Theatralis areæ quinque & viginti palmorum interstitium, septeni assurgebant gradus singuli unciarum septem, minori longitudine ex adverso Aræ principis, productiores verò quam ad Cardinalium confessum utrinque vergebant. Supra hos, qui palmos quinque & uncias decein altitudinis æquabant, suprema porrigebatur maximi Throni planities latitudine palmorum sexdecim, longitudine sex ferme supra viginti, quam una cum gradibus laneum peripetasma rubei coloris undique operuerat. In his sessuri erant Sacrae Rotæ Auditores una cum Sacri Palatii Apostolici Magistro, & Clerici Cameræ. Duo præterea in hac planicie gradus erant holoserico villoso rubro connecti, quæ ad Pontificiam Cathedram præberent aditum. Eminebat hæc tamquam totius corporis caput, palmos ferme duodecim in summa eademque media Theatri totius parte, ut prospici facilè posset ab infinita pene hominum multitudine, quæ eò confluxerat. Ad opportunum præterea Suæ Sanctitatis recessum in postica hujus Solii parte parvum fuerat asseribus exædificatum cubiculum, cuius aditum ab hominum aspectu removebat ea veltis stragula, quæ post Anacliterium Cathedræ ligneum convestiebat parietem. Ad latera quoque, et si extra gradus Solii nec longè ab ipsis Cardinalium subselliis, alia interna receptacula & aditus duo, quamvis ostio & serâ firmati, majorem absidem versus pro temporariis sacri Senatus opportunitatibus utrinque habebantur.

Porro Pontificii Solii structura varia marmorum genera ad speciem veri mirificè picta coloribus imitabatur. Suberat primæ contignationi a Theatri pavimento ad graduum altitudinem Africani instar marmoris magna basis, quæ palmos protensa tres & quadraginta, ut fundamento esset prægrandibus stylobatis per utramque faciem excurrentibus, palmarum alteram specie Anthracini lapidis supra se excipiebat, cui innitebantur triglyphæ spiræ inauratae columnarum duarum, quæ utrinque Throno adjacebant.

Columnarum scapus striatus striis auro illitis, strigibus verò cyanis lapidis colore pictis, aurato epistylio ordinis Corinthii terminabatur. Ad utrumque columnæ latus pilæ stelæque basibus & capitulis pariter inauratis floridum Onjichem simulabant.

Quæ columnis stelisque superimposita excurrebat communis corona, maculosas antiqui marmoris crocini venas reserebat. Huic non absimilis colore erat alia grandior operis fastigio superinducta, cujus quidem operis pars media sursum arcuata in semicyclum definebat. Columnarum verò stelarumque sub ea tympanum cyaneo veluti marmore constare videbatur; Zophorus pari modo pictus, qui inter utrasque procurrebat coronas Anaglyphis inauratis, & mira varietate distinctas, hanc præferebat Epigraphem magnis literis aureis expressam:

BENEDICTA GLORIA DOMINI.

Aligeri duo colore æneo insistebant arcuatæ superciliæ extremitati genibus flexis, & palmas florumque ferta manibus attollentes.

Adstabant pariter ad utrumque Throni latus vestibus multo auro illustratis solida Religionis & Justitiæ simulacra, quæ suæ singula basi insidebant ex Alabastrite cœruleis intersecto lamellis, & aureis lineis coronato, cui substrata inferius erat stereobata crocinâ coronide, & cymatio cœlaturis aureis variato. Huic stereobatae suberat stylobata perficæ arboris floribus colore non absimilis, longitudine tanta, quanta & latitudine supra basim infimam anthracinam, qua hæc extra pilas protendebatur imposta, cujus a fronte magna Pelta, Pontificia Insignia subobscurò auro picta referens, extabat inter encarpos & vittas.

Ad hæc in similitudinem veri marmoris colorata culcitæ copioso aureo coccineoque serico mirificè textæ, tamquam venusti postes utrumque Throni latus eique superextantem e serico villoso umbellam, sub qua Pontificia erat Cathedra, aureis tæniis fimbriarumque mæandris magnificè ornatam circumscribebant. Ultra supercilium quod totius Solii terminabat ornatum, eminebat S. Fidelis Vexillum ab Angelis inter lucidam nubeculam apparentibus elevatum. Suberat illud autem altiori splendidissimaque luce circumfuso Spiritus sancti Symbolo, unde tum radii longè latèque diffusi Vexillum ipsum, subjectumque Pontificii Thro-

Throni ornatum illustrabant; tum plures Aligerorum vultus inter nubes luteo colore expressas, & auro plurimo nitentes descendere conspiciebantur. Venustatem quoque augebat labens ab utroque vexilli latere magnum serici villoso rubri paludamentum, tæniis atque laciniis aureis ad oras assutum, quod sensim diffusum ad angulos externos coronidis pilorum quæ Solium intercipiebat, post concinnam alternamque flexuram iterum labens utrumque inauratum signum, Justitiæ scilicet & Religionis, a tergo undecumque vestiebat: Huic alterum velut amplissimum conopeum subjectum erat & sociatum ex damasceno coloris rubri fasciolis aureis discriminato, iisdemque ac villosum rubrum laciniis, quod a gloria Domini de qua superius dictum est, incipiens demitti, paullatim ita latius discurrebat, ut laxitate sua non solum paludamentum ipsum quasi chlamydem Throni exciperet & concluderet, sed circumveillaret præterea, quām latus erat, totum Theatri prospectum, ita tamen ut non æqualiter ante propenderet, sed mollibus modò nexibus corrugatum allevaretur a majoribus Aligeris inter alios minores variè dispositos, polimyxum alterā manu quindecim cereorum duplii ordine distributorum sustinentibus; modò inversam subsutamque sibi posteriorem partem aureis floribus conspersam detegeret; ita demum sinuatum in utrasque arcuum stelas suspensum desineret.

Tota itaque nobilissimi Throni moles, quæ in lateribus debitâ proportione servatâ humilior erat, centum & decem palmorum sublimitatem æquabat in medio.

A Simulacrorum de quibus dictum est, stylobatis utrinque per latera ad finem usque primarum Tholi pilorum prope loculamenta Veronicæ & divæ Helenæ, in ipsissimis superioribus stylobatarum spatiis crates incipiebant inauratae, quæ ligneam interius extructam contignationem intercluderent. Super eas parastatis concinnè intercisas continua auroque illustrata ita prominebat corona, ut ex ejus projecturis fastigia quædam instar turbinum & ornatus assurgerent, conchyliis & encarpis inter se colligati, quibus Tiara Pontifica decussatæque claves, auro item fulgentes, erant impositæ. Perpetuum similiter florum ac frondium inauratarum sertum a pilorum Throni Epistylis elabens & super ipsam continenter coronam procurrens per consertas puerorum manus speciosissimo Iusu traducebatur ad coronandam prægrandem peltam cum Suæ Sanctitatis Insigni in medio totius ornatus prominentem; cum enim lapideæ stelæ, quæ ingentem hinc & inde Hemispherii fornicem sustinent, transennas utrinque appositæ intersecarent, quarum amplitudo erat palorum octo supra centum & quadraginta, impedirentque, ne pone contignatio cohæreret; supra crates ibi etiam procurrentes ad unitatem ornatus servandam, basis subrubro colore, in qua exaratæ legebantur Epigraphæ:

HONOR ET GLORIA IN SERMONE
Eccli. cap. 5. vers. 15.

IPSI GLORIA IN ECCLESIA
Ephes. cap. 3. vers. 21.

basis inquam sursum elevabatur , quæ prædictam magnam peltam ipsis innixam stelis attolleret . Infra crates verò textile ex damasco rubro tæniis aureis concinnè decurrentibus per futuras dispertitum , & in summa parte serico villoso item rubro coronatum convestiebat undique lignum contiguarum contignationum parietem .

Ut verò unaquæque pars toti responderet , cederetque in ampliorrem Theatri ornatum , & in nobilium Matronarum commodum , quæ conventuræ in Basilikam erant eo die ; in adversis ipsi Theatro loculamentis tam divi Andreæ , quæm sancti Longini aliæ comparatæ fuerant eminentes contignationes eodem ac reliquæ ornatu . Hæ sicut & aliæ priùs commemoratæ , congruis interpositis repagulis seorsim separatæ , ita Sanctitatis Suæ jussu fuerant distributæ , ut quæ proximæ Solio Pontificio utrinque erant , Postulatoribus quinque Beatorum assignarentur ; quæ his adjacebant , in dextera sinistraque Theatri parte Principum Oratoribus darentur , licet demandatum sibi munus ex benevolo Summi Pontificis permisso , nondum palam obirent ; item Columnensium Familiæ , ac Almæ Urbis Senatori . Decreta Cantoribus Cappellanis pro Odeo contignatio , quæ in transversum Pronaum vergebât ab Helenæ loculamento ; quæ verò ex adverso erat , Capitulum Vaticanum inter & Poli Ducem Sacri Hospitii Magistrum fuerat bipartita ; ceteræ urbanis & exteris Matronis erant destinatæ .

E superioribus tandem lapideis Procestriis , apud quæ reliquiæ Sanctorum in Basilica servantur , serico stragulo variè ornatis , nec sine multis cereis , ut superiùs dictum est , pendebant deorsum quatuor alia Beatorum Vexilla , ex eo nimirum , quod Veronicaæ simulacro supereminet , Vexillum beati Camilli de Lellis , ex altero supra sanctam Helenam , beati Petri Regalati , ex tertio apud sanctum Andream , beati Josephi a Leonissa ; in quarto supra Loculamentum sancti Longini , beatae Catharinæ de Ricciis .


Hæc & cetera quæ narranda forent , meliùs quam sermo subjicit oculis tabula , quæ superius apposita est .


IMAGINES, ET DELINEAMENTA
EXTERIORIS INTERIORISQUE ORNATUS
VATICANÆ BASILICÆ

I N


SOLEMNI CANONIZATIONE
S A N C T O R U M

FIDELIS A SIGMARINGA, CAMILLI DE LELLIS,
PETRI REGALATI, JOSEPHI A LEONISSA,
ET CATHARINÆ DE RICCIIS.









pro solemnī Canonizatione a Sanctissimo Dño Nostro
Iuxta Supplicationis partis.



18

19

20

21

22


23

13


1. Si. 16. Gubernator Urbis. (19. Cubicularii Sec. Assyst. clu Aud^r de Mitra. 22 Generales
2. Fr. 17. Card. Diac. Assyst et Evangelii. 20. Auditor Cam^r et Thesaurarius. Ordinū:
3. C. 18. Papa sub Baldacchino. 21. Protonotarii cum Adjunctis. 23. Populus.
Io. Bapt. Sutus sculp Roma.

III

Delineatio interioris Ornatus magnæ Navis Vaticanae Basilicæ pro solemní Canonizatiōne a Sanctissimo Dño Nstro
Benedicto XV. celebrata, necnon præciput Supplicationis partis.



¹ Secutisi Papæ. ⁴ Cappellani Secreti cum Mitrif. ⁷ Cantores. ¹⁰ Subduconis cum Cruce. ¹³ Cardinales Diac. Presbyteri et Episcopi. ¹⁶ Gubernator Istris. ¹⁹ Cubicularii Sec. Aſſiſt. cl. Quod^e de Mlbra. ²² Generals
² Procuratores Generals. ⁵ Advocati Consistoriales. ⁸ Abbreviaſ. Votan. Clerici Cam. Audit. Rotar. ¹¹ Poenitentiaru. et Abbatis. ¹⁴ Order Bonon. cum Priore Cap. Reg. ¹⁷ Card. Diac. Aſſiſt. et Evangelii. ²⁰ Auditori Cam. et Thesaurarii. ^{Ordinii.}
³ Cubicularii Extra. ⁶ Cubicularii Honors. et Intimi. ⁹ Acolybi cum septem Candelabris. ¹² Episcopi non Aſſiſt. et Aſſiſt. ¹⁵ Conservatores. ¹⁸ Papa sub Baldacchino. ²¹ Protonotarii cum Adjunctis. ²³ Populus.
⁴ Aſſiſt. Camerellis Arch. ¹⁵ Antonius Finibus. ²⁴ B. Sept. Iudee. folio Romae



Alcibiades Vanvitelli Arch. Orn.

Antonius Rinaldi deli.

Isaac. Bap. Sintes Sculp. Rome

8 I












9

10



Q i
E II



Antonius Rinaldi delin.


Ioan Bapt. Sintes sculp. Romæ






7


Q
C



22








YER

52



Aloissius Vanvitelli Arch.

Antonius Rinaldi delin.

Joan Bapt. Sintes sculp.





KK


J.

65










Antonius Gramignani scul.







212



1237





BRUN

BRUN

BRUN

BRUN















RELIGIO.



POENITENTIA



ABSTINENTIA




Antonio Rinaldi deli.




VIGILANTIA

Ioane Napoli Sintes Sculp Rome

1987.8.8







THEATRI PROSPECTUS.

Antonius Rivaldi del.

38

Aloisius Varvitelli Arch.


Ian Bapt Sc. ex oculis Rivaldi.

xix

28



XXX



Aloysius Vanvelli Arch.

Antonius Rinaldi delin.

Ioan. Bapt. Sines sculp.


MAXIM



Antonio Rinaldi deli.

Gio Battista Sante Sculp. Rome







I N D E X

R E R U M N O T A B I L I U M .

A.

- A** BACUS ad sustinenda septem candelabra in Theatri cavae . pag. 461.
 Pro Sacris Vasis e Cimeliario Apostolico depromptis . *ibid.*
 Quinque Sanctorum Oblationes in quinque sejunctis Abacis constitutæ . *ibid.*
 Abaci Oblationum quomodo instructi . *ibid.*
 Abacus sive Mensa instar Lecti Paramentorum exstructa in Aula Apostolico Sacrario proxima pag. 483.
ABBATES Generales locum habentes in Cappella Pontificia . pag. 485.
 Pluviali & Mitra ornati intersunt . pag. 463.
 Pedem Papæ genuflexi ad Obedientiam accedentes deosculantur . pag. 487.
ABBREVIATORES de Parco Majori septima die infra octavam SS. Apostolorum cum Cappis assistunt Missæ Pontificali in Ecclesia S. Petri in Monte Avreo pag. 471.
AEROGATIO Declamationum prophanarum in Consistoriis . pag. 222.
ABSOLUTIONIS a Vinculo Ecclesiæ existentis in partibus Infidelium , quo Cardinalis ante Promotionem fortè tenebatur , Formula . pag. 51.
 In Formula Absolutionis Pontificiæ ad complementum Actus Canonizationis adduntur nomina eorum , qui in Sanctorum Album referuntur . pag. 494.
ACTA Canonizationis S. Francisci Salesii collegit , & edidit Dominicus Cappelli Apo- stolic. Cærem. Mag. pag. 17.
 Item alia SS. Petri ab Alcantara , & Mariæ Magdalenæ de Pazzis . pag. 495.
 Acta Canonizationis SS. Pii V. , Andreæ Avellini , Felicis a Cantalicio , & Catharinae de Bononia publicavit alter Cærement. Pontificius Justinianus Chiapponi . pag. 25.
 Actorum in Causis Canonizationis Compendiaria narratio fieri consueta , omittitur de Mandato Papæ . pag. 3.
ADMONITIONIS Schedula Cardinalibus transmissa super colore Vestium adhibendo in accessu ad Lateranum pro assequenda Indulgentia . pag. 454.
 Alia in accessu ad Vaticanam Basilicam . pag. 455.
 Tertia in accessu ad Ecclesiam S. Mariæ supra Minervam , Liberianæ Basilicæ subrogatam . pag. 456.
 Cardinalibus Sacr. Rit. Congregationis data , ut duos Nobiles Familiares suos tempestivè mitterent ad Vaticanam Basilicam in die Canonizationis pro deferendis Oblationibus . pag. 454.
ADVENTENTES in Urbe Magni Principes , Regiive Oratores , ut debitam Summo Pontifici Obedientiam præsent , hospitantur in Palatio . pag. 81.
ADVENTUS Caroli Borbonij Hispaniarum Insauris & Regis utriusque Sicilie in Urbem memoratur . pag. 476.
ADVOCATUS CONSISTORIALIS Virgilius Montecatinus Orationem habet in Consistorio publico de B. Fideli a Sigmaringa , & instat pro ejus Canonizatione . pag. 54.
A Summo Pontifice ex Advocatorum Consistorialium Collegio selectus , ut nomine Cardinalis Portocarrero Procuratoris pro Canonizatione Sanctorum apud Papam tertio petit , ut Santos tandem declareret beatos Fidelem a Sigmaringa , Camillum

F f f f

de

- de Lellis , Petrum Regalatum , Josephum a Leonissa , & Catharinam de Ricciis.
pag. 488. 489. 490.
- Acceptat Sententiam Canonizationis , gratias agit , & postulat Literas Apostolicas
de super expediri . pag. 493.
- Rogat Protonotarios , ut unum vel plura Instrumenta super Canonizationis Actu
conficiant . *ibid.*
- ADVOCATUS Consistorialis Julius Cæsar Fagnanus Orationem alteram de B. Camillo
de Lellis in eodem Consistorio pronunciat , & pro ejus Canonizatione instat.
pag. 65.
- Tertiam de B. Petro Regalato pariter pro ejus Canonizatione instando habuit Ad-
vocatus Joseph Ascevolinus . pag. 73.
- Advocatus Philippus Maria Pirelli quartam pro B. Josepho a Leonissa . pag. 84.
- Advocatus Paulus Franciscus Antamori quintam pro beata Catharina de Ricciis .
pag. 90.
- Advocatorum Consistorialium Collegium Laudibus extollitur a SS. D. N. pag. 215.
- Advocatis Consistorialibus locum dignorem illo , quem prius obtinebant , assignat
Papa tam in Cappellis , quam in publicis Supplicationibus . pag. 204. & pag. 220.
- Rectori ejusdem Collegii est privativum jus & jurisdictione in Ecclesia publici Archi-
gymnasi . pag. 224.
- Advocatus Fisci & Cameræ Apostolicæ : Pauperum : Fabricæ Basilicæ Principis
Apostolorum : Senatus & Populi Romani , ex Collegio Advocatorum Consistoria-
lium assumendus . pag. 231.
- Fisci , & Pauperum Advocato Patrocinium aliarum Causarum interdicitur . pag. 232.
- Ex eodem Advocatorum Consistorialium Collegio eligendus , qui munus Commis-
sarius Conclavis exerceat . pag. 231.
- Item Promotoris Fidei : eique stipendum , alias a Clemente XI. assignatum , con-
firmatur . pag. 232.
- Advocatis Consistorialibus , eorumque Coadjutoribus Oratorium privatum conce-
ditur . pag. 232.
- Numerus eorum duodenus præfinitur . pag. 217.
- Qui in illo locum habeant ; eunique habentibus iterum confirmatur . *ibid.*
- Decanatum in Collegio Advocatorum Consistorialium obtainere nequit , qui Episco-
pus vel Prælatus fuerit . pag. 219.
- Quid si omnes alterutra dignitate prædicti sint ? *ibid.*
- Advocati qui simul & Prælati fuerint , quo habitu in Consistoriis intererint . p. 222.
- In Consistoriis instando orare , unicè spectat ad Consistoriales Advocatos . p. 215. 223.
- In Advocatorum Collegio alicuius loci vacatione occurrente , facultas est ipfimet Col-
legio tres nominandi , ut unus feligatur a Papa . pag. 219.
- ADVOCATO FISCALI Cameræ Apostolicæ adstante citat Præco maxima voce , qui an-
duo solvendo Tributo sunt obnoxii , exeunte Papa ad primas Vesperas SS. Apo-
stolorum . pag. 476. Vide . *Camera Apostolica* .
- ÆNEORUM Tormentorum strepitus . Vide . *Tormenta bellica* .
- ÆREÆ CAMPANULÆ & Papilionis ante Collegia & Capitula Patriarchalium Eccle-
siarum Urbis gestatio , & pulsus quid significet . pag. 481.
- ÆRIS Campani Sonitum dant omnes Urbis Ecclesiæ per integrum horam in die Cano-
nizationis . pag. 459. 493.
- ALEXANDER Papa III. Primatibus & Episcopis aliisque omnibus interdixit , ne cui-
quam Beati nomen & cultum tribuerent . pag. 2.
- ALEXANDRUM Saulium Episcopum Aleriensem , & Camillum de Lellis inter Beatos
refert Benedictus Papa XIV. pag. 3.

I N D E X R E R U M .

599

- Alexander VII.** Servorum Dei Beatificationem formalem in Basilica Vaticana celebrandam esse stabilivit . pag. 17.
- Munia Subdiaconi , Diaconi , & Presbyteri Assistentis , per Canonicos trium Patriarchalium Urbis, ut in Pontificiis Cappellis obirentur , præscripsit . pag. 484.**
- ALLOCUTIO** Benedicti XIV. ad Cardinales in Consistorio Secreto , ubi Canonizandorum Causas retulit . pag. 26.
- Allocutio in primo Consistorio semipublico,in quo suffragia Cardinalium & Præsulum Ecclesiarum excipit super Canonizatione beati Fidelis a Sigmaringa . pag. 151.
- Auditis suffragiis Allocutionem concludit indicendo preces & jejunia . pag. 183.
- Allocutio in Secundo simili Consistorio pro beato Camillo de Lellis pag. 237.
- Conclusio ejusdem pag. 274.
- Allocutio in principio tertii Consistorii semipublici pro exquirendis suffragiis in Causa beati Petri Regalati . pag. 289.
- Eam concludit ; lumen ut sibi ex alto impetrent , postulando . pag. 328.
- Allocutio in quarto semipublico Consistorio pro Causa B. Josephi a Leonissa . p. 341.
- Hanc quoque , ut privatim ac publicè preces fundant , hortando concludit . p. 383.
- Allocutio in quinto & ultimo ex semipublicis Consistoriis in quo suffragia exquirit super Canonizatione beatæ Catharinae de Ricciis . pag. 399.
- Post auditas Suffragantium Sententias , indicit futuræ Canonizationis diem . p. 438.
- ALUMNI** Collegii Græci Monachis suffetti pro decantandis Epistola , & Evangelio lingua græcâ , Summo Pontifice Rem divinam operante . pag. 485.
- AMICTUS**, cuius usus in Cappella Pontificia erat olim Cardinalibus reservatus, ab Episcopis & aliis Ecclesiarum Præsulibus induitur modò unacum Pluviali . pag. 485.
- ANNULUS** in sua inauguratione acceptus ab Episcopo , dimititur in promotione ad Cardinalatus dignitatem . pag. 47.
- Alter sapphiro ornatus ei imponitur a Papa , vel aliqua peculiari de causa interdum absenti mittitur , una cum designata sibi Titulari Ecclesia vel Diaconia . ibid.
- In Annuli traditione Formula . Vide . *Titulus*.
- Pro Annulo Promoti ad Cardinalatum intra mensem aureos quingentos solvere tenentur Congregationi de Propaganda Fide . ibid.
- Quibus iidem aurei antea perisolverentur . ibid.
- ARCHIPRESBYTERO** Basilicæ Lateranensis Nerio Cardinali Corsino , nonnullis ei adjunctis Convisitatoribus , delegat Papa cetera cognoscenda in prosecutione incepitæ Pontificiæ Visitacionis ejusdem Patriarchalis . pag. 15.
- ARCHITECTUS** Fabricæ Sancti Petri Ludovicus Vanvitelli totius ornatus Basilicæ & Theatri Canonizationis Inventor . pag. 461.
- ASSISTENTES** Pontificio Solio Episcopi cum Cappis adstant Missæ ab uno ex eis decantandæ in Basilica S. Pauli Via Ostiensi , secunda die infra octavam Apostolorum . pag. 469.
- AUDTORES** duo antiquiores Sac. Romanæ Rotæ Cappis induiti Consistoriis semipublicis pro Canonizatione Sanctorum intersunt . pag. 100. 150. 236. 288. 341. 398.
- Auditor alter pro Cruce præferenda ante Papam , alter verò ad sustinendam Mitram . pag. 151.
- Ultimus ex iisdem Auditoribus Alphonsus de Aroztequi Crucem detulit in Basilica Lateranensi , dum Papa cum Cardinalibus ad eam collegialiter accessit assequendæ Indulgenciarum causa . pag. 455. Vide *Crux*.
- Auditor Gallus , Claudius Franciscus de Canilliac Subdiaconi munus obit in die Canonizationis . pag. 485.
- Audidores collegialiter uniti , & Cappis induiti una cum Palatii Apostolici Magistro intersunt Missæ Pontificali in Ecclesia S. Mariæ in Via-lata , die quarta infra

- Octavam Apostolorum celebrandæ . pag. 470.
- AVE MARIS STELLA . *Vide hymnus.*
- AUGUSTI dies 17. Anniversarius suæ Assumptionis, electus a SS. D. N. pro edendis Decretis de tuto progressu ad Canonizationem beati Camilli de Lellis , & beati Josephi a Leonissa . pag. 15 & 16.
- AULA Regia in Quirinali , quæ sit ? & quo modo instructa pro Consistorio publico . pag. 53.
- Ducalis in eodem Palatio . pag. 150.
- Consistorii Secreti Aula pro Congregatione ordinaria Sacrorum Rituum , adstante Summo Pontifice . pag. 3.
- Eiusdem Aulæ delineatio . *Vide Ichnographia.*
- DE AZEVEDO P. Emmanuel Societatis Jesu commendatur . pag. 7.

B

- BASILICÆ LATERANENSIS Sacram Visitationem SS. D. N. indicit , prosequitur , & complendam committit Cardinali Archipresbytero . pag. 7. 14. & 15.
- Corsinorum Sacellum in eadem Basilica erectum a Clemente XII. , & in Actu Sacræ Visitationis a Papa commendatum , describitur . pag. 8.
- Sollemnia Canonizationis a Benedicto XIII. , & Clemente XII. inibi peracta recententur . pag. 17 & 19.
- Item Servorum Dei Beatificationes . *ibid.*
- Clavis SS. Reliquiarum quæ in Pegmate ejusdem Basilicæ asservantur , a Præfecto Palatii Apostolici nomine Papæ custoditur . pag. 8.
- Exponitur publicæ venerationi SS. Sacramentum per triduum . pag. 454.
- Ad eam Cardinales accedunt pro assecutione Indulgentiæ , una cum Papa , qui coram eis Sacrificium offert . *ibid.*
- Novam Porticum , & Frontem Basilicæ Orientem versus ædificavit Clemens Papa XII. pag. 8.
- BASILICA LIBERIANA . *Vide Liberii & S. Mariæ Majoris Basilica.*
- BASILICA SESSORIANA Templum Sanctæ Crucis in Jerusalem , olim Titulus Prospere Cardinalis Lambertini , instauratur pene a fundamentis jussu ipsius in Petri Cathedra sedentis Benedicti XIV. nomine . pag. 9.
- Heleniana etiam nuncupata . *ibid.*
- BASILICA VATICANA . *Vide Vaticana Sancti Petri Basilica.*
- BASILICARUM Urbis Clerus in Supplicationibus incedit sub Cruce , cum æreis Campanulis , & Papilionibus . pag. 481.
- BEATIFICATIO Servorum Dei in Basilica Vaticana ad præscriptum Alexandri VII. celebratur . pag. 17.
- Beati vel Sancti Titulum , & cultum Dei Servis tribuere unicè spectat ad Romanum Pontificem . pag. 2.
- Beatorum Canonizandorum Vitæ , & Miraculorum Compendiaria narratio typis impressa , Cardinalibus & Præsulibus Romæ degentibus transmissa . *Vide Compendium.*
- BENEDICTIONIS Pontificiæ in fine Actus Sollemnis Canonizationis impetratæ formula : pag. 494.
- BENEDICTO a Santo Philadelphio Laico professo Ord. Min. Observant. S. Franciscæ cultus & Beati nomen , quod annis centum & ultra obtinuerat , confirmatur . pag. 3.
- BENEDICTUS Papa XIII. Concilium Romanum in Lateranensi Basilica celebravit anno seculari 1725. pag. 205.

- Statuit inter alia , ut in Processionibus SS. Sacramenti quatuor saltæ hastis præfixæ laternæ cum candelis intus accensis portarentur . *ibid.*
- In eadem Basilica Sanctorum Catalogo adscriptis B. Joannem Nepomcenum . pag. 17 . & paulo post Beatificatio Servi Dei Fidelis a Sigmarina ut fieret, indulxit . pag. 19 . Ecclesiam S. Mariæ in Cosmedin erexit in Collegiatam insignem , & prærogativis uniformibus decoravit . pag. 480 .
- Parochialem Ecclesiam S. Nicolai de Arcionibus Eremitis Mentis Senarii Ord. Servorum beatæ Mariæ restituit . pag. 480 .
- Episcopis, ut cum Sacris induiti Pontificio in Sacello adsunt , deferant Amictum circa collum, jus tribuit , quod antea soli Cardinales habebant . pag. 485 .
- BENEDICTUS Papa XIV.** De Servorum Dei Beatificatione , & de Beatorum Canonizatione plura edidit volumina . pag. 3 .
- Dei Servos Alexandrum Saulium , & Camillum de Lellis inter Beatos refert ; & cultum uti Beatis exhibitum per annos centum & ultra Nicolao Albergato , & Benedicto a S. Philadelphio confirmat . *ibid.*
- Canonicum Vaticanæ Basilicæ in Minoribus constitutum se extitisse commemorat . pag. 18. 498 .
- Canonizationis , & Beatificationis Sollemnitates extra eamdem Basilicam peragendas non esse , edita Constitutione , decernit . pag. 19 .
- Summa in Amicos benevolentia etiam post illorum mortem ostendit . pag. 42 . & seq . Lazaro Pallavicino Thebarum Archiepiscopo Monumentum erigit . pag. 49 . Aliud Cardinali Sebastiano Tanara . pag. 50 .
- Ecclesiam Bononiensem Summus Pontifex effectus non dimittit , sed illam plurimis donariis , Civitatem prærogativis auget & ornat . pag. 53 .
- Quod & præstítit erga Ecclesiam Anconitanam , quod Cardinalis eidem præfuisset Episcopus . pag. 54 .
- Rusticatur in Castro Gandulphi; & quæ pro futura Canonizatione ibi agat . pag. 99 .
- Basilicam Liberianam restaurat . pag. 202 .
- Advocatorum Consistorialium Collegio vetera confirmat , & nova concedit Privilégia . pag. 215 .
- In eo , locum sibi a Clemente XI. concessum , primum fuisse honoris gradum in Romana Curia , non sine jucunditate , & grati animi sensu recolit . pag. 216 .
- Certum ordinem in Supplicatione generali SS. Corporis Christi servandum Apostolica Sede Vacante , decernit . pag. 211 .
- Seriem Actorum , Vitæ & Miraculorum in Causis Canonizandorum pluribus Allocutionibus refert in Consistoriis Secreto , & semipublicis . *Vide Allocutio .*
- Committit Cæremoniarum Praefecto , absentibus Protonotariis , ut Instrumenta conficiat super Actis in Consistorio Semipublico pro Causa beatæ Catharinæ de Ricciis . pag. 439 .
- Basilicas Lateranensem , & Vaticanam invisit , & in eis Missam celebrat coram aliquot Cardinalibus , ut Sancti Spiritus opem imploret super Canonizatione statuenda . pag. 454 . 455 .
- Pro assequenda Indulgencie ad hunc quoque finem concessa , Ecclesiam S. Mariæ supra Minervam Basilicæ Liberianæ subrogatam visitat cum Cardinalibus . pag. 456 .
- Octavam SS. Apostolorum Petri & Pauli solemniori celebritate recolendam singulis ejusdem diebus , in selectis Ecclesiis aliqua eorumdem Apostolorum memoria vel prærogativa insignitis instituit . pag. 469 .
- Tolitarium Equum cum Censi pro utriusque Siciliæ Regno sibi debitum , oblatumque acceptat in Templo Beatæ Mariæ de Populo . pag. 476 . & in Aula Regia Palatii Vaticani . pag. 478 .

- Sententiam profert Canonizationis beatorum Fidelis a Sigmaringa Martyris , Ca-
milli de Lellis , Petri Regalati , Josephi a Leonissa Confessorum , & Catharinæ
de Ricciis Virginis . pag. 492.
- Missam cantat absoluta Canonizatione , pag. 495. & post Evangelium disertissimam
Homiliam habet ad Populum . pag. 497.
- Ab Archipresbytero Basilicæ Vaticanæ Annibale Card. Albano , & a duobus Ca-
nonicis Sacrario illius Præfectis , consuetum Presbyterium accipit : eisque au-
reum Calicem & Patenam , quibus eo die Deo libaverat , tradidit , ut essent
perenne Solemnitatis , & suæ pietatis erga Apostolorum Principem argumen-
tum . pag. 511.
- Controversiam super præcedentia inter Signaturæ Gratiaæ , & Signaturæ Justitiæ
Votantes exortam suo Decreto componit . pag. 465.
- BOMBARDARUM strepitus . *Vide Tormenta bellica* .
- BONONIAE Archiepiscopatum non dimittit , sed in administrationem retinet SS. D. N. ,
aliorum Pontificum secutus exemplum . pag. 53.
- Eidem Metropolitanæ collata dona enumerantur . *ibidem* .
- BONONIENSIS ORATOR Comes Bentivolus adest publicationi Literarum Apostolica-
rum , quas dedit Papa in intimo Ecclesiæ Carthusianorum Choro super cultu
B. Nicolai Albergati Civis & Episcopi Bononiensis . pag. 7. *Vide Habitus* .
Orator .
- S. BRUNONIS die festo Missam celebrat Papa in Ecclesia S. Mariæ Angelorum , post
quam in intimo Ecclesiæ illius Choro coram decem Cardinalibus , beatam Ca-
tharinam de Ricciis Sanctis accenseri quandocumque posse declarat . pag. 6.
- BUCCAPADULIUM R. P. D. Theodorum a Secretis eleemosynis præficit Papa Canoniza-
tionis apparatui & expensis . pag. 22.
- Rocchetti usu , & loco in sua Pontificia Cappella post Protonotarios decorat . pag. 451.
Idem Canonicus Liberianus , fungitur officio Subdiaconatus in Cappellis Pontifi-
ciis . pag. *ibid*.
- In supplicatione ipso Canonizationis die non inter Referendarios Rocchetto , & su-
perpellico indutus incedit ; sed prænotatae prærogativæ causa altiore dignio-
remque locum occupat cum Protonotariis , amictus Cappa . *ibid*.

C

- CÆREMONIA in coportandis Oblationibus , iisque Papæ exhibendis in Missa Ca-
nonizationis pag. 508.
- CÆREMONIARUM MAEISTER Justinianus Chiapponi commendatur . pag. 25.
- Item Dominicus Cappelli pag. 17. & 495. & Stephanus Infessura . pag. 205.
- CÆREMONIARUM PRÆFECTUS subrogatur Protonotariis absentibus pro confectione
Instrumenti in quinto Consistorio Semipublico super Canonizatione B. Catharinæ
de Ricciis . pag. 439.
- Congregationibus Oeconomicis super Canonizatione habitis interfuit . pag. 22.
- Cæremonarius alter e numero Participantum Venantius Philippus Piersanti Cardi-
nalem Episcopum Assisterem in solemni Canonizationis Aktionе dirigit . pag. 487.
- Cæremoniarum Magister Nuntius Sperandio Cardinalem Portocarrero Procurato-
rem ad postulandam Canonizationem electum coinitante Advocato Consistoriali
adducit ante imum Solii gradum pro instantiis . pag. 487. & responsione accepta
ad locum unde discesserat , reducit . pag. 489. 491. 493.
- Cæremoniarum Magister Franciscus Diversini Oblationem pro sancto Fideli a Sigma-
ringa Pontifici exhibendam disponit . pag. 509. pro sancto Camillo Joannes Luc-
ca al-

- ca alter Cæremoniarius . *ibid.* Tertiam pro sancto Petro Regalato comitatus est Joannes Baptista Valeriani primus ex Cæremoniarium Magistris supra numerum . *ibid.* Quartain pro sancto Josepho a Leonissa , & quintain pro sancta Catharina de Ricciis deduxere Joannes Baptista Lizzani , & Franciscus Manganoni . *pag. 510.*
- Cæremoniarium Magistri supranumerum duo novissimi Lucas Verdiani , & Alexander Mariani Nobiles Laicos , qui aquam pro lotione manuum Papæ præberent , alternatim comitati sunt . *pag. ibid.*
- Cæremoniarii Papæ adstant præ foribus Aulæ in Consistoriis secretis , & intus evocantur per Tintinnabuli sonitum . *pag. 47.*
- Rogantur de Canonica Romani Pontificis electione , Pontificatus acceptatione , & nominis impositione . *pag. 439.*
- Colligunt suffragia post Consistorium semipublicum a Cardinalibus & Episcopis scripta & subscripta . *pag. 101.*
- Distribuunt Cardinalibus & Præsulibus a Consistorio ex euentibus exemplar impressum notificationis Indulgientiæ Plenariæ indictæ pro futuræ Canonizationis deliberatione . *pag. 188.*
- Ex his duo , ope Clericorum Acolytorum Cappellæ Pontificiæ , Cereos quadrilibres Cardinalibus ; trilibres ceteris Ordinibus corpus ejusdem Cappellæ componentibus distribuere , ipso Canonizationis die . *pag. 479.*
- CÆREMONIIS PRÆFECTUS** de mandato Papæ adjit Cardinalem Portocarrero , ut eum certiorem faceret , a Sanctitate Sua Procuratorem futuræ Canonizationis designatum fuisse . *pag. 451.*
- De scripto admonet Duces Custodiarum Pontificiarum , Præsulem Generalem Armorum , Magistrum sacri Hospitii , aliosque nonnullos , quibus aliquod incumbebat munus in die Canonizationis . *pag. 460.*
- Peculiarem quoque dat Schedulam pro Tribunal civili Curiæ Cardinalis Vicarii . *pag. 457.*
- CAMERÆ APOSTOLICÆ** Procurator Generalis Joannes Philippus Advocatus Toppi , cum deferretur Papa in Sacellum Sixtinum pro cantandis Vesperis in perygilio Festi SS. Apostolorum , coram eo interpellans protestatus est pro Parmensi & Placentino Ducatu Fisci & ejusdem Cameræ nomine . *pag. 476.*
- Cameræ Apostolicæ Advocatus Fiscalis e Collegio Advocatorum Consistorialium sumendus . *pag. 231.*
- CAMERARIUS S. R. E. CARDINALIS ANNIBAL ALBANUS** cum Clericis Cameræ Apostolicæ & Cameralibus collegialiter unitis adstat , dum Procurator Generalis Cameræ interpellans protestatur pro Parmensi & Placentino Ducatu . *pag. 231.*
- Vide *Instantia* .
- CAMPANA** Turris Capitolinæ per horam integrum assiduo pulsu quatitur , ut completae quinque Beatorum Canonizationis signum omnibus innotescat . *pag. 460.*
- Campanæ substitutæ sunt Tubis argenteis veteris Testamenti , quæ adhibebantur ad congregandum Populum , danduunque profectiōnis signum . *pag. 481.*
- Seculo octavo Ecclesiæ , Campanæ non æreæ , sed lignæ erant ; unde : *Ligna sacra* : vocatae . *ibid.* Vide *Æs Campanum* . *Tintinnabulum* .
- CANDELABRA SEPTEM** inaurata cum candelis Arabicè pictis ante Crucem in Supplicationibus , Papa Officium peragente , & ad Evangelium latinum deferuntur . *pag. 485. 592.* Vide *Abacus* .
- CANDELARUM** singulis Cœtibus ad Supplicationem distributarum pondus . Vide *Cerei* .
- CANONICI** trium Patriarchalium Urbis , qui munia Subdiaconi , Diaconi , & Presbyteri Assistentis in Cappellis Pontificiis obeunt inter Referendarios utriusque Signaturæ connumerantur ; & Rocchetto & Superpelliceo induiti unacum eis incedunt in Supplicatione . *pag. 484.*
- Cano-

- Canonici Sacrario Vaticano Præfecti Jacobus Vittori & Joannes Franciscus de Abbatibus Oliverius unacum Cardinali Basilicæ Archipresbytero consuetum Presbyterium Papæ offerunt pro Missâ bene cantata . pag. 511.
- Canonici Collegiarum sub Cruce Cleri Secularis incedunt in Supplicationibus . pag. 480.
- Canonici Collegiatæ Insignis S. Mariæ in Cosmedin , vulgo *Bocca della Verità* Rocchetto utuntur , & Papilionem , etreamque Campanulam præferunt ex Benedicti XIII. indulto . pag. 481.
- CANONIZANDORUM** Vexilla , quo ritu & loco comportata in Supplicatione . pag. 481.
- CANONIZATIO** Sanctorum a solo Militantis Ecclesiæ capite pendet . pag. 2.
- Absolvitur cum soleanni Benedictione . pag. 495.
- Non semel peracta sine Missæ solemnitate . ibid. aut eodem Sacro in sequentem diem translate ; nec semper operato per Summum Pontificem , vel ipso præsente . ibid.
- Canonizationem sanctorum Vincentii a Paulo , Joannis Francisci Regis , Julianæ de Falconeriis , & Catharinæ Fliscæ Adurnæ , quo ritu peregerit Clemens XII. Pontifex octogenario major . pag. 495.
- De Canonizatione Sanctorum plura edidit volumina SS. D. N. pag. 3.
- Canonizationis solemnia non licet amplius celebrare extra Vaticanam Basilicam . Vide . *Constitutio* .
- Canonizationis habendæ diem declarat Papa . pag. 22.
- Canonizationis Postulatores commonentur , ne parcant sumptui , & additur ratio . pag. 21.
- Canonizationis Sententia pronunciatur a Papa sedente , ex Cathedra ; sanctis omnibus . pag. 491.
- Canonizationis sequitæ , Decretales literæ promittuntur a Papa , unico Verbo : *Decernimus : prolato* . pag. 493.
- Canonizationis Procurator . Vide *Cardinalis Portocarrero* .
- Cantores Capituli Vaticani , dum idem descendenter Pontificem suscipit , cantant Antiphonam : *Tu es Petrus : laudem Romano Pontifice dignam* . pag. 486.
- Cantores Cappellæ Pontificiæ reliquum hymni : *Ave Maris stella* : quem Papa præcinererat , modulantur in Supplicatione a Sacello Sixti IV. ad Vaticanam Basilicam . pag. 484.
- Canteribus Odeum destinatur in contignatione , quæ in transversum pronaum vergebant ab Helenæ loculamento . pag. 451. 596.
- Cantores duo habentes ante se librum positum super lignum scabellum , genuflexi in Theatri cavea Litanias Sanctorum cantant usque ad ultimum Versiculum : *Agnus Dei* . pag. 489.
- Hymnos : *Veni Creator Spiritus : & Te Deum laudamus* ; inchoatos a Papa , prosequuntur . pag. 490. & 493.
- CAPITA** Sanctorum Apostolorum Petri & Pauli in alto pegmate instar Turtis intra Templum Lateranense servantur , sub clavibus a diversis custoditis . pag. 8.
- CAPITULUM** , & Canonici Basilicæ sancti Petri occurunt Pontifici descendentí , in Porticu ante Fores Vaticani Templi . pag. 486.
- CAPPÆ** peniculamento usque ad terram dimisso Cardinalis Paulutius accedit ad Papam , ut Titulum & Annulum ex ejus SS. manibus recipiat . pag. 47. Vide *Habitus* .
- CAPPELLA** Papalis in gratiarum Actionem pro Electione Regis Romanorum Imperatoris futuri . pag. 23.
- CAPPELLA** in Sixti IV. Sacello pro primis Vesperis Sanctorum Apostolorum . pag. 477.
- CAPPELLÆ** infra octavam Apostolorum habendæ cum Missâ Pontificali adstantibus per dies singulos singulis Romanæ Curiae Prælatorum Ordinibus . pag. 455.

- In Basilica beati Pauli Apostoli Via Ostiensis . pag. 469.
- In Ecclesia sanctae Pudentianæ . pag. 470.
- In Ecclesia S. Mariæ in Via-Lata . ibid.
- In Ecclesia S. Petri ad Vincula , seu Titulo Eudoxiæ . ibid.
- In Ecclesia S. Petri in Carcere . ibid.
- In Ecclesia S. Petri in Monte Aureo . pag. 471. & in Basilica Lateranensi . ibid.
- CARDINALIS** Alexander Albanus Causæ beati Fidelis Relator in Congregatione generali Sacrorum Rituum coram Papa , Titulum Causæ, omissa relatione perlegit . pag. 3.
- CARDINALIS PORTOCARRERO** designatur a Papa Procurator ad postulandam Canonizationem quinque Sanctorum , & Nuncium ei mittitur per Cæremoniarum Præfectum . pag. 461.
- Ipsa Canonizationis die sicuti Procurator in Sacello Sixtino tradit Papæ duos magnos Cereos , & alium minorem Arabicè pictos . pag. 483.
- In Basilica Vaticana stans ante Solii gradus tertio instat pro Canonizatione : Advocato Consistoriali ad ejus sinistram genuflexo, pro eo Sanctitatem Suam rogante . pag. 488. 489. 491.
- Post responsum ad singulas duas primas Instantias regreditur ad locum suum pristinum inter alios Cardinales . pag. 489. 490.
- Sic sit post tertiae Instantiæ responsum , & decretis a Papa literis Apostolicis super Canonizatione , ascendit Solium , osculatur manum , & genu Papæ , & ad locum suum revertitur , pag. 493.
- In unaquaque Oblatione sex parvos Cereos Arabicè pictos a Religiosis Patribus delatos Sanctitati Suæ offert ; consistens per id tempus in planicie Solii dextrorum . pag. 509.
- CARDINALIS ANNIBAL ALBANUS S. R. E. Camerarius unacum Clericis Cameræ , & Cameralibus collegialiter unitis adstat interpellationi , & protestationi factæ coram Papa pro Parmensi & Placentino Ducatu . pag. 475.**
- Uti Archipresbyter Vaticanæ Basilicæ simul cum Canonicis Sacrario Præfectis, Summo Pontifici consuetum offert Presbyterium pro Missa bene cantata . pag. 511.
- CARDINALIS Diaconus.** Vide *Diaconus Cardinalis*.
- CARDINALI CAMILLO** Paulutio in primo Consistorio Secreto presenti clauditur os a Papa . pag. 25.
- Ei deinde os aperitur . pag. 32.
- Et datur in Titulum Ecclesia SS. Joannis & Pauli . pag. 48.
- Imponitur Annulus Sapphiro gemmatus . ibid. Vide *Absolutio. Formula.*
- Recepto Annulo & Titulo Cardinalis adhuc genuflexus osculatur pedem & manum Pontificis ; & erectus ad osculum oris excipitur . ibid.
- CARDINALIS FABRITII** Paulutii ejus Patrui memoria commendatur . ibid.
- CARDINALES** in Consistorio Secreto per Verbum *Placet* vel *non placet* sententiam suam produnt super Canonizatione Sanctorum . pag. 25. 34. 37. 40. 42. 45.
- CARDINALES** ex Præpositis Congregationi Sacrari. Rit. offerunt Papæ Oblationes in Missa Canonizationis . pag. 508.
- Quo ritu , & quibus Cæremoniis id peragant . ibid.
- Singulorum nomina , qui ad singulas Oblationes deferendas erant selecti . pag. 509.
510.
- Admoniti per Schedulam , biduo ante mittunt Magistro Sacri Hospitii nomina inscripta duorum Familiarium suorum , quos ad ferendas Oblationes decreverant . pag. 464.
- CARDINALES** Cappis rubris induiti in die Octava festi SS. Apostolorum Petri & Pauli assistunt

- assistunt Missæ Pontificali in Basilica Lateranensi . pag.457.
- CARDINALATUS dignitatem respuit Lazarus Archiepiscopus Thebarum . Vide *Pallavicini* .
- CARDINALIUM accessus ad Lateranum pro Indulgentia . pag.454.
- Idem ad Vaticanam Basilicam . pag.455.
- Assistentia Missæ privatæ Summi Pontificis . pag.454. & 455.
- Accessus alius ad Ecclesiam Sanctæ Mariæ supra Minervam . pag.456.
- CARDINALIUM Insignia . Vide *Annulus* . *Diacionia* . *Insignia* . *Titulus* .
- Cardinalium numerum præficiit Sextus Papa V. pag.48.
- Cardinalium Ceremoniæ , dum Obedientiam Summo Pontifici exhibent in die Canonizationis . pag.487.
- CARDINALIUM Suffragia in Consistorio Semipublico , pro Canonizatione beati Fidelis a Sigmaringa . pag.153. 189.
- Beati Camilli de Lellis . pag.240. 279.
- Beati Petri Regalati . pag.291. 333.
- Beati Josephi a Leonissa . pag.345. 389.
- Beatæ Catharinæ de Ricciis . pag.400. 444.
- CARDINALIBUS dumtaxat facultas est alloquendi Pontificem in Consistoriis Secretis . pag.25.
- Cardinalibus *os claudere* , & aperire quid significet ? *ibid*. Vide *Os claudere* .
- CASTRUM GANDULPHI petit Papa , & quid ibi agat pro futura Canonizatione. pag.99.
- Finitimorum Populorum ad illud concursus pro Indulgentia . *ibid*.
- CATAPHRACTI Milites , quo loco , ordine , & tempore in acie instructi ipso Canonizationis die . pag.460.
- CENSUS . Vide *Vestigial* .
- CERI GRANDES Arabicè picti nullo adstante ex Principibus Solii , quorum alicui concedit Papa , ut illos ante se deferat accensos , nemini dantur . pag.484.
- Cereorum diversum pondus pro uniuscujusque cætus , aut pærsonæ dignitate in supplicatione deferendorum . pag.479.
- Cereorum distribuendorum onus quibus impositum . pag. *ibid*.
- Cereorum intra Basilicam Vaticanam ipso Canonizationis die ardentium numerus . pag.592.
- Cereos accensos deferunt omnes in supplicatione , nec extingunt nisi fine imposto integræ Actioni Canonizationis . pag.495.
- Cereus parvus , quem Pontifex in Sella sublimi delatus sinistra sustinuerat ; in Petri Cathedra Sedente servandus usque ad finem Aëris Canonizationis accensus traditur Paulo Zani Sanctitatis suæ Pincernæ. pag.487.
- Vide *Cardinalis Portocarrero* . *Obatio* .
- CLERICI Cappellæ Pontificiæ parant , incendunt , & accensas servare tenentur lampades cereas , quas in Pontificio Sacello die noctuque ardere voluit Paulus Papa IV. pag.206.
- CLERICI Cerroferarii ejusdem Cappellæ Laternas argenteas gestant ad latera Baldacchini in supplicatione SS. Sacramenti . pag.204. 212.
- Clerici duo ferulas seu oblongas virgas inter florum manipulos geitant , ut præfigent Pænitentiarios subsequentes in supplicatione . pag. 485.
- COADJUTORES In Collegio Advocatorum Consistorialium quod ad Antianitatis locum attinet . pag.219. Quod ad Orationes per ipsos habendas in Consistoriis publicis . pag. 222. Exclusi a petitione Pallii , quomodo intelligentur . pag. 224. Gaudent privilegio Oratorii in propria Domo ad unam Missam pro unoquoque die celebrandam . pag. 232.

COLORE Rubro , etsi tempore Adventus , utuntur Cardinales per integrum diem in Vestibus , & Cappis dum Cappellæ pro Electione Regis Romanorum assistunt .

pag. 23.

Coloris rubri Cappas item induunt in Octava die Apostolorum adstantes Cappellæ in Basilica Lateranensi . *pag. 467.*

Color in Vestibus qualis inditus Cardinalibus in diebus Jejuniorum Indulgentiæ adipiscendæ causa . *pag. 189.* Vide . *Habitus.*

COLLECTA De Spiritu Sancto in fine hymni *Veni creator : a Summo Pontifice decantata* . *pag. 490.*

Collecta festiva Sanctorum Apostolorum in fine Horæ Tertiæ Canonice . *pag. 405.*

Collecta , Secreta & Postcommunio de Sanctis Canonizatis , Orationibus Missæ sub una conclusione conjunctæ . *497.*

COLLEGIATA S. Mariæ in Cosmedin Papilionem , & æream Campanulam ante Crucem fert ex Indulto Benedicti XIII. *pag. 481.*

S. Mariæ Transtiberim & S. Laurentii in Damaso unà incedunt juxta paetam inter se quotannis præcedendi alternationem . *ibid.*

COLLEGIUM CLEMENTINUM . Vide *locus* .

Collegium Advocatorum Consistorialium prærogativis & gratiis decoratum . Vide *Advocatus . Benedictus XIV. Constitutio* .

Columnenium Familiæ locus in Theatri contignationibus *pag. 461. 596. De eadem Familia.*

Fabritius Magnus Comestabilis Orator extra Ordinem Regis utriusque Siciliæ . *pag. 476. & seq.*

Idem ut Princeps Solii Consistoriis publicis , & Cappellis Papalibus intervenit , *pag. 53. 84. & pag. 25.*

Hieronymus S. Angeli in Foro Piscium Diaconus Cardinalis Apostolicis Palatiis Pro-Præfetus . *pag. 461.*

Marcus Antonius Protonotarius de numero Participantium , Hieronymi Cardinalis Patrui loco , dum tali se munere abdicarit , designatus Palatii Apostolici Præfetus . *pag. 203.* Vide . *Præfetus Palatii.*

COMESTABILIS . Vide *supra* .

COMMISSARIUS Armorum Melchior Maggius Cameræ Apostolicæ Clericus quid pro suo munere in die Canonizationis ? *pag. 460.*

Triduo ante admonitus lustravit unacum aliis loca in Theatro & extra illud Pedimentum Copiis munienda . *pag. 461.*

COMMISSARIATUS CONCLAVIS Munus non concedendum nisi alicui ex Collegio Advocatorum Consistorialium *pag. 231.*

COMMISSARIO & Procuratori Fisci Cameræ Apostolicæ locus in Supplicatione assignatus post Scutiferos . *pag. 484.*

COMPENDIA Actuum , Vitæ & Miraculorum , Beatorum qui adscribendi Sanctis sunt , Promotor Fidei transmittit Cardinalibus & Episcopis . *pag. 100.*

Compendium Vitæ & Actorum in Causa beati Fidelis a Sigmarinæ . *pag. 101.*

B. Camilli de Lellis . *pag. 111.*

B. Petri Regalati . *pag. 121.*

B. Josephi a Leonissæ . *pag. 131.*

B. Catharinæ de Ricciis . *pag. 140.*

CONCILIUM Romanum anno 1725. in Lateranensi Basilica celebratum . *pag. 485.*

Quid statuat in Processionibus SS. Sacramenti servandum . *pag. 205.*

CONFESSORIÆ Formulæ addita novorum Sanctorum Nomina . *pag. 494.*

Eam , expleto Canonizationis Actu , cantat Cardinalis Diaconus in Missæ Sacrificio ministraturus . *pag. ibid.*

Alteram fine novorum Sanctorum nominibus idem Cardinalis cecinit post homiliam a Papa recitatam . pag. 503.

CONFRATERNITATES Laicorum pro Vexillorum hastis deferendis in supplicatione habenda ipso Canonizationis die . pag. 482.

Confraternitates Laicorum a Cardinali Urbis Vicario eligendæ visitant intra SS. Apostolorum Octavam Ecclesiam , ubi Cappellam mane habuit designatorum Prælatorum Collegium . pag. 467. 461. 474. & 475.

Confraternitati , seu Congregationi , ut vocant , *Doctrinæ Christianæ* permutatur Ecclesia in augustiore , & ad Ministros alendos census augetur . pag. 14. Vide . *Editium* .

CONGREGATIO Sacrorum Rituum coram Papa super dubio : An tutò procedi posset ad solemnem B. Fidelis a Sigmarina Canonizationem . pag. 3.

Altera pro Beata Catharina de Ricciis . pag. 6. & Beato Petro Regalato . pag. 5.

Alia pro Beatis Camillo de Lellis & Josepho a Leonissa . pag. 15.

CONGREGATIONES sive *Conventus* . Vide . *Conventus* .

CONSERVATORES Urbis Consistoriis publicis intersunt . pag. 53. 84.

Una cum Senatore , & solemniiori quo possunt comitatu , Capita Apostolorum in Basilica Lateranensi die post eorum Festum octava visitare debent . pag. 467. 471.

Unam ex Clavibus , quibus Crates ferreæ referantur , quæ eadem Apostolorum Capita occludunt in péginate , apud se custodiunt . pag. 8.

Conservatores Urbis qui Canonizationi interfuerunt , quibus ex Familiis essent . pag. 482.

Conservatorum Senior , quoniam nullus aderat ex Principibus Solii , sublevat inter incedendum utriusque Pontificiæ Vestis oblongum Syrma . pag. 483.

CONSISTORIUM SECRETUM Pro futura Canonizatione . pag. 24.

CONSISTORIUM PUBLICUM , in quo Orationes Consistorialium Advocatorum habitæ & Postulata Regum & Principum prolata pro Canonizatione beatorum Fidelis a Sigmarina , Camilli de Lellis & Petri Regalati . pag. 54.

Alterum pro beatis Josepho a Leonissa , & Catharina de Ricciis . pag. 84.

CONSISTORIUM SEMIPUBLICUM Pro exquirendis excipiendisque suffragiis Cardinalium & Episcoporum super Canonizatione beati Fidelis . pag. 150.

Secundum Consistorium semipublicum super Canonizatione beati Camilli . pag. 237.

Aliud simile pro beato Petro . pag. 288.

Quartum simile super Canonizatione beati Josephi . pag. 341.

Quintum pro beata Catharina indicitur . pag. 398.

Secretum ante illud habetur . pag. 399.

CONSISTORIA SEMIPUBLICA Januis clausis celebrantur . pag. 151. 341.

Sero Advenientibus negatur Introitus in Consistorium , Pontificis Iussu . pag. 151. & pag. 399.

Quibus Personis locus in Consistoriis semipublicis concedatur . pag. 150.

In Consistoriis semipublicis ex speciali gratia Summi Pontificis adsunt Livizzani a Supplicibus Libellis , & Malvezzi Apostolico Cubiculo Præfetus . pag. 151.

In Consistoriis semipublicis Methodus fervanda . pag. 100.

CONSTITUTIO SS. D. N. super Canonizationis Sollemnias in Basilica Vaticana celebrandis . pag. 18.

Alia , qua providit ut Processio die Fæsto Corporis Christi , ut Sede plena , ita Apostolica Sede Vacante ab utroque Clero unica habeatur apud Vaticanum . pag. 207.

Constitutio altera , Privilegia Advocatorum Consistorialium Collegio concessa complectens . pag. 215.

Constitutio , Festum diem SS. Apostolorum Petri & Pauli ad octiduum sollemniori , quo

quo antea, cultu celebrandum, præcipiens. pag. 467. Vide *Literæ Decretales. Decretum.*

CONSULTORES Congregationis Sacrorum Rituum quotidiano ipsorum habitu vel Prælatitio qui Prælati, vel proprii Instituti, si Regulares, vel muneribus proprio, si qui peculiari aliquo uterentur indumento, supplicationem ipso Canonizationis die comitantur, Beatorum Vexilla præcedentes. pag. 464. Bini & bini juxta admissionis tempus Regulares, omni Sociorum comitatu excluso; Reliqui juxta dignitatis gradum procedunt. pag. 481. & 464.

Consultorum locus in Theatro. pag. 593. Vide. *Iconographiam Theatri.*

CONTICNATIONES Ligneis cratibus munitæ. pag. 595. interpositis repagulis separatae, & quibus Personis distributæ. pag. 461. 595.

CONTROVERSIA inter Prælatos Votantes in Signatura Justitiæ, & Gratiæ exorta super præcedentia dirimuntur SS. D. N. Decreto. pag. 465.

CONVENTUS Postulantium Canonizationem habetur primùm semel in hebdomada, deinde singulis quindecim diebus super expensis & rebus parandis, apud Magistrum Generalem Ordinis Prædicatorum. pag. 22.

CONVENTUS certarum Personarum Cardinalis Pro-Præfetti Domus Pontificiæ jussu, & Præfectura, triduo ante Canonizationis Sollemnia, ad lustrandum, an omnia bene provisa essent, & ad loca in Vaticana Basilica Theatraque ambitu designanda. pag. 461. Vide. *Cursores Apostolici.*

CONVICTORES Seminarii Romani, & Collegii Clementini locum intra repagula, ita mandante Pontifice, seorsim ab aliis obtinent. pag. 462.

CRUX nulla peculiaris, sub qua tota Supplicatio incedat, sed propria a singulis utriusque Cleri cœtibus in Processione Corporis Christi, Apostolica Sede Vacante apud Vaticanum de more celebranda, elevatur. pag. 209.

CRUX Pontifica, Papa Sacris operante, desertur inter septem Candelabra ab ultimo Auditore Rotæ Subdiacono Apostolico Sacris Vestibus induto. pag. 485.

Crucem ante Papam in Basilica Lateranensi attollit idem Sacrae Rotæ Auditor Rocchetto, & Mantelletto amictus. pag. 455.

Crucem ipsam a lateribus custodiunt Magistri Ostiarii *de Virga rubea nuncupati.* pag. 455. 485.

CRUCEM habet Pontifex ante se, dum Populo sollemniter benedicit. pag. 494.

CRUCE præcedente, ab Auditore Cappa induto delata, progreditur Papa ad Consistoria semipublica. pag. 151. 341. & ad Publica iturus evehitur in Sellari compositus Cardinalibus & Cruce de more præeuntibus. pag. 81. 84.

CRUCIS Signum supra Cardinales & alios producit Papa, dum ingreditur Aulam Consistorii. pag. 341. & alibi.

CUBICULARII Duo ex intimis, Vestimentorum Pontificis posteriores fimbrias ele vant dum in Consistoria semipublica procedit Papa. pag. 151. Sustollunt erecta duo Pavonica Flabellæ ab una & altera Sedis parte, dum Pontifex Tiara redimitus altè portatur. pag. 486. Medium inter se habentes Marium Mellini Sacrae Rotæ Auditorii Decanum ad suscipiendam Suæ Sanctitatis Mitram destinatum, Papam in sublimi delatum immediate sequuntur. *ibid.*

CUBICULARII Extra Cameram ex novo Pontificis indulto supra laxam togam coloris rubri induunt modò Capitium circa collum aptatum, & æque per humeros fluens. pag. 484.

CUBICULARII tam extra Cameram, quam Honorarii & Intimi quem habeant locum in Supplicationibus. pag. 204. 484. quem in Theatro Canonizationis occupent. Vide *Iconographiam Theatri.*

CURSORES Apostolici Cardinales, aliosque omnes qui Consistorio vel publico vel semi-

semipublico interesse debent, vel locum habent in Cappelli. Pontificis, de loco, die, & hora Conventus celebrandi admonent, Domi quoque relista scheda. pag. 23. 25. 52. 83. 150. 236. 288. 341. 398. 462.

Schedulam *Motus proprii* summi Pontificis manu obsignatam, de ordine in Processione SS. Sacramenti servando prout Sede plena fieri solet, ante initium ejusdem Supplicationis, etiam Apostolica Sede vacante, legere & recitare tenentur. pag. 212. Cursores Cardinalis Vicarii. & Servientes Armorum cum suis Maziis Procesionem SS. Sacramenti custodiunt. pag. 213.

CURRUS ab Equilis Praefecto Marchione Pyrrho Vasè Pietramelara: Cibaria e penu Apostolica, Pontificis iussu suppeditantur quotidie nonnullis ex orientali Regione huc appulsis Episcopis. pag. 150.

Currus quatuor sejuges, alios bijuges Legatus extraordinarius Regis utriusque Siciliæ secum habet in suo accessu ad Vaticanum. pag. 477.

CUSTODIAS utrasque tam Sacramenti, quam Oeorum Sanctorum diligenter inspicit Papa in actu Sacrae Visitationis Lateranensis Basilicæ. pag. 8.

Custodiæ Helvetiæ Dux Eques Ludovicus Phiffer, quid pro suo munere gerat in ipso Canonizationis die. pag. 460. Triduo ante una cum alijs interest lustrationi Theatri. pag. 461. Equitat, quatuor peditibus stipatus famulis, cum Legato Regis utriusque Siciliæ. pag. 477.

CUSTOS Oblationum a Cœremoniarum Apostolicarum Praefecto destinatur. pag. 508.

D

DECANATUS in Advocatorum Consistorialium Collegio neque a Junioribus aut Coadjutoribus, neque a Senioribus ab Urbe absentibus, neque ab Episcopis, aut Prælatis obtinetur. pag. 219.

DECANUS Auditorii Sacræ Rotæ ad suscipiendam Mitram Summi Pontificis uititur linea vittâ e collo pendente. pag. 486.

DECERNIMUS respondet Papa Advocato Consistoriali Decretales literas depositi super Canonizatione Sanctorum. pag. 493.

DECLAMATIONES profanæ a Consistoriis sublatæ, Urbani VIII. Decreto. pag. 222.

DECRETUM Canonizationis beati Fidelis a Sigmarina publicat Papa in Cœnobia Capuccinorum. pag. 4.

Signa lætitiae edita hac de causa in earum Ecclesia. pag. 5.

Decretum Canonizationis beati Petri Regalati. pag. 5. & beatæ Catharinæ de Ricciis edit Papa in Choro Carthusianorum die Festo S. Brunonis. pag. 6.

Decretum super Miraculis beati Camilli de Lellis. pag. 10.

Decretum super Miraculis beati Josephi a Leonissa. pag. 11.

Decretum Canonizationis beati Camilli de Lellis. pag. 15.

Decretum Canonizationis beati Josephi a Leonissa. pag. 16.

Decretum quo cavetur, ut Cardinales qui ante Cardinalatum alicui Ecclesiæ in partibus Insidclium erant præpositi, in receptione Annuli & Tituli a Vinculo præfatæ Ecclesiæ per Pontificem absolvantur. pag. 51.

Decretum sive Statutum quo præscribitur Ordo præcedentiæ inter Votantes Signaturæ Justitiæ & Gratiæ. pag. 465.

Decretum sive Sententia Canonizationis beatorum Fidelis a Sigmarina, Camilli de Lellis, Petri Regalati, Josephi a Leonissa & Catharinæ de Ricciis. pag. 492.

DECRETALES LITERÆ. Vide Literæ.

DESCRIPTIO Aulæ ad Consistoria semipublica habenda. pag. 150.

DELINÉATIO. Vide Technographia.

DENUNCIATIO. Vide. *Intimatio*.

DIACONIA Cardinalibus olim assignata quæ? pag. 47.

In Diaconæ assignatione nulla sit mentio *Tituli*; licet hodie & ipsa Diaconia sit Ecclesia. pag. 48. Vide *Titulus*.

DIACONI Cardinales instituti ut præsent uni Urbis Regioni ad Eleemosynas Pauperibus distribuendas. pag. 47. Curam Animarum non habebant, sed tantum administrationem bonorum. pag. 48.

Diconi Cardinales sunt numero quatuordecim. pag. *ibid.*

Diconi Cardinales Assistentes Pontifici in Consistoriis Publicis, postquam omnes ad manus ejus osculum acceperint, discedunt confessuri inter alios proprii Ordinis. pag. 54.

Soli Diaconi Assistentes comitati sunt Pontificem a Consistorio publico recedentem. pag. 81.

Diconi Cardinales duo Seniores, expeditis Consistorialibus Rebus in Consistorio Secreto, assistunt Pontifici tradenti Annulum & Titulum Cardinali Paulutio. pag. 47.

Diconi Cardinales Sacrorum Rituum Congregationi præpositi Doliola duo pro vi-
no scilicet & aqua ad Sacrificium, offerunt Summo Pontifici in unaquaque Obla-
tione. pag. 509.

Diconi duo novissimi Sac. Rituum Congregationi non adscripti, primis in Adsi-
stentia munere substituuntur; quia erant hi Oblationes summo Pontifici exhibi-
turi. pag. 508.

Diagonorum Cardinalium ultimus inter præsentes Consistorio secreto tintinnabuli
pulsu evocat Cæremoniarios. pag. 47.

Diagonorum Cardinalium Prior cum baculo in signum jurisdictionis assidet una
cum Gubernatore, & Pontificia Domui Præfecto apud Portam Palatii pro direc-
tione Supplicationis. pag. 204.

Diagonorum Cardinalium Assistentium Ministerio utitur Papa, in sumendis Para-
mentis. pag. 150.

Diagonus Cardinalis Carolus Maria Sacripantes, qui Evangelium erat cantaturus
in Missa, in Supplicatione procedit immediate ante Pontificem medius inter Dia-
conos Cardinales Assistentes. pag. 485.

Post præstitum Obedientiæ obsequium sedet in supremo gradu Altaris e quo digres-
sus, absuta Oratione de novellis Sanctis a Papa decantata, concendit in aream
Throni Pontificii, & canit *Confessionem* addendo novorum Sanctorum nomina
post illa Sanctorum Apostolorum. pag. 494.

Expleto horæ tertiae cantu Papam induit Vestibus ad Sacrificium celebrandum para-
tis. pag. 495.

Post homiliam canit iterum *Confessionem*. pag. 508.

Diaconus Cardinalis a dextris Assistens Versicolam *Orate pro nobis Sancti Fidelis,*
Camille, Petre, Joseph & Catharina dixit, postquam Cantores musici hymnum
Te Deum laudamus compleverant. pag. 493.

DIES pro solemnni Canonizatione Sanctorum indicitur. Festus SS. Apostolorum Petri
& Pauli. pag. 21. 22. 438.

Dies 17. Augusti universæ christianæ Reipublicæ felix ob Creationem SS. D. N.
Benedicti PP. XIV. pag. 15. Electus a Sanctitate Sua pro publicatione Decreto-
rum super Canonizatione beatorum Camilli de Lellis & Josephi a Leonissa.
pag. 15. & 16.

DOCTORES in utroque seu alterutro jure creandi facultas in Romana Curia & Urbe est
penes Advocatorum Consistorialium Collegium. pag. 225.

Do-

- DOCTORES sex quolibet anno Protonotarii de numero Participantium , eorumque Collegium creare possunt . pag. 228.
- DOCTORATUS Ianrea quibus in muneribus requiratur . pag. 230.
- Illam conferendi jus quibus Universitatibus reservatum . pag. 230.
- DOLIOLA duo alterum auro , alterum argento illita , pro Oblatione offerunt Diaconi Cardinales in Sacram Rituum Congregationem adlesti . pag. 509.
- DOMINICUS CAPPELLI Apostolicarum Cæremoniarum Magister . Vide *Acta*.
- DONARIA plurima mittit Papa Metropolitanæ Bononiensi . pag. 53.
- DUX Eboracensis . Vide *Rex*.
- DUX GUADANEOLI Magister Sacri Hospitii præbet aquam manibus Papæ ad primam lotionem . pag. 496. Vide *Magister Sacri Hospitii*.
- DUX GENERALIS Copiarum Pontificiarum Ludovicus Mansroni triduo ante Canonizationem unacum aliis Basilicam , & loca custodienda perlustrat . pag. 451.
- Vide *Instructio*.

E.

- E**CCLÉSIA Militans Triumphantis æmulatrix . pag. 1.
- Ecclesia , prout sanctitatem & signa de Cœlo animadvertisit , Servorum Dei cultum & venerationem adauget in terra . pag. 2.
- Ecclesia Archigymnasi Urbis ab Advocate Consistoriali illius Gymnasi Rectore gubernatur . pag. 224.
- Ecclesia S. Mariæ supra Minervam substituta Basilicæ Liberianæ invisitur pro assecutione Indulgentiæ . pag. 202. 456.
- Ecclesia S. Pudentianæ , olim Domus Sancti Pudentis Senatoris ; primum Principis Apostolorum hospitium in Urbe . pag. 470.
- Ecclesia S. Mariæ in Via-lata Doctoris Gentium in suo ad Urbem adventu primum diversorium . pag. *ibid*.
- Ecclesia S. Petri Titulo Eudoxiæ fertur esse prima ab Apostolorum Principe Deo Romæ dicata . *ibid*. In ea Sacra ejusdem Apostoli vincula servantur ; unde nomen accepit Sancti Petri ad Vincula . *ibid*.
- Ecclesia Sancti Petri in Carcere , ubi in arctissima Custodia detenti fuere beati Apostoli Petrus , & Paulus . pag. *ibid*.
- Ecclesia Sancti Petri in Monte Aureo traditur ab aliquibus esse locus , ubi Crucifixus martyrum consummavit Apostolorum Princeps pag. 471. Vide *Cappella*.
- Ecclesiarum omnium caput Vaticana Basilica . pag. 585.
- Ecclesiæ in partibus Infidelium existentes vacare per Promotionem ad Cardinalatum eorum , qui iis præfeci erant , nulla est dubitatio . pag. 51.
- Ecclesia cui Presbyter Cardinalis præficitur , *Titulus* vocatur . pag. 47. Vide *Titulus*.
- Ecclesiæ dantur Cardinalibus in Titulum , ut eas suo præsidio , cura , & tutela protegant atque defendant . pag. 48.
- Ecclesiæ in quibus qualibet die infra Octavam Apostolorum ab aliquo Prælatorum Collegio habetur Cappella cum Missa Pontificali , aliqua Apostolorum memoria vel prærogativa sunt insignitæ . pag. 459.
- EDICTUM Cardinalis Urbis Vicarii denuncians peculiares Indulgencias iis concessas qui intersunt Supplicationi Litaniarum Majorum , & Minorum . pag. 83.
- Edictum aliud Jejuniorum dies , & Basilicarum Visitationem designans pro assecutione Indulgentiæ Plenariæ . pag. 188.
- Alterum cum simili plenaria Indulgentia ab iis acquirenda , qui adsint Canonizationi Sanctorum . pag. 457.
- Edi-

- EDICTUM** quo utriusque Clero Seculari & Regulari , Capitulis Patriarchalium Urbis & Collegiatis mandatur , ut Supplicationi agendæ ipso die Canonizationis intersint .
pag. 458. Aliud omnibus Urbis Ecclesiis pro Campanarum pulsu per integrum horam , in lætitiae signum ob peractam Quinque Beatorum Canonizationem .
pag. 459.
- EDICTUM** quo selectis quibusdam Confraternitatibus Laicorum injungitur Visitatio Ecclesiarum , ubi mane habita est Cappella , infra octavam SS. Apostolorum . p. 473.
- EFIGIES**. Vide *Tabula*.
- EPHIGRAPHÆ** & Elogia sub Tabulis instar numismatum intra Basilicam Vaticanam dispositis ad ornatum Canonizationis suum habent Auctorem Michaelem Angelum Giacomelli ab intimo Sacello Sanctitatis Suæ . pag. 588.
- EPISCOPI** intra centesimum ab Urbe lapidem Romanum acciti Literis Secretarii Sacr. Cong. Concilii , ut intersint Canonizationi . pag. 23.
- EPISCOPI** e remotioribus terris hac de cauſa Romam advenientes , debitæ Sacrorum Liminum Visitationi unâ satisfaciunt ; ita indulgentie Papa . pag. 24.
- Episcopi etiamſi sacris Vestibus ornati Obedientiam præstant Summo Pontifici genuflexi , ejus dexterum genu exosculantes . pag. 487.
- Episcopos Orientales Romanum appulsoſ Summi Pontificis munificentia pluribus adjuvat . pag. 150.
- Episcopi Orientales suæ Nationis & Ritus sacro induiti tegumento Supplicationibus , & Pontificiis Cappellis intersunt . pag. 485.
- Episcopi Orientales in Consistoriis semipublicis Sententiam suam patrō primū sermone , deinde latino proferunt . pag. 186. 331. 386. 415. 430. 442. &c alibi .
- Episcopi e Campania evocati equitant cum Legato Regis utriusque Siciliæ cum ad pendendum Vestigal Regio nomine in pervigilio Festi Sanctorum Apostolorum progradientur . pag. 477.
- Episcopis in Urbe præsentibus transmittit Promotor Fidei Compendia Vitæ , Virtutum , & Miraculorum , nec non Actorum in Causis Quinque Beatorum . p. 100.
- Methodum quoque ab ipsis servandam in Consistoriis semipublicis . ibid.
- Episcoporum suffragia in primo Consistorio semipublico . pag. 163. 195.
- Episcoporum suffragia in secundo Consistorio semipublico . pag. 250. 284.
- Episcoporum suffragia in tertio Consistorio semipublico . pag. 302. 338.
- Episcoporum suffragia in quarto Consistorio semipublico . pag. 357. 393.
- Episcoporum suffragia in quinto Consistorio semipublico . pag. 413. 448.
- Episcoporum quisque Sententiam suam scriptam & subscriptam tradit Magistro Ceremoniarum . pag. 100.
- Episcoporum non exiguis numerus in Supplicatione die Festo Corporis Christi . pag. 204.
- Episcopus contrahit spirituale conjugium cum Ecclesia cui præficitur , etiamsi in partibus Infidelium illa existat . pag. 51.
- Episcopus qui & Advocatus Consistorialis fit , Officium Decanatus in Advocatorum Collegio optare non potest . pag. 219.
- EQUITATIO** Præfecti Apostolicis Palatiis in pervigilio solemnitatis Corporis Christi ad circumeundas vias , per quas Supplicationis iter est & dirigitur ipso die festo . pag. 203.
- EQUITATIO** Oratoris extra Ordinem a Rege utriusque Siciliæ renunciati ut debitum Summo Pontifici præsentat Vestigal in pervigilio Festi SS. Apostolorum . p. 477.
- EQUUS ALBUS** cum certa pecunia vi solvitur pro Vestigali Regni utriusque Siciliæ in Sanctorum Apostolorum pervigilio . pag. 476.
- In festo Nativitatis Beatæ Mariæ Virginis aliquando præsentatus . pag. ibid.

Receptus in Aula Regia Vaticanana Palatii a Papa. pag. 476. Status tamen dies non servatur, nec locus; si aliter ferat conditio temporum, & Pontificis voluntas. *ibid.*

EUDOXIAE Titulus. Vide *Ecclesia*.

EXAMEN in Concursu faciendo pro Electione Lectoris ad vacantem Cathedram in Romano Archigymnasio, fieri debet coram Cardinali S. R. E. Camerario, Universitatis illius Cancellario, adstantibus collegialiter unitis Advocatis Consistorialiibus. pag. 224.

F.

FACIEI exterioris Vaticanani Templi ornatus. pag. 585.
FALDA Vestis Pontificia. pag. 483.

FAMILIARES Nobiles duos quilibet Cardinalis ex Præpositis Congregationi Sac. Rit. eligit pro portandis Oblationibus ad Missam Canonizationis. pag. 464.

Familiares ad præfatas Oblationes deferendas designati syngrapham accipiunt a Magistro Sacri Hospitii pro facilitiori ingressu in Theatrum Canonizationis. pag. 460.

FAMILIARES Pontificis appellantur in Testes a Protonotariis in Rogitu Instrumentorum. pag. 184. 275. 328. 384. 493.

FERDINANDUS Maria de Rubeis Archiepiscopus Tarsi Vicesgerens Urbis, laudatur. pag. 481.

FESTUM Corporis Christi ab Urbano IV. institutum. pag. 205.

Festi hujus ampliatus cultus. *ibid.* Vide *Supplicatio. Vesperæ*.

FESTUM SS. Apostolorum Petri & Pauli incrementum accipit a SS. D. N. pag. 454. Ad Octiduum protrahitur cum Missa Pontificali unoquoque die celebranda in designata Ecclesia, adstante uno ex Collegiis Prælatorum Romanæ Curie. pag. 465. Vide *Constitutio. Cappella. Confraternitas*.

FESTI IGNES, & faces in viis & fenestris Urbis per triduum. pag. 478.

FESTI IGNES & luminaria in Electione Regis Romanorum. pag. 23.

FISCALIS Procurator Cameræ Apostolicæ instat in Consistoriis semipublicis apud Protonotarios ut Instrumentum de iis quæ in eisdem Consistoriis facta sunt, conficiant. pag. 183. 274. 328.

Idem pro Parmensi & Placentino Ducatu interpellans protestatur in peregrinatio Festi SS. Apostolorum Petri & Pauli. pag. 476.

FISCALI Fori Capitolini intimatur ut Tympanistas & Tubicines Senatus Populique Romani mittat cum suis tubis & tympanis ad Basilicam Vaticanam primo diluculo diei festi SS. Apostolorum ad dandum signum peractæ Canonizationis clangore Tubarum, & tympanorum pulsu. pag. 460.

Committitur insuper, ut mandet quati ÆS campanum Turris Capitoline per integrum horam, postquam primò auditus fuerit Bombardarum strepitus in Complementum celebratæ Quinque Beatorum Canonizationis. pag. 460.

FIGURÆ, seu Imagines Virtutum in loculamentis Vaticanani Templi, & super Columnarum Epistylia locatae. pag. 590. 591.

FIGURÆ in Tabulis instar numismatum Canonizandorum Miracula præferentibus expressæ. pag. 588. & seq.

FLABELLA Pavonica sublata a Cubiculariis intimis hinc inde ad latera Papæ Sede gestatoria delata. pag. 486.

FORMULA qua Os clauditur, & aperitur novis Cardinalibus. pag. 49.

FORMULA, qua nunc utitur Papa in traditione Tituli novo Cardinali. pag. 48.

FORMULA, qua Procurator Generalis Cameræ & Fisci rogat Protonotarios ut Instrumenta conficiant. pag. 183. 274. 328.

FOR-

FORMULA Instantiæ pro Canonizatione ab Advocate Consistoriali factæ nomine Cardinalis Procuratoris . pag. 488. 489. 491.

FOR-

FORMULA Sententiæ a Papa prolatæ in Canonizatione Quinque Sanctorum . pag. 492.

FORMULA qua Advocatus Consistorialis nomine Cardinalis Procuratoris acceptat Sententiam Canonizationis : Summo Pontifici gratias agit : postulat literas Apostolicas : & Protonotarios præsentes roget, ut Instrumenta super his confiant. pag. 493.

FORMULA Confessionis a Cardinali cantata in die Canonizationis . pag. 494.

FORMULA generalis Absolutionis Populo imparitæ a Papa ipso Canonizationis die . pag. 494.

FORMULA promulgationis Indulgentiarum per Episcopum Cardinalem Assistentem post Hoc niliam a SS. D. N. habitam ipso Canonizationis die . pag. 508.

Formula Intimationum . Vide *Intimatio*.

FRANCISCUS Maria Phœbeus Archiepiscopus Tarsi , & Cæremoniarum Apostolicorum Præfectus eruditissima dissertatione testatur , sollemnia Canonizationis clim sine Missæ Sacrificio fuisse celebrata . pag. 495.

FUNALIA , ardentes Faces , sive Intortitia in Supplicatione Corporis Christi deferunt Obtinentes Officium vacabile , vel aliquod munus exercentes in Cancellaria , Camera , vel Pœnitentiaria Apostolica . pag. 203. & seq.

FUNALIA duodecim a totidem Officialibus Virgæ rubeæ comportanda a lateribus Baldacchini in eadem Supplicatione , Vacante Apostolica Sede . pag. 213.

FUNDATORES Ordinum Regularium in Albo Sanctorum relati enumerantur . pag. 238. 239.

FUNES sericos a superiori Vexillorum transversa hasta pendentes quatuor Regulares , de cuius Familia erat Beatus , quotidiano proprii Instituti habitu non immutato sustinebant . pag. 482.

G.

GALERUS rubrus dignitatis Cardinalitiæ Insigne aliquando extra Urbem Promotis missus . pag. 49.

GANDULPHI CASTRUM . Vide *Castrum Gandulphi*.

GRÆCA LINGUA Evangelium in Missa , Papa Sacrum operante , primùm cantabant Monachi Cryptæ Ferratae , nunc Alumni Collegii Græci . pag. 485.

GOVERNATOR URBIS Vice-Camerarius sedet ad Portam Palatii Vaticani pro Supplicationis directione in Festo Corporis Christi . pag. 204. Adstat in Cubiculo , ubi Papa Faldam accipit . pag. 482.

In Supplicatione locum obtinet prope Pontificem . pag. 485.

GOVERNATORI Conclavis , & Gubernatori Urbis committitur executio Schedulæ Motus proprii super directione Supplicationis in Festo Corporis Christi Apostolica Sede vacante . pag. 214. Locus & habitus designatur . pag. 212.

H.

HABITUS Oratoris Bononiæ , quando cum fasciis aureis . pag. 204.

HABITUS Advocati Consistorialis in Consistoriis , etiam si prælatitia dignitate insigniti , non aliud debet esse quam Advocatis Consistorialibus communis . pag. 222.

HABITUS Viatorius nigri coloris Consistorialibus Advocatis concessus . pag. 221.

HABITUS Consultorum Sac. Rit. Congr. in Supplicatione ipso Canonizationis die . pag. 482.

- HABITU** proprii Instituti, induti Regulares, Funes Vexillorum sustinent in Suppli-
catione . pag. 482.
- HABITUS** deferentium intortitia accensa ante eadem Vexilla . *ibid.*
- HABITU** instar Cubiculariorum indutus Cajetanus Atmatus ab Epistolis ad Principes ,
stans in planicie Solii respondet Instantiis super Canonizatione tum in Consistoriis
publicis ; cum ipso Canonizationis die . pag. 80. 488.
- HABITUS** Auditoris Rotæ Crucem deferentis ante Papam in Consistoriis semipublicis .
pag. 151. In Basilica Lateranensi , a Papa cum Cardinalibus visitata pro asecuratio-
ne Indulgentiæ . pag. 455. In Supplicationibus quæ cum Sacris paramentis pera-
guntur . pag. 485.
- HABITUS** Scutiferorum , & Cubiculariorum *extra Cameram* juxta nuperam Papæ
concessionem . pag. 484.
- HABITUS** quorumcumque Ordinum locum habentium in Cappella describitur . p. 484.
485. 486.
- HABITUS** juxta Nationis Ritum non immutatur ab Orientalibus Episcopis sollemni
Canonizationi præsentibus . pag. 485. Vide *Color.*
- HASTAS** Baldacchini supra Papam deferunt Referendarii per vices mutandi . pag. 485.
- HASTAS** Baldacchini in Supplicatione SS. Sacramenti , quæ fieri contigerit ipsius festo
die apud Vaticanum Apostolica Sede Vacante , portant primū Referendarii ,
tum Officiales Collegii Sancti Petri , Magistri Viarum . Officiales Collegii Sancti
Pauli , Natio Florentinorum , & Natio Senensium . pag. 213.
- HELVETII** . Vide *Milites.*
- HFRONYMUS** Cardinalis Columna . Vide *Columnenfum Familia.*
- HOMILIA** , die Natali SS. Apostolorum Petri & Pauli habita a SS. D. N. Benedicto
XIV. in Basilica Vaticana inter Missarum solennia post Canonizationem celebra-
ta . pag. 497. & seq.
- HOSPITIUM** Pauperum Invalidorum ad magnam Tyberis Ripam ab Innocentio Papa
XII. ædificatum floret arte texendi Peristromata . pag. 53.
- SACRI HOSPITII MAGISTER** Vide . *suo loco.*
- HYMNUM** *Ave maris stella* , quem præcinit Papa in Cappella Sixtina , Cantores profe-
quuntur descendendo in Vaticanam Basilicam . pag. 483. 484.
- Eundem Supplicabundo ritu incidentes cantant utriusque Cleri Cœtus , dum per
designatas vias in Vaticanam Basilicam contendunt , Canonizationis sollemniis
interfuri . pag. 478.
- HYMNUM** *Veni Creator Spiritus* ferventius orationibus insistendo præcinit Papa , ante-
quam super Canonizatione Sententiam proferret . pag. 490.
- HYMNUM** *Te Deum laudamus* inchoavit Papa , Cantores autem Musici prosequuti
sunt usque ad finem ; gratias agendo Deo Optimo Maximo , de quinque Beatis
Catalogo Sanctorum adscriptis . pag. 493.
- In Ecclesia Capuccinorum cantatur idem hymnus eo die , quo Papa Decretum edi-
dit super Canonizatione quandocumque habenda beati Fidelis a Sigmarino a. p. 5.

I.

- ICHNOGRAPHIA** Aulæ pro Congregatione Ordinaria Sacrorum Rituum coram Papa .
pag. 3.
- ICHNOGRAPHIA** Aulæ in qua æstivo tempore fit Consistorium Secretum in Quirinali
Palatio . pag. 24.
- ICHNOGRAPHIA** Aulæ Regiæ pro Consistorio publico in eodem Quirinali Palatio .
pag. 52.

ICHNO-

- ICHNOGRAPHIA Aulae Parafrenariorum loco Ducalis, ad Consistoria semipublica in Quirinali Palatio . pag. 151.
- ICHNOGRAPHIA Theatri ad Canonizationem peragendam suis numeris distincta . pag. 462.
- ICHNOGRAPHIA sive delineamentum sollemnis Equitatus Oratoris Regis utriusque Siciliae ad Vaticanum pro pendendo Vestigali . pag. 477.
- ICHNOGRAPHIA sive delineamentum ritus quo Vestigal Pontifici exhibitum sit in Aula Regia Palatii Vaticani . pag. 478.
- CETERA delineamenta ad totius Basilicæ ornatum spectantia , habentur in unum collecta ad calcem hujus Libri .
- JEJUNIORUM indictione per Papam facta in primo Consistorio semipublico . pag. 183.
- JEJUNIUM triduanum Christifidelibus indictum a Cardinali Urbis Vicario de mandato Papæ ante Canonizationem . pag. 188.
- IGNATIUS REALI Cæremoniarum Apostolicarum Præfectus , demandante Papa conficit Instrumentum super Actis in quinto Consistorio semipublico . pag. 439.
- IGNES FESTI & luminaria pro Electione Regis Romanorum . pag. 23.
- IGNES FESTI & luminaria ad triduum protracta Canonizationis causa . pag. 463. 478.
- IGNES Missiles in Arce Hadriani , S. Angelii nuncupata , quater in Anno iterantur . pag. 478.
- IMPERATOR futurus , Rex Romanorum eligitur Francofurti Franciscus I. Lotharingiæ Dux , & Hetruriæ Magnus Dux . pag. 22. Vide Rex .
- IMPERIUM Romanum brevi temporis spatio bis vacasse memoratur . pag. 15.
- INDULGENTIA Annorum triginta & totidem quadragenarum acquirenda ab iis qui intersunt Procesioni Litaniarum Majorum , vel Minorum in diebus Rogationum , vel Ecclesias visitant , ad quas iis diebus fit Statio . pag. 82.
- INDULGENTIA plenaria cum triduano jejunio , & Visitatione Ecclesiarum pro delibera- ratione Canonizationis habendæ . pag. 188.
- INDULGENTIA plenaria pro adstantibus sollemni quinque Beatorum Canonizationi . pag. 457.
- INDULGENTIA plenaria in Missa Canonizationis , sub qua Formula promulgata & a quo . pag. 108.
- INDULGENTIA Septem annorum & totidec Quadragesimarum Visitantibus quotannis sepulchra novorum Sanctorum . ibid.
- INDUMENTA Sacra Papæ eique Ministrantium ad Altare , Postulantium Canonizatio- nem ære comparata . pag. 483.
- Hæc unacum aliis donariis fuerunt a Pontifice , Canonizationis sollemniis expletis , ad suam Metropolitanam Bononiensem transmissa . pag. 53.
- INSIGNIA Gentilitia summi Pontificis infra Procestrium in exteriori Templi facie . pag. 585. in medio interioris faciei Aram principalem respicientis . pag. 586. in stylobatis ad utrumque Throni Pontificis latus . pag. 594. In stelis lapideis Fornicem Hemispherii hinc inde sustinentibus , ad totius Theatri ornatum . pag. 595.
- INSIGNIA seu Stemmata Regularium Institutorum ex quibus Beati inter Sanctos alle- gati prodierant , aspiciebantur infra Pontificium Steinma in Fronte Templi externa . pag. 585. sub unoquoque ex sexdecim loculamentis mediæ Templi navis . pag. 590.
- INSIGNE singulare Dignitatis Cardinalatus , Galerus scilicet rubrus Pontificalis mittitur a Papa Cardinali Joanni Theodoro e Ducibus Bavariæ extra Urbem . pag. 49.
- INSTANTIÆ Regum & Principum , necnon Regularium Ordinum apud Summum Pontificem pro Canonizatione . pag. 21. 65. 73. 80. 90. 98. 120. 131. 140. 149. . IN-

- INSTANTIÆ Summo Pontifici factæ a Cardinali Portocarrero ad postulandam Canonizationem Procuratore. Vide *Formula*.
- INSTANTIÆ Procuratoris Fiscalis pro rogitu Instrumentorum apud Protonotarios. Vide *Formula*.
- INSTRUCTIO Cardinalibus missa Suffragium pro Canonizatione laturis in Consistorio Secreto. pag. 24.
- INSTRUCTIONES a Cæremoniarium Præfecto editæ de iis quæ agenda essent in die Canonizationis. pag. 457. 460. 464.
- INSTRUMENTUM Protonotariorum in Causa beati Fidelis a Sigmaringa super Actis in Consistorio semipublico de ejus Canonizatione. pag. 184.
- INSTRUMENTUM aliud in Causa beati Camilli de Lellis. pag. 275.
- In Causa beati Petri Regalati. pag. 329.
- In Causa beati Josephi a Leonissa. pag. 384.
- INSTRUMENTUM Præfetti Cæremoniarium Apostolicarum, loco Protonotariorum a Consistorio semipublico absentium in Causa beatæ Catharinæ de Ricciis. p. 439.
- INSTRUMENTUM Protonotariorum super Canonizatione Quinque Sanctorum. p. 511.
- INTIMATIO de accessu Summi Pontificis ad Basilicam Lateranensem; pro Indulgentia. pag. 454.
- INTIMATIO pro accessu eadem de causa ad Vaticanam Basilicam. pag. 455.
- Item ad Ecclesiam S. Mariæ supra Minervam loco Liberianæ Basilicæ. pag. 456.
- INTIMATIO utriusque Clero Urbis pro Supplicatione in die Canonizationis. pag. 458.
- INTIMATIO omnibus Urbis Ecclesiis pro pulsatione Campanarum ad integrum horam in die Canonizationis. pag. 459.
- INTIMATIO omnibus Cardinalibus, Præsulibus, cæterisque Romanæ Curiæ Ordinibus de iis, quæ agenda essent in die Canonizationis. pag. 462.
- INTIMATIO peculiaris pro Cardinalibus Sacrorum Rituum Congregationi Præpositis. pag. 464.
- Item alia Consultoribus ejusdem Sacræ Congregationis. *ibid.*
- JOACHIMUS Cardinalis Portocarrero Procurator Canonizationis, commendatur. pag. 461.
- JOANNES Theodorus e Ducibus Bavariae Episcopus Leodiensis adlectus in Cardinallium Collegium a SS. D. N. pag. 49. Galerum rubrum Pontificalem, & Titulum S. Laurentii in Pane & Perna cum Annulo Cardinalitio absens ab Urbe recipit per Opitum Pallavicini Abbreviatorem de Parco Majori Allegatum Pontificis. pag. 49.
- JOANNES Marchio Chisius, Montorius Patritius Papæ Florerius Major. pag. 461.
- JOSEPH LIVIZZANI Protonotarius supra numerum Sanctitatis Suæ a Supplicibus Libellis commendatur. pag. 151.
- ITALIA quadrienni Bello vexata conclamat Pontifex unacum Populo ad Deum, ut fieret Pax. pag. 22.
- JUSTINIANUS Chiapponi Magister Cæremoniarium Collector Actorum Canonizationis beatorum Pii V. Andreæ Avellini, Felicis a Cantalice, & Catharinæ de Bononia. pag. 25.

L.

LÆTITIA signa in Ecclesia Capuccinorum pro Decreto Canonizationis beati Fidelis a Sigmaringa, pag. 5.

LÆTITIA signa pro Electione Regis Romanorum. pag. 23.

LÆTITIA signa in pervigilio, & die festo Sanctorum Apostolorum, auctæ ad triduum usque ob Quinque Sanctorum Canonizationem. pag. 478.

LÆ-

- L**ETITIAE signa ad intonationem hymni *Te Deum laudamus* post publicatam Canonizationis Sententiam . pag. 493.
- L**AICUS nobilior ex Adstantibus in Pontificiis Cappellis vel publicis Confistoriis syrmata utriusque vestis Sunni Pontificis sustinet , dum Papa pedes incedit . pag. 483.
- L**AICI Principes Solii , si id ferat actionis occasio , magnos Cereos deferunt accensos ante Papam . pag. 484.
- L**AICORUM Nobilium ministerio utitur Papa in Divinis , ut aquam ad lotionem manuum sibi præbeant . pag. 496. 510.
- L**AICORUM Confraternitates pomeridianis horis infra octavam Apostolorum statis suis quæque diebus ad eam Ecclesiam , ubi mane Missa Pontificalis celebrata fuit , procedunt . pag. 467. 471. 473. Vide *Confraternitas*.
- L**AMPADES ex alba cera iugiter ardent coram Sacramento in Cappella Pontificia . pag. 206.
- Illas Paulus Papa IV. ad majorem Dei cultum excogitavit . *ibid.*
- Parare , & accensas servare tenentur ejusdem Cappellæ Clerici . *ibid.* Vide *Laternæ infra*.
- L**ATERANENSIS Basilica . Vide *Basilica*.
- L**ATERNÆ quatuor cum candelis intus accensis ad quatuor Umbellæ Latera in Proces- sionibus SS. Sacramenti comportandæ ex Decreto Concilii Romani . pag. 205.
- L**ATERNIS , Lampadibus , & facibus mirificè dispositis totus in Nocte collucet Tholus Vaticani Templi , recurrente Feste die SS. Apostolorum . pag. 478.
- L**AZARUS Pallavicini . Vide *Pallavicini*.
- L**ECTORES ad vacantem Cathedram in Archigymnasio Urbis , quomodo eligendi , pag. 225. Vide *Examen*.
- S.** LEO IX. adhuc Pontissex Ecclesiam Tullensem , cui præsuerat Episcopus , retinuit in administrationem . pag. 53.
- L**EO PAPA III. triduanas *Litaniarum Supplicationes* ante Ascensionem Domini primus Romæ instituit . pag. 81.
- L**EO PAPA VIII. Triclinium in foro Lateranensi a SS. D. N. restitutum . pag. 9.
- L**LIBROS ad Animarum Curam spectantes scrutatur Papa in Sacra Visitatione Basilicæ Lateranensis . pag. 14.
- L**IBRUM supra scabellum positum ante se habent Cantores *Litanias Sanctorum* infra Actionem Canonizationis decantantes . pag. 489.
- L**IBRUM ante Papam pro intonatione hymni *Ave Maris Stella* . sustinet duobus ex Assistentibus Præfulibus adjuvantibus Cardinalis Carafa Episcopus Assistens . pag. 483. Hoc idem præstat , cum Pontifex præcinit hymnum , & Collectam de Spiritu sancto . pag. 490.
- L**IBRUM ex quo Canonizationis Sententiam Summus idem Ecclesiæ Hierarcha protulit , Senior Episcopus Assistens sustinuit . pag. 492.
- Ad hymnum *Te Deum laudamus* & Collectam de Sanctis nuper Canonizatis , Episcopus Cardinalis Assistens , ut supra . pag. 493. 494.
- L**IBERIANA seu Liberii Basilica S. Mariæ Majoris interius exteriusque renovata . SS. D. N. Papæ sumptu . pag. 202. Basilica S. Mariæ ad Præsepe etiam nuncupata . *ibid.* Pro ea substituitur Ecclesia S. Mariæ supra Minervam , pag. 188. 202. 455.
- L**IBERIANÆ BASILICÆ Capituli in Supplicationibus locus . pag. 481.
- L**IBERIANUS CANONICUS fungitur Officio Subdiaconi in Cappellis Pontificiis . pag. 484.
- L**ICNA SACRA quæ ? pag. 481. Vide *ÆS Campanum*.
- L**IGNEÆ Confignationes in Theatro Canonizationis ubi ? & quomodo distributæ de Mandato Papæ . pag. 491. 595. 596.
- L**IGNEA receptacula extra gradus Solii Pontificii pro temporariis Cardinalium opportunitatibus constructa . pag. 593.

620 I N D E X R E R U M .

LIGNEUM aliud Cubiculum ad opportunum Suæ Sanctitatis recessum . *ibid.*

LITANIAE Majores , & Minores a quo primùm institutæ . *pag. 81.*

LITANIAE Sanctorum infra Actionem Canonizationis decantatæ . *pag. 489.*

LITANIARUM Supplicationi præsentibus Indulgentia , Canonizationis causa concessa .
pag. 82.

LITERAE datae a Secretario Congregationis Interpretum Sacri Concilii Tridentini , quibus Episcopi intra centesimum ab Urbe lapidem evocantur ad Canonizationem . *pag. 23.*

LITERAE Encyclicæ Summi Pontificis , quibus statuitur applicatio Sacrificii pro Populo diebus saltem festis . *pag. 14.*

LITERAE Decretales super Canonizatione beati Fidelis a Sigmaringa . *pag. 516.*

Item beati Camilli de' Lellis . *pag. 529.*

Beati Petri Regalati . *pag. 544.*

Beati Josephi a Leonissa . *pag. 558.*

Beatæ Catharinæ de Ricciis . *pag. 570.*

LITERAE ab Electo Romanorum Rege , Imperatore futuro missæ ad Summum Pontificem & in Consistorio Secreto recitatæ . *pag. 22.*

LIVIZZANI . Vide *Joseph* .

LOCUS in Cappellis & Supplicationibus dignior eo quem prius obtinebant , constituitur a Papa Consistorialibus Advocatis . *pag. 204. 220.*

LOCUS Cardinalis Diaconi Evangelium cantaturi ab initio Actus Canonizationis .
pag. 494.

Locus Vicesgerentis Urbis cum Jusdicentibus in Tribunali Ecclesiastico & Civili Cardinalis Almæ Urbis Vicarii a principio Supplicationis . *pag. 481.* Idem in incessu , post omnes utriusque Cleri Ordines . *pag. ibid.*

Locus Advocati Consistorialis Instantias Cardinalis Procuratoris nomine apud Papam exponentis ipso Canonizationis die . *pag. 487.*

Locus Oratori Franciæ , quod munus sibi demandatum nondum palam obiret , in Contignationibus assignatus . *pag. 451. 596.*

Locus in iisdem Oratori Venetiarum attributus , cum & ipse adhuc in publica pompa Pontificem non invisiisset . *pag. ibid.*

Locus item datus Senatori Urbis : Columnensem Familiæ : Magnatibus , & Matronis ad prospicienda Canonizationis sollemnia . *pag. 451. 596.*

Capitulo Vaticano : Convictoribus Seminarii Romani : Convictoribus Collegii Clementini . Portitoribus Oblationum . *ibid.*

Sacri Hospitii Magistro Duci Guadaneoli . *pag. 451. 596.* Vide numeros in *Ichnographia Theatri* .

Locus item Consulteribus Sacrorum Rituum Congregationis : Canonizandorum Familiis , & Postulatoribus . Vide *Ichnographiam Theatri* .

LOCUM in duodenario Advocatorum Consistorialium numero habentes , ut eo gaudeare adhuc possint , statuit Constitutione edita Benedictus XIV . *pag. 217. & seq.*

Locum in ipso Collegio habentes qui sint ? *pag. 218.*

Ad vacantes locum tres nominare , ut unus a Papa seligatur , jus est ipsi Advocatorum Collegio tributum . *pag. 219.*

Loca in Theatro Canonizationis partitum Pro-Præfectus Palatii de mandato Papæ .
pag. 461.

Loca intra Theatri confinia nemini attributa absque Chirographo Magistri Sacri Hospitii . *pag. 460.*

LUDOVICUS MANFRONI Dux Peditum Generalis . *pag. 461.*

LUDOVICUS VANVITELLI . Vide *Architectus* .

LUMINARIA. Vide *Ignes Festi*.

LUTHERUS hæresiarcha realem Christi Domini præsentiam in Eucharistia impudentissime negabat. pag. 205.

Item: Vicariam Christi Personam in terris a Romano Pontifice sustineri. *ibid.*

M.

MAGISTER Sacri Hospitii Stephanus de Comitibus Dux Guadaneoli Sygraphas distribuit pro ingressu in Canonizationis Theatrum. pag. 460.

Custodias ad Theatri repagula, & loca in Theatro designat. pag. 461.

Ejus Tubicines primùm dant clangore tubarum signum peractæ Canonizationis. pag. 460-

Ab ejus nutu & imperio Custodiarum Milites pendent. pag. *ibid.*

Aquam præbet pro lotione manuum in Missa SS. D. N. Papæ. pag. 496.

MAGISTRI Ostiarii de Virga rubea Crucem Papalem custodiunt. pag. 455. 485.

Intortitia a lateribus Baldacchini deferunt accensa, si Processio Corporis Christi apud Vaticanum fieri contigerit, Vacante Apostolica Sede. pag. 213.

MAGNATES. Vide infra *Matronæ*.

MALVEZZI. Vide *Vincentius*.

MANFRONUS. Vide *Ludovicus*.

MANSIONES Principum in Quirinali quæ? & quare sic appellatæ. pag. 81.

MATRONÆ Urbanæ & Exteræ admittuntur in Contignationes ut prospicere possint Canonizationis Sollemnia, mediante Sygrapha a Præfecto Palatii accepta. pag. 461.

Excipiuntur a Nobilibus Viris de Familia Pontificis. *ibid.* Vide *Locus*.

MARCHIO Patritius. Vide *Joannes*.

Marchio Vasè Pietramelara. Vide *Tyrrbus*.

MARTYRES qui dicantur? pag. 151.

Et qui inter Martyres vindicati appellabantur. *ibid.*

Martyribus, etiamsi nullum intervenisset eorum ope signum, cultus exhibebatur. pag. 152.

In Martyrum Causis quæ Praxis hodierna? pag. 153.

MENSA. Vide *Abacus*.

METHODUS servanda a Cardinalibus & Episcopis in Consistoriis semipublicis. pag. 100.

MILITES quo modo dispositi in viis, per quas dirigenda erat Supplicatio. pag. 479.

MILITES quaternis Ordinibus distributi Basilicam Vaticanam muniunt interius. pag. 479.

Milites Helvetii ferreo Thorace, & galea induiti partim pro Custodia Summi Pontificis reservantur: partim Cancellos, ex quibus est aditus in Theatrum, tueruntur. pag. 460.

Milites Armaturæ Cataphracti, & Levis equis insidentes & in aciem dispositi consistunt in Platea ante Basilicam sancti Petri, ipso Canonizationis die. pag. *ibid.*

MIRACULA beati Fidelis a Sigmarina intercessione patrata. pag. 4. 522. 523. 588. 589.

Miracula ope beati Camilli de Lellis. pag. 10. 537. 538. 589.

Beati Petri Regalati. pag. 548. 551. 588. 589.

Beati Josephi a Leonissa. pag. 12. 563. 564. 588. 589.

Beatæ Catharinæ de Ricciis. pag. 6. 575. 578. 579. 588. 589.

Miraculorum & gratiarum copiæ præstantes cultum in terris obtinent ampliorem. pag. 2.

MISSA non semper cum Sollemniis Canonizationum celebrata. pag. 495.

Missæ aliquando in diem sequentem translata. *ibid.*

- Missam celebrat ipso Canonizationis die Benedictus XIV. pag. *ibid.*
MODESTIA in Supplicationibus *Litaniarum Majorum & Minorum* & ipso Canonizationis die servanda de speciali mandato Papæ . pag. 83. 459.
MOLARIA Laurentius Peditum Copiarum Tribunus quid pro suo munere egit in per vigilio , & ipso Canonizationis die . pag. 461.
MUNUS sibi assignatum Advocati Consistoriales exercent certo stipendio attributo . pag. 232.
Extra illud Causarum exterarum Patrocinium suscipere non possunt . *ibid.*
MUNERA . Vide *Donaria*.

N .

- N**ICOLAUS Albergato Civi & Episcopo Bononiensi cultum ab annis centum & ultra exhibitum approbat Benedictus XIV. pag. 7.
Statuam ejus in Liberiani Templi facie tanquam illius Basilicæ Archipresbyteri Cardinalis locari jubet . pag. 202.
NOMINA Religiosorum Ordinum qui primam Supplicationis aciem componebant in die Canonizationis . pag. 479.
NOMINA Monasticæ Vitæ Professorum , qui secundam . pag. 480.
Eorum Collegiorum , qui sub Cruce Cleri Secularis incedebant . *ibid.*
Collegiatarum Insignium , & Patriarchalium Basiliacarum Urbis . pag. 481.
Nominandi ad vacantem locum in Collegio Advocatorum Consistorialium tres ex Romanæ Curiæ vel alterius loci Ditionis Ecclesiasticæ Advocatis , facultatem tribuit ipsimet Collegio Benedictus Papa XIV. pag. 219.
NUMERUM Cardinalium Sixtus Papa V. præfinivit . pag. 48.
Numerum Titulorum auxit omnium primus S. Silvester Papa . pag. *ibid.*
NUMERUS Cereorum in Basilica Vaticana ardantium ipso Canonizationis die . p. 592.
NUMISMA aureum , argenteumque cum Sanctorum novellerum Imaginibus cusum . pag. 51.
Numini aurei quingenti pro Annulo Cardinalitio olim Cameræ Apostolicæ solvebantur ab hæredibus . pag. 47.
NUNCIUM de Electione Regis Romanorum Imperatoris futuri accipit Papa , & Cardinalibus communicat in Consistorio Secreto . pag. 22.

O .

- O**BEDIENTIAM exhibent Cardinales Summo Pontifici ante Consistorium publicum . pag. 54. 84.
OBDIENTIAM præter Cardinales , quando Pontifex est Sacris operatus , ei præstant ceteri qui sacris induiti vestibus locum habent in Cappella Pontificia . pag. 487.
OBLATIONES in Missa Canonizationis offerunt Papæ Cardinales Sacrae Rituum Congregationi adscripti . pag. 508. 509. 510.
Non exclusis Diaconibus qui sunt in Assistentia Papæ . pag. 508.
OBLATIONES exceptæ aliquando extra Missam . pag. 495.
OBLATIONUM portandarum Ritus & Cæmoniæ . pag. 508.
Oblationum mensæ , & pro earum Portitoribus locus in Theatro . pag. 461. Vide *Ichnographia* .
Oblationum Custos a quo destinatus . pag. 508.
Oblationum Mensæ Tobaleis albis instratae & candidis velis testæ . pag. *ibid.*

In

- In Oblationibus reportandis ad mensas Votantes, & Abbreviatores Acolythi Cappellæ deserviunt . pag. 509.
- OBLATIONIBUS receptis Papa lavat manus , & Missam prosequitur . pag. 496.
- OCURSUS trium Cardinalium ultimorum inter Presbyteros Papæ progredienti a parvo Solio ad Altare pro Sacrificio . pag. 496.
- OCTAVA SS. Apostolorum Petri & Pauli sollemniori quād ante cultu celebratur quotannis ex SS. D. N. Instituto . pag. 467.
- OCTO primarii Patres ejus Instituti ex quo fuit Beatus , superpelliceis induiti accensa deferunt Intortitia ante Vexillum . pag. 482.
- OCTO Referendarii per vices mutandi hastas Umbellæ supra Pontificem attollunt . pag. 486.
- ODEUM pro Cantoribus Musicis Cappellaniis Papæ . pag. 596.
- OFFICIA Vacabilia quæ sint , & quare sic appellata ? pag. 203.
- Officia Vacabilia obtinentes quaterai procedunt cum funalibus quadrilibribus accessis festo die Corporis Christi in Supplicatione . ibid. & pag. 210. 212.
- Officiorum Vacabilium præcedentiam in ipso eorumdem cœtu definijt Gregorius XIII. pag. 204.
- OFFICIALES de Virga ruben , Vacante Apostolica Sede , si contingat fieri Supplicatio , de more habenda in festo Corporis Christi , incedere debent a lateribus Baldacchini cum Intortitiis . pag. 210. 213.
- OLIVERIUS Vide Joannes .
- CPITIUS Pallavicini . Vide Pallavicini .
- ORATIO . Vide Collecta .
- ORATIONES Consistoriales . Vide Advocatus .
- ORATOR BONONIÆ adeit in Choro Carthusianorum , ubi Papa Decretum super cultu beati Nicolai Albergati Civis & Episcopi Bononiensis edidit . pag. 7.
- Togam Senatoriam in Sollemnioribus textili auro consutam induit ex nupero Summi Pontificis Indulto . pag. 204. 482.
- Unam ex Hastis Umbellæ supra Sacraumentum & Papam delatae in Supplicatione Corporis Christi portat . pag. 204.
- In Supplicationibus incedit cum Conservatoribus Urbis ad sinistram Prioris Capitum Regionum . pag. 485.
- Locum habet in Theatro Canonizationis . Vide Ichnographiam . pag. 462.
- ORATOR Galliarum) Vide Locus .
- ORATOR Venetiarum) Vide Locus .
- ORATOR extra Ordinem ad præsentandum Vestigal pro Regno utriusque Siciliæ debitum discedit e Palatio Farnesiorum . pag. 477.
- Summo Pontifici illud offert in Aula Regia Vaticanana Palatii & quare ? pag. 478.
- Vide Equus .
- ORATORIUM privatum in propria Domo ad Sacrificium celebrandum habent Advocati Consistoriales pro se suisque Consanguineis secum habitantibus . pag. 233.
- ORDO Supplicationis utriusque Cleri in die Canonizationis . pag. 479.
- ORDO Equitatus in peregrinatio Sollemnitatis Corporis Christi pag. 203.
- ORDO Equitatus Oratoris extra Ordinem ad pendendum Vestigal pro Regnis utriusque Siciliæ . pag. 477.
- ORDO quo e Cappella Pontificia descendit in Vaticananam Basilicam Papa cum Cardinalibus , aliisque Romanæ Curiæ cœtibus ad Canonizationem peragendam . pag. 484.
- ORDO in Oblationibus deferendis tempore Missæ in die Canonizationis . pag. 508.
- Ordo Subselliorum in Theatro Canonizationis . pag. 593.
- ORIENTALES . Vide Episcopi . Habitus .

- ORNATUS** Viarum, per quas die Festo Corporis Christi incedit Supplicatio, Cardinales Romæ commorantes suam quisque viæ partem æqualiter sibi obtinentem, ornare student. pag. 203.
- ORNATUS** Porticum Vaticani, & reliqui ambitus apparatum Apostolicarum Aedium Aulæ, ut moris est, reliquum ornatum Cameræ Apostolicæ sumptibus fieri præcipit Benedictus XIV. sua Constitutione perpetuò valitura; si forte contingat celebrari hujusmodi Processio, Apostolica Sede Vacante. pag. 210.
- ORNATUS** Aulæ ad Consistoria Semipublica habenda in Palatio Quirinali. pag. 150.
- ORNATUS** Vaticani Templi ad Canonizationis Sollempnia. pag. 585.
- Os APERIRE & Os CLAUDERE** novis Cardinalibus quid sit. pag. 25.
- Os clausum** olim Cardinales habebant usque ad secundum vel tertium Consistorium. pag. ibid.
- Os non aperiebatur** nisi auditis Cardinalium Suffragiis. ibid.
- Os modò prætermissa** Suffragiorum latione, ut plurimum novo Cardinali clauditur & aperitur in eodem Consistorio. pag. ibid.
- Os claudendi, & aperiendi formula**. pag. 48.

P.

- PALLAVICINI** Lazarus Archiepiscopus Thebarum commendatur. pag. 49.
- Cardinalatus Dignitatem** recusat. ibid.
- Laudatus a Papa coram Cardinalibus in Consistorio Secreto ibid.
- Epigraphe Monumenti ejus memoriae erexit in Ecclesia sancti Francisci de Paula ad Montes exscribitur. pag. 50.
- PALLAVICINI** Opitius Abbreviator de Parco Majori ablegatus Nuntius ad Joannem Theodorum e Ducibus Bavariæ, ei desert Galerum rubrum Pontificalem & alia Cardinalatus Insignia, pag. 49.
- PALLIUM** Pontificale petere ac postulare unicè spectat ad Consistoriales Advocatos. pag. 223.
- A Coadjutoribus non petitur nomine proprio. pag. 224.
- PANES** duo magni unus auro, alter argento illiti, & extanti cælatura gentiliis Pontificis Insignibus ornati offeruntur Papæ a Cardinalibus Presbyteris Sacrae Rituum Congregationi Præpositis. pag. 509.
- PAPA** est visibile Ecclesiæ Caput. pag. 2.
- Successor beati Petri, & Jesu Christi Vicarius. pag. ibid. & pag. 486.
- Supremus Ecclesiæ Hierarcha de Servorum Dei Beatificatione & Beatorum Canonizatione unicè decernit. ibid.
- Gregis Christi Custos. pag. 456.
- In signum Imperii utitur Regno, & in signum Pontificalis dignitatis utitur Mitra. pag. 483.
- Unicus veritatis Interpres, & Religionis Antistes. pag. 491.
- Papa Victor II. Ecclesiam Aictettensem; Nicolaus II. Florentinam, & Alexander II. Lucanam retinuere cum Pontificatu in administrationem. pag. 53.
- Papa Nicolaus V. primus inter Pontifices pedibus gradiens publicè per vias Romæ Sacraimentum detulit in die festo Corporis Christi. pag. 205.
- Papa Leo X. Ministrorum humeris subvehî cœpit in Supplicatione ejusdem diei festi. ibid.
- PAPILIONES** & æræ Campanulæ deferuntur a Basilicis Urbis, & Collegiatis Insignibus in Supplicationibus ante Crucem in signum Matricitatis. pag. 481.
- PARMENSIS ET PLACENTINUS** Ducatus. Vide Procurator.

PAROCHI Ecclesiarum Restores circumpositam collo Sacerdotalem stolam, ut a ceteris de Clero discernantur, Indulto Pontificio deferunt modò in publicis Processionibus. pag. 480.

Parochus diebus saltē festis Sacrificium offerre tenetur pro Populo. pag. 14.

PATRIARCHARUM Suffragia. Vide *Episcopi*.

PATRITIUS Marchio Joannes. Vide *Joannes*.

S. PAULUS APOSTOLUS. Vide infra *SS. Petrus, & Paulus*.

PAULUS Papa IV. Neapolitanam Ecclesiam non dimisit factus Pontifex. pag. 53.

Primus, qui ob defectas senio vires, & ad augendam mysterij majestatem, gestari sella voluit in Supplicatione Corporis Christi. pag. 206.

Decrevit, ut Vaticanam Regionem, Urbemque Leoninam, quā Supplicationis pompa circumagit, expansum latè velum obumbraret. *ibid.*

Ad divini cultus elegantiam lampades excogitavit, quæ cerā, non oleo concinnarentur, easque ardere in Pontificio Sacello voluit. *ibid.*

PAULUTIUS Cardinalis Fabritius Sacri Collegij Decanus Ecclesiam Titularem SS. Joannis, & Pauli pene a fundamentis restituit. pag. 48.

PAULUTIUS Cardinalis Camillus Consistorio Secreto primū interest. pag. 25.

Os ei clauditur; *ibid.* & aperitur in eodem Consistorio. pag. 32.

Omnium primus juxta novissimum SS. D. N. Papæ Decretum absolvitur a Vinculo Ecclesiæ in Partibus Infidelium existentis, quo tenebatur ante Promotionem. pag. 51.

Habet in Titulum Ecclesiam SS. Joannis, & Pauli ab Auunculo suo restitutam. pag. 48.

PERISTROMATA mira arte elaborata in Hospitio Pauperum Invalidorum ad Tyberis Ripam inspiciuntur appensa ad Parietem Aulæ Parafrenariorum in Quirinali Palatio. pag. 73.

Contexta hæc fuerant jussu Papæ, qui post Canonizationem illa misit Bononiam, ut iis convestirentur parietes, qui Chorum Metropolitanæ ambiunt. *ibid.*

SS. PETRUS, ET PAULUS Apostolorum Principes, sunt Almæ Urbis Romæ Patres, & veri Conditores. pag. 458.

Ostidno eorum Festum diem cum Cappella & Missa Pontificali in designatis Ecclesiis habenda sollemnius celebrari voluit Benedictus XIV. Vide *Constitutio*.

Ecclesiæ in Urbe monumento aliquo, vel ipsorum Apostolorum Reliquiis celebrieres, quæ fint? Vide *Ecclesia*.

S. Petri ænea Statua in Basilica Vaticana, quomodo ornata in die Canonizationis. pag. 478. 591.

S. PIJ V. lapideum simulacrum præter alia quædam super faciem Liberiani Templi statuitur. pag. 202.

Ejus Canonizationem Clemens Papa XI. celebravit. pag. 25.

PLUVIALIS usum habent Advocati Consistoriales in die Coronationis Romani Pontificis, & in die, qua novus Pontifex Basilicæ Lateranensis possessionem adit pag. 221.

Pluviale tamen induunt transversum, ita ut pars aperta Pluvialis remaneat super humerum dextrum; & supra Pluviale circa collum deferunt Capputum de more. *ibid.*

PLUVIALI, Mitra, & Amictu utuntur in Cappellis Pontificiis Patriarchæ, Archiepiscopi, Episcopi, & Abbates Generales Ordinum locum habentes in eis. pag. 463. 485.

PONTIFICES Summi, qui Ecclesiæ quibus ante Pontificatum præfuerant Episcopi, retinuere tanquam Administratores. pag. 53.

PONTIFICES Romani quo ritu Sacramentum deferunt in die festo Corporis Christi. pag. 205. 206.

A PON-

- A PONTIFICIBUS Romanis Vicariam Christi Personam in terris sustineri negabat Lutherus pag. 205.
- POPULI concursus ad Ecclesias , ubi propositum erat publicæ venerationi SS. Sacramentum , pro Indulgentia . pag. 455.
- POPULORUM finitimus ex Oppidis , & Nobilium Advenarum adventus in Urbem pro Canonizatione pag. 461.
- PORULUS ROMANUS magno hominum comitatu visitat Basileam Lateranensem , in qua Capita SS. Apostolorum Petri & Pauli coluntur , redeunte octavo die festi eorumdem Apostolorum . pag. 467.
- PORITORES Oblationum pedem Papæ osculantur . pag. 509.
- Locum habent in Theatro Canonizationis prope ipsarum Oblationum mensas . pag. 462. 593.
- POSTULATA Regum , & Principum ad Papam pro Canonizatione . pag. 21.
- POSTULATOES simul convenient ad deliberandum de sumptibus in apparatum Canonizationis faciendis . pag. 22.
- POSTULATORIBUS significat Papa , ne parcant sumptui , ut apparatus splendore , & magnificentia antecelleret præteritas Canonizationes . pag. 21.
- POSTULATORIBUS , quæ proximæ erant Pontificio Solio , contignationes traduntur , ita mandante Papa . pag. 596.
- PRÆCEDENTIAM Officiorum Vacabilium intra ipsum eorumdem cœtum definit Gre- gorius XIII. pag. 204.
- PRÆCEDENTIAM inter Signaturæ Justitiæ & Gratiaæ Votantes habet , qui prior fuerit in alterutrum Tribunal adlectus . pag. 466. Vide Decretum . Locus .
- PRÆCO in pervigilio , & ipso Festo die SS. Apostolorum citat coram Papa , dum pro- greditur in Cappellam , eos omnes qui annuum pendere vestigal tenentur . pag. 476. 482.
- PRÆFECTUS Palatii Apostolici in pervigilio Festi Corporis Christi equitando inspicit apparatum viarum , per quas die postero mane transitura erat Supplicatio . p. 203.
- Sedet apud Portam Palatii , ut Supplicationem dirigat . pag. 204.
- PRÆFECTUS CUBICULO Papæ locum habuit in Consistoriis semipublicis . pag. 151.
- PRÆFECTUS EQUILII Apostolico jussu Pontificis mittit Rhedam Episcopis Orientali- bus Romæ existentibus , ut Consistoriis , aliisque publicis Actionibus interesse possint . pag. 150.
- PRÆLATORUM Ordines locum in Conventibus publicis habentium recensentur . p. 482.
- PRÆLATORUM frequentia ad Supplicationem in die festo Corporis Christi . pag. 204.
- PRÆLATUS si simul fuerit Advocatus Consistorialis , officium Decanatus non obtinebit . Vide Advocatus . Decanatus .
- PRESBYTER Cardinalis antiquior Acerram porrigit Pontifici , ut is thus injiciat in Thuribulum . pag. 483.
- PRESBYTERI antiquioris vices supplet Cardinalis Burghesius in Aula Sacrarii ipso Canonizationis die . ibid.
- PRESBYTERIUM recipit Papa a Cardinali Archipresbytero , & Canonicis Basilicæ Va- ticanæ Sacrario Praefectis . pag. 515.
- Presbyterium erogat Pontifex in Clericos , novum scilicet numisma cum novorum quinque Sanctorum Imaginibus . ibid.
- PRINCIPES Solij Comestabilis Columna Consistoriis publicis adstat . pag. 52. 53. 81.
- PRINCIPUM Instantiæ pro Canonizatione . Vide Instantiæ Postulata .
- PRINCIPUM Mansiones in Quirinali quæ sint ? & quare sic appellare . pag. 81.
- PRIOR Diaconorum Cardinalium utitur Baculo in signum jurisdictionis , cum ad Por- tam Palatii sedet pro Supplicationis direktione . pag. 204. Vide Diaconus Cardi- nalis . PRO-

- PROCESSIO in die S. Marci ob coortam tempestatem prætermittitur . pag. 83.
- PROCESSIONI LITANIERUM majorum , & minorum qui intersunt , iis Indulgentiam concedit Papa . Vide *Indulgencia* .
- PROCESSIONIS in festo Corporis Christi Institutio noa sine superno Dei afflatu . p. 205.
- PROCESSIONIS hujusmodi ritus apud Vaticanum . pag. 204.
- PROCESSIONIS ordo ad comportanda quinque Canonizandorum Vexilla in Basilicam Vaticanam ipso Canonizationis die . pag. 479. & seq.
- PROCURATOR Canonizationis , ut plurimum eligitur Nepos Summi Pontificis , p. 461. Vide *Cardinalis Portocarrero* .
- PROCURATOR Fiscalis Cameræ Apostolicæ instat apud Protonotarios in Consistoriis semipublicis ut Instrumenta conficiant de Actis in eisdem . pag. 183. 274. 329.
- PROCURATOR Fiscalis Cameræ in pervigilio Festi SS. Apostolorum Petri , & Pauli protestatur pro Parmensi , & Placentino Ducatu , Papa ab Aula Paramentorum ad Cappellam progrediente pro Vesperis . pag. 475.
- PROMOTOR Fidei ex Advocatorum Consistorialium Collegio feligi debet in posterum . pag. 231.
- Promotoris Fidei munus se obtinuisse in Minoribus testatur Papa . pag. *ibid.*
 - Promotoris Fidei , & Advocati Fisci munera olim conjunctim gesta , ut in posterum separatim conferantur , statuit Benedictus XIV . pag. 231. 232.
- PROMOTUS ad Cardinalatum etiamsi Episcopus fuerit , Annulum deponere debet , donec alterum novæ dignitati debitum accipiat . pag. 47.
- Vide *Annulum* . *Insignia* . *Titulus* .
- PRO-REGES Neapolitani Roma transeuntes Neapolim hospitantur in ædibus Pontificiis . pag. 81.
- PROTESTATIO Vide supra *Procurator* .
- PROTODIACONUS . Vide *Prior Diaconorum* . *Diaconus Cardinalis* .
- PROTONOTARIJ Apostolici Consistorio semipublico præsentes rogantur , ut Tabulas publicas conficiant de iis , quæ acta in eo sunt . Vide *Instrumentum* . *Instauratio* . *Procurator* .
- Protonotariorum Decanis , cum ii monentur ut Tabulas conficiant , Collegii nomine respondet *Conficiemus* . pag. 184. 275. & alibi .
- Protonotariorum absentium a Consistorio vices supplet Cæremoniarum Præfetus , in acta referendo quod in quinto Consistorio semipublico factum fuit pro Canonizatione beatæ Catharinæ de Ricciis . pag. 439.
- Protonotariorum Collegium sex tantummodo Personas idoneas ad Lauream Doctoratus in singulis annis promovere potest . pag. 227.
- In Protonotariorum scauno sedet ex speciali Pontificis gratia Theodorus Buccapadulius . Vide *Buccapadulum* .
- PYRRHUS Marchio Vasè Pietramelara Pontificio Equili Præfetus commendatur . pag. 150.

R

- R** EDITUS Summi Pontificis in Urbem e Gandulphi Castro . pag. 149.
- REFERENDARIJ utriusque Signaturæ Umbellam deferunt in die Canonizationis supra Papam Rocchetto , & superpelliceo induiti . pag. 485.
- Canonizationis Solemnis intersunt . pag. 463. 484.
- Inter Referendarios locum obtinent ii Canonici trium Patriarchalium , qui munus Presbyteri Assistentis , Diaconi , vel Subdiaconi obeunt in Cappella Pontifica . pag. 484.

- REFERENDARII Baldacchini portant supra Sacramentum in Processione Corporis Christi . pag. 204.
- Unde , & quanto loci spatio id obire munus teneantur , si Sedes Apostolica vacet , indicatur . pag. 213.
- REGINA. Vide Svecorum Regina .
- RECVNI utriusque Siciliae Vestigal . Vide Orator. Rex . Vestigal .
- REGNUM Pontificium Tiara est . pag. 483. Eo utitur Papa in signum Imperii . ibid. Vide Tiara .
- RELATIO de Causis Canonizandorum , quæ esse solet Cardinalis Congregationis Sac. Rit. Praefecti vel antiquioris in eadem Sac. Congregatione , fit a Papa in Consistorio secreto . pag. 24.
- RELIQUIÆ beati Fidelis a Sigismaringa publicæ venerationi propositæ in Ara Principe Templi Capuccinorum , dum Pontifex in ea Sacrificium offert . pag. 3. & 4.
- RELIQUIAS Sanctorum in peggiate intra Templum Lateranense asservatas propius inspicit Papa , veneratur , exosculaturque in Sacra Visitatione illius Basilicæ . pag. 8.
- REPAGULA , & Cancelli ad custodiam Theatri Canonizationis . pag. 460.
- Vide Ichnographiam Theatri .
- RERUM parandarum pro Canonizatione curam inter se partiti sunt Postulatores in peculiari conventu . pag. 22.
- RESPONSA Cajetani Amati Epistolarum ad Principes a Secretis , ad Instantias Advocatorum Consistorialium in Consistorio publico . pag. 80. 98.
- RESPONSA ad Instantias in die Canonizationis . pag. 488. 490. 491.
- REVERENTIA quæ Papæ fit a Cardinalibus in Consistorio publico . pag. 54. 84.
- Quo modo , & a quibus præsita in die Canonizationis . pag. 487.
- REX Magnæ Brittaniæ Jacobus III. præsens , Canonizationis Sollemnia sua pietate ornat . pag. 462.
- Suggeritus eniunens , & consueto amplior Ei , & Regio Filio Duci Eboracensi comparatur . ibid.
- RECIS Romanorum Electionem significat Papa Cardinalibus in Consistorio secreto . pag. 22.
- Litteras ab eo acceptas recitari præcipit a Cajetano Amato Brevium Apostolicorum ad Principes a Secretis . ibid.
- Cappellam in gratiarum Actionem cum Sollemni Missa habendam indicit . ibid.
- Luminaria ob id biduo , & alia lætitiae signa . pag. 23.
- Cardinales rubro colore etsi Adventus tempore , tota die utuntur . pag. 23.
- REGIS utriusque Siciliae Caroli Sebastiani Borbonii Hispaniarum Infantis Adventus in Urbem memoratur . pag. 476.
- Vestigal ejus nomine oblatum pro Regno utriusque Siciliae . ibid.
- REGUM & Principum preces pro Beatorum Canonizatione . pag. 21.

S.

- SACELLUM Columnensium in Lateranensi Basilica selectum a Papa , ut pro Defunctorum Animabus absolutionem faceret in Actu sacræ Visitationis . pag. 7. & 8.
- SACELLUM Corsinum in eadem Basilica visitat Papa , & dignis laudibus extollit . p. 8.
- SACRA Olea , rectene asservarentur inspicit Papa in Basilica Lateranensi . pag. 8.
- SACRAMENTUM Eucharisticum in sua Custodia servatum , in Lateranensi Basilica tempore Visitationis inspicit Papa . pag. 8.
- SACRAMENTUM Eucharisticum publicæ venerationi expositum pro quadraginta horarum oratione in designatis Urbis Ecclesiis quotidie invitit Pontifex : raro pietatis exemplo . pag. 15.

Sa-

- SACRAMENTUM in Archipresbyterali Templo Castris Gandulphi ad publicas preces habendas pro imminentि Canonizatione iusii Pontificis ibi commorantis, triduo exponitur . pag. 99.
- SACRAMENTUM a se consecutum in festo die Corporis Christi desert Pontifex per stata Processionis loca in Basilicam Vaticanam. pag. 203.
- SACRAMENTUM in ipsius Festo publicè per vias pedibus gradiens primus Romæ detulit Nicolaus. V. pag. 205.
- SACRAMENTUM Ministrorum humeris subvecti, atque in sublimi sella compositi deferunt Romani Pontifices & quare? *ibid.*
- SACRAMENTUM in die festo Corporis Christi , si contingat hujusmodi sollemnitas Apostolica Sede Vacante , deferetur in Supplicatione apud Vaticanum de more celebranda a Patriarcha sive Archiepiscopo , vel Episcopo quem Cardinales tunc in quolibet Ordine Piores , & S. R. E. Camerarius triduo ante designaverint . pag. 209.
- SACRAMENTUM in Patriarchalibus Basilicis Urbis juxta morem antiquitùs traditum publicæ venerationi exponitur , antequam a Summo Pontifice ultima super Canonizandis proseratur Sententia . pag. 188. 200.
- SACRAMENTUM Augustissimum triduo publicæ venerationi propositum hac de causa in Lateranensi Basilica visitat Papa cum Cardinalibus . pag. 454.
- Idem exequitur in Via Sacrae Sancti Petri Basilica. pag. 455.
- Et in Ecclesia S. Mariae supra Minervam Liberianæ Basilicæ substituta . *ibid.*
- SACRAMENTUM Venerabile publicæ venerationi expositum in Basilica Vaticana ipso Canonizationis die Papa de sellari descendens visitat , & erat ante illud cum Cardinalibus ceterisque Ecclesiasticis Ordinibus , priuquam Canonizationis Theatrum petat. pag. 487,
- SACRA VASA ad Ministerium. Vide *Vasa*.
- SACRIFICIUM Deo offert Papa antequam Decreta super Canonizatione Beatorum publicari permittat . pag. 4. 5. 6. 11. 16.
- SANCTORUM Canonizatorum nomina post latam a Papa de eorum sanctitate Sententiam primus omnium invocat Cardinalis Diaconus a dextris Pontificis Assistens, pag. 493.
- SANCTORUM novellorum nomina addita in Confessione a Cardinali, ut ajunt Evangelij, cantantur . pag. 494.
- Et a Papa in absolutione generali supra Populum . *ibid.*
- SARCOPHAGUS ex porphyrite translatus e Pantheon pro Custodia Cadaveris Clementis Papæ XII. in Saceium Corsinum apud Lateranum . pag. 8.
- SCHEDULÆ . Vide *Formula*.
- SCHOLA Cantorum Cappellancrum Pontificis quem occupet locum in Procesione . pag. 484.
- Ab eo qui est a SECRETIS Brevium Epistolarum ad Principes, Literæ Regis Romanorum Imperatoris futuri ad Summum Pontificem transmissæ , jussu Sanctitatis Suæ leguntur coram Cardinalibus in Consistorio secreto . pag. 22.
- Instantiis Advocatorum Consistorialium super Canonizatione in Consistoriis publicis responsum datur nomine Papæ . pag. 80. 98.
- Advocatus Consistoriali instante pro Cardinali ad postulandam Canonizationem Procuratore tertio respondetur Pontificis nomine inter Canonizationis Actum . pag. 488. 490. 491.
- Cappæ ruorâ instar Cubiculariorum ipse semper induitus assilit . pag. 80. 488.
- Qui est a SECRETIS Congregationis Interpretum Sacri Concilij Tridentini evocat in Urbem iusii Pontificis Episcopos iacta catesinum lapideum commorantes , ut

- Consilio grave Canonizationis negotium juvarent suo , ejusque maiestatem augerent præsentia . pag. 23.
- SEDES APOSTOLICA** . Vide *Vacatio* .
- SELLA GESTATORIA** , seu
- SELLARI** defertur Papa in Consistoria publica . pag. 53. 84.
- In Vaticanam Basilicam **SELLA** quoque in sublimi delatus descendit ipso Canonizationis die. pag. 486.
- In **SELLA** quoque compositus exiit ad primas Vesperas SS. Apostolorum Petri & Pauli canendas in Sacello Sixtino Palatii Vaticani . pag. 476.
- SELLA** vestus dum post Vespertas rediret in Paramentorum Aulam , Vestigal sibi & Apostolicæ Sedi debitum pro Regno utriusque Siciliæ accepit ab Oratore extra ordinem Regis nomine oblatum. pag. 478.
- SENATOR URBIS** primam Baldacchini hastam sustinet in Supplicatione die festo Corporis Christi , Sacramentum deferente Papa . pag. 204.
- SENATOR** , Conscripti , & Centuriati e-Romano Populo post meridiem visitant Basilicam Lateranensem veueraturi Sanctorum Apostolorum Capita in die Festi eorum Octava . pag. 467. 471.
- SENATOR** locum habet in Contignationibus Theatri . pag. 461. Vide *Ichnographiam SENTENTIA* Canonizationis . pag. 492.
- SEPULCHRA** Sanctorum Canonizatorum Visitantibus die ipsorum Natali Indulgentiam septem Annorum quotannis concedit Papa . pag. 508.
- Vide *Indulgencia*.
- SEPULCHRUM** Clementis XII. Prædecessoris sui visitat Pontifex , & ejus animæ adprecatur pacem . pag. 8.
- SEPULCHRUM** Romanis Pontificibus non alibi , quæm in Basilica Vaticana per primum eumque solidum ab obitu annum constituitur . *ibid.*
- SIXTUS** Papa V. certum Cardinalium numerum constituit pag. 48.
- SOLUTIO** a Vinculo Ecclesiæ , si fortè ante promotionem novus Cardinalis eo tenebatur , exprimenda modò est , in assignatione , quæ ipsi fiet a Papa Tituli , seu Diaconiae . pag. 51
- SOLIUM** parvum Pontificium ad Horam Tertiam Canonicam cantandam ; & ad preces præparatorias pro Missa a Papa legendas . pag. 495. 592.
- SOLIUM** Pontificium , quo in loco eretum intra Canonizationis Theatrum . pag. 593.
- SOLIUM** Romani Pontificis est beati Petri Cathedra . pag. 487.
- STATUA** ÆNEA S. Petri in Basilica Vaticana . pag. 478. 591.
- STATUÆ** Canonizatorum albo nigroque colore subobscure pictæ quibus in loculamentis inferioribus mediae Navis Basilicæ collocatae . pag. 590. 591.
- STATUÆ** Fundatorum alicujus Instituti Regularis e lunensi marmore in inferioribus loculamentis in medio Navis Vaticani Templi . pag. 590.
- STATUIS** quatuor sanctorum Pontificum , & duorum Archipresbyterorum Cardinalium Basilicæ Liberianæ nova Templi facies ornatur . pag. 202.
- SUBDIACONI** munus in Cappellis Pontificiis Canonicus Liberianæ Basilicæ exercet . pag. 484.
- SUEDIACONUS** Apostolicus Auditor Rotæ ministrat Papæ Sacris operanti . pag. 485.
- Vide *Auditores Rotæ. Crux. Habitus* .
- SUBSELLIORUM** triplex ordo in Theatro Canonizationis . pag. 593.
- SUBSELLIORUM** & areæ ornatus in Theatro . pag. *ibid.*
- SVECORUM** Regina Christina Alexandra adfuit sub Clemente IX. Canonizationis Sollemniis sublimi in Thalamo . pag. 495.
- SUFFRAGIUM** , qua methodo tulerunt Cardinales in Consistoriis semipublicis pro quinque Beatorum Canonizatione . pag. 100.
- SUF-

SUFFRAGIUM scriptum & subscriptum, ut in Tabulario Congregationis Sacrorum Rituum servari posset, singuli a Consistorio exeuntes tradidere Magistris Cærimoniarum. pag. 101.

SUFFRAGIUM proprium Absentes etiam a Consistorio mittunt Secretario Congregationis Sac. Rituum. pag. 189. Vide *Cardinalium Suffragia. Episcopi. Orientales.*

SUPERPELICEUM induunt supra Rocchettum Referendarii in die Canonizationis. p. 484. SUPPLICATIO Litaniarum Majorum ab Ecclesia S. Marci ad Basilicam Vaticanam omissa ob coortam tempestatem. pag. 83.

SUPPLICATIO in die Festo Corporis Christi peracta a Papa paucis narratur. pag. 203.

SUPPLICATIO utriusque Cleri ipso Festo die Corporis Christi, si contingat vacare Sedem, apud Vaticanum peragi debet ex more. pag. 207.
Vide *Sacramentum. Papa.*

SYNCRAPHAS pro ingressu in Theatrum Canonizationis singulis distribuit Magister Sacri Hôspitij. pag. 460. Vide *Præfetus Palatii. Magister Sacri Hôspitii.*

T.

T ABERNACULUM cum Hostia imponitur Thalamo, super quo provolutus in genua innixusque Scabello bajulatur Papa in Processione diei Festi Corporis Christi. Vide *Thalamus.*

TABULÆ æneo colore Canonizandorum Miracula repræsentantes in Basiliçæ Vaticanæ ornata. pag. 588. 589. 590.

TABULÆ Virtutum instar Signorum in loculamentis superioribus Templi, vel super columnarum epistylia dispositæ. pag. 590. 591.

TABULA ceteris grandior cum quinque Beatorum Imaginibus ad vivum expressis in Templi facie appensa. pag. 585.

TANARIO Sebastiano Cardinali Sacri Collegii Decano Elogium marmore sculptum in Templo beatæ Mariæ de Victoria transcribitur. pag. 50.

TEMPESTAS repente coorta impedit in die sancti Marci Supplicationem generalem utriusque Cleri. pag. 83.

TEMPLI VATICANI, & Tholi superextans Corona interior, nunc primùm peragendæ Canonizationis causa serico villoso rubro universa vestitur. pag. 587. Vide *Ornatus*

TESSERÆ SCUTARIE. Vide *Insignia.*

THALAMO incumbentes & genuflexi circumgellantur hodie Romani Pontifices in Supplicatione Corporis Christi. pag. 206.

THALAMUS ad propiciendam Canonizationis celebritatem in Theatro pro Svecorum Regina olim comparatus. pag. 495.

THEATRI Canonizationis in Vaticana Basilica erekta a pparatu desribitur. pag. 592. & seq.

Theatri Ichnographia suis dispertita numeris. pag. 462.

Theatri Custodia Magistro Sacri Hôspitii Guadaneoli Duci committitur. pag. 460.

Theatri loca partitur de mandato Papæ Cardinalis Pro-Præfetus Apostolico Palatio. pag. 461.

THEODORUS. Vide *Euccapadulus.*

THESAURARIUS Cameræ Apostolicæ Ioannes Baptista Mesmer, & Auditor Generalis ejusdem Cameræ Flavius Chisius, quem obtinent locum in Supplicatione. p. 486. & in Theatro Canonizationis. pag. 593.

TIARA Pontificis triplici corona componitur. pag. 483.

Communius dicitur Regnum, & eā utitur Papa in signum Imperij. ibid.

- Thiaras, & Mitras gemmis margaritisque pretiosissimis ornatas Cappellani communes & intimi deferunt in Supplicatione . pag. 484.
- T**HOLUS Templi Vaticani multis lampadibus & facibus totus collucet sub noctem in pervaigilio , & festo die SS. Apostolorum . pag. 478. Hujus Ichnographia . ibid.
- T**HORACE ferreo & galea induiti milites Helvetii Pontificem tuentur , & Cancellos ex quibus est aditus in Theatrum , custodiunt . pag. 460. 486.
- T**HRONI Pontificii apparatus . pag. 593. Moles . pag. 595.
- Throni Pontificii latus utrumque solida Religionis & Iustitiae Simulacra exornabant. pag. 594. Vide *Solium* .
- T**HYMIAMATERIUM ante Crucem Acolythus Apostolicus motat. pag. 485.
- T**INTINNABULUM pulsat ultimus Diaconorum Cardinalium in Consistorio secreto , ut Cæremoniarios accersat . pag. 47. Vide *Æs campanum* . *Diaconus Cardinalis* .
- T**ITULUS idem ac *Memoria seu Ecclesia* . pag. 47. & 48.
- Dicitur a Crucis signo , quod primò erigitur in loco , quem Deo dicare intendimus. *ibid*.
- Titularum ante Sixti V. tempora numerus varius & incertus . *ibid*.
- T**ITULUS differt a Diaconia. *ibid*. & non assignatur nisi Presbyteris Cardinalibus . pag. 48.
- Quo ritu Titulum committat Papa Cardinali præsenti in Consistorio . pag. 47.
- Aliquando assignatus absensibus & peregre commorantibus . pag. 49.
- Quando Cardinali committitur Titulus , si fortè alicui Ecclesiæ præsuerit Antistes , solvendus est a Vinculo illius Ecclesiæ etsi in partibus Infidelium existentis . pag. 51.
- Vide *Annulus* . *Diaconia* . *Insignia* .
- T**ORMENTA BELLICA Majora , & minora , transgrediente Legato extra ordinem ad solvendum Vestigal misso per Pontem in Regionem Burgi displosa in Arce S. Angeli . pag. 477.
- In die Canonizationis ad initium hymni *Te Deum* exonerantur similiter ab ipsa Adriani Mole , & a Libratoribus Militum Helvetiorum in Area Vaticana . p. 460. 493.
- T**RIA Joannes Andreas Archiepiscopus Tyri Notis illustravit Platum de Cardinalis dignitate . pag. 49.
- T**RICLINIUM Leonis III. restitutum . pag. 9.
- T**RICONUM Deificæ Trinitatis symbolum . pag. 585.
- T**UBICINES Magistri Sacri Hosptii primum dant signum Tubarum clangore peractæ Canonizationis . pag. 460.
- Locus eorum in Basiliæ est prope beati Petri Æneum Simulacrum . *ibid*.
- T**YMPANOTRIÆ & Tubicines Senatus Populique Romani prope majus Templi ostium consistunt , daturi & ipsi Signum perfectæ Canonizationis . pag. 460.

V.

- V**ACABILIA Officia quæ sînt , & quare ita nuncupentur ? pag. 203.
- Vacabilia Officia obtinentes intersunt Processioni apud Vaticanum in die Corporis Christi cum Intortitiis . pag. 204.
- Etiamsi contigerit Vacatio Apostolicæ Sedis . pag. 210. 212.
- De Virga rubea qui nuncupantur , quando inserviant extra Cappellam Pontificiam . pag. 455.
- Processioni & ipsi cum intortitiis interesse debent , & a lateribus Baldacchini incedere ; si occurrat Sollemnitas Corporis Christi Vacante Sede . pag. 213.

- VACABILIJM Officiorum inter se præcedentia . pag. 204.
- VACAT Sedes Apostolica ad sex menses . pag. 2. 15. Vide *Constitutio*.
- VACAT iterum Romanum Imperium in brevi temporis intervallo . pag. 15.
- VACATIONE Cathedræ in Romano Archigymnasio occurrente . Vide *Examen*.
- VACANTE loco in Advocatorum Consistorialium Collegio ; quid ipsi Collegio tribuantur ? pag. 218. Vide *Advocatus*.
- VASA SACRA. Vide *Abacus*. *Sacra Vasa*.
- VASE PIETRAMELARA. Vide *Pyrrhus*. *Præfetus Equili*.
- VATICANA BASILICA omnibus præfertur gloria , & Dignitate . pag. 17.
- In Vaticana Basilica formales Servorum Dei Beatificationes habendas esse decrevit Alexander PP. VII. pag. 17. & seq.
- Canonizationes extra illam in posterum non celebrandas , edita Constitutione statuit Benedictus XIV. pag. 18, & seq.
- Unica apud illam ut deinceps celebretur Processio, alia Constitutione decernit SS. D. N. , si Corporis Christi Festum inciderit , vacante Apostolica Sede . pag. 206. & seq.
- Vaticana Basilica publicæ venerationi Sacramentum triduò proponit ob futuram Canonizationem pag. 189. 455.
- Est omnium Ecclesiarum caput , speculum & exemplar . pag. 585.
- Fuit a Magno Constantino ædificata *ibid*.
- Nihil ea magnificentius , nihil elegantius aut inveniri aut excogitari potest . pag. *ibid*.
- VECTIGAL pro Regnis utriusque Siciliæ debitum penditur in pervigilio SS. Apostolorum . pag. 476.
- Vel quandocumque , & ubicumque Summo Pontifici placuerit . pag. 476.
- VECTIGALIUM solutioni obnoxii citantur a Præcone coram Papa . pag. 476.
- Contra non solventes protestatur Fiscalis Cameræ . *ibid*.
- VESPERÆ in pervigilio Festi Corporis Christi celebratæ in Sacello Palatii Quirinalis . pag. 202.
- VESPERÆ in pervigilio SS. Apostolorum non in Vaticana Basilica , sed in Sacello Sistino Palatii celebrantur , & quare ? pag. 476.
- VESTES SACRÆ in Canonizationis Sollemniis adhibendæ Postulantum Canonizacionem pecuniâ comparantur . pag. 483.
- VEXILLA adscribendorum Catalogo Sanctorum supplici ritu delata in Basilicam Vaticanam pag. 482.
- Appensa in Procestris sub Tholo Vaticani Templi . pag. 595.
- VEXILLUM Beati Fidelis elevatur ultra supercilium Solii Pontificii inter lucidas nubes . pag. 594.
- VEXILLORUM hastæ a quibus delatæ . Vide . *Confraternitas*. *Hasta*.
- VEXILLORUM Funes . Vide *Funes*.
- VIÆ per quas circumagit Procescio in die Corporis Christi , aulæis & Stromatibus ornantur . pag. 203.
- A Præfecto Palatii Apostolici unacum aliis equitante lustrantur pomeridianis horis præcedentis diei . *ibid*.
- Cardinalium Romæ commorantium expensis ornantur . pag. 203.
- Vacante Apostolica Sede , Cameræ sumptu . pag. 210.
- VIAS easdem quis primùm expansis Velis jusserit inumbrari ? pag. 206.
- VIAS solito longiores , per quas Supplicatio dirigenda erat in die Canonizationis , tegi curarunt Postulatores velis ex Cannabe extensis , ne solaribus radiis essent per viæ . pag. 479.

- Vias easdem sepiunt milites hinc inde in duas oblongas lineas divisi . *ibid.*
- VICE-CAMERARIUS** . Vide *Gubernator Urbis* .
- VICESGERENS** Urbis , quo loco & comitatu sedeat pro dirigenda utriusque Cleri Supplicatione . pag. 481. Vide *Ferdinandus Maria de Rubeis* .
- VINCENTIUS MALVEZZI** Protonotariorum participantium Collegio adjunctus , Apostolico Cubiculo Præfectus commendatur . pag. 151.
- Locum obtinet in Consistoriis semipublicis , ex speciali Summi Pontificis gratia . *ibid.*
- VIRGA RUEA** . Vide *Officiales . Vacabilia Officia* .
- VISITATIO** Sacra Basilicæ Lateranensis . Vide . **BENEDICTUS XIV.** *Basilica . Custodia . Sacramentum* .
- VITA , VIRTUTES , & BEATORUM CANONIZANDORUM MIRACULA** . Vide *Compendium . Miracula* .
- UMBELLA** . Vide *Baldacchino . Hæfa* .

Z.

ZANI Pauli Pincernæ Summi Pontificis munus in die Canonizationis . pag. 482
 ZOPHORI inter utrasque Throni Pontificii Coronas procurrentis Epigraphæ , & Ornatus . pag. 594.

F I N I S.

EXCUDEBANT ROMAE
NICOLAUS ET MARCUS PALEARINI
ACADEMIAE CONIMBRICENSESIS
BIBLIOPOLAE ET TYPOGRAPHI ROMANI
AD THEATRUM POMPEII
ANNO CIC. ID. CC. XLIX. MENSE JULII
SEDENTE
BENEDICTO XIV. PONT. OPT. MAX.
PONTIFICATUS EJUS
ANNO IX.





